

四庫全書存目叢書編纂委員會編

齊魯書社


四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第二二一冊



責任編輯：孫言誠 賀 偉

ISBN 7-5333-0615-5



EB46/07

四庫全書存目叢書·集部二二一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 48.125 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第二二一冊目次

集部·別集類

畫壁遺稿三卷

〔清〕范承謨撰
中山大學圖書館上海圖書館藏清康熙刻本

..... 一

見山樓詩集一卷文集一卷

〔清〕楊素蘊撰
南京圖書館藏清康熙二十七年刻本

..... 三八

堪齋詩存八卷

〔清〕顧大申撰
南京圖書館藏清雍正七年顧思孝刻本

..... 一三七

學源堂文集十九卷詩集十卷

〔清〕郭棻撰
北京圖書館藏清康熙刻本

..... 二一六

畫壁遺稿三卷

〔清〕范承謨撰

中山大學圖書館上海圖書館藏清康熙刻本

附《四庫全書總目·畫筆遺稿

一卷》提要

御製序文

朕惟帝王教化首重
名節所以維繫人心
扶樹綱紀也古人臣
以身事主守土膺疆
或遇蝥賊潛生豺狼
勃起則捐軀矢志取
義成仁而其激烈慷

慨之氣間發為文辭
雖質直無華後世論
錄終有不可泯滅者
以其出於忠義之誠

二

本乎性情之正也福
建總督范承謨名臣
之子授節閩海方值
逆豎盜兵偏隅煽焰

壽略未展橫罹幽繫
閱三寒暑貞操彌堅
故其皜然不滓之志
縈紆鬱屈無所攄露

三

乃以墻壁為書牋以
桴薪為筆墨題分甲
乙字辨衡從日月既
深篇章漸積名曰畫

壁記實也卒能終始
不撓歸於正命若承
謨者可謂冒白刃而
不疑守丹心而自信

四

者矣夫以茹荼含檠
之餘每念不忘君父
故詩文不必盡合於
古之作者而浩然之

氣流行充溢當其骨
填聲咽髮植風生土
塊灰丸同於利劍禿
豪斷梗等比霜矛寫

五

忠孝之性靈奪奸凶
之殘魄是又豈刻雕
藻績塗飾虛浮者之
所能及乎自三逆殄

滅寰宇謚寧卹典頻
加恩綸屢降固已延
賞後昆光賁泉壤矣
茲特允其子時崇所

六

請復為序其存稿蓋
善善欲長春秋之義
弁章特錫數出非常
庶幾追妥忠魂亦以

風厲臣節焉

康熙五十七年十月

朔日

左春坊左庶子兼翰林院侍讀臣王圖炳恭書

七

畫壁遺稿卷之一

原任福建總督加贈太子少保兵部尚書諡忠貞臣范承謨著

自序

承謨 蓬頭垢面繫頸攀手塗

萬壽聖節者三康熙丙辰三月十八日肅誠向
闕拜舞深愧忝生

聖世不克振拔淪爲誤

國庸臣辱親敗子乘未灰餘燼志梗概于壁
俾後之見者知謨不肖不才所遭不幸也

畫壁遺稿 卷之一 自序

謨 生而庸弱承先太傅督訓嚴切兼有

成立辛卯春

世祖章皇帝以勲舊子選充侍衛復以年方幼
稚免入直扈從令在家讀書大慶賀入班
行禮是年

詔八旗滿漢子弟有文學者與漢人一體鄉會

試因得登賢書明年壬辰成進士選庶吉

士甲午解館授侍讀學士謨病懶性成常

經月不至翰館而陞轉之階反越常次鳴

呼

先皇帝之恩何以報稱耶迨

先皇帝龍馭上賓謨浮沉班末年餘循資陞學

士時伯兄充浙東援勦總兵官先太傅左

右侍養無人謨復以多病恐曠廢職業力

求解任辭至再始得請歷三載

廷議撤援勦諸路兵馬伯兄歸京師丙午孟

秋望日閨族集東臯習射飲酒諸幼年子

弟輩賦詩屬對是日先太傅顧而樂之因

畫壁遺稿 卷之一 自序

謂謨 兄弟曰吾家世受

國恩爾等乘年力富強宜速補官爲

國家効力中外勿以予老爲念申諭再三不

意謨 兄弟罪業深重先太傅于是年八月

初二日棄不孝輩長逝服闋補秘書院學

士先是先太傅在日今

皇帝初御極一日謨與同官進

內請

寶

上詢曰爾誰氏子爾父何官今在否年幾何

諫 悉具先太傅始末以對

上喜曰爾若子耶如此者數四後值

朝賀期先太傅入賀

上指問左右而不名但曰此非某官乎日稱說

祖宗朝往事甚詳左右皆驚爲異數

諫 解任後

代者同衆入

內

上問曰此爲誰范

承謨

何久不見閣臣奏曰

承

畫壁遺稿

卷之一

自序

三

謨 病解任矣此其代者

上曰果病耶劇耶病愈尚起用耶對曰病須調

治一痊卽補

上頷之者再先太傅聞

宸注如此感激深因追憶昔年

太宗

世祖舊恩輒向北流涕不止故亟圖報稱之語

時加訓督次年

上親御萬幾

謨

與同輩日侍

左右至冬巡撫浙江缺人

廷推及

謨

上色喜諭曰浙江東南要地國計民生悉委爾

矣可善爲之

謨 受

命惶悚自顧駑鈍膺茲繁要晝夜拮据寢食不

遑而德薄才微政多闕誤以致上千天和

早潦頻仍虫疫疊降幸

聖天子愛民如保二三年間凡請蠲請賑改折

免徵之疏雖部議格不行

畫壁遺稿

卷之一

自序

四

上必駁令再議或徑

批如所請行嗚呼不才如

謨

何幸有此遭遇

也久之事益繁食日減舊疴新疾交攻孱

體不得已以病告

上憫念微勞准馳驛回京調理時將軍總督提

鎮巡鹽御史暨在京科道官下至兵民商

賈具疏叩

閣挽留者日相繼始猶

軫恤病臣未卽報允後乃

允稟臣請復留浙年餘謨力疾視事不敢少懈

會閩齊需人時謨以他過錫級例不准列

名

上特簡往任壬子十二月二十五日接邸報是

日忽感氣逆之症攻衝五內猝病陡險雖

極力調治時減時發遂力辭

新命未蒙

俞允因請

陛見欲面陳病狀

畫壁遺稿 卷之一 自序

上憐而允之入都即賜

召對首詢江浙生民疾苦暨經由諸處情形

謨悉條奏無隱次即

俯問病勢何似獎勞備至

親遣御醫就舍診視賜秘府之方頒尚方之

藥旬無虛日未幾以薦舉人才一案致

吏議具奏待罪伏蒙

恩命仍念遠赴新任謨感激

主知不加斥遂任用彌篤尚安敢辭海疆之險

惜庭羸之體偷衽席之安也

陛辭日

上曰閩海氛未靖地方困苦已極爲天下第一

繁劇要地卿廉能素著亦爲天下最故特

倚任仍賜

御衣帽

上廐良馬鞍轡迥異常數復

命近侍就

廷前宣

畫壁遺稿 卷之一 自序

諭曰此朕時刻所御之服解以衣爾如見朕也

次日入謝

賜宴畢面辭就道間關萬里堂上牽衣許

國以身不遑將母而戀戀

君親之心從此與道路俱長矣行至山東界宿

羊留店相傳爲折臂三公故里其夜

賜驥忽殂謨歎息良久知馳驅天末終無功

也及踰浙抵仙霞關一望層巒疊嶂瘴霧

迷漫險灘怪石奔流急瀉道路崎嶇甚于

蜀道履任後諏訪情勢檢閱冊籍不覺失聲大呼曰閩疆之敗壞一至此耶大計軍政所以勸懲文武此省豈無廉能循吏知勇干城而使之淪落一官淹蹇萬狀廉吏勇將之心不堪問矣黜幽糾慝么麼充數而貪酷悍婪日惟苞苴是營安享富貴是執柄者與敗檢者之心不堪問矣學校考取人才干請鬻賄而寒窗之彥百無一聞是奇才異能之心不堪問矣沿海苦兵火

畫壁遺稿

卷之一 自序

七

者二十餘年有司加耗重徵敲骨吸髓而蠲免之寔惠不沾蠹役之魚肉彌甚是父老子弟之心不堪問矣兵卒荷戈守山戍海負嵎則有虎豹窺伺則有鯨鯢藉其死力以爭此土而糧餉欠至半年庫銀缺額百餘萬呼庚呼癸之兵心更不堪問矣嗚呼海天半壁危如一綫雖智若良平勇如賁舍亦難展足措手而況逆藩之禍心蘊釀已久哉癸丑冬部臣入境奉

旨藩下左右兩鎮歸地方官管轄與撫臣劉

秉政提臣王進功密議欲量撥一二營分防他處更勿迫其行庶不至人心驚惶進功始應之而中撓焉必圖盡遣以孤其勢謨復密謂之曰此非孤其勢也適迫渙散之軍心驅之附彼也失計非小須稍緩二三月候浙江協餉至補給舊欠月餉再預發兩三月銀米安家然後令彼前往則途次庶無騷擾戍所庶無他虞急之恐倉卒

畫壁遺稿

卷之一 自序

八

生變進功雖意折仍私自調遣屢催赴戍及擇期報明發餉起伍無何果人心洶洶矣俄而滇逆蠢動風聞煽惑訛言沸興精忠借口操練兵馬整頓器械從前撥防之形迹催行之舉動豈不徒滋疑貳乎身為邊疆大帥久歷戎行而不察時勢不揆入心事未至則剛悻偏執事一至則倉皇失措度亦可哀也已至撫軍為全省大吏責任非輕會議之時略無可否竟若置身局外

者不更可嗤耶謨不幸不得同心協力公忠爲國之察察而罹于禍宜也然亦不因時勢艱蹙輒敢廢弛政事而不急急收拾人心以爲補苴計也故自蒞任來條奏諸疏請速展界者安民也請撥現在協餉者安兵也請將綠旗官兵裁去原額補足者實營伍也請免緝投誠逃弁許投到宥罪安插本處者清山陬海瀝也題補城守副將用沿海勞弁者敘功苦而邀不次令之感激報効也報巡歷邊海一帶形勢啟行日期者爲欲置身外郡以便調禦防範也再如頒刊示而准採捕者活溝瘠也就弭盜而聯保甲者儲鄉勇也寬林簡修而招吳成者一安投誠一散島衆也延林燧董生等因時相機者撫海逆也天或假以時日獲奉俞旨諸事就緒俟滇鋒一挫閩勢自孤而逆謀自戢天乎天乎何竟使謨爲誤

國庸臣辱親敗子乎當逆居喪臥病時每親至弔慰乘間輒諷喻以大義冀感動其心謨客籍永仁竊慮之常相告曰古人云神龍見尾不見首公其慎之舊弁王天祐等亦跪進曰連日之會輕蹈不測左右多戒心公獨談笑自若竊窺撫提二公中懷叵測不可與語謨俱應之曰誠然余非昧于此也然以孤危之身處艱難之際當疑忌之秋唯示之以誠使小人無能乘其隙稍以緩彼之謀圖濟我事至于死生禍福誠不暇計且余非不知徒死無益但時勢如此百無一備同城共處舉動牽制上下左右皆彼腹心雖日日閉門築壘其能免耶皆歎息而退督標兵馬向稱精銳聞自李公去世漸次頽靡及謨來點閱狼狽不堪名其實亡閩安鎮爲閩省門戶履任三月餘未遑巡視後見羣情稍定欲量帶數十名兵弁往視形勢而營將方以帳房什物

弓箭器械朽壞未整為辭逆卽隨遣官來
言曰邇日民心稍安訛言少息恐公遠出
又復動搖少頃撫軍亦來力阻且為相約
曰某在此久頗能得秘密有所聞卽來
告共圖報効

朝廷斷不敢悞乃公事譏曰閩安之行不過
一視海口非久期長往既諸公止予不行
亦可靖藩祖孫父子叔姪弟兄世受

天家非常寵遇量無他志若公忠孝自矢肯以

畫壁遺稿

卷之一

自序

士

朝廷之心為心

社稷蒼生之福也語竟心輒鬱鬱退而不能
釋復一客進曰公既不得看海何不因滇
寇震楚以設備鄰封為辭潛出省會扼據
上流亦一策也譏曰計過矣楚于閩相去
遼濶間隔西江風馬牛不相及毋論輕舉
貽笑且啟釁端禍不可解不見閩安朱果
之行乎所攜兵弁為數有限尚以諸件未
備為辭今往據上流誰與為徒錢糧軍伍

城池人心一無可恃今卽不量多寡盜爾
前往或據延平或據建寧誓死以圖一濟
但彼逆念雖久逆形未著倘或疑我據地
欲陰圖之激變軍心訛符京師風說者糾
彈于前按罪者苛繩于後既冒輕心失守
之名兼招激變殞滅之禍身名俱喪耻莫
甚焉譏不為也三月十五日甲寅天初明
逆遣員詣署跪請曰王守制數月未親軍
務今海艘遊蕩乘滇南多故萌窺伺心訛

畫壁遺稿

卷之一

自序

士

言愈興衆情愈惑今新奉固守地方

勅命不敢以私心廢公事願與諸公會商為
護內防外之策因喪服未釋不便就教敬
遣下負促駕未幾撫軍來約同往詢以所
商何事近有何消息但支飾他語雖心竊
疑之乃故怛然共轡以示無懼是日愁雲
漫漫冷霧漠漠太陽慘淡無光色入逆鄰
中覺廊廡殺氣不可以目譏知既陷虎口
勢無退理挺身而前賊衆兵刃環臨重加

東縛時一二狼卒有誤持劉臂者逆黨罵
九玉急叱曰不干巡撫事秉政但俛首無
言面頰慚赭而已逡巡間卽揮之去伊惶
恐斜趨而出嗚呼痛哉君親倫理滅絕盡
已謨噴血切齒醜言痛詆欲激怒以速吾
死庶幾上酬

主德下報親恩乃大罵一日夜求死不得又欲
不食死逆每羅列飲食謨揮斥之舌敝唇
裂齧肉俱腐罵至第八日氣雖漸微聲雖

畫壁遺稿 卷之一 自序

古

漸細聞者猶狼藉塞耳瞋目怒視然又恐
謨自死環守不解謨身層層縲紲肢體拘
攣不能動作惟一息尚存罵聲不已不意
延至第九日十日而精神頓復氣之微者
漸壯聲之細者漸宏側耳其傍者不以爲
恨而反以爲奇嗚呼痛哉謨當死于刀
鋸鼎鑊而不當死于餓哉謨豈罪深業重
不能爲

朝廷時疆土以致震驚

堂陸毒禍生靈當死于

國法哉當此時神魂恍惚常見

先皇帝儼然臨于其上先太傅儼然臨于其傍
卽遠而

太宗皇帝先高祖大司馬謨幼所未經身事者

亦親承音容笑貌於夢寐之間慈誨慇懃

嘉言慰諭豈謨思念所聚結而爲形哉抑

天錫神聖默恤謨之堅貞憔悴哉約計七百餘

日之中著舊日夜帽時歷寒暑從未更換

畫壁遺稿 卷之一 自序

古

蟣虱蚊蠅恣其攢噬蓬垢疾病任其纏綿
粥食半盂便可終日防守者見謨刺刺覓
死百折不回感動於中多方慰解且爲謨
言從前罹難時署中賓客親友及家人輩
俱一時被執凌逼勘訊桎梏窘辱艱難慘
切之狀幸皆忠義自勵視死如歸不爲稍
挫而二三婦女婢僕之類又能從容盡義
夫婦子女相繼投綬嗚呼痛哉閩之文武
大僚平日建高牙擁大纛亦云極一時之

赫奕矣而望塵稽顙蒙面圖官保妻子而

活軀命者如雲屯霧匝獨謨賓客戚友身

未邀一命之榮口未占升斗之祿感謨區

區之意尚能念

君父重名節以身殉孤臣卽健兒奔走之徒巾

幘滅獲之細皆知寸心不二臨難不移聞

者得無稍愧乎謨以識闇計疎致罹禍患

雖萬死其何恤焉居重垣迥壁中罵未已

繼之以詩文左右不敢具筆硯乃燒桴存

畫壁遺稿卷之一自序

五

煤畫字牆上其譏刺太毒者左右旋卽塗

去前後僅存若干篇竝爲文以序大略俾

見者知不肖不才所遭不幸得死不易云

瀋陽范承謨炭筆識壁

畫壁遺稿卷之一終

畫壁遺稿卷之二

原任福建總督加贈太子少保兵部尚書諡忠貞臣范承謨著

絕粒罵賊滴水不入口者十日昏寐之

中一縷血痕竟爲左右竊斷痛絕

珍重衝冠髮幾根此心不共此頭髮一絲

未了忠魂在且向星前禮

至尊

偶成

女蘿附喬木願言修世好豈意忽參商所

畫壁遺稿卷之二畫壁詩

一

趣不同道人生掣電光誰能終其老金石

物化常浮雲焉可寶

秋夜大愁留山韻粘永仁字留山

北風涼我牖蟋蟀遶牀鳴病影隨衣瘦煩

愁向衾生思親雙白髮報

國愧虛名默對三更月勞勞萬古情

雨夜哀敝袍

白晝爲裘夜作衾更聞半幅藉羸身並頭

茁茁殘紅粉隔浪鴛鴦泣血津夢學老萊

歸倦蝶行同季路結寒鴉高堂兩袖牽衣
淚風雨搖燈點點真

兩霽卽事

遙辭瀛海展洪圖何意俄成鱗甲孤戶暗
織蛛腸屈曲墉穿牙鼠夢模糊片窗百孔
風聲碎斗室千光燈影殊最是雨餘床似
洗月搖寒浪浴冰壺

至日

憶昔日南亞歲時趨陪鵷鷺拜

畫壁遺稿

卷之二 畫壁詩

二

楓螭到今雪窟孤臣淚

上苑誰傳雁帛知

除夜

一片丹衷歷雪霜歲華不信有滄桑東風
此夜仍舒凍佇待春回旭日長

元日

遙瞻

壯闕申華祝獨誦南薰憶舜琴弱骨倩人扶
拜舞不禁揮淚五雲深

月下松濤

玉繩橫素月歷落列星疎清光照瘦影脈
脈一燈孤我來實不造禍亂肇湏臾軍飢
民累重陬澁悉萑苻嘔心廢寢食中夜起
長吁移藩復坐鎮再給統兵符

廟算思弭患叛孽逞逆謀嗟嗟兜鍪子誰爲
忠義夫倒呈生殺柄反面媚妖狐俊傑識
時志妻孥富貴軀豈無桑土計予口亦卒
瘡柰隋稠棘中隻手難爲圖惟將身謝

畫壁遺稿

卷之二

畫壁詩

三

國安忍惜頭顱雖非齊壯士頗多慷慨徒健
兒隨烈友視死若歸途回首雲際松矯矯
龍勢殊凌寒凝翠色霜雪剝鱗膚形枯神
氣勁悲風動海隅泰交陽候屆雷雨躍天
衢逆巢摧尺木孽種染錕鋸鯨鯢生獻
廟脅從莫勝誅瘡痍勤

矜赦淨洗血腥污

聞署中同時被難諸人語言慷慨鬚髯
蒼然感賦

從來聚首馳南北中道分張隋海隅一載
天涯隔咫尺百人心日照湏臾凌霜氣節
鬚眉見似鐵肝腸談笑殊魑魅幾能潛白
晝

尚方連夜響銀鋸

覽鏡中白髮

水月精神冰玉姿鏡中不肯愧鬚眉半生
寤寐嚴三畏廿載馳驅厪四知直破皮囊
無一物空餘蓬髻挂霜絲首陽分淺常山

畫壁遺稿

卷之二

畫壁詩

四

億默對清光影更癡

燈前梅影

味色聲香絕點痕飛來一段蟄龍根暗鬆
雪蘂生春意靜放清芬破凍魂遙望嶺頭
雲共白回思閣裏玉同溫冰姿鐵幹真孤
調肯並桃蹊與杏村

紀夢

有小序

冬夜夢回月照孤影飄隨鬼趣比復
聞大兄收逆滇中老母膝下惟諸幼

弟稚子殊不禁天各一涯之痛

一夜召還京千軍列羽旌慰勞荷

聖眷操縱欽文明朝退歸私第良逢會弟兄樂
奏霓裳舞觴飛金玉橫直前不相認爭來
問姓名道罷各悽愴悲定意猶驚幾日違
顏色大異昔時榮老親憐髣髴稚子識音
聲戚友如堵立悲喜手交擎環詢亂離事
欲語心忪忪腸斷聞殘漏彷彿訴未成魂
回忽萬里雞唱正三更霜威涼浸骨痛覺
畫壁遺稿

卷之二

畫壁詩

五

恨餘生攬衣出戶望酸風裂目晴遙睇銀
河月潢池氛氣清捷音應絡繹

宵肝蚤怡情寒渚棲蘆雁含貞抱影鳴茹荼
天色慘終憐副請纓一鼓摩雲翼攫茲經
與鯨佇歌旦復旦卿雲四表平

元日望

闕

春回兩髻復霜侵愁病翩跹次第尋冷雪
三年如一日傾葵百面結同心遙依北斗

隨陽雁何日南薰侍舜琴拜舞但能長叩
首模糊淚眼白雲深

立春

暮鐘哀角總難聽曉起扶筇數落星昨夜
雪消霜便薄燒痕放出一山青

絕影詞

何處春光秋更深碧山遙對是知音仰看
明月低看影宛轉隨人惱我心

又

畫壁遺稿 卷之二 畫壁詩

六

東君枉自費哦吟一任鄰家花落深祇恨
影癡難共語轉羞明月臥窗陰

控雁詞

三年日夜望樓船四壁牢騷裊暮烟寒雁
若憐蘇屬國血痕淡灑染晴天

瓶蘭

天生幽異姿雨露山中靜時發空谷香豈
解悅人性寧作當門鋤那堪柏汙境魚虫
徒爾爲形萎芳氣勁

抱犢吟贈嵇畱山

陟彼惠山巔俯瞰融寒玉一掬滌古今煩
熱何能觸中有抱犢人意靜明如練匡濟
蘊珠璣微言飛雪霰我雖世講誼心交方
未久義在萬緣輕生死遙相守兒女曉夜
號椿萱驚日暮嗟此骨肉情天高難共訴
茹荼傷雋英繁霜華墨髻仰盼雙鴻鵠輕
陰逝甚迅

清明

畫壁遺稿 卷之二 畫壁詩

十

春暮鵲聲那忍聞桐華柳眼任紛紜傷心
獨憶先人壟悵望天涯是白雲

夢僕

重重萬堵幾能違網紀聲沉影亦稀若輩
想應心念我夢中常見喜依依

初度六憶

一憶

帝闕

國恩世澤萃孤忠生我之初便有終短袖不

堪瞻碧闕破襟尚可受清風武侯心事身
猶在文正家聲樂已窮黍谷吹竽知律轉
萬年

天子日長中

二憶慈闈

愁魂斷續不成愁況復殘更催曉籌持印
提戈空嘖嘖宿鳩集鳳總休休庸才悞
國千秋恨垂白貽親萬里憂此際料應慈力
倦呼兒名字血凝眸

畫壁遺稿

卷之二 畫壁詩

八

三憶伯兄

從來兄弟自怡怡因憶當年困約時蚤夜
攜持如保母春秋訓誨儼嚴師粵山松柏
存孤榦滇水橈槍照大旗生死不同同許
國幾番慟哭鵲鷓鴣詩

四憶諸弟

翩翩雁序聚朝昏玉立亭亭閤闔門三載
在原頻入夢一身無翼有誰援天涯抱恨
吾膚髮膝下承歡爾弟昆不必向南空祭

莫望多好語慰慈萱

五憶兩姪兩兒振孫繩孫道儀道鳳
君親念重實難支又復惺惺及幼癡儀鳳可能
騰翮羽振繩尚欲衍螽斯好尊伯叔如生
父善養公婆卽孝兒莫恃嬌憨任意慣輕
題閨事惱霜眉

六憶諸同難

寂寞孤臣天際留夢魂猶自記春秋傷心
雁字飛紅淚壓壁霜華染白頭各爲

畫壁遺稿

卷之二 畫壁詩

九

一人輕世難同貽百歲老親憂俟來雷雨風雲
合痛定依依話舊愁

寄祝嵇畱山四十初度仍和前韻

心灰形槁學無爲春鳥喧迎初度期口吐
白虹騰噫氣額消綠繭解愁眉看花浪捲
魚龍億笑絮泥沾燕雀悲天地有情償舊
約從容借箸事還宜

其二

來世情深寐不忘捨身割肉亦尋常浮雲

富貴春冰薄如雪心肝鐵柱強違此毒氛

逃嶺嶠存些正氣補穹蒼畱山筆佐螺山

舌承謨祖坐螺山何用魚腸始快腸

其三

麟閣重開待若圖扁舟且艤漫歸湖靜看
霖雨蘇焦涸飽聽天風被朽枯博浪一椎
情愈憤錦囊三矢志難孤荒烟漸斂桑榆
茂水月含輝朗暮途

其四

畫壁遺稿 卷之二 畫壁詩 十

滄海塵凝桑滿田誰期仙侶復迤邐舍生
斥孽渾前日誓死食荼整二年浴日莫辭
閩浪濶瞻雲已度越山邊躍淵待洗煩憂
盡連袂

天衢謝夙緣

其五

佳夢頻頻遂苦情翱翔雲路一身輕綱常
幸爾還天地事業從新擁甲兵霹靂影中
嵐氣靜笑談聲裏海雲平携筐共採天台

藥不管人間記姓名

其六

抱膝曾歌梁甫吟春松徒費曉霜侵文章
瀚海光風遠節義從龍傑負深清白鼎鐘
貽後嗣烟霞筇笠慰初心峰頭共話無生
訣笑領麻姑喚淺斟

憶業師

髫歲從師學鉅儒置懷口授互伊吾故容
忽入連宵夢猶囑綱常爾善扶

畫壁遺稿 卷之二 畫壁詩 十一

病中懷郭快菴有敘

連日吐血斗餘偶循牆散步忽見牆
外絳桃甚茂不禁目駭心驚因憶快
菴太史晉中寄懷詩內有只因白髮
動離思及不使雙瞳到楚詞之句每
懸之壁間不忍數讀今予見此花輒
作數日惡始知潦到愁人雖日在武
陵洞口正不減汨羅江上也
故入的的寄離思怕使雙瞳到楚詞壁隱

龍蛇驚雁影墨浮珠玉起秋思廿年譜未
差前哲萬里心悲誦舊詩奈我至今情更
異雙瞳又怕到桃枝

懷表兄李長白御史

幼同筆硯長同朝珥筆彤廷事

舜堯補袞拾遺無廢缺誰期遲暮遇狂獠

夢多總憲

通宵靜對繪民艱痛擬來朝慰

聖顏却被隣鷄啼破夢霜風冷月掛梁間

畫壁遺稿 卷之二 畫壁詩 主

懷諸同學

究罷岐黃浥酒卮月搖弓影兩催詩呦呦

野鹿驚虞獵半走岡陵半網羈

食荔枝感懷

硃砂團裹水晶球脆軟香甘第一流前後

剝吞幾半百飛塵難寄淚空浮

故恩

少年愚鈍任天真父執時承獎掖頻今日

顛危思舊德力持一柱報鄉人

犴狴聲

八月十五日夜捫炭桴書獄壁因以

寄調

一線簷光蟾兔暈一片秋聲砧杵韻今宵
處處理征衣瓊樓玉宇寒難問 破紙疎

櫺風直進素蛾無奈窺霜鬢短髮蕭蕭悲

正長白不緇兮堅不磷

勾畱吟

此鄰砧驚夢憶舊之作也詞內藏署

畫壁遺稿 卷之二 畫壁詩 主

中同時被難諸人里族字諱

春月溶溶向夜深松濤砧韻漏沉沉蘭亭

少長頻來夢踏泛勾留指碧岑碧岑高矗

雲盤曲四野青濛星陸續手拂瓊霄袖落

霞目低銀漢迴衡玉玉衡遙指鳳凰城望

美人兮心忤忤瘦骨雖無縮地術冰心尚

信自天成仰天欲語心轉苦懷抱縱橫天

尺五奕葉貂蟬著國華官將姓字污家譜

倦眼迷離望莆田酸風如箭射眸穿三年

畫壁遺稿

卷之二 畫壁詩

古

破榻悲誰語幾堵頽垣痛各天各天同難
天應祐紫電青霜烏巷胄將軍親執繡雕
旗躍馬直前真盪寇一戰成功抱犢間朝
來泛水暮留山那知多少東陵興都付西
風殘照間董賈文章虫唧唧窮通貴賤禪
中蟲誰御長風汗漫遊我欲從之萬事畢
恍忽天際今來我真人駕玉麟今飾寶琛
建朱旂兮耀金廷邀王喬兮酒數斟舞袁
公兮撫珍琴韶武迭奏兮開余素心何以
處此寂寞兮聞太古之元音繼而坐子芝
山之巔雙松之下啓口微吟曰海日升兮
東方明卿雲爛兮泰階平仙霞開兮役五
丁山魃馘海鯢烹何爲悽愴憔悴兮日勞
勞而自戕其生君不見畫角鳴兮鼓聲起
爲我慇懃慰諸子義仁忠勇萬人魁永壽
芳名紀青史余乃爽然而驚肅然而迎三
星在戶四顧一藥情耿耿砧聲清

武彝曲 有敘

畫壁遺稿

卷之二 畫壁詩

五

不見筆硯者幾三年矣病臥中偶成
武彝一曲贈武彝子也思欲寫出一
觀武彝子伺守者團食牕外乃閉戶
垂幕徐出寸管滴汁于片石間恍然
如覩故人嗚呼痛哉拭目展紙之際
臂酸索重頭眩心搖因是數作數止
半掩半舒揮淚奮毫者移時方竟孤
臣血淚義俠高風于此可以畧見耳
且予自罹難以來眼前所有一切非
舊獨獲署內
御曆一冊朝夕捧對每逢
君親吉旦以至朔望諱辰預自濯體齋心
肅于五夜強起著我衣裳倩人扶掖
荷械北向拜祝遙殫愚忱並效蘇子
卿坐臥不離漢節之意倘子業緣已
畢塗血有日遂我報稱
列聖隆眷更望密檢其曆同此數點殘淚
合而貯之俟逆氛掃蕩持以示我兄

弟子侄俾今見我心跡手書悉我堅
志苦衷感佩雲誼當與河山並永紅
螺寺巨辯行者殍賦贈武彝山人時
大清康熙十五年二月初五日也

吁嗟戲淮陰未遇兮漂母哀螺山落魄兮
武彝開漂母一飯兮情生俄頃武彝三歲
兮凝結成疇自是有心知順逆非因瀕死
起寒灰三月十五鷄啼晨轅門甲士往來
頻氣色非常人共駭城頭雷礮崩蒼雲蒼

畫壁遺稿

卷之二

畫壁詩

六

雲未散撾鼙鼓天吳欲沸刑天舞直憑談
笑折狂鋒刀戟如林何足覩刀比霜兮戟
作林兩廊殺氣遏飛禽

君恩臣節當今日后土皇天鑒此心此心久許
主人死誰解全軀保妻子可憐相向大中丞俛
首無言但爾爾一身九鎖聲郎當鬼火空
房淡日黃百計勸餐羅糞土踢翻几案蝶
飛揚吁嗟戲我凜如霜兮人呼鐵面我衷
如火兮人自難見世受

國恩兮父子兄弟敢忘報稱兮骨剝血濺既

隋鬼隅兮言返吾真咫尺首陽兮幸與爲
鄰常山舌利兮鯨鯢膽碎吐氣如虹兮斷
齒截齧左右難堪兮怒色加環睛按劍語
聲譁十日肉枯神愈健咆哮怒者亦興嗟
武彝武彝古人風慨吟包胥賦孤忠秦庭
七日能完楚君更餘三將無同君何不忍
湏臾死未必天心遽如此懷光希烈真奇
兇終湏斬賊獻天子君不見公孫杵臼告

畫壁遺稿

卷之二

畫壁詩

七

程嬰成事稱難死事輕無論鴻毛與泰岱
漢節終歸蘇子卿我聞此語轉增苦我何
人斯比蘇武暫吸滴水效吞氈可能煉石
將天補垢面蓬頭欹復獻滿前異類總狂
且生何爲兮死有恨朔望踉蹌拜

帝書多君慷慨心如揭吾亦披肝飲君血炎荒
毒日渴喉焚涼我燕山片片雪冬月悲風
透骨寒殷殷雅意續還熱一曲長歌筆未
終啾啾四壁虫聲咽嗚呼誰爲瀋陽之裔

今子暨諸孫觀此片紙隻字兮須知爲死
血將盡之流痕當思何以處此兮慰我生
前未了之幽恨吁嗟戲滿目冉冉兮八千
里外之遊魂若使悠悠復泛泛辜負親恩
與

國恩

子寫武夷曲旣竟不覺慨然于中也久
不親筆硯乍逢故物悲從中來兼拘攣
之餘隄防之際遂致闕漏姓氏誠恐朝

畫壁遺稿

卷之二

畫壁詩

六

野之間兄弟子姪輩不知妖氛逆焰中
尚有懷忠抱義任俠者沉埋其間而能
物色孤臣周旋患難于兩載之久使持
此以報

朝廷則爲鞠躬殫節之人具此膽畧以任
疆場之事則亦干城禦侮之選也子家
兄弟子姪倘能效古大臣以人事君之
義則子雖橫尸巷陌亦將含笑九原矣
武彝子何姓許名鼎閩之泰寧人也行

者殍何辱親敗子悞

國庸臣范承謨也

嵇畱山寄觀騷註參證詩以紀之

屈子沉抑千載無人知其在世出世
一片濟人熱腸不意際此顛隕之秋

困頓英哲俾獲著述傳世流播無窮

畱山可爲三閭知已上帝功臣矣

懷沙匿竒跡忠彰道未揚抑鬱千載間蘭
蕙隱華芳值茲顛覆初哲人罹危彊冥會

畫壁遺稿

卷之二

畫壁詩

七

著遠遊汨羅忽翱翔浩浩水無垠莽莽雲
俱蒼應知素心入掩涕不可將

月下有感

心隨雲泛逐飛帆玉露搏紅透短衫海鶴
憐癡時一吸鴟禽避冷穩三絨芝蘭蹂躪
填荒壑蕭艾扶疎倚斷巖騏驎久虛千里
夢霜搖孤月下松杉

夜望南山松石口占

巍我萬丈巖孤松發寒翠洞門雲日封微

茅霜月漬首陽兩朽骨間氣乃所寄孔子
稱爲仁尚父服其義嗟此千載下憶之心
意醉余豈待生還得死良非易仰泣問蒼
穹區區何以遂身雖百折磨莫奪匹夫志

兩年來日則旋繞房中不啻拽磨之衛
夜則潑刺牀上渾如吞鈎之魚凡諸
霧蒸雨煮雪漬風吹之慘驚魂斷魄
無不備嘗茲值嚴冬夜永如歲輾轉
跼蹐頗乏寧晷因思籠鷹桺虎各舍

畫壁遺稿

卷之二

畫壁詩

子

其牢騷鬱悶當亦不減余輩也晨興
索炭率繪十圖于壁爾諸逆羽勿得
暗讀傳詠徒資巴人笑口也

驢一

東升西下逐曦暉方丈輕看萬里微鰓脚
有聲空索索磨心無象自巍巍尋春橋背
吟瑤屑養氣巾箱臥羽衣未去到來渾似
夢乾坤旋轉息輪機

魚二

風雲早際畏淹留瀛海深潛養拙羞飛躍
禹門無點額恣遊渭水不吞鈎天心帝德
酬知淺國用民愁盡瘁謀尺水有時蘇涸
歉還他霖雨滿皇州

鷹三

金睛鐵爪雪花斑廊廟情深憶海山勁翮
乍翻天地窄雄心纔歇古今閒雲棲擬傍
虬龍樹霧障迷侵駛舌蠻忍辱待鳴鐃臂
脫扶遙萬里擊鵬還

畫壁遺稿

卷之二

畫壁詩

主

虎四

震林裂石嘯重岡百獸披靡壑底藏定遠
骨奇威紫塞子成鄴質棄炎荒龍鍾桺內
嬉狐兔潦倒欄邊縱豕羊寄語孽奴休噴
噴天心能許幾時狂

鸚鵡五

微言堪比漁陽搥鸚鵡洲前憶正平南海
飛沉水月影梨園夢斷玉環聲雪衣丹喙
憑凋落玉鎖金繩任重輕無力念經觀自

在色空無相度疎更

孔雀六

牢籠天外怯風塵何意羈遲狂犬狴帝室
繪形降秩序楚官名筴脫沉淪文章被體
殘真性聲價驚人起物嗔莫訝如來離寶
座情深救世樂忘身

兔七

淚眼迷離凝血丹淒淒無語遶欄杆羞從
人世營三窟愛傍仙娥雪一團桂蕊香沉
飄玉杵霓裳露冷夢青鸞瑩然無欲長生
客未了塵因憶廣寒

鹿八

烟霜飽臥螺山睡誤飲螺江虞網羈青鳥
不來鄉信絕老狐踣跳旅魂悲排空雪霰
埋饑骨吼地凌風縮弱脾傾耳靜聽清磬
振相求鳴和步虛詞

猿九

巴水巫山老病儂斷腸聲碎野賓容月濛

迥絕煙霞色耳聞頻交劍戟鋒漫憶撥雲
凌碧嶂空懷捫月掛青松何時峰頂發長
嘯喚起寒淵玉蟄龍

鶴十

悞下瑤臺舞太清翔翔兩腋碧雲平遼陽
華表悲聲壯季野金牌隋羽輕習習籠中
羞皓月淒淒籬下臥寒雲檢看斷翅新毛
勁喙徹長空朝玉京

元旦蝴蝶歌

畫壁遺稿 卷之二 畫壁詩

三

連夜哀聲盈耳殊不能堪左右云明
晨收歲此皆閩人屢敗陣亡之家除
夕祭奠哭聲也嗚呼痛哉設使少具
絲毫人性之徒聽之有不傷心慘目
者乎豺虎殘忍一至于此良可浩歎
五更強起盥漱辦髮服我衣冠望
闕拜賀并祝老親各尊長新禧奈弱骨
振搖欲仆寔難支吾因倩人扶掖始
克舉禮少頃旭日騰輝破霧驅氛矣

瞻戀之際忽見一蝶徘徊于眉間睫
上余亦憊極瞑目少坐而孤魂栩栩
自聞而越抵燕赴滇亦不知飛逾幾
萬重山水城池也坐後有人徐言諸
苦余聞之未竟不覺仰面呼天求賜
速歿聲音激烈直干霄漢先見飛蝶
不知復自何來或遠或近乍舞乍停
翩翩寒梅枝頭直使花光耀日聲氣
凝雲余亦不知目之所見爲真耶夢

畫壁遺稿

卷之二 畫壁詩

五

耶所居之處爲囹圄耶漆園耶蝶之
來爲喚醒余耶爲抑掄余耶謹持炭
拂壁慷慨書歌以誌其事歌曰

前歲元宵飛玉屑今年元旦翻蝴蝶無人
酣笑舞東風但聞海沸啼鵲血平明拜賀
北辰前彷彿朝回綵袖翩默對慈顏申慶祝
送隨旗影入黔滇拜罷蝶飛旭日移虛腹
雷鳴眼欲垂冷粥敗齏嘗不啜一絲偏自
喜羈遲勿聞百口禦窮冬破竈吹煙屢斷

紅敝葛風搖金絡索頽籬雪壓玉玲瓏一
二老者最可憐畫無言語夜無眠瘦骨凍
僵數尺鐵鳴咽懷人痛各天高牆之外即
孽庭文武郎當鳩鵲形三載持心無變異
金剛般若蜜多經又道兵家苦更苦丈夫
兒子齊充伍前後去者盡傷生又括嬰兒
按數補鄉民田業半拋荒犁鋤博換綠沉
鎗翁嫗髓獻元謀殺兒郎血溢染沙場我
聞斯語心欲碎仰面呼天天似醉臣願速

畫壁遺稿

卷之十一 畫壁詩

五

歟不願生那能堪此多憔悴悲聲激烈蝶
飛回徐向窗間扇盡梅簷際氤氳凝瑞靄
寒香馥郁五雲開

讀嵇畱山填歌哭笑罵四樂圖有感

綵衣碎敝血痕丹乍覩新詞眼倍酸望裏
火雲天欲炙一聲長嘯肅秋寒

秋夜夢回氣芬神健口占一律誌異

三年夢寐亦分明回憶悲多頗不情次第
臥嘗仙掌藥僮僕僕拜大官羹芝蘭馥郁

焦喉潤獎藉琳瑯疲耳盈名教幸完骨樂
朽敢勞皇赫惜餘生

讀嵇畱山續離騷有感

業鏡塵蒙業海遙勞人空泣染鮫綃却聽
三棒漁陽鼓勝似焚香讀楚騷

颶風吟

薄暮濃颶突焰雲墨旗朱蠹湧千軍隱隱
鼓震蠻雷礮牛鬼蛇神掃毒氛碎雨淙淙
入四鼓滿空號闕奔羣虎霾霧迷濛上下

畫壁遺稿

卷之二

畫壁詩

三

騰四海龍虬齊奮武轉戰國爭勢若崩銅
鞭鐵戟聲稜稜霜鋒雪刃飛寒電霄漢陰
森結玉冰颶風八面搏層壘捲壁推牆碎
故紙磚瓦翩翩燕雀高浮樑飄棟攢萬矢
牀底湯湯滾沸潮簷楹瀑布響還驕峭厓
峻嶺直湍瀉倒閘黃河浣碧曉古木槎枒
千百尺連根盤舞越城脊敵樓砲室轉枯
蓬雉堞隳頽覆巨舶天露端倪怒正齊蛟
宮鴟廟盡塵泥可憐合郡征夫室翁嫗鳴

鳴兒女啼竈沉金破衣箱渡竟日斷烟緊
裹腹急修片瓦暫遮身家家婦子乘殘屋
繼聞商賈聚江干戰艦魚角檣萬竿泐泐
幾番餘槩揖白波光裏魚龍歡造物心微
兆已先豺狼猶自舞空拳君不見古來龜
鑑存經史何不平心取大研吁嗟乎返風
滅火皆前賢

絕命詞

連宵烏鵲南噪曉聞

畫壁遺稿

卷之二

畫壁詩

三

王師已逾仙霞耿劉二逆初謀携裝泛海
繼以衆情弗順始議投誠禁卒偵知
其情密以慰余余笑曰二逆卽投誠
終不免然必先殺我以滅口因口占
示之
一笑襟開萬怒平龍興有寺葬真卿執旗
厲鬼爭前導掃盡穿牆穴壁颺

畫壁遺稿卷之二終

畫壁遺稿卷之三

原任福建總督加贈太子少保兵部尚書諡忠貞范承謨著

百苦吟 自序

大地有苦海焉能溺人亦能成人吾輩胸
具至性履險不渝一身之苦樂夫何足計
惟是古今正人哲士雖當顛沛憂患咏歌
見志遑遑牢騷感憤必於詩焉發之吳門
嵇子留山天下士也與予以道誼稱莫逆
交生平氣節初未嘗以境之苦樂易其心

畫壁遺稿 卷之三 百苦吟

蓋予之信嵇子亦猶嵇子之信予也癸丑
秋從予入閩未數月而予遭異變嵇子與
三山林子能任會稽王子幼譽華亭沈子
天成同罹其難閱今兩載餘矣嵇子於困
抑中游戲筆墨作百苦七言絕句而三子
依韻答和予讀之不禁泣然心悲竊自歎
不辰旣上弗克酬

君父之恩下莫能慰蒼生之望而又累我知交
如此每一念至何以爲情故自被難時水

漿不入口者旬餘日求一死以明方寸今
奄奄一息復何心於筆墨但以諸子無辜
受累率爾勉和附錄篇末略誌一時同難
之情使後人知吾輩之咏歌各有所屬非
第爲一身之苦樂而已也予之未出苦海
者惟以有負於

君有負於親而且有負於知交爲有生莫大之
恨事默默此心萬劫不磨又豈筆墨之所
能罄也哉康熙丙辰初夏瀋陽范承謨識

畫壁遺稿 卷之三 百苦吟

颶風

龍怒神嗔風雨旋蛟官社樹舞城顛孤臣
何幸邀天顧獨剩床頭百瓦椽

瘴雨

烏雲漠漠四山橫簷溜潺潺塔水平牀底
湯湯鳴活活虛舟蕩蕩泛蓬瀛

積潦

濃陰舍雨恨難收扶杖堦前數破漚滴滴
心頭猶未死驟龍拏霧舞吳鉤

炎蒸

地蒸天炙煉朱顏一寸光明鈍鐵頑任炙
不焦蒸不爛渾淪天矯碧空間

凍雪

徹夜冰魂屢暗驚乾坤何事靜無聲霏霏
碎玉光難滅馥馥寒梅香更清

連陰

鼻孰胸脹氣如蒸泥汗淋漓餓眼瞢宿霧
荒烟吹不斷淒淒無語枕癰肱

畫壁遺稿

卷之三 百苦吟

三

霉濕

乍晴乍雨幻無邊燥濕薰陶色相鮮苑囿
高低鋪紫罽床楹日夜長青錢

泥濘

霏霏雨雪幾曾休木屨縱橫踏淺流滿眼
泥汙呼杲日速舒烈焰灼盲鯁

昏黑

落日昏沉歸暮鴉紛紛羣動月光斜棘人
相對湏臾靜時柰鄰溝叫夜蛙

昧旦

鷄鳴驚起索朝冠先向慈幃問蚤安往事
已非腸斷絕波珠空浸枕痕丹

瞭燈

銀燈照壁繪梅根楮拙槎枒墨鐵痕爾莫
吞嗟子影瘦清風摇曳向天翻

屋漏

椽檁稀疎瓦不均最宜仰臥數星辰無端
每值更深雨四處霑霑徒坐頻

畫壁遺稿

卷之三 百苦吟

四

濕地

諸葛當年入不毛七擒七縱耀弓刀不才
誤

國填溝壑遍滿沙泥手自淘

負暄

兀坐窗間曝曉光湏臾乾盡草頭霜園中
佇看東風面玉樹冰珠放早香

旱燥

垢膩壘堆豕負塗徘徊難語向天吁羞從

早甦求漿水搓箇泥丸彈小髀

蓬首

亂雲凝結九秋霜半尺銀絲百丈光膏沐
未施嫫母笑心甘披髮豈佯狂

垢面

攬鏡驚看瘦骨微依稀曾識又疑非由他
滿面灰塵厚盡掬長江浣故衣

攣手

走老科場兒倒紉鵬鵬潦倒困颺颺辛勤

畫壁遺稿

卷之三 百苦吟

五

珍重屠龍手跨海長鯨劍底明

繫足

被謫仙娥痛撫膺羸軀重載九層冰寂然
默演周天數枉費村牛綰赤繩

拘項

多生夙業巧還償香骨錚錚縲紲光天意
若回離貫索借纏梟獍助烝嘗

枯腸

早步青雲喪此生天人學貫亦虛名誰知

靖節懸琴意識趣何勞絃上聲

淚眼

泣涕三年暗曙星亭亭日午尚疑冥幾時
一吸鯨鯨血銀海光搖兩炬熒

聞柝

柳鈴關柝備皆空暴客翻持禦至公休笑
貔貅顛倒用從來盜憎主人翁

聽砧

春風蕩漾送秋砧四野淒其怨語深已恨

畫壁遺稿

卷之三 百苦吟

六

羈魂難閉耳爭禁婆婦碎敲心

鄰哭

海國偏遭運氣屯狐狸號喊虎狼嗔既憐
我舍哀生我又痛鄰家哭死人

風鶴

連年笑我獨含悲何事狂且也皺眉佇望
三山繁草木聲聲隱隱耀旌旗

砲警

大地崩頽海沸驚鐵龍飛舞血花生頑冥

猶逞貪癡興笑比元宵爆竹聲

感策

愁雲黯黯墨光深日夜城頭哀角音孤客
旁皇難夢寐繁冤吹起髻霜侵

鼙鼓

寂靜山河三載悲觸翻雄氣向天吹漫誇
晉鄙軍聲壯虎帳曾嘗屠狗椎

笳吹

沙漠秋清響塞笳文姬漫譜寫離家蠻荒

畫壁遺稿

卷之三

百苦吟

七

炎日鳴螺貝蘇子題詩送落霞

吏稽

聞道狸奴點士名勸君高應莫心忤由他
呼作牛和馬受辱何曾被辱驚

卒獐

狐兔嘻嘻燕雀歡牛襟馬裾沐猴冠盍看
溷底水仙子出入如何咬磨盤

畫詰

陰森淒慘久無天鬼卒嗷嗷井底蜎佇望

三山迎曉日犁翻蛟穴啓桑田

夜查

黑風飄墜海中間羅刹更深檢大環漫謝
諸君能效命助予功遂玉門關

值班

一羣纔去一羣過橫者猙獰達者和徐喚
同儕觀後沼霜風昨夜捲殘荷

交更

催更漏箭頗分明狂猙偏多怒吠爭睡早

畫壁遺稿

卷之三

百苦吟

八

睡遲惟頃刻自家窩裏亦無情

臭蟲

遠瞰冰肌亦可休偏恣吮嚙逞風流燃燈
一指須臾盡遺臭名畱萬古羞

蟣蝨

么膺腋胯度朝昏世務難譚且漫捫項直
手攀難擺佈畱君幾日處殘禪

飛蠅

不住深宮警聖賢欣賞厠穢逐腥羶白圭

莫惹些微垢塵拂高擎握老拳

遊鼠

牙鼠何堪也自雄跳梁竄瓦日當中那知
衆怒終難犯看爾臨時五技窮

聚蚊

餘血難供一飽餐徒勞歌舞未成歡貞姬
寧死存筋骨況我書生肉更酸

鬼啾

從來知有鬼神理今日忽聞鬼哭聲鬼若

畫壁遺稿

卷之三

百苦吟

九

有靈携我去願偕衆鬼噉梟睛

疫癘

肉盡皮穿心已灰驚聞難侶悉生災籲天

早碎孤臣骨留得羣英濟後來

碎衣

官衣新着舞萊衣矢報

君親天下肥詎料裹予成鬼瘦機絲片片伴花

飛

破被

敗絮朝朝雪滿壇大如手掌軟如綿凌霄

片片天鵝羽笑爾蝦蟆眼自穿

砂鍋

溫羹烹茗更燒湯急急煎煎沸沸忙無異
臨場新子弟旦生丑末一身妝

泥罏

玉屑霏霏手足龜園中安得有烏銀生平
自信如冬日羞捧泥罏煖凍燐

瓦盆

畫壁遺稿

卷之三

百苦吟

十

鄰兒長歎歛雙眉陶器如何撞鼎鼎已破

不須增顧悵古人垂戒預操持

草褥

稜層榻板瘠腰臀那得溫柔稻草痕煩檢

香根勤洗濯藉子待罪

大清門

敝履

當年踏遍越山川急拯民艱屐數穿閭困

未蘇鳬折羽子喬無計更朝天

破枕

漆園已覺枕難拋
夜夜遊仙透露梢
久擬追隨黃鶴後
梧桐月下賦敲交

篋筐

竹筐拳大漫吁嗟
中貯松毛柏子芽
蠻地借熏除瘴疫
還期蓬島採金花

竹刀

仙家夢授一冰桃
縱不成仙亦足豪
堪笑鐵圍叢狡黠
橫操竹片舞郇刀

畫壁遺稿

卷之三 百苦吟

十一

草珠

心光早已摩尼圓
不坐西方九品蓮
緣係現身來說法
毘耶重覓草珠穿

油簋

三年懷握引清臙
字紙參差糲飯高
非足故人曾半面
獨憐向義勝綈袍

憶紙

昔曾簪筆染龍箋
豈料身居弱水船
欲寫新愁無寸紙
古釵屋漏血痕鮮

憶墨

未盡灰餘亦可憎
曲蟠牆角鬼神憑
幾回夜半來風雨
誤認僧繇壁欲騰

憶筆

中山兔子被狼吞
骨肉飄零絕五倫
幸遇烏龍能代職
牢騷狂狴補天根

憶硯

不親羲獻已多年
潦倒參苓典薄錢
爲惡奸雄銅雀瓦
眼前更欠綠泥磚

畫壁遺稿

卷之三 百苦吟

十二

殘曆

將來萬有一時中
四壁蕭蕭兩腋風
留得天頒書一卷
每逢朔旦效呼嵩

嵩

炭痕

稀疎慘淡復縱橫
塗紙污牆若墨黥
月下杜鵑紅絮影
一團碧血一團聲

塵灰

改歲家家塵垢飛
獄中也縛草枝揮
禁之

不可憑伊興冷眼看他土面肥

烟眯

朦朧雙眼醒還迷晚爨鄰烟撥坐棲勉強
扶筇出戶坐斜陽遠隔碧峰西

乏水

江南冀北任遨遊吸盡名泉甘露浮閩海
那知逢烈焰惟求天雨潤枯喉

滅火

金爐灰冷亦虛供兩耳蛛絲密密封靜待

畫壁遺稿

卷之三 百苦吟

十三

青蛇復蜿蜒重陰剝盡柏香濃

摘菜

菜根咬得是賢豪剔蠹搜泥自煮熬此處

佳蔬滋味別苦瓜間頓癩葡萄

執爨

巧婦曾愁無米炊錚錚男子痛燃眉捉襟
露肘真前鑑村女心知猶強爲

食淡

口內由來氣味清饒規人歎業全更始知

上古強兵術煮海瀆教淡養生

縫綻

破袴頻招風雪侵強爲兒女倒金鍼未肯
乞得天孫巧絲線纔穿指血淋

浣衣

衣絲汗漬污同塵澣濯何曾爲爾頻垢膩
雖高吾敝袴且留片段蔽羸身

粉粥

展轉無眠病孳俘飢腸雷轉鬼揶揄不知

畫壁遺稿

卷之三 百苦吟

十四

粉粥如何味半盞薑湯勝酪酥

餛飩

餛飩三旬啖半鎗苦懷難遂豈圖生偷兒

莫浪稱周粟據我貲囊餽我羹

柳茶

嘗遍人間萬種茶龍團拋棄不爲嗟年來
諳盡泥漿味翻憶清辛嫩柳芽

劣酒

對酒悲多萬緒牽老兵勸進穩愁眠入唇

不用逃蘇晉飽諳諸方五味禪

缺藥

生平孱弱藥爲糧
罹難何曾片滴嘗
病不脫身命不絕
天留殘質砥愚狂

書傭

飛龍羽翼各西東
顏色睽違夢寐通
時有鱗鴻傳近況
拘攣疲指舞冬烘

醫匠

陳皮今已訛東尖
枯梗枯枝態更纖
醫匠

畫壁遺稿

卷之三

百苦吟

五

醫王憑業口猶如
牛馬呼應兼

偶有病者問藥塗壁

示之故有此訛

敝席

捲來久已棄泥溝
風雨凋殘剩半勾
徐語傍人張後院
半遮臭氣半遮羞

箍桶

團圞陡被狡童隳
棄置牆隅風雨摧
惜器人來一舉手
出民水火躋春臺

糞草

草莖土滓漸成堆
愁鎖眉峯解不開
爲諭

厮童連夜運門前
高築斬蛟臺

穢廁

溷聯犴狴勢憑陵
食藥纔擎穢氣騰
遙計會稽青塚上
至今怒色響稜稜

溺器

藏足無頭縮頸龜
夜闌晝永坐前遺
從來獄卒輕人慣
燃則溺之奚足嗤

惡夢

畫壁遺稿

卷之三

百苦吟

六

世情雲變久心傷
那更連宵怪夢長
劍戟如霜鏑似雨
青燐赤血滿沙場

哭友

君雖先我喪無端
猶有同心痛撫棺
待我斷頭歸碧落
只餘枯骨砥狂瀾

哭僕

愧我無才累汝亡
兼貽同難斷愁腸
英魂且莫離余側
形影相將歸故鄉

客俘

俘客何堪問客俘衣冠狼籍眼模糊可憐
豚犬痴迷甚鳳鳥摧殘飼野鳧

祭墩

廊廟新培巨棟梁却離殿陞置蠻方多應
不樂人間世改貌希予絕覆藏

又

魚肉蒼黎困俊英婆娑踽踽影彭亨祝君
早供三軍費好了從前無限情

吞蠱

畫壁遺稿

卷之三 百苦吟

七

蜈蚣一毒舌根長不救斯湏命卽亡今旣
入腸湯沃雪諸家本草謾商量

歎鼠

兩鼠跳梁上一隴
地死一充猫腹

穴中兩鼠謾相將拚命超騰競隋梁縱是
武安屋瓦振青霄明月自天間

雪異

入夏甚寒驚
傳郊外大雪

歲前臘瑞已心驚夏日何來碎玉英蠢爾
蜉蝣僵欲死皎然孤鶴唳松清

葩妖

節候輕移幻夢空祝融顛倒賣英雄蓮凝
白雪纔鋪粉又放芙蓉弄淺紅

祝茶

頂禮潮音掉海槎携來一掬淨瓶芽灑添
半滴枝頭露潑滅炎天萬頃霞

煮茗

旗槍浥露拂煙斜汲井頻將活火加遙望
福堂心供養趙州一盞綠雲花

諭僕

畫壁遺稿

卷之三 百苦吟

六

酸醞敗腐苦黃瓜茹淡遙聞爭自嗟一擲
千金豈爾輩何如攢聚買鹽花

酤醉

以下三首皆
諭僕之詞

中道如何頓異初顛狂傲慢蔑龍魚勸君
速盼平南詔味爽前頭總赦除

詬誅

數代同炊義最親湏知寒齒惜傷唇何如
存養絲毫力罵賊誅仇佐主人

格鬪

季春田鼠化爲鴛爾輩何心反變猪癡昧
剛貪時悻悻自塗污穢惹狂狙

告神

黨禍曾羈先孟博直將讜論讓臯陶予今
諂祭因求死好脫無辜烈俊髦

覓炭

同人共難苦離居一夜鵲啼百陣餘獨我
聲銷血已盡強搜炭屑寄魚書

老親

生兒雖喜實憂深萬事牽纏萬里心欲報
國恩思顧復冀全忠孝費沉吟

又

伯兄舞象我方生十斛明珠掌上擎剛得
宦婚情暫愜那知垂白百無成

又

少攜三弟誦詩書綵袖雙承笑語徐兒髻
已添銀線縷翻貽南望倚門間

長兄

前年送弟渡桑乾話別酸辛判袂難此際
滇中念母弟仙霞哭罷望長安

三弟

我前南邁病新痊相送悽然囑早旋世事
已非休望我孀親獨賴汝身賢

四弟

娶親聞汝詣金陵曾遣蒼頭荷擔簪自接
維陽書信後至今只有淚沾膺

五弟

痛汝何當我共炊咀遺全供宦中資既煩
悅母兼勞姪借券無償更費思

六弟

弱骨支離汝倍寃先違老父繼慈萱未偕
伉儷緣多病隻影熒熒急在原

病室

多病何曾解辟蠱那堪泣血憶征夫支持
且莫沾床褥兒女嗷嗷累老姑

又

夢涉荒園坐舊閨松風獵獵草萋萋相看
但訝顏非舊蓬首無言掩面啼

兩兒

莫讀詩書莫戴貂祖翁遺圖儘堪澆慇懃
侍母休頑劣共孝孀婆樂暮朝

吾宗

數年未得聚昏晨甫到都門又海濱忽被
腥蛟乘蜃氣歸來無計泣秋旻

又

書壁遺稿

卷之三 百苦吟

三

太傅家風文正開簪纓黼黻響春雷養親
教子各從舊莫向南荒作我哀

舊遊

臨安請覲入長安夾路桃花一月看最是
鳳城春色麗五雲繚繞捧

金鑾

感懷

磨炭和百苦恰爰屈原時細檢無可取焚
之還自疑欲寄何由寄收藏誰與持展轉

勞夢寐一念百躊躇聊比御溝葉隨流付
所知代爲消烈焰了此一番癡

書壁遺稿

卷之三 百苦吟

三

畫筆遺稿一卷

通行本

國朝范承謨撰承謨有忠貞集已著錄康熙壬子承謨總督閩浙值逆藩耿精忠謀反巡撫劉秉政輸情於賊給承謨入見脅令從逆承謨詆罵不屈遂爲所拘繫被幽者三載備受窘毒時作爲詩歌以自抒忠憤守者屏絕筆墨乃以桴炭畫字壁上其尤激烈者輒爲賊黨搜去僅存四十七首承謨自爲之序已彙載入忠貞集中此乃石門吳震方錄入說鈴之本也

見山樓詩集一卷文集一卷

〔清〕楊素蘊撰

南京圖書館藏清康熙二十七年刻本

附《四庫全書總目·見山樓詩

文集無卷數》提要

見山樓詩集序



關西退菴楊先生自安
慶郵所作見山樓詩集
凡若干卷以示琬琬伏
讀數四其詩出入魏黃
初唐大曆間絕不蹈時
流蹊徑舉凡登臨眺矚
往還贈答率皆指淡思
遠尤多清麗雄邁警絕
之詞非騷人墨客所敢

頡頏者也蓋琬之服先生舊矣方先生之在西臺也吳逆三桂適以王爵鎮滇南

中朝不知其有異志假以

汪序

二

便宜而先生獨上封事力言三桂跋扈不臣逆挫其萌芽者甚至先生雖得罪以去而三桂知朝廷有人十年之間遷延

汹汹跼足揜臂以待而

全吳訖能晏然安枕者

又先生力也琬故服先

生之靜鎮與其勝算然

則勳名赫奕方在士大

汪序

五

夫口耳間區區詩歌之學流連景光雕績章句先生豈藉是爲重者哉顧其去官里居也無懟憤不平之意及其建節

茲土也亦不色喜其見
之五七言詩往往忠厚
悱惻至於受

君憂國諄諄然三致意焉
琬所謂指溪思遠者是

汪序

六

也昔在小雅旣推吉甫
爲萬邦之憲而大雅崧
高之卒章則曰其詩孔
碩其風肆好烝民之卒
章又曰吉甫作誦穆如

清風何其言之重詞之
複雖吉甫所作一詩亦
爲之咨嗟歎賞不一而
足也蓋大小雅所舉南
仲方叔召虎其人非不
優於事功與吉甫相配
然而文章名德卒未有
過吉甫者今琬於先生
亦云溪願挂名集末附
先生以不朽故先生命

汪序

七

之爲序遂不辭而序之
世有知琬者當知琬非
溢美爾

康熙二十七年冬十月

壬子治年家弟汪琬

汪序

八

拜序



序

今作詩者不搜奇窮巧
鬪異翻新用悅時人心
目而能自道其中之所
得及外有所觸而不能
已於言之情論詩者不
徒尚屬對工緻與寫景
體物之殊詭穎發而觀
其風格氣體斯已難矣
遑論夫根抵性情蓄積

學問中有所主隨地發
露如風行空際遇竅能
鳴水流地中歷坎皆盈
者乎夫詩以言志也志
有所之而遂焉則其情
通得乎已之心因欲以
推乎千萬人之心故長
言之若風之吹萬不窮
噓竅成音也苟不得遂
則其情鬱矣然偶格於

外而實能克足於內乃
委曲其言以達之而卒
得其通若水之盈科不
匱出坎放海也二者所
戚不同而要其中和之
氣具足有本則樂而不
淫哀而不傷一歸理道
之正發爲歌思怨慕皆
足立教後世此根抵乎
性情之說也而又有學

問焉以輔之若寥廓之
培扶搖而高原之落銀
漢矣故志也者言之所
從出而性情學問又志
之所由端乎吾姻友

李序

四

退菴楊公敦厚本於至
性自幼學至壯行其所
誦讀行習莫不以聖賢
爲準的故其志端而壹
克周而無所撓互凡於

君親夫婦昆弟朋友之
間無一不當乎無邪之
旨立朝風節以及愛士
恤民諸大節皆表表在
人耳目以其緒餘發爲

李序

五

吟咏雖所存不多顧其
天分過人筆鋒矯健類
不屑爲奇巧新異之觀
以求合乎今之論詩者
歷覽見山樓一編則凡

生平所閱歷仕止久速
忻暢憂憫無往不見其
忠厚悱惻之志斯非其
性情學問源本克裕亦
烏能隨感發露委曲疏
通咸不戾於聖人之指
如是哉讀之者雖頑懦
薄鄙其忠孝廉仁之心
亦不覺油然而生若長
風之噓陵谷洪濤之蕩

谿壑不獨其在己者變
而不詘卽在人者亦可
感而各正然則卽是編
也於聖賢永言立教之
旨已有合焉不當獨以
聲律氣格求之矣公今
者方以文武壯猷經營
四方他日由敷歷以進
啓沃述訓陳謨行且用
豐功懋德顯佑我邦家

人咸謂立言又其所後
而余則曰言志之詩本
乎倫紀民物者將終不
可掩也請於書若詩賡
颺天保諸什徵之可乎

李序

皆

康熙戊辰季夏涇陽李

念慈題於皖署寓中



序

古之稱詩者曰詩以氣
爲主氣雄而詞暢爲最
上一乘青蓮高步一代
其氣槩峻拔少陵猶服
膺之方高力士用事中
外側目歎能淋漓醉墨
中使之脫鞵殿上斯已
氣蓋一世矣余竊以爲
此非知太白者也太白

趙序

受知賀監薦引於朝謁
觀陛闕狀若驟霞明皇
幾欲起立而迎之夫以
太白之雄材雅抱沐天
子寵眷若此其尊且重
也高力士不過謹身媚
上掃除曷葺之流邀擅
權寵太白果識其蹤跡
險邪若當日者列疏直
諫未必不逐竄誅滅秦

趙序

趙序

如腐鼠何至貽沈香流
謗以來僕郎之禍况當
時天顏不遠咫尺至鄙
薄佞倖于天子前已失
臣子對君父之禮此不
過太白酒酣放曠狂奴
故態耳奚足以言氣解
此可以讀
退翁先生之詩矣先生
少服庭訓講習討論悉

忠孝大旨誦讀之餘究
心于漢魏三唐諸大家
莫不闡其精奧故所爲
詩歌雄肆博瞻懷君憂
國思親感舊之什爲賦
摯弱冠拾芥兩闡始
漆園惠轂直氣轟噪
輦轂隨擢御史臺彼時吳
逆擁百萬之師跨有滇
黔威名震主雄視四海

天子曲加典禮朝貴多所
敬憚先生目視跋扈不
作仗馬寒蟬之習奮章
特糾此其氣岸較折辱
力士爲何如迨歷宦楚
蜀三晉遼海京輦之間
及今建牙六皖所至聽
政之暇則引寮佐延親
賓窮探巖壑徜徉觴咏
又何其性情閒適得

水之助不獨以憤怒抗
直見長乎余于先生爲
布衣友由庚子逮今且
廿有九載間從載筆之
暇竊見先生性不飲酒

趙序

六

而愛接賓客囊無長物
而雅樂施予恢脫自喜
絕不肯以位望下人對
故舊名彥謙退一如儒
生其爲詩隨賦輒多散

失余從同事老友李劬
菴楚士張子吉輩潛爲
搜集成帙得其十之五
六請付之梓先生因命
余序之顧余衰野鄙人

趙序

七

何足以揚矜風雅然詩
之一道謬爲海內大君
子所不棄亦何敢自外
下交盛節竊謂先生之
氣節既有過于太白而

俱能見諸施行且日新
而增盛故其詩亦敦厚
克實與事功相表裏他
日者由外而復內鼓吹
休明用賡歌拜起以鳴

趙序

八

一代之盛吾又安能測
先生之詩之所至也耶
時維季夏江雨初晴微
涼薦爽幽興逐懷敬潑
墨而爲之序

康熙二十七年歲次戊
辰季夏朔二日洛州
後學趙湛頓首謹題
於皖署之靜觀堂

趙序



見山樓詩集

慈烏

關西楊素蘊退菴父著

西北有高樹慈烏巢其巔劬勞養其子雛成羽翩翩
朝銜陌上實暮返天邊烟殷勤奉所生力竭意亦疲
物情知報本孝義古所傳念我白髮親乃在各一天
迎養甫兩載遠離忽三年道路修且長况復隔山川
晝長夜不寐氣結哽我咽前日陳至情激切請歸田
躬耕供子職救水娛膝前大吏既莫許邑人復相牽
見山樓詩集

有懷不得遂翹首白雲邊仰視高飛鳥涕淚日潺湲

嘆身不如爾聊賦慈烏篇

項羽

劉季取天下不惜妻若翁項羽重義氣乃戀虞與騶
所以鴻門宴不忍殺沛公情深報亦重虞兮不獨生
嗟哉呂氏雉幾合漢祚傾

三十初度

宦遊六七載行年忽三十簿領送晨昏坐使壯心息
人生非松栢摧落等秋桐空懷凌霜雪那免零秋風

親遠白雲邊誰與勸加餐夢短關山遠凝望

長空雁字餘弟妹各天涯登臨意如醉對酒還成嘆

一官淹漆園局促良足惜霜劍吼床頭起視高天鶚

燕省乘長飈振翼摩青霄鴻鵠羽不豐棲遲同鷗鷺

朝來顧形影慨懷還自憐悲歌徒爾爲努力追

約言

神仙渺難得繫口無長繩少壯忽衰老富貴安足

周公大聖人危疑賴金縢中散絕世賢防身愧孫

我生古人後念之憂思增鷓鴣巢一枝鼯鼠飲幽

見山樓詩集

慶蒲卽爲遠卑樓遠弋繒百年等一日所貴常戰兢

日暮

高樹歸棲鳥斜陽落未殘何人知客意天畔倚闌干

對月

新月上高松一痕寒玉白玩之移我情夜半虛

夢還家

連宵不成寐昨夜夢還家庭宇皆依舊園林似更佳

山青竹樹密雲水映奇葩老父見我來歡笑眼生花

季父見我來撫摩慰途賒幼弟見我來遠勝左方

親友見我來携酒炙肥羝美人坐鳴箏疑眸鬢影紅
覺來何所見白月映窗紗

歲暮八首

天涯歲暮嘆蹉跎夢裏鄉關夜夜過山色有無瞻落
嶽江聲斷續憶黃河宦情到處尋詩酒人事年來燒
薜蘿何計還家謀盡醉憂勞塵鬢欲教皤

其二

臘月江頭荻葉乾風吹城外草嚴寒黃雲落日猿
苦赤甲霜飛雁度難客歷窮愁詩律細地連瘴癘官

見山樓詩集

情關盡將盤折隨時態今古升沈白眼看

其三

歲暮離懷增重慨荒城叢樹暗斜陽人驚殘照
鹿地接蠻貊控虎狼古堞空餘衰草白窮途
毛蒼月明側耳傷心處百萬冤魂泣戰場

其四

聞道君王肅祀天六龍輦過百靈虔從臣劍佩
動御道旌旗日月旋嵩祝竝依蕭壘火祥光獨
玉爐烟西南萬里悲留滯去國孤踪近一年

其五

去年此日觀離宮南苑鷹臺鉄馬雄求治真能開
草揚兵不憚獵霜風問湖空灑龍髯冷帳殿虛傳烏
號弓寂寞江干驚歲晚小臣枚策想遺容

其六

城頭每夜聽悲笳凜冽冰霜逼歲華何處沙場啼戰
鬼殊方荒署噪昏鴉風烟未放天南馬聲鼓猶喧海
上槎少婦樓中莫愁思征徒凱奏欲還家

其七

前朝天壽時荒圯幾處園林沒草萊木落玄猿
哭風高白雁度雲哀爲狗社稷君王死不負綱常
使陪記得先皇憐勝國玉綸詔築返魂臺

其八

庖別生離散屢吞招魂無計閉荒原瑤臺人去重
杳巫峽雲歸萬里昏雜珮空思帳中語駟車忍向
中奔賽幃有夢歸何速懊恨寒雞與斷猿

草堂成課小童植竹樹數株同事諸君又各分
齋頭花木見惠率成口號

色江流水至今紅夜夜陰風走魍魎我來不辭勞力
苦手開荆棘出隙地數椽茅屋架始成氣象依然蕭
憔悴呼童霜林覓竹根幾株聊向階前植亦有風流
賢太守司李令尹皆同志齋頭分惠到西園錯落點
綴始有致峻嶒松栢歷水雪桂陰梅影富意媚紫槐
黃柑齊結實甘苦均霑雨露賜枇杷樹樹暗香浮干
霄鳳尾留雲氣水仙倦起嬌無力樓竹迎風翻翡翠
春來會見菴李好叔枏參差從其類其餘小草不知
名依牆次第各位置日暮望之鬱若林舉酒澆花城

見山樓詩集

五

眠睡念我高堂白髮親何緣迎致花前醉偶從簾下
檢曆書始知今日爲乙未童子逡巡前致詞記有不
宜栽植字丈夫歛歛氣若虹磊砢滿腔誠何事嗟予
骯髒不合時經營小物亦逢忌移時撫手忽大笑成
敗榮枯皆天意今夕對酒且高歌從古聖賢求一是

望雲亭

嘉陵喪亂後氣象何枯槁四野莽丘墟惆悵傷令人老
哀鴻噉中澤里巷多荒草呼童拾瓦礫結茅數椽小
庭前植竹樹壁上延蘿葛山光落戶牖江喧月正皎

焚香對古人興義恣探討往往醒復醉白眼任潦倒
仰看天上雲時見東飛鳥恨無雙羽翼隨風到石堡
余鄉居栗掩卷長太息明發心悄悄
名石堡

感恨

人生不滿百千載悲未央憂來不能語中夜起徬徨
念我七八歲父母憐非常飲啖無定候取飽皆膏粱
晨朝臥不起日午猶在床我母時相守與食必親嘗
所望兒成立承家繼宗祊壬午癸未間世事正倉皇
我母過憂勞忽焉齋志亡兒時年十三猶然如面牆

見山樓詩集

六

棺衾與窆窆記憶猶茫茫同生惟一妹痛母割肺腸
於今二十載一飯不忍忘長承嚴父訓十六列膠庠
人之領鄉薦旋入對明光筮仕漆園令百里謬爲郎
薄祿幸供父母歿無由將每懷負米恨親物心感傷
人生在世間胡不如羔羊翩翩雲中鳥母子共翱翔
嗟我獨失恃飲恨一何長去年登栢府愚黷動嚴師
諫草觸時諱隨事劾劾勦天顏爲之喜錫贈光冥
鄉捧持淚如雨循例泣焚黃生養既莫遂歿榮亦荒
唐倍感

唐倍感

不忍棄木疆一朝 出湖哀謫官

山建章踰去國門蕭然攜空囊行行二千里結
歸山岡悲如商與參萬古永相望所幸重泉下或可
奉姑嫜遊子風塵久入門上高堂老父見兒來愁顏
漸悅康相依不三月策蹇度陳倉十步一回首白雲
飛揚天高白露下木落零秋霜蕭條望原野感時
淚浪浪今茲歲云暮淹留滯殊方定省違已久丘嫂
日更荒撫景長嘆息獨坐生慨慷我有百畝田舊
麻與桑耕稼四時好胡爲日遠方願言拂衣去陞一
介春觴我母雖不見庶得獻椒漿

見山樓詩集

七

江泉五詠

余性耽山水每遇一草一木拳石勺水未嘗
不留連永日自放逐後省愆閑閣又旋遭琴
瑟中斷意興蕭然故雖宿山水之地而闕苑
果城松華雲臺諸勝未嘗一覽眺其間長至
後二日大奇洪旋源司李伍菊偶治具邀往
江泉井沿岸荒烟蔓草感念凋殘情懷寥落
行二里許望見綠陰交道風景如北地早秋
時已覺超然佳勝及至則古木扶疎狀如

龍鬚眉鱗甲具備影落寒潭蜿蜒欲動下吻
大江澄澈浩渺一葉烟波時與鳬鷖相上下
維時夕陽銜岫逸興遄飛覺從前鷹鷂鳥雀
得喪欣戚種種皆妄致足樂也然白雲在望
定省久稀撫此茫茫百憂還集率成五律直
寫胸臆殊不計辭之工拙也

果城冬已半只似故園秋亂後惟荆棘沙邊有懶鵲
黃雲落日遠紅樹野烟稠寂寞巴江上何時見綠蘿

其二

見山樓詩集

八

孔龍蟠古木鱗甲動潑湫靈性嗟雲雨蒼茫暗斗牛
與公經百代霜雪飽千秋日暮悲風起鄰鄰漫浪浮

其三

相邀皆勝侶對景且淹留照水雲千疊銜山月一鉤
忘稅謝鷹隼狎俗到鳬鷖忽覺諸緣幻愛心洗碧流

其四

青山如有約客意復何求地僻疎人事官閒足勝遊
尊壘消歲月身世任沈浮賢達思前哲閒情恣計

其五

暮景何由駐長江日夜流雲漢空吟望道在雲何就
但使身常健何妨命不猶庭闈何處是歸裏越滄州

登樓

逐客登樓夜荒城欲曙天江穀浮枕上山影落窗間
六詔猶烽火三川逼瘴烟故鄉今夜月白髮倚門徒

其二

晨起慵人事凭欄縱遠眸簾分野色旭日射江流
百戰河山在千村草木稠漫漫雲樓外東北是羅州

晴

見山樓詩集

九

屋瓦霜華照眼明喜從積雨見新晴羣峰戶外朝添
秀一水江頭夜有聲藥裏移將檐日曝酒樽好對菊
花傾茅齋已灑飛塵淨倚樹遙看雁影橫

野火嘆

古帝惜春化為鳥杜鵑啼倦春方老豈知此地真可
憐盡日馬走荒山道山深路暗多猛虎行人舉火燒
荒草草盛風高火勢急崩石飛烟天如失翠栢蒼松
焦爛死羣虎不敢白日出雜花數竹盡成灰歲寒無
後空中衰喬柯枯死况萬籟遭逢不偶可奈何刈歌

滿天風更惡嘆酒無能空悲歌明起向天仰視雲卷
舒何心遊氣無願為甘雨勝火烈不勞猛虎生絳嶺

閩山歌

閩州城南天下少我今頓走城南道江上崩石日已
多武侯祠下生荒草登高極目望古人不見昔時杜
陵老吁嗟乎從來聖賢皆寂寞惟有青山依舊好

湯南充邀同寮吏東山宴集

東山零落後杖屨只今年古殿碑橫地荒階草接天
興亡樽酒外滄浪晚風前其指江城內星星幾點煙

見山樓詩集

十

寄懷舊黎陽明府張龍城

茫茫宇宙內天道近如何不謂懷冰雪翻成觸網羅
道風傾世久才力誤人多別淚隨雙鯉遙添巴水波

遣使旋里

嘉陵江上路忍淚遣歸人好達平安信為寬衰老親
但言心似水莫道能生塵去去慎行役寧羌北入秦

望雲亭雜咏

雲氣朝來薄相看萬慮輕天邊飛鳥白江外遠山明
霜雪知梅意孤高見竹情閒中幽事足吏隱可兼名

其二

蜀國冬多雨高江漲倍鳴遙天稀雁字古道

三巴瘴癘地多病獨愁予日飲菰菹酒時翻素

其三

獨坐南窗下悠然憚客襟寒輕花欲笑風

三徑清幽砌一樽對遠岑捲簾新月一流影

其四

聞說山東地騷然盜賊橫亂離今始定烽火

絕域音書斷孤城屯戍輕運籌無一策爭得

見山樓詩集

其五

三巴瘴癘地多病獨愁予日飲菰菹酒時翻素

烟浮茶灶細香引藥爐徐散芳消煩憐詩成

其六

臘八今朝是客中予竟忘銜杯依蜀地散粥憶

遊子思親淚孤臣戀關腸每逢佳節至吟咏倍

回奏奉 旨處分

爲受 先皇知遇真狂愚感事效批鱗強瀆引分

相噬 聖主持平許自陳敢冀片言既赤盡但容不

近即 恩綸涓滴賡有漁磯在好待歸時理釣

同孫黃中登峨嵋

昨巖巖披蒙茸乃登峨嵋萬仞之高峰手捫參井

錯落俯觀萬衆之鴻濛遺世獨立而長嘯俯聽蕭

萬壑之松風蟬蛩聽草木昆蟲投擲下土如珞

蠅中有至人役天地而老如龍門千尺之孤桐服

白雲舒卷無踪我欲求之溯洞何從雙龍跳擲

代終所思不見憂心忡忡

大風歌

見山樓詩集

蜀山九月悲風起一夜刺刺吹窻紙萬壑千巖

號直盡天明猶未已黃沙漠漠霾青天發物投

軸翻鼉鼉滾藏瘦蛟泣魍魎蒼茫盡慘顏別有

不成寐徬徨起坐心如醉四海蒼生凍欲死無

獨胡卒歲沙場烽火半明滅指墮甲圻肌膚裂

皮鼓敲不起牆角嗚嗚吹向月到處征人盡望

鐘孤館冬漏長衾裯如鉄家萬里欲歸不得空

安得倚天之長劍與繫日之長繩斬嘯虎而縛

俾陰霾驚懼而伏藏

過龍門

神禹功何處龍門此更看長年狎奔浪亂石走驚濤
江繞羣峰斷山圍小澗寒片帆風雨急日暮下前灘
三弟生

少年當此夜記是爾生初口腹貪神惠嬉遊望歲餘
我年今老大汝幹亦軒渠秦蜀三千里空嗟音信缺
靜度寺

山險臨無地竹高欲隱天煮鹽炊火井燒草轉春
梵磬垂雲落林花照路然郵亭何處是日暮過騰州

見山樓詩集

三

青絲堰

雲暗山村暮柴門帶水開竹荒雲影薄鵲老客情哀
人事憂豺虎田疇問草萊一官何所補過此獨徘徊

山行

星殘天欲曙萬里曉風涼修竹迎人綠橫雲映日黃
溪高流水急樹亞亂峰長處處聞鶉語催歸有底忙

中江

不盡瘡痍苦中江更可憐豺狼遊市上魍魎笑鉞前
血盡殘黎淚心傷廢里烟風塵空嘆息顧影愧旬宣

成都旅夜有懷舍弟舟中

客淚三巴每涇巾登樓王粲望歸秦正憐弟妹懷同
氣實恐庭闈念遠人座對青山雲繞樹江連白帝城
浮春他鄉愁看年光換華髮催人兩鬢新

秋林驛

驛路平臨廢草亭四圍山靜水泠泠芳林帶雨葉還
綠野竹無人空自青寇盜遺碑猶豎立鬼神無祀燬
沈冥蛙鳴井底成何事徒使三川草木腥

觀打魚

見山樓詩集

四

幕府屏山傍水居放衙人靜一堂虛春來盡日無塵
事閒到江邊看打魚

新津覓宿

欲投何處宿日暮赴山塘破屋星全入風簷月自涼
江潮喧日夜客路飽風霜身似平沙雁低頭愧稻粱

舟行

坐惜蓬窗日銜山欲落時不知江路遠只恁權行遲
岸柳隨春綠巖花傍水欹誰憐今夜月千里伴相思

凌雲寺

代謝悲人事，凌雲寺已灰。
江山遺鼓角，風雨憶樓臺。
二水經天注，九峰向夕開。
祇憐佛座上，歲歲長莓苔。

過龍灣有感

不到龍灣十五年，
寒山秋水尚依然。
惟憐村舍全荒蕪，
舊草頽垣少爨烟。

中秋諸同人宴集

秋來常苦雨，三五喜初晴。
坐愛中宵月，相憐勝客情。
蠻歌休厭聽，濁酒且同傾。
欣賞真難得，留歡可盡情。

中秋夜家庭宴集

見山樓詩集

五

十載中秋月，今宵故國看。
高堂歡命酒，同氣共盤餐。
雲歛青天出，風高白露寒。
傳杯憐幼弟，長夜獨漫漫。

西園雜興

園林驚物候，好景與時移。
竹葉迎霜瘦，花叢帶露披。
孤峰留暝色，殘草送殘曦。
幽興長難盡，休傷歲月馳。

其二

萬葉初搖落，登臨意向賒。
青林垂束栗，潦水擁蘼葭。
小閣一樽酒，遙空幾點鴉。
相看成久坐，明月上窗紗。

其三

霜華凝曉對風色，
樓空青嶂重常食。
臥愁多不耐，
煙香嬾娜蒼鳥語，
叮嚀日晏披衣起，
看山倚滿樓。

其四

憶昔戟門鼓夜晨，
放鞭衝雪常倚杖。
無日不思家，
趨走疲筋力，憂勞盡壽年，
一從歸里舍，詩酒賸生涯。

其五

十載風塵苦歸來，
幸自覓荆花，
欣倚樹秋水，
其意欲，
海燕棲梁棟，
庭柯媚井欄，
長安名利地，
不向斗邊看。

其六

見山樓詩集

七

平生耽古意，
繼日每燃藜，
前史詳花枝，
新吟摘藥題，
子雲雖奇牛，
莊叟解端倪，
夜靜思微倦，
推書月已西。

其七

時友人張恒繼別余
歸里計尚在途中

我友辭歸去，
征途繫客心，
江寒潮信滿，
雲斷鴈聲沈，
高義寧忘舊，
長貧感至今，
來園何日到，
悵望思難禁。

其八

高堂逢薄日，
同氣介春觴，
紅袖歌還倦，
斑衣醉不妨，
閒於含果大，
海鶴歷年長，
惟願他時酒，
兒孫鬢並蒼。

西園小集

無計消長夜開樽坐小亭疎簾迎月白修竹傍人青
急管當筵發輕歌恣意聽起來還露步衣袂墮流螢

太虛庵

夜宿靈岩下庵門俯大河水數鳴石枕山影照雲窩
幽意寒初月塵心靜碧波十年空在望今喜一來過

秋日與舍弟尹公重遊卷石岩

龍盤卷石峙河隄廿載重來若有期明月隨君孤影
下青山識我少年時兼天波浪悲人事萬國烽烟照
酒卮何處桃源堪避世白雲黃菊滿東籬

見山樓詩集

喜晴兼聞劉敬公至

九月雨連綿萬木落如掃今夕雲忽開久陰晴自好
出門仰天斗盈盈河漢皎碧月照寒山銀漢星光小
徐風自南來庭院秋陰燭對此曠心神歡笑驚宿鳥
緬思天地內三農生萬寶穡夫話田疇歲暮系麻老
寒天鳥雀飢羣啄餘粒沙日上扶桑隅凌晨起且早
呼童藝場圃理我殘禾稻噉噉百口間或可苟溫使
用是寬憂虞妻孥坐園遠忽傳故人至披衣迎門表
吹爐煨濁酒開樽叙懷抱娓娓語不休疊空興未了

轉憶東籬下叢菊尚綠繞來日泥淖乾相尋重傾側

悲花吟

一樹海棠絲如織枝長葉嫩嬌無力芳姿麗質自天
成產向渡山人不識二月山中杖策遊相憐移植西
園側泉滋欄護已十年春風花綻殷紅色有時攜酒
醉花前對月臨風著意憐有時移花照書幌解語色
笑何翩翩秋老梧桐明月夜春淩楊柳晚風天今年
忽被狂風折殘花亂落如紅雪葉謝枝凋根竝枯子
規啼處數垂血護持蕭意祝花神瑟瑟霜風分外烈

見山樓詩集

六

玉顏萬古委黃塵彩雲散盡星河滅悵望郊原惜駿
自殘遲獨無殘可哭風前蛺蝶空紛紛依稀猶夢紅
簇簇花兮花兮魂歸來惜花為賦悲花曲

乙巳七夕答舍弟素抱

自古稱純孝百行首立身應教繩祖武兼取慰嚴親
金玉寧增貴詩書豈為貧下帷還定省且與代昏晨

其二

秋陰連七夕星漢失宵明乞巧非吾事穿鍼亦匪
遊瑤娛酒夜鐙火讀書數兒女何須戀驚人在一西

其三

我亦經貧賤愁思未損神
行卑世態任俠見天真
但使心常樂何妨羽未振
寸陰皆可惜速莫爲情囿

其四

詩意似蕭索似傷春事關那
教年壯盛若爲興衰殘
鶴唳層霄迴鵬搏萬里寬
榮華應有日莫觀一時歡

秋日長歌送張恒菴東歸

蕭蕭秋將晚張子將東征
蒼茫入平野執手紛屏營
西風吹白雲蕭蕭征馬鳴
憶昔班荆初一見懷抱傾

見山樓詩集

九

漆園數晨夕樽酒同醉醒
擊筑過燕市酒酣談縱橫
義激有封事良友相規程
一朝批龍鱗逐臣赴羣
陵知交半卻避吾子獨偕行
朝踏危樓雪暮揚寒水
於江險取嘲怒笑浪喧旬
長年皆失色談笑渾無
驚兩載賦歸來妻孥苦伶仃
怡然就東昏相率事耕
耕今年夏過半策蹇過荒城
殷勤話疇昔相對憶眞
誠悠悠甫匝月忽忽問歸程
送子上河梁白日照攜
登驪歌慘不發吞鼓把離觥
思心隨永路重別難爲情

暮秋隱居長歌與諸同人赴唐處士招

謝

霜氣薄林藪秋葉猶滿
西川原奔奔落遠景遙
見揭嶂石磴古剎建纘
後斷野寂真竿天風颭
簾萬念茲節序移乾坤
同梗泛樵我素心人杖
策侍遊宴長歌懷古今
盡日恣唼翫濺珠弄水
演雲壑窮山半孤峯突
自高插天如長劍班荆
互贈荅日暝遊未倦
敢自怡悅聊用承權忤
更謝賢主人清軟炊香飯
濁醪煮園蔬雜餽羅几
案骨肉紛成行交錯相
酬酢

見山樓詩集

十

美人歌袖翻迴身股流盼
眉黛與嵐光相看兩不厭
回思十年內風塵飽憂患
簿書使人俗疊眉意慘澹
聖朝或無關愚鄙謬佳贊
升沈亦何常身世皆夢幻
何如在南畝所歷得散誕

見山樓卽事

何處堪長嘯樓高秋氣集
雁行杯外度山影座中看
摘葉題詩句抽絲理釣竿
幾回花月夜小坐已更闌

其二

夜半聞長笛應知人倚樓
關山寧可越明月迴添愁

夢已家園好行雲世事浮龍吟應有日莫漫感前遊

其二 示舍弟素抱

吾弟才名盛惟憐性木強酒酣時擊劍筆酒頗成章
莫學賈生哭林鮑中散狂腐儒真過慮正誼慎相將

其四 懷張恒菴還家未至

遊子還鄉路多應未到家酒尊何處月別淚去時花
遠道征衫薄秋風暮雨斜凭欄凝望處愁見暮歸鴉

其五

久陰晴自好況復值新秋天靜餘霞散山空爽氣流

見山樓詩集

五

曝簷開藥爨望遠倚書樓日暮繁敷起寒蟬陳未休

其六

最愛今宵月高臨萬戶淡松筠簾外影絡緯樹間聲
欹枕窺斜漢推窗見遠岑流螢千萬點明滅映疎林

其七

徵歌還命舞爲遣夜如年翠袖燈前舉雲鬟醉後偏
含情正峽雨歸夢玉華烟欹枕何曾入雞鳴到耳邊

山居

高秋孤杖倚雲間坐看溪光臥看山白雪風翻驚鳥

浪青苔雨濕出層斑羣歸倦鳥飛飛急對浴輕鷗泛
泛閒欸乃數聲天欲暮漁舟輕帶夕陽還

其二

飛樓縹緲枕河湄繞屋羣峰列障隨雨腳每從晴外
見離喧翻與靜中宜稅完胥吏寧過舍野放雞豚偶
籬不學武陵溪避世漁舟停櫂莫相疑

其三

木棉處處有花開婦子寒裳匝地來比屋紡車膏火
續淩秋機杼早寒催織將瑩雪長連就換得疑霜玉

見山樓詩集

五

粒回更斷直茶成古蓄家家穫稻釀冬醅

其四

仙桃御李夏先嘗棗栗栗房秋竝香照艷不殊荔垂
實分甘豈羨蔗爲漿梨包似橘淩凝雪柿葉如楓飽
受霜忽憶去年雙樹下水盤筠籠贈紅粧

歲暮和空同五首

小院窮陰催歲暮天涯哀角度寒風百年霜髮悲歌
裏萬里金甌感慨中志力空教嘆一蹶文章何意作
三公京華迴首層霄外汲黯何時拜漢宮

其二

升沈滿目日紛紛
趙孟榮華處處聞
器用乘時文武異
物情經久白堅分
朝凭鳥几閒翻史
暮對青山獨看雲
節序一年行又盡
美人咫尺怨離羣

其三

又見川原野草生
南來旅雁自哀鳴
暗憐流水光陰逝
無那浮雲變態驚
堂上權承白髮健
階前喜著彩衣輕
且將廊廟臣時畧
暫向林泉笑濯纓

其四

見山樓詩集

三

性本疎狂自笑癡
三旬纔過髮垂絲
連時白眼人爭怪
報主丹心老不移
霜栢凌寒寧慘澹
青雲出岫任差池
山中自覺年華變
閒聽巴童舞柘枝

其五

元年曾憶巴江曲
歲暮孤帆萬里樓
夜靜每聞山雨泣
月明時聽嶺猿啼
浮來盡日惟耽酒
絕域憂時獨杖藜
一別嘉陵春幾許
詩思猶遠浣花西

和竹林弟韻

荻鞋竹杖晚風前
遙望京華隔暮烟
命世不須才力

斗室時空負華如
採鍊離短徑秋多
思盡簡編爛熳
白憐猶喜荒城無
別事看山日日醉
霜天

重陽卽事

道大梁途中作

他鄉驚物候真覺
厭風塵竟日思親
淚他時報進與
東籬虛舊約南國
憶同人時劉雪堂
令卽催霜老空
令老逐臣

其二

謂九苞兄弟

我已悲風木君同
賦蓼我報恩長已
矣襄事近如綯
原冷鵲鴒急秋淅
霜露多繁臺沽酒
待蚤向客中過

見山樓詩集

五

其三

時二弟素期亦有蜀中之行

仲弟裝同束三巴
竝遠行茱萸分路
插鴻雁異方鳴
可渡嘉陵水應登
錦里城高堂漫念
爾須蚤計歸程

其四

來日登秦嶺散邑南有山
網兒送我行牽衣
語難盡策馬意還
榮泛菊懷鄉日登
高望父情梁園回
首處秋竹古烟橫

其五

爲恨今宵月朦朧
不肯明遙憐關裏
夢應過洛陽城

客路關河杳杳臺巖序驚此時牽遠慮語倍傷情

其六

終日花前醉登高亦等閒離花紫別緒村酒破愁顏
北雁書難寄西風長欲凋夢中輕遠道昨夜過秦山

鐵門

雅志在山水秋濩事行役東去到鐵門停車日欲夕
攜友過水濱古寺山之磧幽興良未已沿溪轉曲窄
移石砌危逕水溪路不隔殿久諸天剝碑古苔薜蘿
登眺久徘徊坐愛楓林赤知已共遙思旅懷殊悅懽

見山樓詩集

王

日暮還歸來四圍山色碧

別漆園十五載矣癸丑冬薄遊大梁邑紳士父
老渡河相邀不忍重違其意重至其地撫今
追昔走筆成句

漆水重過歲月殘馬頭父老問平安莫嫌囊底全
遊贏得兒童夾道看

其二

七載艱辛宦此城決河版築費經營舊栽楊柳三十
樹似解舍風向我迎

其三

不到碟庵經幾時窗前猶剩舊題詩望豐樓上中窮
月曾記當年倒玉卮

其四

曾向楓宸繪鄭圖蒼生僕悴未全蘇若蒙 聖主重
垂問肯使溝中有餓殍

贈戴又還

莽莽朝歌道嶙嶙西歸輪耿耿一杯酒悵悵別故人
悠悠十餘載戚戚各苦辛相思忽相見相見情益親

見山樓詩集

王

離人奈老何互驚鬢髮新舊日遊戲地累累多丘墳
欲訴中鬱曲歷歷難具陳感君爲我念夢我惟心神
哀些傳尺鯉千里寄西秦朔風十月初握手展殷勤
令德日以遠意氣日以真坎坎醕君酒甘醉不辭頻
後會知何日終當託雷陳

飲袁杜少郭外草堂

曲徑衡門背大隄風流不讓浣花溪竹林石影層層
見澗道鶯聲故故啼靜夜停杯詩竝賦凌晨踏雪泥
重携多君慰我鄉心切去日翻愁客思迷

重遊大伾有懷張龍城明府

此遊真爲大伾山駐馬丹崖取次攀杖底嚴城臨澗
水峰前東樹障秦關層樓已見成新構宿鳥猶疑舊
舊顏獨是故大南去後紫來亭子爲誰閒

李氏庭園

舞榭歌臺半不存曲池草滿水全渾可憐依舊青
月不照金尊照斷垣

贈同官王明府

伊予隱玉華近與鑑山隣聞君治蹟好無由展殷勤

見山樓詩集

毛

羣盜發大難邊塞迷風塵攜家將北上未敢逸此身
路出金鎖關暫留漆水濱相見渾如舊興味契天眞
綢繆及餐館過從數夕晨樓高月色滿雨晴花氣新
獨居忘爲客撫時已經旬杜甫淹白水崔氏本周親
新知愜情懷君真逾古人時艱需大才願據要路津
武庫富輜畧指顧安西秦

寓同官縣六詠

客中無一事倦起卽登樓問世誰青眼憂時早白頭
征塵浮日夜殺氣滿林丘迴首風烟裏漁樵處處愁

其二

舍弟春時別孤征入帝鄉子盤雲裏路九曲客中腸
戰伐罷河殲風塵三月黃鸝報須早把愁服正相望

其三

憶我昔年衣蓑女悲憐渠空有淚首路復何辭
地異仍鄉土天中亂客思玉華舊風俗應繁碎兵絲
其四 時舍弟尹公相送至北將別歸石堡

親故今多有時危罕一人感君高氣誼送我出風塵
骨肉情何切分難意轉親明朝揮手去腸斷漆河濱

見山樓詩集

天

其五

三月新晴好家園草木長薜蘿綠樹綠苔上階蒼
渠壑洶潛徑花溪杜荀堂何時共隣里把酒對疎篁

其六

佳賓吾豈敢贊主似君難白酒花間醉青山雨後看
時時勸慰難三三賢盤餐況有園林勝類過興不闌

山居萬壑雪石過草堂未晤而歸悵然有懷天

晴凝遣騎相迎先賦此寄贈

曉後思相見君來我未歸不知花徑裏誰放草堂春

烽火新傳安文章，舊業非何時一握手，共道兩心違。

七夕有感

乞巧人喧客轉悲，女牛隔歲訴離思。休憐天上相逢少，猶勝人間無見期。

十七夜見月

依舊青山入畫圖，婆娑蟬影映冰壺。不知長夜重圓下，也有餘光照得無。

南征紀行

皇帝十五載，楊子將南征。爲戀甘泉石，行期已屢更。

見山樓詩集

元

修忽四月半，僕夫催我行。親朋開祖帳，離緒亂縱橫。

信宿過秦嶺，回望暮雲平。更有素心人，相送山前橫。

依依過十日，去住難爲情。揚鞭自茲往，黯然涕淚零。

三朝渡黃河，一水何盈盈。鹽池王太史，與我鳴嚶鳴。

假道過相訪，相見重班荆。高談多名理，對坐感慨生。

贈我以格言，勉我樹令名。立馬孤城外，顧盼久屏營。

曉宿阿咸宅，衡泥過景明。雨中漾萬象，白雲當戶橫。

夜臥瑞石園，欬枕聽泉聲。飛流三千丈，匡廬若可爭。

徘徊不忍去，敢云憚王程。驅車過太行，連峰不可平。

我馬信虺隤，我僕亦忉忉。所喜數知已，新詩隨處成。

相期在努力，亂離安足驚。解鞍時復醉，意氣生肝膈。

重遊百泉上，詞賦問長卿。主人去白下，幽懷空爾縈。

兵戈塞前路，乾坤方戰爭。三春無來雁，何處容雙旌。

行行到滑臺，故人勤送迎。招招漆園友，醪酒邀同傾。

父老喜我至，瞻望羣輟咩。且盡平原飲，身事任枯榮。

葛溝道中

最是客情苦，况逢秋雨淋。衣單驚濕重，馬瘦怯泥淩。

急溜繁鄉思，孤燈照客襟。漆園何處望，惆悵舊鳴琴。

見山樓詩集

三

洛陽送綢兒西歸

我向瀟湘去，爾從灩澦歸。漸知鄉路近，莫慮子情違。

古驛鳴雞早，嚴關落日微。風烟時悵望，回首各依依。

汝州旱行

敢憚王程遠，勞臣帶月行。野烟迷樹色，遠寺出鐘聲。

草長溪流暗，橋寬石徑平。晨光村舍近，人語馬頭明。

二月廿二日哭二弟生辰

捲地西風撲面塵，今朝計是汝生辰。眼枯萬里傷心淚，

髮老三生同氣身。客路無聊連夜雨，泉臺有路隔

年春新墳兩翁聞相近魂魄依依可更親

河陽道中

到處郵亭酒可賒春山碧樹暮林鴉塵封匣有冲霄劍風落枝殘照眼花豈謂書生能撥亂只教遊子廢思家征鞍萬里河陽道暗使微霜點鬢華

贈孫黃中

中立亭邊笑語時與君同醉菊花尾簾與細踏屏山道畫舫平牽錦水湄別後乾坤勞戰伐到家風雨慰愁思瀟湘知是曾遊地臨水登山事事宜

見山樓詩集

過宜陽張孟遷明府招飲錦屏山

昔我遊閬州錦屏山色好今我過宜陽復走錦屏道相去數千里名同志未考攀陟最高峰極目乾坤小洛水自西東曲曲相環繞古栢千萬株蒼樹望難了山花不知名青林亂啼鳥仙翁有遺跡捫蘿空谷西北望太行雲峰正縹緲太華與嵩高元氣混浩漭連朝苦別離意黯無昏曉對此怡心神萬慮忽如掃豁然看青天衆觴對傾倒坐久日已斜旭光耀林樾長嘯下層崖回頭悵宵竊

遊靈山報忠寺鳳凰泉

宜陽西去是靈山一曲溪流路幾灣雨長苔沒千佛古雪融松老一僧閒難將青眼酬名勝喜有澄潭照客顏坐久不知春已暮飛花故帶夕陽還

其二

鳳凰曲徑徧蒼苔雲鎖禪房畫不開古碣荒烟文石積靈湫淺草水淙澗自貪漱石臨流坐爲愛看山雨來忽憶西南征戰地笳聲日暮起黃埃

渡汝水有感

見山樓詩集

臨河欲渡無舟楫驅馬衝波仗策行亂後荒烟蔓原春來嬌鳥勸淩畊山河萬里風塵暮戎馬千村草木平補闕有懷慙汲黯蹉跎空自笑書生

山行

遙望嵩高接帝城征途日傍好山行橫雲忽掩翠遠水猶分萬壑明夾路飛花經眼盡關心鼓角時驚何當醉草平蠻奏萬里星馳上將營

其三

殘星隱野煙低村店雞數促馬嘶客夢猶迷

某行旌已過小橋西穿林不辨花臨路到岸方驚水
拍隄楊柳依依春正好簡書寧政戀幽樓

郊縣道中望東坡潁濱兩先生墓

宋代稱詞匠眉山伯仲同詩歌真有託正直本難通
雙塚荒烟裏豐碑落照中魯陽城外路徒仰古人風

襄城道中春寒特甚

春殘天氣似秋涼二月凝寒透客襟風起塵沙昏白
盡雲連草樹失青岑前朝戰鬼猶聞哭南國封豨又
見侵遠道依遲驅瘦馬破愁空費短長吟

見山樓詩集

五

遇雨

出門未兩月冉冉春忽暮已惜百花殘况遭西風怒
行人色凜冽春寒懷往路岡巒遞起伏谿谷奔回互
日光微隱見雲氣乍凝近須臾雷電發凍雨傾如注
僕夫各狂走行李那能顧泥行二十里驚馬屢踟步
予本踈野人夙負烟霞癖喟然三嘆息重被虛名誤
何日見山樓推窗看雲霧

裴城謁晉公祠

唐季羣千紀淮西吳少誠孽子有元濟公然敢阻

晉公承廟美仗鉞事專征一出淮蔡定頓使世路平
至今千載下草木肅威名春秋崇典祀廟食在裴城
我來拜遺像懷古有餘情伊今賊臣亂西南方戰爭
小子欽 王命蕭蕭驅馬行雖無長子責所願請長
纓但期張撻伐敢希繼英聲

真陽

漸近三湘道花飛促暮春江山百戰在戍壘一時新
驛路軍書滿郵亭草徑湮故人今作尉相見話西秦

其二

見山樓詩集

五

盡日真陽路村村樹色新石塘空見水草屋近無人
野鳥羣相喚林花只自春可憐司牧者何計憫荆榛

溪行

沿溪行百里隔水見人烟蠻俗無閨婦刀耕多瘠田
亂峰叢草樹岐路遶山川古殿何年寺僧閒獨宴眠

驛路

驛路平橋穩飛花襯馬蹄好山迎面合嬌鳥惜春啼
密樹藏疎屋澄潭照亘霓亂離多遁跡恐是武陵溪

漢口登樓

夫家日以遠極目獨登樓雲暗鳳凰嶺沙沈鸛鵒洲
古今人事改日夜大江流作賦誰青眼吟詩欲白頭

思歸

萬里杳鄉信荆南雁到遲歸心連日夜行况總支離
燕補新年壘春融小院泥可憐好風景滿眼送愁思

渡江次劉雪石韵

三年重作吏五月渡長江雪浪銷塵夢炎蒸到水窓
崖餘新罷壘邑是舊危邦何似山樓上花前粉黛雙
哭周伯衡步秦畱仙韵

見山樓詩集

孟

猶記梁園詩典新招提同伴苦吟身三年痛別乾坤
暗萬里長征書劍貧道在憂時頭早白情懷念舊憂
還親玉樓忽下徵文召傷盡山陽笛裏神

秋懷八首 有序

客楚半載貧病交攻際茲秋半又兼風雨連
宵百感俱集偶成八詠以寫鬱憂

露白葭蒼秋氣淡楚江澄微映楓林風高萬艇垂帆
影日落千山起暮陰冷雨廉纖羈客淚征鴻嘹唳故
園心傷今懷古情何限更吊湘纍到水滸

其二

萬戶傷心帝座高乾坤此日半蓬蒿年年秋色淡
草夜夜西風捲怒濤痛哭買生寧過計繪圖鄭監豈
徒勞龍山漢水還如舊肯向雲霄借羽毛

其三

今年杖策赴荆門日暮悲笳處處喧玉帳琵琶彈
月沙場風雨泣征魂誰教南北成天限卻使旌旗匝
野屯銅柱勲高難耳見星霜半落半乾坤

其四

見山樓詩集

吳

聞道三秦尚用兵梁州烽火達西京隴頭月照千
戍棧閣雲連萬馬營銅鞮經年勞遠餉桑麻何地問
淩咩幾回露冷葭蒼夜翹首長天暗自驚

其五

又見灘頭紅蓼殘每逢驛使問長安憂時分作終
客謀國新收補諫官汲黯淮陽徒臥病杜陵劍外
加餐夜淩徙倚梧桐月遙指薇垣直北看

其六

銷憂王粲強登樓劉表旌旄鎮上流若爲同升夫子

土依然羣泛水中鷗三秋底事真多恨廿載浮名
自羞宇內何方無戰伐那從海外覓丹丘

其七

久向風塵甘息機那堪出處事全非天連吳苑楓林
晚地接衡陽雁字稀刀筆有靈懸爵印詩書何用泣
牛衣踈狂只合山中老誰使江干怨落暉

其八

東籬應見菊花開遊子思家未可回山下草堂荒枳
棘水邊石逕長莓苔兒童剥果綠叢樹士女登高把
見山樓詩集

露杯歸去豈須毛髮白林間猿鶴莫相猜

得劉雪堂書

日日天涯望故人蒼頭忽到信纔真有書但說生還
好無恙何妨客路貧峴首山連峽石驛洞庭水接漢
江濱通宵驚喜何曾睡屈指秋涼可到秦

客中移寓

書擔蒼杆隨處具移居差愛少塵埃兩三茅屋月能
入前後紙窗風自開爲客時教沽酒去有人會許道
花來陶然靜坐忘長夏不用披襟坐露臺

公安曉行

戶外風寒曉曉雞星河淡淡已沉西繩床高臥人
起沙樹顛搖鳥亂啼茅店荒村門未啟竹梢蘸露
還迷青山遠影依稀見把炬雙輝送馬蹄

宿十方院

轉岸尋蕭寺蒲團坐院中禪林回暮鐘佛火撲飛蟲
棟宇知何代山川記大通詰朝依遠道心怯五更風
秋日荆門道中

曠野山田秀微風桂子香馬飢秋草白衣薄午風涼
見山樓詩集

早過長湖

蘆葉浮寒水瓜蔓上短牆江郊明客眼濯足憶滄浪
買得扁舟一葉輕碧天殘月入江明貪涼夜半風帆
發臥聽中流欸乃聲

客夜得張子吉鄉閭捷音卻念其尊公體
城早世不得聞此悲喜交并走筆賦此

賢書初到楚西時喜極翻添存歿悲好事先酬三載
願佳音誰報九原知白華漫賦傷心句紅杏須攀得
意枝努力鳳池陪侍從龍章龍贈慰嚴慈

江上喜張六剛來自平都得令兄九苞消息

寄贈九苞

江上未傳故人到相迎不覺雙履倒驚喜
安近况一一爲我道開絨更讀君來書
辛苦身經兵火餘下言遭逢皆轍軻
弟兄分散址嗟呼嘆爾長才遇不偶
艱難方展經濟手力斬渠魁復孤城
遠萬里賊亦但走捷書上奏達甘泉
功名豈但聞蜀川天子策勳優詔下入
朝應過漢江邊此時相慰慰
別此時雪堂亦返轍劉子雪堂係系與九苞同鄉友時亦因官黜中後居未返
見山樓詩集

江行雜詠

同心聚首峴山下都將患難從頭說
令弟六剛歸思怵幾箇四日出宜陽
長途愁病知減否憂心耿耿那能忘
我今南來在荊州高江千里瀉洪流
巫峽輕舟一舟遙思君不見空悠悠

其二

盡日維舟阻客程風翻銀屋浪崢嶸
傷心人事皆

此平地波濤不可行

其三

惆悵新年髮已絲鄉書欲寄雁來遲
歸心賸似東流水鳴咽曾無斷絕時

其四

千里江陵去復來金樽猶向故人開
沙頭今夜維舟處獨對寒鐙剔落煤

其五

人家兩岸起朝烟小艇罾魚不論錢
十歲女兒梢上

見山樓詩集

翠

坐乘潮笑指客人船

其六

節近元宵鐙火明連村社鼓雜江聲
賊氛隔岸渾無畏依舊笙歌樂太平

其七

野草離離土一堆舟過都望楚陽臺
當年雲雨原無準何況千秋入夢來

其八

不愛黃金重立身榮枯瞬息若輕塵
真爲國士能

主果是娥眉豈媚人

其九

醉後有懷惟看劍悶來無計但吟詩
憑將無限孤臣淚灑向東風總不知

其十

金縷青青南陌頭
短絲撩亂似經秋
分明昔日章臺樹
惆悵人間無許侯

冬日鄧西道中

峭壁青天少連宵
夜雨多微霜初滿徑
衰草欲平河見山樓詩集

望

其二

平生歷險阻
不到鄧西何事驅羸馬
衝寒渡淺溪荒烟連日瘦
古木與雲齊
蜀道曾經險
林深路不迷

其三

破落前朝寺
勞臣作使衙
道碑屯驛騎
地灶煮山茶
四面軍聲起
一川烟水賒
可憐三佛座
寂寞伴皇華

其四

窄途六十里
下馬幾千迴
石磴盤空上
危峰逐爛柴

曉樓顛立日眩久徘徊
新闢輪軍路勞人實可哀

靜樂宮

文皇晚好道宮創於有明成祖二十八年
結念慕玄空既表報恩

寺有寺後復立靜樂宮
古栢盡十圍豐碑何穹隆
層巒肅帝居結構魏闕同
璇題納日月繡柱盤虬龍
中有金碧身丹雘極人工
左若揖浮丘右似顧崆峒
我行均水陽典祀若華嵩
雲裝餐石髓烟駕美輕鴻
便欲謝世人游仙躡輕虹

宿周府庵

見山樓詩集

望

亭亭門前栢青青
林中竹灼灼澗底花
呦呦山下鹿此地足幽棲
豁達開心目近閣欹
乍明遙峰月漸伏徙倚引芳柯
夜涼風出谷更有八株桂
叢生香氣馥名境如高人
作意在嚴肅我來宿其中
九泉資照輝彈碁香更焚
庵有某亭揮琴茶正熟
庵有琴亭靈籟灑塵襟
幽房謝羈束搔首俛下方
攘攘多蹉跎願得素心人
毋經其把讀

紫霄宮

客過松間飯尋雲上紫霄
細泉穿石腹老樹踞山腰

水杉木洗藥猿鳴澗啞芝鹿過橋何年從此住各
伴歸樵

登太和山頂

地爲仙家困靈異插天柱三十六巖霞二十四澗雨
雲中炊釜隔天際鳴曰杵忽而過嚴城規模顚官府
所謂紫金城是也一關當其中左右列樓櫓循級緣鐵縹不

磴作廊廡投足疑無地蒼茫五丁斧周迴一里餘乃
得禮真武金光何晃蕩宮殿及門戶不獨錯法象兼
亦飾簋簠旁有四神人昭穆侍聖祖或捧劍倚天或

見山樓詩集

望

執旗飛羽或繫印綬垂或作虬龍舞縱目皆奇觀了
了見湘浦杖底撥殘雲坐擘麒麟脯他年名山封還
將太嶽補

送張恒菴入中州幕

朔風正凜冽送子向洛陽蕭蕭班馬鳴分手在河梁
昨夕鐙燭下友朋具壺觴各述生平事耳熱生慨慷
交情三十載絕無參與商漆園共筆硯燕臺理諫章
一朝鼎湖泣逐臣赴夜郎去國七千里惟君肯偕行
朝踏雲棲雪暮宿劍門霜賦詩兼把酒談燕慰殊

歸來讀夢我生平我堂執手昂棘人牽縈哭路傍

此意尤感激所重在綱常前年容鄂渚追隨戎馬場

炎蒸苦蚊蚋終夜起徬徨八月秋風至君病神機傷

爲君理湯藥收斂初離床卻辭黃鵠磯磯聯舸趨鄖襄

兩載同苦辛曾未厭糲糠羽書日旁午勞君爲贊襄

此別豈得已念之戚衷腸嗟余貧猶昔君髮已蒼蒼

飢難爲君飽寒難爲君寒君雖甘澹泊我意殊恐惶

幸逢賢太守托君歸故鄉伊洛與河朔一水遙相望

人生感意氣努力效勛勩近家風土宜加餐身自強

見山樓詩集

署

秋風吹南雁附書報我旁握手有後期珍重莫相忘

獨坐

童子自添香空齋甘屏跡是然斷足音獨坐翻殘帙

春閨

黃鳥着意啼繡帖朝慵理悄下花陰行微風皺池水

秋閨怨

滿徑梧桐影起看明月光郎今去何處妾只在空牀

辛酉溪冬月色甚佳招同人集飲趙秋水賦詩

依韻酬之

最愛知名客何妨日日來雪晴三徑掃談劇百憂閑
覓句刻銀燭留歡傾玉盃明晨衡放早遊展願追時

其二

三章約酒政百罰競屠蘇風雅推平子粗豪鄙灌夫
瘦梅啣雪放寒月映窗孤戶外雙燈列樽中問有無
早發建陽驛因憶六翮將去之蜀偶成五律詩
以贈別兼呈九苞

早發荆門驛殘星尚在天雙燈明仄徑列騎引廻川
醒帶鄉關夢行穿野樹烟故人西去蜀明月慘離筵

見山樓詩集

望

其二

巴江千里浪今已靜風波祇是離家遠應教思夢多
一官猶泛泛雙鬢已皤皤後會那能定臨岐奈若何

其三

莫辜兒女慮我幸在汾陽秦晉原相望朱陳寧可忘
不愁囊篋滿但願起居康錦水東流處雙鱗早寄將

其四

甘載蠶叢路平都我徧過斷碑鐫梵記廢殿拜闍羅
縱是荒殘後依然渾樸多次山今在道定作春農

其五

雁序分飛久相逢倍慰情荆花同照砌棣萼並敷榮
話舊先鄉國論文勝友生郵筒新釀熟洗盡舊酸醜

襄陽臨去留別江山勝蹟

抑問山公政暇園池留習氏懿徽叔子仁敷
裴帶著峴山雅況悵前賢之已杳追芳躅以
無從况襄陽地萃文明工部樹詞人之幟士
雄才畧武侯登上將之壇隱逸名粲乎史編
山川勝稱于圖誌蘊風懷景企幸挹流風載

見山樓詩集

吳

酒尋幽敢負花朝月夕驅車問俗快逢烽靖
烟銷願茲簡命之幸叨量移山石念此經
遊之勝槩溪切離懷爰咏斯章聊摭別意

隆中

南陽岡外草離離想像先生高臥時嶺上雲歸徐澗
壑池中水在兒鬚眉春風驅馬行山遠古蹟懷人淡
水遺靈粹酬知原正統雄才卓識大名垂

鹿門山

鹿門高士此幽栖政暇追遊酒并攜竹下清泉穿石

出沙邊水鳥避人啼望來已覺塵襟靜坐去還令膝
客迷詩卷帶將靈異色醉中把讀慰悽悽

昭明臺

紫蓋平連巖鶴生高臺石碣記昭明文章歷代歸暢
治風雅登壇擅盛名撫景欲收全楚勝愛才不盡古
人情凭欄每憶張鋌夕似聽雲中吹玉笙

太和山

七十二峰拱帝居盤輿春擁上凌虛萬松路引仙蹤
觀雙澗風寒鐵嶽廬修土方來瞻聖蹟守臣歲祀闕

見山樓詩集

香儲繪圖已見名山誌覽勝空慙勉力疎

峴山

暑裏開簾見此山羊公幽興每相關高風敢附千秋
盛佳事聊尋半日閒地有靈巖抵朋好官無俗韻勝
朝班太行回望荆襄隔不用看碑淚已潛

習池

名園自昔枕山阿常日扶筇向薜蘿竹裏草亭詩坐
咏池邊石逕醉行歌春風吹袂看雲立秋月當頭
酒過欲別幾回憐勝跡鶯花無柰宦遊何

孟亭

漢水城南高士亭垂楊修竹共青青湖山縹緲關關
樵鷗驚翩翻下晚汀明主憐才終見棄故人肖像
忘形才名不盡千秋望莫遣春雲鎖翠屏

岢嵐道中卽事口占

炎暑樓煩道王程不可留有山皆斷壁無水厭長溝
亂石紆樵徑崇巒隱驛樓何如書舫裏桂楫任夷猶

其二

驅馬穿雲過衛泥泥曉天千山籠野霧萬井起朝烟

見山樓詩集

地脉臨關九風威近塞偏征衫無柰薄六月欲裝綿

雲中道上立秋

野寺鐘聲報早秋連天草色動邊愁千戈幸息疲民
困飢饉猶勞聖主憂雨過平橋新漲濶雲開高嶺
晚烟收莫言中外今同化上將還應謹戍樓

沙南漫興

白草黃雲道路難邊城秋早雁飛遲長征易下思鄉
淚薄醉難開倦客顏兒女關情昏畫錯風沙撲面
毛斑沙南憑吊唐梁事霸業千秋逝水閒

蔚州試院

別館千山暮嵐光入座隅罇開非醉酒時機有友人近所非詩

酒火葵不灰爐此地不灰木為涼月一天挂秋風爐體輕而火易然

雙樹呼塵勞此暫息瀟灑客懷孤

校士蔚蘿步魏環溪先生韵

遠色秋高夜月孤西風催客憶尊醺貧看宦况書與

誤病減詩情興漸無但守松筠存晚節那知棄李有

良圖半生鬚髮塵中老羞道會為諫大夫

雲中秋懷有引

見山樓詩集

五

高秋按試攬轡雲中登句注之危峰撥薄泥

之畫槩金風簫颯悲笳吹雁塞之霜玉露蒼

涼寒杵搗龍堆之月中宵伏枕感以情生遠

署拈毫賦綠愁起因念少陪侍從抗白簡而

永濯寸丹老宦邊郵望紫宸而天高萬里

鄉樹落尊鱸之蓼松菊榮懷良朋興梁月之

思人琴繫慨川已漂泊期握手其何時龍圖

奔馳盼好音而向杳惟此八紘羅俊聊展以

人事君之忱願從三策掄才共敦正誼明道

之雅偶長吟而成什亦漫興以遺懷云爾

白露蒹葭秋氣橫悲笳日暮起邊轂千門碁杵催刀

尺九月風霜曳旆旌旌雁過塞驚歲暮暗蛩泣雨望

朝晴故園舞憶燕壘日載酒高原對月明

其二

中宵依斗望京華廿載長安夢裏賒奉引記陪仙仗

入退朝行迹御階斜丹心肯念長林草白首羞

垂絳帳紗謾道九重臨尺五蘆溝南畔即天涯

其三

見山樓詩集

五

五夜簾鉞夢未安吹殘畫角曉霜寒獨懸綸綍思

徧重垂老詩書債未完桃李經風秋半落田疇望雨

歲猶乾憂時擬作長沙策草就空摩淚眼看

其四賦張九苞

西南霜露下江關萬里攜家人未還半世功名嗟逝

水一行詩句老空山悲多宋玉辭難麗病劇文園賢

早斑暮上龍堆發長嘯一樽何日慰衰顏

其五懷張六翮

白村叢桂問寒梅解組歸來花未摧載酒蓬門松徑

掃移鏗紗幌竹窗開思兄空擾三秋夢望友還虛五
夜杯枉寄襄陽鈴閣句發緘拭淚憶汾隈

其六 懷劉雪堂

八載牂牁信不通新攜百口出旗中心摧戰伐灰天
末齒落家園泣路窮荆樹江邊生蔓草蘭皋雲外盼
歸鴻遙知此際隣酌熱爛醉仇泉對菊叢

其七 哭劉雪石

然藜讀遍石渠書沮水烟波老釣魚好賦長留人世
上哀音忽報棘闌餘重泉漠漠羈魂遠宿草離離夜

見山樓詩集

呈

月虛紫塞秋浹聞過鴈西風寒淚濕衣裾

其八 懷俞處菴副戎

離羣常憶漢江潯珍重元戎寄好音江上青山秋削
暗天邊鴻雁暮雲浹淚殘元凱沉碑清夢遶山公載
酒岑絕塞不堪回首望西風蕭瑟起寒砧

其九 懷李屹嶠

廣野風雲夢澤連離魂常遶漢江邊思親念爾懷鄉
土罷職何人乞酒錢磨折襟襟彭澤綬難危忽補
莢篇難憑雁羽寬遲暮纔展魚書涕泗漣

其十

鍾下丹黃映索丘微言浚解豈難求千秋道誼詩書
裏百代文章藻鑑流校士窮邊懸朗皓憫人荒土重
煩憂半生鯁骨嶙峋在肯任依違負白頭時方黃甲
士也荒事

壬戌重陽後七日試院早起登樓作

棘闌咫尺里門東飛閣凌霄對碧空秦地河山連古
戍晉王臺樹剩荒宮暮雲哀角情何限潦水寒原望
不窮短髮他鄉愁每切那思桃李媚春風

見山樓詩集

呈

其二

老大丘園尚未還西風吹度雁門關黃雲日暮低平
野白草秋浹沒斷山 聖主崇儒頻講藝將軍棄鐵
早平蠻倚闌北指燕臺下劍佩曾瞻豹尾斑

甲子春暮遊海會寺坐巖山閣漫興

流泉曲曲抱禪關駐馬登臨未是閒池上迴廊森翠
竹松間高閣對青山每憐勝地容僧定何日幽林結
鶴還心賞恨無摩詰手一時闔闔出人間

呈大司寇魏公瓌溪

鳧 聖登青瑣辭榮下 紫微辭納封寶冊鶴髮斑

初衣易退循高散藏名學息機睦鄰敦德里骨鯁著

宸闈端笏泥樓震垂紳虎殿純忠分露恩總憲

肅霜威執法追忠業祥刑嗣呂薇直 思離輦敢

傳按邦畿廉慎榮華衮貪庸避朗暉懷誠諒 鸞

談笑返漁磯道履遵先哲貞操諱素幾梁公桃李度

文正樂憂希勲望齊伊呂淵源接泗沂不才安簡

從與世阿依觸諱歸秦嶺蒙 恩佐楚撤汨羅哀

見山樓詩集 五

子夢澤吊湘妃汾水分衡較行山攬轡轡三年遊

化千里望珠璣欣報沾 俞命 欽旌賜驛歸繫

心孔亟御李願空遠仰斗同河嶽傾葵比爾飢何時

陪杖几望遠重歡秋海若函支孤春陽異片晞肯容

函丈側玉塵侍高揮

長干行

長干臨大江郎自撓船去日見估人歸不見郎舟至

前溪歌

前溪桃李紅後溪蒲葉綠欲裁鳥絲箋沿流寄空谷

碧玉歌

佳人名碧玉善吹碧玉簫吹罷自惆悵煙波一望遙

桃葉歌

秦淮桃葉口權繫桃花水兩岬垂湘簾隔牕聞細語

歲暮謁 陵

五夜衝寒入寶城 昭陵松柏瑞煙橫班聯秩序趨

踰盛帳殿崔嵬薦饗誠萬里河山皆拱向千年裕祿

極尊榮發祥聖地霑恩禮玉醴天厨逐隊傾

奉天丞署雜詠

見山樓詩集 五

猶是朝官列陪都遼水東籬殘朝擁雪屋破夜來風

飢鼠闌梁上寒雞叫夜中日高常倦起更隱若爲同

又

天涯逢歲暮寥落未歸人家遠書緘斷官寒酒半

形容悲老大動止費艱辛改歲明朝又誰憐白髮

又

稍喜妻孥聚鐙前笑語連聊傾淡夜酒共醉苦寒天

不寢聽更漏隨朝拂曙煙祇愁多病後欹坐愧班聯

又

上日朝參罷循規放曉衙呼名胥吏慢排杖甬堀斜
近市車徒擾比隣兒女譁啞然成一笑粧點好年華

又

壯志羞稱老其如老已隨眼從新歲暗足是舊年疲
對酒鐙疑燼尋山步較遲龍鍾今已見遠宦意何爲

又

終日言歸去云何竟不歸彊餐憶家食多病嬾朝衣
待漏難朝起登車嘆昨非吾廬春正好閒卻釣魚磯

又

見山樓詩集

重

霜風連日起撥火煖衣御喚婦朝尋奕聽兒夜讀詩
酒空休市後茗煮鑿冰餘倦後聊欹枕寒牕映日虛

又

方外黃冠子相尋數往還談經憑妄語說劍破愁顏
凍竹交難理新詩累未刪滑稽消永日不爲叩元關

又

扶病過蕭寺爲農問野人君王崇稼穡上將闢荆榛
荷耒南陽士牽牛豐沛民老僧無一事獨坐息天眞

又

昨夜傳來信中承出塞行含悲辭上國忍淚出邊城
顏面何憔悴談言尚悻驚憂傷那可道聊復話平生

又

正月霜風厲一枝何處梅江南亦閒事塞北自驚猜
煞好開詩帙還宜對酒杯隄頭思寄贈驛使幾人來

又

朝餐釋席地上子祭方回引手分神肱鞠躬受福疊
淮南相伍左梁苑盛鄒枚欲獻河間頌慚非作賦才

又 查子丹饒黃
果黃柑等物

見山樓詩集

美

三韓佳果少忽見滿春盤遠向燕山致驚從遼海看
味兼畦密厚色亞水晶寒珍重良朋惠分聿兒女歡

又 送謝都純往鳳
凰城諸處行田

號令連宵動將軍出塞田瞻蒲疑劍影聽戍柝弓弦
農器金刀易營屯鐵騎連威時動歸興耕稼憶秦川

又

驚老春將暮中宵襖被寒空思花片片初見雪漫漫
歸客脂車待愁顏對酒看最憐耕成粟分外怯衣單

又

爲憶花朝至家園逸興催長條拖碧柳叢樹發紅梅
過水橋平路看山月照杯豈如沙磧裏終日起黃埃

又

塞外逢寒食蕭蕭暮雨斜柳榆方吐葉桃李未開花
新火書幃冷先望道路賒徒悵望萬里隔風沙

又

一夜風威盛寒林雪壓枝東隣高酒價北市重新貨
山東封樵徑江水收釣絲千家炊灶冷恰與禁烟宜

又

見山樓詩集

五

冷暑無多事悠然近石林焚香依硯北把酒面城陰
鐘白催人老踏青動客心悲筵何處起日暮有哀音

又

守拙存吾道隨緣豈羨嗟妄傳漢文帝欲召賈長沙
短髮愁朝鏡長天隔暮霞從來安義命畱滯任天涯

又

春溪猶作客上已倍神傷沙樹無邊暗驚鷺有底狂
冰溪難被稊曲水憶傳觴往事真疑夢何時見故鄉

戲題美人對奕圖

判局排棋將士均雙凝秋水勝全分慧心營築夫人
壘纖手麾成娘子軍躍馬未防花墜髻渡河寧濕燄
爲裙敲殘夜月鐙將燼贏得名香繡幄熏

讀姜定菴樹木堂畱題有懷

即用原韻

帝里寒多春較遲煖帷何計貯花枝生憎鼓角驚鄉
夢獨撫鳴琴送客思鴻雁未傳懷遠信綠楊初掛繫
情絲故人剩有尋芳句爲憶金臺夜雨時

春懷

秋盡悲歌行路難冬深回首憶長安平沙日落黃雲

見山樓詩集

五

迥絕寒霜飛白草寒簫鼓遙聞天上奏旌旗只向日
邊看邇來京國無消息腸斷春風獨倚欄

懷京

又

垂老離羣久索居朔雲秦樹兩欹歎魂來關塞情常
切月落屋梁夢屢虛風雨三春人臥病鶯花二月
無書別時曾約盧龍道此際郵亭可憶余

懷劉敬公

又

自古才高嘆數奇曲江棣萼更堪悲同年科第青瑤
接匝月簪裾白髮垂謀食耦耕南畝未憂貧聯咏北

門詩何時待詔金門裏其袖天香出
御擢 懷張九 苞六

又

青春挾策獻承明曾許攜琴向我行岐路不知何處
左離懷遂使隔年紫闥心客裏思鄉病着意關中望
遺情聞道 君王遊正字牽衣豈復淚縱橫
懷尹 舍弟

又

歸自黔南萬里天息機鷗鳥泛沅泉三河事業餘
句終歲辛勤負酒錢麟趾雙振堪慰老鹿鳴聯轡憶

見山樓詩集

弄

當年臨岐送我彭衙道唱徹驪歌意黯然
懷劉 夢雲

又

去歲天南驛使迴星沙遠寄好音來含愁五夜關書
恨別三年厭酒杯藥餌勞君憐婦病枕食候我見
顏頰傷心兩地八千里雙鬢俱應白雪催
懷周 竹香

又

鄂渚淪關望眼迷悲風中夜夜過寒溪黃梅寺裏花應
滿赤壁山前草正齊負米途中傳鵬翼振荆樹下聽
鶯啼祁先郊後誠佳事佇望春風速馬蹄
懷張子 羊 康昆

武昌

又

玉華西望起邊愁寂寞山樓蛛網稠徹夜夢中家萬
里連朝春半氣三秋心隨弱女天涯遠與逐羣兒往
路修蚤晚須圖歸計就好憑詩酒臥林丘
懷卿

臥病三年心灰形槁久踈聲律遠海之役去國懷
人百憂駢集偶成八咏直抒胸臆聊用歌以當泣
云爾若自詡曰詩則謬矣

奉和劉仲雅寒食旅懷八首

見山樓詩集

六

三月邊城凍未開他鄉熟食客心摧馬醫牛牧依先
壠粉蝶紅鶯泣夜臺節序倍增風木恨鶯花偏觸鵲
鴝哀賦歸幾度歸無計宦興寒爐撥篆灰

又

年逾知命未知非老大猶披待漏衣金剎交新招白
社玉堂天遠憶荆扉雙親思夢雲邊落兩弟幽篁月
夜歸日暮青郊聊聘望傷心忍見紙錢飛

又

寒食邊城凍鳥飛垂楊微綻綠依依風沙日起人迷

望鴻雁春來客未歸感我多年悲岵岵憐君三載泣
庭闈生人誰免終天恨獨悵松林拜掃違

又

荏苒誰堪歲月流關山滾鎖旅人愁容顏塞外風塵
老身世江頭泡影浮多病長卿空作賦悲歌王餐羅
空樓柳榆鑽火隨時改歲歲心傷憶白頭

又

廿載驅馳宦跡浮拂衣決計在三秋關河不隔思鄉
夢雲樹常繁去國愁濁酒燈前成獨坐青郊花外憶

見山樓詩集

空

同遊明年此日春陽下野哭還應到顰頭

又

季父寧忘暫遠遊貧家百口賴耕耰櫛風沐雨晨興
蚤乘屋舊田歲事周髻齒書香繩祖德白頭生計代
兒憂春淡壽日看將近彩袖何緣把兕觥

又

藝器苜蓿總堪憐高誼蘊湖豈異賢冰署釜懸難強
飯秋風衣冷可裝綿恠余棲泊常三嘆爲爾經營豈
十全蚤就臨雍來勸雀英教白髮念寒瓊

又

弱女天涯日夜悲臨岐弟妹泣如瀉遠隨夫壻是
後應夢高堂定省時念汝每憐鴻羽斷見吾應惟
絲垂勤家爲佐惟燈讀告齡乘龍自有期

聞

命量移京尹

詔書昨夜下漁陽謬擢狂愚上尹堂 聖主恩波同
雨露微臣材力愧張黃青雲敢異非熊夢白髮難參
振鷺行願竭微忠圖寸效開箱還檢舊封章

見山樓詩集

空

別董子丹

廿載分攜絕塞同相思未盡別匆匆故人情重難從
馬 聖主恩波起塞鴻白磧車驅朝雨後青山啼曉
夕陽中臨岐莫灑沾襟淚遲爾追趨 鳳闕東

奉天將發承羣公祖餞卽席留別

戒路京華去特行戀故人離樽遲把袂別淚各沾巾
澹泊同官好過從出塞真關山明月夜覓夢許相親

過巨流河

遼水經由處朝天再泛舸寒暄殊氣象來往荷恩深

入望懸孤嶺分流涉巨濤陪京前日別回首朔雲高

過松山

前代沙場地春深策馬過平沙惟雁陣落日有樵歌
拒戰河山舊荒村瓦礫多至今風雨夜燐火映青蘿

觀海

駐馬關門下來登望海樓迷天分島服界地護神州
蜃氣蓬萊暗龍宮日月浮殊邦重譯使萬里見安流

謁義齊廟

義士堂高灤水陰廉頑雙節感人漢采薇不羨陳疇

見山樓詩集

奎

彥扣馬依然讓國心門外澄潭堪百尺院中栢樹欲
千尋經過小憩情何限回首郊原泪滿襟

初入京府蚤朝紀事

曙星高映翠華崇忒側千官拜舞同天上旌旗雙

闕裏日邊樓閣五雲中陪京卻返恩多渥釐府

初趨夙在公漢代趙張難繼美小臣何以答穹隆

奉命巡撫上江感賦

吳頭楚尾控當中龍節何緣界薄躬訓練相沿兼

武畧綏懷本自重民功臣心祇懼驚新命聖主

恩綸獎舊忠寸草春暉難報蒼蒼將廉注慰哀鴻

御賜鞍馬謝恩紀盛

仙仗曾鳴鹿不忘重驅終恐異騰驥承駿足來
天廐更系銀鞍出上方袖拂敢騎江南滑錦幪凌
護淖泥妨丹墀拜引青絲去矢報寧辭萬里長

出都留別朝中故舊

青瑣追趨企壯猷班聯情接附千秋鳳綸忝竊宜

城命雁序繁華魏闕愁實少忠勤據後效虛煩

宵旰試前籌天涯惠好存知己翹首青雲倚隴頭

見山樓詩集

奎

鳳陽道中

驅車濠梁道萬畝土全豬飛蝗自何來楚天還盡野

吞嚙到草根跳躑躅礙車轍哀哉饑饉誤木皮競剥屑

婦子集路旁爰號擁征馬壯者半溝渠遑論孤與寡

攬轡那忍聞仰天淚盈把請賑伊我責未任敢姑拾

微屬速具陳封章夜自寫汲黯豈異人仗節矢便假

聖人御九重宵典念民社得罪亦所甘雨露行則

灑庶免子遺民暴骨同殍瓦更愁寒冬來誰為移火

厦

丁卯監臨南關中秋夜雨

江城圓棘雨連綿月隱高空罷盛筵多病顏慚監使
座憐才豫問孝廉船桂華沈霧香仍馥燭影搖風夢
欲燃三十七年當此夜揮毫陳策盡瑤箋

重九舟中感舊

去年重九向關門寒雨瀟瀟客斷魂驛路車徒趨紫
塞人家鉅火照黃昏疎林靡馬風吹帽野店荒城酒
注鐙今日中流簫鼓競榮更卻把對江村

重九日暮泊舟三山登高望友人不至

見山樓詩集

空

九日登高處披榛陟峻丘橋臨青草岍江轉白沙洲
風起荻花亂月明楓樹秋孟嘉如在座何減異時遊
九月望日抵皖城下多君修廉使置酒鎮皖樓

郎事

江城戾止喜今朝綠酒華筵卒見招小隊旌旗沿曲
岸浮屠燈火麗層霄寒衣比屋憑誰授下里煩冤豈
盡消明月高樓回北望嚴疆何以答 神堯

送江次山廣文還宜城

我別東江上君沿漢水來相逢卻相送惆悵兩徘徊

又

龍節方爲使煙堂自此升皖襄同一水鼓楫可還能
壽董默菴制府六十韻

恭惟平格佐遙望直方模欲效岡陵頌先徵保定諫
宗傳衍鄒魯正詎遡江都海岱觀應止天人策有孚
名題千佛上雅製六經腹圖杏探花宴 宮袍繡錦
紆仙藜輝秘閣華蓋近天樞蓮燭光常借花磚景未
逾羽干潛益贊吁唏感堯俞漸海敷全訖格苗德更
敷高文傳典冊大業在匡扶 講幄春筵進 齋宮

見山樓詩集

空

夜對殊汗青存體製惜墨較錙銖典學行畿輔拔尤
盡璉瑚成蹊感樹李網海豈遺珠望實稱全美直賓
藥不渝千儀皆步飭三禮備咨諏崇祀供馨薦肅朝
到履絢軍書猶擾擾 國計或區區按績秩宗最升
華司會需天儲諸府裕民力萬方蕪藻鑑官材辨懸
衡品望符公忠聞 轍辰典要絕邾婁綱紀資祥
威稜別訓狐九流歸大治百執漸亭塗飭紀澄繁
繩違正海隅廷須汲黯重臺有崔從孤 帝念東南
困疇咨岳牧趙蘭臺分獨座龍節建高衢閩粵連章

貫江淮控濡須廉仁安筦簞見猛靜荏苒照膽明金
鏡澄心徹玉壺數靈凝草木階祀走孫吳宿列三臺
次胸藏八陣圖襄龍需偉抱敢沃待鴻儒良月江春
小丁年愛日吁堯堯餘五莢華祝洽千夫福以箕嘒
飲齡將喬嶽俱兩江望臺栢一德動星榆拯溺歌舟
楫吹寒挾續禱河山盟帶礪弓矢拜彤蘆薄劣慙班
列精純美瑾瑜詞場惟弁淩仕路久回迂觸忌真疎
慙櫻鋒寔拙愚都亭空顧盼蜀道歷崎嶇竟釋蕉中
鹿方辭轅下駒松門躬麗掃剝徑未榛蕪卻采移薪

見山樓詩集

空

策直因躍馬徒戎行親鞬轡支郡脩艱虞較士過汾
晉程文眩紫朱登仙寧望幸養拙已心偷何意承官
乏無能敢自誣驅車就安石解纜識囊吾一水常疑
盼三山注碩膚畫麟看秉軸躍雀慶懸弧車指瞻南
極航稱限左途葵傾良有素鵠放豈虛拘昔景胡藏
操今同郭泰臚遺光應照乘擊析異聞邾馳思隨澤
練吟詩邨大巫

同署中諸烟友出郭遊覽挹讓泉淪落小憩

歲晚政微暇休沐荷 聖恩放情出近郭逸興庶漸

藉孤塔尖留落照紅滿座友朋成雅集小酌梅柳
和風郊原雨雪消仍溼私喜春晴兆歲豐

鎮皖樓眺望

樓外澄江日夜流呀邊風物渺余愁世情汨沒看何
盡民隱煩冤見未周 紫極北瞻 天闕迴黃雲東
望海門浮莫矜水鑑渾閒事欲挽頽波砥上游

艤舟采石磯登太白樓懷古

扁舟下春江奔流連牛渚攬勝得采石磊砢臨江潄
長松蔭蒼巖風動虬龍舞繫纜眷奇賞烟景恣探取

見山樓詩集

完

披襟坐崖石放情思遐舉亘山際海門驚濤緬吳楚
翠鳥鳴幽林明霞散殘雨扶杖陟危峰雲開日亭午

其二

天帝愛文章仙人難久留偶爾謫世間笑傲凌滄洲
詩存傳終古神返歸崑丘騎鯨事荒唐傳訛亦可羞
我來澄江上憑弔登斯樓觀其諸大節志豈屈王侯
緬懷明月下載酒命金甌夜糧發采石醉披紫綺裘
旁顧若無人氣吁空千秋塵鞅真自縛曠懷誰與儔
延佇不得見灑酒長江流

舟發阻風却回怕燕子磯同秦雷仙太史周竹

書李圮瞻兩明府及幕中諸友人登近磯小

山因過蒲菴上人禪室

竹杖行尋惠遠來石林仄蹬上層臺山靈似解耽幽
意故遣江風引櫂迴

其二

老衲雲邊響木魚懸崖叢樹覆高廬欲分一片蒲團
地坐看江光把道書

其三

見山樓詩集

靜對蕭然萬慮輕禪關風物總移情從官莫更驚猿
楊耳到空教禮磬聲

其四

車錫空山三十年大江龍出夜鷄禪貽余寶盤雲
氣懸月牟尼照客船

戊辰初夏以公役之緒蘇舟過京口劉訓夫少

參王季嘉太守招飲金山寺瞻拜 御書印

席賦紀

此行非爲看山來勝侶招尋暫舉杯略識烟霞隨色

相已憐身世等塵埃參差樓閣中流迴遠近橋帆兩
岸迴 宸藻江天真一覽長懸雲漢象昭回

過虎丘莫五人墓作

昔在有明季養亂由王宮逆璫竊國柄百執咸承厥
希指排忠直逢迎競自工祠宇逼郡國金碧極尊榮
爪牙布遠邇睚眦慘禍鍾嶽嶽周吏部勁節摩蒼穹
所事見抵忤閹恨蓄在衷構誣竟連及緹騎下江東
怡然詣逮所志欲折奸雄萬民同感憤冤號塞衢衢
騎呼一何怒民怨一何紅壯哉五義士 顏佩韋馬
洗揚揚念如

見山樓詩集

主

周文 突起羣衆中直前肆奮擊應手斃元兇佩韋
首倡楊馬爭相從周沈亦踵至神王儼飛龍餘徒雖
奔逸氣奪等蛆蟲節使論成獄就死各從容懷宗正
天紀殄逆表前忠吏部却贈謚義骸猶未封瑞祠旋
敕毀卽地葬數公事理有反覆仗義豈終寤高名
卑壘經過感叟童粵有吳太史 題碑表芳蹤稱人
良不易一字重鼎鐘我來欽遺直灑酒憶幽悰庶幾
興頑懦千古仰磨礱

戊辰夏日嵇漪園司理秦雷仙宮詹約游惠山

園亭自金閨解纜會風阻夜分方至同諸

歡讌達曉明日乃遍歷園中諸勝續飲即事

用杜工部遊何將軍山林原韻十首

爲赴山園約溪宵度野橋星河明曲澗燈火徹重霄

簪組猶相絆烟霞媿此招莫驚猿鶴侶坐使賞心遙

其二

古木園青嶂高陰覆畫楹選家章易一韻雕梁初乳燕淡樹

舊巢鶯翠益黃魚鱸香泉碧筍蕪江東期未遠疑伴

李鷹行

東山樓詩集

其三

杭稻抄雲子蒲萄出月氏嘗新思借箸垂蔭憶臨池

愛客吾同切耽幽獨爾知菜鮭供晚食蓑笠欲教披

其四

破夢催朝宴金餅插小花潛林看翠羽韜筆隱靈蛇

安攘時相待榮阿興漫賒他年同解綬卻就結鄰家

其五

閭敞延雲入窗虛面水開尋幽穿菜竹醒酒剝青梅

休覓華胥去眞疑閨苑來崖根經宿雨石髮被莓苔

其六

香爐飄翠篆丹經咽幽泉近水生秋氣臨風憶水綿

但題招隱賦不乞買山錢雖晦隨吾道終看涉巨川

其七

分藻魚吹沫翻花蝶趁香溪風全卻暑嵐氣迴添涼

朋多殊味家醅出舊藏歡娛難遽別歸路夜蒼蒼

其八

同游江漢日邵宦習家池空阻銜杯竿真成倒接

蓋簪仍我輩緩節聽吳兒况有羣公集新知倡共

東山樓詩集

其九

寶通泉脉山窗宿水雲檻開思理釣關迴可論支

竹酌林全曙重游夜更分對君冰雪骨不覺蠶塵紛

其十

佳客難逢遇卻別奈愁何勝事塵中少狂吟醉裏多

同心原作侶酣酒自成歌莫鍵溪邊戶探奇擬再過

皖江中秋夜奉邀馮胎仙司成汪鍾如吏部李

緩山同年毛同書太守昂存齋進士飲集

皖樓既月越日司成貽詩四首然韻泰和并

呈諸公

城下淡江靜不流，盍簪南北此登樓。卽看烽火銷三楚，莫惜良宵倒百觥。殊少華筵娛上客，欣逢佳月共中秋。玉堂蘇李人同在那，羨春園秉燭遊。

其二

露白天青月有華，江翻錦浪散明霞。觀濤未假乘風便，仰桂何勞屬望賒。百室尚憐新警鶴，千林恐有未棲鴉。澄光永夜連牛渚，星聚真攀到漢槎。

其三

見山樓詩集
養拙先教省簿書，從公得醉放衙餘。鴻篇已覺追潘岳，玉蜚響焉能續子虛。實怕鬢霜疑顧兔，真憑江練認蟾蜍。吟秋賦月推羣俊，學步趨塵總不如。

其四

西風蕭瑟送輕寒，坐近天香撫畫欄。瀟灑嶽空青支石，得院郊虛白倚欄。看烟光夜冷淮肥戍，潮氣秋騰潯潯。澗共汴汪波，依末照雲霄回首。聖恩寬。

重陽前五日送趙秋水別歸廣平

京國相逢三十秋，漢南汾北快同遊。

敵白髮還山詎可畱，牛渚維舟楓葉晚。龍山回首菊花稠，西風落帽人先去。不擬重登鎮皖樓。

樓讌集卽事

戊辰重九日攜客登高大觀亭，卻放舟下鎮皖。共罷年豐樂事多，登高攜客歷巖阿。浮樽南菊家初遠，側帽西風鬢已皤。斷岍平臨秋水落，峭帆輕帶夕陽過。乘舟倚檻窮遊宴，回首終然憶薜蘿。

竟作詩紀事

見山樓詩集
我家秦山北，高齋對蒼壁。烟嵐雖在眼，壯觀猶未闕。常懷太華峰，去天儼咫尺。四方五千仞，三峰惟一石。屢行率陰道，瞻望削成碧。疑是南箕星，真形墮空隙。又疑天帝冠，峩峩初脫額。面目庶茲覽，幽勝悵猶隔。愛人山中來，淡坐說歷歷。巨壺千尺餘，引繩仰自汲。少息北斗坪，却上蒼龍脊。步盡東西巖，乃升白帝宅。澹瀟玉女盆，杈枒巨靈掌。仙翠石脈翻，天池雲氣黑。鹿鹿五十年，繫懷自蠟屐。勝遊終莫遂，宦海空行役。客秋到皖城，臨江看潮汐。烟波足展眺，信美非吾適。

有客石城來貽我澹墨冊節繪西嶽奇標題各勝迹
大抵依山經想像非親炙我今築長廊塗壁橫虛白
命工滙作圖峰巒乃絡繹常令故鄉山嵯峨近几席
案牘塵埋中舉頭成良覲鄉思與逸情悠然寄林樞
猶恨潑墨人揣摩有增益水關共扁舟點綴失考核
要當存意像何必泥程格指揮見澗泉煩熱亦可滌
聊吟西笑詩循墻岬巾幘歸日枉車徒登臨快風昔

戊辰冬日姚襄湖過訪招飲靜觀堂邀同其故

人周竹書李岷瞻話舊卽事

見山樓詩集

圭

夢想才名二十年書堂話舊集羣賢班荆是爾居憂
日枉駕及余拂袖前詩卷驚親淡患難畫圖從乞好
山川名園終歲花如繡怪得心輕紫綬懸

趙秋水辭歸道卒江寧挽詩

昨歸曾是菊花秋何事無緣正首丘白下尚羈千里
櫬紫霄應賦九重樓高才忽使公枚馬薄宦終然愧
麥舟匝月皖江相送處平添寒淚向東流

自皖赴楚別多君修稟使卽送之江右藩伯任

明流岐向兩依依踰歲江城尙救幾總賦應知民九

重馳郵莫信應書稀杏梁落月臨黃鶴重樹翻風
紫薇計日比肩同報國暫時分手豈相違

別鳳廬道家姪美中

吾家推駿望治理幸同舟報國專方面承家起太
猷難違倒卓景寒楫轉江洲回首吳天遠常懷肥
流

別皖太守周競菴

皖流吳楚接一櫂去江城回首從游隔沿流鼓棹
銘紳酬主德祿食念民生龜勉成新化傳聲慰別

見山樓詩集

圭

情

別皖司馬裴宰野

時裴新遷蒼梧太守

上遊當首郡佐理喜君承還秩初酬績升猷不負承
橫牛千嶂遠匹練一江澄楚粵寒煙外相期共飲冰
移任之楚舟發皖城作

駐此忽逾載輕帆却送人吳江原溯楚漢水喜通秦
民事嗟何補君恩被又新正憐攀楫者攘攘臨前
津

九江遇風不得及昨駐舟江中柁拆危險卽驚

潯陽江口浪喧喧巨艦初停蕩又開
斷隔尚須艇渡風顛驚報柁牙摧橫
流未可驅車過出險還疑破家來爭
似故園山逕穩芒鞋拄杖任徘徊

風便揚帆過西塞山

西塞山前候吏迎高帆直上榜歌鳴
江過衝險乘風易舛遠洄流破浪輕
曉壁林深僧寺隱黝潭龍蟄船驚居
人經亂覓猶憐安撫何由慰

寒溪寺

寒溪叢樹轉平田猶是吳王避暑川
記得經過當盛

見山樓詩集

夫

夏乘舟直到寺門前

過武昌縣重遊西山靈泉寺感舊

不到西山十二年重來訪舊酌靈泉
老僧先化存孤增侯吏相迎簇錦繡
亂後鴻歸初集澤冬深溪涸迴船去
來喧寂尋常事倍覺浮生總幻緣

重登西山靈泉寺後黃山谷松風閣

靈泉寺後松風閣昔過顛登破旅顏
覽勝全窺西嶽外乘涼每坐北牕間
補林老衲今何在題額名賢去不遺
仗節重來頭半白停居爭得舊時閒

拜吳大帝小祠

割據江東志未伸武昌宮闕委埃塵
三間茅屋僧供祀猶是山川舊主人

武昌元夕卽事

江鄉燈火盡魚龍掉尾昂頭照夜重
最喜穿林山半見蜿蜒蟠曲上青峰

又

村莊濃抹唱歌新挽袖牽囊惹暗塵
穀雨尚遙六十日街頭先見采茶人

見山樓詩集

夫

武昌送干涵 藩伯移任江蘇

使君門巷倚雲高席繡聲聞動九臯
楚北旬宣知外重江東總計賴心勞
班朝先後乘驄馬公望端倪稱佩刀
暫輟同舟判疆場使膺方鎮擁旌旄

喜嚴佛齋元戎至攀飲歡暢承致書畫玩好數

事卽送歸廬山

重鎮西陵鄭國儔功成伐叛轉葵猶
投壺人去虛巖嶂緩帶風存殷峽流
圍舫過從林下坐山堂攀接雨中留
何時却把江東櫂水竹橋莊恣漫遊

又

米家名舸富收藏
脫贈頻煩到我傍
編帙無勞袁峻
筆薰爐常帶令公香
分多兼許霑親串
致遠還應耀
神堂春雨一帆吳會去
相思凝望水雲長

山樓雨望

層樓近碧虛
微雨到來初
山樹平高檻
江雲襲薄裾
樓鴻憐楚澤
巢燕憶吾廬
且喜郊通春
疇萬甲舒

清明日喜晴出郭登洪山寺高頂眺望承羣公

攜酒追趨卽事紀遊

見山樓詩集

全

東郊旭日迎攬轡
及清明過寺消塵慮
登山放野情
春茂雲夢澤
江抱武昌城
更喜平疇綠
千村樂耦耕

又

孤塢青峰上
洪山我舊過
重來情眷念
屢陟興婆娑
柳弱全繁路
花殘尚戀柯
不因風雨妬
誰忍負巖阿

又

只合尋茗椀
何勞送酒杯
諸君咸俊傑
暇日共追陪
耳熱輕歌換
城陰細雨催
筍輿多騎欲
去且遲回

又

拾級通方丈
懸崖岿古松
菜花黃被畝
湖水碧環坳
野祭看阡陌
僧來話九峰
天晴客策杖
還擬省春農

送趙雲岑副使還武林

平原公後見君賢
畫舫春歸越嶠邊
家恐裝輕將石
去人言鶴放帶琴還
庭階樹玉荀難並
宦處留仁石
共傳漫道餐霞方
避世塵中欣望卽登仙

己巳午日羣公招飲黃鶴樓觀競渡卽事口占

南國蒲觴臨望遠
西江民物慶年豐
龍舟喜鬪昇平
日虎艾晴懸稻麥
風山東一虹吞碧漢
岿齊雙郡屹

見山樓詩集

全

高空願移畫楫爲縣去
競勝何如滌澤同

又

鸚鵡洲前漲沒隄
武昌城下水平谿
晴川破練群龍
躍急鼓凌波衆槳齊
接座賓僚歡並洽
催人節序酒
頻攜回憐客歲驚
茲臺振旅曾勞落
巨覓

喜雨

齋壇虔禱出侵晨
卽日滂沱萬畝勻
自是聖衷合
冥漠敢云薄
德動明神
臣心似水遷
難繼帝澤如川
沛決旬更祝普天共
優渥萬方豐樂靜風塵

喜聞京師禱雨有應

湯旱何知盡地毛周詩空復仰天高民憂多自臣
闕人旱真煩聖慮勞曉日霓旌下南苑西雲雨
灑平皋從今舊路尋足挽海翻愁倒六轡

寄賀馬見吾榮擢臬使

家世同鄉郡高名決夙懷望風復輦下磊落仰雄
却出判吳越繁劇羨爾諸治行動遠邇傳頌羣一
渤海無蠹蠅賴川聞鳳咭承頤嘆莫空有雁鴻
一朝翠華臨茂理矚崔嵬拔擢卿至尊掣肘無

見山樓詩集

全

有媒明刑擴在續羣吏咸棄裁他人驚異數于
奇佞所喜吾道長一德自茲借欲獻玉褒領臨江
溯洄

武昌季夏苦熱憂旱作

日輪不轉朱炎赫火灼坤維沸七澤夜眠不安晝
食統扇空搖汗沾絡濡毫愁對堆案牘束帶况迎
穢客此方苦旱春無麥恒賜迄夏流金石稻穢焦
插不得陂池塘堰皆龜坼溪河乾淺井泉涸轆轤
槔空棄榔居民遠汲數里外泥沙手掬爭自甯

祈禱數降霖麗堦猶多遺遠陌流離婦子最堪憐
僻無力行扶辟繪圖疾上請獨賑然俗宸憂轉

踏近畿江浙多見報時雨未霑田盡赤聖主焦思

連旦昏土龍俯僊空脉脉顧我腕促力更弱難挽銀

河沃疆場吁嗟斯民豈子遺饑饉兼防盜充斥中宵

起坐到天明日出蚤見紅雲羃城邊江漢日夜流欲

激洪波洗憂愁

武昌立秋後苦熱憂旱述懷七言排律

颼風旋野氣真真苦熱憂時坐未寧大厦深堂似溫

室象牀竹簾微輻輳陽鳥亭午凝難下朱鳥橫空騰

不露但見紅雲高映日那看涼月下從星金甍豈便

長吹簫銀漢空思倒建瓴腹洞河魚傾大數頭潆醉

耐重難醒永漿到手還疑熱法假當前總厭腥對客

難堪絺挂體取涼不覺汗粘屏思爲水玉霜寒岫乞

作秋菰晚汀畫畏陽光撤綃幕夜愁鐙火避流螢

正憐赤地禾苗盡亟顧皇恩賦稅停炎帝漫耽駕

焚威應龍莫惜飲滄浪應教際水橫塘滿却望桑麻

遍野青故里秦山涼冷處秋淡裏漢好揚舲

苦暑寫懷

小園樓閣對秦山萬竹陰森碧翠環心厭乘軒紅日
下夢回枕石白雲間那將苦熱供多病况復憂時累
壯顏 聖主倘容乞歸去明年長夏好偷閒

沈範先藩伯自粵西過鄂相晤即送暫還京師
方喜僊舟共何期願却違衝炎下滴水承露到王
畿把袂旋愁別朝 天亦當歸定知腐 膏拔出轄
倍光輝

李長源臬長七月十八日壽

見日樓詩集

金

奉孟蘭尚復輝渚月猶明飭憲家聲在匡時國步平
聽臺先御李雪遲舊依程共濟慙稱郭相須倚盛名
己巳武昌中秋日作

鄉心日溯漢江流穀貴民饑更百憂時困無籌慚重
任年衰多病負中秋千林風葉吹殘照萬戶砧聲
暮愁來歲今宵湖上月預期相對見山樓

仲秋武昌壽于藩伯

楚北旬宣重名臣舊繡衣澄襟照江漢朗宇轉朝暉
用緩存民力棠椿映署微秉麾知旦暮容駟有高扉

己巳九日苦病暑樓獨坐眺望

無限登高意都因多病違宦情霜並冷逸興雁同飛
況容顏瘦憂時心力微山樓聊極目日羨暮雲歸
病請 告榻上聽門外父老喧呼呈告求留
漫成

鄂城空再到未上對江樓却別晴川樹難忘鸚鵡洲
永霜驅馬去父老望人畱多病成違棄非關憶故丘
又

未報 君恩重敢言身命輕有懷勤撫理無力更經

山樓文集

金

管臥病三秋盡離家四載盈但容導藥餌寧肯負早
生

贈趙子晦

嶽嶽那卿曾風標迥不倫江城看裏巖花縣待蓮
樽并延晴景雲霞媚小春澹交聯兩世情好喜相

而上之所以教之使之者亦各殊其途自非鍾毓特
厚者則適于此或不能適于彼安能在內使內重在
外使外重歷患難不渝濟易險咸宜爲天地民物所
倚賴者乎三代以後宋治猶爲近古眞仁間富歐韓
范諸君子先後秉政相業光大其始也或在翰林或
歷樞密或使宣慰宣撫安撫所在有顯績豈非才全
德鉅文武具足者歟然至于刑獄財賦饋餉之事猶
有未嘗身閱之者今中丞外臺巡撫部院卽古宣撫
安撫之任也尹正大都節度郡州凡一路吏治之廉

見山樓文集

序

貪能否訟獄之枉直禁令之弛張兵民之黷輯休戚
河渠之修廢錢穀甲械出納之名籍咸稟成焉若甲
兵屯戍芻粟輓運則視其緩急而劑量之蓋其重哉
秦楚壤地濶遠控制險要故各三其鎮而亂在西南
則楚爲較急邇自綏遠總旅于南鄭治出師于西旋
且裁省上游合并地大事繁湖北尤極難焉况吳逆
倡亂以來距江而壘者歷七年凡禁旅屯駐及四方
調集之兵供億蠶午民困已甚庚申秋譚逆再叛
于川南逆孽據乎黔北襄鄖鄂黃之郊水旱積仍流

原缺第一葉

于遍野公實以是時來蒞湖北下車飭吏治奠民生
凡八郡民人控訴情辭親與聽斷屏風而竹鮮詞大
若流民兇于批駁道路需符之苦而冤抑盡伸疾苦
畢達會雲提桑公調征滇黔所帶本標楚卒多自軍
前逃歸武昌城中勢且洶洶廷遣少宰折公出就
查訊衆益不自安公念縱之則屬法急之且致反側
多方從中力爲排解開示恩信申諭令甲一時莫不
畏威懷德帖然還赴征汛誓殺賊自贖不動聲色而
兵民咸以安又值徵調緊急民力困竭之秋而協運

見山樓文集

序

黔南夫船及運蜀夫役一時並下公爲愀然草一疏
極言北民困之狀不啻圖繪面陳首題免協運
廣船若干號又題免黔夫若干名又題免運
重慶夫若干名上覽公疏辭割坊悉如所請湖北
民力所省者不下數十萬金婦子相與感泣于室
夫相與感泣于野販夫舟子相與感泣于道路江湖
僉謂今室家相保不致繫累困斃于簞楚流離展轉
于溝壑者皆公生全之也朝廷又以蜀西尚在用
兵需餉孔亟勅公暫駐荆南經理公准檄卽單駟

赴荆孤樓行署躬親籌視晨宵勞瘁凡舟航之牽
救粟之輸運庸調之緩急金錢之解濟協餉之奏
酌其遲速稽其盈縮源源滾滾南者南西者西踵
尾銜閭閻無重困而軍皆宿飽即今滇蜀盡復逆
蕩平孰非此饋餉不絕有以壯其威作其氣也耶
公歷仕由中書省進侍從從容清華文章之署蓋
有年及叅知樞務夙興機密又諳習天下厄塞要
兵馬調遣之機宜胷中甲兵充裕有素至撤藩之
役天子特簡公副滇南使臣公蚤刺知其逆謀已成

見山樓文集

序

四

以折疆誓以保身雖毅然不撓卒能完節歸報日夜
馳數百里以聞于沿途將帥守臣俾蚤爲設備旋飛
達宸聽刻期出師故逆烽甫熾而王師已扼江
隘狂逞之鋒不得越荆襄尺寸訖就剪滅者皆由于
備禦之及蚤也迨其明聽西曹屹爲望郛藩宣江石
積弊一清上既稔公才無施不可乃以天下之重
勢方在楚北簡授節鉞再易春而道治政治指江
介于磐石之安而民得免于鋒鏑實公之力斯其功
崇內外望繫朝野不見張皇叢勝之迹而勲業

見山樓文集

序

五

然非才全德鉅其孰能與于斯乎故公之掌絲綸
侍禁幄則歐公之在翰林也副中樞贊機務藩屏
南州建牙西江則韓范之入知樞密出撫延慶也使
昆明遏逆謀則李鄴之持節入軍富弼之伴使北庭
也簡稽軍儲轉輸不乏則蕭何之在關中寇恂之在
河內也人但知公氣節猷爲迥出人表而不知其有
所原本焉蓋公以西蜀世家冲齡異敏篤志好學卽
造次顚沛中誦習不少懈甫就官學未數月而國
書漢文融貫若夙成平居被服儒者與人接雍容都
雅務盡其情無疾言遽色論議條暢人自折服又令
總憲徐公立齋爲予言先是其兄健菴太史方試南
宮出以其闡牘就質于公公豫定其名次高下榜發
果如公言其藻鑑不爽又如此蓋惟其學力闊深經
術淹洽故發爲政事文章措施不匱當治平任重于
內丁變亂又任重于外武備文經鎮懾藉困卒助成
格苗之功無愧爲憲之頌也豈不偉哉今天威所
被無遠不服在外艱大之投旣無不濟天子方將
覆名金甌用資啟沃公旦夕入秉鈞衡生論變理

九重祈天永祚萬年一獻德迓茲至無疆之庥予天下
以久安長治于以平成天地俾陽長陰消曷有外焉
素蘊雖叨爲屬吏然夙不敢以增飾之言諛人亦惟
以公之所自有于其身者爲公既醉備福祝冀他日
與史冊旂常之紀無同異也敢有溢美乎哉

楚張孝廉子吉制菰序

嘗俯仰天人之際其屈伸往復蓋莫不有數焉而往
無不復屈無不伸則理之可必者吾友張龍城楚材
之望也順治乙未歲余令東明時龍城方宰濬邑封
壤隣接比肩事上相得有如兄弟私意龍城慷慨雄
偉必立致卿相建樹非常爲吾儕光寵越己亥余謬
蒙 召入與龍城別雖黯不自勝謂龍城行亦內擢
相與盤桓輦下歲月方賒豈知龍城旋遭誣讟經
就辯余方入蜀次焦渡聞之心痛益交之密不覺其

感之深也嗣龍城雪前誣還故物再令龍巖余罷居
里門不復得通聞問又十年所迨被徵赴楚軍急訪
之則已作古人獨三子子治子吉子受撫摩悼痛之
餘竊見頭角斬然復破啼爲笑喜故人有子會諸子
頴有家難余力爲平息且索其各所爲舉子業觀之
卽亟以詞前徽相許可不數年而果次第采芹迨辛
酉秋子吉遂偶于其鄉余偶在荆南與鄉人李子岷
瞻對酌披賢書得其名相視懽笑岷瞻謂我眼信不
肉且龍城前在岷瞻理河間時實爲雪之因相與擊

案碑自抵掌叫快直欲呼九原而起之今而後寢于
其身者已稱伸于其子矣及于吉公車北道過訪大
城出其廳蕝若干篇相質且請爲之序讀之則博大
昌明含弘蘊蓄都異尋常規摩尺寸以幾入穀者吾
于子吉之文知其必騰踏激躍一往莫禦凡龍城未
竟志業將悉于是乎酬之况其兄若弟亦皆一而且
將接跡聯芳以大嗣龍城之徽音理之所至數豈能
固獨嗟余與龍城自河北分袂以來惟辛丑五月再
得會于宜溝驛舍此後遂不復合予造化有運而無
見山樓文集 序 八

情余匡人之情也賞于吉之文喜龍城有子愈不能
不動念于龍城不及自見而後使余見之也

大竹夢詩序

達觀之士以真爲夢等歟名於石火視富貴如電光
耳愚昧之夫以真爲真白髮紅塵汨沒不已顧迷者
比比而是達者恒罕觀焉此蒙城老叟所以故向癡
人前說夢也余友六翮張子以名進士令蜀之大竹
下車僅一月卽值譚彭之變抗節不屈憂愁患難閱
歷殆遍而誓死靡他半載如一日且轉敗爲功招降
渠魁事平例得舊秩復任矣乃棄一官如脫屣趨歸
定省其一切忠孝之懷友于之愛大槩寄之於詩視
見山樓文集 序 九

中允凝碧池頭之句身列僞庭志存本朝者尚不可
同日語况常常泛泛風雲月露雕蟲篆刻之小技哉
張子可謂達觀之士矣昔盧生邯鄲逆旅假寐片時
炊黃粱未熟而妻子將相生歟榮枯備細嘗之遂覺
大悟張子之令大竹不殊邯鄲道上也名其集曰大
竹夢豈無謂乎余與六翮幼同筆硯長同出處今且
願賦甘與同夢之章矣因濡毫而序之

張九苞兄弟與難紀事序

古今忠孝節義皆性之事非以爲人者也苟實有德已而無待於人其得達而見之事功于志固快即不得志或小遂而大挫反之吾心既無所不盡則于志亦無惡也爵祿之人毀性以求華靡無足論矣即止而急功名求自表見亦猶然爲人之事于己何有焉性焉者平居深自磨礪臨事不辭其難誠足感人若足濟時卽事殊勢忤于世不見其功反厄抑困窮以至終老彼內省自慊一以義命自安曾無憤怒不平

見山樓文集

序

十

之意則大人爲己之學也張子九苞橋山佳士與弟六翮自齠齒齊名鄉里間長同時儼千庠次第領鄉薦歲己丑又同成進士同時授蜀令六翮得大竹丸苞得鄧都值殘破之後田野荒蕪城邑丘墟兩兄弟各加意招徠哀鴻種集會又有譚逆之變度城廢不可守俱矢殉報國六翮遂被捉受創幾死得出遷廢集衆請兵恢復縣城九苞豫與百姓誓聚鄉勇西山抗敵永守堅拒五月復間道請兵與俱刦賊營斬其魁卽當事者面加獎譽許爲題叙尤有功無過追事

定通察被賊諸邑則目擊之當事一故一遷其下無分別不惟不論功且俱以失城開報落職嗚呼冤哉九苞亦曾走京師告諸達官貴人莫爲直後兄弟收狀銀臺行尋察覆當事者仍模糊了結此九苞兄弟所爲終年憤恨鬱惋無日不思上叩九閭爲不平之鳴也夫其欲自鳴之志或以爲華靡或以爲名裔余不敢知獨是余與九苞兄弟幼同筆硯長同志翹繼而互聯婚姻每見其讀書懷古遇忠孝節義事輒慷慨自許旣成進士膺民社又並遭患難俱能抗疏

見山樓文集

序

十一

不辱全城復境非平日所學實有得諸己亦何克臨難不挫且蒞任未幾輒能感民勵衆成功獲上如是哉迨患難旣平正二千大行其志以懷民報主之日而顧厄于意不爲綱常民社之人罔肯核實卒被誣構散使行年各六十餘將抑鬱激憤與碌碌者同衰朽此何爲者耶夫國家以制科取士士自入小學讀書莫不期成進士以建豎功業至于節義之士陡然遭遇尚慮歟生當前不克保其初志况余延南地氣涼薄以進士入仕者較他郡尤少九苞兄弟以進

士初仕卽能信乎其民遭值患難恢城保邑俱建功業抱忠全節無愧聖賢舉人所最難者而皆易爲之豈不錚錚乎人傑也哉每見世之以進士服官者卽無甚方略上之游登九列次或至藩臬方面再次亦或久于其官積俸祿以養其父母此人間至易之事而九苞兄弟友難于登天如此又何怪其鬱憤不平欲自鳴之志窮老而不能自己也戊辰夏九苞自中州來留余晚暑三閱月秋將別歸歷叙其真末爲一卷用以示人且終將叩 闥求理同人

見山樓文集

序

士

今 皇上明悉幽微在九苞兄弟屈抑既久無有表白者故物行可復也余則曰君兄弟之矢疾殉城其初志豈爲功名計乎幸不歿而志各小遂已無不盡之心其後挫而不伸人也卽命也正當引義命以平其不平之志身閒無礙出則遊覽江山任吾所之而無所需待入則與二三親知優游粉榆之社娛樂餘年閒居聯朋好賦詩飲酒說詩書教子孫使後之聞之者咸曰某也兄弟同進士曾不以矜名自介如此人仕不辭難如此甫任未幾能信乎其民如此臨難

不屈節卽事就功如此有功無過被屈抑能不憤怒怨望如此志行無愧能自樂其所得于己如此將見天鑒忠義于其行未說者必且報之于若子若孫爲吾輩姻婭朋友輩爲善之明徵君復何恨或曰如君言則與難紀事之刻似可已乎曰非也如是以行之則是錄也亦可以風世之守道而近報者也是爲序

見山樓文集

序

士

張六翮祝言小序

余與六翮張于交友姻婭之誼及張子生平與其伯兄九苞文章科第以至服官遭罹患難立身全名忠孝大節于前序其大竹夢詩已詳言之矣丁卯菊月六翮來晚江久別契濶相見而喜可知也留院甫改歲告別將歸余挽之甚堅乃許留數日會長孫患疹疾甚危臥牀褥幾匝月余憂懼廢寢食六翮以外王父之親遂不忍去日夜陪醫走視涕泗橫流雙目爲之赤眦其鍾情之篤顏色之慘殆有加于余者

見山樓文集

序

古

余轉從而勸解之孫幸痊則已暮春之十有九日矣垂別余以其初度在邇復請留舉觴六翮不可曰奈辭家久歸思頗亟頃因外孫疾患故勉留至今今已愈實不能留矣若所謂爲我壽者必我身在此而芥之觴此誠世俗之所尚也顧我所思存實不在此計年已垂暮棲遲窮山中時時懷想疇昔交游之人而不可得見苟得其片言隻字書之簡端烏几晴牕時一展誦則荒山茅屋中若得與二三知己晤言歡暢其視高堂綺席優伶奏伎獻酬喧雜非不極一夕之

懽及晨朝酒醒已同幻夢者孰爲勝之年交游中

趙千秋水揮毫行書一種瀏離秀美之態神俊映人余夙昔尤愛之君苟能與親若友各惠詩歌而屬水書成卷冊相寄用以破岑寂怡神氣俾深山窮谷之人有以樂其志而忘其憂則所以慰我遲暮者矣余喜六翮重交友而樂文章也不忍重違其意聽其歸而徵諸名公舊交詩詞共得若干篇屬秋水書成卷軸惟諸君子洪音藻思實足引人勝地爲六翮快神志駐筆顏而亦六翮夙好所注非余輕巧羣公筆墨當醇醪膚腴也因不揣鄙陋紀其而升諸首用寄六翮橋山書屋六翮其將開顏而酣之乎是爲序

見山樓文集

序

古

閻氏本支錄序

人之有本猶水有源也水靡不本于地其出有源
高下之不同漸而爲大浸巨瀆旁流衍而莫可
數其初皆一源也人之始一人之身也分而爲兄
群從期功彊近以至于別宗異族亦或宦遊販賈
亂播遷居異鄉殊吉凶不相聞生歿名字不相知
路遭逢而莫相認識則塗人而已矣夫水注下性也
流而或合亦地勢引之而非有情焉相與聯屬故一
往莫返不能顧其所從出人受命父母情斯具矣

見山樓文集

序

六

根性而發也莫真于孝弟亦莫先于孝弟豈可如
之往而莫返莫知其所從出乎襲爵邑者有繫祧者
屬籍其族雖散處各方其爵里皆可按考而系固以
存然澤亡迹熄籍亦隨之降至士庶人田壤徭賦之
所屬分著郡邑戶籍本欲其別也而其子姓之同
賴以可稽又或聚落之地有廟焉歲時薦饗猶一再
合會籍別則否若遷族別宗相違於數百里千里之
外其漸至于塗人者尤其勢也蓋族不可無譜而遷
族之譜尤不可不亟余往視學山右卽知閻氏爲汾

陽巨族代有盛德嗣試太原奇閻子諒之爲文拔冠
童子軍因悉其祖修齡君子人也既奉 命撫皖就
走數千里以修齡所著閻氏本支錄來謁請序按錄
修齡爲人瑞房後遷淮第幾代宗子益西渠公之遷
于淮在明某朝某年以鹽筴始封其家而厚積德善
教子孫故再傳將仕公卽入仕籍四傳至修齡父世
科公遂以宦籍顯名當世修齡子若璩博洽能文孫
詠旋登晉甲子鄉試在淮上下凡七世其自西渠公
遡而上之則在晉爲六代分房祖人瑞五代分股祖

見山樓文集

序

七

珍敷四代分支祖世三代分地祖八老二代明文郁
一代元西寨始祖仲寶自元末至 本朝合晉淮在
譜凡十一代又合璩與詠計十有三代著爲圖系登
然可考其仲寶以上不可考者則闕之從信也別支
及股及房而下不具悉尊所親以俟其派所自出名
有賢者自譜之也自其始祖真逸公下及十代定肅
公凡懿行懋蹟各爲傳述并詳其行字仕隱年配卒
葬子女使後世子孫可考而述也以先世所著述
疏詩古文詞及所得 恩命并諸名臣高士所爲碑

傳誌表壽祭狀誄彙集成編以華其宗也其墓地山水形狀有圖賢而顯者之仕蹟容貌有圖俾不得至者如或至不得見者如將見焉嗚呼仁人孝子之推心追遠可謂至矣披是錄而不愀然感油然而生其孝弟親愛之心者非夫也况凡爲其後裔雲初自十三世以至百世苟由別求司玉流溯源有不感念奮發以亢宗保世思返其所自始篤其所同出者乎故錄始斷自仲寶而下若導河者自礪石也自太原西寨至于山陽復遡以至于由來之元若河之由龍見山樓文集

序

六

南漳縣改造縣堂衙舍記

素蘊守荆之二年南漳令劉子來任甫視事能聲茂著邑蒸蒸有起色又一年以其邑學宮頽敗申請募修工垂畢又請改造其治所曰漳邑在萬山中地小民貧自明季兵燹以來日益凋敝所事不能副程限爲令者難倍他邑或一二年或四三年率皆獲罪以去前代不具考即自本朝定鼎至今三十九年間官凡十餘易形家謂由治所不合法故而來令者自受命吏部日即自分隕越志氣懷惰無飭勵心故其政愈壞而民愈困上怠下貧卒無有能起而改易之者以是邑治之廢而於壞而欲觀其堂黜然無生氣趨其下莫生其敬勸趨事之心匪獨害于官也抑政治民生咸因之今非敢圖晏安好華耀也亦患肅觀瞻而釋疑惑新其耳目以振興其官若吏民之心志庶幾無即廢隔乎蘊聞之歎曰賢哉令斯知所以爲治矣堪輿家言雖非吾所知然嘗觀之古先王之肅民也莫不以禮義爲其具禮義得于觀聽而感于其心生于心然後發于政以集于事當偷惰疲敝之後

見山樓文集

序

十九

與民更始則尤莫先于禮堂上儼然堂下肅然禮之屬也顧禮有其實廢隅坊表飭于身而後威儀瞻視信于民今之令極難矣公間亦有爲貧而仕者內顧追之或不能有立外此豈無自好之士而或才不能濟事道不能獲上則其政冗而不治撓而不行今劉令才具通敏練習政務自居長安中知交半天下一時大僚率皆舊知而器重之者又不需利祿以爲其家才既足以幹事道又能獲于上以是雖處軍興煩劇之時邑中賦役獄訟之事亦迎而節解凡爲民請

見山樓文集

序

三

命者無所撓于上故惠行事立邑士民心目間已各有煥然更新之情乃因民之情而捐資以新其堂士若民亦皆躍躍鼓舞匠工効其能丁壯貢其力並其所謂寢廬之不稱其堂者一切改易如法不用董率之員不事催督之擾自始事至落成凡幾十有幾日而畢抑何其民之子來而事之易集乎夫令之示民以瞻仰者禮也民之樂于趨事者義也禮義行于上下所以爲治者雖不盡是亦大端可見矣吾知劉子居此廬坐此堂益飭廉隅坊表之在身者而以之施

瀘溪令仁和周公崇祀名宦錄序

今天下之祀爲名宦者濫觴極矣子孫賢而顯則其祖父宦蹟所至率無有不祀者苟雖賢而不顯即祖若父真宜崇祀亦未或庶幾焉大抵就其職分所本然而緣飾增益之若夫大節奇行則亦終莫能稱異有堪稱者則又不待其子若孫之賢與顯而地方士民思慕不置卽歲時久遠終難湮沒吾于瀘溪令公益信之公任瀘于順治八年版籍初歸民心未諸僞營羅列虎視之日能推誠招撫興行教化甫

見山樓文集

序

三

月政教已行而僞兵來逼父子樓城死守遣人間請援身率鄉勇逆戰追賊城賴以全鎮道奇其能委招撫僞營諸帥挺身往諭大義其石萬民業已撫而土孽姚啟唐獨頑梗不化脅公使降公及子之簠俱肆罵不屈同日被害家奴十三人義不苟上公屍旁如周公父子者可不謂烈丈夫也哉而僕十三人者使非公平日忠義之訓有以素孚其心又何以臨難能齊心赴義如此忠孝節義萃集一門雖余闕之闔門士卒同死亦庶幾近之矣乃以

於瀘復遭陷沒一時督撫諸公未及題請雖厥後
輔臣洪經畧開闢湖南公次子之簡呈請題明而
力不能得諸部覆恩卹之典至今缺然之簡亦以
從經畧軍有功得授沅州丞有幹才仕止直君令賢
而未顯常以公歿事大節卽不得卹于朝亦庶幾
祀于其邑而力不能爲每飲恨自怨謂末由遂其表
章之志矣乃至三十六年之久瀘人士慕思不忘同
詞泣籲由郡邑上之院道終以公忠節勤事從祀官
牆亦可見大節奇行之終不可沒而其子孫之賢而
不顯者亦猶有表忠遂志之一日也之簡以父若兄
歿事在楚公又享祀楚邑不忍去遂家于楚南之湘
潭縣耕讀教其子孫歲時間一往瀘致祭亦可謂不
負其父若兄者矣宜君敝邑也故蘊得交于簡而聞
其事更得其崇祀錄備觀之緇衣之好不能已于言
也因爲之序

李劬菴詩序

素蘊雖間爲詩而于所以爲詩之道未有所窺焉
劬菴子獨不相鄙聚書謂之曰夫詩非徒以飾章句
攬光景襲前人之餘響逐世間之情事爲也古三
篇多婦人女子里巷歌謠之詞彼豈知所爲前等
事諛言詭託者歟而先王采以登之郊廟播之紳
用之邦國良以其責任自然本乎中發乎外其情也
非以爲人祇自道其情之所由感及心之所欲言故
其人之性情存焉而凡有性情者謂之爲興爲觀爲
可用以相感教斯行焉矣吾子雖不以詩目鳴然解
作皆直吐胸臆無所詭飾發乎情止乎義非如今之
人因事與人以爲詩詞雖具而情不存焉者也劬菴
之論詩如此蘊因取劬菴詩竟讀之雖其間不無贈
答吟咏之什然每篇之中其義皆有所歸尤長于性
物序事或因譽以爲規或卽物以會理刺人也而實
以風世紀事也而可以考時咏物寫景也而其山川
風土物產俗尚之美惡貞淫時會之變遷好尚政教
之得失廢興皆可因而得之斯所謂不徒作而存一

己之性情可以感乎人之性情者矣又劬菴之爲人
內方正而外踈通風流善譔雖早成進士而佳宦不
達困頓輒軻自少之壯自壯且之老矣其生平所學
不得見之于世者胥于詩乎發之讀其詩如見其人
凡識與不識莫不企慕願交焉劬菴豈徒以詩傳者
哉乃以仕宦不爲生產終窶且貧日奔走四方營其
脆以養其父足跡遍天下所得詩亦最廣晚年舍歷
游諸集數數自加芟除存者僅十之五年爲自攜不
即付剞劂其意蓋自有未足欲俟學問日漸增進而
見山樓文集 序

見山樓文集卷之

書

關西楊東蘊退菴父著

一 欽公蒙宰書

竊聞志於道德者功名不足言也志於功名者富貴
不足言也夫所謂功名者勲業在一時聲施垂後世
能如是始稱焉此天下豪傑之士所以急功名而每
嘆其難成也愚竊謂功名非難知遇爲難知遇固難
知己尤難平居之聲氣傾蓋之投治足以爲知己乎
未也言之汲引先達之薦拔足以爲知己乎未也
遷情之譽揚不次之超擢足以爲知己乎未也人
相知貴相知心昔人云道細於不知己而伸於知己
又云日賜千金一歲三遷官謂感恩則有之未可以
語知己嗟乎知己蓋若斯之難也素蘊秦之鄙人也
才不足以濟時智不足以知幾勇不足以懾奸雄之
膽誠不足以動 人主之心願自幼涉獵經史服膺
父訓歷觀古今治亂天下事未有不忽於微而敗於
漸者故當 世祖章皇帝在位時天下可謂極治

安矣卽藩臣亦非有不軌之謀偏上之嫌也縉獨抱
隱憂發防微杜漸之狂言効曲突徙薪之秘計非敢
沽直蓋草野知有此亂久矣故不謀於妻子不議於
同官忘身謀國蹈不測之波淵弗自惜也當時之人
笑爲愚卽譏爲狂獨 章皇帝不以爲妄知臣莫
如君蘊所以流涕感泣於 章皇帝之知遇也自此
斥謫家食十餘載雖心在 朝廷然無由泰 廟堂
之末議竊謂未雨綢繆當有碩畫冀愚言之弗售不
謂逆萌以漸而長亂謀自微而著前歲吳逆果叛致

見山樓文集

卷二

勞 天誅 上諭令大臣各舉所知仰維 皇上至
意蓋欲得非常戡亂之人而用之非但爲議兵籌餉
苟且權謀計也執事乃不以蘊爲不肖而列之薦章
過矣 蘊有先見之識蘊何以得此於執事耶蘊
當壯漸之疏 先帝嘉納之而不以喻人蘊又不
欲自白執事何以久在許可之中耶非左右爲之先
容非親舊爲之請屬而嚮之十餘年間聞其名而不
得見者一朝爲知己此蘊子瞻上悔執政之書況之
蘊今日與執事若相符合蘊何以得此於執事耶保

舉之日退而思念執事嘉謀在 當宁而不遺草野
之末議銓除盡才賢而必收草野之棄材此誠古之
大臣今之聖賢亦執事以人事君之義非有私於蘊
也蘊何敢以私進故兩年不通一札非忘大德不敢
以感恩稱謝反辱執事之知且以愧天下之志在
貴蠅營苟苟無所不至而有援引之者卽以爲私恩
枉附而不以道樹黨而不以公者也蘊年今四十憂
慮雖浚膂力未衰念無可以報知己惟竭愚忠於
天子庶少可酬德耳今接邸抄有湖廣軍前之 命

見山樓文集

卷三

人咸爲蘊危併爲蘊憾此皆不知蘊者也蘊縱不能
與於道德之儒亦未敢遜於功名之士茲行也執事
前驅以之經營四方竊有志焉況今 天子知人善
任諸大臣開誠布公將士効命人心固結逆賊不難
於平蘊邀 君之靈借執事之慶執鞭弭盡力疆場
奏功幕府是蘊所以忠於 皇上以報 先帝知遇
之本職卽蘊所以酬執事知己之素願也卽日單騎
就道並臨行一檄略布區區愚蘊至愚極陋固不克
仰承大賢之舉亦不以內外爲榮辱艱鉅爲勞瘁惟

萍礪驚鈍以往務期不負知己之愛而已

見自樓文集

書

四

上艾長人司寇書

蘊自維魯鈍無似幼讀詩書然欲脫自放不諧達世之術長伴一剪荷蒙世祖章皇帝由縣令拔置賢員感報之念滋則回護之念絕目覩元惡大憝輕國體奮疏直糾不識忌諱在世祖實鑒知之但未顯言不獨蘊倍感激即當時言路諸臣亦莫不手荷思奮詎意世祖升遐輔臣畏蜀如虎反噬之章朝至而蘊名久坐謫矣林居以來不與有位相交不與親識通書問雖從中部張九苞六副每詢知執事盛德大業私切仰止自念廢棄之人又敢借尺牘通交前歲執事保舉乃及於蘊蘊何以得此於左右且謂狂愚之言幸而有中忘身謀國可以投匭矣大夫女爲悅己者容士爲知己者死蘊也有心詎知己之思乎顧兩年來不通一札者不敢以私誼追義之知也今者奉湖廣軍前之命修矛同仇固泰之遺俗况此身未老筋力尚堪驅策已卽日就道矣匹馬裹糧千里孤征何敢言勞獨邇聞軍前錄用各有所賢而前此廟堂保舉遺發之人乃多棄之

見自樓文集

書

五

上冀公治司空書

素蘊秦之鄙人也謫居以來杜門掃軌自分終老林下得無愧生平足矣前歲聞郎報見執事以賻姓名登之薦剡蘊也有心能忘知己之德然興言及此滋愧矣在昔吳逆包藏禍心已非一日方其擬用官蘊適備員諫職不勝憤憤撻駁秦蓋亦惟此膽橫漸長以至有今日之變也既慮及此乃無能忠報力預制逆賊之命區區以防微杜漸入告王誠不足感君以致身黜言廢於是言官皆以爲戒而逆謀愈肆遂敢於反叛朝廷蘊百不孝而僞中蘊罪難辭矣若夫逆賊則不難於平也賊所爲者滇黔一隅爾甲兵有幾芻粟有幾此坐困之勢爾誠得道足匡時智足燭幾勇足犯難望足服敵之人而任之重信之事再假之以歲月平之何難況天子神聖諸大臣公忠平蔡之功正其時也故蘊聞命之日不遑啟處已即日赴楚但慮數千里馳驟從軍苟既至其地而無職可効則將何以報皇上之恩以信執事之明耶然致身之義蘊習聞之修司

見山樓文集

卷七

七

上楊地一少司馬書

辛丑拜別時素蘊被謫去國執事亦會有闔門之執手含悽悵悵無詞自是來居十載杜門窮愁絕賓客不復與朝貴相聞問睽越德音十五年於茲矣前歲聞郎報謬承執事保舉竊念蘊愚劣之性必不容於時又不能視類以求人與其出而投之散地無可效於朝廷不如仍守難進易退之節故兩年來甘心疾首不敢逼一札非忘知己之愛正不欲負知己之舉也已復念天下多事宜竭愚忠於天子乃見山樓文集

見山樓文集

卷九

九

明於致身之義以唯君所命令奉命南征矣人謂曲突徙薪者無置上賓之理固宜積棄之疆場蘊謂人臣事君內外皆王事義不可擇官而就况逆賊尚稽天討正臣子盡瘁之時即日滅漢夫單騎就道矣此身未老尚堪修戈矛以偕作行之日特於洛水江漢之波不澄而復濟者有如此河但恐無官可効無職可盡則非蘊之不忠於國而負執事之知也北山之詩未敢言勞楚野之章願以相賜執事知我者幸鑒此心

視學山右上宋冢宰書

執事以命世之才任天下之重鑒別人倫甄叙流弊使天下無大小近邇疎遠沉滯者咸以拔壅阻者咸以通而躁競捷巧之輩不得越進固世道所倚賴士類所翹怵非素蘊一人之私也然素蘊自作令畿輔時執事方養器中秘卽微聞度量恢弘器識冲遠將受天下大任嗣承乏台班於百僚中遙見風儀莊溫秀整益信前聞非謬未久遂觸犯忌諱淪棄里居與朝廷疎絕迨國家伐叛南陲收還廢棄需次行間

見山樓文集

書

既久補監楚西兩支郡以養拙磨礱祿活妻子則得矣欲有以振起自効報朝廷洗濯之恩於萬一無由也其未補時與無錫秦檢討旅食晨夕益深悉執事道氣之濳厚而執事已自禁近出領機務事功顯著天下人皆得見之不獨蘊一人之私仰矣既而代楚撫軍主試武闈齋卷磨勘無所摘瑕秦檢討傳尊指似以爲克盡其心者也至後更替學差部卽偶乏兼取外任某自分學識疎淺無以加人乃列名奉旨則儼然在內私計自放廢以至補職曾無隻字入

長安中何以得此豈非執事以嚮之校武闈者信其必不苟于衡文也耶雖臆度感恩而終未敢以尺一通問于左右及滇黔既平執事擢陟天卿冠冕六曹于今沈滯壅阻者亦少漸進躁競捷巧者亦少抑退自好克職者知執事能核實黜陟皆彈冠相向振發思奮矣卽視學一官久當濫觴之後山右地方偏陋較在楚則稍可自効素蘊雖疎淺無能亦勉自策勵務稱職守不敢因仍積習上以報朝廷下以報已之恩其不以尋常相貴望而核實察微于衆人之中則執事爲國之公自有藻鑑素蘊亦何敢私請焉

見山樓文集

書

上宛平相公書

伏惟相公以天下之才任天下之重上弘 主德
冀民生俾山藪海隅凡含生負氣者咸欣欣然有嚮
榮自得之志甚盛事也素蘊蓋自通籍時側聆相公
盛名及乎辭卸邑令忝側台席之末始得望見顏色
如日暉淵潤宣朗照人即心儀他日必爲太平宰相
亦匪惟素蘊爲然一時遠近童耆婦孺凡需待霖雨
以澤其朽枯者亦莫不跂足望之矣素蘊徒以趨班
未久觸忤謫遷遂未浹奉教誨于門下嗣却掃里居

見山樓文集

書

上

每有從長安中來者輒動問司馬公勲猷事業雖藉
耳功名日盛而爵壤懸殊益難攀及迨乎軍興雲擾
起廁行間備員晉楚却入京華始得再進謁于下執
事維時相公綸扉液闕官府崇高素蘊放廢沉淪之
後半稜磨滅神氣摧頽豈敢仍望當世賢豪問昨光
之末一爲照及乃相公不遺鄙陋汲引挈提無所不
至是固不可必得于常人者而竟得之于一代大君
予之所垂注故私心欣幸還自振拔若謂硤礧堵墻
或尚有可剪剔者遂不禁追勉晨夕也比領江鄉尤

出意外屬得命驚惶顛慙非任中心靡適又南
當供事促就王程匆遽倉皇弗獲造請指南茲涉川
伊始一望瀾漫莫知所以求濟謹肅蕪絨起居座右
惟望不倦之誨更以嚮之所未盡者切賜建補俾不
紐真行則所承者在下走而相公所庇者實在一
也素蘊臨書可勝瞻禱之至

見山樓文集

書

與李容齋少宰書

往里居却掃及于役行間時卽伏聞執事篤行盛
與大雅高文均堪不朽迨後浮沉晉楚景企尤淺嗣
入京華始數得奉教于左右午門促坐古人班荆
節盡有過焉益信嚮所得自長安來及劬菴令兄之
所稱述爲非虛謬也况象賢繩武蚤躋玉堂賢成接
踵行將以名宰相世其家顧不偉歟獨是素蘊以數
十稔淪落放廢之人磨滅摧頽無一善足可比數乃
過承獎誘一往情濺反躬自維莫知所以得此干當

見山樓文集

書

古

世大君子益令人俯仰自愧爾比出撫上江顧慙非
任懷懼靡寧中又以密邇鄭鄉得司典守爲重都幸
臨發承誨言諄諄眞實誠懇能不激奮蒞事以來若
涉川馳纜一望靡涯莫知所以求濟思仙鄉視諸方
實爲輿壤無邊圉之戒備河海之隄防禁旅之屯駐
采辦之徵求而萬民重困乃不減于他省亦爲治者
自擾之爾用是一意休養培補元氣而其有需于寇
動以酌濟撫綏者亦必盡得其要領而爲之愚見如
此伏惟老先生爲鄉里起見一切指示之幸甚

文

祀告武昌撫治前山上地藏菩薩移就山前改
建新刹文

惟菩薩光照六天化施萬劫神通普度刹宇多方慈
悲所施應不擇地素蘊昔近華山道場今領鄂州使
節自履官署卽望見菩薩蘭若在署前黃鵠山麓迴
嚮正北私衷慙然竊以蘊一方守臣乃南嚮治理而
菩薩反北嚮且望衡對宇跡涉抗尊卽菩薩不計蘊
亦何以寧處官署旣不可移敬冒昧權宜另卜吉地
見山樓文集

文

于山前正其嚮位別建行刹俟落成之日恭請菩薩
開遷謹潔齋先告伏惟垂鑒下誠恕其瀆煩之罪夷
蘊可勝悚息屏營之至

祀地藏王菩薩文

惟菩薩法超于劫慈憫六幽錫杖開冥牟珠破暗願
力弘深人天共仰頃緣行刹舊坐黃鵠山之陰隨
明擇地移建于山南之鳳凰窩雖以故宇與撫治相
嚮對臨弗安亦念地獄種種苦趣皆由在人世時造
作惡業因而墮落菩薩既思盡力超度應先自求
時豫施援救前殿嚮北依然卽幽之意今門正南
背山面湖又據高踰遠一切穰穰之衆日在慧照
殿宇既成鼓鐘仍列遙望者見其刹竿趨造者遂
見山樸文集 二
瞻禮伏願菩薩于茲念斯民疊罹兵火殺戮之慘
因平日居心賊害貪嗔獲此兇報陰施啟誘俾各
善回心消除災禍免墮地獄是菩薩以拔幽之慈
豫救于未然使素蘊亦得藉以撫成善俗仰報
延其被洪慈永沾普度不勝齋肅祝願頂禮
至

祀十地閻羅王文

惟王世功懋秩積行權靈名度東華簡刊 上帝頒
三官之教制稽六道之化生雖主幽冥兼庇人世先
是以地藏王菩薩行刹及王寶位舊在黃鵠山陰嚮
據非宜告遷今地茲者刹成宮附辭暗嚮明王應鑒
照伏願贊菩薩之慈悲啟群生之善行使萬害消除
諸天行措王且由仙始之階耀景易氣立陟上清素
蘊不勝虔禱祝願之至

見山樸文集

己巳四月武昌新雨文

伏惟上帝好生民覆是念凡下土一州一木咸欲其
萌芽暢遂靡不滋培而生全之矧茲楚北羣氓疊罹
兵火供億殺戮慘苦已極所賴歲功豐稔甦此子遺
乃者自客歲七月至今雖霑霖頻施湧沱未降民間
塘堰陂池在在龜坼農候將逾稻秧焦卷遠近之氓
日惟懸耒哀號雲霓是望豈此方之衆罪孽未盡
天心仁愛視此蚩蚩應與矜宥當由職司茲土者自
素蘊以至監司守令罔敢厥職德涸仁枯政刑如燬
見山樓文集 文 四
人心燥憤上干天和乃釀斯沴素蘊用是飭率大小
屬員循省自責或析楊慘酷沈寃弗伸與或貨賂公
行焚征虐衆與或上下弗能力行實政徒以虛文表
恭而澤不下究與或偏聽近習使使倂日聞而忠言
弗進與凡此卽百司容有不飭其督率未勤皆由蘊
作使無辜之民反罹其咎倍添惶悚用敢不揆冒昧
率同在省各員潔誠祈禱爲民請命伏願上帝百神
俯鑒微誠將應致譴責悉降羶躬翻然渙命大沛甘
霖倘獲遠近均霑千塘遍滿粳稻有成俾楚北蒸黎

盡免飢餓流離之苦蘊惟有與大小僚屬潔己
益其職守以仰答天庥千萬一而已

疏

募重修峴石寺疏

今襄州之頽廢宜脩復者豈獨寺宇耶顧兵燹甫定民氣初復力有未逮而年來戈甲相繼劫運不已其以度劫爲法門陰消人心之忿爭以挽回氣數則衆教亦烏可置諸按郡據山川之勝其尤著者莫如峴峴之上爲峴山亭其左爲甘泉寺下爲延慶寺皆足曠望展眺而幽勝奇詭之觀則莫如峴石寺寺在郡西南五里許谷中南嶺半崖上所負皆石壁壁之外

見山樓文集

疏

一石突起高數丈自右背俯臨之如欲飛墮者卽峴石也由寺後仰睇儼巨壘之拳方握欲擊夾右拾級而登平對之又疑光嶽之氣結成芝菌內精英而外礫礫也欽崙磊落幻怪奇特難可名狀石之上爲洞中可布兩席列坐十餘人茲固峴之空靈秀茁處矣捫遺碣知寺始晉之咸寧中歷宋慶元明正統成化萬歷間俱經重修其當日規模綠飾壯麗宏敞已不可考而土人言未兵興前殿廡齋廚尚無恙其對石及益上各有亭爲冠蓋觴咏之所今壁上留詩猶可

見山樓文集

疏

有同心豈必予言而予旣目擊心愴又當滇蜀海平兵燹歲稔亦氣運轉移之會又何妨告諸文武同志及十方善信民人或以金錢或以財物無分多寡或以禁約護持使圯者重完壞者復整趨成之功日興殘毀之徒不至庶幾觀象教者爲善之心皆油然而生以陰消此方災害兵火之氣吾徒司牧者得供億以綏懷其民司防者得免征行以休養其士民日相率宴遊憩息于其上飛觴對石撫髭臨江羊杜諸公之靈呼之或出亦千秋不朽一事也是爲

記

寶賢堂集古法帖記

道法以六書爲傳火之薪固不必工而後傳然觀開
闢來古聖先賢篆跡其位遠運用皆圓勁端嚴精神
充溢工又何可少也傳往所以開來寶賢堂帖爲有
明晉世子承輯上自蒼頡下及元明鈎摹鐫刻精密
盡致可謂勤矣其初成時上之孝宗天子賜書褒美
想見當年世道承平諸王公子皆留心翰墨君臣上
下之間嘉尚文雅卽此一事可槩其餘自兵火以東
見山樓文集

記

石版遺落幾去其半至順治己亥間太原郡守宗君
鑄於馬肆壞垣斷橋荒砌中僅搜得二十塊餘俱莫
可跡跡頗以爲恨迨後陽曲令戴子雲熊覓得民間
舊本選工摹勒上石凡補五十有三塊而此帖復入
雖嬌皇煉石當不無補綴之痕以視蜀天缺漏似猶
得之況其用意密與舊刻亦不甚相遠耶倘宣王
石鼓爲白復還亦正有他日之望宗守熊令及前視
學使者劉訓夫皆有記篆籀後至撫臺太恩葢令
國家逆鑑俱平宇內晏安近海雖亦復歸命 聖

千方休兵惠民銳意文治藻翰布于遠邇天下無
監司收伯常令皆得于蒞政之暇修舉廢缺鼓吹風
雅雲集擢目亦之徵豈獨六藝之一助也哉

見山樓文集

記

誌銘

通議大夫都察院左副都御史衛君墓誌銘

都察院左副都御史衛君以癸酉二十八年三月二十四日卒于奉使祭南海廣州新署夏五月其子伯獻伯奮將其喪過武昌執所爲狀再拜痛哭而爲之銘用以歸葬按狀衛系出姬氏周初康叔封于衛世以爲姓君之遠代未詳自何地遷籍山西太平縣北柴村元末有諱全者避亂再遷于陝西韓城縣龍門下又五世至鸞是爲君高祖鸞生壽官世約叅見山樓文集 誌銘

君兼買致數千金俱分散諸伯叔昆弟鄉人賈卜其後必有興者世約生孝祀好詩書善退讓以子貴贈文林郎雲南道監察御史孝祀有子三人次楨罔以崇禎甲戌進士歷官雲南道監察御史贈通議大夫通政使司通政使明末時監李建泰軍至保定遇賊與戰射傷其帥爲賊所得不屈後脫走入五臺山亡人 本朝作絕命辭自盡卽副憲君父也生子三長卽副憲君名執蒲字陶菴順治辛丑進士起家樂令歷二年行取補戶部江西司主事康熙十五年

拔改道員補雲南監察御史二十四年內陞補督捕右理事官轉左理事明年五月陞通政司右通政轉左通政七月進都察院左僉都御史十一月陞順太寺尹二十七年陞通政司通政使十一月以孝莊仁宣誠憲恭懿翊天啟聖文皇后升祔禮成奉命祭告南海未就道陞都察院右副都御史其令畿縣也見新樂地瘠民貧連遭水澇逃亡幾盡初至卽設法捐給牛種勸課耕桑民始來歸邑額徵民賦一萬七千餘舊例銀七錢三胥役作奸加耗重稱及傾銷

見山樓文集

誌銘

二

打印小封外索之費幾與正項等百姓苦之君立請各上臺盡數徵錢照市易交納外不得加收一文胥獎盡除歲約省民力萬餘金後令踵而行之至今不能易又立新聲社課士于歷年無復科第之後始有登賢書者又詳免荒地錢糧三千餘金政教頗著在戶部時監督通州倉澄清諸厰查出羨米四萬餘石皆倉役勒索加收之旗丁將私賣入己者悉籍之以備官文差竣環極魏公卽首拔監查內外帑庫錢糧八閱月諸項條悉凡得溢額共若干金啟 奏奉

旨優獎及改補御史甫任卽疏請裁所歸驛以多年
無益侵漁之項補應付苦累無米之炊其餘仍節省
存濟軍需一時稱快又請復嚴疆節鉞云延安一地
乃秦晉之咽喉實三邊之要衝一時之俸食所費有
限半壁之保障關繫非輕割切動聽 上深爲嘉納
嗣巡視兩浙鹽課澄操釐獎商民至今尸祝陝西
道時則有議水運以節民困之疏謂大兵雲集糧儲
爲重令秦民涉棧道馱負飛輓何如用楚運直達漢
中公私兩便以公帑言脚價既省數倍以民力言輜

見山樸文集

誌銘

三

輓不累絲毫在秦民無役久逃亡之憂在大兵無難
釜呼庚之慮其請開隨地捐輸之例兼重勸相農桑
之令則曰 國家以民事爲重而兵行以糧糗爲先
伏見邇年河南浙江等處飢民載道比戶流離山東
肘腋之地道有盡無皮之樹村落少暮費之煙何如
廣開事例就近捐輸以州縣本境之有餘補州縣本
境之不足蓋數減則易奏辦就近又便散支更責成
守令勞農勸相以備荒年如此則田日熟而民日足
軍需自不足慮矣又疏 恩赦頒行已久流犯歸澤

無聞 皇上澤及枯骨而地方各官奉行未果舍行
速爲查明庶已歿之旅魂得歸丘壟不致飄泊他鄉
而未亡之妻孥不至流離亦得生還故里又文治既
彰等事疏曰我 朝加意崇文四十年來海內同風
人文蔚起獨是諸王哲嗣異日皆有會推之責宜選
侍從之臣預教戎入成均祭菜鼓篋以資觀摩諸章
奏皆體 國恤民簡明平實並蒙 俞旨採納在兵
部照例開豁活逃人家口數百餘人嗚呼使君得永
其年竟其施其所建豎當更有可觀者而惜其一奉

見山樸文集

誌銘

四

使南荒驅馳嚴冬雨雪中積勞成病自江西南昌疾
作隱忍星趨已至廣州不克其事而歿傷哉君生平
崇禎丁卯年十二月十五日卒于康熙己巳年三月
二十四日享年六十有三配薛氏誥封淑人丙子科
舉人四川筠連縣知縣起鳳長女男三長伯獻歲貢
生候選通判娶李氏前己未科進士山西平陽府知
府燦男庠生蔭梅長女次仲容歲貢生候選訓導
繼君同堂弟 娶楊氏歲貢生原任耀州訓導
震公女又次伯奮監生候選州同娶李氏前丁卯

舉人河南許州教諭國琮男歲貢生候選訓導文麟
次女女一適丙戌科進士原任陝西道監察御史賈
弘祚男庠生綰芳孫男八長蒼庠生娶李氏貢生原
任淮安鹽運司景麟男監生候選縣丞溥長女次蔣
庠生娶解氏壬辰科進士原任江南督學道幾貞男
廩生奇生長女三萃業儒聘李氏丁酉科舉人熙榮
男庠生坦女俱伯獻出四蘅業儒聘李氏丙戌科舉
人原任戶部江西司主事振麟男監生原任廣東新
會縣縣丞怡女五葉業儒聘李氏儒士福謙女六邁

見山樓文集

誌銘

五

幼未聘俱伯奮出七黃幼未聘伯獻出八葵幼未聘
伯奮出孫女四長未字伯獻出次字丁未科進士現
任貴州督學道張顧行男監生現任直隸保安州知
州廷柱長男三幼未字俱伯奮出四幼未字伯
獻出曾孫女一幼未字蔚出素蘊與君生同鄉里已
同官長安中喜君元爽善經濟往還甚篤自出撫安
徽遂違朝夕然每于邸抄中閱遷除得君名則喜荷
應調不調則愀然若有失及見躋銀臺遷副憲則喜
甚冀旦夕出膺方鎮可同心戮力以將王室及

使粵東鄉人有從彼中來者云遇君于南雄大有疾
疴瘡癘迎人頗爲煩慮乃未幾而遂以卒聞吾道
衰公議同憂益不獨鄉里契好之私戚矣因嗣君之
請既誌而并爲之銘曰

繫君之才德兮孝友克純維君之措施兮允庇
以佑民身既達而且顯兮不可謂遇合之有奇世方
屬望其匡濟兮胡若有靳而不竟厥施天道豈真不
可知兮速君之喪亡曾不得歸正首丘兮使客卒于
蠻荒以君命之煌煌兮曾不能延君于旬日使共
祭而成禮兮告奉使之克畢羌藐孤之扶櫬兮
川引歷其精靈將治兆而歸藏于龍門左右兮君其
永膺乎佳城

見山樓文集

誌銘

六

尺牘

侯徐立齋



長安中侍聆玉塵覺冰雪照人汪波沁骨每一接待
使人悔吝潛消受益固未可計量至兩回僦寓俱幸
託芳隣得以昕夕過從又不可不謂天假之緣矣惟
執事事業文章洽聞海內花萼蘭芝交輝接武方茲
鳳城雲霧暖室梅馨總一代汗青千漏永宵寒時命
兒執燭綠筆持衡視趨漏鳴騶軟塵撲面境界正
澄迥迥蒼生屬望恐松菊難可遲戀爾素藹
見山樓文集 尺牘

見山樓文集

尺牘

簿領塵鞅堆仍動需調劑碌碌終朝與疎狂坦放之
性事事相違惟王事民生攸屬豈遑自恤誠不知前
人何以艷建牙擁節也初蒞匆匆因稽修候茲微選
下走代候崇階鄙懷千里伏冀垂教及之幸甚

安慶夜陳滌岑同年 桐城人

自補乏東南心眼中即日有一滌岑先生躍然欲見
及棘闥後峻挂席淦江過望龍眠黛色侵漢橫江想
伊人宛在苟非令中方便將易小艇雙橈相從問
字矣舟中旋接德音十行一札反復披讀不獨琳琅
眩目瓊瑰驚人而一種纏綿真摯之氣直內貫肺腑
間因知有道詞鋒皆從信義流出如泉源萬斛根抵
名山巨嶽也蓬窗裁答莫盡懷思傾嚮之忱直與
俱往爾比涉歷簿書塵全紛投頓似行崎嶇叢薄中
見山樓文集 尺牘

見山樓文集

尺牘

神力爲疲即跂仰殷懷至今猶稽修候益令人健
東山肥遯以聲律爲絲竹煙嵐作伎樂其澄濁浮沈
真不啻霄壤矣至負山非任引步欲顛相知如先生
不以本雄盆泉相教益顧乃獎譽過情豈愛而相急
乎久仰汗牛著作錄示重煩抄胥幸先以數篇惠教
俾蚤嘗舊炙何如至軒車儼責諒興發促乘自不吝
命駕簡垂而下高人杖履蘊亦何敢以饑渴思浚
敢促請丹旌祗復不盡溯洄

荅陳默公

六皖咫尺龍眠高山之仰日在江介間頃假公得據
契濶而又以兵馬倥偬卽授餐湯餅亦弗獲竟飽况
縱眼林園沃聆教益乎覲面旋失倍懷悵悵王師
伐叛衆志同仇但過臨未免煩擾若如其所言暫駐
郡中後來仍須取道貴邑且多停一日卽人心驚惶
一日秔稻漸熟堪再經踐踏乎柔剛反覆幸得促使
前去今喜逆首已獲大兵合集武昌已復隣壤勞人
免望烽挿羽之靡寧皆仰仗宏庇矣秋収向畢白粲
見山樓文集
凡廣
三
翻匙方爲百姓志喜年丈舉筋之次卽注念旅宦人
不得有田園嘗新風味分惠下及盛意何可當也別
諭另楮裁荅希鑒委曲不宣

荅陳默公

江國秋殘霜楓如繡宦海分人日鹿鹿荒署中與
牘作緣卽報謁嘉賓亦止一見聞閱擾攘城樓齒頰
車坐賞之樂不得不盡輸東山高臥賢豪間人矣
手教中所云獲稻入山與野老田夫共數晨夕倍
德義大作成編未審何日得快誦醫俗也望之望之

見山樓文集

凡廣

安慶候江南學院李醒齋侍讀

天映星眸江涵水鏡執事以命世儒宗提衡藻翰

獎起衰當 聖主右文之時復南國舊臺之制江南舊改

提學道至是 千秋盛事畢萃於茲蓋運會寢隆未有

不自文治始者即今孤寒盡拔映雪囊螢之士嚮靡

書而嘆者莫不蔚然興起篝燈絃誦經館書聲儼遊

鄒魯之邦此實數十年來所僅觀者素蘊謬撫上游

得與同時仰末照而被光風亦有生幸事寧不快然

比載馳駐馬勿次金陵執事方搜珠滄海弟旋一供

見山樓文集

凡讀

五

事鄉關接塵論文之願末由攄展及事竣棘撤而崇

飾已遙旋拜瑤函驚人駢麗愧報章之禱散惟銜袖

以永懷蓋執事本王侯之哲裔繼歐曾之巨筆李本唐西

平王後自宜春侯 已進綸扉公在差已墜學士仍暫

一吏遂籍吉安 而俟竣事乃之新任暫

稽化簫素蘊忝竊鄉人溯江輔任思所以報 國恩

而恤民隱者惟南車之指實有厚望焉其毋金玉而

遐遺之

荅董默菴

銜尾仙舟每荷披襟懇切銘勒曷緩自高旌遠邁個

悵茫然撫茲繁勞顧畏之場風帆欹側莫知所抵望

蓬萊仙苑良不啻天上人間矣素蘊疎拙迂流叨守

一隅已抱綆短之虞驟復承接高牙倍深悚懼幸芳

規儼在一切蹈履而行可藉以寡過耳猥承執事不

以無狀鄙蕘猶且多方獎借豈真愛而竟忘其醜乎

實感且慙莫知所以仰副惟鑒中自念益佩之無

爾

見山樓文集

凡讀

六

荅宗兄昭武將軍

吳會相望音徽如挹惟阻隔面承雖寄懷尺素終莫
罄鬱陶也承示未便如蕪之故乃以廉爲蘭雅量善
全蘊敬拜服之然封疆大臣動關地方觀聽雖咫尺
亦未可輕率卽別無引避亦不宜近出蘊之不能趨
詣正坐此爾刁徒狀詞偶閱得之固能信紀律之下
必無狂弁而猶恐體察未周有損高明以昔月之誼
不敢不以呈覽乃先已屢告有司又仰煩尊聽此地
刁風真可畏也經批審當無不盡之情蘊又何須更
見山樓文集 尺牘 七

行耶原詞叔存敝簾葢當世賢者雖所轄偶殊總以
安靖地方爲念兵民自無岐視惟其守人自矜域剛
妄人得以揣摩乘隙構生事端如兄之邁兩角卽就
貴中權同有司公審一種虛懷直如天空日朗何私
可容何奸不破凡爲文武大臣者俱當如是矣肅此
奉復不盡依依

年節候漢陽相公吳廣庵先生

竊惟峻整風規休容器宇自司憲敝鄉時已心儀目
企匪伊朝夕每撫棠思召至今婦人童子猶相與載
頌弗衰也往在都初途瞻覲自此儀度丰裁若昕夕
映着宇間銜命南來私計咫尺平泉徐可假公奉教
乃以輪役棘關卽獲託舍館未定之義先進見于左
右不可謂非意外之私幸矣赴職以來塵牘相仍兼
官常匏繫無由更坐春風中仰落披拂嚮往之殷惟
日隨大江東注爾伏思相公恬養天和含真味道視
見山樓文集 尺牘 八

東山絲竹何啻雲泥然 聖天子霖雨需賢海內蒼
生屬望情淡猶恐石城壑榭不能久留杖履也

與汪名文

數十年泰斗殷懷一旦因公于役難得慰慰且難
講堂似精有活緒論私幸何如獨以塵軼催人勿
却別其為懷他親未見增書矣惟歸櫛名山著作
與沐畢朗講一二篇鮮味載道之言理學經濟
渾合為一先生真我師哉彼浮慕耳食借從遊以
為名譽者內無根蒂觸激輒移百端譎怪又何足
論論耶某衡學頗殷獨以蚤侍宦遊又坐天性癖
讀書未多兼稀得奉教於海內儒宗巨擘故碌碌
今老矣幸獲進見於大雅之前願厚自策勵
先生其肯真實教誨之不小作一冊本無可
取為友人輩收而集之不敢匿醜並疏告若干
呈以為指示之端倘不棄覆醅或謂其中少有可
而濫造之地不吝汲引賜升數言俾海內文墨
謂某曾為當代大宗匠所不棄適殆非真俗吏也
緣以憤勉自益則餘生寸詣皆出惠賜矣臨風
可任翹馳

與徐健菴總憲

身遭京華時瞻北極比側聞榮陟好音五中喜溢
西臺風紀之地內自公孤卿寺外至制撫庶官咸從
受繩尺得大君子秉握綱維正朝廷以及萬民
王土以內幽遐頗僻蒸蒸然就蕩平而歸正直本
則條枝舒暢素蘊叨在承流倚賴弘多矣今濟川
始倍切昂須諸所靡及仰祈垂教引領懸竚伏維
客是幸

見日樓文集

尺牘

十

賀真定相公梁王立先生

相公以備德之躬繫羣倫之望中敷外歷總計籌極
功崇道洽朝野所焚香禱祀思有以霑被霖雨者數
十稔於茲矣 聖天子簡在有年頃者宣麻當院不
但內外百僚慕庶幾騰加額而凡山川草木之屬亦
若俱爲霽榮增色其夙叨涵育教愛將又從可知矣
素蘊碌碌無似翔翔卿貳間已懸過分乃復謬膺方
面益切懼悚之懼當叱馭都亭時還動軔製龍行也
今出入懷袖間每一展誦猶如接待咳唾也恭惟教
見山樓文集 尺牘 十二

卜新綸躍比檐雀懼忤之私真有不知所以自囑
若謹肅函馳賀仰惟丙鑒俾江介勞魚得泳游於洪
濤濠濶之內其爲慶幸又豈有涯量哉

荅座主大名相公

小子樛散爲材拙愚稟性率耳違時負累不敢效世
俗苟營身家以仰負老夫子樹植之恩比謬膺 恩
命蒙夫子鴻篇遠錫衣被仁風寵榮曷旣自出離都
亭卽趨監鄉關至九月望後始抵皖任事當此橫流
波靡之日浩渺迷津誠莫知所以自濟然內顧寸心
仰維源本思半生硯守幸不爲海內士君子所鄙棄
今年華垂暮苟一朝易其初志凡上負 朝廷者卽
無以對夫子于寤寐也用是益自濯磨冰兢恪守
見山樓文集 尺牘 十三

俾耳而目之料能爲夫子備道私計夫子必聞而
之斷不以不善從時相責爾仰承遠誨敢不書紳使
旋稟覆可勝戰慄

候孝感相公熊青嶽先生

三入石城俱得接奉教誨至今模範風神常依依心目間伏惟相公正誼含真以鍾阜爲東山道使爲絲竹中外屬望已久矧眷在宸衷近且益篤比萊綽於初至晉謁時曾預言之蓋道與時亨正人啟沃左右端本澄源海內自不至有大獄大兵之事此世運升降之會有非人所能爲者頃接制府移咨仰見聖天子積念攸屬姑紆途以爲之階計日霖雨却扇寰宇素蘊披閱未竟不勝雀躍蓋不獨迂拙之人有見山樓文集 尺牘 三

見山樓文集

尺牘

三

荅方樓岡太史

恭惟神骨摩天才鋒蓋代胃藏四庫若春海之涵仙璫瑤臺筆掃千軍過秋風之捲黃沙白菁奇毛接武翔翔薛氏之沁金粟飛香輝映燕山之樹蚤儀三殿羣萃一門李桃陰在庭階制誥文雷館閣固前史所難屢觀而當世所共翹瞻者也卽比者漫游碧雞金馬之鄉乃適會洱海潢池之美義百撓而不折說三進而咸伸炯若丹心獨向日邊魏闕飄然緇褐儼然天竺先生非由德盛而道全曷覩藏身而出險此天鍾之獨厚充人世之所難素蘊風倚耿光近叨高望龍臙咫尺杖履却在金陵幸虎踞過從趨承獲玉塵高談移晷如披花雨繽紛朗宇照人似映冰壺瑩徹鴻章鐘呂荷隔日之寵遺錦宇星雲慰十年之殷望小巫見惟却走行車頓藉光華從茲且懷和長年不但將諷吟而度日也所承別諭並荅副箋率復不倫統求垂鑒

見山樓文集

尺牘

十四

荅宋牧仲中丞

道德經濟文章自古難兼以今蘊所見於執事者則
實有古人不見我之恨客歲六月豫章謀叛一事鎮
定不擾而坐消反側所全甚多劉山蔚何人能記叙
出之手筆高古事與文兩傳矣前此尺一起居難整
懷思重煩裁荅何周詳乃爾於此已想見蕩事之變
暇寧謐爲不可及居官本有可省之事但今世誰如
如大札所云鳩拙鷗閒者耶蘊政不能簡而性懶無
似亦願希此有執事典型在前益可自信矣拜惠大

見山樓文集

尺牘

五

刻應將度日剗剗之精亦足相稱滕閣梁爐諸詠儼
坐我於高雲香雪間羊叔子輕裘緩帶而不聞有著
作流傳豈其中猶有所擾耶外二部一卽代致散親
家李屺瞻其一所云香雪者或卽故人趙秋水耶秋
水于客秋杪辭歸廣平蘊輦於江頭置酒賦詩相送
不謂復淹留鳩茲次遇甯元箸於白下又不卽行以
時氣疫癘作于三山蘊雖爲經紀送歸老友之感重
今不能已已執事聞之當亦爲之惋歎耳剩集並聞
以應轉求者然非其不敢與也易堂諸子集

必獲正不必亟覓郵祇覆不盡所懷

見山樓文集

尺牘

六

啟

襄陽回上荆南道鄧偶樵中秋

恭惟度比金渾襟過秋爽仲華偉伐久名震于關西
衛國宗支見風高于白下鄧本明衛國公愈之後道力與江

競盛升猷借月桂爭華朗朗澄懷括民物于汪涵之

內輝輝藻鑒表人倫于月旦之中當龍洲秋色平分

想虎渡物華倍勝泛岷濤而轉粟仰流兵食功高懸

成天險之奇掛月峽之歸帆倒瀉詞源詩掩影入平

羌之句鄧時督運蜀中方歸某頻年楚微一節邊隅倚公子樓

見山樓文集

臺曠望鄉關之切司太和香火徒開道院之開果規

度干上荆誼同雁序值檄交于西蜀心戒馳驅通門

庭之多燧逼我籬籬幸隣壁之餘光照人咫尺蕭騷

蓬鬢空令王免笑人緼敝貂裘敢冀明蟾戀客尚稽

下走猥辱先施祇驚露下而鳴皋思陟水堂而倚玉

遙望登樓近水定梯箸取月于懷中行將乘夜問津

聽吹簫舞霓于天上未申瑤報祇謝瓊枝

賀上荆南道鄧偶樵中秋啟

恭惟秀世丰標長民德業胸涵銀海吞瓊樓玉宇

光華筆瑤霜愛映皎月明星而照爛鳳凰池上八

輝俯眉香龍虎軍中坐詠開臨不夜鄧起家初以中

湖士載功高關隴魏尚書之偉伐如新義侯名重朝

廷漢特進之風猷宛在詞章千萬字咳作雲霞兵法

五十家腹為篋笥蓋武緯文經之並擅亦中微公

之兼優頃乘培積之雄風擁連檣而轉青天之

抱懸崖之皓影轉急峽而聽白帝之砧虎渡秋江人

見山樓文集

其劉昆政蹟鶴鳴宵露文繁董子春秋想躡級陟章

華趙老之登峰可擬時禿欄到雄楚庾公之飛興依

然素蘊庸下中人棲遲支郡治邇偉卿之里欽遺澤

今在公居隣伯道之鄉喜景行幸匪違叨侯光于東

壁如逢朗月入懷時騁望平南荆竊嚮高雲引領值

鴻賓之令序辱鯉素之先施慚瓊報已後期敢依遲

而廢禮幸瓜投堪上薦楚瓜以襄聊馳牘以憶恭想

壺開水映尊中波射流翠更杖幻銀橋句裏風生真

鎮偕文申而倡和無嫌秋月生愁鄧夫人余承桂子

之飄搖欲假晨風送喜新詩 侑舞霓之夜飲新詩
絕佳直數兔之秋毫冀鑒虞申俯賜汪茹

見山樓文集

敬

三

賀湖北新糧道章到任啟

恭惟風猷敏器譚端凝才本時需急行濟時之策
學爲世用宜權輔世之謀轉運有能名留普存于民
力依然伯鎮仁風秀州饒善政施調劑于軍資允矣
仲弓丕續頤籌儲于江左上下江早見畏懷章自江
南北糧旋足食于楚鄉東西楚望深安集維天子念
東南之力竭須星軺提積貯之衡平故中都倉庾既
盈江南漕米悉卽西塞供輸是命俾駕輕而就熟乃
易節而仍官江漢羣生昔固重召周之寄辰沅多壘
見山樓文集 四
今方須蕭冠之才時楚方以征吳蓋楚國夙稱梗枵
之區昔猶爲下江所仰給而腴田多在湖湘而外衛
反爲逆寇所依憑粵自伐叛以來日見徵糈孔亟厥
初以江湖爲限軍實惟漢沔是徵卽頃者衡岳來歸
輓運猶蜀黔並急時貴州夔州兩地兼之懸虛之賦
額俱充實給之供支兵米俱貴楚運無米何炊礪
星徒仰此實由取盈之歲報在大部惟按籍而求因
之格釐弊之常刑滋下胥得容奸而蝕楚各州縣吏
胥因就中侵蝕尤而效之長此安窮絃雖難解而更
充多習以爲常

張法可因時而施救况補苴間資干採買則折還重

困平閭閻連歲因額徵未足多採買給軍復改折還餉民困尤甚

公實長才必

爲善計壯哉雀鼠定從此以革心哀彼雁鴻久望風

而跂足適傳六轡之載臨已見百城之胥忤素蘊承

流支郡倚庇高雲欲激無波閭甚剝膚之衆望蕪如

歲慰同引領之氓軍中雷殷之聲今其免矣留底星

明之嘆盡有瘳平喜烽漸銷南時滇南重平馴致江沱之

雅化值漕還運北自軍興楚米盡留給軍至辛酉始復北運猶資淮海之

成謨應知庾積陳因聊暫煩平鞭笑行見絲綸音重

見山樓文集

歌

五

渙卽遄上千橐班莫遂躬馳祇修箋記情同賀燕
廣連雪大廈之詩意切倚葭更詠珠玉樓臺之句
申芹將伏冀鑒涵

回鄖陽提督佟中秋小啟

恭惟麟閣丰標龍韜壯畧控膺商而扼雍蜀信南紀
之上海掖均房而引秦豫實西江之重鎮看獨麾建
爲方面實千里倚作長城者也茲序當白帝之司秋
更節屈金蠓之照夜帳前霓舞依稀仙樂臨城劍上
霜華輝映銀橋揮漢知公興正不淺顧我思當何如
方倚望幕府之清光忽飛下雲天之錦字三年納袖
同瑜瑾之入懷百拜緘箋藉魚鴻而志感難鳴德
可任忻承

見山樓文集

歌

六

回葢遊府新任 撫標右營陝西人

恭惟麟閣英流虎牙世儔坐銷烽燧開東南萬里之
雲胸富甲兵壯閩外三軍之氣葢制營重大都會而
兵家上右將軍漢廣江深爲楚西干城之要鎮鷓鴣
郭渚卽湖北八府之本兵惟師中有龍韜虎略之材
斯江表成磐石金湯之固雙旌蒞止萬壘肅然素蘊
社忝枌榆未獲雞豚之共誼聯桑梓先辱魚雁之來
當次舍望光正切忽郵筒傳命遙臨緣聞報之不先
尚稽燕賀悵庀緘之已後祇復鴻書尚容另布可勝

見山樓文集

啟

七

憑馳

壽高陽相公李太夫子啟

名世際昌期登萬邦于壽域真儒開泰運轉一氣于
鴻鈞咸德克契乎皇天純佑乃錫其景福門墻慶溢
海甸懽騰恭惟學富天人功參位育文章探淵海香
吐懸圃瑤臺骨格本神仙掩映明河喬嶽登庸少壯
秉鈞方富之年啟沃經綸贊化鼎興之會惟賢成聚
功偉業傳自庭聞斯燕許高文匠確著爲國典特繪
額後及門有造者數千餘人論道經邦待漏鳴騶
二十六載蓋悠久所以成物乃壽考遐不作人金鑑
見山樓文集

裁成揭聖謨於雲漢飛書拜賜爛列宿之昭回
開濟心勞雖風雨不無褻凌而棟隆自若四序中和
體備卽陰陽偶有愆伏而門實各調故渙方燭燭泰
閩粵以騷然邁銷烽於旋踵彼海尊寶宋遼元明之
未附亦內向而投戈當此功成治定之秋允諸子聖
臣良之盛一人有慶國綽有道鴻麻元宰何言
昨無窮燕佚惟十月爲上冬當三旬之初敢籌增
祚祥光近傍 北宸道衍青牛瑞色高懸南極天
桂平格知周太保鳴鳥將聞人樂永太平識末啓

精神倍爽素蘿關西漢學山石備員嚮也末甲策名
幸出自門生門下既而臺班忝職敢負平宗匠宗傳
謬許身繼埋轍之風猷遂屏跡爲徒薪之逐客及平
再收廢棄仍復遠跡江湖卽頃者畿右之量移亦繼
出居中之造就奈此官當盤觴之後苟自好則孤立
難既固敢輕名器以悅多人又何以損壞廉節而
衆望遠云相士必於牝牡驪黃之外止期物躬不出
大繩規度之中惟太夫子鑒其生平當不遺遺恐
大夫責其跋拙誰肯察微茲遵大人攬揆之將臨

見山樓文集

啟

九

深小子望光之私慕其如匏繫莫遠見趨望黃龍
天關九重如紫海隔人寰萬里聊束修乎筐篚
手問陵比涇渭之附朝宗望河源於星海竊幸
之分重蔭捧土壤于坤維徒仰高波祇滋惶悚會
月與今年同建知元氣之蓄藏貯上元自來歲更
兆昌齡之復始伏願益厚光岳未分之氣更閱甘
考于鸞臺獨運乾坤保泰之神重符億萬年之
敬肅函申祝者所

答李劬菴茂宰問名啟

伏以赤繩聯兩姓之盟男女永諧乎居室白璧合百
年之好婚姻首重乎問名冰迨伴而躍雙魚喜在親
刑之媾汭旭初升而鳴序雁欣當相敬之賓鄉幸梓
五朶千春雲願報七襄千秋日吉占原筮度奏典籤
恭惟蟠根華胄萬葉名宗儀天補太白之精聳地鍾
少華之秀奕世之高門閭閻里號鳴珂傳家之累代
簪纓牀誇滿笏薛鳳荀龍之目早擅譽于成童潘江
陸海之名更贊聲于弱冠秋風搏九萬直攀蜚窟之

見山樓文集

啟

十

香春水擊三千立就螭頭之對司李買牛之郡雀不
角而鼠不牙種花戲馬之臺雉則馴而鹿則來歸來
有賦便同五柳之先生薦上交章將作八磚之學士
孟襄陽匿牀未遇賈長沙前席仍還然而高義薄雲
誰人不識加之隆名蓋代到處有迎乃其詩思超
懷友每勞平村甫柳且書詞善對有兒宰讓夫燕瓊
殊爲謝氏之鳳毛肯教嵇家之鶴立乘龍妙選應
桓叔之門中雀英姿宜重賈公之館乃對菲不遺太
下體俾萬福得附平喬校五百年前定之緣蟠桃結

會三十載久要之契斑管尋盟執柯通永上老人
飭楮生以將命檢譜因月中之老再遶墨客
六麗四駢足比宋班之香艷貫珠聯璧堪成秦晉
歡娛慶溢門楣喜盈壺棧素蘊才慙吐鳳宦遊
年同立仗之鳴近日振回谿之翅婚娶似子平求
爲方岳之行交游與元禮同舟羈得登仙之
老論文章之聲價原媿盧前如徵門第之品題更
齊大在令郎賦可凌雲似禁衛之難近而弱
咏雪僅中饋之略知全凭孔李之通家遂
見山樓文集 啟

世睦易所云交相愛也詩不云迨其謂之何當問以
瑶華似捧藍田之玉詎荷益以朋貝如懸赤水之珠
棠棣春穠擬報瓊而未得蒹葭秋白思倚玉而倍
三薰奏不腆之詞九頓答同心之語伏願長發其祥
克昌厥後願有家願有室萬年咏琴瑟之和宜爾子
宜爾孫百世慶箕裘之衍奎翹星徹夢跋電融臨啟
可任忻忭瞻依之至

答李劬菴茂宰問名小啟

恭惟停淵稟質峙嶽呈姿長源之骨節珊珊讀盡牙
籤盈腹太白之文光燦燦知爲金粟前身采秋實
發春華青紫拾之如芥理盤根而解錯節斧斤運之
成風潘河陽滿縣名花每多制作謝宣城澄江靜
饒有風流文名列四友之中才千預十人之內所
栖鳥製曲解來學士之金貂亦且飛雀題詞羅雲
丞之油幕共仰龍門於當代獨傳鯉也子超庭
燕貽叶我鳳卜觀三星之照戶欣百兩之盈門方
見山樓文集 啟

玉鏡之臺更爲珍重鼓以瓊漿之杵尤覺鼎來
巾帨之光頓賞斗箕之色蘊叨聯蘭臭謬附霞親
比陳雷之漆好遂結夫朱陳誼彈王貢之冠姻更
夫王謝荷委禽之先及宜牽大之弗違昨者拜
平行部持鉛憑槩遂稽報幣之儀鎖棘爲關有待承
筐之敬近良辰于七夕俯佳會于雙星奏脣脣之
言庶借輝煌于銀漢和菱菱之束帛尚邀璀璨于
機三加進士服之需媿乏簪冠玳瑁四物備文房
用慙非架筆珊瑚寸芹之菲薄堪羞千頃之汪洋

侍臨啟町任瞻企翹軫之至

見山樓文集

啟

三

答豫撫章道賀啟

伏以天中闢域總兩紀之綱維陝右弘敷齊召周之
建樹往親宿表近接隣疆恭惟德本天成才由嶽誕
標崇宛委孕赤珪綠玉之秀靈潤漭滄溟全浴日涵
天之浩渺銖銛瑩鵬鵠遊刃而破竹無留氣力大鵬
鵬凌雲而乘風莫禦自中敷而外歷咸綱舉以目張
吳楚籌儲軍飽騰而民生餘力江淮總會賦饒裕而
國計寢盈應簡畀之 渙綸式保釐乎輿壤嵩卽央
而碧鎮知巨嶽之靈全河得色而黃浮信中州之氣

見山樓文集

啟

丙

正獨座分內臺之席振風紀則四遠殷流中丞兼總
帥之權奮威稜而多方遠戢既道洽以政治見吏肅
與民安樞星高喉舌之司行奮庸而熙帝載轍座重
股肱之寄卽威德以亮天工功允升平玉鉉名特履
平金甌矣蘊愚懇性成疎庸自慙嚮已辱寅協之承
風今更叨比隣之借照值民力東南方竭聊江波俯
仰日深伊始濟川中須引楫企高明之指誨殷饒渴
矣柰山水之阻修重竚思焉伏望茂蹟升華陟近天
而敷沃末光遙映毋遐我而遺忘式慰寅恭幸惟

鑒

見山樓文集

啟

圭

安慶答總河靳致賀啟

恭惟度涵河海澤沛江湖八座擁樓船萬里奔流
 奠三台明岱嶽千秋砥柱增雄受帝堯特達之知
 神禹平成之蹟久矣濟川舟楫百年飛挽頌安瀾
 哉渡世津梁萬經朝宗歌攸叙婦子騰歡干加璧
 鼻效順乎刻犀十稔樹成金縷白綿颺春風而
 千尋屹屹牙橋錦纜牽晴日以溯洄行錫玉以
 功卽升華而燮元化素蘊濫竽卿寺分節舒
 伯之棠陰芳規宛在新先是曾爲安徽巡撫仰畢公之樾蔭
 見山樓文集 啟 圭
 庇匪遙初以鎖棘臨期星馳趨事既乃迴帆就
 試驚心方思車指南揮忽枉魚緘下賁德音
 實爛然重頌雲漢之天章分榮踴躍如藉江淮
 映思屏營聊盥手以報言敬銘心而申謝伏
 照可勝嚴瞻

安慶候以督圖啟

恭惟盛世藝龍熙朝柱石統轄重西南之寄升猷喉
華齊高聲靈訖秦蜀之涯滯澤江河並瀉既民安而
吏肅竚既卜而麻宣往過太原曾親偉表紫蘊前視
學山右時
圖豫識麒麟丰采見魁梧長者之燕領芝宇照雙眸
副欽節鉞風猷推磊落奇才之電掃鷹揚冠百辟一
行樹直獨霑雨露滋培萬點山尖並仰雲霞覆庇素
蘊關西末品宇下編氓漫省月者二年每瞻星干一
路仰耿光之臨照實下燭平蓬茅家藉悌懷人恬耕
見山樓文集 七

鑒不謂謬蒙恩命遂爾管領江鄉凜切負乘懼深附
越緬芝頰而若覲回首鄉關望車指之無遺馳思蒼
榮謹避下走代叩崇階伏惟丙照可任寅瞻

答浙閩制府王

恭惟海天柱石鼎鉉鹽梅器識冲融無矜伐而功能
倍著風規整暇克寬仁而威信滋彰前者三楚動高
世蚤識閩中方慶繼而兩江節鎮人俱瞻江左彞吾
惟 天子念鯨鯢之初平慮兆民有雁鴻之未集非
資調劑曷卽又安故犀甲熊旗影尚撼江淮艸木而
麟符龍節聲卽振滇嶠風雷騰白馬而越浙潮山成
旗鼓酌清鐔以酬海月樓戴星辰遂令斗牛女之墟
各遠安信懷之願竚由節鉞徑秉鈞樞蓋立非常之
見山樓文集 六

功原待非常之人而建無窮之基亦有無窮之聞矣
素蘊夙仰悌懷久違函丈祇緣勿遽未遂起居何期
德盛之摛謙已荷禮先而遽下念從游之故吏此
實焉載實篚之奇珍瑤施沃若拜箋而受賜難鳴摧
謝之私沐薰液以函書莫報駢章之寵伏惟丙鑒可
任寅恭

候浙閩制府王啟

伏以連帥風猷盡東南而敷治上公勲業覆嶺嶠以
升華先資已兆乎鹽梅遐蒞常威于斧鉞望雲領引
觀海心馳恭惟德鉅才全器弘用博中敦外歷典型
闔 朝宇寰區武緯文經威愛比江深嶽峻有猷有
爲有守漸吳楚而轍詩書三吳之重信舊浙閩
而聲靈赫濯溟濤拍岸天高鼓之口雲峙而星
辰地盡女牛之野合江淮婺頓粵犬牙之疆土共被
風聲歷宋金遼元明鯨窟之島邦皆爲郡縣望久隆
見山樓文集 九
乎石甌名峙于金甌矣素蘊昔監支郡叨埴洪鈞
底績無能祇奉舉山香火覽輝有造沃沾岷峽恩波
承獻荆南謬許言能折獄陳謨鄂渚每懷採不遺獨
感恩久且無塵知己深而難報既邁征於遼東山右
或浮沉乎金馬銀臺猥承缺乏謬領安徽獲依舊德
之鄉悉本大人之造未伸仰候已辱先施藝圃漾黃
流擎同一色鯨波明錦繡卷尚留光思攄悃以報瓊
待逢春而筮吉會逢 國威稽阻私忱江漲桃花心
湖曙曉之鴻雲開石竺神飛見石之濱謹遜下走進

曠慕之荒服仰冀高閣垂鴻遠之電囑一片附責百
拜恭絨藉將嚴瞻伏惟筭如

見山樓文集

三

答江寧太守郭毅菴聘啟

伏以好重良姻暖入雀屏聯西極寵臨嘉禮春回
幣下南天承吉叶於育善敢僭稱夫娶宋恭惟天資
膚敏風彩浚明漢林宗型方表俗之規家傳有道宋
昭慶經國治民之論器施無方鶚擊桂林已乘長騰
於西顥鵬圖杏苑即徙巨運於南溟名姓高騫天人
響答十九載試發礪之亦豹斑蚤見祝阿三千鈞邱
探餌之鰭雉雊聲聞歷下自升猷干山左旋筦運乎
浙東猷贊國儲恩流民竈顧皇朝億萬年造邦根本

見山樓文集

啟

三

儼據上以成都而王吏六百石爲郡股肱借居中而
治事迺回京輦復踐端僚後先流斐杜之聲中外聞
賈張之績繼明刑平比闕所全活者多人肆種德于
西曹每平反而啟事曰雲粉署領留雞舌之芬畫省
香爐煙吐鴨頭之策久矣曹郎著望巍然方面膺除
朱旛出京洛蚤開瘡癘之雲皂蓋下泮河盡長軍民
之氣乃朝廷爲大府擇人斯刺史自蠻鄉移節惟
茲虎踞龍盤之都會實爲陸軍水艦之要衝仍官事
比試蕭美印寧能易越方愛日帆來一水律回鄉

之寒迨卿雲暖被三山和變素淮之色二千石入爲

卿相行將見之五百年出應興隆自此升矣素蘊伏

鉞無能尸養有愧山鍾瀝而氣接遙瞻熊軾高騫江

上下以疆分隱藉仙舟承載潤延九里知福澤之流

長化洽多方信仁恩之積厚眷此高門行慶應來常

器鍾祥惟里門邑近鳴珂更都下交深投轄仗玉雲

之騫騫因執斧而却引牽絲交兩姓之蘭言咏揭重

而翻尋種壁翺翺公子爲張明府劉茂才所欣賞久

欽玉潤之標弱弱閨媛辱米同官家仲弟之疊緘敢

見山樓文集

啟

三

附葭蒼之倚何期宦跡共此江干歲遷次而逢辰

叶乘龍之慶月履端而啟旦使來輶謁之辰佳賓

輝煌載錫禮文稠疊徽音詹迪吉益欽眷注高深對

芳辰而盟手登嘉傾葵向而銘心志喜支言效頌難

姬金玉之音微物承筐莫稱瓊瑤之報伏願絲綸寵

錫三公德叶鸞和喬梓登庸奕世福綿麟趾俾瑞應

金屋瑤璋之嗣續斯慶流玉奉蘭芝之山川矣統冀

鑒涵可勝翹注

賀陝西學道張新任收

恭惟才鋒蓋代神骨摩天晉孟陽爲當世儒宗銘鐫
創閣唐子壽號文章元帥業振曲江駿聲夙著于燕
臺魁宿儼臨乎冀野桂林枝第一高標首善之邦杏
苑士無雙名應周星之次縱橫禮樂策成符叶天人
絃誦縹緗學秘聲流禁籥惟粉署亟須寅直斯玉堂
暫輟深嚴趨畫漏而侍鵷班淵渟模楷職春曹而分
鷺序翼贊洪鈞威儀並帶風流掌故俱原經術人仰
南宮茂績軼夔龍稷契之班 帝歷西鄙上游實械

見山樓文集

故

主

樸菁莪之地 新綸丕藻藻鑑橫飛轡轡和風蚤動
關河之色車隨化雨盡數桃李之榮恰逢 聖王右
文修重道尊儒之盛典即看詞宗敷教還先秦兩漢
之雄風矣素蘊夙欽山斗快覩聲華喜雲邊 紫紵
推福曜於文昌竚日脚紅輪噓新春於黍谷已覺心
馳延塞遙披 比關之青陽惟因身在汀干莫迂東
來之紫氣敬邀使以代躬聊馳箋而摠賀附陳篋實
伏冀汪涵

見山樓詩文集

無卷數 陝西
巡撫採進本

國朝楊素蘊撰素蘊有西臺奏議已著錄其詩集刻
於康熙王子文集則無序無跋不知刻於何時均
不分卷帙不列目錄皆似乎隨有所作隨以付雕
其詩頗摹李夢陽文則皆應俗之作也

堪齋詩存八卷

〔清〕顧大申撰

南京圖書館藏清雍正七年顧思孝刻本

附《四庫全書總目·堪齋詩存

八卷》提要

堪齋詩存總目

燕京唱和集古今體詩九十八首

泗寧稿古今體詩二百六十首

素琴稿古今體詩四十四首

雪轅集今體詩十三首

使皮稿古今體詩一百八首

素琴後稿古今體詩二十首

燕京唱和後集古今體詩四十六首

度隴集古今體詩三十七首

堪齋詩存卷一

華亭顧大申見山氏著

曾孫思孝編輯

燕京唱和集

丙申丁酉詩
九十八首

擬齊梁樂府十二首

關山月

塞月晚蒼蒼征夫起望鄉
雕旗搖北斗銀甲靜秋霜
抱影聽軍柝回頭看雁行
何時度遼水萬里玉關長

洛陽道

嵩陽佳氣浮雒水恣遨遊
飛蓋通三市金鍾沸五侯
笙歌忘入夜羅綺未知秋
劇孟朝相結鳴鞭上酒樓

梅花落

笛裏邊聲斷花梢夜月微
若憐春雪盡故向玉階飛
白雁橫榆塞胡笳暗鐵衣
清芬零落遍音信隴頭稀

劉生

少小生三輔時騎白鼻騮
期門朝賜錦鄴社晝看花
報雠知擊劒結客故傾家
乘醉倡樓上鳴箏碧月斜

江南曲

江南古渡頭楊柳自生愁
翡翠搖晴岸鴛鴦浴淺洲
游絲歌扇落花片舞衣留
不盡繁華思彈箏坐小樓

塞上曲

秦王勤遠略築塞出臨洮
壯士辭金闕將軍佩寶刀
雪花埋戰鼓霜月照征袍
丈夫寧許國那得困蓬蒿

烏夜啼

楊柳綠煙齊春寒烏夜啼
枝頭若有意吹怨入金閨
畫角嚴城急朱簾曉月低
暫時成短夢恨不到遼西

大堤曲

銅鞮花正好漢水燕初飛
賈舶連朝上良人歸不歸
鳳釵光照耀羅襪步霏微
緩步循洲渚芳蘭泥未晞

青樓曲

垂柳間垂楊青樓出道傍
可憐年少婦獨自織流黃
曉月臨妝鏡春風散舞裳
誰家燕驕馬蹀躞過東牆

採蓮曲

越女顏如玉朝朝去采蓮
相將攜素手齊上木蘭船
駕鶯飛錦翼楊柳蕩空煙
花霧迷歸櫂清歌月上天

愛妾換馬

上駟推龍種佳人字莫愁
不因紅粉重誰解識驂驄
桃花珠汗落柳葉黛眉羞
去去追芳草秋風怨白頭

擣衣曲

何處人千里秋鴻帶月過
此時征婦淚應向杵聲多
素腕浮清露金風動綺羅
豈知沙磧裏裹甲夜橫戈

老將行

邊霜凜冽狐兔滅玄甲塵生冷秋鐵龍庭夜雪埋素駝
虎頭高卧饑鷹呼丈夫生世應許國問君奚爲守雌伏
方年二十初出關黃衫白帽漁陽谷軍中姓氏著嫖姚
百戰輕身許渡遼銅柱南歸看馬援玉門生入見班超
還朝不受封侯賞碧樹紅泉獨來往牀頭劒氣出飛龍
壁上霜弦雜風響滿堂趙女顏如花日落果恩散晚霞
餘生自醉中山酒投閒且種青門瓜不見燕然留片石
祁連冢草高千尺漢家陵闕煙塵飛終古黃雲掩空碧

洛陽女兒行

洛陽三月桃李開洛陽女兒踏春來朱輪繡轂動街巷
香風拂面迴塵埃時游銅駝向金谷光采晶熒射人目
于闐釵燕值萬錢大秦明珠亂朝旭夫僭食邑關內侯
鳴鍾列鼎百不憂舞罷踟躕九華帳妝成笑倚芙蓉樓
掖庭恩私寵幸絕甲第豪華並宮闕寧知白日催青陽
別有金尊對明月洛陽女兒雖妙顏那能歲歲春風前
還憶吹簫秦弄玉雙乘白鳳綵雲邊

登高垣而望遠海

黃帝且戰且學仙喬山弓劒攀龍驤吁嗟政微不及此
扶桑滄海空青天沙丘之雲茂陵樹萬弩射魚氣張怒

童男未返青雀遙銀雁金鳧起衆路瓊田草不死蓬萊
塵不飛丹堦靈藥如可致千秋萬歲詎相辭汾陰宮瑯
琊碣石麟秋草莽蕭蕭銅仙望斷咸陽關不見當時九
鼎成鼎湖雲氣時明滅

擬太白金宮中行樂詞八首

禁苑仙雞動層城紫氣濃珠簾懸曉月玉殿起晨鐘對
鏡虬龍合開奩翡翠重妝成教內史芝檢命昭容

其二

太液花爲障龍池水接天畫旗蘭作檠采鷁桂爲舩紫
燕飛晴沼金梁跨玉泉江蓮搖翠蓋簫鼓白雲邊

其三

椒寢新傳敕齊誇四姓良梨花融院粉柳葉闌宮妝紉
扇能裁賦清歌夙擅場宜春初入御不自解明璫

其四

碧藹浮宮樹笙歌正早春柘枝傳北里雁柱本西秦豔
曲凝纖指香塵散錦茵綺羅看不厭前殿月華新

其五

但解人間樂誰云天上歡梧桐青玉冷鸚鵡雪衣單寶
瑟湘妃鼓銀箏趙女彈雙星看夜夜何處漏聲殘

其六

聰慧原無匹光輝倍可憐避人翻水調抽管寫蠻箋玉
笛排春筍金鋪蹴絳蓮五絲雙綵勝偷疊百花前

其七

新築飛廉館朱扉控紫宸雕梁棲燕子金榜畫麒麟翠
宇雲屏合瑤華玉女陳曉來開甲帳誰是應圖人

其八

令節傳青女登高戲馬回彩雲晴日麗翠袖舞場開柏
葉千年酒桃花七尺駉笙璫天外落疑是上瑤臺

少年行

醉別紅樓直抵宸千金一擲曲江春青絲叱撥驚珠彈

唐詩存卷一 燕京唱和

五

嘯入桃花不見人

涼州詞二首

年少銜恩賜錦衣辭家躍馬度金微自從八月涼州戍
蘇武山頭雁不飛

其二

青海蕭條塞草昏黃河濁浪更狂奔總教日醉蒲萄酒
月落沙場也斷魂

西苑

瀛臺渺無際西苑疏靈泉太液何迢遙蜿蜒玄武間錦
石表巨鎮灌木參雲天鳬鷺戲蘭渚荷芰含空煙蒲葦

接廣岸飛虹跨長川西迴宜春觀東望祈年壇六龍時
上下弓韞為盤旋玉女窺芳牖金仙睨雲端波靜隱鷁
首林森明層巒珎珎形虎闌彥起草蘭臺賢書雲紀嘉序
賡歌繼虞絃小臣侍游譙敢獻卷阿篇

詠月懷友人

泠泠白露滋薄寒麗房闌秋宵悽衆音廣庭散微月淡
淡銀河橫星稀衆輝沒之子在金閨違情遠離別歡嘯
各命儔獨客渺天末寒帷望朝陽浮雲自飄忽

觀朝雨

南郊飛翠輦密澤隨金根百靈縱雲轡九門騎風輪濯

唐詩存卷一 燕京唱和

六

枝灑繁葉動沼開旅萍飛廉逐通旆豐隆決清塵初飈
興滯節良疇曜新英羣心感蒼眷皇情懌西成宜藉圭
璧薦詎勞祀云亭

齋中讀書

新雨歡時序披襟暑氣伏朝來林泉涼幽光藹庭屋簾
靜疏清風當軒理緇軸興往古皇會神移白日促嘒嘒
桑顛蟬娟娟輝畔竹秋空落槐金山紅紛躑躅感念小
宛篇向夕重秉燭

金陵行

憶昔金陵全盛時秦淮水閣花參差公子遨遊金駟裏

佳人環珮白銅鬕彫闌細柳搖階綠小院芳櫳盡橋曲
燕蹴銀牀水簾清烏啼錦樹冰絃促誰家樓閣鎖新歡
蝶粉鴉黃不記年妝成寶髻雲疑濕畫出湘螺黛未乾
矜驕不願隨歌舞窈窕常依碧紗坐羅裳夜彈白珠涼
班管秋吟暗芳度王孫驄馬珊瑚鞭笑摘金釵落綺筵
邀笛步頭鐙不夜華林園外月常懸月窟鐙殘夜未歇
桃葉桃根按歌別百子帷褰夢有無九華燈燼光明滅
翠蓋香車南浦回阿嬌金屋出塵埃仙裙舞散紅榴在
緱嶺生寒白鳳來歲歲鶯花競相逐羽化星流暗金谷
鍾山麋鹿走荒城含章殿頭狐兔宿銅符丹篆久灰飛

建康詩存卷一

燕京唱和

七

汾曲歌贈黃大行薛侯

恒山之陽山峨峨黃河水流流汾河山高冰堅雪更多
黃侯躍馬鳴玉珂高朋祖帳朱顏酡朝發都亭戒僕夫
一月不見軒車過報國寺前塵糝糊金鞭日射紅氍毹
下馬為君立斯須鴈門迤東桑落墟春醪劉白襄陵醕
一時冠蓋多迴車問爾奚不少踟躕今夕有酒為爾酤

長夜列宿明金波飛觴痛飲激浩歌我去子留奈若何
願將汾水添銅壺沉醉不醒高陽徒

大梁行送平子

林生高潔璫珎材家世列鼎朱門開華堂廣席咸車騎
張絲列管雄風來當時豪貴垂竹帛數馬清風推萬石
君家兄弟三四人倒海奔雷世無敵窮經不數鄭康成
作賦羞誇揚執戟綺簾風簾花滿牀對酒當歌時斥憤
生今三十來燕京意氣堪與青雲平高軒翠幕遊不處
短檠小閣瞻孤清一唱再歎集風雨王生宋子相逢迎
後交顧子心獨喜霏譚展謔據席起月落霜花澹九衢

建康詩存卷一

燕京唱和

八

醉擁貂裘辨經史指揮屈宋窮風騷應劉顏謝羞比擬
蘭姿玉質抗不馴投分惟茲二三子自我逢生在長安
操琴抱瑟不敢彈黃鵠分飛大河北崩奔芒碭蛟龍寒
金風颯颯動梧楫接生素札來雲端上言求食大梁道
後車托乘多辛酸金隄水激石鯨動夷門日落黃雲殘
信陽北郡不復數此中豪士誰堪伍金戈鐵騎占戰場
水碧沙沉血腥苦裁書答生還大梁大梁沈生才亦長
兩雄相遇勢莫當示我新詩月幾行思之不得心徬徨

沈生謂
釋堂

丙申元旦

曉漏開闌闕疎鍾啟建章蒼龍依法駕青玉坐明堂入
仗聞仙樂瞻天繞御香上林春賜酒遙獻萬年觴

其二

三徑歸無計頻年散黑貂鬚毛愁裏換歲月酒中消鄉
夢隨春雁天心問斗杓金銜虛永夜數聽數宸朝

送楊青巖提學江右

天子念儒衣郎官出瑣闥春風吹別酒柳色動征驂白
鹿君須到青門我未歸十年雙劍氣應傍斗間飛

送張考功鞠存南還

楊柳曉煙生仙郎出鳳城花明蓬日麗春漲潞河平岱

色橫齊魯宮雲繞旆旌省蘭堪結珮莫自戀尊羹

其二

十年同出處與爾倍相憐分省聯清禁歸朝竝玉鞭暫
辭非遠別歸路即登仙我亦遲征棹秋風業桂前

送沈繹堂編修遷大梁道

鼓角北風長雙旌入大梁十年悲瓠子萬馬散教倉少
府新沉壁中原古戰場君行能卧治未許薄淮陽

即汲長
淮陽治

其二

休文多病起詩酒興偏豪分道馳旌節層霄出羽毛草

荒梁苑沒月白吹臺高獨向夷門去西風看鼓刀

八月早起見西山積雪

八月西山雪寒光逼鳳城未應青女降疑是白雲橫海
鶴盤空舞琪花照日明遙知上林桂瑟瑟起秋聲

周比部入都夜聚天寧寺

無數傳聞語逢君似夢中百年身尚在萬慮酒堪攻說
鬼山窗白譚禪佛火紅寸心今始定早晚報南鴻

舟山捷至

廟算稱神武軍聲振九圍越巢看已破閩海更何依鳥
火環牙轟龍風撼鐵衣捷書傳北極壯士射魚歸

其二

上將王寧朔中權謝鎮西蛟門秋結陣禹穴夜聞鼙白
羽搖沙島青帆散水犀長鯨新築壘麟閣會標題

不寐和農山

獨酌不成飲徘徊阻嘯歌秋風起天末彼美夜如何卷
幔看星沒挑燈聽雁過無端燕市酒却悔十年多

其二

不辨浮沉理翻書坐夜闌黃金看自貴白鐔獻仍難穴
鼠窺人出霜禽抱樹寒漏殘愁緒接念爾正漫漫

送周宿來比部出守括蒼

出守君何憾雙旌向處州地傳馭越秀星度少微留開
路通南劔仙都遠郡樓夜涼松露落疑與上真游

其二

東巖同壇站樓遲幾歲寒漸看兒女大自覺官情閑薄
祿仍金馬秋風動鴉冠桐江花月好期爾釣嚴灘

其三

時余有治河
夏鎮之役

羨爾仙舟去驪駒我亦歌煙花歸路近別恨隔年多
竹分三殿龍蛇競九河風塵均努力莫惜鬢毛皤

其四

峰勢來天馬依依水上園與君卜築意同在陸機村海

樓臺詩卷一
卷之四

主

月流谿竹仙雲掃石門征塵何日斷歸去傍晨昏

上駐蹕南苑大閱 賜宴近臣命各賦五七言詩

紀盛

鳳城春曙百花深 天子觀兵翠輦臨片片晴雲行惺

迴依依楊柳戟門陰鸞旗路鼓開南苑舜酒堯蒲山上

林試馬歸來傳燕飲千官燈火照華簪

其二

迴鑾按轡日華東班馬蕭蕭甲士雄湛露遠從仙掌出

鏡歌遙向柏梁通六軍橫管吹黃澤萬乘登臺詠大風

羣牧不須誇羽獵我王原欲靜寰中

過座師張文安公舊第有感

相國門前一樹桃花開爛熳接城濠迎風自得吹噓力
映日非無翦拂勞朱邸春歸飛燕雀畫欄雨過長蓬蒿
那能不下西州淚獨馬經過憶贈刀

送黃蘭巖出使青州便道歸省

翩翩車騎繞危旌塞草秋原動客情玉佩曉從仙仗出
綵衣歸傍板輿明煙收海市迴沙島路入營坵勝錦城
燕地悲歌重把酒那堪彈入別離聲

八月十五日早朝 太和殿時 乾清宮成荷蘭

國土曾番入貢

樓臺詩卷一
卷之四

主

金風蕭瑟起梧楸冠珮鏘鏘入鳳樓雙闕久虛宮箭下

上久未
御殿 五雲遙向掖門流星浮桂影瑤華冷火照龍燁玉

露秋曉色曠曠雕輦動太常鐘鼓奏琳球

其二

禁苑新成萬歲宮梯山航海象胥通商聲乍入昭華管

莫葉初寒雉尾風塞馬晨依天馭靜土魯番
入貢 蠻花曉映殿

雲紅荷蘭人朝見
以錦綺簇帽 宸居壯麗由來事舞罷欣瞻玉帛同

送施尚白提學山左

朝回花底共追隨為聽新詩出每遲坐久玉山高畫省

書成金奏滿龍蟠雙旌望岱來秦時獨馬穿雲問嶧碑

期爾登臨重分手秋風黃葉曉離離

其二

大江東峙宛陵西古調千年謝朓題才子為郎官閣靜
仙人飛馭嶽雲齊探來玉簡金為策望裏天孫石作梯
應盡盤峰看日出秋空正練敬亭低

送同官錢介之提學山右

三年分省屬司空捧節含香兩地同錢子與予同官水部兼使舊京幕府山
頭看皎月濯纓亭上聽歸鴻名傳砥柱河流壯路入中
條嶽勢雄我滯神京君向晉頻將白隄問春風

九月八日為家君誕游子懷歸感而有作

燕山西望靜朝暉銀蠟青煙繞座飛客久思鄉當令節
花開對酒憶親闈戟郎早被朝簪悞綵服終隨釣艇歸
楓落東江霜信冷三年征淚滿秋衣

其二

天涯何事戀微官夢裏承顏欲到難家在三江煙水闊
節逢九日酒杯寬菊蕊亂經霜綻雁陣差池入塞寒
終歲音書空寂寂高堂早晚為誰歡

九日登崑盧閣

霜空木落古幽州極目風煙望裏收白雁曉依千里月
黃花晴入萬家秋山連碣石環京轉水向盧溝山海流

聊落半綸天北極撫時懷古一登樓

薊門雜詠

黃花古鎮枕神京松柏晴開十二城月落衮衣銀海斷
山空天馬玉階行寢園春盡含桃熟隧道秋高柅黍平
無數雲山連北極上陵鐘鼓日淒清

其二

薊門西望鬱崔嵬白日驚霜徧草萊一代君臣隨劍客
千秋松柏傍高臺雲迴塞鴈邊風急地枕孤城曉角哀
駿骨黃金同土壤祗今誰復解憐才

其三

禁旅橫戈接上游秋深蜃氣日邊收將軍組甲環珠島
太史丹書出鳳樓五色花飛金作勒九重雲動雪為裘
時以裘馬賜降將趙佗南服終煩漢廟算宜勤聖主憂

其四

清秋客枕雁來頻讀罷鄉書益愴神三徑井梧黃葉早
中閨紈扇白頭新家分香稻雲連屋月暗空城席向人
便欲抽簪老漁釣西風襖被更逡巡

駕幸南海子

玄冬雪霽柳條輕陽氣遙乘翠輦行萬馬橫空山月落
雙雕斷漢海雲生鸞旂遠映長春殿獵火疑開不夜城

無數材官齊執戟甘泉寂寂子雲名

冬至 上從南苑入祀園坵

南郊夜半迎鑾馭碧落參差北斗橫紫霧瑤壇開燎火
青霜帳殿起龍旌鄉心久盼江梅發淑氣遙從鼓管生
九奏鈞天慚奉御漫書雲物待西清

遣興

漫向燕山憶舊游蕭蕭風雨帝城秋十年泉壤徐君劍
萬里風煙王粲樓倦馬嘶空悲朔雪飢鷹掠地起邊愁
西州門外歸朝路國士恩深愧未酬

其二

野燒連雲凍未開離宮啟事過城隈已知歲月催華髮
不信風塵老吏才瓠子三秋窮竹箭上林五時起樓臺
子所故言考
工曹故云賈生遺恨終宣室年少誰教痛哭來

其三

往事曾歌行路難今朝畫省復彈冠黃河斷岸蓬科捲
燕市霜花曉月寒盡日煙雲驅染翰同時裘馬幾登壇
悲秋賴有東鄰在賦就還教宋玉看
時與印周王
子共事七部

其四

吳淞水碧鳳山青山下園林盡不局老去息心歸白社
閒來荷篠補茶經
凡稿北苑名
詩請題鳳山蕭蕭極褐容疎放噉噉孤鴻

足杳冥橘柚含霜天地開幾時歸夢到玄亭
懷伯兄東歸
鳳山草堂

丙申除夕

立春九日始開春一夜春城兩歲人已自流年催素髮
那堪久客坐黃塵風吹蜡鼓闌開急日射宮雲片片新
漫憶尊前好兒女滿傾柏酒重霑巾

潘山人至自遼左得天中信

蕭條短劔度榆關下馬親知各問安出塞征衣何日到
辭家邊月幾回看傳聞鴨綠春長凍近說遼陽路更難
爲報故人玄閣裏黃雲白草路漫漫

其二

西風匹馬投荒後逆旅交情盡日非幾見朱輪天上至
還看華表夜深歸邊霜殺草蒼狼健獵騎呼鷹默兔肥
自是塞門花信晚羈人南望憶春暉

丁酉元旦 賜宴 太和殿恭紀

萬國迴青馭朝元景曆遐日輪扶海嶠庭燎散宮鴉羽
蓋層霄出簫韶九奏加瑞煙籠岳牧暖氣抱龍蛇法酒
傳光祿敍蒸報內家拜恩丹陛肅望闕慶雲斜聖澤沾
蒼隼春晴絢紫霞溫陪卿尹後醉飽媿年華

華燭引數揚升庵體

蘭膏熒熒蓮焰雙花枝搖月映綺窓公子玉杯浮絳雪

美人舞袖迴銀缸

尚木從大將軍舟山凱旋

上帥雄名著虎韜參軍草檄陣雲高青帆夜捲三秋甲
赤羽朝麾八月濤

其二

詞賦誰應數建安孔璋書記獨登壇黃金臺畔逢君日
錦帶霜裘白玉鞍

其三

擁盾樓船擊海雲秋風黃鵠重離羣看君解甲蓬萊殿
我自滄洲對夕曛

玉河柳

玉蟬平連太液青風前嫋嫋雨冥冥春來磴路無人到
冷落波光鎖翠屏

其二

飛泉百尺西山瀉宮柳春前碧蕭灑一夜飛花似雪天
東風吹上鴛鴦瓦

古意

黃河西控玉門流萬里寒沙接戍樓不盡青山晴歷歷
浮雲何處古涼州

梅花

淺渚寒葩第幾枝淡煙薄霧曉垂垂分明記憶江南路
不是邊聲笛裏吹

春酒

纔聞龍管度江梅又見飛花送客杯相逢盡在春風裏
一月同君醉幾回

其二

長安蘭露柏葉香江南春酒琥珀光舉杯借問尊前客
何處風光是故鄉

元旦高麗國使朝見

海上黃雲擁碧幢陪臣冠蓋世無雙使臣尚沿前朝冠服錦州東去

封茅舊白岳山連鴨綠江

其二

遼水茫茫貢使通朝元燈火殿頭紅更吹樂府高麗曲
白馬金花照海東太白有高句麗曲樂府云舞曲也

燕京元夕

九門魚鑰鎖重重燈下新妝月下逢紅粉千行搖翡翠
金花百道出芙蓉

其二

誰家簫鼓放燈來市上煙光著夜催九陌春星千萬點
赤龍白鳳一齊來

其三

長春宮裏花如畫
百子池邊火接天
翠蓋金枝渾不夜
御前傳入李延年

其四

到處霓裳闕麗華
三更月直未歸家
通宵繡陌香塵滿
淺白嫣紅桃李花

將治河夏鎮留別同郡諸子兼送印周奉使金陵

九衢車馬綺羅春
宣武門東惜別尊
南浦愁雲寒漠漠
西山宮樹碧鱗鱗

其二

誰倡東江白雪歌
風流應不愧羊何
雕梁月落金尊冷
一雁衝煙度洛河

其三

三奏驪駒宋大夫
羣公車騎繞城隅
座中愁殺登樓客
楊柳風前落日孤

其四

石頭城枕大江隈
幕府山前使節來
同日官游君較近
黃河北去是魚臺

其五

清秋江上木蘭橈
明月荷花接畫橋
盡日風簾花寂寂

碧空人靜聽吹簫

金陵使署多蓮中通
西橋余先王子使馬

其六

大雅嘉隆七子詩
如君才氣自堪思
相期把讀驚人句
戲馬臺邊送客時

元孫光裕校字

懋齋詩存卷一

懋齋詩存卷一

辛

堪齋詩存卷二

華亭顧大申見山氏著

曾孫思孝編輯

泗亭稿丁酉至己亥詩二百六十首

短歌行

絲管在堂悲歌異鄉對酒不忘中心徬徨魚恬靜寤鳥
暮青林長路綿邈欲歸無因女夷鼓歌輝動萬物鷄鳩
夜鳴芳草遂歌東鄰彈琴西鄰張筵黃金難就海水成
田是日云往逝者如斯今我不樂飛駟何追

長歌行

翩翩梁間燕迢迢海上鴻寒暑代征邁去來安所窮春
氣濯玄髮簪霜凋素容義御急掩岷朝英委飄風戚往
疾流駛悲來迅征蓬修名傷不立短戀將焉從萬里昭
玄樞百年逝波中周覽歲方晏長歌寄枯桐

同聲歌

嘉禮周歡讌結禱奉恩私琴瑟諧宮徵象服佩衷旗顧
念承際會殷勤敢有違潔體侍溫清肅躬安縞綦繭絲
自抽理縑素不停機合歡裁駕鸞文繡世所希豐羞薦
嘉旨纖手司中廚涼風吹閭闔刀尺縫裳衣芙蓉鏤錦
衾羅幃揚芬菲朝霞爛洞房膏沐盈光輝明月欣獨照
春葩方及時同心抱殊寵青松終不移

白馬篇

白馬朱纓高銀鬃素雪飄馬上誰家子鳴鞭逐風颺生
木幽并兒十五輕弓刀入雲落鷹隼度頻號猿角技
窮格鬪二十從嫖姚甘泉烽火急嚴轡趣河橋乘醉逐
樓蘭橫行奪哀牢轉戰日千里雄風何蕭條赴難疾奔
兔捐軀輕鴻毛策勲指顧間名籍雲臺標寄語志節人
乘時奮蓬蒿

筌篴引

今辰良宴會高堂列簪纓清壺泛蘭醴廣樂陳彤庭喧
歡六博縱曼行魚龍輕觥等洵紛錯筌篴雅秦箏纖聲
落簾指逸興隨飛騰涼月隱素壁長河亘明星華燭照
未滅銀罍詎云傾流景逝奔駟後樂難再并今夕不成
醉義轡馳檐楹歌臺易銷歇志士崇令名願我當筵客
永懷金石貞

妾薄命

獨處瑤房渺歡徐步洞闌迴軒環珮儂舉珊瑚白日流
光蕙蘭鳩燕參差羽翰更命趙瑟秦箏揚阿絳樹齊行
疊素縈塵遏雲左右唱歎同聲夢以明月翠璫鳳釵錦
帔飄揚蛾眉寫黛何長迴身吐藻舒光婉轉金盤玉觴
流蘇日夕風來簾幕無人自開促席徙倚徘徊衆中蓄

意為誰皎皎東方月高良夜華燈暗銷庭柯蕭條沈寥
起視星河動搖都梁百和氣氲綺羅文采續紛何以提
攜贈君中結繡帶同心主人樂酒千春

豫章行

長川漾征駭駕言遵河曲悲風號空林徒御何侵促骨
肉紛差池興感在形役湯湯東流波晞世閱反覆燭龍
揚纖阿義駭結若木逝者不我與去日恒苦速華落難
再敷膏刊豈重馥俯仰賢達襟知命復何惑優哉慎爾
止神聽諧景福

善哉行

建康詩存卷二 四庫編

三

薄遊西山枳棘雲連臺館既平長鳴烏鳶一我欲獨往
聽彼烏鳶谿風蕭條澗水潺湲二夜夢金母攜手乘鸞
碧月流照白雲在天三命非金石曷云長年我有旨酒
不樂神仙四夸父渴走顛於扶桑海鳥銜石載飛載揚
解五 日月逝矣如何其臧並坐鼓瑟聊以徜徉

權歌行

暮春風日柔容與湖中流新蒲秀芳甸水禽戲晴洲簾
陰蕩脩鷁輕煙動雲旂金鉦發榜曲皓齒激舜謳日落
雲霞合迴驂控紫駟

明月照高樓

朱樓文杏梁麗藻雙鸞上與青雲齊干霄薄迴光住
人邈獨處凝睇搖清霜輝輝接遠道微微散羅裳調琴
動逸響纖素不成章恒恐朱顏改如彼金風涼願為雲
中鴈飄飄隨君傍同心並羽翼徘徊歸故鄉

君子有所思行

朝登薊丘城四望迴畿甸椒館接黃圖桂阿連甲觀繡
拱麗晴雲雕甍帶銀漢邸第通靈臺朱樓迴天半秦趙
充後庭金張恣游燕酒肉塗山坵炎暑不知變青陽催
逝波白首驅奔電疾疾沉修塗膏粱酒綿算所貴賢達
襟約躬厲宵旦

建康詩存卷二 四庫編

四

東武吟行

長安青門道東陵故侯家甲第接金馬朱樓連狹邪樓
頭何所有美女顏如花吳歌發皓齒趙舞彈琵琶主人
五都豪兄弟執金吾鳴鍾會上客日暮朱顏酡朝揖公
孫閣暮向田鄧過十日奉朝請車馬如雲霞道上從觀
人感歎發咨嗟豈知勢位改恩寵同逝波珠玉輦後庭
樓空滅綺羅存為雨絕天沒為葉辭柯試問浮雲樂何
如採石華

獨漉篇

獨漉獨漉摧輪河曲不畏泥淖所傷遠道梧桐葉葉風

鳳所儀誰毀鳳子號咷天衢後園種麻前庭菽蘭佩蘭
衣馨績麻手酸漁父結網鰕鮒對泣寄言游鱗江海遠
戢鳥孫寶刀截玉斷犀三年鏽澀未知遺誰羿射九虺
封狐獨存綏綏修尾假虎噬人

秋蘭篇

曲墀被幽蘭菲菲照金屋秋風吹蕞莖素萼襲紛郁上
有青梧桐翡翠雙棲宿物情私所托嘉卉欣膏沐理妾
羅裳衣歌君金縷曲

西洲曲

東風吹五兩憶郎西洲去門宿武昌船帆開岳陽樹去

樓齊詩存卷上

五

年下西洲遲日獨登樓今年桃李花紅白浮巴堦花開
得結子作客何窮已春斷鶯啼中妝成明鏡裏朝上望
夫山纖手掇紅蘭咸以茱萸囊結以翡翠盤盤中繡刀
環鴛鴦雙偃仰寄懸腰帶間銅鞮莫輕上

夜夜曲

玉漏何遙遙清宵百感集珠箔自虛颺銀鐙黯蕭瑟羅
袂坐覺單單帷褰復入但聞愁歎聲角枕淚痕濕蟲鳴
夜氣寒天曙烏啼急落月隱房櫳凌風下階立

白紵舞歌二首

美人凝睇迴玉除纖裾婀娜羅裳舒飄揚繡帶態有餘

嬌如鸞鴻奮天衢流巾散雪光微軀疑翔若竦翩踟躕
瑤墀月落星辰虛銀鐙熒熒明四區歌喉徐轉搖隋珠
捧觴上壽樂只且

其二

參差笙管齊東房翠屏金鑪蘭麝香銀絲皎潔清肌涼
雲霏雪斂白鷺翔銅壺漏水夜未央秉燭顧盼爲樂方
俯聽蟋蟀鳴在堂仰觀鴻雁飛成行揚阿流唱白紵長
階前宵露團珠光

江南美六首

江南美

樓齊詩存卷上

六

白日流照百草香和風靜止棲鴛鴦朱顏翠袖迎春陽
迎春陽上大隄采紅蘭日沉西

龍笛曲

紅樓桃李爛朝華珠簾微風玉鈎斜清響瀏亮迴雲霞
迴雲霞激清商徙倚望霑羅裳

採蓮曲

平湖微灩搖芙蓉翠煙白波渺難如蘭澆徐動香風舒
香風舒亂碧玉採蓮歌斷復續

鳳笙曲

美人微睇蛾眉青蘭堂纖指調鳳笙如凝若咽哀且明

哀且明管參差停嬌響步玉墀

採菱曲

金鑲皓腕揚中流素華朱莖魚鱗浮清萍獵獵羅襦愁
羅襦愁白雲飛望南浦心依依

朝雲曲

巫山高高翠屏列素帶霓裳動雲闕飄揚從風芳暖接
芳暖接是耶非日華流蘭露晞

楊白花

皇州二三月楊花度苑牆宮中少婦弄瑤瑟曉起捉花
長歎息一樹花飛落萬家誰人對此不咨嗟東風好吹

作浮萍昆明池外常青青

吳宮怨

吳王捲甲東江許水犀十萬聯櫓勝錦帆壯士喧撈歌
白羽如荼赤如火軍中美女爛朝霞載得蛾眉入館娃
傾尊夜夜蘇臺酒校獵朝朝茂苑花趙姬掩泣渡越水
綺羅輦載吳宮裏舞席通宵露未晞樓船夜半江烽起
丹梯金帟劒鉞深碧嶂香溪脂粉沉惟有浣紗江上月
清光還照越王墳

將進酒

奉君琉璃紅玉之寶觴清歌妙舞迴中央和風微搖雜

花香問君何爲牛馬走問君何不飲醇酒曜靈西逝海
水枯少壯未幾成白首昔時朱履游平原今聞芻牧樵
歌喧梁王一去冠蓋散惟見平臺黃土生孤煙醉後不
辨醒時路主人何有囊中錢劉伶墳杜康宅草碧泉香
萬古惜入門苦對妻子愁出門畏逢車馬客且沽美酒
日沉飲世事相驅復何益

有所思

城邊月出花滿墀美人遺我瓊瑤枝被以錦綺紅蠶絲
五色照耀光流離攜手相期月三五複閣迴牕洞金鎖
芙蓉帳下玉龍垂雲母屏前青雀舞博山銅奩熱都梁
繡裙蛺蝶羅衣裳妝成圍燭捲簾坐星移斗轉遙相望
未央宮中鐘漏徹金吾禁夜九衢絕漸聽城上烏鴉啼
已見樓頭河漢沒自從良會阻佳期木落霜飛錦字稀
三年握節遼陽去八月乘槎博望歸歸來芳草候門綠
楊柳花飛暗金屋蛾眉翠袖理新歡子夜前溪非舊曲
有所思邈雲端夢中岐路參差寒安得長風吹送碧月
裏夜夜徘徊妝閣前

風入松歌

紅泉碧澗幽蘭芳仙人鼓琴調清商海風沉沉黃鶴起
松聲寫入哀絃裏慘淡分層阿淒清兮雲蘿丁兮斧

柯殷殷兮走萬馬白日冥冥兮雨將下巉巖兮陰森猊
鼉兮悲吟雪霏霏兮灑房櫳誠不知靈修之徇邈悵獨
往於子情

懷仙引

若有人兮山之阿掇瑤草兮被薜蘿欲往從之阻嘯歌
飛鳥滅沒藤蘿森森風動谷裂松響雲沉山鬼晝泣悲
猿夜吟望璇宮兮指幽磴攀石壁兮凌晨辰秣馬兮芝
田脂車兮蕙圃川森森兮無梁雲澹澹兮終古騰蛇蜩
蟪往復迴澗戶琴聲悶風雨長虬兮修鱗蒼兕兮斑文
藉桂旗兮驂蘭焚我將歧王喬之所云

踏歌行三首

蘆笋初穉岬草芳鞦韆舞索動垂楊沙浮碧水鴛鴦起
何處游人不斷腸

其二

擊鼓吹簫錦纜浮春風三月上徐州帆隨白浪千行轉
日落黃河萬里流

其三

銀河如練月如波城角誰人度曲過當日沛兒留楚舞
只今猶唱大風歌

楊柳枝詞三首

紅亭細柳碧萋萋潮水初添欲上隄花落秦淮春暗去
月明神女唱青谿

其二

二月花飛度苑牆菖蒲出水葉初長春光不斷交河路
多少青楊間白楊

其三

黃河東向海門流楊柳青青沙際浮何處笛聲吹月起
隔簾纖手按伊州

思友人詩懷王子農山宋子直方也

百川走巨壑人靡不有初大易擬斷金詩人比切磋久

堦下集

四

十

要託君子喬松蔭雲蘿遠承蘭臺札清風播瓊琚尺璧
屬慎保比翼悲分飛春帆載雙鯉更辱瑯琊書同心究
毫素千秋許馳驅愧此蓬茅質義重雲霄俱感激誓征
邁臨風矚天衢

芍藥

繁英亦凋謝茲花重光潔絢藻流丹霞爛熳霏素雪顧
此秉簡傳贈以將離別含滋露未晞美人下階折

思舊園詩

涼颺起空際落葉辭根條千里役王事行行信飄搖我
家五湖表考槃城西郊脩篠掩芳徑方塘疏迴潮廣庭

嘉樹林良禽時來巢晴雲矚簷宇和鳴聲交交繞宅被
禾黍原隰秋紛紛刈穫觀西成田里歡相招杞菊抽嘉
穎橘柚明霜苞鳴琴對旨酒歌聲振林皋耽閒二十載
中歲嬰歷難淹忽動長歎何時厲雲霄

曉晴驅車滕薛間

曉風散蘭薄白日迴秋原荒鷺嬉水滴牛羊散空山前
旌越危巖後騎填層巒感此商素節冷然滕薛間早晚
氣候殊間關行路難孤樹湛深紫蒼蒼覆頽垣流水繞
荒園野菊何堪爛念我老道途幾時就安閒憑軒眺廣
岬千里同漫漫

其二

飲馬立泗水愴然望終古仲尼蒙旅塵征車頓齊魯登
山無斧柯螻蛄聲獨苦子與當七雄違俗悟賴主仁義
動矛盾井校亦相左桑濮奏咸英巴渝振韶武百年環
輪轅千春傷兕虎哲人固如斯其次曷足數蕭蕭泗水
雲遙遙覆梁父我欲窮青天朝霞蕩陰雨改轍阻且艱
徒倚息蔥園

寄同年施愚山學使

束髮際戎馬意氣各疏放先後同郎官巖廊著時望我
行石頭城子去湘沅上握節馳皇華白雲流高唱畫堂

銀燭輝月華流澄沆沆往算三四年爾我猶少壯君今逝
齊魯多士緬宗匠金簡高嶽雲絳帳遙相望明月握成
寶蘭葩豈虛賞吁嗟河上公著書竟何向

情詩

夙昔共房閨與子同音徽豈期各分手恩情中道違君
子遠行邁青苔閉羅幃豈不樂灑掃清輝為誰施瞻彼
歸林鳥日暮翻空飛望遠莫能致泣涕沾裳衣合歡以
蠲忿芳草以思歸浮雲起西北使我徒傷悲

老友林茂子隱居乳山三年不見矣芝麓先生來
知尚強飯因簡澹心貽訊茂子

險難留遺老天心任近經皓首耕乳山採芝徧商洛管
蒯不蔽膚陶然厭薇蕨扶鳩尚無悶樵歌亦間作冥冥
青霄巔丹顏自綽約

其二

食貧者誰子寄傲鍾山墳傲居擬梁孟倦游賦離羣羅
網十五國大雅欣扶輪偃蹇遂窮約惆悵馳青雲雙魚
辱再訊旦誓申松筠

泗上詠懷古蹟并序

環夏陽而稱屬邑者嶧為古微山以商元子名滄浪
之歌仲尼聽焉次滕薛城者田文采地戚戚戚夫人

湯沐邑也次徐掛劍臺高季札之義次蕭宋玉墓表
風騷之祖次沛大風遺歌烈烈泗上高臺在焉雄邁
羣祖留城名從子房火稱臣起下邳與上會留者是
也公餘登眺感時觸緒播之聲詩他若碭之蛇澤豐
之杵榆事同沛祖編綴無文多不及也

微山

天乙蕩乾紀玉衣燕璇臺蜩蟬沸神鼎犧象蒙蒿萊少
師仗金劒元子思徘徊抱器西渡河宗祀揚塵灰銜璧
袒牧野茅土封殷墟百年埋大澤千秋亘河湄積水局
泉穴幽襟動風雷銀浪奔空山白馬從東來不聞麥秀

歌徒增樵牧悲同時八百國于今安在哉

滄浪淵

王迹熄茂草大雅胥淪亡古之驅車人寤寐以幽傷行
此清澗濱彼孺歌滄浪空谷播逸響賞音結中腸我尋
滄浪淵乃在嶧山陽危梁扼沙尾巉巖俯崇岡浮空躍
修鱗倒練迴銀牀犢飲沒荻蔣鷗飛振煙霜濯足望秋
原柯條鬱蒼蒼

掛劍臺

延陵貴公子履信本幽獨束帛遊中原信宿徐子國威
飾佩純鈎彼君私顧屬季也心許之歸輪踐河曲泗水

悲風高松楸掩荆玉揮涕登崇臺解劍掛陵木蕭蕭孤
煙流慘慘龍精伏上凌蒼天雲下臨黃泉麓高情立頑
廉荒臺景懿躅神氣感嘉卉抽條向春綠

薛城

我登古薛城四望長太息此地孟嘗君鳴鐘會食客西
城虎狼秦陵原羣失色再相綰齊組萬家張封邑長鉞
鼓幸舍狗盜掛左席一朝歸山丘車騎散敵國春秋祀
忽諸百戰荒荆棘歌臺嗥狐狸野火燒冢域誰抱雍門
琴彈之萬古宅

宋玉墓

荆楚悲風急落葉何紛紛蘭臺宋大夫擬騷弔靈均憤
俗攬九辯悼亡賦招魂蕙華既銷歇巫咸難重陳恍惚
托神女飄飄寄山雲哀雅淒心脾激昂傷于春如何返
故壤蕭蕩龍城濱秋田夢澤闊野曠湘雲深

歌風臺

秦鹿走中野大澤龍蛇哭劉季起匹夫掛劍踐黃屋南
巡過豐沛殷勤感湯沐游子悲故鄉卮酒苦日促短歌
泣數行風雲動心曲走狗驅韓彭猛士獸鼎鑊誰為守
四方萬里騫鴻鵠當時既有歌此都復有臺昭陽秋水

關寂寞魚龍哀浮雲時偃蓋王氣終悠哉

戚城

漢帝營六宇羣雄受羈繼徒手并秦項壯心頓房閨楚
歌抱幼子飲泣訣愛妾羽翼彼已成恩寵中道歇含笑
謝四公虺隤痛傷割朱顏銷永巷旨酒摧晨獵清驛不
可期黃泉為誰說我來戚城邊蓬飛風凜冽烏鴉啄城
頭巢傾烏子滅不見當時人但聞水幽咽烏飛上高柯
未央宮若何

留侯城

喬松立千仞霜根抱幽石蟠螭翔景霄戢鱗滄溟宅連

建康詩存卷三

河東稿

主

士乘風雲握手同過客子房起下邳報韓固初迹躍馬
從炎精帷幄定籌策功成却珪組封留紀疇昔雄哉三
萬戶談笑遂捐擲願學赤松子逍遙踐駒隙千載存遺
墟陰靈動晨夕穀城石累累圮橋風瑟瑟仙人竟誰從
孤鴻起空碧

夏鎮兩河書院成二月六日安神九日進士子而

肄業焉為賦三章紀事

禹書通賦貢九服紀朝宗湯湯百瀆流萬里紛來同輸
賦二千祀有元疏會通奪彼兗豫險事成汶泗功萬艘
奔呂梁歲久川塗窮倒灌泣魚驚震蕩悲蛟龍天子謚

圭鉞金鉞匱司農猗嗟威中丞應期議漕豐沛中厥功
半塗圯庑績推朱公為新河既已開夏陽鳩其庸利涉
不終久濁浪泥沙封維時領河渠舒公應龍萬夫雄奏
擊摩雲頰以避徐邳衝後先劉東星與李化龍荒度何
倥偬役夫三十萬猛火連岡紅流爰通濬至今失活
泓微烈久未報祀典誰能崇小子仰前謨備官在司空
藐塗以丹腹翠拱盤朱囊詠吉薦牲醴百年追儀容逝
將登太常永世流英風

其二

夏陽表巨鎮爰重河渠使經始維陳公楠卜宅勤建置

建康詩存卷三

河東稿

其

繼起梅宣城守相九載流治農賈趨新宮紳佩沓然
至茅公國拂清風膏雨洽髦釋國祚阮陽九妖賊氛
侵熾陸公化嬰城守終灑播遷淚嗟此百年間偉伐
已僅是嘉樹鬱扶蘇父老恒破涕具官守淵冰始信瞻
仰媿不藉廟貌崇何以風有位再拜奠椒醑庶幾無廢
隊

其三

嗟爾眾君子托根鄒魯鄉嶧山鬱穹隆泗水何洋洋龍
席奮帝壤金簡迴幽光千秋閱道要列曜寒青芒俎豆
禮前哲詩書相頡頏共矜切磋理斐然自成章賞心攬

春華迪德暉秋陽灑埽誦抑戒步趨準表坊懸蟬悟爽
節芙蓉濯炎芳努力貴及時貞志祛怠荒食甘始知旨
導道始知長俛仰先哲訓而何用不臧

賦謝李山人天然硯詩

天然硯山記見弇洲集故不序山人名隱廣陵人家
鍾山其子悅善書畫

縹緲鍾陵雲徘徊朝天宮仙人奏笙璫羽士披閱風上
臨列星垣下憩巢由蹤半畝按環堵茅茨結青松中有
柱下史朱頊猿方瞳階前瓊樹枝托根蘭蕙葉潤跡駐
人世涉獵窮雕蟲耽討五十載氣與靈山通偉哉帝鴻

樓鑒詩存卷三 泗水稿

主

寶降自朱崖東凌海駕日月伐鼓揚艤艘神物延光華
圓儀鬱相從

硯從閩海兵船來金
陵山人購之故云

其二

在昔宣和中九重布絃綱中使分道出靈寶搜遐方度
額伐端溪石匱玄夷藏苞絡蒼梧雲揮灑清殿旁丹篆
挺御筆寸璽搖光芒釐降南宮彥標記碁鍾王吹簫結
鳳侶濡兔馳嚴廊後先局秘閣晚登弇山堂曆數厄陽
九劫火迴星霜夜半秋雨飛墨波吐劒光十年斗屋下
尺璧聲琅琅提攜涉江淮黻氣流縹囊開匣照四牖巖
泉涌雲梁媿乏挾天藻報爾雲漢章

泗上送舍弟茂秦東歸

春風扇庶卉遲日揚和輝駟馬鳴前庭鷄首迴城隅舉
酒發長歎送子將東歸青楊挺故條枯莖抽新蕒冷冷
砌花亂交交梁燕飛感念同枝樹欲去還踟躕

其二

黃金作酒卮白金作馬鞍但知飲酒樂誰云行路難遊
絲漾柔日清微操哀絃六博縱諧謔五醴酣朱顏晝日
夜苦短更嗟後會艱浮雲騎皎月簾星漫青天安得乘
長風行歸且盤桓

擬陶飲酒詩

樓鑒詩存卷二 泗水稿

太

大造苦徇物營利畢其身黃屋侈崇高冥驅青雲人疾
征忘晏暮恒與愆悔鄰秉燭召親故彈冠不嫌新衣裳
爰在笥榮衛摧爲塵君看高原上歲歲羅孤墳

其二

伯陽出流沙末俗將奚遑方朔遊金門詎知非駭迫馳
薰艾自燒靈根動相賊慚無漆園傲誓從漢陰息歌嘯
命國風悅理抽全易曲肱枕有餘觴酌永今夕

其三

黃葛繁東園扶蘇自萋萋續織裁爲巾漉酒不憂稀新
黍登圓場薦炊烹粳葵飽食步隴首秋雲搖晴暉業萌

靚金英對景歡無歸知命免殆辱含情返清虛

其四

卜室懷寢興樂此庭中樹清陰藹四隅黃鳥忽來去和風豁然涼高雲掃塵慮良朋時歡招軒車罕或遇晏坐彈鳴琴陶陶涉成趣

其五

昨日庭榴花爛然曜朱英劉覽目未給綠滋欣已盈月望會當晨器滿還自傾冉冉老將至芳華漸飄零苦無駐顏藥何羨身後名

其六

日月擾我人感此炎暑節林莽蒸潤鬱鬱煩熱幸托水一方明心靖高潔禽魚弄清涼美惡遷天未與來攜壺觴輕舟理短楫適志醉且醒林臯見明月

其七

渭叟鷹揚時奮跡亦已老哀哉顏氏子蘭凋一何早鵬搏風雲竊哂燕雀小所受各自殊浮生盡醉飽蝴蝶爲莊周幻化固難曉人壽非喬松安得百年好

其八

謾草能忘夢願言樹北堂經葉凋階除從風揚芬芳時雨鳴灌木窗戶兆微涼彈琴獨清嘯興至一舉觴同根

其年命生死各異鄉枯乾亦定理遠道何徬徨

曉沐見採茱萸漫詠

捲幔簾星垂虛明洞頻際零露散青條珠輝亂砌爛然素英浮纖手出羅袂攬擷不盈把微馨總衣帶落月黯無光輕涼冒澄霽桂檠寒朝華蘭膏理夜翠吐豔無殊姿含芳自呈媚采采將遺誰曲房麗瓊佩

同年趙章齋遠垂訊問并餉粵筆

炎暑蒸林臯時雨颯然集開牖納迅颺嘉問自遠及敘關宣勞謙攸好惠什襲發械領氣來微涼被四壁皎如瑯玕青輝如皎珠溼素琴松風張碧樹玄蟬急留滯同

建康詩卷二 四庫編

手

周南摎攬肆晨夕予美違九秋宴寢固所歷寒家汶泗深東望徒掩泣重聞皇路夷夙懷諒有給臨書折疏麻散步返原隰

王農山侍御歸養詩 并序

十載朝班僚友後先推謝自僕丙申被命行河春秋四易同郡諸子蓬飄雨絕茫然不可復問茲農山侍御乞養南下聚首夏陽不覺泣然僕疲于津梁且親老矣從此亦將伸燕雀之志敬賦六章以當驪歌乾象有顯伏哲人任安常卜征結朱組考宅貞嚴廊塞裳踐嘉會潔志超明光碩人履阿宰羣彥升玄堂龍軒

川澤奮鸞翬慶雲翔彈冠扇清颺摻敷振洪綱我與二三子後先吐芬芳天鑒抽幽穎衆星垂珠芒席步迴茵閣鴻文麗芝房齊駕命遠略希古蹤陶唐

其二

梧桐秀青條鳳凰自南來嘯咭相鳴和羽儀被方垓矧我同心知道遙步璇階五嶽柱維固上帝閭闔開壙筑諒燭易雲漢垂昭回玉節罕遠駕金閨發天才工尹肅就列和平鮮疑猜委蛇退食晏羽觴陶歡諧舞千拜稽首庶幾明良哉

其三

虎嘯衆谷響雲征慶雲茹明珠起南海瓊琳貢西隅竹箭推東英翩然耀天衢聯袂聆簫韶並轡銷鸞輿春秋令節序高會洵匪虛皎月照鳳城簫英秀瑞除觴酌咸賓俱詠歌歡焉俱銀燭嘉晨輝金杯行方徐勝事固難久分飛在須臾

其四

夙昔吾與子弱冠馳雄風慕義赴魏闕奉職駕班同憶昨被寵命召見長楊宮數阮竝按劍再辱傷塗窮揚舲白河上飲餞青門東班荆各歎歎歲寒誓相從高蹈首宗丞拂衣遂遐踪猗彼青雲姿彭蠡追孤鴻朝陽寄碩

果激昂清流中策名景鍾右矯矯雙飛龍

其五

玉衡指東壁蒼靈運乾維海風鳴枯桑白日蕭條西之子念晨昏含情訴形闕循陔賦采蘭倦焉駕驪駒朝紆玉墀珮夕披萊子衣冠蓋出相送共悵中情違金臺何岩堯易水下逶迤悲哉比翼鳥分林逝將歸月落上掖垣搔首空踟躕

其六

玄雲被四幕層城高夕陰新蟬播逸響黃鳥來青林勞思慮昏旦夙興懷所欽丞丞徒理桂機雲終動河濱悲喜屢回互晤言邈憂忱張席撤蒸暑臨風灑煩襟時序方赫炎鑠火流堅金具懷幽壑情烏私橫宿心行當謝簪紱與子歌同岑努力事庭闈敢奏鍾期音

長歌贈杜覺庵

憶昔公乘白雪驄九衢辟易生霜風內臺古柏蒼肅肅繡衣粉面青雲中時止謂公天廟器和鍾赤刀宜東序帝曰獻替惟汝賢百尺長離出中秘廬山之高彭蠡深正氣直與靈祇親感時痛哭蹈虎尾折檻伏鎖櫻龍鱗五夜召公赴前席玉璽銅符封短敕東江豺窟亂縱橫鋒輪迅掃羣拘迫公歸拜表越王樓吳山花暖春雲稠

臺卿旌伐報天子神羊嶽立當螭頭謁帝七日醉天酒
九關河魁迴北斗陰雨瀾淪載鬼車崩雷烈烈雄狐吼
襟汶帶濟臨中央鳳城東去持牙璋門前落花沒金鏢
白鶴延頸鳴秋霜和氣飲人羊叔子風簾淡淡月在水
軍儲國計兩不虧千里煙波見寧教同年翰苑四十人
紆金握憲稱元臣公獨俛首事時貴牽繩引經多沉淪
我自三十對金馬萬言磊落春泉寫一時魑魅暗張弧
寂寞冬官沉碧瓦去年奏牘出長揚敷陳時事良慨慷
上官賜饌共嗟賞終沉淪誰阻傷萬事拚心付零落
回首明公轉蕭索世局真同塞上翁官情半類空庭雀

樓臺詩存卷一 四子稿

五

賈生遷謫司馬貧西京首望推平津迄今黃城掩萱草
勢位豈得長隨人車渠之杯琥珀蓋芙蓉常聽水清淺
筵前有酒且盡歡蒼狗浮雲那在眼鼓君缶兮鳴君絃
醉歌梁父月在天欲往從之問山川春風一去何時還

醉歌任城席上有懷

今夕涼月夜何其繁絃急管催愁思美人並坐揚蛾眉
憶我十年曾見之嬌歌促席停觴時凝眸歛怨不自持
欺我顛髮已如絲那能深夜銜金卮蕭蕭北風吹黃葉
階前鶴舞如飛雪銀河微波對素月主人沉醉客不辭
上馬揚鞭暗鳴咽

飲太白酒樓醉後走筆成篇

嗚呼太白爾何游應在飄飄碧落之側景芙蓉白玉之
仙樓乘雲抱氣躡箕斗驂螭挹漢騎長蚪世人即之香
難求但見朱軒繡拱環城頭岱宗應應青過面黃河西
來淨如練七十二君等飛電地老天荒出酒人狂歌直
與天為鄰上殿拔筆力士噴背負鹽鼎誰相存就中賞
音賀季真獨抱麴蘖看浮雲登樓日醉埋其身西風野
火衰草死由來豪貴盡如此我今把盞揖君起相與酌
酒問濟水古今醉醒那終始何不高步窮然煙摘取列
星當酒錢斟酌海水常不乾開襟痛飲樓之顛醉呼黃

樓臺詩存卷一 四子稿

五

鶴迴青天

丁酉除夕數少陵曲江體

夜長酒濁星爛天妻孥把酌燈花前故鄉情動中茫然
心知計拙苦無益如何不醉銷殘年

其二

荒城喧闐徹中夜野火輝輝走村蜡寒雞鼓翅飢鼠下
我獨仰天行踟躕雪竹任垂掩亭榭

其三

昔人四十悲無聞今我此去須三春蚓曲蛭縮容其身
吁嗟勲業已不立何如日飲看浮雲

挑汾河

都水使者屯田郎孟春挑河膝嶂旁含霜吮霧額骨出
眉焦皆決鬚枯黃君兮作吏苦猶此彼人摧頽更誰比
千夫邪許呼一聲地坼天荒孤鶻起借問此河何時開
呂梁崩趾黃河來疏汾引薛注沂泗噴沙翻石同奔雷
百年畚鍤任拘迫歲入大挑愁轉劇麥根縮土墾雲深
縣吏飛符檄夫役嚴城簫鼓走靈祇我獨烹羊奉聖賢
新妝袷服掉不視背負襁褓行垣墟一州疆域勤九縣
何異驅羊赴焦爛斫薪抱柳遙相望千錢鬻男直轉盼
黃雀飛野田啄粟上青天有地何曾得地食年來年去

《堪輿詩存卷一》

四庫全書

卷一

長熬煎西風凜冽頽岬豁尺布囊土冰更滑短絛繫斗
容十升水泉不上吏怒撻腰折項柱為終朝舉頭星月
臨春宵四野無聲火光直波心浮動寒山燒匪兇亦匪
虎奚為走曠土男兒死踐更健戶聊持戶夜深岸水朝
量沙上沙下沙人交加村姥提攜酒漿薄補水紉帶炊
胡麻令甲欽工十八日募夫十三額夫七近來漕艘私
載多入土不深虞滯室上元燈火喧兒童司空大夫超
冷風重趼逆血指隨折何心坐對銀缸紅捐金散夢
小補三旬成功衆歌舞有天但覺春膏農爾吏何煩怒
如虎君不見驪山徒奔走亡命操兵戈又不見宋皇父

疇昔篇贈黃子

澤門之哲實殺我千帆轉粟響熊羆大官日給恒苦飢
那知率土普天下泥沙搏抗皆瘡痍雖荒疲尚驅策安
得綢繆未雨前徐人壽考充工畢隴上負喧歌帝力
黃子者大中丞家瑞黃公仲子也余與中丞避兵浦
南距今十五年中丞死國而諸子幸全來過夏陽拊
論曩昔感而作詩

嗚呼西日不復迴操戈割據如奔雷玉衣宵舉歌鐘徒
震澤樓船沸地起東道諸侯盡解兵推誠獨有黃中丞
疇昔移家浦南走中丞下帳欣攜手降旗盡捲海東雲

《堪輿詩存卷一》

四庫全書

卷一

秋風行送宋子直方

戰鼓遙沉白門柳黃門義旅翻淞江縞衣誓衆酬天王
中丞夜半歌清商躍馬何殊張子房八月潢潮秋水急
長弓大劍闌江入萬艘延燒火鳥飛孤軍轉戰馮夷立
是時桴鼓猶親操勢窮力竭從波濤爾之兄弟不及此
天為忠孝存鴻毛十五年前事如掌江草江花徧坵壤
愛子東歸夜雨霏銀濤白馬空來往拊今追昔淚霑衣
萬里河山化劫灰可憐畫棟珠簾在不見春來燕子歸
宋子辭官東歸將卜居於震澤之濱顧子作是詩以
送之

秋風浙浙從天來穿林叫嘯何悲哉慘如奔空走萬馬
颯如呂梁崩蹋河流開千里蕭條波浪起蛟龍翻蕩東
江水衰草葳蕤白露滋蒼山黽黽楓林紫縹緲峰高散
綺羅峰頭樓閣映滄波晴川路接梁鴻墓煙雨舟行范
蠡湖龍威丈人引歸路桂檣凌風獨歸去花洲濫濫雲
悠悠他日尋君不知處

兒子輔之同東籬大兄歸省并訊二弟

曉天碧月珠露溥雲中塞鴈鳴寒開菊叢含葩綠點點
蓼花出葉紅斑斑人生會稀惜別久况復骨肉遙分首
愛子牽衣怯路長賢兄把袂重斟酒我家荒園西郭西
七十老親恒苦飢穀賤弟弱官稅急門荒巷冷梧楸稀
天馬山頭白雲裏橘柚初霜蟹螯熟來時碧月照羅襦
去日金風動秋水還家草堂逢惠連傳子惆悵東南天
明年凍解桃花發同載長淮錦纜船

苦雨歎

寒風打城秋雨飛街巷滑滑空城飢牀頭麥爛矮牆倒
煙溼竈冷嬌兒啼河邊壯夫倚筋力飽煖何曾知稼穡
背負畚插手賭錢十旬遇雨九失食朝聞斑鳩穀穀鳴
開門四望遙天青東風蕭颯吹雨脚連山出雲雨復落
嗟嗟健兒那力作

嶧山吏

嶧山青嶺水曲飛泉四注明如玉梨紅柘白冷寒煙
索刺參天攢破屋里胥箐火夜抱符叩門致辭煙燹無
傳說縣官需船夫奔走亡命化州赴楚師閭閻師漢廣師
更番來往無窮期黃曠白帽舵樓坐此輩強半非熊羆
今春南還兵調卒千八百里下募夫錢按日雙匹帛街
尾王後來貢舫行如織電掣雷雨轟縣官戰失色前驅
之馬騰飛龍怒罵醉宿水驛中無夫輒縛驛吏打以斯
搜索窮黃童揚舠吹簫擊鼗鼓突如其來縣令苦牽羊
魚豕宰肥牛道路金錢賤如土近時山陝抽調兵成羣

什伯如狼虎驛騷未曾滿旬日禁旅雲屯接淮浦此行
按檄役九千半月召募贏一年稽籍祇及三千戶一歲
三單詎能全木棉在機麥在田飢寒不敢私流連那知
越站更逼抑揮置不用橫索錢往往榜掠死道傷行人
見之淚如縵嶧山吏爾何迫烽火滿山盜未息况復徭
役日煩苛頓令愛子坐作賊近聞朝廷下尺書船夫毋
庸縣官除雖云毋庸縣官除皮之不存毛焉如

上元行翁太學席上送悅九

華堂張鐙錦瑟陳碧月輝映鯨魚鱗調絃拊竹酒在手
座中顧曲英雄人三十張郎開畫戟身作蛟龍灑甘澤

高吟靜對梁父雲弔古遙撝金簡策一時吏議起憐才
蕭蕭匹馬黃金臺嚴辭浩氣折廷尉羅如山終不摧
奏上 天子釋其獄長揖東歸返初服泰山父老遮馬
迎釀酒推牛歡信宿吁嗟張郎爾何之人生仕宦如春
絲燒燈把盞且盡醉月落更殘去未遲

生兒行

生兒莫生虎虎健受急縛生兒莫生鼠鼠呼羣跳嘯死甘
飢荊州太守五馬騎玉堂學士雙銀魚雌者全雄者驅
關前揮淚登牛車不見瑯琊王家子白晝操錢走都市
攫人肉依倡樓歌聲未絕捕者收丈夫生世無兒有亦

足飛如蒼龍縮如伏老死尸牖義不辱

鑑弟南還代札問訊東籬家兄并屬卜居雨峰

去秋渡黃河幾日到谷水鳳凰山頭生白雲我兄家在
白雲裏秋雨將荒秫米田熟菊葢茅屋圯歸家抱兒
橫古書三尺長鏡手自鋤丈夫矢志老牛角海內故人
今在無短衣但漉甕頭酒召客不顧盤中魚中婦曉起
縫寒衣小婦織帛機無虛蒼頭握粟喚鵝鴨山禽霜果
盈庖廚有弟有弟已四十頭上白髮颯然出妻嬾窮年
抱病容兒癡但解求梨栗上馬捉鞭雪照人荒城窮巷
枯桑急障隄輒築長城愁挑河坐聞婆婦泣平臺圍玉

橫麒麟年歲遲暮將何及以是感念懷舊山細林之麓
橫雲巔主人苦爲丘壑累我適憔悴思歸田鑑弟東行
月在天腰間解却官俸錢倘能便往掃白石他日同眠
弄紫煙

二雪行贈胡山人玉昆

櫟園有閩雪北雪二集山人久從周先生游節二詩
以送之

千年不見閩地雪君行自南馬背沒八月幽州雪滿開
君行自北埋青山丈夫走胡與走越寸心豈爲黃金結
當時四座歌舞人如今盡爲清露塵短衣敗絮君自取

世態炎涼那足論

黃河行贈黃子蘭巖兼訊鞠存張子

前年上書幾罷官去年出使花滿船雖然名籍掛金馬
行踪却在黃河間黃河渾渾高百尺爾家正在黃河側
河頭簫鼓日喧騰幾人向南幾向北投轄欣瞻紫氣重
涉江已見青冥隔馮唐郎署自積薪賈誼治安徒太息
爾今卧病歸舊廬窮愁還傍張衡居美人不惜青玉案
惠我東來雙鯉魚

鶴巢成

性癖耽幽賞官閒只閉門高柯巢水鶴冷竹騎朝暎綠

亞櫺垂實池平雨過軒曉來頻灑埽吟嘯憇清尊

其二

未能巖壑卧卜築此青林藝圃消塵累臨流愜素心候
蟲鳴北牖小翠集來禽過眼浮雲滿開軒且縱吟

憶弟

見爾知何日巖風勁九秋孤飛憐燕雀失路掩驂駒扶
病須丹藥開顏侍白頭蓬飄誰得已我意亦林丘

其二

失涕開家信高堂老病催敢將浮海思時弟初落第試期爾約東遊海

過江來茱酒隨人醉鶴原獨上哀十年空苦學顛倒愧

通才

送倩來弟奉伯母南旋

南國銓衡重含香出紫微三年翔畫省九月奉慈幃霜
葉紅侵酒蘆花雪滿磯牙檣秋正好笑著彩衣歸

其二

秋黍肥黃雀霜葩滿洞庭歸人宜令序惜別慘晨星白
芋歌當酒青山繡作屏翺翔九千仞雲海自冥冥

雪後登歌風臺示沛令

一鉤收秦鹿秋風萬里心悲歌誰掩泣壯士已成禽井
邑新豐舊龍蛇大澤深殘碑埋野戍雪後此登臨

其二

茂宰調絃地雄圖想像中臺空晴捲雪鳴吟夜呼風半
醉尋榆社長吟應沛宮千年遺老在攀陟感何窮

戊戌元旦

暖氣回城闕微霜漸逼春五更聽畫角千里夢慈親短
臘清宵促深杯柏酒頻眼看兒女竝翻著彩衣新

重過南池

遲日迴晴郭春陰策馬來荒池明積水深柳傍高臺盡
鐙丹青合風簾鳥雀開謝公游屐遠不復掃莓苔

其二

紆徑行人少春風爛熳花遙天橫獨鶴急鼓亂浮槎院
靜游絲落亭空翠竹加比來巖壑穩漫解憶京華

其三

杜老欣相賞任城許簿知棹舫時載酒倚樹醉吟詩蔓
草春雲暗寒燒劫火遺為誰汶水外登眺憶南池

其四

時序相催逼春來病轉侵避羈行別墅騎馬入芳林藥
園抽紅甲樵歌動綺琴開軒聊永日應得滌塵襟

寒食

客裏逢寒食春風曉自吹青林新火出古時暮雲垂野

哭高低隴原燒斷續碑浮生看易盡不飲欲何爲

其二

我祖埋雙劍三年冷墓田野籐穿破瓦鄰木拂空天白
馬春難到青蓮晚悔傳曉來鄉思發撩亂百花前

暮春于役淮陰

晚渡依沙渚鳴鸞上古村雨來歸燕急雲合暮山昏煙
火斜通市牛羊直到門敝裘仍故我哀颯十年論論一
十年所矣

其二

客裏淮南路征塗久未經岸崩花覆紫煙薄樹浮青怒

馬饑恒立村醪午易醒弄晴黃蝶嫩欵欵上沙汀

其三

春暄和景物羣動各萌芽穴蟻行枯樹山蜂趁野花鶯
飛低出水鴉噪迴依沙靜悟微蟲理浮生亦有涯

其四

遲日薰征旆重來野店棲馬依門外樹人憶壁間題急
杵喧村碓危巢濕燕泥去情雲水接散步立花谿

其五

百戰徐邳地蒼茫萬古情英雄爭逐鹿冠帶幾尋盟春
秋
故地路僻山根靜雲垂夢隨平十年戎馬後父老默聞兵

其六

登臨莽無極鳴鏑動人愁春嶺蒼蒼綠山泉細細流雜
花肥瘠土頽壁立荒坵布穀啼深草良農何處求

鶴巢新軒落成

瀟灑虛齋得扶蘇老樹攢荒苔斜迸笋蒼鵲靜浮鸞貪
懶三春卧忘機盡日安前軒動吟興好句倩人看

其二

藏身安便足蓬戶僅容圭為愛庭前綠移來樹後棲弄
晴乾鵲噪引子暮鴉啼獨坐探玄契修途恐未迷

其三

水竹依修檻方潭映碧除新荷疎受雨密藻暗窺魚月
影通簾細花香入座虛亟來情自給奚必問蓮廬

得信知東籬家兄同茂秦弟北發誌喜

客裏清如洗鳴琴興自幽忽聞天外信傳近北來舟此
日遲煙水他時愜唱酬遙心馳去鳥觸暑數登樓

其二

鄉心同逝水白日惜年華一本離荆樹三年見落花夢
中頻徙倚酒後失咨嗟南望猶空憶晴峰送斷霞

故人子遠涉江淮得馮子天垂信憶舊四首

喪亂昔無紀飄搖歷九秋管寧窮蹈海王粲苦依劉求

活家將破蒙頭難未休寒燈迴積雨目斷浦南舟

其二

天末堂中客蒼涼日閉門袍應寒范叔飯已乞王孫八
口今朝在諸君幾姓存蕭蕭北風發兵甲冷孤魂

其三

憶渡春申浦梁鴻共傲居故人今有子良友復將書把
別三年後開緘六月初田園久蕪沒生計近何如

其四

問爾貧身策悲悽不可論廢書焚野火旅觀哭青燐無
計憐猶子捫心愧古人丈夫具頭角成立在青春

東籬兄至詞二弟不果來

水閣暮鐘天荒城鼓角傳樽開花吐燭風靜月依簾貧
病從淹滯升沉憶歲年拊心思愛弟回首重淒然

初秋懷友二十首

僕自東髮論交以洎登朝攬結二十年來半成牢落
秋初偶憶人賦一章觸緒構思期於誌感而已

宋宗卿徵輿

江左英華歇時推宋玉才有無神女賦寂莫楚王臺卧
病金風入思鄉白雁催諸蘋秋可掇鼓棹爾應來

張孝功新標

細雨霏霏急山花翦翦殘玉昆圍密坐銀燭寫春寒苦
計謀生拙深杯惜夜閑別來傳短句北望慰加餐

王侍御廣心

甘泉誇獻賦攜手入駕班綵筆驚三事雄心頓九關野
鷗天路斷驄馬尺書慳佳句傳河朔秋風不可攀

林布衣子襄

平子翩翩秀譚經小閣前思親三日哭落紙萬人傳大
隱埋金馬清詞寫翠鈿相期久相失惆悵白雲天

朱黃門紹鳳

得君朱給事晚歲步金門詩句驚流俗飛輦動至尊

周處州茂源

霜天孤月皎白雪幾人存一葉逢搖落臨風感舊恩

鄧檢討旭

遠訊青田尉秋風獨爾思已知親吏事恨不見新詩地
逼兵戈合山荒虎豹欺漢庭名太守何以起瘡痍

王納言綱

匹馬秦州去關門雪正飛十年遜秘省千里度金微隴
月淒羌管洮雲捲毳衣把君書失涕攬轡寸心違

蕭灝王喬

灝王喬鳥西風錦纜歸經綸通斗極霜霰動秋水于
野看龍戰胷霄攬鳳輝泗濱技藝處應息漢陰機

黃駕部宣泰

別後奈如何寒關風正多此身誰付托壯志已銷磨遠
道悲崎曲高天畏網羅離憂燈火夜小婦撥雲和

施學憲閨章

南池逢九日松菊淡含秋惜別江淹賦登高李白樓斷
霞流日觀晚照落滄洲分首殊相憶新詩到海鷗

蔡僉事瓊枝

東海論兵地樓船絳節明虎符悲失援叛將竟空城梁
獄書難上南冠恨未平雁聲秋不到回首淚縱橫

宋孝廉實穎

世變今方急行舟秋水遲豈無鸚鵡賦不上鳳凰池數
數歸前事蕭蕭別後思悲風搖木落爾去復安之

沈副使荃

黃尹傳書至三年見爾心已能頻上馬不復苦長吟角
吹龍鳴月旗翻雁叫林梁園饒賦客遙憶此登臨

家考功子咸

十載悲淹滯三春典鎖闌天官登啟事主客有光輝雪
憶山陰白魚當震澤肥素心期不負那惜尺書稀

章文學颺高

章子風華減連年客鬢催楚歌狂未失荆玉抱堪哀花

縣春雲隔鱣堂夜燭開去秋當此夕細雨片帆來

許中允續曾

許侯馳妙譽早歲備官僚十載陪清問三春落阜鵬外
臺參密勿中旨出雲霄思爾江湖外瑤華或可招

黃大行象雍

爾我逢摧折清時並不堪對人羞短計執戟抱深慚蝸
角埋河北明珠到海南期君頻未果獨影向秋潭

王屯部日藻

並馬金臺北征驂到石城每開江上信因憶古人情客
醉芙蓉露風高荻葦聲沛宮秋草碧釀酒望霓旌

家考功贊

午日秦淮棹傳聞有惠連如何風雨夕又在廣陵天白
馬濤聲壯銀鐙翠羽妍危波隨處急珍重五湖船

二弟鑑

辛苦同孺穉依樓二十年經書吾自課文稿爾先傳別
憶長洲苑書來暮雁天幾時盼到汝爛熳泗亭邊

署泠然閣成

飛閣聳銀塘虛簾動畫廊紗牕隱月色翠藻曳波光望
遠高城出當軒獨樹涼臨風泠然善瀟灑意何長

己亥元旦

北極開元正東風散五衢瑤華凝陸海銀箭動冰壺戀
關心依日添年馬識塗朝簪催素髮十載半江湖

其二

年大今強仕無聞忽抱孫蓬根隨異地烏鳥念深恩凍
蕊梅難破孤城雪易屯屠蘇嬌後到倦眼對青尊

四十示弟

四十今朝是蕭蕭短鬢侵塗應窮阮籍力已盡周任水
守龍蛇伏雲藏虎豹深歸耕計已決藉爾掃青岑

其二

相看驚老大撫序惜年華累病丹經得飽孫繡襦斜一

堪齋詩存卷二 四十五

走

官長問水八載憶離家漫說兒童事挑殘夜燭花

崇慶寺

到來城北寺古殿鬱沉森石碣延僧臘清鐘送梵音雜

花簷際落喬木雨中深不覺棲遲久涼風動客襟

送楊冰如先生南還

泛泛綠波平送君江上行鳥飛彭口斷帆轉嶧山晴入

洛金草接歸吳芳草生寸心隨錦纜落日潮輕送今子

杜陵詩五
六故云

觀漲

蒼茫臨大澤浩渺失漁磯雨霖泉逾響波長鳥倦飛片

霞當水豁空翠入雲微此地饒荷芰焉高望亦稀

望鄒嶧山

虎踞迴看合雲屏入望重天孫遙作鎮泗水曲朝宗萬
仞飛丹嶂千巖秀碧峰空留秦帝碣寂寞翠華蹤

讀芝麓先生過嶧集有懷曹少司農

越王臺畔惜年華二妙登臨並作家鸚鵡夜銜庾嶺月
琅玕春綯海東霞同時攬轡霜稜峻萬里乘槎使節賒

唱和只今推絕調敢憑郢曲奏梅花

朱澹子按閩還朝得櫟園周先生近信

馬首黃塵又隔年故人多病滯南天一時賓客尊前散

堪齋詩存卷二 四十六

早

萬里音書痛後傳炎海浮雲何日定繡衣霜筆及春還

近聞羽獵長揚殿顧問殷勤到日邊

花朝三十九

清樽強飲對芳菲竹戶風簾散夕暉獨坐捫心驚世故
幾時搔首謝危機方春夜雨寒難醉應節疎梅暖自肥

壯歲無聞頭半白已看三十九年非

舟行野眺示平遠

魚臺雲樹逼春陽百里煙波見森茫樓閣曉牕開繡嶺
簾櫳遲日引牙樯濃花故發寒峰翠碧草斜分遠岫黃

倚檻微吟搖綵筆東風習習起長楊

每過任城輒承劉石芝寅丈流連攀飲因其索詩

即席賦贈

和風二月柳垂絲水部春城燕客時極目帆檣連北斗
開軒尊酒憶南皮煙花着眼來頻醉歌舞留人坐莫辭
寂寂九衢寒似水夜深扶馬上船遲

春渡淮陰張考功鞠存招飲夜話

南來馬首憶分離錦樹秋雲起夢思滿目風波潑閱歷
故鄉尊酒重淒其三年愁絕張衡賦一飯春寒漂母祠
雁影參差江海闊夜闌燈火坐移時

暮春雜感

亂紅殷紫日紛紛獨抱寒流對夕曛生死交情驚失足
艱危時事憶離羣三門曉漲桃花水五色春開礪頻雲
倦眼魂銷天北極幾年回首樂耕耘

其二

傳聞降將領西來幕府軍諮曉夜催面縛自投熊耳甲
願書重拜越王臺蒼梧白馬連雲出江漢朱旗繞日回
聖代曠恩真不數爾曹山海莫相猜

其三

昏昏沉醉百花叢九十韶光過眼中石穴散霞春斷雨
鯨魚掣海晝恒風佳人寶騎青絲暗上客仙槎紫霧籠

近詔西臺蘇滯獄靈山應有出雲功

其四

登閣頽垣滿四鄰黃塵冥冥黑雲屯三更衝額燒荒火
二月開冰問水人樂歲離家同儉歲青春作客轉傷春
遙憐竹暗西園裏露蕊藤梢拂徑新

辱楊冰如先生遠垂訊問兼惠外扇賦謝

石城曉角水龍吟今首秋江直到今書札故人真絕繼
草堂夜雨益蕭森三年病渴消騎火五月涼颼散綠沉
野況漸從詩徑熟醉吟新句立青岑

發書後適九搏年文以未與禮聞歸次夏陽作詩

慰之并寄冰如先生

十六聲名動省闈韋賢經籍有光輝冰連海嶠催人去
水上河魚送客歸他日自投和氏璧於今且著老萊衣
茂陵愁病春無恙爲我梁溪掃釣磯

五日同鵠士平遠對雨小酌

爛熳榴花開正好尊前五日更芳菲憑軒雨急涼生簾
入座枝低翠濕水寂莫酒杯貪節序亂離朋好憶分飛
晚來霞景明如綺緩步登樓望落暉

昭陽湖百里間藕花山色微瀼極天僕未之樂也

七月十三日偕諸子泛舟載酒興盡而歸率成

四律連騎踏月已一鼓矣

良辰花發泗亭隈，勝侶輕舟載酒來。
是處微茫明積水，接天空翠隱層臺。
荷風遠透羅衣薄，雨脚平分頰色開。
竟日歡遊人盡醉，新詩誰復繼鄒枚。

其二

年年風雨冷孤城，萬頃波光一片明。
縱懶已忘花事去，銷愁爲向酒杯傾。
窺人鷗鷺沙頭出，落日帆檣鏡裏行。
不是羣公遊興劇，已將開謝付秋英。

其三

田田碧葉滿沙洲，紅白芙蓉次第浮。
繡帶羅衣窺越女，

樓臺柳絮春風

雲

蘭橈桂楫動齊謳，雲連大澤輕雷隱。
風起青萍晚照收，莫憶江南採蓮曲。
煙波今日浣溪遊。

其四

良會應忘是異鄉，高談尊酒日偏長。
盤堆赤玉千年穎，刀削青門五色香。
疊嶂控雲遙若陣，斷虹歷海曲成梁。
酒酣並馬南塘路，涼月纖纖恐是霜。

秋堂

露蕊霜葩晚更親，秋堂粉壁淨無塵。
蘭綸點點思公子，菊綻金英憶酒人。
滿眼逝波歸路急，一官衰懶去情真。
長湖九月葦絲滑，漫約西溪理釣綸。

秋雨移酌櫟園周先生舟中

雲滿東山暗夕暉，移觴對酌雨依依。
荒城野戍鳴秋柝，海嶠孤城冷葛衣。
醉後玄黃燈半燼，尊前風雨雁初飛。
君看豐沛悲歌地，昔日高臺今日非。

荒城無一宜人，九秋惟菊堪把。郝子翁子種菊者

也，開時輒餉數本，賦此奉謝，并求細種。

荒城短徑踏泥沙，翁郝堂前有菊花。
一秋僻性解療俗，九陌紅塵不到家。
帶土雨餘分粟里，盈頭醉後落烏紗。
閒時插竹刈疎草，知爾霜深種更嘉。

春宴上作

樓臺柳絮春風

雲

應律融風散曉寒，錦堂晴日上琅玕。
場開百戲鳴仙樂，酒奏千行捧玉盤。
盡日太平歌野老，盛時遺事屬春官。
更看火樹連宵發，照徹花枝雨鬢殘。

舍弟至

爾從前歲尺書期，迢遞關河阻夢思。
到日泗亭春黯淡，別來吳苑影參差。
花明綺席金燈亂，酒進流霞玉椀遲。
坐久已忘身在客，試聽清漏夜何其。

春雨

春城積雨雨如絲，三月春光欲盡時。
風捲畫簾花淡淡，煙籠鎖閣柳垂垂。
蓮池翠羽迷珠樹，丹甍仙雲冷桂枝。

極目更憐芳草路楚宮清夢不堪思

哭銘伯兄

同籍同宗老弟兄苦吟痛飲見平生虎丘月出悲歌別
燕市霜寒把酒行除夜挑燈數行札天涯灑淚百年情
兄於戊戌除夕作書問訊捐館於己亥元旦江南淮北多羈阻遠望魂銷斷雁聲

送印周奉使浮梁

己亥四月徵 奉先殿開楯於江右王子使焉舟過
夏陽詩以送之

左掖紅霞翠柏晴漢家原廟重經營尚方錫貢祠官事
使者兼程郡國行玉節花明三殿出錦帆潮上九江平

地蘇詩存卷二 四子稿

莫辭滿酌南蘭酒此地難為送客情

訓嚴顯亭給諫南歸有贈

五載聲名動石渠風流文采漢相如翰林雅重凌雲賦
海內爭傳諫獵書匏繫我非攀桂樹錦還君不為魚
來詩有江湖雙遠非鱸膾之句仙舟南下如相憶好寄新詩慰索居

暮春水署有懷朱黃門蒿菴宋宗丞直方家考功

松交田孝廉歸淵

柳陌驚花帝里新風雲迴首隔江津每攀桂樹瞻青漢
更望台星憶紫宸當日五言希抗古近時三疏獨驚人
春禽梁燕多鳴躍獨坐思君自愴神萬

其二

春曉樓臺入畫圖風簾花舫浦雲孤逃名採藥吳公子
應國吹簫楚大夫帆隱青山搖震澤草深白雨暗姑蘇
去情久已隨鷗鳥何日同遊泛玉壺直方

其三

青春解組遂初衣獨向花洲問釣磯三徑自來羊仲侶
一身長息漢陰機時禽弄響朝依幌高樹含風晝掩扉
雅奏曲終能和寡拳懷從此日應稀松交

其四

晴日芙蓉冷沛宮揚舠伐鼓碧雲中人歸秋水迷長谷

地蘇詩存卷二 四子稿

吳

客散歌臺詠大風輦下才名三策重都門祖帳二疏同
去秋歸淵同恩齡直方南還二公皆沐浴歸里者故云涉江傳有登高作木落清川興不窮

夏鎮城春雨樓成

臨河西郭聳朱樓縹緲風光樓上頭東海萬山分障列
兗州四水抱城流禹貢濟深鉤兗汶泗屬青今四水俱匯兗入濟矣望中煙繞長隄柳
天際雲浮錦纜舟況復夜涼憑眺裏水晶澄碧起吳鈞

同諸子城樓對月

城上危樓向郭開羣公攜酒到城隈即看楚舞悲歌地
別有登高作賦才日落帆檣窓外轉更深飛鳥月邊來

銜杯直望青霄外銀漢蕭蕭永夜回

哭季黃門塞上

憶在癸巳十二月黃門衝雪送征塵豈知城關傷心地
遂作天涯永別身三館是非終有屬中郎書籍與何人
遺文倘有危明疏介弟西臺諫草新

方子南還

日日愁霖泥殺人叩門重見獨歸身三春別恨填魚海
千里人稀哭雁臣東上關山難極日南浮風景豈堪
父書爾讀尋常事谷口長應訪子真

官廨植桂

未能晞髮弄秋陽漫採巖芳向北堂月白露珠交翠幌
花開香雨撲羅裳獨病自長神農籍釀林還傳種植方
莫訝閉門誇傲吏小山幽興本難忘

送馮秋水方伯 親畢還粵

方侯飛鳥指燕京陌道宮花遠旆旌引見雲深丹闕曉
賜袍香暖御鑪清九河春盡帆檣出五嶺煙開翡翠迎
如過鍾山問官閣碧湖芳草故人情

其二

悲歌憶別石城門入座哀絲斷客魂今子驚花回帝里
羣公江閣起清樽三年幽朔羊裘冷五月南交瘴雨鱗

君去莫愁蘇肺疾

歲在己亥江南春雨七十日不絕舟行陌上夏

五長淮以北迄東郡雨無停晷場麥泥漬黍蕩

水間今去立秋僅三日矣倘終不止將廢大無

成詢語以備街話告災云爾

纔聞高柳起鳴蟬濤濤雲生城角邊蕭灑落地不燕舞
浸淫稽天狐穴連茅屋隊風忽崩仆土電冒煙竈可憐
重開堯年有如此且塞敗絮裹足眠

其二

昨夜滿天照繁星雞鳴急雨飛檐瓴蒙頭長歎惟被溼

起視壁脚苔蘚青蝸跡過書或裊裊幽花沉葉時熒熒

高居塏爽且不免下土昏墊可能寧

其三

下旬逢壬既不絕上旬遇雨亦不晴神農占驗渺難測
管輅先識羞通明黃氣射雲白射雨東顧月皎西霞蒸
平嘯撼蕩龍蛇間雖有黍稷何從生

其四

憶昨癸巳家長安兩月陰翳路不乾崩剝鳳城紫泥觀
蕩搖園丘白石壇深巷殷殷聞野哭退朝撼撼鳴金鞍
雖發內帑十五萬惜哉死骨亦已寒

其五

傳聞江南歲首月麥葉流膏雲雨中朝雲滅沒向神女
舊雨蕭條逆社公冰天隱覺雷斧動春園不見桃花紅
借問告哀者誰子莫令帝澤空秋風

其六

沛國夜漲上屋梁彭城魚鼈巢枯桑百泉奔赴走弩矢
千村浩渺空牛羊暑溼麥敗蛾子出輕寒電打菰米荒
安得后羿翻日車涼颼清旭開時暘

送陳鵠士前輩赴貢試

泗亭曉色映紅蕖畫舫紗窓動碧虛把別正當飛伏雨

進學詩存卷二 泗亭稿

尾

歸家不為憶鱸魚舟行谷水鄉雲迴潮上東江海氣舒
晚薦莫嫌名未達廣川經術本賢書

哭故太宰王文通公

尚書籌國人間少慷慨當幾動舉朝遺節 至尊聞太

息易名恩予備宮寮上以左道同御有 詔特 還原官賜諡曰文忠公高旌渺渺春城

出老樹蕭蕭賜第遙河上素車臨慟哭更無樽酒伴清

宵

其二

前年二月花朝前西第論心月滿天漫捲銀綃索煙樹

重斟玉笋惜離筵傳來詩證仙人籙公易貧時賦 夢裏神 游仙二律

清秋水篇六月十七夜夢公 書秋水二字見遺慚愧棲遲無一可負公金鏡溫
才賢

送沛廣文陳銘以遷貴池

君去依然守一經風煙遙指翠微亭寒穠易地堪容嬾
老眼隨時敢獨醒秋水五谿雲外落蓮華九葉望中青
興來好借江山助倚醉題詩徧繡屏

送防河魏明府遷龍安守

宣房底績 璽書頒別酒臨岐不可攀此去與圖當地
險君行戎馬正時艱千盤劒閣通雲棧三月桃花照雪
山論蜀不須持檄往歸朝應乘傳車還

進學詩存卷二 泗亭稿

手

其二

大匡山上讀書臺李白曾探禹穴來太守風流還獨往
翰林辭賦有誰裁涪江絕壁長橋鎖松嶺重開鳥道開
攀陟莫愁行路險地靈久待出羣才

哭宋臣

哭爾黃河北秋風黯夜臺楚歌何寂寞荆玉忽塵埃憶
對長楊殿同陪羽獵回霜毫君竟失青鎖為誰開草草
司農薦勞勞國計催千艘輪駭浪八月走奔雷始覺高
名累終為薄俗裁吹毛文吏酷嘔血旅魂難覓骨依園
籬靈襟謝草萊孤舟妻子淚九日友朋哀落木飛丹旒

黃花掩綠醅清輝遺想像寶墨暗塵灰一慟傷今昔重
泉斷去來冰絃漫軫運龍劍照莓苔愧悔幾先拙悲涼
事後猜升沉我計決拭涕反銜杯

送武謀南還兼懷文子二十韵

商飈號落木游子去江東古驛埋荒草孤帆頻轉蓬經
時來稷下千里返無終白雪巴渝裏隨車峻坂中鵬飛
六月息鳳覽九霄空失路行京雒悲歌憶大風回家身
草草接席話忽忽得句傳秋扇登樓望沛宮銀銓搖濁
酒朔氣靜寒蟲把袂頻揮涕傷心慙鞠窮歲年懷浩大
豪寄祗羣公閱盡羊腸路幾成鶴髮翁才高淹薄俗地
逼阻長虹倒屣驚王粲歸吳笑呂蒙稻梁吾願遠霄漢
爾焉通此去逢南浦還應訪桂叢湖蕙團露紫山橘擘
霜紅燕市誰收駿磻溪可載熊忘機耽嘯詠觸序撫蒼
蕙便欲披荷芰隨君賦冥鴻

奉陪朱大司馬雨雪行河四十韵

禁籞司綸絳槐除掌玉璫朱宮花珮蕭畫省月卿聯秀
禁金莖際仙根寶婺邊射魚胥浦上題柱石樓前太乙
藜為火彤墀漏是蓮青蒲朝視草鈴索夜傳宣救騎飛
龍入鳴珂銀榜縣人倫郭有道著作應休璉學植三墳
足天鈞四德全王珣頭正黑疏廣緩方玄上念漕渠重

卷之二 四子稿

卷

卷之二 四子稿

卷

新銜樞府專紫泥初降詔白馬乍沉淵少宰儲鹽鼎中
丞導百川于蕃方岳命作貢禹書篇上殿星辰履清秋
寶漢船登萬雲物麗寵賜御袍鮮公以九日賜上解御衣為賜飲錢東郊
滿歌驪洛下傳奔流河九曲交戟士三千駭浪陽侯服
牙檣錦纜牽片帆通海國匹練望江天吳楚浮香稻滯
汴擾白泉嚴冬臨北陸朔雪滿河塹旄節停孤戍煙帷
薄曉煙馬嘶霜曉滑帆沒大荒圓高碣金堤路寒蓬沛
國田負薪登瓠子投鐸出于閭望祀周王禮觀風漢帝
年單車供億簡信宿候迎便鄭圖雙犀峙梁園爨飯堅
可湏淇竹捷應省水衡錢訪植承奔走疎庸列後先技
窮悲拙鼠鳴咽類寒蟬有賦追班固無刀佩呂虔筆牀
蟻陣結風確杵聲穿叨忝分郎署趨陪侍錦鞵驚駘時
顧盼燈火夜流連細丹憂刊落高雲棄捐幸能投鑒
別期不負陶甄銜石同精衛乘查憶斗躔何年藉搏抗
驥首泰華巔

黃河阻風看馬射

飄泊黃河岸無花只有風拍天浮駭浪衝霧起驚鴻廣
野煙塵合狂瀾曉夜同平岡春草白獵火戍樓紅怒馬
奔崖立霜弦逐豕窮鼓聲清晝咽帆影亂流空耽靜看
鷗侶懷人憶桂叢波濤煩意緒危坐撫枯桐

九日翁莊即事二十韵

吳氣疏原隰寒花照古城一秋常皎潔九日半陰晴馬
去長河豁溪沿細柳平林空雲作幕村古地傳名岸草
煙塵淨簷茆鳥雀迎候門人粲粲遠逕竹菁菁木槿牽
衣發山榴巢砌生畫堂張綺席舞榭展龍笙楚醴深杯
勸齊謳滿座傾日斜天更碧風靜樹無聲曠野紅霞爛
空堂皓月清高燈花四映急鼓漏三更歡景淹觴醉歸
心動旆旌雙蹄分鑿疾錦纜下船輕獨雁依沙立潛魚
躍櫓驚良宵今夜短勝事隔年并余去年今日
因雨是莊已送登高
目難禁作賦情天涯朋好聚時序物華爭採菊思陶令

凌雲憶馬卿莫嫌游屐數漉酒待金英

會稽山人徐伯調客沛兩月賦詩四十韵別子東

歸作此酬之

會稽開夏服於越領封嶠碧簡韜靈秘英流起霸圖波
光浮畫閣山脉秀清都往者推才俊徐生自我徒威名
同孺子詩筆過元瑜少踐陳蕃榻窮悲阮籍途興酣罪
玉屑嬰冷斷樵蘇短菊通三徑扁舟達五湖外臺招折
簡東嶽騁康衢漢碣題王母秦松表大夫沾爵甘魯醴
正色抱齊竿畏向霜稜近貪從水部趨登高黃頰北射
雉威城隅屠狗輕卑俗衣冠薄腐儒閒披逸士傳飢憶

步兵廚秋雨肥菰韭梁禽薦雁鳬鴻篇時唱和官燭動
歡娛衆散貂難續神寒酒易扶來頻欣倒屣量怯亦呼
盧百日長淹沛西風獨泛吳戴逵還卧雪張翰豈忘鱸
和帳翠衾失臨岐欲語無送愁金錯落惜別錦還襦肅
殺鴈鷹隼蕭條寄舳舻草枯明野火天倒入平蕪此去
當初睽遠歸已歲徂衣牽童稚喜簪合友朋頽廢舍應
如昔琴樽諒未孤息機傷遠涉知命樂微軀倘念津亭
吏遙憐賦白駒

己亥上巳同人大會於泗水之陽倣修楔故事人

賦十韵

月令傳元己良辰泗水西連陰空翠斂極浦片帆低鳥
去波疑接春歸柳未齊冶遊爭被濯勝地足攀躋乘簡
追溱洧流觴助會稽踏青羅綺合選伎管絃攜嫩蕊喧
晴出新鶯匝樹啼條風通繡幕媚景動金閨幸與羣賢
集還將彩筆題歲時隨物換應惜草萋萋

同年施玄澗改授臺班賦寄

之子參商列常嗟遠道難星躔殊斗極雲樹隔蕭灘司
法分江郡遷喬佐夏官忽傳新寵命復隔拜臺端驚車
乘時擊驂騑擁路看趨朝形陞肅封事卑囊寒正氣郁
亭鼓風稜解多冠廟謨恒啟沃貴顯重糾彈春頌千尋

雪朝陽一寸丹，燕庭資黼黻。赤管錯珎玕，不忘將書札。
還頻惠羽翰，三秋鷗侶斷。五夜雨聲殘，弱質悲霜草。高
天仰露盤，棲遲同泛梗。迴首媿長安。

王子農山請養南歸，子既贈之以詩，其臨行也乞
言以介親壽，賦此却寄篇末，乃微勗之。

我有思親操，年年動綺琴。可憐猶薄宦，羨爾竟抽簪。
拜闕甘泉迴，歸家湛露深。木公騎白鹿，王母駕仙禽。
錦里鳴珂珎，雲門奏鳳音。當筵珠斗直，渡漢鵲橋臨。
火棗瑤池得，細桃月殿尋。恩綸聽馬被，法酒繡衣斟。
欝柳迎官誥，開裝檢賜金。霓裳霞片片，銀燭夜沉沉。
不信人間世，

地壽齊年三

堂

幾同碧海岑，天倫陶樂事。逸興助清襟，煙水羊裘釣。
滄波漁父吟，棲遲梅尉宅。灑落尚平心，階覆長生藥。
門披十畝陰，承歡良不忝。榮祿固難任，游子求溫清。
蒼生望雨霖，暫辭三事寵。去採五湖蓴，莫便耽愚谷。
還期賦上林。

同平子微湖泛夏自韓莊經微山至西柳湖即事
清風開疊嶂，積水蕩微茫。伐鼓星疑落，揚帆夜未央。
海霞分嶧嶺，義轡動扶桑。乍發知初岸，迴看易故方。
孤煙生鳥道，新漲改魚梁。馬去林塘沒，舟牽藻荇荒。
成樓依草樹，朝牧辨牛羊。雲勢吞瀉立，晨輝接野黃。
蒲飄晴淼

淼瀾浴雪蒼蒼彭口紅，泉咽微山翠黛長。炊杭堆玉顆，
研餉躍銀霜。弔古搜幽穴，攀蘿坐石牀。赤松傳葬地，豐
碣鎮崇岡。鶴去仙踪杳，龍歸劍影藏。迅馳愁短艇，截浦
出危橋。小市菰為米，漁師芰作裳。遠天玄幕列，圓鑑碧
湖張。菱角先秋熟，荷花五月香。朱簾低綠蓋，彩鷁麗丹
房。泛泛馮夷國，田田越女妝。游魴鱗釣餌，飛燕掠波光。
返景鷗鷺宿，平沙鵲鷺翔。連陰蒸雨急，曲渚進船涼。便
欲拍簪紱，相期老是鄉。

安夏樓望月

東山開秀爽，涼夜淨無塵。獨上樓頭望，驚看月色新。半

地壽齊年三

美

規含翠岫，圓景動冰輪。素練瑤輝滿，金波碧海勻。鶴毛
光不定，螢火照常因。砌葉翻珠露，窓紗映舞人。秋聲依
然桂，暑氣散青蘋。影入寒砧冷，清堪畫角倫。浮沙凝碎
錦，倒水蹙纖鱗。思婦齊紈扇，歌姬白紵巾。蕭條漢宮畔，
窈窕越江濱。萬里輝如畫，中天魄似銀。團圓行樹杪，恍
惚下城闌。兔苑梁王賦，蛾眉宋玉鄰。連宵微有暈，今夕
總靡垠。忽聽梅花奏，憑欄暗愴神。

泗亭歌

鼉鼓闐闐急，樓船曉夜頻。未知湖海上，誰是釣魚人。

其二

沛宮蕪草沒榆社久銷沉雪後登臺客因知園綺心

其三

古道蓬根沒寒煙野竈微飢鳥抱枯木不復泗亭飛

其四

危檣牽急溜木末更颺狂獨坐風波外愁君上呂梁

其五

棗落霜前熟梨飄雪後紅三年尊策冷秋老憶江東

其六

燕麥寒常縮山桃凍不肥愁雲芒碭合何處望春暉

與傳奇柳老柳多奇節見吳祭酒傳中

《堪齋詩集卷二 四李稿

奎

上下千年事飛騰七尺身中原無劇孟投老見斯人

其二

任俠侈雄辯粗豪擅解紛蕭條攀大樹空憶故將軍柳故軍南

侯門下客

其三

庾曲推張老歌場見李伶俱柳同時人座中供一笑慷慨有餘情

情

七夕

人間秋易到良夜靜無倪酒罷銀河直歌殘碧月低

其二

同心結寶釧連理繡羅衣開簾拜星月香霽夜忘歸

曉裘

迎霜行紫禁帶酒宿紅樓意氣今搖落空餘白雪裘

其二

繡衣花似畫狐腋白如霜忽憶長安道開裘六月涼

煮蠶豆歌

描種秋深花實蠶際江南謂之蠶豆北地所無移種

暑圓熟時煮食援筆漫成

其二

園蔬夙所應野藪性曾諳飽食推時序江南飼早孫

《堪齋詩集卷二 四李稿

奎

叢花含紫蒂密葉麗青房車馬風塵客都應未得嘗

答邵茂才書訊

憐爾獨歸去北風聲正淒傳聞戴安道擁雪卧荆谿

其二

新詩如海月皎皎見清暉為憶相思苦開城淚滿衣

蟬

澄潭靜無波槐影搖空綠風細人不知蟬聲斷還續

其二

迎涼棲碧樹咽露溼危冠莫更催秋去梧桐一葉殘

蟋蟀

雨後連宵急牀頭永夜閒憑闌看月起桂影白紛紛

其二

金風搖白露涼月隱桐陰萬籟空深夜階前時一吟

螢

蔽燭羞遺照飛窓透小明類珠光半滅似月暈還盈

其二

草際恒無定花間疑欲然慣窺疎牖入點點動珠簾

津門寒食

官路春帆傍淺沙客中寒食倍思家天津城外青青樹

日落滄洲起暮鴉

出獵

城上烏啼曉氣蒼腰間却月角弓張馬嘶紫電光如炬

裘動銀貂白似霜

其二

蒼鵬輕迅慣凌風黃耳隨人逐轉蓬過草但看毛羽落

追奔不用綠沉弓

其三

風起雲裘錦繡重寶刀光彩錯芙蓉沛兒角力皆如虎

宛馬成羣總是龍

其四

校獵還登戲馬臺繡螭冉冉羽旗開風吹野燒連天暗
疑是紅霞海上來

其五

猿臂彎弓去打圍當場賭勝馬如飛應聲射落雲中鴈
一寸金錢笑奪歸

其六

驚鴻嘯侶衝沙起狡兔離羣突馬過馬上健兒吹簫栗
無邊衰草夕陽多

其七

金鞍不散馬蹄塵玉腕蒲萄次第新酒半一齊誇出手

衆中誰是射鵬人

其八

鷗絃牙軫紫檀槽一曲琵琶月正高獵火重重忘夜冷
玉樓朱火凍蘭膏

獨山湖曉發

東嶺紅霞接水明西山白雲隊波平舟從楊柳磯邊見
人在芙蓉錦上行

其二

隔浦雞聲開曉煙美人金管弄晴川錦帆露濕朱簾重
十里涼風送畫船

其二

昭陽水樹傍樓臺渺渺滄波曙色開雲散青山花際出一雙灘鷁日邊來

贈湯公綸時予延湯設教沛上

酒熟蘭陵浸碧霞思家嬾對酒亭花都人問字趨玄閣弟子傳經出絳紗

其二

到日羊裘吹暮雪忽看羅袂動秋風愁來莫憶江南弄今日風煙更不同

其三

走馬呼鷹傍薛城田文遺俗尚縱橫風吹秋雨朱絃溼經義誰從問伏生

其四

清風潭上花開日春雨樓中月起時可惜當前無限景花飛月落不題詩

贈紀伯熟入閩

雙鬢蕭條老倦游西風匹馬向幽州翟公門外堪羅雀取醉還登舊酒樓

其二

短褐科頭故國遺五言新體舊京詩多情愁對青谿柳

老向南荒擘荔枝

其三

玉帳牙門異昔時憐君萬里赴戎機渡江裘馬都零落今日參軍盡布衣

其四

烽火南天暗鼓鼙漫同節使過龍谿春江白日表宏卧夜月誰招謝鎮西

元孫光裕校字

堪齋詩存卷二

堪齋詩存卷三

華亭顧大申見山氏著

曾孫愚孝編輯

素琴稿

丙午丁未除服後詩四十四首

初構西村後山草堂

我本雲壑士偶然澀朝簪執戟十五載巖廊自浮沉今
茲得歸來來歸返舊林深感故人厚知我田園心貽我
谷口居言望崑山岑長薄帶近郊喬木秀遠陰結廬幽
邃區托興長湖潯五畝亦粗足力農庶其任輟畊之隴
上豁達披胸襟瞻言刈西成榮榮動長吟匪敢垂堂構
聊以懷好音荷篠有二子風軌私所欽

禪哭

祥而琴藉彼雅絃和我素襟古以為禮也嗟予鮮民
塊然獨處三年於茲亦匪克樂禪衣告莫傷慈微之
日遠聊為短歌以代清軫云爾

黻服改練冠几筵雜然秩慈母生我心終理迨今日一
哭不知起寸心惘有失永懷驚蕭晨飄搖踐空室枉棹
暖焉具居歆慮陳迹匡牀橫羅衾宛狀平生慙小寢明
虛輝慨嘆出遺息猗彼骨肉親哀歎理難一寒柯蕩夕
陽下泉生凜凜詎知兒女情燕婉私所暱恒感久自渝
孤悰豈或逸周睇四寂寥靈魂閱素輝猶鬱陟岵思強

顏謝哀戚日暮寡故帷烏號北堂急

淮陰哭朱大中丞六首

孰云山可頽山頽地維傾孰云棟可摧棟摧大廈崩鳴
呼我道喪一朝謝典型誰為奪斯人聞訃慘失聲飄搖
終盡瘁荼苦遺經營遙遙先帝知悄悄結中誠由來
國士理深感重餘生朱顏忽焉凋素髮不再青精魄覲
九天玄圭惜無成

其二

僕也孤根士偃蹇波臣數初公來泗亭邂逅拜馬首慷
慨論時務嗟歎良獨久屈彼公孤尊引為金石友燕見
或曰夕虛懷對尊酒密語屏左右疑端聽參剖電勉桑
榆收交易龍蛇守耿耿巡河篇賤質忘蒲柳惜哉時會
忤蜩蟬涕讒口

其三

讒口非無因箕舌胡喻白圭豈可玷青蠅忽相招丹
書隸司敗泮林集鷗鴉茫昧禍福理但虞蒼蒼高我公
歸袞東聞信傷久要深情昵所私獨立悲清宵大息不
成寐星河四動搖抑鬱將語誰揮涕凝微綃幸逢聖
明代雨雪空濛濛公自言聞子誦微之日竟夕不寐憤獨坐至於泣下

其四

駭鱗巨鯨逝驚翼青冥翔嗟我脫尉羅喟然念山梁公
也憐其材謂當歸巖廊屢煩公府檄召登京尹堂哀哉
慈親背方舟涉汶洗公出莫難黍灑泣丹旄旁淒愴有
餘感推解非一方揆此恩禮重矢報來日長豈知義和
轡虺隤頓扶桑

其五

人生白駒隙賢愚共黃土所貴志士心立德庶可補欲
知死者勞但聽生者語蕭蕭濟陰城輟春痛慈母空閨
白日暮寡妻傷獨處終鮮六尺孤誰為抱木主塊然朝
夕莫哭聲震虛廡靈輿發城隅路祭非一所撫棺衆悲
痛觀者淚如雨

其六

自非明哲情炎涼信有之往往仕宦人生死易襟期生
為七州牧威勢山可移沒行千里塗寒日淡空帷不見
酒漿奠但聞參差吹遺惠在津梁愴怳見雲旗我公乘
龍馬色笑如生時幽理未深信徒使我心悲心悲訴冥
漠顏光逝西垂慘冽摧肺肝悵然對馮夷公長逝之夕濟人
有見公輿從出城

梁大將軍江上戰功紀事

公名化鳳隄
西西安人

先皇十六載垂衣九有截重譯通車書百蠻屬臣妾猗

嗟殿陛下廟算千里決誓衆五伐齊舞干七旬屈茫茫
東南海通逃所窟穴鯨鯢弄兵刃層氣吞溟渤游魂蕩
江介戲浪恣出沒我皇如仁堯覆載俾自滅江左當
上游層岳控吳越梁公三秦秀專閭邦之傑抱鼓親六
師賊至輒膽裂維時當炎夏洪濤乘風拔檣艘蔽長天
餘鯨銜尾接大艘如峙鼉小舸如驚鵲擁衆踣百萬戈
鉞亂沙月江水奔無聲魚龍夜沸鬱賊之五重鎮偏裨
各統轄選鋒三萬人鐵衣光皎潔掠我京口城窺我虎
踞關公時鼓義旗渡海相齟齬銜枚走丹陽疾與中丞
合計將拊賊背毋俾歸路奪賊屯白土山張幕樹表臬

木城七十餘山山依雉堞急我儀鳳門制府下軍帖趣
公移石城小大正碗跪我公登獅山笑顧諸將曰兵法
有死地賊今那乞活詰朝統大軍馬步盡馳發設奇扼
喉吭腹肘聲援絕朱馬從風翔焦爛自蹂沓收軍策會
戰東西謹堠堠謀賊當披靡後履虎心凜冽七將抄山前
千帆鬱攸藝渠魁面受縛血流江水咽鎧仗齊丘山累
俘道相曳賀表拜蕩平皇心逸嘉悅露布告武成百
僚聽宣捷捷書下所司恩賚固稠疊晉爵班上公世
賞及奕葉裘裳耀皇華寶刀電光掣烏號夏服矢上廐
默叱撥凡所從戎士次第司馬法公念海邑孤困默或

關突撤兵趨崇沙展戰猶三日挫賊十年銳蕭索等魚
龍粵稽討叛師臚炳諸往烈楊僕將戈船王濬聘巨筏
赤壁動東風淮蔡襲夜雪公於是役也赫赫駕前哲簪
筆後詞臣敢以告史牒

哭宋中丞林屋先生四首

離別成三秋晤言祇四日昨君趨朝歸弔烏輝有奕胡
為遽長逝匿影不復出知君待我來一見萬事畢握手
向我言告我病所應含情顧左右緘淚三歎息人生在
世間生理良有極哀彼易盡身受此兒女役玄髮玩丹
經沒齒竟無得今朝秋氣涼素節流嘉夕先生以七
夕捐館聞君

《增補詩集卷三 哀祭類

五

秉燭起正襟坐寢室望我我不來忽忽如有失一往返
浩然了了即故宅

其二

君之少也孤慈母撫以成聰慧夙有基十齡通六經經
史四庫書弱冠讀已盈得交陳黃門李中翰輩慷慨念
蒼生縱橫灑翰翰鬱然成大名勲業早失建海宇亂甲
兵徘徊戎馬際徒步揚天庭高岡振鳳響大鏞發金聲
出為文章伯入為尚書卿落落十年間內臺踐中丞敬
謹祇朝命恐懼懷春冰掩抑蓋世才素餐豈其情每誦
青蠅篇相視各撫膺

其三

我今見君逝喟然摧肺肝華髮歸皓首妻子使之然君
有三男兒忽見兩棄捐獨抱西河感中情痛難宣已蒞
始哀歲飄動帷房歎匪取箕箒違良求宗祀延咥嗙弄
圭璋婉孌穠祿間不及見成立舍之歸下泉手抱托良
友終冀六尺全使我涕如雨俯首不忍言憶君定情夕
黃姑麗河躔今也歸長夜牛女依青天聚散夙已堯
華凋盛年

其四

霓旌飛總蓋朝出上東門綺衣素練裳賓從如雲屯下
馬各揮淚相視含酸辛酌酒奠路傍冥冥黃塵昏鞞鼓
雜清笳哀絃慘無倫裂楮荆棘旁假道故鬼墳鴟班一
朝謝轉藉芻靈尊送者半中道但與輿臺親白楊激西
風四顧茫無鄰饒吹喧鴟首孤魂駕河潏泉途豈異理
長別無緣因念此千秋重加以顧托殷願教丹青誠炳
子金石勲些詞續大招嗚咽霑衣巾

江上有期不至

白玉臺中一杯酒散姑廟前三株柳盡日傾盃弄柳條
懷人不至空搔首秦宮碧玉威簾華別館紅亭著處家
共說行轡無定所可憐孤客望天涯天涯泛泛浮文鷁

江南江北還相隔不聞尚書史履聲忽聽江樓夜吹笛

送平子赴廕下幕

劉生紫駟馬鄂君青雀舟珊瑚作鞭桂作檝君胡爲乎
不慕萬里之遨遊今日良宴會僕夫胡造次美酒在堂
且弗飲與君抵掌十年事憶昔悲歌燕市中黃金臺邊
碣石宮王周詞賦不相下蘭臺宋玉多雄風揮毫落紙
驚海內僕與我子將無同漢家湯沐豐沛起僕也擁節
東歸水芒山蛇澤大風碑躍馬題詩落日裏陰靈墮天
山鬼嘯血戰玄黃兩相倚自茲淪落甘投閒披褐懷玉
猶歡顏穆生不設楚國醴侯嬴祇抱夷門關風塵慘淡
天地閉波濤湧洞蛟龍寒即今周道如矢直黍谷灰飛
得生色我欲飯牛南山旁郡吏催符日相逼君今彈瑟
將遊齊一唱三嘆知者稀萬事反覆盡如此窮愁豈得
常相依琉璃之鍾瑤珀琰把酒歌驪花眼男兒孤矢
射四方努力致身苦日短苦日短秉燭游此去高吟白
雪樓不須久托東諸侯關雞蹴踘且畢事與爾歸城滄
江頭

服除日以迎朱大中丞之喪將遣淮陰憮然有作

總督河漕尚書朱公諱之錫義烏人

逝日已如是悲來填我襟依依辭總帳悄悄撫清琴細

雨黃花暗團枝白露深不堪棄去棹情發爲知音

過東西兩余山訪文在律始偕飲伯氏鳳山草堂
書札頻相約茲辰訪隱君高齋長泖近秋色夕陽分青
覆淮南桂晴開谷口雲吾兄雞黍在那更惜離羣

真州偶作

睇遠洲粉蝶映朱樓古木參雲出晴江抱郭流迎
霜初菊秀納稼晚田收生世悲形役閒情愧白鷗

其二

江介稱巖邑兼葭隱麗譙魚鹽喧井巷檣榜候風潮商
女倚紅袖倡樓弄碧簫兵餘時物換搔首憶前朝

題張考功曲江樓別業并示長公雲子

修竹開初徑柴門枕碧溪宮槐疏道直文石甃階齊小
築花源上芳鄰杜曲西謂蘭溪下來池館靜風動暮鴉啼

其二

出郭無多路門前只少山仙禽歡自舞水鳥夜知還天
豁秋霄迴庭虛翠菊斑有懷無可遠野老共追攀

其三

古寺參差見鐘聲送遠岑綠波煙艇合楊柳畫橋深蕭
散依蓮社招攜過竹林暫時消俗慮清興發長吟

其四

戶牖臨無地虛明小閣中夕陽遠岫秋水際長空靜
侶堪嘉會新詩邁國風不知圖畫裏誰得識山公

其五

徑曲難車馬雙扉盡日扃朱霞明傑閣素几近丹青松
響彈琴得秋聲把卷聽曉霜催木葉老樹抱空亭

老樹空亭

其六

白露中宵降匡牀夜氣涼爭能思陸博困酒悅官商皓
魄當筵正秋英遠院香不嫌更漏永人在醉侯鄉

其七

傳來小史曲譜自李延年激楚諧檀板清商入素絃治
容酌酒後簾指亂燈前碧海參差靜姮娥一夜圓

其八

章傳遺經在河東小鳳才五雲誇賦手千里見龍媒愛
容裁霜贈傾尊倒綠醅曲江樓上月開待老夫來

考功名新標

題聽山堂贈馬西樵

赤欄亭子外水木自成村鄰園分花徑溪流到華門閒
情欣有賦佳日獨開尊生長枚臯里風騷諒所敦

送曉公還笠山

四株芳樹下飛錫遠經臨接席十年話孤燈萬里心田
歸霜皎皎惜別雨濛濛若到湖天外梅花似雪深

其二

聞爾安禪處峰入翠微龍吟金界地雲護紫欄衣野
族秋皆好溪梅老自肥息機青嶂裏白晝掩雙扉

其三

亦歸長公明春訪洞庭好花千樹白渥日兩峰青付
法知非易論詩或可聽寄言休上士相待濯纓亭

贈嵇廷侯留山堂詩

家山飛鳥外煙樹錦模胡何處堪茹星憐君久道塗苦

吟雙鬢改失路一身孤我慕鳴夷潔相期弔五湖

九日渡京江錢明府移席追送

木蘭爲柁桂爲舟吹簫伐鼓放中流筵前送客重陽酒
江上登高萬歲樓山入秣陵晴渺渺潮平瓜步晚悠悠

豈能對景無杯酌故使黃花笑白頭

月夜東溪小集得青字

誰云踪跡似飄萍盡日東溪醉不醒白下新聲凝素指
燈前花燭動寒星捲簾萬籟空霜宇對月深更坐草亭
老樹啼烏催急景豈知人在客中聽

張考功五十却寄

楚州城北曲江樓黃菊丹楓接素秋羨爾青春辭組綬
幾年睎髮在林丘五株碧柳陶潛徑八月秋風張翰舟
澤畔行吟身未老樂天知命更何求

其二

猶憶彈冠各盛年凌雲辭賦氣無前鳴珂竝入蓬萊仗
退食同歸白玉鞭北里鵝笙春醉酒西園錦袖夜開筵
漫因時序驚搖落十載浮沉覺汝賢

送許中允崔沙之滇臬

谷口鶯啼碧草芊輕裘朝泛九江船暫時分首一萬里
好去兼程六月前路入武溪花覆馬山蟠南詔煩參天

堪齋詩存卷三 未刊稿

士

炎方衣繡非君事側席於今重講筵

同龔大司馬觀劇祖觀察署中即事

清歌細舞畫堂春紅玉闌干翡翠塵獨擁華衾還不寐
可知情盡曲中人

其二

雲母紗窓十二樓當年同醉月華秋渭城人老陽關遠
不信何戡已白頭

其三

當筵按舞曳長裾風動裙開錦不如那識歌殘金縷暗
衆中憔悴是前魚

其四

鳳簫鳴咽玉笙悲小院溫存話舊時腸斷多情病司馬
星花封淚不成詩

其五

窓前細語擘霜柑香飯維摩共一龕日射紅窓金蒜穩
曲闌深鎖夜情酣

其六

憲王樂府睡翁詞點板新傳老院師徹夜笙歌銷絳蠟
轉疑身在太平時

堪齋詩存卷三 未刊稿

主

元孫光裕校字

堪齋詩存卷三

堪齋詩存卷四

華亭顧大申見山氏著

曾孫思孝編輯

雪轅集

丁未戊申詩十三首

臘月六日同人餞別慈仁寺

華堂方罷舞初地復張筵急景驪歌裏深情祖帳前暫
時成小別回首即新年應念滄江上春暉望日遙

白溝河

泯泯白溝河層冰咽素波客愁侵老大邑小靜兵戈雪
後明星出霜深獨馬過不知時代改尚覺戰場多

石門

堪齋詩存卷四

幽燕百戰後地以石門傳

云是子路宿處

弔古餘殘碣臨風感昔

賢鳳歌游楚後龜息陳年我亦棲棲者悲涼落日

單橋暮望橋乃潯沱所經

玉螭亦悠哉潯沱曉夜哀源從狐塞落流向雁門來野

燒平原合彎弓獵騎回層樓寒日外孤客獨徘徊

烟山店

蒼蒼一徑斜頗路入煙霞翠竹迴丹嶂銀泉寫白沙不

辭行色晚來宿野人家散談憑村酒燒殘絳蠟花

齊河晚眺

長橋明素練七十二泉間近郭村村樹當城面而山暮

禽隨馬沒樵父荷鋤還獨倚雕闌立寒風動旅顏

蒙陰感舊

二十年前地荒城白日垂彎弓射鴈手帶甲羽林兒國
破蒼生賤山長虎豹欺昇平思草昧應得髡如絲

渡沂沐二水

南轅亦孔修沂沐入淮流逼歲無旬日荒塗感百憂風
雲才不逮官遠老難謀日落鄆城路黃塵滿僻

泗州立春

城郭煙波裏樓臺圖畫開東皇迎彩仗春酒酌金雷白
馬連冰渡青帆帶雪來敢將遊子意望遠入江梅

天長縣雨

斷澗流殘雪春泥濺客衣去時花淡淡歸路雨霏霏楚
酒薰人醉淮魚入饌肥他鄉看自遠行道有光輝

希丘除夕

珠林暮靄平守歲度殘更小閣圍爐煖和風入坐輕玉
杯春酒靜銀燭夜燈清罷飲邀支遁談禪直到明

戊申元旦

紫氣浮東海蒼蒼曉色新星光依萬木煙火徹千門法
鼓喧釐祝時禽噪早春吾廬谷水上元日未歸人

早春泛淞江

不到江鄉二十年
澹雲遲日泛吳天
平疇芳草搖晴綠
遠岫垂楊弄曉煙
春鳥自啼修竹外
人家如見亂離前
青帆桂楫今吾事
老去綸竿把釣便

元孫光裕校字

堪齋詩存卷四

堪齋詩存卷四 雪軒集

三

堪齋詩存卷五

華亭顧大申見山氏著

曾孫思孝編輯

使虔稿已刪卷中詩一百八首

二月再旬子年五十生無益於時奄忽始哀慈母棄捐愛弟厭世顧念存沒逝者如斯草木之年豈得長視名位末微久辱郎署良足悲已猥蒙親故不棄觴樂永日自傷處非其情漫見篇什不敢綴文

日月換華髮惜哉壯士心萬感集遲暮千齡爭寸陰我昔值喪亂高蹈崑山岑躬畊谷水陽抱膝梁父吟坵壑不自守慨然慕朝簪三十濫水曹銜命行江藩四十忝正郎驅車汶泗淅招愆陷網罟十載同浮沉別駕京兆尹投閒愧賞音幸際聖明辟察我舍冤深降詔返朱紱陽光燭玄霽竊祿駕鸞班慙負執戟任護草瘁北堂荆花凋故林悽愴身所歷賦命匪自今倫類日分背吾生詎久臨勉接親故歡私懷痛難禁恒恐來日短百年遂侵尋無聞不足畏宣尼垂良箴歌終淚縵縵仰天橫商參

枉辱大司空推舉才良將有使命

漢帝徵賢良待詔籍蘭阨奈何含香彥進彼賈人子鹽

鐵算車船煩黷從此始我皇崇儉德篋篋走萬里少府
饒羨錢太倉粟紅委街巷所飼馬騰蹕橋姚比開譏而
不征周道直如矢茫茫湖海人禽魚嘯一水誠信苟失
裁弱肉蕩無紀咨譟愼廉平駢駢四牡使還慕公叔升
竊慙筮庫理泥塗感晚收惆悵中夕起小割詎忍辭懷
忠諒諸已

僚友劉君芳聲以御史謫德州守感而有作

微雨泥暗塵柔荇映波綠高壩生輕煙窈窕散清旭辭
京未周旬修途痛我僕解近平原君班荆寫心曲緬昔
朝陽枝雖暗播青玉老池忽異方膠漆兩失屬執戟匪

唐書劉君芳聲

二

我歡折腰汝再辱三仕傷子文鹽車枉駿足哀絃同所
操執手勤規勗

東阿贈劉棠溪令君

雨餘萬木秀驅馬營丘西麥穗搖東風平疇翠無倪油
雲拂岱畝東望天門低野棠蔽葭陰布穀日催啼嗟哉
汶河流地軸障崇隄猗彼金閨彥墨綬事雞棲

汶上

河漢流無聲明星爛縱橫雞鳴桑柘間戰壘何庚庚浩
淼汶水波帶彼汶上城征人策馬渡津吏佩劍迎觀者
如堵牆恐是更番兵旌席聊已帖瘡痍猶未平寄言司

牧者撫御惟廉清

新嘉驛會稽女子詩施愚山學使所立石

麗色絕代稀喪亂棄如土弱質曠戎馬傷彼亡國虜羅
袂蒙黃塵青燐慘朱火清詞灑柔翰哀激裂肺腑亭館
四寂寥深更淚如雨賢哉魯大夫貞珉照今古

子官泗亭以築城典獄淹頓十年故人東來知地

震城圯民失故棲感而有作

嗟峨夏鎮城迢遙泗水傍昔我版幹時拮据何徬徨庶
堞厲修雲麗譙洞四荒第彼豐草區煙市成巖疆卽盈
五都聚井巷歸移亡麥條揚春華禾穎垂秋芒皇天疾

唐書劉君芳聲

三

苦節鬼欄高明房姦賊中道起巨鼙掣坤綱震蕩宋沛
郊糜爛徐充邦白骨挂樞樞野哭闐崇岡雖蒙浩蕩思
下詔蠲租糧哀鴻替中澤飛集昧冥茫我行近泗亭含
悽結中腸父老扶杖迎歔歔淚千行前勤委流波逝者
不復償揮手躍去聽日落山風涼

哭林布衣子襄

嗚呼大雅喪子也終布衣前者春載陽晝舸從東歸飄
飄南海襄徘徊申浦湄良辰忽間阻日月亦云違我馬
向幽州珠江君涕泗音書雖往復羽翮終差池會值豫
章行合簪當有期豈知中道別遂成千年辭對此谷風

感愴心梁獄時歲在庚子同連誼獄貧賤易失志素絲悲其縉

其二

君本朱門秀托根出望族弱齡擅經史淑芳嫺初服十三麗清詞鏗鏘振金玉十五弄柔翰綺旋從所欲十八揚聲名光輝動鄉曲世難厄陽九歲晏龍蛇伏披褐抱國寶握粟屢出卜行吟涉枉渚蕭條倚寒木高堂魯先生尊君先生懷貞高蹈蹈海義不辱

其三

不辱義所宜嘆息南陔篇力畊豈不懷恨無負郭田猗猗逝浙水市虎微讒言擔簦客燕京中誠鬱難宣幸遇

蘭臺叟宋中丞微與邂逅邛邛賢王侍御廣心朝夕二三子辭賦相聯

四

翩君文播清綺耿耿朗月懸中歲來沛宮握手歌臺偏分賦騁健捷卜夜驩終筵夙軫肺腑憂勉資藥石延煌煌營丘幕杳杳蒼梧煙方冀晚節收湓焉捐天年

其四

吾哀已五十本與君同庚日月相後先因以我為兄君今死道塗幽魄應未平老母逝北堂寡妻朝露零哭泣不及位兆域久失營階下兩孤兒婚娶俱伶仃有生所著書遺編徒青青卓犖一生事寂寞身後名哭君向泉臺我心暗縱橫自傷去日多沒齒不足稱終夜三四起

吞咽慘失聲

上巳山閣有懷卓人

行雲揚朝暉青山俯遙閣密樹映崇阿霽景散林薄條風豁清襟一碧紛廣莫客心娛嘉辰縱覽私所樂時禽弄柔枝初篁解勁籜靡靡麥被塍冉冉蘭苞萼羣植欣自茲子懷詎無托西鄰彼姝子守道佐郡幕窮巷深蓬蒿昏朝闕玄閣脫粟屢失飽懷抱鮮愧怍慙匪王貢期竊比管葛作開簾睇衡宇美人緬寂寞飛雨愆晦明弦望互回錯虺虺憚高岡庶幾金罍酌羈孤惜歲晏永懷訴寥廓

移居詩為陶雲揚庶常作

五

虞生遠交州梅叟逃吳市深感托生徒仙踪寄闌闌末流匪所居獨往即成是我子清時彥瑚璉天廟器翔步虎觀英周娛石室秘一麾出金閨江湖自憔悴惆悵懷湘篇俯仰河陽誓卜居城東隅瀟灑甘匏繫鴻臚屬修衢簷阿謝雕繪場圃堪嘉蔬沼沚足荷芰高樓四徘徊西山動空翠墳典充其中清芬激蘭惠明發念小宛孔懷燕兄弟朋來富翺游德飽亦既醉人生貴自適還謫詎失計緬惟黃金臺塵埃沸冠佩好爵誠可厭德忝在身退恬修慕子文潔躬欽柳惠匪濟自有期稷禹諒非

易修名立威年後生斯可畏

陶雲若大觀武進人時以原吉去陶新集詩

南諫道中計違 家君色養感慕成詩

我從去年春辭家黃鵬初飛夢始華老父執手送下舩
舉杯對酒長吟嗟一去黃塵暗京洛金門失路如秋籜
星霜兩易寒暑移白首郎官尚如昨昨者詔下推才良
我獨銜命遠遶鄉谷口鱸魚枉存憶草堂叢桂空相望
往歲追陪京兆伯有限終天悔無極

甲辰左遷京別別生見背故云

伶仃弟妹孤今茲誰共歡晨夕曰歸曰歸心孔悲處州

此去淚霑衣庾嶺炎蒸雪不到劔江迢遞鴈難飛合情
晚向滄江樹江蘿欲采傷遲暮榜人鼓柁凌蒼煙驪駒

不勝惜別

六

驕嘶不肖渡生輕離別是男兒無奈春暉欲暮時驪兮
努力且前去待駢黃犢縱爾爲

朱石瞻拜歐寧張先生祠下

昔我來遊采石磯少年威氣輕金閨李白祠堂俯江郭
一日上下數十回醉後狂歌復叫嘯大言脫口驚奇妙
自誇供奉是前身衆許新詩同謝朓猶憶伏謁先生時
額髮未燥齒未齊

十一歲時

下階驚抱坐置膝嗚呼夫子真

吾師謂我扶搖立可致金聲玉振明堂器那知時事如

燎原轉眼韶光疾奔駟生年五十萬念關目光昏味顛

毛班鍾期絕絃慘失奏侯嬴垂暮長抱關滔滔終古江

流注往事還隨逝波去明珠銜得將報誰日落荒臺不

知處

先生名綱題

滕王閣歌

康熙八年五月十四日奉使虔州道經南昌藩臬諸
公招飲閣上爲作此歌以寄志焉

猶憶少讀王勃詩江山風物如見之及觀韓愈所作記
悵望再三不得至嗚呼我生五十年幸得放棹章江前
南浦西山自朝暮暮棟雲簾雨知非故到來張樂鳴絲桐
開筵酌醴洪波中芳樹當軒浮碧砌風吹屋角蟬聲細
長廊洞達繞雲屏朱拱雕梁十二楹游人登閣動憑眺

不勝惜別

七

中流宛在親漁釣蒼蒼遠岫俯層波靄靄輕煙入望多
嘯羣鳧雁飛還浴賈客帆檣亂江曲夕陽倒影映樓臺
酒罷乘風歸去來自昔騷人憐帝子舞衣翠袖曾登此
鳴鸞佩玉盡荒丘惟餘文采照南州古來賢達皆失志
播遷早折都相似青山應應水茫茫對景愁吟欲斷腸

春暮送人題淮南

君不見西園飛李花灼灼照耀春風中朝隨明霞爛初
日日暮飄蕩從飛蓬又不見南山桂歲晚蒼蒼獨青翠
吐華擢穎陰崖傍霜幹何曾得憔悴行人相見動相思
可惜芳菲有幾時高枝乍感黃鸝語密葉已結玄蟬悲

自古繁華易摧折志士幽人慕高潔若歸小山揖八公
共攀桂樹潛其踪

憶昔行

憶昔長安行樂年公卿車馬如雲聯春風駘蕩出青鎖
街河碧柳舍空煙張樂置酒召賓客沉酣陸博騰歡喧
銀壺漏水不知淺翠眉紅袖相澄鮮蘭膏熒熒曙光動
下階星漢沉高天亦知朱顏久難假何期白日旋推遷
陳王零落應徐老詞賦不與身俱傳我今留滯度江邊
強飲酒人開笑顏借人歌舞淹長夜千鍾百珍食纏綿
由來娛樂貴年少傾心倒意非金錢汝曹對我私相憐
自顧齒髮不敢前

地靈詩存卷五

使成稿

題七星巖圖贈鏡月李子還廣陵

主人醉眠山閣下客有抱卷叩門者披帷伏枕展卷看
白雲迴合紅泉寫興來始出問姓名乃是廣陵同年生
生也磊落不稱意杖策萬里浮雲輕彭湖浩渺探冥莫
廬山九疊丹青落恣奇復溯牂牁江蒲帆春指端州郭
使君阜蓋坐樓船七星巖前花滿天捫蘿攀葛灑柔翰
更得畫師生手傳廣南梁生擅長句悲涼沉澹洪濤注
同時七子詩盡工飄飄遠駕凌雲賦我聞南海多蛟魼
明珠與月相較虧鴻文天寶爭光怪畫之李生此卷詩

長吟細諷不忍割摩挲燈下留題跋輕舟放瀨慎勿疎
茫恐有神靈奪

醉歌行留別毛子卓人

男兒生當事戰場身辭屠狗為侯王不爾謝世歸南山
驅犢抱甕白石間二者若云更勞苦何如學道凌然煙
不田不仙又不候枯槁燭下死便休七尺昂藏既不用
一命微官何足求我生匪辰老執戟豈知毛生更堪惜
探竒幼讀八索書倚馬曾為萬言策悲哉絳灌不好文
何怪轅固輕平津日月晝蝕麟折角彼讒之口徒紛紛
人生意氣重年少荆山有玉知空抱一壺寄興日蹉跎
百里不符足吟嘯吁嗟時事悉秋毫萬人進退爭一朝
生也泥塗再見辱芙蓉簾幙相招邀官閒無事日晏起
小閣山城對江水縱飲心非陳孟公揮麈不數阮千里
愧我馳驅二十年度州遠役心茫然瀨聲崩奔隱地軸
頽勢冥莫連高天重重障霧斷冰雪倏忽陰晴換涼熱
畫山苦與賈豎親夜卧何曾枕簟貼中有沉憂不得揚
官醞一斗詩一章有時音節失深穩定與毛子相參商
五言曹劉不相假長篇賦就追枚馬單詞隻句諸苦心
抽思直欲窮風雅毛生畏酒如畏官若逢酒政眉先攢
相對每忘深夜坐醉來潦倒常不冠於今聚首已一載

地靈詩存卷五

使成稿

九

倡和詩文似江海何期使命難久留頓令江山奪光彩
建春門外東山亭錦帆片片魚鱗輕握手踟躕不忍別
仰視碧落浮雲平行年五十不當意歲月如流老將至
麟閣敷名那得成蓬萊弱水愁難濟渺上孤村號陸機
大椒山下梁鴻谿紫萼牽絲鱸膾美吾今與生胡不歸
古來解憂惟有酒生歌驪駒我擊缶茲辰共醉雙江頭
他日相思五湖口

李司馬招飲園亭出示灌廟瓦硯及董宗伯所書

誥身歸作長歌贈之

李公名元鼎吉水人

六月南州散鬱蒸晝坐欲踏黃河冰隴西先生張綺席

《堪輿詩存卷五 使廣雅》

十

紺瓜碧藕延清冷四筵窈窕開樽俎酒烈泉芳不知暑
繁歌半奏日華明揖客西園對花塢修竹斑斑映翠梧
澄潭錦石自扶疎牙籤應落張華宅奇字縱橫楊子居
夔鼎雷尊盡堪把出匣陰沉驚灌瓦土花繡蝕瑪瑙殷
斧鑿無痕追大雅憶昔南征數穎陰南人立廟章江岑
銅駝石馬向彫落以瓦作硯傳至今神物久為人愛護
寶氣青濛見應如賴有金陵薛布衣收藏什襲非無故
巖扉忽見旌旗紅此硯飄失兵戈中延津之劍去復合
割愛豈與凡情同我對灌瓦拜稽首數千年間真罕有
同時更見兩誥身董公遺蹟回陽九東閣學士黃繼題

容臺詞伯書金泥雲間茂苑俱寂寞但與司馬增光輝
制誥為文公書通鑑並公其書於亂後得之臨先生傳董公書時已三十年矣僕也孰奇動成癖窮研不
自知頭白使粵曾無南海金歸吳祇載蒼梧石江上相
逢老侍郎高堂蕭爽生虛光霜蘭含煙墨波湧銀牀倒
景冰壺涼坎坎伐鼓主賓出莫竿洗爵筵重秩涉江恐
懼蛟龍腥日落西山兩相失

舟過鄱湖風利不得登廬山

南州十日九太息欲到廬山愁不得豈知六月鄱陽湖
朝風東南暮西北忽然風動無波瀾二百里外俄傾間
日高吳城喚魚買月出沽酒湖口山廬山之山迴地紀

《堪輿詩存卷五 使廣雅》

十

左跨潯陽右彭蠡晴天往往飛白雲雨後峰峰見青紫
香爐可望不可登欲呼五老同雲耕更思中峰白鹿洞
倒掛匹練搖空青仙都秘迹神仙守煙巒但許樵夫有
惟恐狂生輕洞天故遣風師催鷄首廬山面面向窓開
開窓且飲三百杯總然未便乘雲去也得山前叫嘯來

反行路難

行路難難以行也不行何殆顧子久蹈危塗假游搖
落茲將東歸自彭蠡涉江經歷艱險私以生還為幸
事庚戌七月始抵潤州擬反騷體作反行路難十章
先民有言動不如靜語不如默願從息機之徒以終

丘園之好江湖自險巖穴自安聊以言志敢告哀乎
丁卯橋邊一卮酒我招我魂入京口盡日心隨波浪顛
百年身傍蛟龍走哀哉此生仰藉天萬事豈但江湖然
甘蹈危險有何意胡不歸卧崑山煙

其二

桑弧如月蓬矢長我今不欲射四方哀哀父母生我勞
豈容輕易死道傍請自今年五十一枕煙弄水不復出
皇天后土垂照臨有渝此心如皎日

其三

有父有父已八十西山蕩摩將落日每思游子淚霑衣
堆雪詩存卷五 使鹿稿 主

永言風木悲何及弟游泉壤妹無依我身豈得常不歸
晨昏可幸告無罪自今願採北山薇

其四

清波門外村墟古松柏蕭蕭葬我母北游燕市南虔州
三年不覆墳頭土雉子朝飛大麥黃白露爲霜秔稻香
几筵杯棹屢失奠每御芳薌欲斷腸

其五

北有斗兮南有箕清宵碧漢何依依男兒辛苦事四方
空閨歲歲常分離少者成人抱者立昨歲紅顏今歲失
眼看青鬢俱成絲對此茫茫百憂集

其六

我祖遺書手自錄慈母傳經猶在目吁嗟兒曹俱長成
戲弄弓箭不習讀欲歸茅屋訓諸孫一絲之重如千鈞
青箱世業何可負豈得偃蹇稱達人

其七

行行行行僕已痛筋骨衰敗志氣無從游賓客亦避暮
上鞍下馬湏人扶青天欲飛賴羽翼可憐盡失搏風翮
亟歸南山種豆田荷鋤尚可收其力

其八

我馬我馬名青驪連錢如鐵霜鑿蹄早朝每聽更漏入
堆雪詩存卷五 使鹿稿 主

有時醉後垂鞭歸我今一卧不復起爾騎何人走萬里
西郊芳草如綠雲淪落奇材自此始

其九

桂爲機兮蘭爲舟玉簫金管橫中流黃河浩浩江悠悠
二十年内無時休逝將舍汝垂釣去可憐萬斛無容處
菱花蓮葉不勝愁棹歌落日滄洲暮

其十

一彈再唱行路難居者不知行者艱燭我車兮縱我馬
將恐將懼歸東山東山不用簾絲竹觴詠陶情亦云足
寄語長安諸貴游不早致身白日速

微雨過磨盤至清流關

譙北饒風物松篁勝越谿清泉流碧澗香霧引丹梯徑
轉雲峰逼煙舍閣道迷林花迎雨隊山鳥背人啼

陶冲鋪雨

積潦寒逾急朝雲出未歸紅泉喧確落白鳥傍林飛飯
積知耕理收竿識釣機虺虺看我馬掩淚濕征衣

公館野宿

巉巖泥滑滑飛瀑響崩雷馬度紫秦棧雲流薄楚臺如
珪峰半出似練霧初來路僻輕行旅郵亭長綠苔

題青陽官舍壁

孤城如匹練迢遞碧霄端虎跡十徽出羊裘五月寒深

宵山鬼嘯虛館女蘿攢邑小勤東道循聲此地難

貴池五日

蹴雪明秋浦迴風弄彩舟潮頭迎急鼓日氣射層樓午
飲人輕醉初晴客散愁蓮歌歸棹晚笙管漾中流

建德至彭澤五嶺參天井社淳古

一徑通羣壑幽然足隱淪溪潛灌園與花覆避秦人扶
杖看雲出編荆畏虎嗔將迎煩令尹遙望屬車塵

石鍾山

石鍾殊縹緲湖口近仙都盡日清音出千尋峭壁孤亂

山青度嶺芳草碧連吳信步聽虛壑何須倩杖扶

潯陽夜雨

涼燠違時候飄搖失寢興草蟲鳴暗葉急雨淡疎燈天
籟空寮發深宵酒力勝新詩題欲徧枯坐似山僧

劔江

江色寫寒烟行行落照邊千家臨遠水萬木隱長天月
黑蟲鳴草燈清客醉船蕭條龍去後珠斗亦空懸

阜口

婉轉出灘聲長年坐不驚漸忘波險急翻畏虎縱橫木
葉涵空碧鷗羣出浪輕江山助吟興萬里老能行

使署新築落成

戶牖明無際豁然君子堂心隨山共爽靜與世相忘雀
啄簷花落蟬吟木葉涼倦游誰可悅高枕侍羲皇

其二

寂寞煙雲裏清齋日醉吟山光千尺秀花氣四時深理
酌陶孤夕忘言對靜琴江湖有佳趣無事即投林

其三

使館開高閣憑欄極目初終朝衆山在四顧入窓虛鳥
去知雲淨江鳴入雨餘先生著書罷短髮欲教鋤

送沈方鄴度嶺

方鄴名泌宣城人

百日虔州使清襟得幾開沙鳴章貢水草暗鬱孤臺故
友南城札李太參石臺杜書至訊新詩鄴下才秋燈傾濁酒喜遇隱
侯來

其二

客路青天外滄波澹渺茫瘴深鴻雁少秋老荔枝荒君
去經三水何時返五羊梅花如記憶莫信嶺雲長

送呂又東歸吳兼示輔之

爾放歸吳棹寒花刺眼明未能寒桂子猶及薦尊羹嶺
樹侵帆出江雲過雨輕老夫斟別酒引滿淚交盈

其二

將父情何切歸鄉去較遲霜苞明晚翠菊冷疎枝問
饒寬吾隱操家仰母慈好隨南雁往莫使北堂悲

已酉虔州除夕適得家信

衰嬾貪荒僻殘冬入歲除百年吾及半萬事總非初取
醉情猶劇謀歡計已疎挑燈陪老友相顧惜居諸

其二

送歲偏暄暖虔俗臘盡而熱謂之送年暖似江南三四月時候也江鳴助雨聲頻梅紅漸
減階草碧逾明楚舞羅裳薄冰絃雁柱清思鄉同越鳥
對酒百愁生

其三

屢有高堂夢烏私遠更親故園今夜酒老眼傍何人弟
妹看零落江湖獨苦辛哀絲催急管淒斷未歸身

其四

燈前殊耳熱更定得家郵老父身粗健妻孥病總瘳開
懷知痛飲聽雨亦忘愁來歲明朝是無心賦遠游

庚戌虔州元旦

曙景開正朔春膏沛九農江湖天浩蕩冠珮老蒙茸虎
拜同荒服嵩呼想御容小臣欣祝聖永夜聽朝鐘

其二

曉漏催殘臘晨暉動五更穠桃衝雨放江水逐春生土

俗殊方異鄉心徹夜清散衙官閣坐筇鼓滿山城

為鮑生子韶題其尊人竹里先生傳

一水宜高蹈中年遂拂衣幽宮渭川竹生事首山薇澗
畔聞琴曲花邊出釣磯載耆舊傳彷彿靚清徽

泰和縣復晤許明府堯文時攝縣事

忽爾經年別歸與萬里身憐君猶佐郡不自厭官貧縣
古餘青檜江深隱白蘋老懷驚代謝感逝益傷神時聞家雨考公

嬰之

曉起過吉安

一碧平無際孤城出遠岑早涼生野水初日散高禽衰

病中年得憂危百感深見聞歸冥漠端坐識天心

周大參伯衡見招同伯璣紫來陶雲成子梁汾花

洲雅集

東湖雪鴻堂宋
志剛之題所集

花洲邀客地池館芰荷平盡日壺觴樂終筵讌譔清晚
風搖細草殘照落江城緩步看遺碣能忘懷古情

蘇密卿
東湖別

紫碑正德時
事田汝好立

其二

不是良朋合難將笑口開暫辭塵事往應避俗人來水
淨親漁釣山清照酒杯孤亭延小艇隨意坐蒼苔

武英殿引見

增補詩存卷五 使臣類

大

建章宮柳弄春陽清旭輝輝碧瓦傍仙掌金盤浮湛露
昭華玉琯奏芝房分班駕鷺聽魚鑰當殿夔龍數雁行
素食遲回頭暗白十年東省愧含香

慈仁寺諸子餞別

慈仁寺裏海棠前攜手將迎是別筵隔院啼鶯虛縹緲
臨歧尊酒重纏綿青門祖帳辭朝路楊柳飛花送客天
忽唱驪歌聽不得醉中分手各風煙

將之虔州畿南道中偕奉使僚友

盧溝橋水綠生波垂柳垂楊接御河使者皇華爭道出
晴郊士女踏春歌鳴鞭馬度樓桑阪落日舡橫下瀨戈

膂力未衰天地闊王程迢遞敢蹉跎

趙堡口見王阮亭鐸上詩

平明渡口策征驂四月輕寒正早蠶廢縣城荒波渺渺
晴沙風細柳毵毵鶯花刺眼春無賴出處縈心老更慙
我正思鄉歸未得那堪聽唱憶江南

過薛城符使君毅齋邀飲境上

使者千旌出水濱雨餘芳草淨無塵正逢彈鋏歌魚地
賴有班荆置酒人此會十年如夢醒感君一飯見情真
離亭落日愁分袂獨馬蕭蕭西問津

薛為田文封邑故引彈鋏
事殷鑒名無玷矣強人

彭城懷古

增補詩存卷五 使臣類

本

孤城削立枕河流日夕風濤遠戍樓目送千山迴客騎
天開一面出徐州霸圖自昔襟吳楚水國何人辨馬牛
舞榭劒臺俱寂莫登臨無地可埋憂

臨淮馬上

笑倚銀鞍白鼻騮淮南景物漸堪誇輕鯨出水蒲根靜
飛燕迎風麥隴斜淺渚碧分雲外樹暗香紅結岬頭花
沉吟漫憶山居樂樓徑清歌聽採茶

浦口渡江

澄江浩渺綠無波渡口新妝照綺羅兩岬揚舠風乍正
萬山浮翠雨初過潮平戰艦明蒼兕草長龍洲卧橐駝

桂檝櫂歌渾不改芙蓉欲采奈愁何

渡江駐長干寺周櫟園前輩招飲秦淮水榭坐中

表揮菴太守歌者丁繼子皆七八十歲老人昔

所同游也

龍江煙雨動蘭橈執友馳書枉見招水榭陰連挑葉渡

歌喉低轉鳳凰簫到來親故清尊好垂老賓朋綠鬢凋

十六年前宦游地世情曰首愧鶴鷄櫟園名亮工時以少司農左演憲副

雨夜再飲櫟園署中

中山邸第再經過署為前代中山王府花下傳觴逸興多開徑客來

春盡老掃門人在疑俱暗清宵雨暗南州榻白苧愁翻

子夜歌酒罷殷勤論往事挑殘蘭燼共婆娑

長干浮圖

六朝古剎長干寺塔影嵯峨入殿門仙梵花深通曉曉

香林雲湧閣幢幡重重碧瓦青霄接耿耿金燈北斗昏

猶記少年登眺日蔣山春雨覆陵園

自采石抵鳩茲有懷江行諸友

犀浦沉沉稱甲郡謝公吟詠共迢遙青山遠映澄江岬

碧柳低垂白石橋出谷鶯聲晴自轉夾林花霧晝全消

諸君桂檝知無恙供奉祠前弄晚潮

廬山東林寺

東林古寺虎谿邊門外谿橋錦石圓三徑黃花陶令菊

一池碧玉謝公蓮鶯啼絕澗雲生樹葉落虛窓雨上泉

可便辭名解塵紱來從此地覓仙緣

建昌縣投米糞來明府蘇來名漢堂宛平人建昌令

蘭門才子跨雙鳬小邑鳴琴興未孤五柳閒披高士傳

三賢笑入虎谿圖渡頭黃鳥催行客郭外青山走郡符

暇日香鑪尋瀑布萬峰深入白雲扶

舟遇吉安獲晤許明府堯文許以錦級佐郎

楊柳青青上客船故人攜手動經年可憐薄宦誰前席

同在天涯半左遷謂楊九擇庶常毛卓人孝廉及許也郭外濤聲喧壘鼓城頭

落日淡疎烟金柑玉笋堪流滯暫謫非無雨露偏

曉過涼灘

涼颼振爽月侵衣湛露紛紛白未晞急澗噴流飛錦石

明霞澄綺散晴暉風吹暖浪張銀甲鳥弄初聲出翠微

飽涉波濤開笑口暫時搔首欲忘機

舟次儲潭孔郡伯置酒郊迎憶與孔別二十餘年

矣郡伯名與訓曲阜人

使君卓蓋出江城山館花深鼓角鳴握手相看驚老大

別來疎節魏交情參軍自昔輕戎馬海國當年托死生

此地逢迎渾似夢百壺敢惜酒杯傾順治丁亥之夏孔從王師來平我郡

至虔州

知是虔州好風景白波空翠寫衣裳千山亭障變荒路
萬里梯航賈客裝梅嶺開花通桂嶺貢江流水入章江
城陰鼓角淹清畫一樹高栢六月涼

人日小晴簡毛明府

毛重傳贛州
幕武進人

新年陰曠少追陪人日徐看曙色開遣興漫思彭澤酒
登高不盡鬱孤臺梅知送臘先春放雪爲催晴帶雨來
老去一官同曠達醉吟愁卧亦悠哉

立春後一日是上元節張燈使署漫詠

乍看綵仗分春宴遂有良宵入上元勝裏銀花明栢酒

堪齋詩存卷五 庚戌歲

重

尊前蓮燭映羅幡參差星月千門接曼衍魚龍百戲繁
淑景條風催客醉竟忘身世隔鄉園

雨夜諸子集醉吟室得歌字

良宵置酒復徵歌栢葉青青寫翠蛾婉轉明燈飛急雨
翩跹羅襪舞迴波娛賓自覺深更促取醉何愁百罰多
詩句未成歸未得諸君莫問夜如何

讀毛陳二子唱酬詩清辭令緒情深義給國風之

遺也

毛孝廉重傳時爲虔州
尉陳文學允衡南日人

誰式南州處士廬風流應不媿陳徐貧因結客猶懸榻
老荆微名好著書五嶺接天過雁少二毛垂領世情殊

爲舣僻陋嫌城市擬問東湖水竹居

東湖陳子伯
幾可卜築也

其二

隔江親故音塵斷近嶺煙花景物幽懷土有時同越鳥
忘機隨地狎沙鷗扁舟夜動山陰興落木秋深楚客愁
愧我爲郎長寂莫把君詩卷坐虛樓

其三

清秋那不憶鱸魚南浦懷人白露初感亂恨無千日酒
論交重見兩朝書
三子之先皆
被謫謫故云玄黃龍戰知非昔風雅鴻文
待起予同是思鄉誰更甚幾時投綬賦閒居

詠懷古跡四首

堪齋詩存卷五 庚戌歲

重

鬱孤臺

宣明樓外鬱孤臺石磴荒涼漲碧苔四望平岡連嶺路
中分二水抱城隈雨餘山鷓啼春草竹暗湘娥起暮哀
回首浮雲連北極幾人江上獨銜杯

八境樓

今名望
江樓

崔巍城北望江樓八境分明樓上頭頻外煙花通使節
閩南雲物暗清秋越裳馴雉青帆落橫浦戈船畫角愁
獨立蒼茫天地闊晚風漁笛起滄洲

廬外亭

孤亭如翼石巉巖東望連岡馬祖巖渺渺煙波滌鳥嶼

飛飛鶴鶴亂松杉林間月出聞清梵天際雲歸汲去帆
不向城中借煙火方知此地隔塵凡

空峒山

郭外東南第一峰攀巒度嶺出空峒雙江春水煙波上
萬堞山城倒影中列岫出雲疑作雨飛泉散雪欲凌空
共嫌險僻經過少藜杖登臨媿野翁

五月十六日舟下贛石郡守孔君偕諸將佐飲餞

儲潭

儲君古廟枕江濱載酒臨歧送遠人太守殷勤知結客
將軍歌舞善娛賓疎簾雨過涼生席玉笛風清調入神

自覺情多難遽別去留無計一露巾

其二

去歲津亭筵似綺今來江上酒如泉良朋聚散無多日
勝地追陪又一年翠玉樓前芳草歇鬱孤臺畔夜情偏
再期後會知何地風急帆開思黯然

南州獲晤周伯衡大參枉辱贈詩率爾賦答

人化

一自星霜辭魏闕幾年流滯在彭湖爭傳拙宦貧偏得
細讀新詩體更無海內弟兄思諫草天南涕淚出窮塗
鬢毛漸改知交少相對陶然二老夫

大孤山

彭蠡芳湖繞翠微大孤壁立到應稀湖光渺渺疑平岬
山氣蒼蒼欲拂衣遠浦風帆溢口樹孤村落日女兒磯
迴看五老青天外惟有白雲頭上飛

車中覽樵風集懷釜山却寄

芳草淮西路輜軒媿使星新詩披簡帙良友覲襟靈
向東甌度江從彭蠡潭前驅看負弩左席望揚舲短句
南金重長吟四座聽游踪殊慙落客况豈飄零聞爾歸
天馬我郡九一高齊寄傲冥冥開懷時縱飲揮塵亦譚經水竹
晴搖檻雲巒翠結屏松燈明夕館山月澹空亭官後顛

毛白人間老眼青何年謝塵轡同子醉花汀

花朝二十韵

吳苑吹簫客微官托水衡虛糜升斗祿婉孌市朝名忝
竊江湖使飄搖嶺嶠行跡同浮海至心與野鷗盟附郭
層樓出憑欄淑景清連岡依亂堞二瀆遠孤城蠻障殊
涼燠新年半雨晴澗花含霧落苔草覆階平帆轉重重
見雲來片片輕物華傷在并遲暮媿嗔不免窮途哭
那堪得食爭登高空有賦煮海竟無成玉屑炊香飯溪
毛薦錦羹拈詩呼酒伴叢藥泛茶鐺恥作妻孥計聊娛
醉飽情素絲垂短髯薄俗賤長生角勝千鍾少當歌百

感紫萊衣春日舞班扇月邊明何日青山隱還驅黃犢
耕西郊故廬在濯足聽鶯聲

題程嘉山人所募石丞雪霽圖卷時嘉已云亡語

羅篋庵太史必索子題之感賦二十韵

羅篋庵太史
以南昌人

勝事推前代風流王右丞楊昇宜避席張璪早師承夙
擅寒江趣尤於霽雪稱淡雲巖上宿危棧澗邊凭島曳
虛沙沒泉摧怪石崩喬松凝積翠蟠木抱枯藤冷色侵
疎竹溪聲咽斷冰人家通鳥道煙艇冒魚罾姑射仙應
近山陰興欲乘程生追絕藝古法繼高曾敏妙輕千祀
峯嵐峻百層會心時廢食深夜屢呼燈簡逸中年得精

地壽齋存主 使後稿

去

微晚歲矜善臨摩詰畫獨探輞川能茲卷誰堪竝斯堂
諒可升聞君辭茂苑長逝在毘陵撫軫思同調傳衣學
老僧雅知欽顧愷求不愧孫登五月南州棹炎天散鬱
蒸含悽題翰墨悲痛失良朋

虔州使還戲作八絕句贈歌者

儲潭廟前新漲浮採蓮歌裏送行舟前船風迅下灘急
後船何事漾花洲

其二

龍笛悠揚羯鼓悲南風作雨北風吹玉杯激盪無情甚
但向江頭送別離

其三

出羣高調遏雲霄王四羅裙繞細腰今日旗亭聽不盡
相思期在廣陵橋

其四

錢郎音節更淒清愁向筵前唱渭城玉笛蕭條金管咽
梅花落盡靜無聲

錢郎未
得度曲

其五

賈家舞袖郝家歌盡日山城鬪綺羅老去襟情偏浩蕩
將軍臺榭飽經過

其六

翠黛明眸撥四絲應將雙鐸比紅兒曼聲鳳尾槽邊出
此曲流傳是段師

其七

醉吟室裏消長夜冷月當筵入四更猶記多情賢府主
笑題小字號連城

其八

婉轉歌喉別樣妝心知誤曲顧周郎只今花落江南路
絕調何人識擅長

采石磯

翰林祠館俯崇磯畫棟虛明出翠微借問青山誰得共

眼中惟有謝玄暉

其二

蛾眉亭上曉雲輕入望風帆百里明猶記少年登眺處
碧天晴宇候潮生

其三

江山盡日畫屏開磯下濤聲曉夜哀萬壑松風殘照裏
却飛空翠入船來

其四

犀浦城邊白日昏梁山飛雨急傾盆江頭潮落如歸客
不到天門到海門

堪齋詩存卷五

七夕抵白門周雪客遠過江干說樸園近事即日

東下得二絕句

雪客名在俊樸園長公

東冶亭邊東去路白頭浪裏白門城莫嫌相見輕相別
對此風波欲早行

其二

已知謝客因多病每到思君輒斷魂江上緘書傳令子
秋宵無語對天孫

元孫光裕校字

堪齋詩存卷五

堪齋詩存卷六

華亭顧大申見山氏著

曾孫思孝編輯

素琴後稿

字子葵丑除服後詩二十首

江之水十二章

頌慕公也方伯慕公有美政吳人樂其德而稱願之
也

江之水其流湯湯我觀之子衮衣有章天子命我保彼
南疆

其二

江之水其流浩浩我觀之子鼓鍾載考天子有命南疆

堪齋詩存卷六

是保

其三

江之水經彼吳城我觀之子昧旦夙興天子有命南疆
是營

其四

相彼東吳其域揚州士也爽德盤于嬉游饗殽勿豫笙
歌是求

其五

先王疆理什一而取惟我有吳什征其五疇為屬階俾
民荼苦

其六

天之降割爲魑爲魚舍我穡事蕩析廬居曾是弗恤大命以渝

其七

五湖之濱其人輕心比彼蠹賊式教式淫勿耒耜是勤而矯虔以箴

其八

我公之來決雲蒸雨爰賑爰蠲寧我屋宇爾有流亡爰得其所

其九

聿彼鴟鵂載飛載鳴心之未革惟哀斯矜先民有言如得其情

其十

具區奧衍爲百谷王吐納滄海灌輸三江公纘禹績實嘉賴我有邦

其十一

我有良苗公也膏之我有婦子公也勞之夙夜以思惟昔之日不如茲

其十二

小人鼓缶君子拜手介我朋酒躋公之堂瞻公悅康眉

壽無疆

壬子元旦

晨興聽零雨端坐念有役歲功亦已周元運似無息時禽噪幽篁階梅吐素的靜觀悉動理袖新換陳迹置我處倚廬星霜已再易慨往旣不居殷然恫疇昔和風披悴顏濃膏灑春陌清笳起闌都柏酒漫盈側塊然負覆載茫昧天地力我衷遇集蓼廢書竟何益

王侍御歌爲農山六十賦

王侍御顏如童眸如水數莖銀髭拂犀齒憶昔與君角藝時三十未有二十餘一雙黃間落秋隼千人舍矢皆

不如後先射策蓬萊殿宮柳宮花醉春宴東省同騎玉面騶早朝共聽龍樓箭曾陪召對出長楊至尊歎賞除夕郎中間浮沉不可問九關如山白日長漢廷積薪動難紀斗間劍氣分飛始君行左輔躍青驄我向宣房歌瓠子十年湖海隨飄蓬進退出處時不同倚嗟歲月不我與與君相對皆成翁翁豈無心謝圭組燭天有石知難補坐中上客列應徐階下佳兒盡龍虎歸來不慕好時田投閒不給歌兒錢翁如世上無所求世人羨翁如列仙我過五十君六十促膝垂簾論經術自笑虛生堯舜時憐君未接臯夔席我聞顏駟皓首郎署行中生八

十蒲輪迎此曹那愁鬢暮豈能於世終忘情孰如我
翁不殆亦不辱壯歲抽簪志便足三尺金鱗陸瑁魚千
竿碧玉王猷竹老夫自顧無取材阿翁讓我惟銜杯若
能更進一大斗翁亦於我何有哉華堂賓介如雲至諸
君吹笙我揚鞭翁雖不飲且強飲今日筵前須盡醉

董尚書畫卷歌贈朱子雪田

嗚呼張曹顧陸不可攀東吳繪事推雲間三百年中論
風雅隆萬之際多作者我家亭林中節名與秋水吳淞濁
世翩翩兩公子臨摹欲駕黃大癡中郎亦貴何神似同
時宋旭志高潔雖非晉產亦擅絕避地時通谷水船移

樓齋詩存卷六

清康熙

四

家擬載駕湖月漢陽太守孫雲常好雲山縱橫不數大米
顛蘭亭金谷咸賓佐珠履雜還原嘗聞寸縑尺楮爭傳
出絕藝驚人衆工失貪買丹鉛不計錢一山一水寧論
日尚書董文敏雅得鍾王真畫通書理空前人下筆森瘦
秀徹骨吳振趙左振字竹嶼左字文皆遂巡左之澹逸得天
趣振也瀟灑工枯樹董公墨妙天下傳潤飾時資兩君
助一時氣韻皆尊元荆關董巨無兒孫却憐世上多耳
食此事難與常人論文敏亡幾四十載時移物換風流
改碌碌甘為屠狗驅栖栖莫救黔婁餒畫師接踵人不
同宿瘤嫫母矜姿容循聲逐影槩聾聵末俗那得知真

樓齋詩存卷六

清康熙

五

龍僕也蕭條好泉石興酣潑墨不自惜邇來頗許朱雪
田苦心書畫皆工力爾家先人慕長年尚書亦授錢鏗
傳傳心盡合參同契促膝半寫黃庭篇以茲密證忘昏
曙好手初呈憑割據彩筆還同江今留丹雘不逐劉安
去誰道生兒翰墨精臨池走筆多崢嶸清波門外老屋
裏四壁絢爛藏丹青韓生韓字陸老陸字恒攜杖展玩紛然
各惆悵各惜時虞勢家夸知我無心屢相餉況此短卷
與衆殊庚庚秀削同璫璵南宮北苑應避席始知名下
真無虛吁嗟乎雪田爾之能事已如彼我有新詩泣神
鬼古人代積如山丘前賢往往畏後起何不將取董公
之畫換酒來與爾沉醉臨高臺我力粗健君未老廣武
之歎奚有哉

武林喜晤劉石芝學使

憶昔星槎賦壯游濟西三面共汶流花深許醉任城酒
日落期登李白樓早歲宦情同失馬年來郎署半依劉
看君衣繡掄才地竹箭東南十一州

贈嵇淑子郡守

去年蕭寺逢君日風亂芙蓉散綺羅揮塵玄譚霏玉屑
當牕山色寫青蛾經秋一水愁難寄隔歲相思驕欲蟠
重對淮南老中散錦塘十里送煙波

贈家子猷拙逸堂詩

拙逸堂中老鵲冠清風涇上一廬安久輕魏闕棲珠樹
欲拂珊瑚掛釣竿釀秫漫傾彭澤酒披裘不數子陵灘
素絲被領迷歸計邱壑無緣媿二難

邗江獲晤許鶴沙觀察時自滇中歸余即日北轅
游子蕭蕭班馬鳴使君疊鼓曉潮平乍來關上方攜手
忽漫江頭欲送行帆轉白波春雨歇晴薰細草夕陽明
今朝客裏同岐路明日天涯各去程

同年施侍御硯山五十却寄

年年逢此日車馬動城闐玉液分仙醴金盤出舞人蛾

堪齋詩存卷六

六

眉揚北戶雁柱促西秦博縱歡場合銜杯笑口新天河
橫碧漢宵露隊青旻相顧朱顏在翻嫌漏水頻棲華皆
愛客鳳子解留賓荏苒逾彊仕星霜又十旬江潭吾躑
躑柱下爾逡巡欲塞蒼生望難寬致主身清秋卿月迴
珥筆侍臣親直待辭黃閣同來采紫萸

元孫光裕校字

堪齋詩存卷六

堪齋詩存卷七

華亭顧大申見山氏著

曾孫思孝編輯

燕京唱和後集

卷五詩四十六首

丹山有鳥美沈子繹堂五十而作也其辭給其旨
夸足以被風詩而嗣雅南矣十章章八句

丹山有鳥其鳴鏘鏘飲啄玄圃苞采輝皇世所希觀今
儀朝陽德音孔嘉為世壽昌

其二

哦哦爵弁釋褐天廟紆組承明拖紱華要 帝曰汝能
外臺是調戮力中州坐資清嘯

其三

有風自南閭闔洞開穆穆我 皇清殿徘徊按羅俊彥
謨明弼諧聰聰逮下謂子也材

其四

出為邦伯言歸禁林弄彼柔翰懷我令音百僚式喜皇
心載欽何以錫之大裘南金

其五

南金維何浙水之湄烝我髦士振鷺為儀洪爐受範小
大咸熙拜於天府勿濫勿遺

其六

朱明嘉令荷風扇暑秩秩龍舟煌煌樽俎錫爵芳流獻
酬清渚陶景寫心倡子和汝

其七

王有圭璧子也相之 列祖之懿子也章之寵宴容臺
贊唱虎祈 王假有廟被福不辭

其八

彼姝者子婉孌肅靜若猗蘭動如凱風英華外吐德
微在中華館清珮 顧問從容

其九

人亦有言五十曰艾服政於官禮經所載景之卿之維

道斯泰輔之黻之維 帝斯賚

其十

爾攸好德流譽在人鳴謙勿替受祿能分兄弟式燕婚
姻孔殷歌以宣豫酒行再巡

題自作松亭圖

美人把臂茆亭宿白晝長吟默芝曲疎松拂岬龍吼雲
急澗奔流雷轉轂霜柯如削草如煙窈窕蛾眉寫翠鈿
曲罷捲簾波澹澹却疑身在鏡湖邊

題研山侍御畫像冊子歌

憶昔待詔蓬萊宮赫如海日扶桑東早歲釋褐事明主

長虹急電流心胸出羣昂藏君不同顏如渥赭軀如龍
意氣落落千夫雄大言驚衆聲洪鐘君張阜蓋星湖中
余亦握節辭無終乘時際會逞身手十年萬事如轉蓬
男兒雅欲勲名建赤管銀章誰不願如君應置日月旁
一見親承至尊羨衆人巧合思致身逢迎不顧蒼生便
有時痛哭沽直聲紛紛龍血玄黃戰君之語默羞雷同
出言中竅凌時彥蘭臺閉閣日書思鐵柱橫冠獨當殿
秦吏聞風避繡衣解鹽出水迎霜面世情趨競各自營
君也不爭亦不矜行年五十致卿寺同時儕輩皆晨星
雖然五十雙鬢青園目廣額身亭亭仰天一笑星瓦裂
片字落楮黃河清我展此圖氣蕭爽怒峽蒼松各爭響
沉思把卷倚石牀鶴影茶聲自來往與君伯仲吹壘篴
俯視哀顏判天壤豈惟運命有短長體貌旺衰亦難強
我欲還山採石華看君寫狀雲臺上

金臺行送梁藥亭孝廉歸南海

吁嗟乎悲風蕭條一千里太行九別燕山起龜峨高揭
黃金臺百尺遙遙照易水行人下馬問道傍誰其築之
燕昭王昔人豪俠勝今人不重黃金抵重身昭王輕金
能愛士名士歸者多如雲坐收齊城七十二六王華屋
空紛紛終然國破臺傾壯士死今人猶拜昭王墳海南

梁生抱負奇意氣豈羨長安兒騶馬懷寶來頻外上書
不遇將何爲日卧蕭寺形支離頭枕海月珊瑚枝耳獸
伐鼓吹參差有時長嘯激清響萬言落紙無停思歎如
龍伯載寶列海市光怪滅沒爭蔽虧幻如蓬萊列仙戲
洲島金枝恍惚揚翠旗突如大梁樵父斲汲冢斷蝕篆
籀荒文辭勃如九天砮礮擊雷鼓玉女大笑列缺垂來
如廣陵濤雪山峨峨鰲負之去如渥洼馬流星飛兔靡
窮期我時衝暑排闥入岬憤論文移白日忽然投我一
卷詩展誦沉吟若相失今人苟得誇致身如君守困嗟
何及才大應爲俗眼欺俸游那不窮塗泣我本東吳牢

《堪輿集》卷七

《詩集》卷七

四

落子欲爲時用今已矣梁生呼我稷禹才自顧難逢世
人喜出門騎馬黃塵中入門踏脚層冰裏吹蕭屠狗不
可見但見簾金走都市高賢磊落遭坎軻大雅翻爲末
俗鄙吁嗟乎梁生爾空負此骯髒抑鬱之奇才今之昭
王安在哉勸爾掉頭歸去來驅車莫上黃金臺

送同年程周量出守桂林詩

并序

顧子與程子爲同年生二十餘年同官尚書郎顧子
久不調今年夏程子以職方正郎出爲桂林太守顧
子送之語程子曰程子賢乎哉西粵於古爲荒服阻
山帶江谿峒盤互漢以前職方氏所不隸今且列在

南藩祠春秋張郡縣租賦之所入兵甲之所控條分
而緯析之若襟帶焉桂林於頻西稱省會聲靈百倍
邊徼丈夫以曹郎奉天子命出宰壯郡揚旂驂駟
南面而聽政二州七縣之官吏士庶肅號令惟恐後
嗟乎程生豈有所不足於中與古之成大名顯當世
者其中必有所自致而後求致於人高才能文章知
樹立不朽於天地我所得而自致者也道立而名不
章德日加進而爵位不顯我所不得而自致者也我
所不得而致者人或得而致之我所得而致者人又
不能致也其得失輕重亦已審矣又何言哉又何言

《堪輿集》卷七

《詩集》卷七

五

哉使子試南宮第一時廷對稱上旨安得不留禁
近積資二十年安得不躋九列即陳力效忠於庶司
執事間亦可以結主上之知膺不次之擢而子非牽
於資不得進即限於年不得留一切快意可喜之事
至於子而翻然多所變更嗟夫嗟夫子即不言世必
有爲子惜之者若僕者又何言哉子爲舍人時僕已
官水部郎五六年矣前後去處者奚翅數十輩資深
於他人而僕轉移獨後於子之行未嘗不內顧歎歎
惘惘若有所失也子行矣太守於官爲民牧宣劑調
燮不難自行其志郡介頻外事簡得以著書傳後世

天地之大九州之廣一日之間榮枯利鈍千百萬變
其可致者我得而致之不可致者何庸心焉僕知自
勉且以勉程子也因贈以詩曰

桂林古稱百粵疆翼軫燦燦南斗邦頌勢崕嶸參差長
龍蟠蜿蜒鵬翅張桂江活活流湘江帶礪百雉雄金湯
檳榔插雲青桂香孔翠煜曄搖金光其下乃是太守堂
太守未來民徬徨太守既至才且良芝爲蓋猗雲爲裳
吹蘭播蕙揚芬芳春郊五馬催耕桑男痔錢鋪女斧斨
瘴雨不腥山木蒼鯨鍾鼉鼓聲鏗鏘蠻女華髮環珞妝
扶老襁幼稱兒觴太守顧之心樂康酌酒一觴詩一章
太守之詩如柏梁胡不黼黻日月旁嗚呼會須黼黻日
月旁

自作山水障子送范觀公中丞總制八閩

送君不勸琥珀鍾送君不報綠沉弓不韞門前紫駟馬
不琢刀盤白玉龍我有生綃長六尺斑管淋漓寫泉石
狀君高致如松雲窈窕扶蘇流翠壁松雲翠壁自逶迤
銀闕璇臺入望迷帝女玉笙聲遠近仙人鼇背路參差
昨君開府東西浙十郡風清霜皎潔今來躍馬度錢塘
浙人揮涕閩人悅閩天蒼蒼閩海黃樓臺島渚近扶桑
蛟宮隱現三山接劒浦依稀五嶺長南藩列邵明朱戟

組甲秋空線光白控馭雖崇異姓王撫綏專領中丞力
即今瘴氣日蕭條萬竈煙花靜海潮都護錦衣歸玉帳

水軍犀甲罷龍韜君行休養兼調劑荆棘猶生戎馬地
赤子飄搖虎豹羣戰場明滅金銀氣黃巾綠幘自年年
解甲今屯隴上田本以桑麻消反側詎依山海弄戈鋌
丹梯碧嶂東南險天子宵衣念分陝麟閣雲臺舊有
聲建牙持斧今無忝通籍師門二十秋襟期落落任虛
舟每從載酒過槐里曾共鳴珂出鳳樓愧我一官輕白
首弱質先彫類蒲柳彈冠漫憶龍蛇年執戟堪憐牛馬
走離情別緒寄煙霞望裏丹楓映白沙送遠魂難將芍
藥贈君聊當折疏麻

夏日郭快菴園亭雅集

翰林留客處亭館擅清幽列席明如綺迎颺爽似秋疎
星流月榭芳樹繞雲樓相對渾忘暑心疑到十洲

其二

琅玕清筍簟飛翠落庭中乍覺城頭暗旋看雨脚空殷
雷徐出月涼葉靜吟風把琰拔襟坐紗厨夜燭紅

松壑圖奉呈高陽李相國詩以志別

幽磴宜扶杖平橋一水長雲開青嶂豁露滴翠微涼澗
石恒喧闕松琴合靜張從來棲魏闕坻壑道難忘

其二

握節慙何補，銜恩向鳳林。秦亭愁馬度，隴坂怯雲深。流
落時人眼，遲回夫子心。尚希太陽照，流景入窮陰。

小集

應律纔知暑氣通，碧天新爽動涼風。清時樽酒荒三伏，
金馬追隨盡數公。梧葉報秋飛雨後，明河浮練坐宵中。
興來爛熳拚先醉，翻覺衰頰助酒紅。

得補後兒子勉之南歸寄訊親友

荷鋤谷口賦閒居，散誕惟知有著書。時與願違儒術謬，

《增補詩集卷七》

九

老隨年至世情疎，重來東省慚微祿。悔別西山憶敞廬，
予卜居西余有西華草堂爾去好扶松桂在，早歸猶及狎樵漁。

其二

行矣關河慎所之，一麾將出我何辭。到來百日同留滯，
欲去多端畏別離。上馬好隨賓雁往，還家方及菊花期。
漢庭薄宦誰偏拙，白首為郎意未遲。

其三

鄉里衣冠好在無，此身那敢問榮枯。時清漫畜三年艾，
老去空存五石瓠。未有凌雲逢狗監，獨憐操瑟遇齊竽。
經過燕市悲歌地，却憶高陽舊酒徒。

奉陪馮相國亦園散步賦題萬柳堂二首時新堂

乍築結構未成子，將有隴西之行故先成詩

謝公池館傍東城，萬柳新堂手自營。是處峰巒迴望合，
到來心目豁然清。簷前平楚依依接，天外秋雲淡淡輕。
佇看春膏徧芳甸，重來此地聽啼鶯。

其二

得陪杖屨暫經過，斟酌名園勝賞多。欲築長廊環碧澗，
待開朱閣俯青娥。崇臺便挹西山爽，春雨應連太液波。
愧我秦雲催去馬，幾時仙徑共煙蘿。

送徐健菴太史歸省和李將軍園亭韵并柬立齋

《增補詩集卷七》

九

果亭僕性不喜作和韵詩，和輒不佳。今勉賦四
章，以太史善賞予詩，且良友遠別，不惜其詞之
費也。

蘭宮蕙圃振清飈，總轡扶桑詎得辭宴罷。御題西苑
出，賜來仗馬玉階騎。天人奏對誇三策，兄弟才名咸
一時。莫賦南陵戀慈舍，歸朝應有柏梁詩。

其二

鳳城佳氣淡寒飈，御柳含霜葉未辭。載酒數從玄閣飲，
舉鞭倒向習池騎。衣冠高會成嘉話，卿相憐才識盛時。
但有應徐修往事，不須重詠鄴中詩。
詩韵始自李西涯相國賀
菊詩王元美同冠進和次

快此首真指其
事以美健筆

其三

西嶺蕭蕭起暮颺北堂省覲去何辭千山木落秋將盡
獨馬霜深曉自騎諸季總能承顧問君才豈合老
清時吳雲隴水天涯闊塞鴈歸來一寄詩

其四

千家砧杵動秋颺前席恩深敢遽辭爾去吳江楓乍冷
我行沙苑馬堪騎時余將有
龍西之役身懷直道容明主健筆以達
時誌誤
上直之而
少抑焉老向窮邊異壯時僕自傷感
非其所此別便應輕萬里河
梁攜手不成詩

建康詩存卷七

蘇東坡詩集

十

送廖子樾千南還

青春游太學白日扁珠林欲住無長策言歸愜素心驚
啼芳樹靜雨過碧潭深把酒燕臺月歌驪上谷岑鵬飛
知六息駿價自千金督亢孤亭直雍奴水氣陰還鄉真
浩蕩戀棧總浮沉習俗輕高潔投閒縱苦吟思家因送
遠回首一霑襟

送同年程周量出守桂林十首

畫省追陪十五年留君無計惜離筵西山雨後飛空翠
班馬蕭蕭劇可憐

其二

嶺外遙知太守尊尊前無語欲銷魂君行銅柱青天外
我醉愁過宣武門

其三

洞庭帆轉入雲中一線湘流五嶺通水過巴陵天地闊
封書那寄北來鴻

其四

憐余頭白尚雞棲君去扁舟泝武溪相對各愁歸未得
不須重聽鷓鴣啼

其五

長卿詞賦擅凌雲領袖南宮早出羣四百人中半零落

建康詩存卷七

蘇東坡詩集

士

同年幾輩得如君

其六

高巖聳翠七星間郡列雄藩控百蠻畫閣捲簾收瘴雨
朱櫓夾道對青山

其七

天府持籌國計親雲中握節動殊倫炎洲瘴海知名久
負弩來看第一人

其八

河流如帶草如絲戀闕情深馬去遲一曲驪歌聽不得
蘆溝橋上送行時

其九

送君燕市酒頻酣
婉轉青絲掛玉壺
荔子熟時解魏闕
刺桐花老過蒼梧

其十

十重青綺束瑤琴
八幅蒲帆湘水深
好向湘靈動幽操
人間那得有知音

題畫送梁藥亭下第歸粵

雲木蒼蒼少四鄰
橫江煙雨一孤身
君行倘過荆山路
應笑當年抱玉人

其二

萬里歸舟無可攜
片帆落落草萋萋
載得郎官詩一首
彭湖波闊嶺雲低

送張梅岩孝廉南還

水蒨花放乍驚秋
於立秋後一日南發
夜雨平添太液流
宣武門西秋色裏
看君獨上紫驄驄

其二

督亢陂前鴈未飛
歸家應及授寒衣
涼生谷水蓴絲滑
一尺鱸魚秋正肥

其三

揚子橋邊濤似雪
生公臺上月如霜
吹簫擊鼓江南路

風景終須勝異鄉

其四

鳳舸龍舟宴碧澄
侍臣詞賦競爭能
君歸人間橫汾樂
為說相如在茂陵
六月九日上賜
近臣宴於溫堂

元孫光裕校字

堪齋詩存卷七

堪齋詩存卷七

主

堪齋詩存卷八

華亭顧大申見山氏著

曾孫思孝編輯

度隴集

癸丑詩三十七首

隴西行留別同志

有序

癸丑十月大申將有隴西之役同志諸君子謀為詩文以寵其行自維淹頓郎署二十餘載匏繫落老至無成昨者之來冀遂初志受命未浹旬即除西徼邊地荒涼無所取裁犬馬寸誠尚思鞭策而縱之閒散畢其草木之年良可哀也昔者潘岳除令乃賦西征杜甫懷忠秦州有作一以依附失所抱疚之官

堪齋詩存卷八

上

一以生遭亂離飄搖旅食雖賢倖殊途而節鬱不聊同於失志其趨一也僕生當明盛之朝身事右文之主上不能發揚文章趨走承明之廬拾遺補闕下不能竭其股肱之力推誠潔志隨地效勤既鮮子文之忠乃三已而猶仕慙無柳下之直雖未黜而長辭命之不辰敢有尤也因撰隴西行一篇以別同人而答贈者古之君子將有求于人也必先自見其志國僑賦詩而趙孟受隰桑之卒章僕亦猶行古之志也

坐客莫舉觴聽我隴西行隴西在何所乃在岷山陽

塞西未極黃雲日蒼茫孤城列窮徼洮水連河湟亭障

走萬里四時威雪霜席豹伺道周草木為不長問君何

為往奉命臨諸羌屯戍非所任將校畫有疆三州十

四城守令遙相望各各部其民臂指不相當我行佩符

璽顧影生悲涼南鳥依朔風斂翮私迴翔何以塞負乘

報稱良無方憶我初牽絲志氣自騰驤躬逢堯舜朝

素食尚書郎駸駸不一所所至食不遑饑征瞻關市版

築周宣防三握龍席節四考推才良再廢黎莪詠歲月

疲津梁執戟誠已困量移庶有卿忝竊登啟事監竄羌

漢邦驚馬望鞭策鼓鼙傾囑囑遠念隴頭水嗚咽摧肝

腸百爾眾君子鳴玉佐嚴廊念我陟秦阪攬辭托圭璋

感激泣路歧銜恩愧難償播此寒蟲響永言志不忘

故關

盡日常山道雄關此鬱盤萬山爭一險絕壁鳥飛難馬

度黃雲合旗翻白日寒論兵空有地誰得更登壇

出平定州

忽爾危關豁羣然眾頻低山連雁門外地出井陘西亂

石淹人跡層冰怯馬蹄相逢故鄉客燈下手重攜

今君故云

吳泰號

壽陽曉行

已默崎嶇苦今朝路始平清笳催驛騎殘月照山城木
落增邊色天高斷雁聲不因桑落酒那動并州情詩句以吳介筆
太守故迂道入晉陽

行館

晉陽獲晤吳介菴表若遺兩太守是夕若遺招飲
下馬揖親故誰知在異鄉濃情歡遠客急景惜斜陽欸
語燈前續離思醉後忘歸鞍疑倒載階月白如霜

介山

塵飛晝冥冥馬首見紅亭節序亦已晚冰霜喜未經夕

不勝惜別之懷

主

陽凝暮紫隴麥吐寒青自歎征軺裏勞勞短鬢星

靈石道中有感

不信汾西路峰巒蔽遠天危關當鳥道亂澗咽山泉四
壯誰堪老長征我獨賢有懷緘未吐心魂石能言靈石取石曰于

晉也在縣東門子城內

西嶽廟登萬壽閣

銀榜連青漢丹梯白帝宮百王崇廟祀一氣與天通河
色流窓外峰陰落殿中具官陪九牧翹首望西封

自雲臺觀至安羅坪以暮不得上

蓮峰高不極百里見縱橫青嶂開三輔丹崖鑿五丁接

天垂鐵鎖絕壁隱朱甍聞有餐霞士雲房弄玉笙

華州曉行

山城霜色侵行行庭華陰曉雲開少嶽清旭散平林身
世悲多故風塵閱此心何如養真者抱犢隱青岑華州為大華山

陰為少華遇者罕登

白傅故里

風流白傅里傳在紫蘭村夕陂晴入望渭水曲當門樹
老含霜色原長帶燒痕不知醉吟處階草惜芳蓀

渭南臘月朔

忽忽半年事遙遙萬里行鶯花辭茂苑冰雪薄秦城老

不勝惜別之懷

被微名縛身同一葉輕今朝下邳路清渭若為情

小隴山

誰名為小隴斗絕已難攀似蚓縈修坂如圭列萬山傍
徨遲駟馬登涉損朱顏那更冰兼雪征軺出此間

秦州

出郭臨清渭浮橋跨遠岑山煙凝積雪水碓響空林土
俗秦風變人家板屋深永言懷杜老馬首重沉吟

入岷山境

岷州何處是策馬上山椒地闕人煙迴林深虎跡驕層
冰堅隴水落日亂寒燒松柏石開路愁魂黯自消

始發良鄉

上馬頻傾惜別杯，薊門西去亦悠哉。
地隨晉穴依山盡，河控桑乾入塞來。
老去尚能持漢節，時清應不重邊才。
冰霜漸逼君門遠，東望長安首重回。

保定獲晤丁景行董子丹話舊丁為同年生董昔

共事京兆

淳沲落日靜寒颼，同籍同曹聚一時。
早歲春官陪躍馬，十年京兆憶牽絲。
薊門驛路冰方合，羌笛關山老自吹。
共惜流光催過客，那堪別酒更臨歧。

長至同山右兩司省堂釐祝

李

李

聽徹疎鐘曉月橫，朝天燈火動嚴城。
光搖玉珮山呼肅，樂奏簫韶永夜清。
九有共知尊象魏，小臣豈是厭承明。
遙知閭閻陽和轉，拜手能忘戀闕情。

平陽郡同人小集

姑射山前衆傳過，北風催雁度汾河。
黃堂治蹟表絲少，白首交情顧愷多。
地主張筵邀使客，并兒吹笛奏吳歌。
明朝酒醒應相憶，無奈他鄉送客何。

蒲州渡河

千里間關策馬來，地圖三晉自崔嵬。
路盤雷首黃河出，雲散中條華岳開。
水氣若浮天欲接，梯林不斷雁飛迴。

我行欲撰西征賦，自愧曾無洛下才。

扶風縣

扶風甲第昔連雲，此日空餘班馬墳。
作賦蘭臺推令史，策勲銅柱憶將軍。
山連鄠杜終南見，流繞岐陽漆水分。
草白塵黃天欲接，道傍車馬日紛紛。

望太白山

太白嵯峨雲作梯，武功相峙與天齊。
望中翡翠羣峰合，象外鴻濛衆壑低。
南向釐亭流灕灕，東瞻馬冢草淒淒。
茂陵枉自求方術，松柏蕭條渭水西。

至隴西見郡邑諸長史

李

六

急管悲笳不可聞，風高雁影日紛紛。
射麋馬首頻東道，負弩邊陲識使君。
隴水極天開紫渭，橋歸獵起黃雲。
金城并候連年靜，西去何人更策勲。

至日同平遠雪田兒子輔之經晉藩故宮入崇善

寺觀吳道子遺蹟

應律飛葭瑤呼嵩，散舞筵招攜汾水曲。
緩步故宮前，駕瓦歌銀榜交牕落。
鈿蟬淒涼餘複道，慘淡列戎旂帶礪。
空垂誓滄桑不記年，外朝通左掖。
淨域奉金仙，廣殿雕梁合崇堦。
白玉聯丹雘，千尺動翠柏。
十圍圓斗拱飛仙，女旃檀布甲煎廊。
虛舍窈窕閣立隱迴，旋繡蝕盤螭碣。

華敷藻井蓮危欄百獸舞芳牖五銖懸畫手推唐代良
工數道玄墨花開寶鏡素幅寫諸天鸚鵡水流雪琅玕
葉覆煙飄飄生氣得冉冉瑞光傳有志凌時輩無師放
後賢雲初沿顧愷絕藝並張顛嘆賞依雙樹沉吟失四
禪宗衆誰復振禾黍更堪憐國破悲龍種城空泣杜鵑
歸鞍愁日暮憑弔夕陽邊

度隴山

遲回上隴阪迢遞失秦川雲木蒼蒼合山泉處處喧層
冰咽虛澗寒篠俯修阡頻斷愁猿引槎橫礙馬旋秀屏
含窈窕穹石冒漪漣柏偃寒逾翠藤枯老自纏架橋當

七

七

險窄逼棧益顛連斑駁侵煙蘚支離嘯樹驚路盤千嶂
出頂豁四天圓旅客多霑臆居人少爇煙思鄉腸欲折
吹笛調堪憐辛苦懷班筆風霜策祖鞭驛亭通玉壘烽
火接居延握節無奇略臨邊已暮年由來四牡道從事
獨能賢

十月二十五日同郡諸子出餞慈仁寺

宣武門西車馬橫慈仁寺裏酒盃傾生憎松樹無情甚
歲歲年年送客行

其二

丈夫五十始行邊已是蹉跎二十年勲名未樹頭先白

當路誰人不可憐

其三

郭子歌驪不忍聞沈生攜手惜離羣到時若奏梅花曲
隴水洮雲倍憶君

其四

欲留無計暫徘徊盡日尊前酒一杯別酒一杯詩一首
可知卿相亦憐才

咸京懷古八首

潼關

桃林古塞控雍州落日旌旗繞戍樓即看雪色千峰白

不盡河冰萬里流

驪山

西京官館已飛灰烽火驪山尚有臺盡日孤城臨繡嶺
蕭蕭松柏使人哀

溫泉

琉璃爲檻玉爲溝水暖芳塘靜不流浴罷華清人寂寂
却將遺恨問牽牛

新豐

此地依稀似帝鄉水光山色接咸陽行人解識杉榆社
雞犬曾從漢上皇

灞橋

祖帳都亭悵別筵灞橋折柳自年年共憎別恨因楊柳
今日蕭條更可憐

咸陽

六國並墟冢社空咸陽橋外起離宮蛾眉絨恨憑誰寄
渭水無情日向東

茂陵

白頭吟罷茂陵居死去猶傳封禪書衛霍功成金屋冷
武皇那不憶相如

馬嵬坡

黃麓山前壯士歸馬嵬掩袂葬真妃上皇歛恨歸南內
欲奏霓裳淚滿衣

元孫光裕校字

堪齋詩存卷八

思孝童稚時侍吾祖正字公側見所藏先曾王父水部

公詩文稿口雖不能成誦心竊敬護之又吾祖嘗言水

部公與同郡直方宗公農山王公釜山周公以文章道

義相摩切東南風雅共推水部公為領袖每脫一稿遠

近流傳今遺集具在非鐫板無以垂世小子銘之於心

不敢忘所慙先子早世先祖捐館後思孝僅十餘歲孱

弱孤苦日不暇給歷今三十年學殖荒落不克表揚先

業自循歲月至於零落散佚則負疚何極因取所

藏未刻詩重為校訂付之梨棗水部公向有鶴巢集行

世迄已亥歲而止是集所編燕京唱和及泗亭諸詩皆

仍鶴巢之舊而手自刪訂名曰詩存亦承水部公之舊

也時

雍正七年歲次己酉十一月下浣曾孫思孝謹識

堪齋詩存八卷

江蘇周厚
增家藏本

國朝顧大申撰大申字震雉一字見山華亭人順治
壬辰進士官至工部郎中大申初與同郡王廣心
周茂源朱徵輿諸人唱和後又與施閏章相酬荅
所作有鶴巢集有燕京倡和及泗亭諸集後自刪
併爲此集故曰詩存陳伯璣撰國雅集稱其樂府
於古人可謂毫髮無遺憾七律高華可追王李今
觀其集大抵襲明七子之餘風可追王李庶乎近
之至於樂府則談何容易也

學源堂文集十九卷詩集十

卷

〔清〕郭棻撰

北京圖書館藏清康熙刻本

附《四庫全書總目·學源堂文

集十八卷》提要

郭宮詹快圃文集敘

長公言退之文起八代之衰夫
晉魏以下非無文人才士而時
非長治人之奔走於衣食變遷
者不能專心致力於文章間有
出其天資奮發爲文則又雕琢
爭妍自媚於世遂成一種風氣
退之謂其言雜亂而無章非虛
語也若退之之文謂其能駕秦
漢以復古則未也實能專心致
力一洗其舊而新是圖振八代
頹靡之習以爲後世文章之宗

宋之歐陽子學焉而未勁蘇氏父子學焉而未醇其他著書之士數十家皆不得以文章名世夫升堂者必由戶探源者必沂流退之之文水之流室之戶也秦漢而下欲文章近古而不宗退之是猶閉其戶而塞其流吾未見其有獲也明幾三百年著書者何啻數百家世稱東陽龔州荆川鹿門輩其最著也今其文具在與退之何如也明所重在制藝而聰明才知之士盡驅

而之制藝之文未遇者不敢爲古文獲雋者又不暇爲之比之夏蚩之語米齊門之操瑟張侗初曰學制藝者不可學書蘇紫溪曰習制舉家毋分心於博古諄諄以古文爲戒是以終明之世無一人能爲古文布衣若盧柟徐渭文章亦有可觀而縉紳先生多以草野捐之則巖野窮愁著書之士又何力足以自顯無惑乎明文之無足稱也聖清仍用制藝取士而士之精

研八股者海內同風余謂八股
闡聖賢之蘊可以補箋疏性理
語錄訓詁諸書而欲馳騁上下
縱橫於周秦漢唐之間與左穀
馬班諸子比權量力不能也何
也義有所牽式有所拘也退之
是也我

序

卷之一

四

聖天子念古文之不振每制訓謨
以繼二典又舉博學宏詞使人
得挾天地之蘊發山川之奇攬

古今之勝肆才知之雄不跼蹐
於蹄涔溝隙間成坐井之窺然
則文章之盛無過於今日矣郭
子快圃先生年少成進士讀書
中秘三十年來所校讐者經史
而外凡古今奇書百家衆論異
同街談巷議天文地理山海方
域貢獻稗官野史記載所及莫
不羅括胷中以會通於人情物
理時勢是非得失之故而發爲
文章浩浩乎如長河之亘地也
皎皎乎如朗月之行天也粲粲

序

卷之一

五

乎如衆星之耀晶萼萼乎如雲霞之吐幻也其見道明而於聖賢之道洞若觀火論事切而於經濟之用瞭若指掌閔中而肆外力大而氣雄余謂韓子之後起衰者郭子其庶幾乎海爲羣水之會嶽爲羣山之宗文章豈無海嶽哉文章之爲海爲嶽者自立於世而不倚於人韓子崛起於唐則成韓子之文郭子崛起於今則成郭子之文自立於世者爲世所重不倚於人者爲

人所倚必然之理也余知百世下論文章者必曰唐之韓子今之郭子也

康熙三十年歲次辛未都察院掌院左都御史都統加四級三韓子成龍題



學源堂集敘

郭快圃先生自翰苑歷宗伯學士立朝三十餘年居家無異寒素方余令清苑時值歲荒先生夙興夜寐督諸子手錄饑人名次而授之食嗷嗷者無遺哺而後卽安此外則藥鑰與俱手不停披所著文十九卷詩十卷曰學源堂集遠近知與不知莫不曰當代之歐陽修也且夫近代輔弼之臣率由翰苑則政事得失天下大利大害人才之邪正

邵序

卷之一

一

治亂安危之所以然何一非人

翰苑者所當深思詳考諮諏揣度本先王之法合乎時勢之宜以變通而盡其善乃或者徒以焚香啜茗爲詞林能事則異日所以宅揆補職者概可知先生之文安詳和婉上自朝廷下逮守令與閭閻疾苦莫不纏綿篤摯隨在洋溢而出卽其詩流連鬱勃意之所在莫不皆然嗚乎此先生所以無愧于古之立言不朽而卓然當世者也予迂戇

邵序

卷之一

二

無似謬膺薦牘

聖天子不棄置之烏臺又

特簡監司雖捐糜頂踵不知所
以報稱幸先生家居得領其風
旨辨是非決猶豫庶不致覆餗
之譏比予再蒞保陽而先生已

邵序

卷之一

三

捐館再見不可復得先生之子
孝廉公持公學源堂集命予爲
序余不善屬文謹識其居鄉梗
概以見先生之言皆可見諸施
行俾後之讀是集者想見先生
爲人則謂先生之文存卽先生

之人存也可

康熙三十年歲次辛未閏七月
賜同進士出身前江西道監察

御史

特簡管理直隸守道叅議年家
晚侍生邵陽邵嗣堯頓首拜

邵序

卷之一

四

題



學源堂文集卷之一目錄

序

送程周量職方出守桂林府序

送顧見山工部出任陝西僉事分巡洮岷道序

送李吉父令潞城序

送刑部尚書魏環溪致政歸蔚州序

送湯潛菴學士出撫下江序

送范白牧出守遼陽州序

送余佺廬副憲出撫江南序

贈沈繹堂序

學源堂文集卷之一目錄

送雲門弟倅郡南康序

贈程穆倩序

學源堂文集卷之一

清苑郭棻快圃著

送贈序

送程周量職方出守桂林府序

南海程子周量淵雅卓犖天下才也壬辰與余同試南宮獲雋第一人而不與余同對策越數年官中書故事書得與台諫選及周量官是官其事遂格而不行中朝官還轉不十格惟中書任滿三載投牒主爵者例得序進自周量官是官其例又格而不行閱七八年爲司馬郎郎中秩視大夫內可陟卿寺改給

學源堂文集

卷之一

諫御史陞翰林侍讀外可僉事臬司督鄉國學政自周量官是官其例悉格而不行噫仕宦之窮達遲速在上者未嘗有意爲之也在下者非盡作而致之也夫何以一人之身一身之官動若相左有如是乎癸丑夏粵西桂林乏知府事者周量以職方郎出守瀕發公卿搢紳競爲詩文贈其行瓊碩綺麗秀茂鬱森分擅其美而大旨則若惜之者爲周量惜耶抑不止爲周量惜耶吾固知非止爲周量惜也何也國家蓋亟求才能矣亦謂才者何才能者何能耶昔有虞之世高陽氏才子八人高辛氏才子八人是天之降

才爾殊也書曰汝惟不矜天下莫與汝爭功汝惟不
伐天下莫與汝爭能與功埒者也顧凡奇才異能
天生之不能成之君相欲用之不能識之即成之而
弗克極其量用之而未必當其才迺謂天之生才不
偶也人之成能有限也有識者所以扼掣而歎歎愚
謂天之成人不如人之自成君相之用人不如人之
自爲用百古以來成人之具莫良于詩書而人自爲
成之具亦莫良于誦詩讀書周量綺齒破萬卷下筆
洋洋纒纒數千言立就聲滿江湖閩粵開服官而後
假鄉館爲私第衙回深鍵屬槐蔭几夜雨篝燈籬壁
學源堂文集 卷之一 二

晉文武吏不相能以軍儲故相牴牾填撫者關于
朝 上命部臣之才而能者往治之周量以管糧糈
有聲得並使及至朝注者儔習于慢軌頗易之太守
以下以使君文弱傷俚于無可恃周量聞然不少
介意迨兩辭具正色霜嚴斷言風發罪舍出入無周
內亦無疏脫向所爲慢而易之與傍俚乎無可恃者
咸頰首屏息心折而不敢動歸報 朝廷悉從其議
於乎不有是役誰從而識之乎即識之亦曰讀書好
古士耳謂明足以決大獄氣足以奪悍夫又誰從而
信之乎周量蓋已自成其才能矣茲雖一麾出守余
又幸其得桂林郡何幸也今日之桂林無以異于曩
日之雲晉也慎勿曰晉雲之役稟 天子命可按而
治之桂林之行綰太守印綬耳不易越俎而問也夫
有所稟而往者君相用之矣無所稟而往君不之用
相不之用周量不難自爲用晉雲利用剛桂林無容
剛也晉雲利用斷桂林無可斷也然則奚以用之乎
夫亦正以告之曰今者 天子仁而明方銳意致太
平無日不以綏輯方夏惠愛黔首爲孜孜公等提七
校師來鎮茲土所貴和戢偏裨爲荒服作捍衛 國
家不愆酬功之典否則粵西之底定無殊于粵之東

二三文武吏治之足矣設鎮可也不設亦可也況乎其弗祇此耶一不聽則潔已首公振風飭紀使不得如婦者倚有司以行其私斯亦未有不肅然衰止者已昔白敏中知永興蘇頌守潤州能使驕兵悍帥頽而就規索古今有何不可相及也允若茲周量之自成而自爲用者尤愈于天之成之而君與相之用之已自爲用而有效君與相設復嘉與而顯庸之安見自爲用者非君與相之用之者乎又安見非天之所以成之者乎余故爲周量幸而不與諸君子同聲惜而亦不必爲用周量者惜也

送顧見山工部出任陝西按察司僉事分巡洮

岷道序

天子官人惟其制君子服官惟其命上與下均不可
以意行也上行意則論辨必消爵人而人不以爲榮
賞人而人不以爲勸下行意則趨避生就舍異其流
不可以終窮甚矣行意之非官人之法而服官之誼
也若迺天子重制君子守命而官人者獨瞽行意是
制有不必遵命有不足守矣謂之何歟人而以意干
也旋以意得一命其欣欣矣人而弗以意干也人適
以意予雖甚華靡雖甚壯麗猶且怒焉況乎其勞悴

其荒迷者耶乃如其人絕無幾微之不平動於中傷
觀者胥爲扼腕焉斯亦守命者之愚而行意者之差
乎工部郎中華亭顧子見山余同年進士釋褐後授
主政歷二十二年官猶郎中閒拓落輒軻悉出不意
三年前始得權關虔州聞在時司權政者率繁而瘁
賦而不能自娛非搢搢於郊勞贈荅則醴酒徵歌夜
分弗輟見山在虔署宇櫺櫺日讀書賦詩以其暇衙
壁畫滿滄洲其意趣抑何等耶事半輒讀禮里居服
闋謁選遇同人出所著作相與研悅經濟文章斐然
有原本余覽之私嘆曰見山之學其弗可及也矣今

天子崇儒右文倘有舉而引之者將必有以酬知遇
彼趨趨競逐者流吾知退三舍矣今年秋七月擬補
水部郎序在五部上稍需之可擢提學僉事見山意
不屬也旋拜命故事京官履任不以限遲之經旬
或浹月例無督趣見山聞命後感寒疾弗克即受
事銓司日三迫之具以病告復徵病狀以恐喝之欲
其力疾上官見山以例無責也姑且緩銓司倉皇具
牒大司空敦趣一如前日將哺召入署至則以受事
期報凡此皆非例也意也見山賦且嘆咄咄不審銓
司意所在翼日榜外遷者於壁見山爲第一詢之知

學源堂文集

卷之一

六

泰西洮岷道滇南開化府粵西慶遠府具乏人蓋荒
遠瘴癘地也見山一日不視事則不即陞見山不即
陞勢必有次第及者急此所以緩彼也銓司意也見
山審知其意灑然笑曰是役也余之滇粵者什七之
西秦者什三均荒遠秦猶不失爲監司銓司倘意更
他屬余將涉萬里犯瘴癘矣旣而得擢分巡洮岷道
衆稍稍稱快乃司銓亦若有快焉則何也倘制而徇
意慮見山不得志而有言耳中朝士大夫見者莫不
相與爲慰見山又灑然笑曰余不自意擢復不意擢
是官洮岷固遠聿古人建旄萬里樹功名地山川鬱

率風日沈寥人士伉爽不黠物產精鑿不浮遊其地
者極生平選便纖微與震悸搐縮之情態曠然都空
斯行也竊欲比於大丈夫矣況儼奉天子明命分
外臺憲衣冠繡施桓桓按部則太守以下手版迎道
左州邑長吏有簞簋不飭者吾得以黜之畫諾坐嘯
或鶴頸長鳬脰短者吾得以更置之守硯硯之愚殫
矻矻之力抑亦足以明吾志而行吾學已卽荒且遠
奚其慰嗚呼是乃見山之志也乎夫人之置見山於
洮岷也行其意見山之任洮岷也行其志公私小大
之閒固自有辨又何有幾微之不平可動于中耶古

學源堂文集

卷之一

七

昔不得于時者多所遇抑蹉跎中外往往形爲詩歌
以寫其牢騷宜其菴結見山瀕發作隴西行別親串
友朋悲涼勃率敘其生平之閱歷與洮岷之凋劫詎
詎然欲勵而有所爲耳讀者服其胃期之澹曠能爲
詩人之善思而不爲詩人之善怨余曰不然古人之
牢騷菴結者或齟齬于權貴或異同於朋黨其入率
雄杰有拳勇不發其陰幽險譎則無以爲世道人心
衛見山無所齟齬也無所異同也彼陷人之利而妄
以意行者憐而哂之不遑烏足當其怨而不怒哉見
山行矣驅車太行驪華龍門涇渭閒河岳雄魂古帝

王賢聖之芳蹟有足當其憑吊資其攬結者自喟然而嘆曰非此行烏從而曠耳目之觀乎脫也烈颺淡日行亂磧古壘閒芊芊械械昏黃極目不遽盡羌歌僉語復呶呶啞啞雖以爲悠阻慘悵絕遠於江鄉澤國也則亦喟然而嘆曰非此行又烏從而識風土之異乎筆之紀述作爲詩賦或伸楮拂素點染摻括之異時者可以入告天子卽不然亦以備乘輶軒者之採聽其所成就詎纖細哉彼行意者吾不識其究將何如也

學源堂文集

卷之一

八

送李長文先生遊平陽序

長文先生客太原與余同居蕭寺晨夕促膝縱談今古以快也未幾言別將爲平陽之遊予因酌酒而送之曰先生而爲平陽之遊也歟哉平陽固可遊也遊平陽者固不一而足也有爲乘傳至者先之以檄書聽之以郵騎絳旂導前劔弧擁後八騶鳴而紫戟臨負弩迎者望塵拜者懷名版候者鱗次蟻聚也抵其郭入其署鼓吹喧而人語寂趨謁以分位爲後先者未出後者已竢問訊稱述俾貴人口不得閉笑不得止意在願上語在墜中而他無論已其遊也赫赫然外是而貴公子及要人之用人車馬衣裘甚都攜尺一投官其地者札中語不必其刺刺已擬于寶籙靈笈矣爲之飭厨傳下榻帷朝且餽而夕且讌也不三日佯辭去挽留乃甚摯奉之益惟謹而他無論已其遊也洋洋然其下則有半面識或車笠舊盟甚者挾一技寸長走而仰于千人逢其閒適而無甚恙惡亦得假數日宿以攬觀其風土其游也瞿瞿然令先生而爲平陽之游也歟哉其所持都不類是溫溫乎其德與容也奕奕乎其文與名也不談時政不示丰稜居然有道君子也倘如在古之時競重道德有

學源堂文集

卷之一

九

位者以文章聲氣相推引方切瞻望弗及之思亦既
觀止何難負笈從而長跪請片語皆猶音隻字卽鴻
寶河汾姑射開自多大賢之跡矣而今不知其何如
也先生而爲平陽之遊也與哉先王亞然而笑曰予
之遊蓋不在乎區區閒也予將歷堯舜故都陟首陽
觀禹門砥柱折而循大河過太行遂陶然以賦歸胡
乃測予以世俗乎予慙曰唯唯通者山靈不謝客河
伯不譏關先生可以鬯游矣

送李吉爰令潞城序

山陽李子吉爰天下才也辛丑成進士官潞安司李
司李職明刑簡緇一郡之邑長佐太守監司所不逮
方伯廉訪于焉咨庶績中丞直指于焉咨大計任綦
重也吉爰李潞安及期勝任而愉快上官深器重之
有司言者曰司李一官與巡方御史相表裏巡方罷
還司李當並罷于是改天下司李爲縣令嗚呼此非
李調者下喬有嘆爭相濯磨以立名譽吉爰尤矯矯
焉令昌樂廉甚邑瀕運河距淮上纔數百里米蔬醬
醢悉買舟取諸家直飲其地之一杯水耳邑人素黠
悍難治一年丕變其俗厥績以懋中丞將薦之於朝
會吉爰丁外艱去後六年服闋起補潞城來問于余
曰何以治潞城耶余曰子固能治潞城者也奚其問
又問余曰子已能李其郡者也何有于邑乃曰郡不
侔于邑李不侔于令令職難李職易莫以均也余曰
是不然比子李郡時臨諸邑上某也廉必咨嗟歎賞
之某也否必疾惡斥除之某也才某也否其獎戒陟
黜也因以異庸有所私好私惡於其人耶重念此出
蚩氓耳官司李而欲其令之愛斯民爲令可知已譬

之家有羊而屬人牧之惡其水草之弗時也寒暑之弗宜也孕字之弗若也假以吾牧詎若是今且自牧之矣寧以惡人者而忘之耶吉父令昌樂清節能聲藉甚薄海潞城與昌樂一山之西東耳間聽夙切茲行也吾意潞之人必欣欣相告曰吾儕其厚幸乎李公李吾郡子吾人也公去而吾人曰父母孔遐李公令昌樂昌樂之人父母公也公來而昌樂之人曰父母孔遐吾人曰父母孔通人情無不愛之子曰宛轉膝下固愛矣脫或父母去其子有年子違父母有年一朝而復宛轉焉膝之下也噢煦拊摩必篤於疇昔

學源堂文集

卷之一

三

矣吾人違公也久公未嘗不惻然念之茲儼然而來噢煦拊摩夫豈有不至者乎吉父父母斯民者也體此意而治之奚其有

送刑部尚書魏環溪致政歸蔚州序

人君所用以優遇保傅而鼓舞庶尹者恩也禮也人臣所持以受知明主樹績當時聲施後世者道也恩禮固非常之寵榮而道爲重何也恩禮出於上者也道守於下者也苟道不重則受知亦偶合樹績亦倖成聲施亦虛譽爾矣語曰道隆則從而隆道汙則從而汙又曰道合則從不合則去顧孰不以道爲重哉夷考古之人蓋亦有幸不幸焉孔子孟子道之主也孔子爲魯司寇攝行相事者三月魯幾幾乎治三氏梃之不能強魯孟子屬意於齊宣開陳王道不啻數

學源堂文集

卷之一

三

千言卒以仁義不能奪功利而去之嗚呼一聖一賢所遇如是而後之學者能不懼乎宋司馬溫公朱文公道之輔也溫公與王安石論理財仁宗未嘗不嘉納獨用之後以薦蘇軾忤旨乃遂歸洛畱相天子活百姓後出都人遮道祝之曰公無歸洛畱相天子活百姓是何如願望也哉而究亦去就不常是爲可嘆也文公始終一儒者耳數上封事多所詆譏孝宗之眷雖厚而嫉者愈深故歷事四朝仕於外者九考立於朝者僅四十日兩君子之所遇又如是而後之學者益莫知所適從矣豈非古人所謂不幸者耶迄今數千

餘年世運雍熙 主德明聖士君子之以道爲進退者莫不始終邀恩禮之隆論者咸以爲遭時獨幸而不知皆道之爲也今刑部尙書環溪魏公以進士甲科讀書翰林不二年擢授給諫當 世席時蹇蹇諤諤其所敷陳肅止如溫公之遏新法乎旋以不合於時引疾而去里居幾二十年讀書考道譽望益重故爲宰相所特舉爲 朝廷所詔徵方其起家入國門人之望之又奚啻如溫公之在哲宗初年乎公原以光祿丞去也主爵者議仍官其官 朝廷知公賢且才不欲置之閒秩特授監察御史欲公有所建白也

學源堂文集

卷之一

古

公一疏再疏痛中時弊朝野敬服未幾而擢爲京卿此何異於文公之進直徽猷閣乎不三四年游拜都御史論列侃侃台班整肅表薦廉才內如宋公文運外如于公成龍皆得大用以清節著以視溫公之薦蘇軾則過之矣康熙壬戌公拜大司寇承 命巡察畿輔單騎褰帟訪問民間疾苦凡有不便輒破柱擊奸三輔豪右惴惴如水上行以視文公之劾台州守又過之矣報 命時深被嘉獎明刑弼教如故公在西曹寅入酉出案無留牘諸司郎吏多罷苦不勝公精神益生不數月析楊雨繡行徑草青矣 上數慰

勞之甲子春昧爽啟事忽覺仆於朝掖而歸第即引疾辭職 上慰留之遣醫診視賜人參及參茸稍閒出視事抵秋病復作再請告 上憫念勞深誠重允馳驛去公入辭 上顧問病狀思詎藹如撤 御饌以食之仍諭以未及行還來覲公越日再入 上與論治天下要道公以知人安民爲言又越日三入 上出宸書寒松堂扁字大尺餘並以行書 御製古北口詩賜之公手捧出喜動顏色謂翰林學士曰今日老臣獲際三盛事 御詩 宸翰一也古無書扁額賜臣下者得之自老臣始二也古之優禮去國老

學源堂文集

卷之一

五

臣無三入陛辭者有之亦自 皇上始三也諸公幸記注之垂諸萬世老臣頃已啟允矣嗚呼跡公所遇豈不遠邁古人萬萬哉然公更有特邁於古人者公再入春明傲居僻巷謝絕賓客雖府歷要津門恒如水脫粟布衣無異儒素求之古人伊誰與匹耶憶甲寅秋攜公子無雋至余寓會集者七八人薄酌敘談命題集字爲詩詩成屬余即席爲序書之裝潢成卷用志雅事詞壇主盟也屈指同時唱和者率登三事而及今祖道青門唯余與都御史說巖陳公吏部侍郎容齋李公耳聚散之感深切於中道義之友不吝

寥寥乎公學道五十年進以禮退以義受主上之知樹當時之績施後世之聲完名全節有非涑水紫陽所可及者非幸也道重故也余之坎壈齷齪莫由振拔者非不幸也道不足也公之道重如此受恩禮如此樹績聲施如此乃高風比於二疏余道之不足也如此而猶白首驚顏點侍從之班豈非戀棧咀觴之尤者乎茲爲文送公感與愧駢繫之矣

送湯潛菴學士出撫下江序

士有鬱屈畢世沉頓下僚爲天下後世所深惜者固今昔之所同也亦有不次擢拔無方任使天下後世亦從而惜之則何歟顏子王佐也孔子常語以爲邦裔裔然翊帝匡王大畧而乃以簞瓢陋巷終焉論者得無惜之乎朱紫陽大儒也仕宦所至輒有聲績非賦其才敏足以集事問學經術深得聖賢正指苟用以弼成君德均理邦政其所成就當不在伊傅下乃三十餘年立朝不過四十日餘皆碌碌方州捐捐民社入亦惜之或曰不合于時或曰用違其才多所慨

歎得無重內而輕外乎昔周公爲太傅召公爲太保隆隆乎三公之貴也乃史記之曰自陝以東周公之自陝以西召公主之庸亦輕之歟曰是不然周公攝政當國召公疑之作誥以告召公乃悅於是分陝而主示不敢專也主之云者秉鈞持衡非若後世簿書期會之叢責金穀兵農之並問也夫以道德之儒公輔之器則責以簿書期會問以金穀兵農何難虛績惜乎其用止此矣則盡念是人也爲帝心所簡在星嶽所神生實弘以重國家之用之也乃輪以簡此有識之所以扼掣而不置乎語曰函牛之鼎不以烹

雖非以惜鼎爲用鼎者惜也然則三代以後之人主果皆不明於此節亦時與人爲之耳秦分天下爲郡縣自時厥後令治民守治令方岳監司又治守與令既繁且密使爲之令者皆卓魯爲之守者皆龔黃天子得以端冕而致太平已即弗肯如龔黃卓魯而或什之二或伯七八天乎得以三載而符黜陟已垂察休哉無如其弗然也政日以敝民日以艱惟君與相稍知治體者安得不焦心勞思而多爲之所耶故法因人立制以時作于是乎有出朝士爲監司者有遣侍御史爲巡察者積而致於命卿貳清禁之大臣以

學源堂文集

卷之一

六

填撫四方於戲君相豈得已而不已者乎君相不得已而命之大臣不得已而應之曰汝往欽哉曰臣敬受命蓋不勝敬以勞也故往往有成效奈何不數年閒不敬而忽不勞而逸其命者與應命者無復所謂不得已豈不愈可歎也哉余同鄉友潛菴學士道德儒也公輔器也弱冠登進士官翰林以才望出爲關中道按察副使尋擢分守南贛道布政太參廉靜慎敏政績茂異不近名而譽日以著甫三載既病歸里計其年纔三十餘輒塵視軒冕去之恐不速者詎不得志於時者耶抑學學穆穆無以得夫上官與同列

者耶漢任延將出守光武帝命之曰善事上官無失名譽延曰臣不敢奉詔古之君子以害義之行君命且所不受他復何所受學士之慨乎賦歸或以此耳歸而守敝廬讀書窮理與孫徵君奇逢究極天人性命心得躬行不事筆舌如是者二十年已未朝廷詔求天下博學鴻儒纂修明史爲中外所交薦學士以病辭不免至則官以翰林侍讀爲史館副總裁旋充日講起居注官數承顧問講易經獻所爲詩文悉被寵褒朝右慕之謂是稽古之榮不知學士之邀特達之知者夫豈盡在是歟學士性簡澹居京師僦屋隘巷不通車蓋繩牀布幔冬不熾爐恒被閱至夜分不輟人其能之乎纂輯史傳手錄百數十卷無一訛竄人其能之乎參知政本無一語及私十閱月寒暑風雨未嘗不入直歸則閤扉座無雜客人其能之乎凡學士之所能皆人之所不能其受知于君父獲信于友朋蓋在此而不在彼也甲子秋上幸湯泉吏部奏下江巡撫缺命廷臣會推比九卿有專舉者未之屬意學士也洎命下咸以爲必如衆所舉啟宣之則特簡學士矣衆皆驚嘆以爲異數余往謁語移時獨噤噤然若爲之惜者學士亦自

學源堂文集

卷之一

七

謝不敏歸而竊自念曰 上蓋不得已而 命學士
平學士不得已而受茲 命正所謂弭且重者矣余
顧從而惜之何其陋哉邇者浙江總制李公入拜大
司馬下江巡撫余公入拜總憲貴州巡撫楊公入拜
少司馬學士績成而入備三公屈指可須耳烏乎惜
爰序而書之以贈其行

學源堂文集

卷之一

手

送范自牧出守遼陽州序

國家用人之道蓋亦多途矣科目之外唯任子得與
于正選豈非以國恩爲重而胄子爲良哉曰恩廕曰
官廕皆視厥祖若父之官階以爲等次惟難廕則不
然或內或外或崇或庠不一其用其宜外而內與宜
庠而崇者姑不具論閒有不冝外而外不冝庠而庠
者論者則以爲疑嗚呼何疑乎古今資格之限人與
內外之因人良不寡矣惟明君哲相善其用英賢俊
才能信其用造就曲成之故未可一二爲寡聞淺識
者道也故總督福建兵部侍郎范忠貞公以元勳華

學源堂文集

卷之一

三

胄登進士高第爲文學侍從之臣不數年而參知政
事可不謂崇貴者乎及出撫浙越清拯惠政度越古
今 朝廷知其賢拜兵部侍郎 命總制七閩可不
謂榮寵者乎泣聞不數月耿精忠反公抗節不屈卒
以身殉貞烈之風豈在顏魯公段太傅下乎 天子
聞變震悼大罵曰奴狗彘吾柱石臣下 詔收公骸
數慰問太夫人及子若弟豈不以公之忠節爲足重
乎視歸之日 卹典優備易名曰忠貞古所罕觀也
命詞臣撰文祭之屢更其草不極其褒美不止泐暨
碑墓門 上親灑宸翰遴工鐫石復以墨本裝潢精

緻寶鈴之賜其家以垂示將來其隆渥爲何如也夫以忠貞之崇貴有然惠愛有然榮寵有然且歿而思禮之游加也宜乎古今莫與比矣而同時被卹典者有粵西撫軍中丞馬公雄鎮漳泉道副使陳公啟泰馬公之子廕京卿陳公之子初廕外職尋亦改京卿獨范公子自牧廕知州或謂當自白自牧謀諸伯叔昆仲咸以爲不可曰若翁之邀國恩不薄於二公也二公之子長而賢曾從父于官身經百險器識已具內用攸宜若一孺子耳學問未充仕路未諳倘俄而衣紫盤金垂紳委佩翱翔於名公卿間禮樂兵農

學源堂文集

卷之一

三

何任而可耶脫弗勝任辱家乘其末矣汎州守者卽古之諸侯唐宋以後號爲重職苟能靖共爾位爲循良吏上官之剡獎必曰無愧其父朝廷之恩德必曰無念爾祖卽不敢覬覦異數使卽平流叙進數年擢而守一郡再數年擢而監一路榮膺正不可量也何自白爲自牧受教惟謹退而讀書博通羣籍不三四年罷職沉毅丰度俊偉見者莫不曰忠臣之後有令人矣迺者以大授遼陽州知州遼陽自牧桑梓地也爲盛京屬邑亦如周之豐鎬漢之豐沛知州親民之官往而受事何異朱買臣之爲會稽太守乎爲

學源堂文集

卷之一

三

民父母于父母之邦自牧必有以處此矣嘗見今之分符綰綬居然長民者率多烏衣子弟倚厥才地動輒傲忽否則恒舞酣歌擊鮮策肥翹翹然若五陵裘馬決月累旬不一省公事謂是大家豪舉也往往以敗古人云襲父兄之勢爲美官一不幸又曰少年官守多爲猾吏所餌易得而易失復何怪乎爾耶吾知自牧斷斷不出此也何也自牧忠貞公之廕也當忠貞公爲賊所執拘時狼虎猙獰虺蛇齧白刃在左紅鏹在右驚魂動魄兇辰難堪爲賊所迫脅時錮之陰溷環以獨狗銀鐐綴於體肢茶糲不入吻喉求死不得七日而後齷齪腐爛唇舌枯一年之餘臥館鬚髮幾營衣絮人爲之鼻酸鬼爲之雪泣雖烈性不憐忠心難轉而遇害倉猝絢深三尺玉碎一烘斯亦自有天地以來不雙之苦趣矣比其時忠貞公詎爲廕子地哉自牧今日則以忠貞受廕也古之孝子見父之書雖不能讀必什而藏之曰手澤存焉五馬一官忠貞之性命所貽奚止手澤云爾耶手澤可藏保之也易茲官不可藏守之也難自牧其念之乎頃者朝廷卹忠之典無有或殊也而獨試之以民社練之以簿書期會者意有攸在使能繼忠貞撫浙之志以

治民法忠貞之節以律已安知爲風塵吏者不爲台
鼎臣乎不然今日望馬陳兩公子而弗及異日則益
瞠乎其後矣是言也自牧之諸父昆弟能信之於昭
昭忠貞公自亦信之于冥冥以余爲不負良友也自
牧勉乎哉

送余佐廬副憲出撫江南序

余生五十年跡未至江南嘗聽人言江南山水明秀
人物庶饒絲臬竹木之產靡弗精良和樂極矣輒忻
忻而慕悅之其慕也生於信也其信也得於耳也已
未夏里居鬱鬱竊念丈夫生而志四方雖荒僻險遠
尙欲攬結矧江南華勝奈何徒信耳耶六月買舟至
維揚目之揚非耳之揚矣曰是猶江北也輒從金山
渡江潤州在南岸耳目亦有所不侔過毘陵抵雲閒
維舟於吳門盡乎下江之東境矣山水果佳人物果
衆絲臬竹木果繁而山無老樹深峭水無安瀾澄波
學源堂文集 卷之一 五
人無餘資物無通貨絲臬竹木無佳製是職何故歟
或曰天之災者什三人之害者什七以是令不如昔
余乃不禁喟然興嘆曰江南財賦之區也其數當天
下之半古人云取東南之饒以資西北之勁其所關
於國家大計者既重且亟使今不如昔後且何如
極重難返可不爲之顧慮哉況咎之天者什三咎之
人者什七天固不可難而輓人顧不可祛而除乎咨
之官其地者曰吁不可爲也咨之游於其地者曰吁
不可爲也咨之生於斯長於斯且老於斯者曰吁何
不可爲也第無其人無其才無其力以是積重而難

逸耳往者周文襄公悅會爲之文襄公有什伯庸與之才負海內重望生平持正而操潔多讀書善取友古今成敗生民利病罔不燭照而數計之官於最嚴次守若令服習其教令若子弟奉之先生廉者以廉墨者不得以墨才者以才劣者不以不劣此無他大法而小自廉上行而下以效焉爾當時諸美職極大者莫如均賦莫如遷調守令莫如疏通商賈不三年而吳大治浙之嘉興有賢太守某者仿其法而爲之亦有效百餘年人稱道而休美之勿絕論者曰公其人也公其才也而不知其爲公之力也公當官京師

學源堂文集

卷之一

三

時品地聲施徽徽學學獲上而信友及治與凡所注厝請於朝輒得之容於本曹數得之詢於鄉士大夫輒得之於是周其才而才居用其力而力舒是以成其爲治而一時稱其監司以至黃綬十食之吏得公而行其才志高其官爵者不知凡幾也抑何盛也嗣是而或如公或不及公未易覓儼然衆望遂不可爲哉余聞而顧瞻有位私擬聯賢惻惻者終日謂是終不可爲也辛酉歲莫下江快巡撫都御史主爵者列中外數十人啟事聽上簡畀同年副憲佺廬余公得膺寵命余快且愧曰甚矣吾之陋也公非其人

乎公非其才乎何曩者思不及之而徒惻惻爲公拜命椒裝不甚接見賓客會朝廷召集大學士暨九卿詞林台諫諸臣侍宴乾清宮公以奉命出撫例不與上特召至賜酒賦詩榮寵殊至洵獲乎上者已子思曰不信乎朋友不獲乎上矣公之信於友也益可知文襄公安足多乎哉余於是且觀公之爲力也爰書之贈其行

學源堂文集

卷之一

三

贈沈繹堂序

凡士之遭殊遇享榮名者是不一軌而說者以爲靡不有時與命焉主德之隆替家學之淵源繫不之論噫是庸足信乎古者碩人茂士特受主知事功文章徽當時而垂後世雖其入負才卓犖有所憑藉亦必其君與相能鑒拔而崇獎之也烏可曰是皆時與命之爲耶彼平流崛起奕葉弗振或可以此槩之夫不有兄弟祖孫蟬聯輝映者乎使其事功文章殊塗異軌亦自有辨夫不有前後數百年彬彬然如出一轍者乎時命之說誠非篤論矣奈何不進而揆其主德

學源堂文集

卷之一

天

與家學也當今華亭望族沈氏爲最考明永樂時自樂先生官翰林學士文行端美能詩善書數被召命揮毫殿廷多所寵賜一時榮之其弟簡菴公官如其兄亦擅臨池之工同受知兩朝離宮別館額勝多出其手海內傳慕稱爲大小沈學士嗣是八法遂爲家學無少長皆習筆陣焉萬曆時董思白宗伯出沈氏以掩搃觚之士未有不祖述華亭者噲知華亭書法不始於董而始於沈乎安知董非生於其鄉而私淑先正者乎我朝進士對策賈董鍾王兼之者爲上第世祖章皇帝濬哲文明嘉意六書海內學人蒸

蒸向風能者輩起究不如沈氏一家學之精且專也壬辰試進士悉稟睿裁臚唱第三人爲沈公繹堂同人拜舞之下私相謂曰此必兩學士嫡系也詢之果然繹堂弱不勝衣腕下有千鈞力官翰林時于晉唐諸家書法剡心刻骨詣極精超得其數行者藏弄如拱壁華亭書名復歸於沈矣未幾以才望出爲備兵憲使頃待補居京師座上客常滿大都搆絹楮而問字者也蔚蔚然籍甚公卿間恭遇今上典學右文崇尙翰墨博求國士召至便殿詢知爲世祖侍從舊臣眷念尤至命賦詩揮翰賜茶饌竟日方

學源堂文集

卷之一

天

出一月凡數召復命大書一卷進呈日賜宮錦貂裘榮寵莫儼嗚呼今天下恢奇倣詭之才衆矣咸捐捐焉工其一切之術以觀餽天子之知卒無一當而繹堂以疎遠外臣膺茲曠典詎曰時命使然乎良由今上緝熙光明經史翰墨而外無他嗜好以故一切之學蔑由以進而繹堂之詩與書又能仰副君求相得益章殆非尋常之遇合也已晉王羲之獻之書家鼻祖厥後沙門智永襲其流風聲施至今兩學士亦有明之義獻也繹堂以高第官監同師承家學獲遇主知而被榮寵詎不更宜然非君

德之隆則未易觀此也區區時命云乎哉如以爲時
與命也繹堂藹藹吉人蘊抱奇瑋卽以之待詔金馬
翱翔皇路坐致釣衡夫寧有愧而今竟何如也

學源堂文集

卷之一

三

送雲門弟倅郡南康序

戊申夏作

雲門必能佐南康也南康倚匡廬賴鄱陽屬僅四邑
延袤三百里許亦云簡矣官其地者宜可臥而理通
則勿然民之不以尉傳供帳爲苦者迺苦于追呼煩
苛吏之不以執版拜塵箠鞠脛爲苦者乃苦于誅
求悉索雖小郡乎而疲于奔命反不如通都大邑之
長袖善舞也官其地者恒咨嗟愁嘆不得以可臥而
理之區稍自遂其偃仰獨郡丞一席上之不得分雖
堂之潤下之亦不職墨綬之勞謂足優游養俸坐致
方面也迺者監司節推一時裁損入賀入覲樂以屬
之郡丞實爲勞動而且與一省之倅車以次直會城
爲制府撫軍獻大獄任何重耶向之所謂優游養俸
者輒一變而拮据卒瘁矣是非罷識靜淵才具慎練
烏克勝任而愉快乎吾曰雲門必能佐南康者則何
也雲門爲中丞貴公子弗寧無裘馬矜張之氣且恂
恂訥訥若不勝衣若不能出諸口者焚膏之餘潛墨
絹楮資人臥遊素心潛致居然醇儒耳五年來給事
綸扉無少怠舛密勿機務多所與聞出直絕不以語
至好昔人云學者先罷識如雲門者可稱淵以靜歟
方中丞公居御史臺游躋清卿出撫西晉平生懿聲

大節焯焯不凡雲門比正髻髻過庭承訓悉能識之
及長而居鄉立朝蔑不以奉家訓爲兢兢鵲鴨不惱
比鄰乾餼無愆朋友戲謔不涉齒煩愼之至也頃臆
法駕幸蒐尙方繪札珥筆吏寔式司之往有以不諳
獲譴呵者獨雲門應手應口無或滯無或舛何其練
若夙習耶天下事擅大者無小工長者無短應繁劇
者無優閒試舉宦途職事有大于左右 天子者乎
有長于宣贊綸紵者乎有煩劇于追隨六飛旁午七
萃者乎雲門悉能以靜淵愼練而克稱厥職予以丞
一郡也何有吾故曰雲門必能佐南康也雲門勉乎

學源堂文集

卷之一

五

哉

贈程穆倩序

新安程處士穆倩年七十有二平生多所交游海內
魁碩誼烈士競贈以言或謂有古人風或謂爲異人
或譽爲才人或稱爲高人鮮不於塵垢須臾之外峻
擬而畸觀之其於穆倩之所以自成其爲人者殆無
居焉吾嘗慨世之傑然而號爲人者矣心不知有君
父何古之有誼無當於友朋何異之有聖賢道業弗
篤于懷古今典冊弗寓於目何才之有東海難蹈西
山不採何高之有既無當於古人異人才人高人之
實乃竊竊然徒慕於其名而諛之者復從而奉之使

學源文詩集

卷之一

五

其人而果無所以自命也固貽譏已苟確乎有以自
命乃反爲諛之者失其真不甚可悲乎穆倩當明啟
禎時已奕奕然自命於世故漳海石齋黃公澄江機
部楊公及江左數大君子靡不深交而雅重之然卒
不肯一應賢良詔入制幕志識蓋有獨絕者觀其與
諸公酬唱進復之什其人槩可覩也或曰穆倩取友
甚嚴桐城人阮大鍼貴竹人馬士英並爲東林所擯
斥二人者俚乎無所容於世數招致穆倩賓之上館
爲解嘲地穆倩雖不峻絕之而始終落落卒莫與合
阮馬大不憚會姜黃門垓上請毀行人司題名碑疏

意主除大鉞名大鉞疑疏出穆倩手銜之愈厲甲申
弘光立江南士英大鉞皆柄用小人志得輒大興黨
獄以瀚風耻捕逮四出正人重足穆倩以布衣而列
顧厨岌岌乎殆哉穆倩有先幾哲事未遑散家室於
山谷中得以隻身匿跡僅而獲免未幾王師渡江弘
光出走禍以多於戲穆倩非噉名者也海寓乃莫不
欽其名尙何得執一節以繫其生平耶漢范滂宋陳
東皆未嘗顯庸于時而氣誼所激目無勢焰當其毗
裂髮豎之時庸詎希心於後世名者至今史冊垂休
千載下聞其名者雖販夫傭保鮮不稱美焉穆倩心

學源堂文集卷之一

詩

有君父者也誼重友朋者也聖賢之道紫篤於懷古
今之典冊熟于目者也故不必東海西山之硜硜而
三十年來寄家白門廣陵閒衣冠無異於時筆舌不
脫于古洩洩然花月詩酒與爲陶寫不過自號于人
曰垢道人耳其志其行不亦可從而窺之也哉語云
大行受大名細行受細名乃若大之而不猶于人細
之而有關於世如穆倩者斯亦自成其爲人焉已細
大云乎哉吾故直稱之曰新安程處士余顧智出諸
君子下矣夫

學源堂文集卷之二目錄

序

河南鄉試錄序

武會試錄後序

椒丘詩集序

胡爾調從祀河南名宦錄序

思補齋詩文序

高文端公文集序

朱勗均詩序

重修沛縣志序

學源堂文集卷之二目錄

翁釐峰地理指蒙全註序

彭孝緒明府酌瀛集詩序

金剛般若波羅密經合註序

李吉父潞城治畧序

胡寄圃教耕堂詩集序

武鄉法傳集序

張湛虛先生文集序

悟今集序

范忠貞公文集序

涵叔宗兄遺詩序

百可亭集字詩卷序

閻公度制菰序

重修廣平府志序

畿輔三志序

畿輔通志序

代中丞于北溟
代參議董子丹

畿輔通志序

王思齡貺鶴堂文集序

巡撫直隸于振甲中丞疏稿序

清苑縣志序

王契九落葉詩序

學源堂文集卷之二 目錄

保定府志序

代高似斗司寇
代紀太守

顧庶常書經稿序

陸子振制菰稿序

東安福氏家乘序

學源堂文集卷之二

清苑郭蔡快園著

詩文序

河南鄉試錄序

呈上御寓十有一載文教翺洽天下茂才异等翹翹

然起應 景運於都哉盛也歲壬子將論秀于鄉秩

宗臣疏驚序之以甲第進者請典試事中州之役

皇上命編修臣蔡偕戶部主事臣秉恒選拜 命飲

冰念臣壬辰通籍叨窺中秘書歷官宮宋受 世祖

章皇帝知遇恩隆且渥嗣左官晉臬幕八載而擢廷

學源堂文集卷之二

尉屬丁未冬承乏獲與纂修 世祖章皇帝實錄告

成邀 恩環復詞曹臣受 國恩重以疊矣方思難

報稱迺不以臣舛陋 命臣論士于豫論士以文論

也臣益滋思臣官文字官事其事而弗勝任瘵曠其

奚辭慮惟恪虔瘁竭愚衷事庶幾逆督 陛辭就

道日歷三郵亭屆期渡河抵汴至則監臨巡撫都察

院右副都御史臣廷相整裝明肅提調則布政使臣

鉉左參議臣鑑經畫周備監試則按察使臣士楨副

使臣籀防維清飭臣蔡偕臣秉恒率所闈定同考試

官則知縣臣懋聲臣士駟臣憲度臣蓋光臣峰秀臣

允中臣沅臣資生臣啟祥臣聯翼臣然明臣見龍董
盟誓告爰進提學僉事臣史逸襄所遴士四千二百
有奇局棘三試之得偶四十七人裁原文二十篇銷
錄以 獻臣受簡殿言曰取士之法古今非一格茂
不以文章爲程式漢唐以來鴻儒碩學以之黼黻廟
時複郁藝圃洵美且都而傳播陬滋學士家膾嗜珍
襲者特其風雲月露爾廣川天人長沙治安嘉禾疏
議覽者莫不謂天下文章莫大乎是用以辨主極考
治術焉甚矣文章之弘且重也故以廷對進者傳其
廷對之文以制科進者傳其制科之文千禩百載後
學源堂文集 卷之二 二

初也循蜚疏屹安有文字越自龍獻龜浮庖犧敦堊
天璽衣紹而蕃衍之文章鼻祖于是序在埏埴之爲
雲縵霞蔚者特耳孫爾輒曰有宋賁止庸克當歟洛
有日中臺歲南至立人不見景皇極經世謂天圓謂
地方豫其圓之旋方之衡乎十二支以子午衡豫位
午也午之義全乎陽麗乎剛于既濟不無駁焉何以
昔詰之達其間者多冲以輪歟星辰天緯也河嶽地
佐也天地濟星辰河嶽不見功陰陽倚星辰河嶽乃
見用天地文章信有徵已禮樂人文章也豫其奚以
徵之九環曠曠與鼎無數區豫得什之四五漢唐宋
學源堂文集 卷之二 三

因以考其人之鄉里而地之山川風物並以傳鮮不
曰人傳地也祇以功人弗以功地說豈當歟詩曰崧
高維嶽維嶽降神生甫及申歟者地之鎮也脫非降
神宜無佐矣功人弗功地烏乎可百凡瓊偉魁杰之
士以功業顯以文章著嶠曰非地力哉天文章日月
地文章河嶽人文章禮樂豫居中九土蒿少峙雄黃
維帶秀唐哉巨觀粵稽豫之曩賢輝冊馨簡鮮不以
爲應天地中氣以故皆德音醇茂學術醇粹相彼蛟
橫彪跳騰踴穎露者相去不翅霄壤說者謂濂洛諸
儒光昌正學實式啟之是猶親近不親遠信中不信

爲最著其間以功制禮以德作樂千餘年來薰蒸甄
鑄于豫者舊矣我 國家覃功文德化浹膏流日出
日入桂海冰天罔弗訖暨豫壤連首善被教孔邇嚮
風孔捷語曰近山則蔭近河則潤大豈誣耶豫之禮
樂文章喬皇若茲以鄙僕之臣持衡厥地庸能勝任
而愉快雖然臣衡文章于多士多士以文章受衡于
臣均以 功令爲重 功令曰文章軌于傳註臣弗
敢軼傳註以爲衡多士弗敢軼傳註以待衡傳註者
紫陽氏主之濂洛諸儒輔之者也以豫之人士循規
于豫之先民合水乳爾投鍼芥爾奚足難職方攷曰

豫閩域時夏人稟中和俊髦儒雅豫之爲豫振古如
茲也本理道之嫡系聖以爾雅卽扶輪聖緒翼蓋宗
風寧有惡焉多士遵 昌時應 盛典有弗思常滌
脂膩傾吐英菁者臣不勝任也多士不足應弓旌也
其謂之何臣知多士之不出此臣且見多士之不出
此矣臣更有以醢多士者言心之聲文道之華記曰
行有根本言無枝葉言配行文配道置其然乎文蓋
足相天下士也韓愈曰仁義之人其言藹如故裴行
儉卜盧照隣輩年壽官爵符于券責臣于多士之闕
牘焚膏繼晷而採置之儻罔以相其萬一與逃五色

學源堂文集

卷之二

四

也奚异多士庸可衰哉乎謂以文章售也耶秦取漢
南曰獲一人半古人量才分判昭晰多士今日之文
多士今日之人也臣取而丹黃之丹黃文也歟哉多
士慎撫厥躬寧勿瞿瞿昔人以言之不文不足以行
遠又謂積書成氣積氣成文胸有萬卷筆無半塵信
非鏤冰雕脂之技也已多士更欲以文章待賈博稽
澄慮積貯而生其氣來日之文可愈于今此玉相金
矜貴而奉其身來日之行可符于文 皇上方側席
求士剖格用人有能珥青管光潤 皇猷大之砥名
礪節次之樹駿流鴻次之効一官使萬里蔑弗稱任

者曰兩河士也臣幸矣夫庸惟臣幸尙少河洛不無
靈爽知亦幸之言足以文行足以遠概于數幅闕損
是微矣多士其矻矻焉

學源堂文集

卷之二

五

武會試錄後序

皇上御寓之二十有四載秋九月會試天下武舉於兵部鉅典也 特簡繪扉學士偕樞臣試厥騎射技勇錄其及格者四百有奇迺 命戶部左侍郎臣鴻緒爲正考官臣蔡爲副考官插棘鎖關試之策論載衍試校拔其淹串金版玉鈐之編契符虎帳熊旗之畧者百人以次以第勝而揭之貢名於 彤廷告竣事焉賴惟臣茶余陋謏駢竿濫宮尹砥涸詞曹論文弗足也乃恬而論武臣滋愚已粵聞唐李白以文翰官詞林能識郭子儀于微時決其終爲大將臣何人

學源堂文集

卷之二

六

斯敢與古況惶恐益深兢業益厲撤棘之後爰進多士而薦之曰多士自命武夫也孰哉昔周之文王壽考作人棧模式咏盛矣而詩書弗紀其所以盛惟鬼豈之篇有曰赴赴武夫公侯干城又曰好仇曰腹心媿材於干櫓威德於躬桓抑何重歟非詩重赴赴者乃赴赴者克自重爾陸賈曰天下危注意將注意云者不誠重之乎重之於危者得無安而遂輕之乎故介冑之士往往揚塵於載定之年低糜於治平之藪十尺之戟不如一寸之翰所由嗟也迨熙恬日久武之於文若徑之於庭卑者毋論卽顯擢分麾犀鬣蚪

學源堂文集

卷之二

七

繡率皆衣韎執銳鋌鋌僕僕然拜塵於道左常不得免武之不得輕嘗時耶亦勢也我 國家懲茲積習較頒儀注靡有軒輊由是偏叅守尉咸得與郡守監司分庭抗席豈非重之歟不特此也鼎者武舉兩試外之取舍枋在有司內之低昂枋在樞府以咏文開睦乎若後自 皇上大昕親視以來揆文咸五奮武登三聽聲勤思受鉞示寵制典度越於遼牒適者準南宮俊造之架策試多士於 殿廷翼日幸瀛臺御延光閣親試騎射馳驅電逐控縱無不獻之能決矢均錄伏誦無不呈之技矧也拓十石之繁弱月滿彫弧運百鈞之脫光花纏臂投礮礮之雲根聲震鼙與 皇上親灑龍鳳之琯甲乙罷虎之材可不謂榮以重乎再翼日集鷄鷩於左墀集駿驥於右墀齒簿翼陳龍蛇動日樂正節奏金石諧風 皇上御勸座歆銅龍騰聲三唱賜及第賜出身靡一不準南宮俊造之集焉又可謂寵以重乎昔人有言吾耻陸陸無武絳灌無文多士今日可以釋茲已 上重多士而臣竊冀多士毋自輕也 上重多士而臣更冀多士務自重也自輕者何桓桓之氣難馴矯矯之材易逞使一朝通籍旁若無人是自輕已漢假而華衣

怒馬縱橫間酌酒偶座睥睨親串益自輕己宸假而熏心朱提几肉黔首叢怨府譴扞文網而下之恤致台使大吏削白簡而飛彈之庸第自輕且自貽戚也士而自輕乃快快於人之輕之士而不自重乃耽耽於人之重之不既左乎無慮上之無以副朝廷設科取士之至意卽於臣與在事諸臣深秋鍵院午夜篝燈矻矻然衡校之勞心烏在其有慰歟臣茲敬與多士黜者故無論自重之一言也雖然有進焉者昔人之論秦風也曰勇於私闕怯於公戰夫勇於私者輕身也怯於公者重身也則何不移而易之庠況

學源堂文集

卷之二

人

兵家貴明輕重務使地輕馬輕車輕人人輕戰後人第知狶膏棘軸謂車可輕人矣鋒銛甲堅謂人可輕戰矣曾不知人能輕身乃能輕戰人能重身乃能輕身故古曰百萬之衆輕重在於一人是謂氣機也多士生而闕如慷慨之氣固所自饒要在能養能養氣者謀不以言窮言不以兵窮兵不以財窮視其身爲國家所託重而不肯小用其擊彊也曷不若縱橫間閭其擊情也曷不若睥睨親串其募封爵愛鼎鏞也曷不若熏心朱提犯大敵度險阨也曷不若叢怨府譴扞文網而不之恤輕之也適所以重之矣兵

法云勝兵若以鎡稱銖敗兵若以銖稱鎡臣願多士之自勝以鎡稱勿以銖稱也重其身以爲國重者豈踰於此卽以此而當周之千城腹心可矣庸詎分一鏹專一閭哉臣故敬爲多士黜

學源堂文集

卷之二

九

椒丘詩集序

往千竿維金馬時夏之夜室隘鬱蒸袒而走同年張
玄林郎會銅枿已唱版扉尚敢排而入有客在焉厭
蟬納紛沓滅繁對語予入爭索衣屨不得予以袒告
始還共坐予與客咸不知為何許人醺然一傾談鋒
遂發予狀生平狂態及歷亂涉險啼古噓今嗣復縱
論詩文舌津額汗幾于涸中諸聲未絕屋角牀頭人
忽躍起擊案豪叫曰快哉是為誰何其懷抱之似我
也因自述其英齡嗜古結納賢豪志在出塞沛續動
流我稱遭時多艱輪困軼軻茂由自見遇趙然遠走

學源堂文集

卷之二

十

浮淮湘踰吳越榮薄江陵迢迢趙魏幾廿餘霜而滄
桑遶止陸蹟海澨瀕危者復比于捋虎騎鯨焉倦客
指述纓履出險仗策東燕都一時名公卿半其風好
乘車載笠蘭吳不殊會旗整轡賢京兆尹首以應詔
羽林受經虎門觀盛于今三年矣悠悠歲月泯泯風
塵前之所歷我則勿忘後之所遭曠其能卜語畢長
歌悲涼豪壯聲振屋瓦予亦驚起狂叫曰快哉是為
誰何其懷抱之遠過乎我也主人急語予曰此山東
丁野鶴也復語客曰此保定郭芝仙也索火覲面相
視一笑遂成莫逆焉不數月野鶴以旗塾課最出鐸

容城夫以野鶴而振鐸容城真是神髻遊于蹄涔苞
羽棲于柳樊也吾意其必咏榛苓而寄懷對芹藻而
興懷茲取椒丘集而讀之迺除豪豔鬱取古人為師
友以道業為文章抑何其湛精歛氣融才鑄德卓犖
軒豁有如是耶固知大才情人即大經濟人大經濟
人即大道學人也或曰容城古有劉楊兩賢今有孫
徵君儼然節義文章之區居其地者能不遠規而近
矩乎以予所聞野鶴奉文廟則創元旦之祀恤貧矜
則捐百金之義多士蔚興于椒社前節聞屹于表忠
之數端者雖上官大僚猶難之而首宿先生克自淑

學源堂文集

卷之二

十一

樹謂非有所感激善于鑒觀者能予哉若野鶴詩名
久在海內固無俟乎予之比丘頌佛也

胡爾調從祀河南名宦錄序

三韓胡公爾調順治時官河南祥符令越數年再官河南與屯布政司少叅砥節勤政有功德於民不計年擢遷分守陝西臨洮道按察司副使民謀築祠尸祝之未果越十年大梁人士不能忘列公循績言於撫軍中丞暨藩臬督學使者請奉公祀于名宦祠允之誨吉成禮輿論以慰輯所爲狀牒奏記及饗辭樂章梓爲一書曰崇祀錄徵予一言序其事余受而卒業不禁喟然嘆曰信矣夫三代之直猶在人心而廉吏之不可爲而可爲也天下事數有萬億不過實之

學源堂文集

卷之二

三

與名耳使世之宦遊一方者挾其得爲之勢恣其欲爲之情亦何求而不得也淫威而虐淫刑而逞攫取人閒金若幣可捆可載宮室可美妻妾可奉子孫可輕肥豈不曰實富實貴也耶而此一方人當時則畏憚之不敢言去則謗詈無不至父以傳子近以播遠好事者且資爲談柄而穢德彰聞孝子慈孫百世不能掩也及問其鼎之所謂可捆可載者安在乎宮室保不他人入乎妻妾保不別船過乎子孫保不貧且窶而求爲尋常百姓不可得乎是實與名均喪耳而一二廉潔之吏當其時無華膺也無赫赫名也爲世

俗人所譏誚而疎遠者直比之爲天地之芻狗及過其所遊之地近者或數十年遠者或千百年耕夫織婦牧豎樵叟悉能稱道之勿絕甚有筆之于書者有書其像而組之豆之者使其子若孫過之顯而貴必引之以自重卽微而貧入競詢其世代述其先世之美以相慰勞使非其祖父之廉與惠也烏能得此哉故曰三代之直猶在人心廉吏之不可爲而可爲也茲於胡公益得其據焉矣雖然名者實之賓也苟非仁心仁聞淪浹于一時安能咏歌沐浴流播于數十年以後披茲錄而讀之眎古卓魯龔黃諸傳安有甲

學源堂文集

卷之二

三

乙耶是公無一日捆載之實而有百世仁愛之實無一日華膺之名而有百世尸祝之名也洵足以風世之垂紳戴縷佩符乘軒者已顧僅而爲茲錄序也哉

思補齋詩文序

余幼無外傳成童奉先君子庭訓弱冠補博士弟子員二十登鄉薦三十成進士計自學句讀以及操牘應舉凡二十三年之閒所讀舉子制義不滿百篇而經義乃絕不及焉通籍以前四子書閒拈題構思不過數十首曾無存稿經義又絕不及焉順治乙酉科余以曲臺禮應京兆試遂爲本經魁卷尋因孟子文川字不雅馴更第二卷壬辰以詩經獲雋迴憶兩闕十四經義皆子子然成于風簷寸晷中者也聞之先君子教余曰凡應制科者必揣摩成而後發無不中

學源堂文集

卷之二

古

語曰閉門造車出門合轍若插棘鎖閉地僅容膝而人語恟恍鑑光慘澹七菰悉抽心蘭三場不乞神叢非大學人則大才人也爾小子烏足以幾之其易哉余心識此語未嘗一鉢忘乃十八歲患脾病廢書卷者三年小試無不利又謬爲吳暄山廖孟符傳夢禎曹秋岳諸先生所獎藉詡然意自足也而揣摩之說徒耳食耳最不可爲訓者經書不奉師說八股不屑諷誦而忽以禮售忽以詩售不大負先君子教誨乎余嘗以爲歉對友言及輒悔思爲補過之功客曰子以少年登科第官翰林彼世有善讀父書者亦莫

子若何過之補余曰否否余曩爲人子今爲人父矣余不克遵先君子庭訓浪戰野謀登科第官翰林皆幸也使子若孫聞而效尤之余過不滋甚乎補之烏可已客笑曰子言誠然試將何道以云補也余曰官冷曹職文字與其叶聲律切對偶腐心斷鬚無當萬一無寧昭晰兩經之義旨摛之篇章補平生之缺事爲後輩之遺編庶諸兒子知此道之未可倖獲卽倖而獲之猶須其補也或可告無過于先人云

學源堂文集

卷之二

五

高文端公文集序

周秦以上相以德周秦以下相以功漢不封侯不拜相爵爲重焉逮唐宋而後始有稱宰相才者夫曰才不第以文章見也而文亦居其一以故論相者率崇實錄不僅僅作文字觀嗚呼是殆判事業與文章而二之歟不寧判事業與文章亦將判立德與立功而二之矣非通儒之說也愚謂君德既以時著相道當以時分曹參起更霍光未學勛在宗社聲流冊府未嘗不彪彪炳炳焉以其時守畫一而已大將軍勢動

學源堂文集

卷之二

六

天地大政大典無所紛更若敝黼潤色之猷則舉以聽之諸儒而已不與故可勿重其文也魏徵陸贄已不免于章牘如林者況乎居崇儒之代而佐右文之主哉善乎宰相須用讀書人可稱擇臣要語也不讀書則識不廣識不廣則道不弘霸王雜用邪正并容厥以貽賊而所謂真能讀書真能學道者于何徵之世不必代有封禪燕許茂由揆其華辟不必盡嗜遊觀班揚尙爾匿其采則亦大者觀其數陳小者釋其瑩和精而人倫性命之編微而片楮隻字之趣人以爲大臣之緒餘者吾以爲大臣之精華文顧可或忽

乎哉易曰吉人之詞寡躁人之詞多貴慎默而譏浮露耳韓愈曰仁義之人其言藹如文中子裴行儉獨能以文觀人藉先聲而徵後實耳至如宰相之文豈可作如是觀必其人大足傳而後及其文必其文大足傳而後播諸世必其後有令裔象賢焉而後能以功業責之篇章以聚棗代其諧志也洵非易言矣靜海高文端公幼有穎悟長積實學臚唱三聲鼎調十載厥由登膺天眷特承帝褒者比之古人罕有其倫公自玉署而秩宗由秩宗而銓宰游歷官階徽猷亮節表表在人耳目閒固無俟縷縷屬之于所獨心拊

學源堂文集

卷之二

七

而佩服不能忘者憶壬辰通籍謁公于第出一卷以示予急取而披覽之蓋孝經註疏心識其義而未暇請公卽教之曰予知之乎聖賢人品將相功名此是根基忠臣悌弟良友何莫非斯道也因灑然而悟公之所由蜚令名樹駿績殆非偶然者迨泰頽既歌龍門遂邈越廿年而甲辰冢嗣進士勵昌以公集授且屬予爲序始得嘗大鼎而噉全蔗焉孝經一篇人倫之本也西銘一解性命之笈也試取公集而卒業靡不根抵乎二書益信有德而後有功見功而後見才文字雖曰一端而全體居然在是矣尙可謂之爲緒

餘而岐視之乎其人傳其文亦傳其後之令裔象賢
又足以傳嗚呼嫩哉

學源堂文集

卷之二

文

朱霽均詩序

京口談長益遺余札云吳下朱霽均吾友也以不得
志于時西走井州可善遇之余意其人必疎狂簡越
使酒嫚罵弗諸于時否則摧抑頽頽不能自命者也
迨晤余于蕭寺中溫文爾雅煦煦可愛一再過從遂
相傾倒始知僕騷吏賦其才也跳龍臥虎其書也伉
犇儼蒼其篆也壓輞川度河陽高山流水其潑墨與
綬絃也嗚呼有士如此而何以不得志于時也或曰
禍生厄于江夏工部惡于中丞事客有之霽均則僂
僂爾度軒軒爾志無屈子之憔悴有莊叟之逍遙何
學源堂文集 卷之二 文
遽謂之不得志于時者耶未幾而出其近稿以示予
受而卒業藻而不饒脂厚而不摭絮沉痛蒼鬱如黃
初大曆諸篇予且疑之迨靜氣潛繹始喟然曰霽均
蓋不得志于時者也詩工于窮工矣善怨者不怨懟
化爲嬉矣善悲者不傷長歌代哭矣非真不得志于
時者烏由臻此霽均當有以自慰也青蓮夜郎諸作
脗山詹耳之篇至今光茫萬丈窮愁困苦未必非天
之所以成文人才士之變法也然予讀霽均擬應制
及其試宗伯數詩鼎彝古茂球璣潤妍自是金華殿
中語文心聲也福澤榮膺胥視乎心霽均豈終不得

志于時者哉吾又以此爲窮均慰

學源堂文集

卷之十

三

重修沛縣志序

代慶士第

郡縣之有志何爲乎曰備職方之考稽待史氏之編纂供輜軒之采輯皆非其旨也紀山川者不紀風俗曰風俗上教之紀物產者不紀人才曰人才下化之夫志之爲書重山川物產乎抑重風俗人才乎若第以山川物產重也九州四海之內將有不勝雷同而紛飾者矣況乎天限異夫朔南地寶阻于嶺海非可以人力致而智巧爭者志之何裨歟昔人于此將以親王化徵吏治有足多者焉何以明其然耶世治吏良阪濫景熙化衰民敝都邑風墜地之爲豐爲嗇民學源堂文集

卷之二

三

之或淳或澆蓋不可盡諉之天而咎諸人也邑予以謫陋承乏沛邑入其境狐館荒村蒿騎敗壁兵厄之也人鮮完衣食艱半菽歲厄之也沙飛樹杪苔老屋牙河厄之也嗚呼徐沛爲古名區衰颯如斯緊誰令之嬰乎恰矣履任以來心枯力殫十年于茲幸告無罪今日之沛以視古之沛尙曰有閒以視十年前之沛或浸淫乎有起色乎大人君子乘輅而過者倘按舊志而徵之有見不逮聞之歎必曰誰實爲吏聽其淪敗也予固無以解嘲若能訪鄉耆詢道路則十年前後之際與衰遞變感慨係之或亦不督之過歟予

茲以倅四明往矣執掌之餘取沛志而重訂之沛之古蹟幾幾湮沒而不致湮沒也沛之壤上幾幾榛蕪而不致榛蕪也沛之財賦戶口幾幾暨絕凋亡而不致暨絕凋亡也悉由 聖主在上教邕恩流休養生息克臻斯盛予雖心枯力殫負罪引慝猶以無負所學爲幸矧也遷擢荷 國恩之深厚知罪有去後之與論乎若夫人才非教化悠久不興風俗非德澤穰淳不變予何人斯焉敢以斯謝也

學源堂文集

卷之二

圭

翁釐峯地理指蒙全註序

嘗攷庖犧氏仰以觀於天類以察於地而後畫卦故乾之六爻言天者取則焉言地者亦取則焉迄今讀之六爻皆言龍潛勿用見利見躍無咎飛利見亢有悔終之以不見首爲吉天地之文理蓋隱括之而無遺探索之而靡盡者已自史氏分天官輿地爲二書後之學者遂有專師而鮮兼詣不已岐乎余心力目力並弱弗能辨黃甲測青戊閒披其書至景純葬經質與輿廋互陳雋永與離支交錯疑其有譌而僞也復得唐人舊本始知經正書疏旁書類若不溷今

學源堂文集

卷之二

圭

之傳者蓋經疏胥正書爾因慨古人之著作掩闕於傳註者不少而清茶於剞劂者復如是也厥後得管輅地理指蒙一編卒業而亦有疑焉漢魏人文籍無慮數百帙皆彙集于叢書中三分猶漢統也而何獨遺是書歟矧其文皆有韻之言探本于天求端于七曜下至海岳河山墳壙壤埴沙石草木鳥獸烟嵐之無不暨焉弘以博已實皆因天而地因地而人與物也是非岐而二之蓋通而一之者哉惟其精引孔繁罕譬盡類讀者未能指螺跡而列眉數也故其義弗顯釐峰翁子官欽天監博士緯天之書其所研精矣

迺不欲以專家自處尤劇心于麗地之書讀指蒙而融洽因昭晰以翼經博稽皇古旁引周秦有註有疏無遺無溢斯亦史區所不能及而紫陽所獨契者歟或曰占天易測地難將無謂星宿燦列躔度次舍有象可則禹甸苾苾陵淵莽墳無驗可徵乎是不然天之星地之華也地之木天之液也人之氣天地之孕也故人事乖則地生沴地氣沴則天象祲黃帝曰善言天者必驗于人善言氣者必驗于物天無常變人常變之物無祲祥氣祲祥之人與物本天而生地不明乎人無以測地不明乎地何以驗天耶釐峰之矻

學源堂文集

卷之二

雷

矻于是書也信非專於其家而域乎其官者已

彭孝緒明府酌瀛集詩序

華亭彭君孝緒以進士高第筮仕瀛海令廉而有爲聲績大著瀛與保縱橫相望纔百五十里民頌嘖嘖流聞巷閭憶余官官詹時得與孝緒交挹其談論風旨讀所著作竊歎曰何不置此君于天祿石渠而以令一邑也未幾謁選得宰瀛海復顧余于雪燕堂西與飲孝緒以治瀛者咨余爲畧言之曰吾儒釋褐起家爲令苦之始非甘之基也苦于苦百不可爲不苦于苦則志以貞氣以奮才思以發越爲人之所不能爲爲人之所不敢爲且爲人之所不必爲而往無不見德出無不見功上官譽之下民歌之不虞而至不介而孚願彼邀譽掠美者反不能及其萬一爲令至此身苦而心則甘矣心苦而趣則甘矣雖衣粗褐食粗糲日惰惰于塵埃矻矻于簿書若蕭瑟況瘁之交瘳者而過其市來暮有謠起愛起敬而行其野扶杖趨瞻騎竹競逐且有操雞黍驅場瓜來相親媚則亦何殊于慈母在堂穉子牽裾雛孫繞膝也耶令于此時苦耶樂耶無論上官交口而譽連章而剡脫卽失權亦莫以恤何則今之所得固已多也矧官階有時命好惡難逆諳而顧舍我從人毀矩爲規也哉孝緒

學源堂文集

卷之二

雷

所听然以爲然丁卯余歸田里從諸臺使得畧聞治
狀大抵甚苦而不苦于苦也而上官已津津譽之閒
有瀛海人士至又得悉君治狀班班娓娓如述古魯
恭卓茂事而下民亦藉藉然頌之孝緒豈徒苦而無
驗者乎戊辰春孝緒來敝邑顧余于學源堂道故之
餘觀其顏色甚顚顚而神氣乃王始恍然于曩者身
苦則心甘心苦則趣甘之語頗自慰其言之偶有中
也瀕行出一帙以示余曰此今瀛二載來所爲詩也
乞一言以序其端余猝不及展唯唯受命已而卒業
或紀事或酬答或感興俯仰今昔畱連光景體不一

學源堂文集

卷之二

三

裁辭匪一設而勞苦憂勤之意盈帙而具噫孝緒不
苦于苦者也奈何其言之切切與洎讀捕蝗編丁緒
城築堤出車五篇其志貞其氣奮其才思發以越何
莫非爲人所不能不敢與不必爲者乎此孝緒之甘
于苦者也讀至下東村一篇且得其苦而甘之驗矣
然則盈帙勞苦憂勤何莫非往無不見德出無不見
功者乎志苦耶志樂也故滌雪軒二章不勝清臞而
吟猶也樂其所苦今之所造與後之所成就殆未可
量也歟是集名曰酌瀛吾將歌洎酌之詩以酬之

金剛般若波羅密經合註序

世自三聖人出而典籍之傳惟佛爲衆非佛自衆之
也佛有言說而無文字者也爲一人說動經數年爲
一事說輒勤千百語大抵皆詰發與問難爾厥理深
以故其義博其義博以故厥詞費說訖而垂之爲經
傳經而命之以名是安得不衆迺典籍庫後世以語
出于佛奉之爲般若不敢僅僅作文字觀深益求深
博不勝博汗牛充棟有由來也然弗思佛猶博也克
飲一勺全海無殊若乃欲以一口而吸四溟嗜其有
如巨靈之腹者況乎渤澥不可以瓢畧竭可以挹掬

學源堂文集

卷之二

三

嘗一嘗之再嘗之積而千百萬億以嘗之淡鹹可辨
冷煖自知中於諸味人莫或欺不必據有其泉也矣
審是道也鈎深探賾非善學佛會文切理乃善學佛
何也學佛而不從文字般若若起恢奇幽渺惟其所趨
學佛而志從文字般若若與自通而茫自卑而高勿之
有執焉爾語曰以管窺天以蠡測海殆誦操小而拘
大者耶夫窺之與測止乎是焉爾通之與卑不止乎
是也止乎是大以小矣不止乎是小且大矣與其有
瞶等不如爲拾級古今事理大抵皆然況學佛者耶
余少未讀佛書聞耳食禪宗一二語弗之精研世曰

佛寂滅余亦曰寂滅世曰佛真空余亦曰真空夫孰知真空不寂滅寂滅不真空耶行年五十三歲始知觀佛書室中人有持誦金剛般若波羅密經者向質其旨余茫然無以應因取前人註疏讀之高障於義卑牽於文憑塵識而括無上無乃以口翕海耶惘惘者久之會穎則和尚從西山來廿載濶絕相見頗懽和尚好爲詩及古文詞訊之焚硯矣叩厥近業捧所註楞伽金剛二經以示余讀之亦茫然也因展金剛經從之求解和尚娓娓矻矻談說無倦雖靈根妙旨輒難領畧而大義瞭然矣慮有遺忘和尚以口授余

學源堂文集

卷之二

三

以筆受不兩月而說已未幾和尚爲和碩莊親王延入藩邸余綜攬所授五十餘葉循經審分聯綴成章眎前諸家註釋較爲朗暢非有他謬巧也不鉤深不探蹟克會文克切理爾初學覽之句解字訓梗槩可識卽胸羅四部智貫三乘者亦可披其文而相其實撥其詞而核其理揆之無上正等正覺之旨未敢遂云水乳合而超六塵空四相惑疑共斷人法雙融由修得果歷果證真無實無虛空而不空之妙諦次第可觀已乙卯冬初和尚從藩邸來視余于寄快園中復取而裁訂之合掌作禮曰老衲四十餘年未

了事得居士以成人天阿修羅優婆塞優婆塞其謂之何願亟持之以廣善法名之合註者謂和尚與余合註非謂是註與經合也然余實僅手具般若爾

學源堂文集

卷之二

三

李吉父潞城治畧序

往者淮安李子吉父去宰潞城余爲文以送之詞不多設而於詩之所云豈弟君子民之父母則三致意焉客有覽之者曰噫此古人之言也古人之言惟古人能行之今人豈其然竊見今之爲令者不甚誦說古人之言即偶一誦說不逮心信之謂其言之不易見諸行也行之而未卽有驗也廢然以爲迂遠而濶於事情矣世之人大都謂讀書數十年而博一第需次數十年而受一官得之已迂且濶迂濶而得之脫更迂濶而爲之翺翺然謂是古人有言也今人可行學源堂文集卷之二

三

也夫誰信之昔任延拜武威太守瀕行帝戒之曰善事上官無失名譽是非古人之言乎今人率信此而不信彼於是勞其心於刀筆筐篋畢其智於簿書菽會要以告無罪耳不求有功乃亦卽是以爲功甚者奉轉鞠脆擎拳曲踞豐其苞苴飭其厨傳以博上官之一笑足矣矧復旁門捷徑之紛綸耶如是而遠引古循良之事謂教化當興農桑當勸訟獄當息夫誰信之余聞之亦卽乎而不自信乃姑以贈吉父吉父歎深信之曰受教噫吉父其弗可及也已治潞城一年聞其行事規規如古人之言余益爽然曰甚矣邇

者客言之誤而余幾幾爲所惑也未幾潞有鹽商某操贏居奇眎嬰兒國爲几上肉擇而食者非一日宜其邑者畏有神叢率不敢問吉父毅然治之商憾甚走而聳視巖台使聞其事於朝衆爲吉父慮久之事得白上官且獎其不畏強禦注上考余復益愈爽然曰甚矣鄉者客言之誤也吉父知誦法古人如是其效益砥礪廉隅分心撫字以惠此嬰兒國五年而治大成庚申春主爵者以給諫侍御史乏人請令直省大吏舉所屬之賢者應選山右當事諸君子曰是莫如潞城令矣吉父聞之遜謝不遑旣而自顧牀頭學源堂文集卷之二

三

僅餘婆娑一卷五年來所爲文書告草也慨然曰卷之墨心之血也卷之楮鬚之霜也曾否可以酬國恩會否可以對百姓會否可以見諒於師友知我罪我胥在乎是典衣而受之梓可作鬱林一片石不遠千里走屬余爲序余讀之竟如覽古循吏傳而不知爲吉父治畧也時方爲兒輩講子使漆雕開仕一章書註曰斯謂斯理信者深信之而無毫髮之疑謝氏曰開不安於小成成就殆未可量故夫子說之不覺忻然而有合矣往余贈吉父以言初亦自信及聞客語而幾惑聞鹽商事而又幾惑吉父歎堅信之聞吉

父在潞恒出此冊以示人曰我第爲不愧民之父母也且深信之矣謝氏所云成就不可量者余不能不殷然有望焉夫余不能遽信吉父吉父乃能信余而且以之信上官信百姓余滋愧已雖然人有射覆者偶一中則色然喜余往者之言雖不卽下比於射覆然既中矣易愧爲喜何不可耶竊願天下學者仕者讀古人書慎勿謂迂遠而濶於世情也勿謂古人之言今不可行也潞城紀畧詎古言乎吉父可行於潞城諸君子歟不可行于天下乎倘人人如吉父天下如潞城則郅隆可登治平立奏于以仰副 聖天子

學源堂文集

卷之二

三

崇儒右文宵旰求治之盛心詎不懿哉

胡寄圃教耕堂詩集序

教耕堂詩集胡子寄圃之所作也寄圃爲學士公此翁夫子之冢君余壬辰出於學士公之門蓋世講已三十年所稔知寄圃之能不獻詩已未秋相遇於姑蘇之山村對談彌日顧謂余曰江南山水韶麗爲最致足豐敘高懷子有詩乎余曰僕何能詩間有所作如鶯啼春如荅語秋咏山不卽山吟水未必水也鳥足以言詩寄圃曰子能詩矣復稍稍評論近今作者無不允當余曰是固近今之詩也然非僕之所謂詩僕之所謂詩者不敢希踪於三唐不能取材於六代

學源堂文集

卷之二

三

塗罟巷議非出風雅之章規友箴僚安有姍阿之語至若尼山之訓人不以助謳吟我則弗敢弗崇天竺之言人必以對釋氏我則不以復設烏足以知詩寄圃曰子知詩矣因出其集以示曰子盍爲我一言以弁之余受而卒業曰此非子之詩子之人也人生百年得於天者性情得於人者家學有性情而不克自見有家學而不克自守則儼然一軀爾安足貴哉惟先夫子以衡湘偉人負天地正氣繼聖賢正學官翰苑時嶽嶽自命爲國子監祭酒歲發朱程楷模多士陽明白沙之後一人也丙戌春分校禮闈秋又主京

悲試得人之盛於今爲烈士辰再主會試閣下
出一簡以自矢曰揣摩名士援引公子有一於此天
其極之撒棘而一柳皆寒峻人咸爲公危之未幾磨
勘之議與會開磨勘非例也惟明有陳忬故事爾公
遂以是鍋二級論者於今猶扼腕焉詩先夫子當之
無懼色處之若平常讀子之詩介介乎半騷佗係若
有難乎忘情者得非子之性情使然歟吁先夫子清
節自砥一經燕貽而武陵且喪亂接踵百畝數稼問
諸水濱子且餬其口於四方父沒而不能讀父之書
知有妹慟讀子之詩乃地負海涵銘經鑄史蓋蚤有

學源堂文集

卷之二

書

五千卷撐其腹者是則子之家學使然也夫人孰無
性情乎孰盡無家學乎或充詘於富貴或質樸於貧
賤其能趨超然行吾意纒纒然發吾言者什不得一
也以什不得一者而歎得於子無損其性情無失其
家學子與氏曰仰不愧於天俯不作於人一樂也顧
雖一身處乎坎塲亂離半生歷乎齷齪低昂而浩浩
焉而落落焉斯亦無人可與語已故凡山嵐水波鳥
啼花笑舉目皆吾性情與家學也筆之爲詩積之成
帙子且不欲自以爲詩而余顧僅而作詩觀乎哉集
中如述先德寄諸弟孝弟之言藹如也有子曰孝弟

也者其爲人之本歟余故曰非子之詩也人也子與
余行且稱翁矣亦亟思所以成其爲人者爲何如庶
幾異於人之言詩者

學源堂文集

卷之二

書

武鄉法傳集序

法之傳也不一有心法有道法有國法有家法非其人則不傳心則聖與聖傳也道則賢與賢傳也國則帝與王傳也家則子與孫傳也不相襲者則亦不相悖不相忘者則亦不相兼國固然已家亦無異法傳之功不幾幾乎專於其所及而及之歟余曰否否國不必兼及乎家也家附於國也家不必不兼及乎國也國統乎家也故傳家而即以傳國尤非其人則不能傳武鄉之有魏猶瑯琊之有王天水之有趙古不具稽有明以來垂三百襍顯者輩起以學行以功業

學源堂文集

卷之二

五

以才名大抵以文章也文章非其家法乎余讀已卯庚辰竊傾心於滄起魏先生謂安得觀其光儀領其風旨雖執鞭忻慕焉庸北面耶乙酉忝燕京兆賢書詢所分校實出於先生之門於戲小子之幸也滋甚非以獲雋幸以獲受知于先生實大幸鹿茸燕已謁蕭寺中如覩景星而瞻慶雲平生之快何以加茲未幾公以分符昌邑去未幾公以殉節昌邑聞嗟嗟余小子幸而不幸也有如是耶西州路詎忍復出耶丁酉余左官山西跋山涉水往哭公於墓遂失聲已而執公嗣字青之手灑泣而告之曰夫子逝矣家學勿

逝傳之者惟子字青亦灑泣而應之曰唯唯屈指聞二十春秋不相問聞者久之今年春暮余悲何憐結盧先人壙前素冠素裳樂不受客刺字青得自武鄉來唁余於苦上唏噓可感也昔徐孺子不遠千里會葬林宗之母於介休林宗諷詩曰生芻一束其人如玉傳者數焉余何敢望介休字青則詎遑南州已哭言既聯牀促膝於廬中不忍即去唏噓可感也行歷中景景然有數冊啟示余曰曩者子易我傳家學編精祖德實弗克仔然世以科第顯也有闕牘在庶幾傳之以釋茲愧乎余受而卒業見其起洪永迄啟禎

學源堂文集

卷之二

五

凡武鄉先正之闕牘靡不在焉於戲字青之志余窺之矣家之令子傳家法國之闕人傳國法司馬子長作史記蓋傳厥家學也而天官之外西京之典章文物罔弗畢具迄今為史苑弁冕以視後之區區然為家乘家訓者其公私洪纖相距為何如哉雖然司馬氏蓋不得志于時而慨然有作也字青博學鴻文聲施海內一日聯翩卓起翔步金馬石渠開何難也家學而尤國典通亦屈首濡毫刪輯補綴為是不得志之所為也則何歟字青博學能文久不得志於有司以是為鬱鬱久居乎抑有見於得志有司者其文皆

未卽如其家之所傳與鄉之先正者乎不然胡爲乎
矻矻焉劖輯補綴有類乎著書者也於戲是法而傳
于其家也詩曰子子孫孫勿替引之是法而傳於其
鄉與國也詩曰淑人君子正是國人是法而傳於家
傳于鄉與國而駿駿乎傳之天下後世也詩曰四方
之綱又曰昭茲來許顧不懿哉吾師乎永以傳矣字
青烏能已於斯

張湛虛先生文集序

士之得志與不得志無居乎身之隱與顯也身隱而
道彰何病乎隱身顯而道誦何取乎顯茲惟今古天
下之碩人魁士知之它莫與辨也余少年成進士不
知者曰子顯矣未幾厠史館擢宮僚不知者愈曰子
顯矣嗚呼余顯也乎哉余十七歲補博士弟子員當
明己卯庚辰間四海內外春多事政治之闕失仕
路之猥雜民生之凋劫文章禮樂之廢墜邊陲軍實
之喪弱無一不足痛哭流涕迺自願屏然書生耳口
不可以叫閤乎不可以借箸咄咄悒悒鬱沈瀾欲

已而不能已者十餘年所甲申 皇朝闢世百度維
貞勝國之批政涼法悉舉而庚剔之敦龐淳固之風
蒸蒸斯起而猶有庚之未盡庚剔之未盡剔則名是
而實非制存而義亡者也曩所爲咄咄悒悒鬱而
汎瀾者於此不無勃窣復動焉時方讀中秘書間出
一二議質先達巨公咸曰是非新進者所得關其說
折而寓之篇章託乎聲韻以少釋其悒鬱汎瀾之意
執友見者又羣相戒曰勿然窺其旨非慮作時則恐
招忌意良厚也雖然余不幾隱矣乎都居隘巷與同
毛文相州上若張公衡宇相望風雨過從上下今昔

識斷所合至盱衡時務娓娓如數指上螺歷仕中者弗若也余兄事之而竊欲探其師承攸自上者乃逝少從大司馬湛虛先生歆歷中外三事六府之舉墜九州四海之利弊稔聞而習見者彊記講究之甚悉以是識厥梗槩若經緯端末則有宋司馬之著作在須其鉉梓以一冊貽子未幾余左官西出上若亦乞外補需次歸里踪跡濶絕者二十年余牢落偃蹇英銳銷沉上若里居杜門簾閣博極羣書手自丹黃恒夜分不輟諸郎從之疑義與晰著書滿家已壬子冬余校士中州事竣歸過淦水促膝道故嗷嗷于隱學源堂文集卷之二

早

以後詩歌傳贊則寄託遙深諷刺含吐噫公之生平詎無有親串友朋暱而婉戒者耶胡毅然始卒之不二也稽公所閱歷亦孔憂危震盪矣乃齟齬者卒莫以傾排累者卒莫以挫先名而全節公固金玉而難于鑠染者乎抑其時猶可行吾道也公之顯允顯矣乎公之隱亦隱矣乎於戲有天下國家者使其臣身顯而志亦顯身隱而道不隱詎不懿歟余故讀公之集不勝感慕悲悔之交厪也

學源堂文集

卷之二

早

悟今集序

余自號爲快菴者志爽達也心快則無欺口快則無
滯筆快則無疑庶幾乎古之所謂俊邁者乎夫孰知
其不可爲也人矍矍余耽耽晚晚者不可爲也人期
期余纒纒纒纒者不可爲也人汗汗余愷愷愷愷者
不可爲也不可爲而強爲之成敗利鈍相去若雲淵
舉向之所爲快者皆得悶懣焉爾悶則疑懣則念余
何苦於強求快而反得疑得念也如是十七年矣猝
不能悟今年檢曆歲已半百因憶適獲此日知非余
何人斯庸無知耶偶涼夜孤坐迴想生平有是有非
學源堂文集 卷之三 聖

有人以爲非余以爲是有人以爲是余以爲非有或
是或非不自了了者成敗利鈍之數得失相半始慢
然悟曰向之所爲快者非矣快不可爲而強以爲之
者又非矣強以爲快而得悶得懣者非之非矣得悶
而疑得懣而念是誠過也何也古今賢者幾輩才者
幾輩考其享受與際遇大都不能遽快人意時非一
代代非一人詎盡世不古處歟蓋有操其衡者處乎
天人時命之間果絲不可強也則亦何必強以求快
而又苦以得疑與念耶余悟矣安之而已若真能安
之數椽一簞布袍區履何往而不得吾安也予子然

一官五斗何爲者時可一官五斗也安此一官五斗
也時可數椽一簞布袍區履也將亦安之也特悟與
不悟耳有意之爲都是不安矣陶淵明曰悟今是而
昨非余以悟今名是編

范忠貞公文集序

於戲此范忠貞公之詩與文也騶虞無聲而靈不以
其聲歸昌有采而瑞不以其采龍逢比干無文章而
忠不以其文公寧以詩文重哉粵聞金縢一啟風雷
遂豸正氣一歌天地爲昭文之不可已也有如是已
語云言心聲也文亦言也忠臣孝子忱惻惻惻惻
鬱勃口不能宣而或託之乎辭賦或形之乎咏歌隻
字片楮皆至忠大孝之所寓焉者也屈騷後世曰經
杜詩後世曰史庸非以忠愛綿繆文辭斐亹故感動
稱說而不能自己庠公之詩文所以爲重也順治壬

學源堂文集卷之二

四

辰公與余同成進士讀中祕書年纔弱冠期抱拳拳
弗寧無裴馬氣習聲色嗜好舉凡世俗之所耽玩者
無一入其胸中惟喜讀書手不釋卷及官學士畱心
經濟雖落落寡交游而雅與余善相期甚偉嗣出撫
浙越志操德澤致勤 天子嘉歎黔首謳歌可不謂
休庠及拜總制閩海之 命忼慨登車攬轡有澄清
之志濟則君之霸不濟以死繼之引古自矢義形于
色公與余籌畫者甚悉使誠一二展措於以殄滅鼠
狗何有焉不謂人情險譎事局幻變閩安之行弗果
蕭牆之畔遂陷也於戲事竟不濟矣公挺身入險抗

節罵賊烈烈轟轟能使逆渠低面羣醜咋舌此時安

用文章也豺虎焦然反接雜擁雖鐵索郎當斧鎖灼
燦如山欲壓如海欲溺公則目不瞬趾不移此時安
用文章也迨慙慙謬被誘言孔甘公毗裂齟齬奮臂
撞擊頓使逆黨縮迴卒猱惶此時安用文章也賊
度不能奪公遁幽羈穢暗毒虐疊加公於斯時忍慘
含辛仰念世籍之 宸祿頽悲家傳之令緒抑鬱沉
痛天不寄愁地不埋憂而鼻感眼傷驚心潸淚凡所
日擊靡不有以觸其隱而寓其情於是乎有文於是
乎有詩矣於戲公之詩文豈古今人之詩文可同日

學源堂文集卷之二

五

語哉誦畫壁一序篤摯排惻武夷一歌慷慨縈迴血
絲成字可以動天地可以泣鬼神矣百苦諸章懷
君親念昆弟勗婦子謝友朋五倫無遺六經豈讓至
於詆譏逆醜字挾風霜抒寫忠忱語流心腎又不第
託蘭茝以喻情指鴟鴞而吐憤也公之詩文詎不與
姬公金縢信國正氣並垂千禩哉迺者郵典俊異史
牒播芬公之弟若子集公之詩文隻字片楮無有遺
漏合諸平生時著作共得若干首付之剞劂屬余校
次撫卷鼻酸悼忠心痲惻惻惻惻而尤所嗟嗟者弱
冠同朝如蘭有契盍簪砥節白水相盟今公雖已矣

乎烈節昭於天壤鴻文垂乎奕裔無負國恩無慚家
學無愧友要求之往古常與顏魯公段太傅諸君子
休嘉並永余竟何如哉余竟何如哉

學源堂文集

卷之二

哭

涵叔宗兄遺詩序

於戲涵叔兄幸有遺詩也哉仲子彥肅搜集成帙將
梓而藏之屬余爲序予何能序兄之詩也哉兄性行
孤卓文學潛密動以古處自矢而福命不猶宦途坎
壘投老食貧實志以歿所可傳者肅第詩也肅第此
數首詩也平生好談舉子業誨人不倦其手錄先聲
名宿諸篇及所自著卓卓可傳惜乎其不傳也詩與
古文詞兄謂遠於聖賢之道不甚劇心暮年閒一作
之多不存稿彥肅于家塾及親舊書篋中僅蒐得如
許意存見少噫多何爲也世固有重細累帙者矣歿
學源堂文集

卷之二

哭

而投諸荒烟斷草中其子弟曾不一顧果皆不朽乎
況旃檀片香馥于迷迭吉光寸羽彩於驚鷺能世守
而勿失傳于而家勝流布垣垓萬萬矣書此歸之

百可亭集字詩卷序

節屆三秋亭開百可集金閨之雅彥傾玉露之新腸
落葉響疎林歐陽欲賦高天橫爽氣宋玉重悲分百
字而成一章如聯珠如編貝無須江筆花生撰短序
而升長吟非跳龍非臥虎遂使濤箋錦爛在昔砌石
軍之百帖書是而文非於今誦興嗣之于文字多而
意寡若夫匠心獨苦博非獵祭之魚詞旨偕工妙比
孤聯之腋是誠菰苑之別調詞圃之新聲也矣於乎
摩詰到輞川陶寫生平遠志少陵來杜曲銷除當日
愁心古今人不相及也詩酒社致足樂乎奚必夜譙

學源堂文集卷之二

吳

桃李之園修楔蘭亭之水而後爲美斯傳哉

閩公度制菰序

蠡吾距郡百里古雄邑也人物文章代有著聞或世
家或崛起不專以一鄉也已卯以後鄉會兩試郡屬
人士有雋者必蠡吾一邑也蠡吾有雋者必新興一
鄉也人文仰何盛耶或曰邑有河蜿蜒曲抱堪與衆
以爲美河之特聚焉故人文以盛余曰否否河之陽
獨新興一鄉也歟哉必其中有讀書明理好學深思
之士足以悉心程朱之旨游情唐宋之林翼蓋四子
扶輪入家而後餽餼乎其輩起也一勺之水庸足多
詔乎余嘗過其鄉衡宇滿于棹楔相望上佛名高第

學源堂文集卷之二

吳

者劉稼部郭河伯仲三人吳太守渾和伯仲二人孝
廉張子郭子皆特達焉而其講學論文則胥折衷於
閩子公度時公度猶未遇也已執文壇牛耳矣鄰河
稼部爲庶常時出其鄉之所爲制舉業以示余大抵
皆才人也余曰才須學也學須識也不讀秦漢以上
之書學無源本不集唐宋諸家之論鮮識權衡道德
經濟行業文章古人爲其難後人爲其易雖曰範圍
焉而不過而性情所發越風會所遷流矯其偏救其
敝功力亦古人與敵矣鄰河曰如此者惟吾閩子公
度能之爾余因心儀者久之已未春公度成進士始

得其闕廣覽之大快未幾家弟藤仙與公度之尊人
大來公締朱陳之盟且得識公度于座閒沉靜淵篤
有道君子也余與縱論古今娓娓不倦淵博淹通而
見解尤超超焉學與識洵兼至者哉余甚樂與爲忘
年之友也因出其制菴一冊屬爲序曰此十餘年研
究而揣摩者不信於心詎信於世乎余讀之卒業其
所樂者又不徒其言論風旨矣何也文心聲也心不
信則府且淺公度之文深以切心不信則複且曼公
度之文簡以練心不信則馳而軼于法鑿而悖于理
公度之文法若天成理皆賢傳不標新而簇簇皆生
學源堂文集卷之二 辛

趣也不領異而犖犖非恒境也才高而學博學博而
識精信世而有餘矣或曰觀公度之文章可卜公度
之事業合言與行而一之也於戲言之不卽爲行也
余固願公度之有春華而復有秋實也言之可卽爲
行也余固願公度之有豹蔚而復爲虎炳也公度洵
我友也乎

重修廣平府志序

代

郡故有志某公所作也去今五十年中閒如大吏之
顧盡與守土者之襲易漸次漸滅且郡以雄要稱卽
方輿無改而金穀戶齒以及今昔秩官之名蹟前罔
續後未該殆亦五十年之軼事已邇來數議補輯而
未果以載筆者之難其人也廼者天子可輔臣請
纂著大清一統志因令天下郡縣胥新其志焉乃值
隨叔申太史乞假里居郡守淮安沈公曰編纂制述
太史職也一統志將以屬之凡郡縣志有弗若干矩
者必芟竄而就繩尺郡之志與其受芟竄于異日何
學源堂文集卷之二 辛

若今日卽出乎匠手之爲無偏爾度歟郡公慙然而
請太史怡然而受蓋相得而彰者也太史鍵戶簾閣
蒐散括遺故無損而新無溢閱三月而志成沈公乃
寓書于余屬一言以序其事余忝郡人士聿觀厥成
而誼不可以不文謝竊以廣平之爲郡自漢迄今幾
二千歲再溯而上卽古武安隸九縣皆故趙地河朔
一都會也司馬遷曰燕趙之民慷慨悲歌俗猶近古
獨是肘翼太行壤則磽确帶遶漳洛埴則沮洳田穰
二萬有奇歲辦賦幾六萬石瘠而勞勞而思所以賦
辭飽也郡不子午衝而已亥衝往者制府建牙天雄

七郡之監司帥裨文書檄牒往來無虛日供張郵遞
實煩且促所以賦憚人也屢豐尙竭厥枝柱歲一弗
若富襍利而貧鳩鵲嗟哉無告已往見郡縣之志刻
畫峯嵐點染浦淑甚至侈傳金錫松柰之產飾談麟
鳳芝菌之祥而東南之畝畝閭閻之利病顧多闕如
義將吳取乎乃或者曰禹貢紀物產而不及風俗職
方載地里而不及人才是亦古則爾余不謂然禹貢
等今之賦籍職方等今之輿圖文無標舉義非風示
于志弗俾也吾郡自開天以後名賢林列潛德無潛
幽光無幽炳炳麟麟要不出此幅幘三百里開而五

學源堂文集

卷之二

五

十年來寧無輝今睽昔者詎忍畧之耶畧固匪誼溫
則失衡脫其指吉光爲驚驚則弗如勿覽輝雜舊艸
于椒蘭則弗如地愛實惟郡公識是義也惟人史能
是職也志成而余可無嘆焉矣行見郡守上之監司
監司上之開府開府上之容臺臺而請付史館俾金
閨玉署之開藜炤芸香之際咨嗟而嘉歎曰此廣平
郡志也體裁義類足爲一統志之權輿諸公其快以
慰哉不佞系籍於中亦將分樾蔭而藉珠光矣

畿輔三志序

余纂輯畿輔通志分類二十二彙卷四十六備且晰
已業慮有譌舛校訂維勤遡工剞劂必精必確閱
三月而山川古蹟人物三志先竣客有見者曰於戲
畿輔勝覽其在茲乎余曰否否是纔什之二三爾
是以無厭勝客曰甚矣子之固也夫有天地斯有山
川自有山川乃有人物自有事物斯有古今顯顯蒼
蒼者天平嶺蒼無古今也曠曠莽莽者地乎曠莽無
古今也天地之古今山川辨之也嗟嗟峨峨者山乎
嗟峨無古今也混混茫茫者川乎混混無古今也山

學源堂文集

卷之二

五

川之古今人爲之也且山川不能重人物人物可以
重山川史記黃帝合符於釜山戰蚩尤於涿鹿而谷
山涿鹿傳矣舜耕於歷山漁於雷澤而歷山雷澤傳
矣詩曰維嶽降神生甫及申崧高重甫申乎中甫也
崧高乎自唐虞以迄今茲世閱人而成古人閱世而
成今山川人物豈非相得而彰者哉雖然人物豈
所不遘者山高水長也資千年之憑吊與百世之瞻
懷則亦惟其蹟焉爾孰謂三志不足以舉畿輔之勝
耶是可單行矣抑有說焉子以山川古蹟人物山
川可先也古蹟不可先也古蹟者古人之蹟也是可

更正矣余曰唯唯爰輯是編

學源堂文集

卷之二

五

畿輔通志序

代中丞
于北溟

古者王畿千里天子自治之不設方伯連帥蓋重之也漢分畿內爲三輔統于京兆左馮翊右扶風始有職焉考其時如趙廣漢張釋之者率治郡卓有聲績入而治三輔旋陟公卿則是治三輔者居然王朝之官也貴游京國職領畿甸非其人莫用非其人亦莫任而我國家建都于燕仰窺星宿燦然析木之津類灌山川壇庫幽冀之城二曜起於扶桑照臨靡盬萬流歸序碣石榮衛聿周龍蟠虎踞遠壓金陵一面之雄襟山帶河絕勝洛水四達之衝者也薄海如衣

學源堂文集

卷之二

墨

截振其領北辰有紐言宰其樞且城墉繡錯民社星羅言言允允總總林林萬年近日月之光四時沐雨露之澤畿人士生於斯長於斯豈非顓有福慶者乎官其地者益可知也余荷 聖天子簡撫邦畿躬遊盛宇寵幸逾涯受事聿始乃逢早乾游告民嗟鮮飽幸 皇仁灝沛獨賑駢施賴以上格 天心下集榆氣大有輒書自顧菲劣負乘屨羞雖請賑濟請緩徵不憚已瀆晝雪祈夜露禱不嫌已襲要亦分所宜殫心所深疚敢云靖職耶庚申仲夏蒿目民艱按部難週仰屋發嘆因念封域民岩土宜地利古有志書紀

載必備亟起而求之所司以舊帙多逸新編方輯告
嗣是而于役上谷于役漁陽不遑更諮泊秋而通志
告成因義起例稽古徵今爰繁就雅據實敷華誠典
冊之鴻規史家之懿則歟退食卒業不禁撫卷而深
念焉古之畿天心而地勝也今之畿天柱而地維廓
於古矣古之畿表山而裏川也今之畿屏嶽而沼海
雄于古矣古之畿矩方而規員也今之畿延東而袤
西職於古矣古之畿肘腋而掖密也今之畿居高而
控遠大於古矣試陟制丘之巔而遐矚焉西北阻於
一垣東南徠乎萬里羣山皆向衆壑來宗朱紫陽云

學源堂文集

卷之二

聖

天下大形勢在燕不其然乎夫惟天子自治之聲
教先決于首善恩膏易沛於近光故則閭之利病婦
子之歌呼雖九關而可達民福厚幸乃若天子命
官填撫之承流宣化建署列職監司守令胥有責焉
矣上行下效大法小廉此余之所以日夜飲水者也
閒嘗盱衡燕趙龍從而岸寧者西北皆山也無金錫
琨瑤之產多虎兕狐兔之巢潢漫而瀕洞者東南皆
水也無灌溉潤澤之利多衝噴淪沒之虞豈繁境有
利而民弗知取乎何貨之棄於地也左連齊魯吳越
閩粵梯航所必至瀛郡當其衝右通晉豫秦楚巴夔

黔滇輪囷所必由邢州恒陽保郡當其衝矧玉門以
西重譯而至榆關以東貢使遙來井陘孤竹間尤當
其衝衝則煩煩則費詎容因任耶且也畿稱南北八
郡截然無分土者有分民刑賞難以齊施也多操朱
而少橫經師儒難以教迪也燕人易去其鄉趙人不
逢其歲賦役難以過督也陸不植桑麻而饒稷稗衣
被其何出也水不通舟楫而勤網罟財貨其何達也
凡此者皆非畿人之故態也或亦官茲地者興除之
力未盡殫而調劑之術有未善也不然志所載紀何
盛衰淳漓之各見歟況盛則書所由盛衰不書所由

學源堂文集

卷之二

聖

衰淳則紀所以淳澆不紀所以澆固載筆者忠厚之
旨然亦隱以喻我二三長吏矣余何人斯荷殊恩
而膺重任有屏翰輦轂之責有父母蒼赤之義覽
是書而有不夙夜其勤期以上酬國恩下慰民望
者耶亟檄所司精鑠而廣布之俾黃綬斗食之吏與
犬韋注兜鍪之師武臣咸精白乃心是匡是飭以嘉
惠此元元庶幾乎他日操觚者有以志而今日濡毫
者亦以慰也夫

畿輔通志序

代本議
董子丹

天下之奉 功令而修志書蓋自壬子年始也 畿
輔地先十五國報成宜蚤比余聞 命事始徵八郡
百餘邑悉與之程限刻期從事誠慎以重庫未幾四
方用兵六師禱祭建旄而東南則上谷瀛海兩郡勤
供億焉乘旄而西南則恒陽邢州諸郡勤供億焉二
三守令驚心惕慮日捐捐於糗糒芻茭而不遑奚遑
修志乘余亦手口拊膺督金穀而不遑奚遑督文墨
庚申春泰楚閩粵悉奉勅平畿輔臣庶不敢諱利和
之空而竊幸肩之息矣於是徵集郡縣志書幾二千

學源堂文集

卷之十一

序

冊麟麟而炳炳已千狐之版綴可爲姜五色之絲絃
可成錦繡郡縣之志而爲畿輔之通志不既有藉序
會翰讀快園郭公讀禮家食余舉而記之謂之曰馬
遷作史記致詳於漢生序其時也唐樂紀山川致詳
於越居序其地也李守素號肉譜致詳於北地始序
其族也公生逢堯舜之世居處畿甸之間且號叔之
苗裔實繁汾陽之華胄未遑一人而兼三君子之遇
也已況夫玉署縹緲沙堤繫轡行將奮其形藻抒
瑋麗上光 廟時下潤寰瀛於三君子則又有足多
者焉通志之編非異人任翰讀公不克辭爰開翰于

庚申之初秋脫簞於嘉平之月杪剞劂校訂再閱五
月而告竣於戲勞以敏歟余因得受成事而弁言於
其端竊惟志史事也史文字也何與於治天下國家
而姬周以來代纂重之乎蓋七政四餘星宿燦列天
之文也大河喬嶽麗泉流峙地之文也五禮六樂九
職九賦章程彪炳人之文也珍羽瓊角瑰卉瓊枝物
之文也天下文章莫大乎是而治天下國家亦孰越
乎是志顧不重以偉哉古不具論有明御宇垂三百
稷纂著者再三數四乃命詞臣彙爲一統志自時厥
後八十年闕如也修之一難十三省舊有通志刪潤

學源堂文集

卷之十一

序

曩編增新補缺多所憑藉幾無志也日月之光陰由
河之上游渠驤既駁義例且繁毫閥而墨削之非匠
心不爲功修之一難文逸獻老物易星移餅餌何諮
魯魚或舛匪精心匪殫智而猛勇以訖焉事不訖也
修之一難厥有尤難者志淑而弗志愿厚道也而蒼
幾之於白璧質鼎之於真鼎甄辨必嚴頌謠互集矧
也蔡倫幅短劉邵篇多烏能錄千佛盡萬杰也哉顧
修矣而弗梓猶勿脩也梓矣而弗工猶勿梓也既梓
既工靡然煩費官茲土者任之弗寧不敢耗水衡其
孰敢資土著其難其慎載筆者什之七當局者什之

三余異翰讀公皆有任而無讓者無乃以志雖家事而治天下國家攸繫者歟我 皇上睿哲天竄勤學重儒雅欲博極古今淹該天壤文明婉於唐虞制作閎於百代益無難探宛委之祕編購汲冢之逸籍以爲史館伏助者邦畿近在千里也倘志其天是必七政列宿之犖然志其地是必山川道里之井然志其人物是必禮樂貢賦章程典則之歷歷然飛潛動植之宛宛然始可曰勝任而愉快也茲志不具在乎亦庶幾思無畱唐技無畱長已載筆者職其勞當局者職其逸余亦何敢詡詡然繕悉之耶惟是天下之大

學源堂文集 卷之二

李

四海之衆日在天覆地肅禮明樂備中斯亦日在文章中天有文景星卿雲也橋風甘澍也地有文懷柔河嶽也龍馬騶車也人有文碩賢僞彥也節義勲名也物有文彩苞繡翫也霧菌瑞草也金麟犀甲也碑雲淵之偉麗窮振古之喬皇畢羅乎隄虞厥管閒使天下後世覽斯志者憬然于 皇畿之壯麗翠然於赤縣之光華譬猶窺中天之日月而後知高麗大地之河山而後知遠攬都人士之皇皇而後知盛也是則余與載筆者區區之意耳茲志不具在乎後有作者始事乃用臣亦惟後有作者始事乃用彰矣

王思齡貺鶴齋文集序

壬辰禮闈榜放余得雋意忼然也觀全榜同得雋者無錫唐采臣桐城戚价人江西李石臺皆海內名宿意稍稍快而所尤快者第六人爲合肥王公燕友焉以余少從其遊和遊嘗聞稱其里中同學獨心折公謂公讀書以窮理爲本矢志以經濟爲用腹中有五千卷洞達昭晰無稍疑義發爲文詞剴切弘暢如數家珍如辨指上螺而超超獨解炎炎鉅論人不識其從何處得來也此人得志必能爲國家理大政建崇議獄獄爲一代偉人獨其挺若霜松皎若雲鶴

學源堂文集 卷之二

李

落落乎不屑往而合諸庸夫俗子恐弗克竟其用也余竊心儀之至是同讎禮部得見公頎然山立音吐如鐘河清一衆而方方幅幅哀然非近時人體度宗伯之稱其人者已可信也閱三月 詔選庶常不用往例糊名試詩賦屈指同人誰不讓公一頭地者已而公與采臣數君子皆不與余乃濫吹等劉蕢之愧衆莫不然公則澹然若無意焉以是知公自志有在也釋褐授刑部主事歷遷郎中明允寬平一時推重尋調兵部督捕署屬劾設事多疑難公苦心調劑法不掩恩會 世祖章皇帝用部曹之賢且才者出巡

鹽漕倉河諸大政公拜命改侍御史巡視京通諸倉弊絕風清及瓜奏最擢通政司叅議宗伯公所云此人得志必能爲國家理大政建崇議者不益有徵序余少公十年兄事之惟謹乃以蹉跎中外跡與公疎丁未戊申備員纂修頗謝吏事始得數數過從一日公畱余飲余以不勝酒辭公曰醉翁之意不在酒也移座紫藤格下月腫腫上出所藏茗椀酒具古且良對酌漏下二十叙說生平兩不相隱而得失亦相半公忽詰余曰子號快圃意何居余離座拜手云微子之問吾意幾不白於天下矣因誦余所作快圃說

學源堂文集

卷之二

奎

以聞公曰然則子之所謂快正子所謂悔歟昔人有悔而悟者是漸登覺路也子悔而快直破疑團矣吾與子盍快談之因舉古今大不快者一一豁達於豪杰之胸消歸于聖賢之域俄傾閒覺大塊無非大快也余因請公所著作公曰有悔也非快也須諸異日與子訂之漏下三十而別未幾公病余遂候牀下公曰吾病從悔生者八九悔而不快日就沉疴吾子何以快我序余曰悔而不愧則快矣子無愧也何悔之有公笑而頷之月餘遂不起於戲余慕公者深交公者淺未有以窺公之涯涘也芳軌雖逸懿訓未泯庶

緩於篇章牋牘中見我公乎初十五年公子映來謁選捧公現宦堂集屬序啟讀之儼若曠昔對飲時也悵苑汎瀾不能自己嗟乎人生鼎鼎百年中短赫榮無如鏡花如海市過則已耳獨此道義肝膈之友生死無斃也盱衡海內未嘗無人知公者惟龔宗伯知我者惟公不數年間傳說霄騰伍喬星隱始嘆古人何時一尊酒重與細論文之句蓋存亡之悲而非第別離之感也安得不對足集而吹山陽之篴也哉

學源堂文集

卷之二

奎

巡撫直隸于振甲中丞疏稿序

竊聞哲后納言良臣進說相得益章故化疏政舉史
簡昭休焉書曰爾有嘉謨嘉猷入告於爾后求旨之
詔也子輿氏曰諫行言聽膏澤下於民聽言之益也
李文靖曰人主當使知四方艱難進言之心也爲上
爲德爲下爲民何莫非以言哉雖然亦顧其君與臣
爲何如耳唐魏徵勸太宗行仁義封德彝非之謂廷
問而不足爲太宗毅然獨納徵言貞觀之初斗米十
錢斷獄四百論者遠比成康近侔文景太宗乃歎曰
惜不令封德彝見之於戲使非君如太宗臣良如魏

學源堂文集

卷之二

畜

徵在上者必猶豫而不果行在下者必沮喪而不更
進烏由臻此哉是可知咸有一德君臣道合爲興業
之本氏致治之權輿也開膏稽古名臣未嘗不景企
徽風讚述亮節畢然而嘆曰使當吾世而有焉爲之
執鞭亦所忻慕然而古人之所以得此者亦極難矣
一介四知名節稜稜非廉不威也觀時審勢急病護
夷非識不斷也弱不扛鼎鈍不追駿非才不濟也則
中必慧操刀必割非敏不成也山崩而色不變兇強
而耳不聞非其膽乎麋與而目不瞬烽起而軀不停
非其定乎數者皆備而後可以見信於同列而後可

之言於大廷而後可以施澤于閭左有不

法美意也有不言言則崇論竑議也賈太傅之策
宣公之奏章朱文公之條議千百古來洵金石不
磨而椒蘆維縶已顧安得當吾世而數數觀之乎三
于公振甲德才崇隆氣節挺拔治行茂美古罕其
儔曩者令樂亭爲金清惠公所知牧潞河爲于清端
公所知一薦而五馬再薦而二千石可不謂遭逢之
際乎宋陳襄在經筵薦司馬光等三十人後皆爲名
臣人美其刻章曰古霧薦稿美司馬諸人之得受知
於君子也公之受知於兩公厥美詎有遜歟不寧此

學源堂文集

卷之二

室

也公守江寧不績茂登頌聲藉甚甲子冬 六飛南
巡採聽輿歌特擢江南按察使是又受知於 堯舜
矣嗣是而簡任治河公拯溺心殷持議語切慷慨披
陳至勤 聖主之嚆咨公卿之風議而謇謇俊槩謬
謬昌言蜚聲殿廷傾動錫列不知遑代名臣又孰可
舉似也未幾特簡中丞填撫畿輔受知則愈深圖報
則愈摯仔荷則愈重節才則愈彰兩載以來赤縣澄
清黔黎康保鍾鼎可銘簡編可紀豈不麟炳炳乎
凡此者皆公之立德立功也而無不本於立言每一
疏上 當宁爲之動容在廷爲之傾聽熙熙然競相

傳誦六曹無有格而不行者卽開以例沮旋奉 明
綸悉如公指以賒買陞諸君子爲何如耶其德傳其
功傳其言豈不並傳頃者同事諸大夫請鑲梨棗以
示餘吏以踰編氓三月而告竣貽一冊於余屬爲之
序余備員內閣時公所上疏手披而心識可以上戸
茲且得窺全豹也帙中載公陞辭時奏對語甚詳繪
紵春溫計謨石畫虞書湯命奚遜於古繼載 新繪
特晉宮保風厲羣工又煌煌昭備 君恩如天臣節
似水往牒所稀卽此已足以壽金石光竹帛矣矧皆
本仁祖義開誠布公裔裔而皇皇也哉明晃瑯名臣
學源堂文集 卷之二 李

奏議序云繼自今上自九曹下逮百司有能取諸名
臣之所已試者而擇善以從則法相因而事易治道
相繼而政自通信斯言也讀公疏稿者當不徒讀頌
感歎焉而已矣

清苑縣志序

今上御極之十有三年 朝廷允開臣請 勅鄭
守令編輯志書須其成彙付史館纂修大清一統志
甚盛典也吾邑舊有志於明嘉靖戊戌修於萬曆
己丑迄茲垂百祀其間天時人事國典民風變遷移
易殆未可更僕數已自甲申以後賦社幾滅桑田幾
海吾邑人士忠名烈節非楮墨可載亦非楮墨可述
志之何容易言哉迺者西粵陳公今吾邑集邑之博
學鴻詞者議以修亦適之館亦授之纂而愛簡有人
載筆無人役以緩朱幾演黔遵作赤白羽如繼六師

學源堂文集 卷之二

李

四出供億浩穰陳公嗟軼掌不暇役遂寢於戲是焉
容緩卽是烏容寢耶越三年清川開遠時公來泣語
邑赤白羽猶如織也供億猶浩穰也公不嗟軼掌所
司吏媿媿白其故公曰是無難庖人不治庖不越櫛
俎而代之矣爰輯所已輯髮蒐所未蒐規模舊貫裨
益新裁不匪歲而告厥成勞以懋己戊午余歸而廢
蓼莪公以一冊示且屬弁言於簡端余受而卒業見
其發凡起例備于舊也補闕拾遺詳于舊也紀事書
人確于舊也舊四卷今十二析于舊也舊繪圖今圖
井井然舊刻梓今梓嶄嶄然舊裝潢今裝商商然卽

此而已矣若改觀矣況也錄甲申之烈節播休美於無窮不更偉歟余忝爲邑人士脫無一言附簡末實愧且愚獨是一言思附而感慨繫之也今之邑不猶是昔之邑耶昔之人情悃悃無華慨當以慷而今何如也昔之風俗崇樸習儉無僞言僻行無恒舞酣歌而今何如也昔之士飭廉隅修邊幅勤誦讀公庭無履痕坊肆無口過而今何如也昔之民務農桑重禮

學源堂文集

卷之二

文

荷戈執殳者不聞於市也昔觀于田其翼翼然其畝方方然桑之枝麻之葉影相接也穗之穉稂之遺趾相錯也茨而梁坻而京人相慶也而今皆何如也大約民流而不能復集民貧而不能復富民溺而不能復浮矣余寧無慨於此乎或曰興教化勸農桑使天下民安而物阜回心而向道類非一手一足之烈抑非一朝一夕之功徒焉感慨之謂何雖然陳太丘王彥方鄭康成皆匹士也咸能化成一鄉舉流一國慙也余非其人爾非其人而不克立其功則已非其人而並不克立其言庸遽已乎昔孔子策衛首曰富

之次曰教之先富而後教者衣食足而後禮義興禮義興而後教化行也清苑附郡而邑衝宇以萬計食指以數十萬計日且漸于靡非大家兒而袴統而履絲非都會地而鬱桂而烹珍邑所不產則貿遷于他國以故操贏餘競刀錐者得聚族而厲吾農嗟乎吾農尙堪復厲耶古曰人滿或曰土滿吾邑無二滿之歎而有三空之虞大約坐于拙坐于怠坐于可與樂成而不可與慮始棄地之利而不知治耳愚賤者不知治貴焉者無以率之于先智焉者又無以導之于後乃扼掣款歎徒謂此邦之人逝不古處亦異茲哉

學源堂文集

卷之二

文

嘗思天地之利莫大于水莫厚于山莫奢于桑與棗吾邑有兩泉一曰雞距一曰一畝去城二十里許東西相望淠淠渙渙益神漢也環泉膏壤二三里皆壤皆泉合而潄于邑之西潄而放于邑之南淪漣演漣于邑之東一葦可以達天津邑之西北皆有山或百里而遙或五六十里而近山有漆有葛有藥有青白灰有石炭有柑柚有棗栗檳梨胡桃榛松蘗蜜銀杏之實而木且可楹棟而石且可磔礎皆邑人所需不寧邑人之所需即天津而東亦莫不需之何也天津雖爲百貨輻輳之區饒東南之良者乏西北之產互

而市實所上願無如非輦莫致非肩莫達費日費費
賤鬻罔所利貴鬻罔所售故有棄而不採採而不盡
者供猿攫而飽鼠啄甚非計也誠爲之計莫如先治
水余嘗相其大勢自泉徂河纔八九里須大濬之餘
者使使濶淺使深河深則水大 wat 大則舟浮山之產
易致也邑之利也又稍稍轉運抵天水橋之東與天
津上下同流津之航實而來不虛而往牟利者樂之
矣利之所在人爭趨之將見連檣橫楫絡繹不休東
南之美鮮不聚西北之實罔所壅繫獨邑之利實爲
鄰邑利誠此之圖吾邑無山而若有山不此之圖吾
學源堂文集卷之二 主

禍其始亦人爲之也而利用抑何如之抑耶而吾邑
之有棄地有遺材者要亦數百年來安于力田逢年
之說徃于豆區釜鍾之獲而不知所爲變計即知之
利不近不肯爲功不省亦不肯爲斯舉坐于拙坐于
怠坐于可與樂成而不可與慮始耶抑責者無以率
之于先智者無以導之于後耶昔歐陽修治滁陂澤
之利以興發詠治蜀拔茶樹桑度以永賴然則倡率
而利導之責是亦不盡在生于斯長于斯者也是說
也蘊結于余胸久矣茲因序吾邑志而暇縷及之以
俟秉轡軒者之採焉

學源堂文集卷之二

主

王契九落葉詩序

夫人目之所觸乃以感心心之所感時焉成詠詩也者顧非心之聲也耶故詩不足以明志斷髮父手皆終續耳讀人之詩而不能見其志薈薇沐指奚賢乎落葉詩王契九明志之什也王予人家賢裔少負磊落才視青紫可芥拾壯而折節讀書鍵戶篝燈直破萬卷經史而外八家諸子皆能背誦叩之應聲而對字句無稍疑義好學深思心知其義殆其人序列諸生中三十年試皆第一工於文者也乃不獲一第非工於文者耶讀書能文王予不欲以自優非讀書學源堂文集卷之二 圭

能文王予不欲以自居李廣馮唐今昔同慨論者乃曰窮達顯晦人之恒也苑枯榮落物之恒也以小喻大可據理而談則亦可觸目而感矣夫觸於目不感於心非善讀書者也感於心而不形諸詠非能文者也王予其能已乎落葉詩明志之什也讀其什輒謂王予之讀書盡於茲能文盡於茲明志亦盡於茲詎知王予者耶

保定府志序 代高似斗司寇

朝廷命天下郡縣爲志十稔於茲已前郡守沈公國望受檄未幾會滇黔秦楚大用兵供億填委邦大夫日猾猾於赤羽白羽間嚙復暇磨礪廉伸側理者亭而閱之時使然也丙辰後城築受降縣名聞喜九廵之衝稍稍息肩沈公以績茂擢遷甘肅備兵副使去繼者爲毘陵劉公甫議操觚旋言拂袖今年春蘇門紀公來守吾郡問金穀之額有逋乎吏曰有城旦之書有滯庖吏曰有且庖庖鮮儲侍也郵驛告凋劫也公次第經理之無難色獨以志未成書爲汲汲昔朱學源堂文集卷之二 圭

紫陽爲永康守止官車初百爲未肇首修郡志公可謂無媿古人已敦禮紳士卜日啟館不兩月志以竣公遺余一冊屬綴言於卷杪余受而卒業曰保洵雄郡也歟哉天官家言郡應尾箕二宿尾箕近斗析木之津文秀啟焉三關送氣九水滙精青戊且蒼稗已沉自有書契以來帝莫古於顓頊君莫大於唐堯朔厥誕降實在望都稽厥封國載傳高水郡於三才蓋綜英而集瑋者也彼詳近而畧遠者使第詡詡然曰昌國之喬封於樊輿也高荆之杰產於易水也水經博物之註與志蔚彼范陽也理學之夢吉忠烈之極

山高節之夏峯萃乃金容也是猶記名山而忘崑崙
考河源而遺星宿爾烏足以槩郡之雄且古哉或曰
幽冀之野厥土高涼風塵剽疾人生崇陵大阜開求
川渠滋息之利不可得故或一舍引流尋丈掘土輒
爲冀北江南余嘗攬濡陽渥城瓦橋諸志載洙澮
濩湮發源巖穴潛窟洞出沆漈澹滴布漫漫汗其林
阜藪澤所產荇菱芡魚鼈蚌蛤之屬甲於它域不
止原隰畇畇墳衍斥斥矣天垣地肺人英物華夫豈
東南澤國所可凌而駕之者哉朱文公謂天下大風
水在冀州蓋以紫極爲標黃河如帶爾保在赤縣如
學源堂文集 卷之二 七

有幾故不佞謂州邑之命繫長吏而表長吏者郡公
也恭頌斯言文正誠念我粉榆也哉聞古之懿辟觀
九州之牧而咨小民利病李文靖謂四方水旱盜賊
當不時以聞嗚呼民瘼孔多帝閭萬里孰遽爲長沙
之涕者孰數爲監門之圖者茲志不具在庠披而覽
之四境之廣狹猶昔爾四境之沃衍猶昔乎四境之
室廬猶昔爾四境之編戶猶昔乎井里弗變也而風
俗變詩書未闕也而人才闕數寸之卷斯亦古今得
失之林而中外匡濟之境矣作者之意良苦覽者之
懷得勿動歟

學源堂文集

卷之二

七

保定府志序 代紀太守

天下皆郡也保之爲郡綦大治天下郡皆治也治保之郡獨難何大乎爾它郡郡也保郡 畿之輔也如大之經如地之緯如人之臂顧不大哉治它郡治一郡也保在 日邊化行自近則日首善惠此中國以綏四方抑爲能邇也郡之大也如此治之難也如此余以庸陋謬膺斯任烏能勝任而愉快受事聿始郡早饑洊告出虫者非鳩鵲褰褊則道殣溝瘠四履無殊荷 聖天子宵旰軫恤出大府以振小民余何敢不鉢余心余何得不蒿余日無如郡之爲地大也

學源堂文集 卷之二

序

郡之爲治難也但得故牒而考成法式訓式行庶幾俾無尤乎竊聞郡國有志凡天旱也輿民畧物力以及利害之興除政教之張弛鮮不燭可照而數可計焉亟起而求之所司吏以烏有對余感也滋甚謂惡而去之也亟趨而請之臺使咸曰非烏有也帙而本輯闕而未補爾功令縣之十年已頃正刻期以子大夫其汲汲焉余退而懼也滋甚益俸俸而莫從也思之匝日夜始恍然曰語云山有徑樵則知之水有津漁則知之郡之學士大夫生於斯長於斯亦猶樵之於山漁之於水也誠往而咨之何慮乎弗知事

又嘗聞龐參守漢陽知郡人任棠有志節往候之棠不與言但以雄一本水一孟置屏前抱嬰兒伏戶下參思曰水欲吾清也拔薤欲吾擊強宗也抱兒當戶欲吾開門恤孤也齊子奇十八歲治齊齊以治人疑之規其出與白首者同載卽此以思余之輯郡志也有餘能已于是敦聘郡紳士諏日啟館四旬而成帙余受焉卒業其志四境則原隰昭昭也室家溱溱也行其野有弗若者然其志諸邑則城墉言言也民物熙熙也行其市有弗若者然其志賦役則米粟粒粒之鱗鱗也三旬不日之亟亟也按其籍披其版胥有

學源堂文集 卷之二

序

弗若者然是職何故歟蓋志其盛而不及其衰也志其豐而不及其嗇也志其淳以樸而不及其澆以華也志其賢與良而不及其僉與王也觀其盛而衰可知觀其豐而嗇可知觀其淳以樸賢與良而其澆其華其僉其王亦僉無不可知亦如葛屨之存唐風緇衣之表鄭俗正風正雅有作而變風變雅可勿作耳抑欲官斯土者取法乎上而力挽其頽歟余雖不敏未卽如龐參子奇而薤水嬰兒車中白首悉在乎是矣今日者 聖人在御修德懋學銳意圖治大化翔洽于四遠湛恩滂薄于九州郡在日月光際所謂惠

此中國以綏四方者當不第如馮翊扶風之爲三輔
黃圖也余敢不失精白竭駑鈍以仰荅 朝廷簡昇
之隆恩承宜上官表率之盛意俾郡之盛也豐也淳
以茂也實以良也有如在昔先民者乎倘僅而謂可
以報命于十年前之功令吾事畢矣余則何敢

顧庶常書經稿序

大經皆經也尚書則兼乎史經何以兼史乎史出乎
經也余嘗披覽龍門扶風兩家之史所爲帝紀天官
者出于二典年表者出于三謨地理河渠財賦者出
于禹貢獨游俠貨殖諸傳論者以爲于長氏有所激
而寓之乎史不必有所從出而亦莫不規轍甄創於
古焉倘書爲古今史集之淵源也者矣故士對入學
先經而後史方其誦詠四代之書恒嘆爲古茂奧衍
未易標領卽才如昌黎亦有借扁鵲牙之目稍稍游
心班固報漢節唱嘆以爲史氏三長明宗在茲瞻是

猶問山者知有岱華而不知有崑崙閭水者知有江
河而不知有星宿也安望其際括天地標表皇王組
織人物圖像萬有爲一代良史也哉顧子負才儻中
進士高第旋復選庶常讀中祕書爲史館儲材也矣
一日出其所爲尚書制舉統一帙質于余將以授制
牘且欲余綴一言余讀之卒業曰顧子以爲尚書制
舉蓋乎余以爲史業也昔班彪之史祖述尚書體裁
章句渾灑雅馴爲指紳先生所瞻瞻顧子能緬惟三
代以上君容臣儆父作子述之精意核爲文章使三
千年後如視其容肝飲勤之容聞其都俞誥誡之聲

者而海內之喻嗜復豈有遜於古人乎異日者顧子
握三寸不律光贊 廟時黻黼 皇猷蜚聲天祿石
渠閒則余言始有徵已

陸子振庶常制菰稿序

論音律者曰絲不如竹竹不如肉以其漸近自然也
蘇子曰風行水上渙天下之至文亦以自然者爲至
然則音律之道與文章通乎唐人擊壤而歌秦人擊
缶而歌其音未始不出于自然或曰質矣夫質與文
相宣者也自然矣而弗文無以極自然之美文矣而
弗自然無以極文章之樂兼之者不綦難乎聞之前
輩論始清真進邇達再進精緊終於恬適恬適者自
然之謂也非多讀書烏能屢變不失其正非靜養氣
烏能屢進而即于安昔紀涪子爲王養闢雞十日問

可闕乎曰未也猶虛憍而恃氣十日又問曰幾矣雖
曰鳴者已無變矣望之似木雞矣晉唐人作關雎賦
狀其騰踴琤珣聒聒赫赫者又不啻妬敵猜羣之憤
憧焉豈木雞之足以擅揚乎木之云者蓋以徵其養
爾養之厚然後狸狌芥粉施焉可胥效也顧思天下
極動極盪者難之闕也非本于至靜則不可以是知
天下極奇極變者文章之事非歸於自然亦不可也
孰謂學古人者僅得其繩墨步之趨之遂可驕語自
然乎又何可執古人奇矯離合之篇極謂古人不盡
自然也乎近今之文習於靡曼極矣作者承望有司

之意卑之無甚高論轉相效尤失而復薄失而酸醜
千百手如引一繩識者怒然思有以振其衰粹未能
以一人之力正一國且粹未能以一國之文正十五
國也今年南宮閣讀出蔚乎丕變體不一格詞不一
代彬彬然以軌乎先民爲宗其弘遠如鐘呂溫文如
琴瑟者無論已卽有奇矯離合勢如風雨驟至按其
音節與天籟不少差殊豈非學之博養之靜發越而
得其自然者哉陸子子振其一也行將梓其稿以公
海內知有識者有以是否余言已

學源堂文集

卷之二

全

東安福氏家乘序

安次之有福氏望族也無散處於他州郡者實特姓
焉昔澄江夏茂卿著奇姓通十四卷無福氏余嘗讀
其遺乙酉余舉於京兆第十人爲福君澤字惠民衆
焉楊花也明年丙戌應春官試始相晤頎然如人中
龍奇其姓復欽其人進而詢厥家世公乃出家乘一
編始知其初姓張氏明嘉靖時有諱福時者官京營
副總統出督漕政聲績茂著世宗有勇無如馬防清
無過福時之褒一時御賜勅札皆去張不書而箋奏
咨政亦第以名上以是遂氏福焉余聞而喟然興歎
曰懿矣乎公家之得氏也古者天子賜姓命氏諸侯
命族良稱鉅典黃帝之子二十五人得姓者止十有
三姬者二酉祁已滕臧任荀釐姑媛衣者十一其餘
皆德薄不足錄至如伊祁後有劉范姚後有虞陳夏
姒周姬而後有扈男斟尋褒費杞緡辛宜來宋沈閻
韓應其類紛錯不可殫紀蓋漸衍則漸分如岷山有
江嶓冢有漢派別支殊而派之中復有派支之外復
有支矣夏書曰錫土姓言乎權在上稟一尊也有錫
卽有析析斯衆衆斯異也載觀古今或爲牒宗望裔
或爲畸客單門或以生里食采之各因或以避諱遷

學源堂文集

卷之二

全

徙之多故甚而碎戟之爭帶鈴之誚又甚而警學版
漸命覲鹵叟之屬俗言方語無從攷據奇而弗典有
如投壺白馬之覓俚耳福之得氏寵肇天言懿昭祖
德裔裔皇皇可不謂隆乎世甫三傳碩人輩起詩曰
無念爾祖聿修厥德永言配命自求多福又曰錫茲
福祉惠我無疆子孫保之頌禱之詞歟抑勸勉之詞
也惠民聲振庠鐸由以擢司郡李厥爲異數懸魚之
操禦於冰霜拔薤之威懼彼海蜃直不可遂拂衷歸
林素節高風洵足繩武矣廿餘年來五柳陶栽一經
韋授佑啟後人謝家王樹荀氏鳳羣行且蕙蕙而颺
學源堂文集卷之二 命

順治九年壬辰進士

學源堂文集卷之三目錄

序

賀沈繹堂宮詹序

賀分巡霸昌僉事黃元起特擢粵西按察使序

賀捕卿張爾成長郎登丁巳鄉薦序

賀劉節婦膺旌表序

賀劉佩湘遊泮序

賀黃子昂姊丈立嗣序

直隸巡撫中丞于振甲榮膺宮保序

賀趙席公武舉序

學源堂文集卷之三目錄

一

賀總理錢穀守道丁奉巖副使擢江南按察使

序

賀總理直隸刑名按察僉事董子丹擢分守叅

議總理直隸錢穀序

朱肖菴處士兩子遊泮序

王達甫武舉立嗣孫序

刁訥菴計部公子遊泮序

胡存仁僉事擢江南布政使序

胡存仁僉事擢江南布政使序代

學源堂文集卷之三

清苑郭泰快圃著

賀序

賀沈繹堂宮詹序

粵自有虞氏命后夔典樂教胄子而輔導太子之官以肇歷有夏商至周而大備考載記文王世子篇所稱太傅少傅以及師保者洵隆以寵也秦漢以下始設詹事代有廢置隋爲懋焉大抵教諭之義特重師傅之禮特崇不第如漢之家令已也或妙選名德或徵辟碩學朝寧以爲美仕宦以爲榮以視用勳晚用

學源堂文集卷之三

監護者禮數實優名銜率名府寺者職任尤清近焉遠不具論班班可考者莫如有明嘗按其儒臣官制無係傳之稱而有係傳之責者三詹事也無賓客之貌而有賓客之義者左右庶子也古曰典書坊今日司經局名異而實同也統而謂之爲宮坊者別於九卿庶尹也閒嘗約舉其義三詹事可比于閣輔二庶子可比于尙書故凡太子有事于六曹吏戶禮則左春坊掌之兵刑工則右春坊掌之蓋專官也論德贊善顧名思義亦自可識司經局與翰苑所司畧同統領寅協厥惟宮端顧不重歟漢明帝爲太子時受書

於桓榮後乃爲之執醬執爵非天子重是官乎唐貞觀中撰太子接三師之儀甚優乾道中太子開講詹事以下至講讀官並用賓禮見非太子重是官乎天子重之太子重之使居是官者不自爲重不相爲重而欲如古所云紉彈非違則亦未足以副也古來稱是官者王恭則清操過人下臺則裁斷切實周蔚則純粹篤誠孔演則經學淵博率皆自重而後人重之耳明洪武初建大本堂取古今圖書充其中延四方名儒與太子游處而當時如宋王諸君子雍雍然相友善無僚屬儀則也厥後則選詞臣克乏官尹與宦

學源堂文集卷之三

僚率以科第先後爲序禮不相苛也事不相侵也出入進退不相謁問也詎非交相重者耶夫所謂自重與交相重者大抵先之以德業次之以才諳先之以器識次之以文苑而簿書便捷之譽談嘲警敏之能譬之蒼幾小璧無與天球大貝爭晶瑩也廼者 儲君受冊 天子簡德業淳備器識卓越之儒以資翊贊華亭繹堂沈公誕膺 寵命凡茲桑梓蘭譜罔不頌 當宁知人之哲也罔不謂拜茲 命其必有以自重而且以相重以仰承吾 君與吾 儲君之重之也夫孰知公之見重於 朝廷者固不自今日

始哉公以淳備之德業卓越之器識壬辰年握三寸
不律對制策於臨軒臚唱第三釋褐卽入玉署始
進之重也如此未幾先帝念侍從之臣皆爲異日
公輔儲器非內諳紀綱法度外習風俗民情未易臣
佐隆平公由翰林編擢爲外臺副憲謂非重之耶嗣需
次居京師遇今上右文好學留意翰墨訪求海內
能書者公承召至禁籙授簡吮毫臨摹諸家上
嘉悅特至賜貂裘賜文綺食大官之餐領上尊
之醕允矣重之矣矧其賜環詞曹矧其祭酒成均
矧其儼然保傳古之人君重視其臣曾有如是焉者
學源堂文集卷之三
三
否耶於戲是謂重公之德業耶抑才諸耶重公之器
識耶抑文苑耶愚謂重德業與器識也何也公之才
諸蓋已數歷中外績著聲流矣公之文苑蓋已臚唱
形埒揮毫鳳紙海內之所瞻跂士林之所傳誦非伊
朝夕矣公不必以此見重於世而世亦不必以此重
公也今日者天子命公爲宮詹名非三師之名任
則三師之任與王恭桓榮周蔚孔演諸君子者古今
輝映奚其有忝行見天子式重矣青宮式重矣
而公之所以自爲重與人之交相重者又安得有數
思乎

賀分巡霸昌僉事黃元起特擢粵西觀察使片
古之人君銳意太平未有不殫求俊乂破格而任者
人臣弘濟時艱亦未有不誕膺異數騰達而上者其
人其事往往不期而至不謀而合論者謂有天焉夫
所謂天者庸第人君簡拔之異人臣遭遇之隆哉易
曰雲從龍風從虎聖人作而萬物覩有是君斯有是
臣簡在帝心夢養良弼正謂此耳非神其說也實其
理也考之史冊不獨漁鹽版築之遇爲奇卽自參佐
俄而方岳自牧伯俄而公卿無一非天作之合也往
者無論已今上躬天亶之睿聖懋振古之勳華文
學源堂文集卷之三
四
德鴻宣武功遐邇誠足遠耀姚祁而近超漢唐已乃
猶嘉意勤學勵精圖治總萬幾而日昃不遑食綜
六府而月要無敢康其于用人灼知善任殆不獨卿
士而兢兢慎選也往例十四省藩臬缺悉由主爵者
循資階序年勞以次啟事無所取置邇者粵西按察
使缺所司用例奏陟上念粵西久罹兵燹吏治民
生凋劫孔棘非特簡賢且才者往爲陳臬無以振風
紀揚淑問也下廷臣會推未幾九卿台省首推穀
霸昌道元起黃公以聞上曰可聞者忻然慶得人
焉謀爲公賀問言于余竊思公之分巡霸昌也纔二

載有奇爾克以膺茲 寵命者厥由丕績茂建頌譽
弘升也斷斷然已豈復可歸其說于天哉書曰天視
自我民視天聽自我民聽蓋以民心之所爭即天意
之所與乎公泣茲土雖未深久而德義之淪浹百年
來所希親也民之頌之奚啻如章甫膏雨之歌耶皇
天無親維德是輔斯亦可大可小之義矣謂冥漠無
與於登進人才之數也烏乎可或曰公秩爲臬司食
事按典例必四遷而後得爲廉訪諸公卿重公之德
服公之才不次而推舉人意也 當宁屏書有素聞
秦卽俞亦人意也乃斤斤乎歸之于天者何居夫稽
學源堂文集 卷之三 五
臬固封疆大吏上之則中丞涖焉制府轄焉余嘗讀
天官家言左右轄執法皆去帝座伊邇今之布政司
使天之左右轄也按察使天之執法也古人云郎官
上應列宿矧什伯于郎官者耶載陟載遷謂不應天
象乎使公而遠在山陬海澨閒雖甚德才日近長安
遠詎能不脛而蜚萬里不崇朝而徹 九關乎辛酉
冬公需次銓曹時數道並闕霸昌屈第四指人多不
以爲艷公得之乃色喜殆以不遇禁錮不足別利毫
乎抑處脂不如抱冰乎公以實心行實政民之德之
有如漁陽之歌張堪而 翠華所屆採聽敢真也

此撫軍特刻不牽成例也如此濟濟錫行深信而愈
同也如此而謂第人意也哉公行且治百粵矣地自
遠於畿甸人半雜乎犵獞不如邠農之可問也然亦
非如河南南陽之不可問昔文翁可以化蜀朱璟不
難治粵又何有于公之碩德偉畧哉詞是有傳鱣魚
徙海合浦珠還者知公之績將益懋已入備三公直
須臾事乃可爲公賀

賀捕卿張爾成長郎登己鄉薦序

古來人才之盛散出於十五國者也產於一方則尤盛崛起於千百氏者也著於一姓則尤盛何也人才生於下取才視乎上莫之爲而爲也考古取才之典周制爲隆鄉舉里選率三年而一賓興之漢以後師其制爲制科亦三載而一舉迨武帝感於董仲舒之言始令郡國計戶口歲舉一人以至五人四科之設不以三年限也而唐宋以來法亦數易期無常拘要皆以網羅名彥躋於美盛而已漢元帝之詔曰興廉舉孝庶幾成風十室之邑必有忠信蓋言人才不擇

學源堂文集卷之三

七

地而生也古者高陽氏有才子八人高辛氏有才子八人振古豔談千餘年後陳荀之父子蘇宋之昆仲亦難遙企也豈非散出於十五國者不如一方崛起於千百氏者不如一姓也哉余嘗盱衡今古而知世盛而人才亦以盛彼限年限格械樸其罔效矣人興而家亦以興彼孤特歷落龍鳳其莫稱矣思以媲美元愷希蹤曩詎詎不憂受也耶我國家開闢三十四年鄉試會試凡十有二舉特行者三蓋亦古不限年之意三科所升名賢踵接效已旋覩邇者天子念成均濟濟多士激於公義咸抱所學自田間來非

有以甄收而獎拔之無以示勸 詔令丁巳秋特行

鄉舉京兆試竣雋者三十六人捕卿爾成張公之長郎與焉鄉之貴遊中朝者製錦爲賀屬余一言以饒之余不禁聽然而祝曰 國家之人才其盛矣乎張公之家世其興矣乎興者起也譬之百卉然興於春者亦興於秋興於原者亦興於隰無待於時無借於地也昔管輅爲人相宅曰庚則興後果驗是則人之興也必以地地之興也必以時殆不及百卉之於春秋與原隰者矣故詩之善頌者曰以莫不興公家爲京師望族先世之發祥衍慶者不具論公於戊子登

學源堂文集卷之三

八

賢書壬辰成進士傳臚第二人由翰編以拜今官人謂公之先世有通籍於辰者其興也宜公之猶子及菴公丙戌登賢書丁亥成進士亦官翰編其先世則無通籍於亥者也是特興也顧侯辛卯登賢書人又謂公之先世有書升於卯者其興也宜今年丁巳而公之長君以雋先世未聞有書升於巳者也又特興也夫興於前亦興於後天人感應之機若操左券已足慶矣而況蟬聯霞舉蔚然特興者乎則是三秀之華春秋皆郁蘼之藁原隰皆芬也以莫不興殆其頌之歟且公之醇仁麗德及於民者多矣公筮仕以

來敬歷於渤海江右中州凡三大國其在中州也歲
大溢漳水漲發漂沒數百里國嘆爲壑民嗟其魚公
出貲募善泅者百輩拯於溺活者無慮千伯其不活
者櫓而掩之亦無慮百十一時頌聲匝河朔開闢之
宋庠編竹橋渡蠅一老袖曰此陰德也後果狀元及
第夫蠅之於人微矣渡之尚有報公之於漳民又當
何如耶公子博學能文章聞於時者稔矣大家兄弟
裴馬相耀公子則恬然韋素取友親師不自矜詡潞
河稼部雷雨若公乙未分校所得士也公子乃北面
執經事之曾子學於孔子子思學於曾子師傳卽家
學源堂文集卷之三 九

學矣夫以世德淳龐如彼師承之精顧如此是庸第
以科名爲光顯者乎於戲 國家開創三十四年人
才之盛古莫與儔一時名卿才儔都人士爲多公家
爲最誠如所云產於一方而薈於一姓者耶此一代
之盛也非祇一家之興也鄉之貴游中朝者爲 國
賀安得不爲公賀

賀劉節婦旌表序

古今人莫不有夫婦也而恩義貫於存亡則難莫不
有母子也而名節有以相成則難莫不有朋友也而
窮達遭際順拂相同則難何以難也其人無靜淑之
性初終易移其情其家鮮敦厲之教內外易岐其行
或生不同時長不同俗潛躍不同持固未可勵節而
流聲比飴而較茶也吾友劉子篤公則有不難者篤
公起家寒素少且孤奉太孺人慈訓三十年而成進
士會巡方御史以所部節婦聞于朝太孺人得詔子
旌表有司致禮置棹楔如典例里之人莫不爲太孺

學源堂文集卷之三

十

人榮而爲篤公慶也然不知其所以致此者則亦甚
難矣方太翁與太孺人訣無半椽無一甕釜懸而篋
倒牽裾泣者藐孤且三四人太翁色憂之太孺人識
其意卽涕謂曰君無以妾及子女慮妾自于歸以來
事姑嫜無缺禮與君無閒言詎忍悖義而喪節以貽
地下羞妾生于貧長于貧未有君死而貧反足難我
者太翁領之及捐館舍力襄大禮爾乃援先勛寡取
高辭嚙志凜凜然有欲奪者迫之厲假提甕汲奮投
冽泉鄰人覺而救免其烈爲何如也于是正堂以踐
嚴君操績而教童子朝屑榆糜暮斟熊液數十年益

如一日焉非恩義貫于存亡者其孰能之乎篤公性孝友事太孺人惟謹恒自克勵績學濯行龍文駿起榮榮翟翟沈墳涵典聲噪三輔丁酉戊戌鶚飛魚化今日者綸章賁野坊表在門金鳳以耀節毋綾餅以賜仙郎旌貞之榜膜輝于策名之旗慶恩之筵連香十登第之譙洵地光千里而絢華百嶺者乎名節之相成又洗倫尸比十年前予與篤公同筆硯蕭寺聯牀業餘促膝予言而篤公泣篤公言而予泣予貧與篤公若也孤亦相若毋節與太孺人若也兩人之困頓蓬蒿又相若以是相憐而相泣之及于壬辰倖一

學源堂文集

卷之三

十一

第索米五斗未嘗一日忘篤公篤公乃絕無咫尺及予窺其意非忘我也將以志奮也今果豹變而蛟飛矣予與篤公窮達遭際又安有殊別也哉予于此則有嘽嘽者焉太孺人操烈賦舟教馨徒令紫泥之榮已被稗翟之寵將加小人有毋名未暇以動乘軒典何由以邀淑井篤公佇分符璽種花雷封不難舉巍績宣駿聲聲垂犀玉繡綴鶴蚪予則枵腹未化假蹇難拔也何敢遂以爲同耶其同焉者予則幸之其不同焉者予將勉之夫俟其勉之而後同也已嗟乎止後矣

賀劉佩湘遊泮序

國家以銓法壅滯患才多也議者謂當減制科額之半天下督學使者三歲一校士童子賦采芹雖上邑不得越十五人民閒俊秀以青其衿爲憂嗚呼人才盛衰之數取士嚴濫之殊豈不以時哉憶三十年前吾邑應童科者率千二三百人遞選而上所得冠民字冠者纔三十輩而鄉社家塾絃誦之聲相聞時何盛歟未幾而稍稍凌替矣齟齬獲充博士弟子員輒誦誦然以自異甚而有緣他途進者懷鉛握槧之徒恒髭鬚怒生攜子若弟而從事焉屢擯而志弗挫

學源堂文集

卷之三

十二

時衰以難又如此浸而至戊子己丑閒黃序之陋甚矣主者不以文字爲衡量試者不以文字爲工拙千蹊百徑莫可究詰大抵濫也云爾等而上之亦復如是識者憂之曰盛而衰物之極也濫而嚴亦數之環也其變也可翹足待無何而丁酉科場之戩烈甚于是減額之令著矣書升之額日以隘挑達之刺亦日以興白屋貧子辭去其師而徙業焉不以爲怪有司每試士童而儒者邑不數十人以其事非可操券而取即可操券而取亦無足重輕也所爲傳一經而守一先生言必出此途而後快者蓋亦寥寥落落矣前

後五十年自盛而衰自濫而嚴無慮數變時爲之乎
抑下之人有以自致之也乃者 聖天子御極首以
右文爲大政科額特增文體兩變期于以人文化成
天下蔚乎盛矣今年夏督學金壇蔣虎臣修撰校士
上谷清苑一邑儒童入數者十九人予內兄虞子劉
公之子蒞與焉予聞之色喜曰是子也可以爲士矣
昔楚人爲練甚緻國之西有市焉精粗雜售值無低
昂國之東有市焉受精而卻粗值且有等抱練者羣
趨而西而若獨東衆竊疑之楚人曰吾練精也寧遲
而售不濫以投使是子而遇于數年以前安所別于

學源堂文集

卷之三

三

濫投者乎茲試也如東市之受精而卻粗矣失此舉
售又安所別于雜售者乎且吾舅翁養吾公平生時
常曰余嫗修也涼得子爲士足矣士之子恒爲士余
不敢期蒞也以王父之所不敢期者而得之以其時
可喜寧有踰于此耶雖然吾尤有望焉者語曰天之
報施善人不于其身則于其子孫以吾舅之積善餘
慶也其後必有顯者虞子兄攻苦垂四十年僅以諸
生老爲善者疑之蒞而能讀父書乎浸浸乎有不可
量者矣蒞乎勉之哉

賀賈齋子立嗣序

尼父罕言命乃曰不知命無以爲君子也君子者何
孝子也仁人也孝子仁人以善繼善述重也子與氏
曰無後爲大此語可以補孝經矣然兩古今之所以
蕃嗣而衍祚者厥有二道寶膏精神慎嗜欲靜而能
生此孫思邈之說也謹身以立命也咏樛木頌百男
此司文之美也廣人而濟命也或曰戴良學道而多
女樂天擁姬而無男孝子仁人其窮已乎先王先儒
于是有道以維之曰立嗣惟賢惟親義有殊重爾孫
繼子禮可相權又曰冢子不出嗣明主祀之勿移按

學源堂文集

卷之三

三

其事典大率乾不生坤不育數窮理極之所爲耳雖
然士君子讀書體道不俟命固無以靜處世之心不
輔命亦無以大合天之力庸輩小儒又未可屑屑然
以語此齋子賈君者保定世家也才子也垂髫列賢
書英英有玉山之譽恂雅其度修濯其行斐亹其文
眇不曰君子其人也年三十而室未懸孤恒以爲怒
一日有日者至君以是叩曰君非艱于嗣者第
其中有輔命之法惟君圖之琳球璆璫何以必產于
藍田其先有崑崙之璞在也櫻楠梓杞何以必茂于
鄧林其先有神人之杖在也君可以悟矣君曰是欲

吾立嗣以先其類乎日者笑而去于是謀諸仲文與
署公公曰予三兒已入孫著膝含飴聿足娛矣脫有
出者卽以子汝今正月公長君章士舉第六子遂以
質前說焉信乎君子之知命也仁人孝子之能輔命
也使賈君無仁人孝子之心則不必以是卜之日者
使日者無特契獨得之奧則不必以是告之賈君使
矣署公無懼愛猶子之意則不必以是許之他日使
章士無六兆熊夢之奇則不必以是實其前言豈非
命乎肅子正翩翩年少矣寶齋精神慎嗜欲思邈之
言可懷賦樛木頌百男周文之美可繼命自我立命
學源堂文集 卷之三 五

須我濟詎不卓卓乎大儒也歟哉況乎日者藍田鄧
林之喻必有所徵也輔命而驗賈氏之族行自比于
王謝而人之相倣而起者衆且以作天下後世仁人
孝子之津筏矣

賀黃子昂姊丈立嗣序

子昂氏爲清苑甲族家於城東之閭莊世業一經祖
父行多隱君子焉子昂有兄二伯善長氏仲賢書氏
伯仲各有令似或哀然而子矜或偉然而丈夫伯與
仲固居然著大父鄰而含飴弄孫矣子昂則藍玉獨
未茁也今年齒及中念膝前不宜久虛思得伯仲之
子以子之謀之伯氏伯氏乃掌惟一珠謀之仲氏仲
氏雖弧矢四懸然歲無廿五以下且顧其室結褵已
宛然也子昂曰余其伯道乎愴然者累日伯與仲謀
曰季子之言良可念夫吾何以慰季子心伯曰獨子

學源堂文集 卷之三

六

無嗣理仲曰婚娶無嗣側予其忍遠已乎伯與仲瞿
然思躍然起同聲而語曰吾有以慰季子矣吾從兄
鼎有子甫十二齡目若秋水骨重神清吾家千里駒
也取以子季子季子之心慰吾兩心亦慰于是謀諸
子昂子昂亦懽然應也旋復戚戚然曰是未足以慰
我伯仲咸固詰之子昂曰凡嗣先親而後疎立親立
賢實有次第吹壺吹箎鶴鳴有和必舍諸而從兄是
問人其謂我何兩兄其謂我何我其自謂何伯仲復
同聲曰季子其以世俗目子兩人乎此舉子兩人意
也茲其所爲吾從兄者非它可僥憶三十年前吾祖

父處約若祖父處豐若祖父時割以贍我我因以裕
茲子少也孤我不以撫其餬口于四方乎季子善遇
之以嗣以續也且以云報也兩兄與人寧有閒言耶
子昂于是頓首謝而立以嗣之名之曰慶志喜也其
戚友咸醵金爲賀曰以子昂之賢而詎憂熊羆之憂
不叶乎視其齒方壯以長也華于春而實于秋彼木
皆然可以喻人矣考工記曰橘枳一也生于淮南則
橘淮北則枳性固不甚相遠子昂而得賢嗣也是亦
足以克昌厥後者顧其性有同耳奚淮南北之區別
也哉子昂氏子之姊丈也故爲之序

直隸巡撫中丞于振甲榮膺宮保序

代余相國

粵稽古名臣勲伐顯融聲稱烜奕後之稱述欣慕者
率謂際昌期邀榮遇故身寵而名以章時命蓋基隆
也否則謂明揚有人延譽有地王謝之蘭玉不風而
自馨許史之門牆不援而自升也於戲是詎善論古
人者耶說命曰若濟巨川用汝作舟楫若歲大旱用
汝作霖雨倚畀維殷已曰啟乃心沃朕心信任維摯
已信之摯倚之殷奚復俟譽言之日至耶漢唐而後
名弼碩輔見信於其君者或以舊德或以偉畧至若
信其爲清忠信其爲孤介司馬溫公李郭侯而外殆
抄其儔歟故雖盛名駿烈如杜征南人猶疑之矧也
其它近代以來多以公卿出鎮方州曰制府曰填撫
皆特遣皆廷推而填撫爲重得一人臨軒而命之璽
書以敕之大抵戒以整躬率下覃惠蒸生以牧寧我
疆土爾惟漢光武命任延守武威戒之曰善事上官
無失名譽信之虜疑之虜論者曰非信也使延生平
能孤介自持信友獲上光武哲主也安有是命由茲
以論凡錫鉞建牙乘駟持斧者雖建豐功豎奇績爲
人主所褒賞榮也而非信也退竿牘絕苞苴爲人主
所獎尚信也而未摯也若乃拔諸風塵而躋之台司

試之艱鉅而昇之節鉞慷慨乎信其德也信其才也人猶以爲可感激而光寵也況乎信其德信其才而特信其爲孤介自持者耶于古有之尙論者爲之表章於今有之持衡者爲之推轂已我國家建都燕剏千里之畿東抵溟渤南臨黃漳晉雲擁於西宣漠屏其朔脉古三輔特爲雄勝而監司者六道也守者七郡也牧者今者百餘州邑也脉十三省部特爲煩劇大京兆治京師九達而外設中丞填撫之開國迄今膺是任者無慮數十才節著聞指不勝屈惟振甲于公稱最焉丙寅夏缺員銓曹列中外大僚啟事

學源堂文集

卷之三

九

上重其選不卽遣顧請政府諸臣曰按察使可簡乎對曰可于是當宁特簡公焉三輔人士貴游朝右者聞者懽動不寧三輔人士公卿庶尹亦莫不頌我皇上之知人善任也於戲公之膺茲寵命也以幾古名臣之際昌期邀榮遇身顯而名漳者誰謂古今人不相及也余則知公之致此殆有度越古人者矣公起家樂亭令邑瀕海多伏莽椎埋鈔掠時時見于境延及鄰邑公銷弭之不已出奇捕獲數百里皆有異字不獄四履也字厥良氓不翅慈母之煦煦於赤子民德之會以它事干考功例議錫職樂亭民無老稚

羣走而排撫軍門請留賢令聞於朝得視事如故會永寧北溟于公來撫畿內亦廉潔孤介人也知公賢引例薦遷通州守州去春明纔一舍當兩京子午衝神叢奸藪前此不克治公摘剔如拉朽不數月聲聞溢輦下時北溟公已總制兩江矣知公賢又破例表遷江寧太守郡之繁倍於通也至則風清江潯雷動鍾麗比於襲黃之在潁渤焉甲子 上南巡江淮採輿謠褒勵踰涯特擢爲江南按察使於戲公自筮仕以迄觀察蓋無地非盤根錯節無日非飲水茹檠也至是而秉憲南邦庶足以酬廉介之庸爲百爾風

學源堂文集

卷之三

十

庠無何而有疏濬海口拯扶維揚民溺之役 上以爲非公不可公復以廉使拜命於行在矣疏海與治河事同而勢異與河臣議不協陳言于闕下下九卿衡量可否時余爲稼部卿與公往復論海口形勢公侃侃鑿鑿有如指掌諳練不讓潘葉二公而孤介過之余之心儀者非伊朝夕也故知公之度越古人也撫畿市歲民如衽席臥吏如水上行豪右如狐兔殲荏苒如秋篠帝政績班班揆之于昔有張釋之之勁節而不鉤距有趙廣漢之威重而不深峻有包孝肅之清嚴而不致笑比河清也猗歟洵度越古人矣

我丁卯廷臣推公往總制兩江 上謂公撫幾有成
續勿輟遷也旋念公敷歷者久不以制兩江非所以
獎廉能廣崇屬 特諭吏部加公爲太子少保以撫
軍而加宮保異數也以僉憲而加宮保尤異數也伏
讀制詞崇獎備美可以垂誦百爾至有云孤介自持
者大哉 王言洵知公之深信公之擊乎古人云陛
下知臣臣不孤矣公其謂之何昔孔子曰不信乎朋
友不獲乎上子夏曰信而後諫信而後勞其民由公
觀之樂亭之民信之矣通州之民益信江寧之民信
之矣畿輔之民信而又信況縉紳之想望風采也僚
學源堂文集 卷之三 三

賀趙席公武舉序

國家制舉之典文武並興自唐已然唐惟武舉無進
士之名故郭汾陽以將相兼資不得與於廷對之數
說者謂天下安注意相天下危注意將時使然也唐
宋以來肇造邦家所與同起艱難者皆公侯上爵餘
亦世祿焉一再傳而後海寓晏然其君與相所爲變
諧締構者數黼黻潤色之猷居多章縫咕嚕之徒且高
談察弓脫劍矢此文德而投石超距之勇穿揚落賜
之技靡所試其捷健矣於戲是豈諸干治道者乎古
人云兵可百年不用不可一日不備夫所謂武備者
學源堂文集 卷之三 三

庸第飭千盾淬鋒鏑而已耶詩曰赳赳武夫公侯干
城又曰予曰有禦侮者周之人才僅遜于唐虞之際
而當時頌美之者夫亦何取于干城禦侮之選也無
乃亦安不忘危之旨乎故備武者不必備兵也備將
焉爾備將則必與育之于蚤選拔之以精優養之以
禮而後人不以韜注爲餉而競相習于孫吳家言矣
我 朝武科之制亦已數易武臣之體亦已最優于
是父縉紳而子韜鈴者不以爲異業也且而控縱有
殊能破的有絕技未嘗不抗美古人焉無如佻儇
捷者襲而取之鹵莽舛陋者雜而進之是亦得失相

平耳廼者 天子命司馬曰試武士制宜更定非舍
矢如破者毋錄非力能扛石者毋錄非臂開十石臥
者毋錄能此者廼試之策論博通十三篇及曉鬯時
務始克解額今年鄉當大比武士及格者寥寥意亦
難矣而其試罔不可者豈非千英萬杰之才哉竇坻
趙子席公吾鄉秉赤公之猶子也秉赤恒謂余曰有
弟之子甫弱冠讀書有志向惜其好騎射聞人談古
名將則動色余曰此將種也公何惜今 國家文武
無畸重士子無專科能爲名將何異于能爲賢相乎
公曰然于是命之應武科果三試而得雋觀者莫不

學源堂文集

卷之三

三

健羨其英風偉畧也秉赤公機茂有古人風且謙謹
而有氣詎能濟人之急賙人之乏好善如不及凡鄉
里之敵待起傾待植者靡不仰賴焉公居京師樂與
士大夫遊一時名公鉅卿咸重其制行之有素晉接
無怠而公之教其猶子期之成立踰于第五倫遠矣
席公之由來者如此豈獨其負才英絕也耶茲海內
方用兵席公明年對 大廷傳臚首唱將磨不次之
用其奮乃歎畧奏削平底定之勲取金印如斗大歸
而拜公于堂下也庶足以慰厥教愛深摯之意乎哉

賀袁六完大銀臺舉子彌月序

豫州志曰酸聚有大樹自漢迄宋聳十尋枝葉繁茂
蔭可數畷秋實而冬復榮博物者罕識之居人爲屋
于八弓外掘地指根蟠結甚固始燬然于樹之榮敗
而華滋也有由然也人之多子將無同乎大槐氏作
十二支首子子者華也華生之義也人生人而曰子
義取諸此或曰子嗣也嗣續乎其先也厥義尤重夫
取乎生之義者非根則不生取乎續之義者非統則
不續然則人何以喻之木乎人亦厥有根也詩曰世
德作求世德根也作求根復根也木有根而枝必茂

學源堂文集

卷之三

三

人有德而後必昌理之斷斷無或爽者不然豫爾女
士從以孫子詩人何以式祝式頌乎大銀臺六完袁
公門望甲三輔公與仲氏聯翩登八座鄉之人噴噴
稱慕之有耆年者曰徒慕公之榮而不知稱其所由
來無以顯公之世德且無以爲鄉里勸也公之父有
積行丞晉邑全萬戶于孤城厥後攸以克昌公伯仲
孝友好古能文出而仕爲 天子諫臣直言讜論度
越見買扶綱植紀讓明弼諸表表在人耳目間不是
之慕而慕其食報也根本之謂何哉今年冬公舉第
七子鄉之貴游及僚友將爲公賀問言于余以余里

相近也世相好也余曰公之可賀多矣不聞酸聚之
大樹乎根大而榮盛孽而以嗣以續則可若蠶絲
彌月公子納言之餘金鼎泛翠繡襦擊珠愛秋水之
爲神信石麟之有兆愉快爲異如哉

賀總理錢糧守道丁泰巖副使擢江南按察使

序

稽古帝王之能養天下者即能教天下能教天下者
即能刑天下刑者側也一成而不變如陶之有型焉
雨之死而致生之非之生而致死之也後世言刑名
者胥失其意輒有致慨于刑官不可爲者豈輔世長
民之良哉唐虞命官使稷教稼穡使契爲司徒使皋
陶明刑論者謂古帝因人而官似稷不可以作士皋
陶不可以教民而契不可以教稼穡者說大不然舜
之五臣皆以聖人而居臣位豈其才宜于此而不宜

于彼乎況夫天生民而立之君使司牧之凡以爲民
耳天爲民而立之君君亦爲民而置之官無所分其
爲明農爲明倫爲明刑也凡以能養斯民者即能教
斯民能教斯民者即能刑斯民觀人者于此貴有通
識焉魏李悝漢耿壽昌唐劉宴宋陳恕趙鼎皆以理
財足國名漢于定國張釋之唐徐有功宋包孝肅皆
以詳刑明允名之君子者未嘗以一官終其身也亦
未嘗長於此而短於彼也豈有他哉心乎爲民焉爾
矣于是而知君子之學古服官于其筮仕可卜其宦
成于其一長可知其備美矣語曰燕人不可操舟越

入不可以控馬者技力之習也庖人不治庖尸祝不
越樽俎而代之者借才之謂也才技豈可以觀諸子
乎觀君子者觀其抱道蘊德與立身行己焉耳余同
年泰巖丁公從龍雅彥也壬辰成進士選庶常由翰
林侍讀爲司馬郎數歷中外者二十年丁酉以按察
副使分巡畿以東廉而有威豪右斂手士民允懷會
撫軍以三輔土田半給屯牧賦額增損積不能覈請
設專官綜理田賦 廷議以監司任之卽畿南北八
道中遴舉賢而能者移與建牙俱羣推轂公公之膺
斯 命也 特典也推賢也歷七年而乙卯江南廉
學源堂文集 卷之三

十二教之中有曰以刑教中則民不聽三代設官事
不攝而義寓職無侵而法該凡百有位不能爲天子
養斯民者則亦不能爲天子教斯民不能爲天子教
養民者則亦不能爲天子明刑一不效百不效無它
爲民之意失也爲天子明刑猶之爲天子敷教爲天
子敷教猶之爲天子治賦一有效百有效無它爲民
之意得也我公蒞吾鄉七年德意淪浹績用碑著美
弗可屈指數大端則已彰彰已邇者邦畿之民于公
之將去額 撫軍而請曰吾儕小民昔無襁今有襁
矣惟公之仁昔鴻敷今鴻宅矣惟公之力昔屢常吠
學源堂文集 卷之三

訪使缺 當宁念東南重地陳臬當慎選惟其賢不
惟其格下九卿台諫會舉堪任者以聞羣復推轂公
制曰可公之再膺斯 命也亦 特典也亦推賢也
於戲仕宦之階年勞平進鮮不謂榮推舉之典物望
攸歸今昔豔道公一官而疊遇之且不意獲之可不
謂賢乎中朝縉紳先生知公之賢而不知公之所以
賢僉曰公治賦有成績矣宜久任之乃移而明刑毋
乃違其所已效而予以所未習乎余曰否否詩曰帝
命率育陳常于時夏養以兼教也書曰明于五刑以
弼五教教不廢刑也周官邦國之貢賦掌之司徒而

隸今兒不藏蘆矣惟公之法昔虞芮爭今雀鼠息矣
惟公之明公不可去祈爲我入告 天子釋斯言也
公詎獨優于治賦者哉或曰江國地大人繁作奸犯
科情僞百出非峻法不足以平余曰否否孔子曰聽
訟吾猶人也必也使無訟乎傳者曰無情者不得盡
其辭大畏民志漢之循吏見民有過閉閣自責訟者
泣服此物此志也公讀書學道人也靡事不規規於
古人頃者治吾鄉時偶下一檄于永平太守有所更
張郡守格不行公責狀郡守言不便語允直公感其
言罷前檄手書優荅之謝不敏以是而觀公自治而

後治人古罕其儷焉畏民志者不在茲乎江南之民
固多狡黠吾知威戢泣服不難訟獄衰息也峻法其
奚爲諸縉紳先生曰誠如是公之德續無讓于稷契
畢陶矣漢以後所傳治賦而明刑者不足擬矣爲
天子大司寇可大司農可入備三公秉鈞軸相天下
無不可矣區區治一國理十數郡云乎哉公行矣鄉
之人將祖公于道問言以當三疊余與公同成進士
同讀中祕書道義肺腑之交垂三十年邇者澤被我
桑梓誼篤于金石相期以有成猶恐弗及也豈其有
詠詞焉

賀總理直隸刑名按察僉事董子丹權分守參
議總理直隸錢穀片

世有偉人物望歸之孰不曰奮其才猷敷其經濟
以訖被天下而無難乃粵稽古名臣往往績譽未滿
于天下聲施先著於一方後之所爲燭然功高攸以
勒鐘鏞而震方夏者寔不越此一方之規度也則何
歟詩有之曰惠此中國以綏四方由近以暨遠爾其
所云中國者蓋王畿也古者天子之畿內地方千里
不設方伯不建連帥天子自治之而京兆尹左馮翊
右扶風皆得專兵得治豪右得徵辟名士權與三公
學源堂文集 卷之三 三
埒則是畿內者四國之所具瞻也萬族之所翕聚也
治畿內即以治方州矣畿內治方州可以治矣甚矣
夫爲天子治畿內者之貴得其人也漢之張敞唐之
韋弘機宋之包拯豈非其人歟史之所傳治行固夥
而於其爲京兆尹洛陽臨守河南尹則娓娓焉蓋重
畿內也重畿內因以重治畿內之人也重治畿內之
人因以知能爲三輔長者後之人參兩制出建藩牙
可於此而信其勝任而愉快矣顧不懿哉我國家
建鼎于燕京師亦名府建輔節郡而八地廣袤千餘
里滄溟環左太行擁右枕居庸襟河濟維以勝乎壤

撫之者或二或三皆西臺之長近則特設焉遠皆開府於東垣頃者天子巡幸畿內親榆關迤西遠千三百里始得望見執斧鉞者南不數百里而抵大河河朔隸中州道里弗均乃命撫軍金公駐節保定以表率文武將吏若農桑若貢賦若訟獄若稽學校若討軍實緝逋逃靖奸盜一手一足綜厥成往往不如六府之期會因言於朝曰天下十四省會一撫能職要者問錢穀則方伯對問刑名則廉訪對事無鉅細撫檄司司檄道道檄守與令易下也令牒守守牒道道牒兩司兩司牒撫軍易上也故事舉而期無

學源堂文集

卷之三

三

愆畿內分八監司檄難猝下牒難猝上以是不如六府之期會請移八道之二千保定一責之總錢穀一責之理刑名公私便制曰可比以山西按察司僉事分巡保定者則三韓子丹董公也公天亶朗茂才具開美弱冠登仕版數歷中外所至著聲爲監司度越等倫撫軍俾之明於五刑謝不敏未幾天子命之矣朝聞夕受條弼教數則上之開府刑期無刑畿之北有疑獄焉剖決若神情僞莫揜每爰書上地里家世上俗方言如數指上螺開府詢所以曰曩佐保定有年畿以北如并州故鄉也畿之南有疑獄焉亦

復如是詢之又曰曩倅大名有年畿以南亦如并州故鄉也上官咸曰猗歟公之賢且能也今之仕宦孰不有所蒞哉孰不有所一泄再泄哉居之若遽廬去之等逆旅數年後憶其山川風物愴恍若槐安遊能者畧識其梗爾嚙克精諳熟悉若是者受事七年所獻數大獄無冤無濫馭吏胥防制有法片牘隻批悉手跡羣掾但實封啟通爾無所容其舞文公聽斷有神明譽八郡半牧屯作奸犯科人不一色有狐假虎者有借神叢者有狼倚狙者有指鹿爲馬者有妖機怪阱者內折外同吐實懷詐不憚以膚膏法一見公

學源堂文集

卷之三

三

皆失所恃愚弱賴以安嗚呼漢于公治獄多所平反人謂其有陰德卜其後門閭必大公豈有讓乎客有以功德頌者公輒撫然曰是烏足言某年讀古人書至程伊川所云一命之吏苟存心於愛物於人必有所濟未嘗不慨嘆佩結數年來竊念中外之官仵伯中外官之職任亦仵伯何官不可爲而得于刑也朝視事青衣抱牘緒衣環案欽拳郎當而鬚髮蠟者皆待理之人也夕視事桁楊市地鬼域滿堦堂以上強顏切齒惻疑虛喝欲以破奸狀脫罟罟入不忍入泣網徒然出不遽出覆盆可矜者皆躬親之事也

是可謂存心于愛乎存心于濟乎信其可愛而可濟也刑官亦不可爲也功德尙忍齒及耶聞者謂公有哀矜心余謂公有弘濟志何也今日之饑民所苦不在健訟所希冀不獨雪枉灑易而北桑不水而滄趙其以南絲不染而寶昌黎有言年豐妻啼飢冬暖子號寒非文公實錄乃畿民繪圖也公憫然念之者匪伊朝夕念之而有道濟志有道濟才顧可云庖人不治庖尸祝不越樽俎而代之乎噫公之意美矣偉矣迺者總理錢穀丁公以最績擢江南臬長去撫軍不及聞又慮代者非其選復特舉公得俞旨畿以內

學源堂文集

卷之三

七

權聲若雷謂去一丁公而更得一丁公矣況公于畿內之民拊摩姬煦者二十年於茲昔也一家之慈母今也一國之慈母矣官雖以監司名儼然周之方伯也又儼然漢之馮翊扶風也惠我人斯曷其有極羣焉如燕雀賀來索子言余與公相周旋者前後十八載維桑與梓受培植者今昔十二年愛我莫如公知公莫如我庸以弗文也而憚一言余何謂知公耶人曰公之功德在畿輔余謂公之功德在宗祏人謂公之治績周三輔余謂公之治績可以被天下何也畿內者四方之所具瞻也萬族之所翕聚也治畿內卽

如治方州矣畿內治卽如方州治矣矧矣頌聲闐闐譽望蜚聲當宁且書其銜于屏上繪徵佇賁於鉉游登陳曲逆曰得宰天下亦復如是其謂之乎

學源堂文集

卷之三

七

宋肖菴處士兩子遊泮序

陸賈曰天下危注意將天下安注意相此言乎拊髀思而夢卜求者也若豫以養之而造以就之則君相所有事也其教自上而下不使有畸重畸輕之弊其應由下而上自然無勝文勝質之譏觀乎一師之弟有洛誦詩書者亦有講究韜鈴者一父之子有章甫縱披者亦有雞冠佩劔者是可知風教之易行而習俗之可均也何也明季秉國成者儒臣也凡侍從清華兵農要路非進士不得與而師武臣雖貴爲大將亦擐甲執兵遶巡屏息于儒臣之下嗚呼是安得拔

學源堂文集

卷之三

三

擢天下奇才異能之士使之戮力疆場而收其捍衛之功乎終明之世士大夫不解控弦馭轡爲何事閒有賦才雄杰瞻視非常者皆引而入于學宮一冠民字柔其骨力而緩其氣魄矣可弱而不可亂殆漸積而至者耶我國家文武并重剔科場之弊廣登進之途彬彬多士盛無俟言獨是民間強勇子弟畧識字義卽彎弧縱勒引類招朋豎標命中馳騁追風當其鏃發揚穿鎬鳴鴈下未嘗不趯然意得人人自以爲大將也閩粵荆揚素號柔脆而亦家藏孤矢人擅擊搏噫何其盛耶異日諸爲天子効馳驅可一呼

而百應人與罷相習風與氣相濟殆不必鉤組以禦侮而御蹶以驚心矣吾故曰其教自上而下也由下以應上又安有紀極哉固安有小菴宋處士者舉二子詔令有聰慧處士教之分門而肄業去年冬試于督學使者皆入數二子可謂應數而興者矣里人以出于一家爲尤異將登其堂而賀之索余言爲序嗚呼此又何俟余言以麗之也處士胸有異術常活人于指掌陰德濃麗其後以昌理有固然者然而文非聲悅之爲文也期于黻黼太平武非秣幹之爲武也貴乎敦詩說禮惟處士有以善其家教云

學源堂文集

卷之三

三

王達甫武舉立嗣孫序

禮曰君子抱孫不抱子孫可以爲王父尸子不可以爲父尸也以孫福祖義有取爾也此爲已無子而本支庶支皆無可嗣之子故耳若本支有親可嗣而庶支有賢可嗣則卜之嗣子者經也嗣孫者經窮而濟之以權也詩曰繩其祖武傳曰纘乃祖服父子濟美固足稱道而祖孫揚休豈非亢宗耶此爲天子諸侯家言之也臣民則不盡然何也天子諸侯無祖在而孫福者也臣民之家父在而子歿禮宜爲子擇嗣而不宜爲父擇嗣故無子而得嗣者族之人里之人咸

學源堂文集

卷之三

序

酌酒而慶慶其爲人父也乃有父在而子歿父爲子擇嗣將慶其爲人父者乎抑慶其爲人祖者乎或曰歿者不可慶而存者可慶是亦禮之從乎情而事之近乎禮者耳吾邑武舉王君達甫望姓也族最繁世有顯者而積德累仁自達甫以上賴有陰善昆弟三人已居仲皆有子能讀書濯行克世其家前年達甫之子不祿無子閱三年謀爲嗣之以親則有伯氏之孫以賢則有族子之子兄之孫纔五齡族之子頗長稽之人不違諸筮之神則並吉久之莫以決達甫曰是無庸稽與筮也從子之子親而幼族子之子疎而

長吾年七十矣嗣幼非以纘吾服嗣長非以教吾本莫若並嗣之親者親矣賢者賢矣一本之慮安而老人之志慰奚不可者於是族子之子爲長孫從子之子次之一言立斷是世芳一日而有二子達甫一日而得雙孫矣於情諸於禮適於事安所謂經窮而濟之以權者歟宋儒曰反經合道謂之權況乎不反於經而合乎道者歟族之人里之人咸擬酌酒而慶問言於余余不美王君之有後而美王君之知道也凡世之取人爲後及與人爲後者往違有競心而競心之萌與競端之滋大抵非單門非窻室也有所利

學源堂文集

卷之三

序

而爲之一不遂強者怒於言弱者怒於色恒紛紜忿鬬而不可下其以傷和而滋感有難言者矣或曰人情之不古余曰人情久矣其弗古也亦由擇嗣者之不知道不知道則私心生私心生則輿論不諧其中

王君素豐於家行且闢塾延師爲二孫課讀予以光前人之業而裕後昆之緒也何有哉

學源堂文集

卷之三

五

刁認巷計部公子遊泮序

有筆工王氏者來自邢州具言學使者校士狀鑒鑒乎可聽也獨言邢州有神童子纔八九歲骨重神清目炯炯如秋水下筆輒數百言不軼于法學使者嘉其有夙慧爲請其衿語既訢訢有餘慕焉余顧而謂之曰誠然四海九州之士負高才能文章卓卓在人耳目間者算數意計不能盡吾未見有津津稱道者矣卽偶及之亦如覽寶于五父覲花于萬谷過斯置之復誰起而慕之耶子之惓惓于邢州童子殆禮失而求諸野耶筆工者樂甚更言童子簪花騎馬導郡

學源堂文集

卷之三

早

守前親者如鄧林鮮不指而目之洵足慨慕余曰予識而祖若父乎曰否識而間若里乎曰否慕其人而弗識其祖若父間若里是亦覽寶於五父覲花於萬谷者爾筆工慚而退今年六月鄉之人宦於京師者折柬來邀將釀金製錦爲計部認巷刁公賀曰公之子字若石十歲而能文試于邑嶄然列鄉校博士弟子員余軒然大悟曰是卽筆工所稱邢州童子也聞之稔矣夫認巷爲司農郎棹楔在閭驪驅開道遠近具瞻矧爲南和望族人才輩起奕奕如王謝子弟鮮不企其風流者夫何筆工第指之爲神童子而不能

舉其家世與閭里耶筆江其悶悶淳淳者耶余竊意其故矣世所號爲公子行者率鮮衣怒馬僮僕如雲持刺趨謁官府耀動鄉井開或結納賢豪談文賦物賣聲名於當世故所至人靡弗識之試于有司如操左券而取失以爲怪也得以爲常也復安得籍甚之有公之子必其布素樸儻有家風者也攜一蒼頭僮居僻舍口伏几浴誦不多過從了無撩人艷羨者故雖一鳴足驚而亦不能舉其家世與閭里也以余所聞賁白贈公家四壁立愛身如鼎嗜學如飢奇於數以布衣老認菴幼負雋才公督之向學無稍緩假郡

學源堂文集

卷之三

呈

試或京兆試贈公偕之行至則鍵扃居停竟試事同寓不接一談認菴一冠民字名噪菴林試輒冕其曹余謂童子之有家風者蓋以此也雖然童子已列士林矣夫士儻然自命上之脩道敦德砥節礪行接踵聖哲次則奮才發智淹通兵農禮樂之學蘊蓄弼君惠庶之志以秀才而任天下夫豈其芟芟弁弁者哉因念認菴負命世才艱于一第以明經謁銓次當題輿會演點初闈守土需人簞仕者咸胸縮遑巡不欲往認菴慷慨請行一襍一蹇萬里宵征開關得達時相國亨九洪公經畧南服一見深相器重檄之守

一州單車扁舟蒞藤碎礫白豁青峰子遺三戶爾詠菴招徠綏輯拮据持茶州乃獲又嗣以年勞擢大理寺副多所平反再遷水部員外郎督漕玉泉諸河事訖轉計部郎持籌經國風議偉然于賁白公爲顯親之子于若石爲裕昆之父矣東學之盛時復踰茲夫若石千里駒也孫卿子曰雖有干將不加砥礪不能剗割雖有驥驥不加造父之御不能致千里殺梁子曰子生而不免于水火毋之過長而不從名師父之過認菴有家學者也過庭之訓世德作求奚俟執經東廡北面向人者吾知若石必剗心于四子五經講

學源堂文集

卷之三

呈

貫道德研悅性命睽若列眉而復博稽七十二代之廢興以廣其識游目八家百氏之編帙以宅其才使它日可以揆藻敷華上光廟時下掩羣流是父是子允矣懿矣詎規規乎如塾師曲士手腐爛一編伊吾終日不識古人之名不聞古人之行剽竊勦襲畢其能事者耶昔司馬溫公四遠欽其名一日入汴煩人童子爭欲識之當其少小亦涑水閒一童子耳庸人能舉其家世與閭里也然則筆工之稱道欣慕而弗克舉其家世與閭里者亦猶晉人所謂欽其寶而莫能名其器者歟

胡存仁僉事擢江南布政使序

國家設六府以綜理大政闢而弗翕問錢穀于同冠則曰不知問刑法於司農則曰不知豈繁譴譴登繁遞謝工弗習者技弗兼才弗餘者智弗轉固其所也今之六曹郎惟主爵者得內擢卿寺它率外任監司郡守郡所職守畧同監司曰分守曰分巡所司同而不同再遷再擢大氏稱是爾惟畿輔二守巡有不同者畿之守總錢穀內應計部巡理刑獄內應秋官名不同于藩臬而實似之故三年入覲比于十四國之方伯觀察輯玉于王廷再遷再擢則守且去而理刑

學源堂文集

卷之三

望

名巡且去而總金穀工之弗習也才之弗餘也噫是恢恢乎遊刃者耶惟我存仁胡公則左宜而右有已公起家爲小司農歷兩司閫五載日討天下賦役而精覈之得其要領常語人曰錢穀孔目人謂職詳不加職要予謂今之弊正坐不詳去其紛糾則詳者亦要又曰錢穀不惡其弊惡行弊者私耳法方而弊圓夫以百千萬億之度支裁爲方幅黏以膠漆一日不可行也變通於法之外皆弊也公則濟法公私半亦濟法其人皆可賞全乎私則壞法矣其人乃可殺識言莫其論奇而確部郎苦司庾多所遜避畏弊孔繁

猥也公毅然任之曰凡弊生於法者也弊滋而法以弛法整而弊自祛循弊抹弊則弊以生弊不如其已持法正弊則弊亦爲法何患其多公司庾一年無法不振無弊不釐且卽弊而反用之明用之而弊轉爲法數百萬漕精數十年漕弊洞若觀火計若指螺髯胥吏老奉之如神明嗣拜小司寇專理江南爰書受事討諸司律例披覽之慨然曰古帝王之制刑書也蓋以生天下之愚頑非以殺之也縣者先例而後律公謂例作于一時律通于萬世例以佐律所不脩寧以律先例勿以例先律庶幾祥刑矣槐棘明允鮮不

學源堂文集

卷之三

器

謂然公常以一司之官而協贊十三司之質成隸有依倚而爲奸者輒收而置于法諸猾胥吏畏之若雷電於平公以貴冑英齒入官所歷莫不曉嚙大體炯察夙弊若駕輕而行熟者豈其他有謬巧居是官盡是職不辭勞不避怨砥礪廉隅其體也訓劑上下其用也而止水明鏡其所得於性生與家學者蓋獨有優焉爾任未滿考三事大夫擬表畱內擢會畿輔總理刑名道缺員詔九列會舉賢能超格是任僉推轂公當宁久心簡之疏入旋報可公單車赴官拜篆呼羣吏稟積積於前區分部署期以三月了

吏難之公爲艾除繁耗頒給程式郡縣省文書之煩
訟獄絕淹留之苦而吏不得舞弄文法累及期而竣
沉案甫清今中丞于公來撫三輔公明廉威一如張
綱之于咸陽龔遂之于渤海倚如山不以驕遇如鄰
不以暱堂堂然以剪豪右安懦愚爲首務發奸摘伏
悉以屬之公公明於刑者也不鈎距而得情不鋸削
而畏志孤兔不能匿景於萑苻鬼蜮無敢含沙於郿
井十年漏網投首崇朝千計跳梁失覓朗焰乃蔽辜
而止不淵察也一門虎翼扶穴若懸百足聽舌批郤
如膽乃殲渠則止不株連也雪冤者感而泣受法者

學源堂文集

卷之三

聖

亦懷而折每一獄具廷尉稱平比部所不能簡字者
率移而檄之公直佐秋官也庸第應之乎三年而九
廄塲淨百城枕帖 聖天子嘉迺丕績簡畀江國方
岳公官纔泉食也十載六遷方可于蕃慶越諸大夫
實爲特典聞者靡不爲公賀而或有爲公難者曰公
明於刑者也俄而遷之綜金穀且俄而遷之綜三吳
之金穀無乃弓之箕遽爲冶之裘乎余曰是非知公
者已公昔在計曹天下會計之數鴻纖畢微瞭若指
掌尤剋心于三吳弱冠時鶴沙震澤來遊來歌有
其有斗之吁嗟新絲新穀之悲痛目擊而心隱者匪

伊朝夕今且荷 聖天子特簡往而蘇此一方民上
不負 主知下不負所學正在此矣而謂公憂憂也
乎公之練於秋官者已試于三輔練于稼部者什據
於三吳使公而生於重華之代汝爲司徒汝爲司寇
吾知必駢而命之也矣然今之駢而命之者不有填
撫中丞乎吾又知必晉而登之也矣昔周勃爲相問
錢穀不答問刑獄不答陳平謂各有主者吾謂必非
其素所習練也必非素所試效也使其爲素所習練
而試效詎有承萬乘之明問而不畧言其梗槩者乎
公他日秉鈞吾更知必昭晰而敷陳之也矣公吾識

學源堂文集

卷之三

吳

之趙張也余公門之游夏也而忝于有諛辭質而爲
言可脩史乘之錄云爾

胡存仁僉事擢江南布政使序代

今上御極之二十有七年春三月湖廣承宣布政使
之員主爵者疏諸觀察使以請 上以楚自甲寅後
兵食猥集多所叢脞匪廉潔精敏者不勝任是當超
格擢用庶克釐剔特簡直隸總理刑名道臬僉存仁
胡公往往任厥職公楚人也例不官楚聞命趨言于銓
宰引嫌以謝 上曰楚分南北事不相涉是人情慎
素著何嫌何疑例以局恒流超遷莫以局不爲易幾
之人訢訢然媲美於朱會稽未幾江蘇六郡缺方伯
主爵者循例以請 上曰江南財賦要地較重于湖

學源堂文集

卷之三

聖

北復遷公而南弗寧才與地稱且別嫌也幾之人復
訢訢然媲美於邵南陽潁行畿之人則皇皇然已訢
訢然者何慶聖主之知人善任也皇皇者何恨我
公之澤深難留也迺過而語余曰君子贈人以軒不
如贈人以言願泚毫錄實伸楮殫懽攀車祖道時可
酌酒而祝之余曰余亦皇皇有情也豈其以弗文辭
古謂燕人多慷慨悲歌之士余有言不禁慷慨矣
幾千里遠過百餘城編戶而居算數譬喻所不能及
其間通籍中朝捧檄四國者沉耀靡一添曰薦紳鼎
也東山無墅絲竹何音西陵有瓜疆場失界而衛霍

多奴朱郭託狹不恤六逆安問三尊懸車以後健戶
恐不固入山恐不深也迺誚讓學豈猶無風而波及
之蔡戟峻絕若九閭窮年誰刺矣況也青睛愛流于
蒙右白眼慢被于陳人十畝之閒不足美三窟之智
反可師情寧獲已而弗已邪公來泣我幾紳者洒然
釋此憾已門者無鬼座上有春何崇何庠何故何新
鼠有體矧我人斯公爲保之雀有角矧彼曹也公爲
白之鄭人有歌云我有田疇子產植之我有子弟子
產誨之幾人之裨奚減于漆洧邪公將去紳之攸以
皇皇也又其間有拖衿青青抱卷黃黃者淡采錯出

學源堂文集

卷之三

哭

罔非髦士勳也附第髮會舌井不獲卜正承弱筆
徒埋而紅牙響雜白雪調低不認一丁奚憐七步采
片以來葛帔難過于市豬肝豈復到廬也迺嫗偶虐
使猶無烟而燎及之縫掖禮祠若百鶉萬步遭噓矣
況也長揖欣對乎林鴉短劒嗔按于頻茹踐更之勞
不獲免鄉校之毀時相猜辱常不期至而僂至邪公
來泣我幾紳者渙乎釋此羞已城闕無刺梗楚無威
檣檄亦榮徑竇自恥豹有文矧我人斯公爲鼓之鮒
有涸矧爲魚也公爲潤之詩曰古之人無斃譽髦斯
士成人有德小子有造畿人之祝奚遜于檣檣耶公

將去衿之攸以皇皇也又其間有于邦喇歌受屋闌
闌者服買食力靡匪蚩昨曷也燕有鴻噉趙甘虎噬
僂石絕儲杆柚安剝而萑苻畫滿塗鼓莫驚墻屋交
穿毳瑞不畏中產之家驚鴨不敢惱鄰豆觴常甘避
席也迺鴟張蛾射猶無翼而蜚中之間闐迤遠於薊
里排嶺弗聞矣况也人賞魯褒之論家陞石壕之篇
謂謂之佩璫不長芄芄之黍苗易稿患常預防而突
洎邪公來泣我畿農者買者帖然安其居已豪剛如
鐵非屈則折良柔如蓬不扶自藜矧我人斯公爲鉏
之蟲百足矧如螳也公爲僵之華陽志云望遠忽不

學源堂文集

卷之三

記

見惆悵常裴製相君恩澤深難畱誓永懷畿人之歌
稔符於巴燹矣公將去氓之攸以皇皇也皇皇如何
于是紳耆衿者捺耒耜者肇牽車牛者聚族而謀曰
峴有石郎無石乎盍礪而鋤諸曰有待召有棠公無
芟乎盍護而愛諸曰有待若咸有待孰則無待曰公
湛恩汪濊沁人心脾心可沁則心亦可聲言心聲也
喜則罌悲則歌盍罌諸于是紳耆歌曰燕山之石峴
巉今易水之波潺湲今公三年居今山晴巒而水安
瀾公一朝離今羣登山而跂望載臨水而浩歎今衿
耆歌曰燕山之石巖巖今易水之魚鱗鱗今公三年

居今山晴巒而水活潑公一朝離今羣對山而懷仁
載酌水而憶昨今捺耒耜者肇牽車牛者同聲而歌
曰燕山之埜塏塏今易水之湄磊磊今公三年居今
山巖崑而水瀾浼公一朝離今羣陟山而悵驚車之
迢迢載泳水而覲繼斧之鑿鑿今情見乎詞余故敬
書之以當臥轍焉

學源堂文集

卷之三

序

學源堂文集卷之四目錄

序

清苑邵子昆明府壽序

代

清苑令邵子昆壽序

直隸總理刑名臬憲吳北海壽序

宛平王相國壽序

劉植菴封君七十壽序

督學侍講學士董默菴壽序

霸昌道黃元起壽序

宮保大學士兼吏部尚書青壇成公七十壽序

學源堂文集

卷之四 目錄

巡撫直隸中丞格公壽序

郭長公封翁七十壽序

直隸巡撫大中丞金孟求壽序

東鹿令李鷺洲壽序

王宛平相國夫人壽序

高九臨稼部太夫人壽序

李容齋少司農太夫人壽序

桑雨嵐壽序

王惠迪壽序

保定太守方秋潭壽序

巡撫直隸中丞振甲于公壽序

學源堂文集

卷之四 目錄

學源堂文集卷之四

清苑郭恭快園著

壽序

清苑邵子昆明府壽序

嘗讀國風棫樸之篇曰周王壽考遐不作人魯頌泂水之篇曰飲此有酒永錫難老二詩皆頌禱之詞也誠惟因壽考而頌作人泂水因幸學而祝難老厥義何居聞之魯兩生曰禮樂百年而後興是教貴悠久也宋神宗讀蘇軾之文歎曰奇才朕不及用留爲子孫輔爾是賢貴夙養也夫曰悠久曰夙養非黃耆之

學源堂文集卷之四

君臨於上爵壽之臣贊於下烏能譽髦斯士哉故頌壽維祺雖難於祭祀燕饗之章要以得之泂宮者爲惜摯較著爾清苑令君子昆邵公治邑不泊一載政化翔洽頌聲騰越仁育義教淪浹四民而青青子衿沐浴詠歌則無殊薪樗焉春王月之中浣爲公攬揆之辰三庠秀茂咸圖所以頌公禱公者殆於詩人之旨有合也來問茲於余以稱觴余深謝不敏諸生曰公僑居郡中十有七載實受越花庸第河潤孔子曰居是邦也事其大夫之賢者方今司牧之賢孰有在於我公者耶古人云好賢如緇云豈非以鄭公爲

司徒善於其職而周之人士歌之咏之耶余曰敬受教念自賦歸以來鍵戶深居不聞戶外事獨是里中童叟頌公者曰賦無美耗問左爭輸訟無滯牘庭有畏志是可舉而屬之乎諸生曰不卑惟是頌公者又曰義不茹茅池鱗無燥仁不吐剛社鼠難憑是可舉而屬之乎諸生曰不卑惟是頌公者且曰菱鏡燭人妍媸無匿霜鋒剝物盤錯不撓是可舉而屬之乎諸生曰不卑惟是余曰公之廉隅在是公之明敏在是公之風猷在是而諸生具以爲未足無乃欲余先其鉅者而次其細者乎側聞之矣其教丞尉以廉也月

學源堂文集卷之四

二

給以粟日給以薪其繩胥隸以法也鄉無危冠解無絲履其軫四民之無告也棲養其其所其憫力役之畸勞也鄰封盡之疆德之散見又如至片言能折虞芮過境而釋爭五聽不遺鄒陽上書以自白戴星出入精神大於其身策馬去還淑問揚於他邑詩曰王事一埤益我又曰我從事獨賢皆告勞之詞而公處之裕如其才之各給者又如是矣諸生始起而言曰公之所言民之攸堅耳小子輩士也我公之於三庠恩禮駢隆教養胥至大成之殷朔望無關禮焉上丁之祀俎豆必飭幾焉考課勤而人競鼓篋也

貫切而士輅有建也觀濤聯句合璧聯珠豈讓於陵
之唱和列鼎饌經質疑問難真如絳帳之門牆濤蓋
固稱上客許記祖臥下牀風扇有禮也教誠尤有禮
也至於對座哦音爭教子安之賦閣垂青授簡何殊
長源之咏棋枰形骸微楚英英蓋莫不共入鴻鈞
之治咸歸大匠之裁也詩云成人有德小子有造誠
我公之謂歟余於是听然曰吾知所以壽公矣嘗聞
齊桓公獵於葵丘遇老叟公曰可以叟之壽祝寡人
率與爲奉觴曰吾君固壽矣金玉是賤人民是寶
金玉者廉也實人民者惠也廉且惠故曰固壽我公
之廉與惠孰今而駕古其介爾眉壽也更宜載考文
王九十七歲魯僖公在位三十三年純嘏復蒞咸有
懋德皆登壽艾何假於祝獨是枚櫟泮水岡出於羣
士之手也殆有深信焉者昔鄭然明欲毀鄉校爲其
退而議執政之善否也子產曰勿毀孔子聞而歎其
仁豈非以鄉校者直道之所在乎三庫亦猶古之鄉
校也同聲祝公庸華稱善余不暇引金縢之詞專
稽玉局之算而欣欣然獨有取於雅頌之什也公幸
慨然進一觴

學源堂文集

卷之四

三

清苑令邵子昆壽序

竊嘗聞之孫文正曰今天下三事九列多擯廢於不
可爲獨郡邑守令則無一不可爲三事九列意概於
宏肘局格於器忌卽慷慨以身任三日不得明綸則
仰屋而歎已守令擁專城南面一方令甲所便可力
爲之令甲所不便亦可意爲之故古比守令以宰相
謂宰相近天子守令近庶民宰相有不可盡得於天
子者而守令無不可盡行於庶民也於戲碩論哉余
嘗以是觀今之爲令者而重有感焉按歲之四時曰
令臚列十二月職生職長職守職藏合之曰令蓋獨
學源堂文集 卷之四 四

制之而不相代詳條之而不相勢故令也者命有所
不受地有所不擇時有所不沮前後遠邇有所不拘
要於人已義利之間權其輕重而已蓋以兆人爲重
則一已之得失爲輕矣以兆人之義爲重則一已之
成敗爲輕矣若是者求之古而未易觀止而謂觀止
於近今歟求之天下而未易觀止而謂觀止於鄉國
歟吾茲幸矣於近今觀之矣於鄉國觀之矣吾邑令
君子昆邵公允矣其人歟公世居晉之猗氏爲唐虞
夏繼內地其風淳以朴其人質以直公又家於邑之
北境地高而瘠人勤而勞淳朴質直尤多焉余嘗過

其鄉聞之主人曰邑故多顯者城居什八九鄉居什二三北境之鄉又非它可比間有達者德必實德才必實才學必實學有不仕仕則聲績著於天下往往然也越十餘年已酉庚戌公起而擢高第筮仕令山左之臨淄疲邑也而豪者黠而頑者悍錢穀之多逋訟獄之不平前此率棘手而不能理公以威與豪以恩予頑而黠者失其黠悍者脫其悍不一年邑大治會以憂去續用弗成再起而令畿輔之柏鄉衝邑也交九域之達聯三郡之縫賦不煩催科也而供郵符飭尉傳爲難訟不煩矯虔也而應竿牘強周內爲

學源堂文集

卷之四

五

難公不難其難貴人勢客無敢苛索一騎一丁者大家上官無能恣行託一意者以是民德之而貴人勢客大家上官則側目而視爰有媒孽而具錦者矣窮智極力必欲去公而後快公遂以去洵所謂重民而不復恤已重義而不復顧利者歟家居博極羣書於理得數於數得衍渾而融之成仁成智成勇山深林遠不復問人間榮瘁矣丁卯填撫中丞于公按部浹沱之南柏鄉童叟婦孺幾千人羅拜馬首皇皇若有所急者中丞公謂必苦於今日之吏也洎攬轡諦聽非苦今日之吏而思昔年之官媿媿切切中丞爲之

感動具言於朝詔允復公官且仍官於畿輔戊辰吾邑缺令主簿者未及銓上特用公於戲吾邑疲而且衝也將以治臨淄者治之庫吾邑之豪與頑非猶夫臨淄之豪與頑也狐穴有憑見器有忌用剛而流爲靡皆是剛而至於折折而變爲靡則往往然已不可以治臨淄者治之也抑將以治柏鄉者治之庫吾邑之勢客上官非猶夫柏鄉之勢客上官也密邇京華乘傳者不敢使氣親切榮駁承宣者不敢庇私獨是兩藩之伍瞋目於市刀筆之樣舞文於曹繩

學源堂文集

卷之四

六

之則有山可倚容之則有壑難填鼎之爲令者率淵予之舍朋予之狎故脊脊多事又不可以治柏鄉者治之也或又曰公天性清剛遇不平輒義形於色不茹不吐如古仲山甫上之恐難乎其爲上也下之恐難乎其爲下也余曰否否公昔僑居吾邑時喜與諸生譚文凡所題評理本程朱文銘左國益好學深思者也曰清曰剛雖曰天性其學問存焉矣詎猶察魚避泉以爲清扶軒舒鐵以爲剛者哉易之泰二曰包荒曰鴻河剛柔相適其交乃泰吾知公必瞭然於此也越三月而公至一襍兩騎布袍草履人曰公儉余

曰此清之基發論侃侃無稍回公人曰公傲余曰此清之才遇不類切讓之無稍忌避與小民言縷縷煦煦若訓孺子人曰公時喜時怒余曰此公剛柔互濟之用不三月而賦果不羨一鎰也訟果不受一牘也役胥果不貸一青也政果無留滯也清剛之須不翼而飛遠播千里高達九閩於戲此公之所以爲賢乎嚮者何以不得行於柏鄉今者何以得行於吾邑也在柏鄉時所謂上官與勢客者咸以世俗之情待公謂人情重在軒冕輕在名節奪其所重則百鍊不難化爲繞指而公則所重在此不在彼今令吾邑誰

學源堂文集

卷之四

七

復以故智相難者不惟無相難且欣欣然相勗故其志可行也公之志氣可行公之學問益深矣何則天道有陰陽故時序有春秋人德有剛柔故發用有威惠肅轉爲溫仁不離義威極爲惠義以成仁此義公豈不深念之乎昔子產相鄭觀其所言水不如火者剛也而民果誦之迨其後曰父不如母柔也而民則頌之子產一人也何前後有異乎蓋即命有所不受地有所不攝時有所不沮前後有所不拘要於義利輕重之間加之意焉爾順者中丞于公茂辨循績大書其堂額曰真民父母豈非以剛柔相適者式與勸

勉耶昔之人號名信臣爲召父杜詩爲杜母似召事乎剛而杜事乎柔者跡其行事則大不然史稱信臣視民如子好爲民興利未嘗無母道也詩誅暴立威善於計畧未嘗無父道也蓋亦剛之用什七則以父稱柔之用什九則以母稱茲爲公壽余豈不能屬三多之詞述九如之賦以侑觴哉非余志也則亦非公意也故于剛柔父母之義三致意焉以眎世之爲介眉之詞者不大徑極也哉

學源堂文集

卷之四

八

直隸總理刑名臬憲吳北海壽序

嘗聞古人重庚申日鍵戶默坐用保天真子以得道
按花甲之數歲不過六庚申爾而歲守庚僅而六日
雖下士亦能之何其小耶易曰先庚三日後庚三日
先三日丁也丁丁寧也後三日癸也癸癸揆度也先庚
而丁寧之後庚而揆度之意取乎去故從新耳爲治
天下者言之也而治身者亦不外是此守庚之說所
自來歟從來數之大者曰元會曰運世迴天還地無
有窮極人不能及所可及者花甲耳凡誕于庚申者
之當守大庚申明矣昔孔子生於魯襄公庚戌年計

學源堂文集

卷之四

九

其時尚在中元又十四年則下元故其道不行庚爲
陽金屬秋屬刑故爲魯司寇說者謂所遇之非時以
下元陰極小人道長君子道消也然而有不盡然者
明神宗之四十八年庚申再四年天啟甲子運在下
元也花甲一週適當今上御極之二十載運在下
元矣孔子之庚戌由中元而趨下元者也故其道不
行故治天下與治身胥無濟今之庚申由下元而趨
上元者也治身以治天下詎云無濟哉然而論者斷
爲刑官則何也孔子世家云定公十四年己巳孔子
年五十六始以司寇攝行相事正在下元不得不以

學源堂文集

卷之四

十

司寇終若由下元而趨上元自不得不以刑官始矣
治身治天下詎有不濟者乎茲十月二十有五日爲
北海吳公攬揆初度都下紳士貴游京國者輒當潮
鴈問言於予詎不得辭且余知公之降嶽建維庚申
與宜尼畧同而綸簡外臺禔福三輔亦維庚申余
嘗考趙廣漢之治扶風張敞之治京兆令無不行禁
無不止義之用也已冇然矣邇者華穀風清拜圻兩
泆公乃一意以矜恤爲亟亟每獄太獄齋居焚香期
無枉濫嘗語人曰今之刑名家先例而後律率從重
比夫律者百王之大法例者一時之厲禁必引律不
得而後用例可也奈何先例而後律乎公之爲此者
者蓋以律有赦文例無生理也心乎愷惻豈非庚之
義化爲甲之仁哉幾北子矜多失業貧不自給奚暇
治禮義廣文先生官益冷公曰廣文如是何以登舉
比恒以言之守與令相期嗣給公于保郡三庫歲時
必有餽遺嗚呼此道今人棄如土矣公獨憫然念之
者何也公文獻世家也雖櫛笏佩組未嘗一日不置
意於文學仁而文明又出趙張一等矣夫由義而仁
由仁而文明純乎儒者也復何愧于宜尼之徒哉宜
尼生當下元不得不以司寇終公窮達上元又不得

不以刑官始宣尼以司寇攝行相事可知公必以明
刑而爲真宰相也世之守小庚申者不過獨善其身
已爾公能守大庚申自能兼善天下孔子曰仁者兼
仁孰大于兼善天下者試觀是言而爲公進一觴嚮
用五福益有明徵也

學源堂文集

卷之四

十

宛平子雍王相國壽序

代

國家光昌碩裕之氣未有非積之數世者也元臣銘
佐所由際是光昌碩裕之盛者則亦非一日之遇而
一言之合也巴漢張安世七葉佩金貂宋文潞公八
表調玉鉉諫者恒津津然稱其福命之隆與其身名
之泰謂是人臣之嘉遇也幾忘其所以致此之德與
才焉使古君臣泰交之風世濟之美不復光彰乎奕
世斯亦何哉大抵德業其鐘鼎企慕其輝煌已爾故
于功名則有福澤之說壽考則有願善之說若蔡澤
之語唐舉者何其陋庠泰誓曰若有一个臣其心休

學源堂文集

卷之四

主

休焉其如有容焉終之曰以能保表子孫黎民宋神
宗召見蘇軾退謂宣仁后曰吾爲子孫得一賢相此
豈聖聖然於不可知悠悠然于其可觀者乎蓋以人
才必由於世積相業必由于世濟功名必著於晚成
理有固然耳書曰天壽平格詩曰樂只君子萬壽無
期此又人君祝願其臣之詞夫以萬乘之尊寵資其
下何所不得而願殷殷於修齡遐算者何居昔諸葛
恢年已四十餘庾亮謂之曰明府當作黑頭三公豈
非三公之位多瞻瞻黃髮耶使其人而非貽背觀齒
也奚以襄必世之仁非電目麗眉也奚以樹典型之

望非世德作求也奚以聳喬木之瞻非一門萬石也
奚以傳珂里之盛斯庸第人臣之福艾榮耀已乎上
以翊國運之隆昌下以聯羣工之師濟非聖主不能
得是臣非賢臣弗克輔是君也矣世積世濟之說安
有誣哉求之往代未可數數見今惟吾鄉武英殿大
學士宛平王公當之而無愧焉先生本三輔望族自
方伯公開基于百年之前都人推爲文獻之宗而文
貞公復剛明理學光贊 皇猷薦紳縫掖仰若泰山
北斗無厭滋之或間而元方實與仲弓同時貴顯世
濟之美振古莫儼已順治初年文貞公拜學士未幾

學源堂文集

卷之四

三

先生亦拜參知 世祖章皇帝以父子同官非一屏
可隔特拜文貞公爲秩宗先生居密勿勤啟沃 恩
眷益隆人謂伊陟丁公行將並相文貞乃引年 予
告其高致恬懷爲何如耶古有積人才于一代者是
則積人才于一家矣積之厚者流必光其弘濟安有
涯涘也越數年先生官宗伯官司馬其所以弼成
聖主文德武功者昭昭在人耳目間遇者先生以讀
禮甫及和琴或優游于香山玉泉或徜徉於別墅芝
蘭玉樹棧庭階日與校訂文貞公全集梓而行世
積功積伐之餘更欲積德積學不欲烏衣門第令江

東獨占也豈復輕起東山者乎會益都相國乞鑑朔
歸 當宁殷求疑丞保傅之佐遲回鄭重久而未卽
宣麻朝右物望大抵屬之鵠行諸公耳一日 綸綍
特宣起先生于家入參大政中外莫不懽忭以爲異
數拜 命之後先生益皇然若不自安者人以爲高
而彌下也非第此也當文貞公績成寅亮時宅揆直
在指顧間乃脩脩然效二傅之高風積之以貽象賢
及茲貞然而獨承 國恩豈若伊陟丁公之相繼不
休哉又不特此也甄卞之日同升者錢塘漢陽二先
生夫前則遲之又久若難乎其選後則三公並立渙

學源堂文集

卷之四

古

綸一朝發乎其積理則然乎信乎培植人才以遺子
孫黎民千古若合符已雖然國家之積人如太倉之
積粟十年之儲萬億及秭啟而出之非一日數旬所
可唱籌而畢也人臣之積德積學如滄溟之積水萬
頃之陂侵天亘地疏而通之非一日數旬所可挹注
而潤也故國家欲收積才之效人臣欲宣積德積學
之用未有不期乎綿綿而繹繹者焉考古之哲王賢
輔皆登大年自天祐之以幾久道化成之理不一而
足我 國家豈弟作人陳殷置輔二十年前所當見
之文貞公者積而至於先生其積已久發之必長百

年必世厥惟是三壽作朋矣秋七月之某日爲先生
攬揆初度鄉之貴遊京國者擬稱觴爲先生祝介賦
爲國家祝保乂也問言於余深愧不文弗能傳引
龍珠銅芝擘麟乘鯉之詞以矜神異矧余與先生有
紀羣之交有桑梓之愛有金石之誼而顧可徒傳引
浮詞以矜神異也哉積人才積德學發而抒之以成
光昌碩裕久道化成之盛非一人之私言也是以當
南山之三什可耳

劉楨菴封君七十壽序

嘗讀晉天文志曰少微星一名處士星又曰南極爲
老人星孫氏瑞應圖曰王者承天則老人星臨其國
後人不察動以無仕祿者曰處士天下之無仕祿者
多矣豈皆上應象緯哉又以享耄耋者爲老人天下
之享耄耋多矣豈皆仰繫列宿哉是蓋有說焉道高
跡隱德重名潛是謂處士重道德不重仕祿也南極
主人壽算故號老人星未嘗有隱見也瑞應圖且謂
老人臨其國而南極未嘗有動移也何以曰臨此之
所謂與晉志當非一義愚嘗臆斷之曰少微卽處士

處士卽老人也孟子所稱達尊有二者也故世有名
齊謝戴而齒遜黃耆者不得謂之處士卽齒逾黃耆
而名愧謝戴者亦不得謂之老人也聞之漢史載德
星見蓋以陳仲弓偕諸子過荀季和無僕從使子元
方將車季方持杖至則季和使子叔慈應門慈明行
酒餘六龍下食太史因占曰五百里內賢人聚信斯
言也其人賢共子若弟又無不賢而後云德矣求之
近古蓋罕其儔焉惟吾鄉楨菴劉公有足當此而無
愧者先生乃侍御史劉君超凡之尊人也爲武安望
族世有隱德生而淳茂幼受書外傳勤肄不間寒暑

弱冠爲文斤斤守先正軌則試輒不利遂一意明農
奉二親甚孝諸弟及子若從子皆向學公勸課維嚴
不令問家人生產以是蔚然名噪費亭侍御早成進
士筮仕奉天承德縣令瀕行公誨之曰此 龍興地
也如古之豐沛然作牧者母曰與其爲水不如爲火
爲民父母至于自律之道寧旣生塵勿魚懸梁美錦
難製白璧易瑕尙其念之侍御受教書紳作令三載
考績上上 詔徵列之台班皆義方之所成就也侍
御方需次時省公于家喜動顏色曰吾今日教子之

學源堂文集

卷之四

七

意愜矣爾行且爲 朝廷耳目臣厥任益重聞之歐
陽文忠公曰立于殿廷之上與天子相可否者諫臣
也而語又曰千人之諾諾不如一士之諤諤豈非以
直爲尙乎昔魏徵入奏太宗方手鵲急而納之懷徵
故遲留致鵲驚懷中太宗恚甚豈非直而過乎直可
也過不可也程頤爲講官哲宗偶折楊柳頤進曰方
春發生不可無故摧折豈非直而過乎直可也頤不
可也侍御受教再書紳及衣牙乘驄凡所奏論切中
時弊而不爲慘切刻鏤之言故往往得見諸施行荷
歎懿哉公雖身爲隱君子其所學所識古之大儒何

以加之雖言不陳于 廟堂而侍御公能佩服庭訓
先資靖獻古之名臣又何以加之孰謂處士也而不
必上應天象也哉嘉平月之中浣爲公攬揆初度鄉
之貴游朝右者製錦稱觴欲余一言以爲佐側聞公
道穎清癯煦煦然飲人以醇乾餼無愆于諸父驚鳴
不憚于比鄰且蟻橋有度麥舟時獨一鄉之善士也
里閭有鬭爭恒一言而平之生平不識公屏爲何地
牙籌爲何物又一國之正人也若玉季若石麟若芝
蘭玉樹非法不言非法不行恂恂乎一門君子也眎
古陳荀奚遜焉矧多破萬卷而足三冬者聊翩蔚起
將來必鳴珂成里而停驂滿門矣公其愉矣乎以是
說而進一觴或亦足當白雲之曲南山之什也夫

學源堂文集

卷之四

大

督學侍講學士董默菴壽序

古無祝壽之詞有之自華封人三多之詞始則民禱其君者也詩曰天子萬年亦臣頌其君者也為此春酒以介眉壽是則子若弟之稱願其父兄者乎無非關乎倫紀與性情者也而道義文章不與焉及諷誼樸之章曰周王壽考邇不作人夫曰作人者教化之美也古者自國學而外有鄉校黨庠序厥制維脩教化攸崇也匪第道義文章也三代而後察舉舉孝之典不行造士一歸於文學取士一歸於制科凡國家所爲興教化育人才大抵師儒職其詳耳而明初

學源堂文集

卷之四

元

慮學校之或有修廢兩畿遺孑繼爲督學使十三省分臬僉爲提學道學政勤爲一書首士衍次文藝類學宮之堂曰明倫豈非興教化育人才之本源乎而道義文章胥在乎此于作人之詩殆有合也我國家定鼎之初仿而行之不十年祝曩者所謂興育之道不無離合得失焉甲午春詔遣詞臣之偉望碩學者充之而士風一大變未幾而城闕訢達亦有刺焉者則又何歟或曰周士賁秦士賁繼續者自爲之耳其然豈其然考往代設師儒選經明行修之士豐其祿糈優其禮貌郡邑長吏皆稱爲先生若一里之

有社師一家之有塾師者然而居是官者勤勤惓惓以興教化育人才爲務三年鄉試弟子員上賢書多者注上考少者平考無則注下下矣郡學諸生常干餘人州邑之小者亦三四百有廩餼有優免非公事不謂守令謂則拜必贊辭必揖哀然異於齊民也而今何如也士以禮義廉耻爲重宗族鄉黨有間言者則耻之入公門飲于市者則耻之至若經書蒙昧語言鄙俚者俛俛然不敢儕其伍上之荷士固隆以重乎而士之自待亦未始不翹翹而矯矯也而今何如也士不白重而州邑長吏遂從而輕之有叱呵者有

學源堂文集

卷之四

三

加以複楚者甚至力役虐使無殊于編氓於戲斯亦何貴于爲士而惡在其爲民父母也揆厥所由實始於督學使者無以制守令而守令遂得辱我子衿何也故事督學使者受天子明命與巡撫中丞巡方御史等三年事竣得即學政之修廢課守令之殿最彙而入告考功者憑以陟黜焉故當時三輔無頽圯之學宮無不舉之鄉飲酒禮無不腆之賓與士有敗檢扞文網者非督學視其帶不得庭辱督學尊士則不得卑守令則不敢辱士過者督學舉劾守令之例罷矣郡邑長吏眎督學如逆旅之客無所敬憚輒欲

干而行其私其於督學如此矧其待士乎論者謂非復舉劾之例不可余曰不然督學使者以天子侍從之臣奉綸簡而司文教既威且重已春秋傳云王人雖微列於諸侯之上況清華之班乎而守典令詎五等之爵乎誠得其人風節皎然學問文詞爲海內所推服而復嘖笑勿假關防維嚴守與令方且起敬起畏之不暇矚其敢慢易者不敢慢易乎督學則亦不敢凌厲夫士子疊門泮水之間庶幾有起色而後教化可興也人才可育也辛酉冬前督學使報代所司列名請遣上特簡翰講默菴董公爲督學使

學源堂文集

卷之四

三

朝右莫不欣欣慶得人焉公爲東國大儒丁未成進士廷對傳臚第三翱翔於金馬石渠之間十餘年朝廷大制作悉出公譔人以燕許稱之凡會饗遊宴公無不與與則必獻詩賦以紀盛選青奪錦往往然也命充講筵官兼注起居賜貂錦珍味皆非常數既卜久在人屬望中茲特命者蓋欲觀公與育之猷也公受事後卽條奏數事釐剔振刷聞者爽然按部所至預定試期省寒暑資斧悉裁供給杜州邑僉苛風紀凜飭吏從冰上行夙弊陋習若雪見現消矣試目出所拔皆一時英雋向之枯守一經嘆載

黃扉下者莫不脫穎而出咸勒石頌德謂是薪韓坡先生後所僅見焉也癸亥按保郡駐節易水時翠華幸清涼公朝行在上褒其公明分三驅所獲賜之異數也不數月公舉發黃緣者上嘉其廉峻命銓司優敘公膺茲寵降祇節益厲憐才益篤論藝益精邦畿千里孰不歌絃樸乎夫絃樸之詩曰俾彼雲漢爲章于天者雲漢在析木之津卽燕分也矧然有章照臨帝畿荷高皇振古如茲已聞之孫文正公云天之文日月地之文山河人之文禮樂豈非脩美耶則督學幾輔者自上應象緯矣又曰周王壽考遐不作人者謂文王已登大年而猶欲作人也公三年來獎才備拔孤寒士心胥洽士氣胥舒鼓舞變化作人者誠至矣壽考者尙思作人豈有作人者而不致頌壽考者哉頃者爲公攬揆之辰多士稱觴屬余一言以佑之余與公同官最久而道義文章雅有深契何敢爲諛詞多士試屬絃樸而介眉壽知公之

學源堂文集

卷之四

三

賑然進一觴也

霸昌道黃元啟壽序

嘗聞華封人之祝曰多福多壽多男子可謂善頌善禱矣考放勳之德格于上下蚩蚩者張豎繁不知感而第出於封人乎擊壤之歌則曰帝力何有甚矣其民之愚也予謂厥民則愚厥治則盛何也書曰撫我則后虐我則仇曰后志德也曰仇志怨也有或怨始亦有或德罔攸德厥由罔攸怨昔陶唐氏之民疇爲虐之者况耕食鑿飲于于堆唯庸復知德耶庸復知祝耶而當時之秀出凡民如十六才子者皆服休服采矣亦猶今之搢紳大夫也維此封人殆卽華之秀

學源堂文集

卷之四

重

民乎愚者不知祝秀者則知感斯亦古今大同之情耳且古之天子與民甚親非如後世高拱深居稱朕不聞者三代而後天子乃甚尊小民乃甚賤所爲儼然臨泄者長吏耳曰撫曰虐曰德曰怨兼而有之或虐多於撫或怨浮于德使虐多于撫則見撫我者而德之惟恐不至德斯頌頌斯祝矣祝者非有阿好受祝者亦無遜詞也顧不懿哉畿輔分八郡郡有監司所以總教化飭紀綱表率牧令惠此羣黎任孰鉅焉昌平爲畿北巖疆也與上谷隔一山漢以來率設重臣勁兵于此治兵什之七治民什之三數百年未之

有易辛卯以後制凡數更職亦兼總大約專治民矣統三州十五縣治民而且親民矣何則七郡皆有太守京兆獨無特設一道故尊于守而親于民也最是位者恒憂憂乎難之何難乎東南之畝什八采田食利者誰供徃者誰民弗重遷也屬邑之境非石田則與草間正供則難子才之遺伴牧戶而居鉏耨莫藉鵲鴨易惱不平多爭矧強張吻喉弱如魚肉南陽未可問也欲明允則難居庸伊邇涿鹿當衝歲朝貢歲聘頒兵符客旅往來校織郵騎厨傳月無虛旬一不給或給之不應聲也話語其輕矣足供億則難且而

學源堂文集

卷之四

吉

辦購時有也轉運無藝也杼軸其空長楚可慕盡出此伶仃襁褓之赤子爾欲撫循之則難無之非難則亦無之非咎黃綬斗食無論已卽分臬府之一座綜馮翊之十城者率扼掣於如之何也四十年來多慈惠君子寡膏澤垂芳問不一而足辛酉冬道缺員主爵者以漳海黃公元啟請制曰可聞者咸歡忭手加額以公閭海偉人負經濟大畧而肝腸如雪意氣薄雲監茲十八州邑恢恢乎游刃也部下士大夫貴遊輦下者競造而請之公通曉噤然若有不勝任之思咸謂公謙讓乃爾公曰德厚而不居曰謙功成

而不有曰讓余受事聿始德功安在遽讓也耶第
嘗誦程子之言曰一命之吏苟存心于愛物于世必
有所濟況監司貴踰數等矣苟于物不知愛于世弗
克濟詎不有愧先民庠且所屬諸州邑都在 帝都
則野農本淳貧不復淳士故雅賤不復雅是職何故
歟李空同枯魚之什不忍讀也元次山道州之歌不
堪誦也齊人履賤踊貴之謠不忍述也白晝攫金不
敢問霍家奴與衛家奴唐人之詞又豈忍聞者乎竊
用是惄然耳何謙讓之有聞者相與嗟歎知公仁心
以爲質惠我人斯當非汙可矣公履任後詢問下里

學源堂文集

卷之四

三

所疾苦纖悉靡遺檢閱積牘夜分不寐一切輟政洞
若觀火于是次第釐剔施行之每一檄出諸州邑輒
歡聲雷動會載運有役購米有役它道率委佐尉督
之以往蠅蠓小吏疇克抗羆虎之威者數鋌而供十
輻數鍾而致一石父老相與泣道左公不憚勞瘁單
騎躬督之不苟不吐省什之伍屬邑盜發文武吏互
爲飾卸察勘頻復往往不決公以公出爲名入其境
詢之居人疆界瞭然飾者頽首任咎勦者律例並用
斷獄多所比附吏得上下其手公審情揆理依律者
什七附律者什三獄罔寃濫或謂宜用例不宜用律

公曰律爲萬世之法例乃一時之禁柰何舍大而從
小不爲奪全活甚衆公性簡濬廉閱自飭屬員部弁
不第苞苴莫通卽一芥一核無或由致也椽衙廳隸
日懷懷水上行無敢著紵履絲者士爲民首遵者禮
貽衰減矣公優遇有加人知讀書之貴廣文爲禮官
邇者禮數亦凌替矣公優遇有加人知師儒之尊泣
政不二載德澤翔洽異績班班填撫者時爲獎藉頃
且聞于 朝是亦近今所希觀也十八城之編氓如
在衽席上心德公而口不克頌公樸者且如是乎秀
者寧亦如是濟濟紳士則形雅成頌不啻華封人之

學源堂文集

卷之四

未

祝三多矣仲春之廿有六日爲公攬揆之辰鄉之士
大夫謀爲稱觴屬余爲酌者之辭余蓋有以壽公矣
壽者久也天下惟實者可久虛者難之公以實心行
實政故無所往而不實昔漢家察簿非實者按之曰
毋釋有罪爲不苛厭俗吏矯飾曰毋以苛爲察公兩
用其說以旣一實而一時諸將吏逡逡退修實政公
且合十八區之將吏以成一實則 天子之明命與
小民之生命始合爲一身元命而諸縉紳始得合四
食之實以爲公壽夫天地結大生爲實萬生結一實
爲生嘗觀古豪杰用天地之元命實其身用一身之

元命實天下其機智化於滄寧法術渾于德識於是
擬析鼓舞長願戴以爲親而神王氣順乃可以結大
年故周家大臣推保乂于多歷而曰天惟純佑命商
則曰天壽平格由斯以談公可謂大臣矣易不云乎
鼎之實享帝頤之實及民善乎長梧封人之比政于
禾曰其實隨予芸而報予余因得以實爲公壽

宮保大學士兼吏部尚書青壇成公七十壽序

代李
高陽

大名成相國青壇先生官翰林時乙酉典江南鄉試
壬辰以國史院學士主會試越二載廷上登揆席再
主辛丑會試文恬疊揀士秀畢登蒞然號得人焉洎
今三十年三闕之士垂紳帶縱翱翔禁闥容裔華庭
者踵接而肩次也丁巳春仲公登七袞齡方且撫銅
芝于畫錦受玉簡于瑤池邕邕乎大慶已朝右受知
於公者近百輩族而圖所以壽公謂卽漢之核齊之
聚弗如南之臺北之萊可以章名德播雅什也謬問

言于余余曰東家之丘游夏莫贊而屬僕贊敢謝不
敏諸君子曰毋非公言不足以慶我公獨不念公之
先文敏公與我公之先文穆公視草調鉉後先相望
耶公與我公視草調鉉亦復後先相望耶矧元愷之
里非遠于顓頊之都紀羣之交莫雅於荀龍之侶知
之真而言之實抑誰踰于公者余辭之弗獲敬爲公
屬言曰春秋傳云體元者天子之職調元者宰相之
事元之時義美以俾歟易云元者善之長也君子體
仁足以長人體仁固君之德而調之俾協則九五六
二之義蓋兼焉矣祁姚而降紀元有典曰元祀曰元

年曰元載要皆取義于此而後之論相者率以陰陽和民物阜百度維貞四遠咸賓厥爲變諧樞宇之效則是佩璫秉圭有其職而東山鑑湖無其效已則是黃扉赤舄付之肩而平泉午橋高其蹈已何說之陋歟蓋亦未取古之詰輔名宰合始終而論之爾考漢以來稱賢相者蕭曹丙魏房杜姚宋麟炳史冊赫赫皆立朝事後之覽者遂謂元臣經國自壯盛以迄髦期惛惛焉矻矻焉畢其生夙夜在公爾詎不爲魏野所竊謂哉及讀裴晉公文潞公兩傳則大不其然晉公淮西秦虜後乃逍遙綠野與香山隨州文酒相娛

學源堂文集 卷之四

三

樂開成之初猶強起臥護北門文潞公致政歸洛與富鄭公司馬溫公十三人結耆英社而西羌以名馬請餽嗚呼身雖返乎丘園望猶繫夫海寓如二公者則亦何必惛惛焉矻矻焉畢其生夙夜在公而後謂之爲調元也耶而或者又曰調元之功濟時爲亟世有理亂國有安危孰是高臥而退處足以濟天下事者斯益非通論矣李鄴侯天寶以前久隱衡山及德宗召赴行在極殫忠勤禍亂甫平旋復告歸去就往來爲宗社民生所繫甚重謝太傅好營山墅每攜中外子姪游集燕賞亦非日坐中書省衙石而程書者

淮肥之警遣猶于辦賊安開鎮定爲時所服嗚呼世烏得而以其未嘗夙夜在公謂有愧于調元之事也耶我國家三十年來居鉉席者數十人惟公碩德茂望能光振家猷由金閨清近沚歷銓宰入參密勿當世廟臨御之初與事愼愼明作維新凡所締構罔不咨度舊學公每承顧問奏對瞻晰一一稱旨乙未丙申世祖章皇帝振飭風紀借公樞知總憲事時在廷諸僚懷于乾綱往往綜核也而曰愼公以寬大濟之苛細也而曰詳公以弘整持之饒急也而曰敏公以從容勝之不數月而庶績肇備調元之美

學源堂文集 卷之四

手

不既著歟洎今上御寓之二載公引年乞歸疏詞懇摯朝廷度其不爲留溫旨允請公出春明祖帳數十里相望榮寵高邁之二疏未足多也公歸天維貽書舊好曰大名去敝郡三里先文穆公所遺廬舍析處諸季歸來卜居元城卽附郭邑也聞者謂公之居元城良非偶然大凡秉鈞軸則爲天子調元厚天下之元氣居里第則爲一身調元厚鄉國之元氣厚天下之元氣者大哉乾元也天之道也厚鄉國之元氣者至哉坤元也地之道也用地之道斯亦實地之名公之居元城夫詎偶然乎然以余所望于公者

庸止惟是公頎然玉立俊爽若神仙中人可擬李郭
侯器識安雅神宇靜重可擬謝太傅且玉樹芝蘭才
偶不啻諸謝公過庭有訓凡弼成君德靖共職位罔
弗若箕之與裘也以之凝績也可宣力四方也可卽
建威銷萌捍圉戡亂也亦無不可一旦 天子命安
車蒲輪載纁璧起公于五鹿百花之間余知公必感
于兩朝之恩激于一日之事慷慨登車抒老成之石
畫器羣工之高日其以執當寧而慰海內蒼生之望
者大豈淺小哉萬一 皇上旁求念切需才待舉公
亦不難如太傅之以猶子應詔爲他日折屐齒地也

學源堂文集

卷之四

三

昔陶弘景歸華陽朝宁有大事遣使往咨當時有山
中宰相之號夫弘景仙人也宰相貴臣也弘景在朝
則爲朝中之仙人在山則爲山中之宰相夫豈有畸
能異術要不越調天下之元氣與調一身之元氣允
符乎易與春秋之義焉爾諸君子試以余言爲公壽
未審公以爲知之與否言之實與否也

巡撫直隸中丞恭公壽序

自古人臣之拜爵公朝孰非畏此簡書天子是若者
哉舜命九官人有顯謨或曰敬敷五教在寬或曰惟
明克允用恩用威飾喜飾怒訓誥抑何精切也臯夔
稷契各所庶績卽非有後世竹帛之垂而其所以稱
明命靖爾位者詩書之文乃罔所紀載故三代而後
天子命官之詞多不傳而服休服采孰爲無忝朕命
孰爲靜言庸違蔑有以辨豈數千百年來之爲之君
者好爵于縻鮮所中命乎抑其臣弗克對揚休命敬
答帝簡相得而章也我 皇上御極以來慎簡百僚

學源堂文集

卷之四

三

知人善任矣而於督撫大吏必 廷遣之賜衣賜飯
載錫上駟以寵其行泊 陛辭時誠命諄諄或因其
地因其人因其事未有不洞若指掌而明如燭照者
侍從之臣簪筆而紀之洋洋孔彰奚翅典謨也哉壬
戌春王正月滿洲格公以內閣學士奉 命出撫順
天諸郡縣瀕行入辭 上賜宴於 內廷諭之曰畿
輔人情淳樸易於見德前兩巡撫皆有賢聲繼之者
第靜以綏之耳無急於見長無刻於求治惟爾之能
畿之北半八旗食采地叢神社鼠倚伏爲奸漢官多
不能治朕特簡爾須大懲艾之用除積習亦唯爾之

能公受 命惟謹泊蒞事族見諸長吏詢問民間疾苦纖悉不遺稔知三輔之民易治也耒耜莫施而穡穫弗廢田間不聞有呼籲輶車不滿而箕斗猶徵里中人聞有怨嗟仰維淳樸之天言宜其然已因稽前乎此者之何以治也已未以往曰寬寬之漸而爲縱弛於是民思振作已未以後曰嚴嚴之襲而爲煩苛積而爲驚擊於是民思惇大公曰吾有以治三輔矣諸葛武侯曰澹泊足以明志寧靜足以致遠言乎其體也吾將致庠其用於是謝絕苞苴蔬果酒醴不至也安有魚懸安有絲捆敦崇樸素裘馬膏蠶未廢學源堂文集 卷之四 重

民不安其井里公惟澹以定之靜以持之而險謫者無所庸其沙射嚴辭者無所行其濕東瀛海以北獨煩摘發恒獄以南持斧巡行已耳其所安全寧有量哉公復念三輔之民苦於追呼者吾得以緩之苦於貧殘者吾得以黜之苦於矯虔者吾得以釋之惟是苦於黜猾無賴之徒殊易釐而剔之也閭閻惡少不事生業小者擄捕酣飲以爲非大者椎埋鈔掠擬而走險犯者吏擬置之法輒跳身旗下一紙自鬻百足難餌鮮衣怒馬引類呼朋狎侮官長爲奸之囹爲盜之藪視民有中之產者如几上肉不盡啖之不已學源堂文集 卷之四 重

入告不以謀參佐將入告不以示監司既入告不以
謝百姓是何也澹泊寧靜體用固如是也海內讀公
疏謂公言人所不敢言而朝廷可其奏無稍遲回
此開創以來所僅見者也於戲知言哉然而未也方
公之拜官也天語已勅之矣及魏司寇科少宰之
巡察也帝命重申之矣當宁之軫念民瘼予辜
微切藉非公之公爾忘私未有不故事了者是舉也
尚古所稱元首明股肱良一德一心之美歟昔舜命
九官有咨汝之詞而九命迄事無庶績之告已足垂
休萬世况君咨臣微上行下效於以對揚休命
學源堂文集 卷之四 三
敬答 帝簡也遠過虞廷矣七月上浣五日爲公攬
揆之辰歲輔人士仕於朝者合而稱觴屬余爲酌者
之詞余曰我有以壽我公矣書曰天壽平格詩曰萬
壽無期皆君所致願乎臣之詞也非民所致願乎君
之詞也惟華封人多壽之祝爲善禱焉然第願之禱
之已耳而壽之理與情弗及焉者公之撫邦歲浹歲
矣澹泊寧靜自治治人均有其驗茲卽岡陵松柏之
可頌也奚俟選引秘笈仙籙之言溢美貽背鯁齒之
微而後云善頌善禱也哉

郭長公封翁七十壽序

余嘗過洛陽攬結山川之盛舉然高望而嘆曰嵩少
天地之中河洛文章之祖青甲額顓黃戊芒芒兩儀
氣均九壤形正莫此爲極也漢郭有道僑居最久記
者謂與元禮道合間連不忍去河上仙舟至今流美
於戲先生之久於洛也寧第云爾哉當漢室凋亂高
賢引身擇地而蹈聊可託跡於時處處於時廬旅多
攜家偕往非直負春鑿坏之屑屑意必其有後人世
籍於此者詢之而果得焉閱閱詩禮自漢迄今矣及
出其世譜而披之蓋漢明帝時荊州刺史賀芝裔也
學源堂文集 卷之四 美
史記賀利荊州明帝賜以三公冕旒賀行部去襜帷
露冕使百姓見其容服表表名臣也且其昌厥後哉
按郭爲號叔之後其封國在陝洛間秦漢以後凡郭
氏之出於陝洛者爲嫡系焉泰與賀相去百年一以
功名顯一以德業儒術著斯亦足光昭號緒矣迄乎
又二千年唐詎無以嗣以續續古之人者乎以余所
聞官階崇華勳譽局奕則有之抱道蘊德績學濯行
名滿寰區齒尊黨里者吾更思觀止也壬戌冬鑾儀
恭軍郭君五宗來言于余曰某有父明年春秋七十
里中人將舉大慶某爲五斗飽繫弗克舞班獻酒余

壽堂上怍怍無以釋冀得公一言製錦而書之家嚴
性至孝事先王父母甚謹少沉毅靜正以大節自負
居心平恕外無城府里人愛而敬之余曰此抱道蘊
德者也願聞其學行五宗更端曰家嚴以生長伊洛
同慕鄉之先哲觀心於周程三夫子書積精挾奧四
十年不稍倦秦漢以後諸名編擇其足以羽翼經傳
利濟生民者讀之其它景麗煙雲關華月露恒涉而
不置生平取予不苟然諾無侵百畝外不別治生與
人無詬厲亦無睚眦嘗曰吾得爲鄉之平常人足矣
敢曰矯矯乎余曰都哉此積學濯行殆古太丘彥方

學源堂文集

卷之四

三

者儔耶矜奇弔詭信所弗出敦倫砥節知必有特著
已五宗作而應之曰唯唯先王父官海之易門令避
亂殉城萬里遐荒隻身顛沛岌岌淪胥已家嚴泣兩
哭臥卒扶櫬返里人稱之曰苦孝以是名重兩河爲
鄉祭酒迺者遇 覃恩叨封典一命之榮百歲之慶
於斯焉際余曰名滿寰區齒尊黨里惟太翁其允符
乎大足以慰余嚙昔之意也矣迨敘厥家世果刺史
公之華胄也余於是嘆古今人不朽及焉從來稱世
德名家者往往多所憑藉非千乘之封則萬鍾之祿
威勢資力燁赫一時數傳而後不無凋劫泯替也

之爲國僻處一隅介於秦晉侵凌無藉卽今所聞垂
棘屈產假道於虞一事可以識已號惟積德行仁保
其祭祀卒免兵戈雖并於秦而子孫族姓未有訛離
以國爲氏厥後有道以德業者荊州細侯以吏績傳
汾陽代公以功名顯其它以獨行鴻詞尊官美節聞
者殆屣綳綳而行而不可紀極也嗚彼爭強處先黷武
窮兵而其後變易姓名避處絕域者其相去爲何如
耶太翁不以功業顯而以德業文學聞於世且能義
方有教式穀繩武也詩有之曰豈弟君子俾爾壽而
艾俾爾昌而大若操左券焉矣五宗試以余言爲太

學源堂文集

卷之四

三

翁壽雖謙謙君子乎必慨然進一觴也

直隸巡撫大中丞金孟求壽序

康熙丁巳冬吾鄉大中丞孟求金公再疏乞歸奏言
委摯 上惻然念之下所司議可否先是 六御幸
畿南公拜 行在凡所顧問奏對昭晰 天子褒其
才八年來化行政舉頌聲大著 睿意以公之法爲
介介部臣引例啟事 上顧閣臣曰撫臣可去否卿
等皆畿內人聞見夙稔其以實對奏曰撫臣清慎惠
敏春秋方富體膺小疾安善可葺市歲力疾供職不
競不綵無稽無舛畿民愛戴未可遽允所請 上曰
可今在任調理時畿輔人士貴遊中朝者四五十人

學源堂文集

卷之四

五

聞公引疾入告咸皇皇如慈母之我難也卜夜繕疏
詰朝封事疏畧云撫臣潔已愛人殫心任事勤懼展
報 國之才安靜造生民之福刑清而訟息吏畏而
民懷通者 王師四出供億充盈驛郵整飭更驗才
猷頃觀邸抄知撫臣引疾入告臣等家鄉載德僚友
稱賢不忍其去里中父老聞信傍徨臥轍有心叩
闕無力謂臣等身在班行豈不爲 朝廷愛屏藩豈
不爲桑梓愛雨露責臣望臣萬姓若同一心也情愴
詞真言皆實錄疏未上而慰留之 命已聞獨兩侍
御以例得 陛陳不關納言獲遂借恂之請嗣是紳

者矜者德彼南畝者肇率車牛者以至冠駿驥之冠
衣福禱之衣者靡不整鼓軒舞皋手加額而頌 聖
主之重念斯民因以慰留我公也雷而撫我人斯行
復匪歲清節益峻湛恩益深塗歌巷粵不識禱祝之
何從也小春之九日爲公攬揆初度監司太守而下
暨保屬廿城之明府將稱觴爲壽問言于余竊惟古
云三不朽立德立功立言而已公之功德淳龐彪炳
軼古轢今庸擊壤所能贊矧而握茲三寸不律於以
形雅成頌象功德而立言也余滋媿矣其如誼不可
辭何恒見近今之爲壽者大都斃稱探龍珠於一圓

學源堂文集

卷之四

卑

撫銅芝于三秀或曰紫山之液煉則飛仙墨山之菌
服而五百塵非求神于草木加意于形神奢焉棲起
食霞鍊成及景是必搜玉局之荒編翫瑤峒之奇字
而後快也豈可爲訓哉余讀孔子書者也則亦原本
於孔子之言已爾孔子之言曰仁者靜則爲之驗曰
仁者壽亶矣乎壽之原於靜也靜之本於仁也我公
之撫我人斯聞澤勿敷惠心殷注仁之至矣孰識其
爲靜之極乎按 天子之畿內言乎象緯則燕應箕
尾趙應昂畢四宿環照言乎幅輳則東際海西倚太
行南襟大河朔枕宣雲千里延袤言乎版籍則

悲歌之族榆關以右大佐以左皆是也言乎僚吏則分藩臬者八道塗離堂者七府佩銀符百有餘邑也言乎軍伍則戴胄擐甲控弦鳴鈐十有七營鎮堅守陴耕屯課牧者十有六衛也綜而計之天之四宿必其有靜而無擾其靜也難地之千里必其有稔而無歉其靜也難版藉之林林必其有鼓歌而無怨咨僚吏之若若必其有秀茂而無繆懦軍伍之師師必其有紀律而無譁謀其靜也其無弗靜也尤難之難我公蓋胥有以靜之矣廼者青女肆威于朱夏奎婁之間何如也箕尾無是也是則三輔之天靜黃輿龜坼

學源堂文集

卷之四

聖

於赤墳海岱之間何如也燕趙無是也是則三輔之地靜探九鳥合而揭木秦越之間何如也幽薊以迄魏博之間無是也是則三輔之人靜不寧惟是桓桂五馬而下黃綬斗食而上奚翅纍纍也鮮參鞞鞠脆之勞多展驥割鉛之效三輔之吏靜也不寧惟是千夫長百夫長稱爾戈比爾干奚翅桓桓也鮮竊上棘門之戲多投醪挾纊之懼三輔之兵靜也於戲星雲祥順則景卿可書河岳懷柔則芝醢將獻民物阜則壽域可登雖遐考泰鴻粵煥軒遠何以加茲使十四國諸侯而悉如我公十四國封域悉如三輔則安

華可譙采薇不作矣于以抒廟堂宵旰之懷秦慨衛昇平之治顧不懿哉考之周子太極圖說曰靜之中有動動之中有靜靜其體也動其用也猶之子思子所謂中爲大本和爲達道耳致中和天地位萬物育豈非天靜於上地靜於下人靜於中乎諸葛武侯曰澹泊以明志寧靜以致遠荆蜀之事業不出兩陽之揣摩張詠治蜀處驕兵悍將之間常神色不動一言而謚其震驚靜之爲用可以制敵可以定亂古人非有異能也曹參代蕭何相漢民頌之曰載其清靜民以寧壹靜實可以治天下矣異日者我公入脩三

學源堂文集

卷之四

聖

事爲天子燮元化福方夏與古名臣哲輔比烈焉可也甚矣靜之時義爲大也孔子則必舉而歸之于仁者何居仁爲善長草息萬里涵育羣生靜而有爲也已立立人已達達人動而不居也我公之撫我人斯洵乎仁之至矣仁而靜靜而壽理有固然使孔子之言而未足信於天下萬世也則余言或疑近使使天下萬世而無不深信孔子之言也余言殆亦質而可徵者雖然我公之能仁能靜豈遽如汲黯之於淮陽乎畿甸如是其寥濶也吏氓如是其稠濁也典除如是其繁猥也況乎赤白之羽日交於旄冠蓋之役

日經於郊雲錦之上駟突如其來而颺乎其往也歟
噫我公仁人也大臣也而實勞臣也清慎惠敏曩所
爲仰答 主上之清問者公之大體舉此矣安靜造
生民之福鄉之人所爲皇皇而欲陳於 殿陛者公
之大用舉此矣昔韓魏公文潞公歟歷中外閱五十
年績由勤懋望以勸崇二公皆登大臺仁者壽孔子
之言直其然矣諸大夫持余說而爲酌者之辭知公
當賑然進一觴也

東鹿令李鷺洲壽序

南山之詩曰樂只君子萬壽無期三章曰樂只君子
民之父母序以爲天子燕羣侯之歌周時各君其國
名子其民皆元后也有德於民天子嘉之國人頌之
謂之父母莫不尊親其此義序子產相鄭與人作頌
惟曰衆人之母則又專序親耳父母之稱君與相均
有得焉已而近代惟舉而屬之縣令其義何居或曰
漢人止守令于宰相以宰相近君守令近民故可兼
重雖然實式近之而罔以親之維此下民孰無父母
乃何以萬族而共一君此問而不能公其父母也故

推其義曰母主慈大約政寬者稱焉余不謂然易不
云平家人有嚴君焉父母之謂也專乎慈則嘻嘻矣
專乎嚴則嗃嗃矣水柔而民旣之火烈而民畏之國
脩之論豈獨爲族大而寵多者設乎顧嚴也父之義
也慈也母之義也故後世專以屬之邑令也今天下
千百縣令矣疇不立體此意而爲之而吾郡之東鹿
爲九江郡古燕南境東鹿古趙北境雖悲歌慷慨性
習攸同而地遠於郡土曠民愚農末相半農則慷慨
之遺也而未則非矣非慈無以字爲農非嚴無以治
遂未况乎東連海岱西串雲井荏苒叢蒼雖埋鈔畧

不時而有非煦煦者所可勝任而愉快也幸是邑者
往往不得最其績地之爲乎時爲之乎抑其人固以
度乎其勢而因乎其時乎前年廩延鸞洲李公筮仕
分符來爲東鹿令余固知公之足以勝任而愉快已
余與公之太翁曉生少參爲齊年友淳醴俊偉頎然
人中龍而學破萬卷才弘肆應敷歷中外所著輒有
聲績鸞洲以象賢得堂上歡凡曉生所觀畫展楷辭
不筆紀而心識之養惠使義得之家學者誠有淵源
一旦分百里而宰之出其素所積蓄百分之一予以
埒芳卓魯何有哉洎任不數月悉心延訪遇事精研

學源堂文集

卷之四

畢

風俗民情利弊得失洞若觀火因語人曰吾初銓此
邑長安貴遊咸謂鹿巖介在兩郡夙習悍黠好健訟
使氣非大剋之不易爲理今閱數月大畧已覩使令
果廉隅無闕公明維允乎彼蚩蚩者亦何樂而爲莠
民也聞者咸服公于邑之秀良以子弟蓄之惠愛護
持惟恐不至而僉壬者流雖豪有力皆置於法倘其
悔悟請命則亦不吝包荒或有謂公除惡不力者公
曰獨不思以人治人改而止庠聞者感悅如是五載
而德化翔洽績猷彪炳循良之譽爲三輔冠它如訟
息盜弭隸肅民和人曰公能勤勸諭也講鄉約也嚴

保甲也余則謂之緒餘耳而豈探本之說哉東人士
德公而不知所以報公每欲形雅成頌遠而比于滌
汴之歌子產漁陽之歌張堪憂憂乎以爲不足擬似
之也其意亦良厚矣秋九月之八日爲公攬揆之辰
將製錦稱觴問言于余謂余之于公蘭譜締紀羣之
交桑梓受九里之潤衡茅庇十畝之蔭焉必能稱引
古昔揚扆美盛也余則究無以踰乎誦南山之詩者
何也上之所以褒下下之所以頌上懿哉父母之名
允矣父母之實焉已爾公其駭然進一觴乎

學源堂文集

卷之四

畢

王宛平相國夫人壽序

嘗聞之春秋傳曰天子體元者也宰相謂元者也故三代而後皆置丞相漢之相國唐之中書令宋之平章皆丞相也明初不置相置殿閣大學士稱之曰輔臣輔者助也義蓋重以宏哉天子以相臣爲助相臣詎無助之者或曰丞相能助事相理天下然而未盡也列女傳載卽墨女子語齊王曰屋堅不堅在乎柱國家安不安在乎相王曰吾國相若何對曰王之國相外比內比然後能成其事王曰何謂對曰明其左右是外比也賢其妻子是內比也王曰善夫比之

學源堂文集

卷之四

七

爲言助也助宰相而謂元化理陰陽肅詎三五丞令不爾耶周禮無封妻之典世卿之官妻從夫貴漢以後則特見焉率封郡縣君然不過如詩所云象服六珈以品第爲等差耳而夫人之貴遠越縞綦矣甚矣宰相之重而宰相之夫人之有需于賢也粵稽古之盛美大臣者爵服錫予而外遂往見於文辭詩之燕喜侯也曰樂只君子邦家之基樂只君子萬壽無期舊曰天壽平格魯頌曰三壽作朋是美取乎蓋以國事猶家事也國之事統於相家之事揀於家督使家有督也一年揀之不如十年揀之十年揀之不如百

年揀之非壽者能之乎故臣祝君曰萬壽君願臣亦曰萬壽不嫌其耦也然則三事大夫瞻瞻黃髮允爲國禎矣古者八十杖於朝或輿而上殿凡典朝誓后弗第不厭棄老成而且有祝壽之文如是其懋已夫天子而願大臣壽考而爲助大臣亦願夫人壽考以爲助則爲天子祝大臣爲大臣祝夫人是亦非私焉矣今保和殿大學士禮部尙書王公弱冠登高第官詞林爲國家黻黼之助壯歲官容臺爲國家寅亮之助官中樞爲國家蕩平之助鴻文雅度徽猷亮節有古大臣所不能兼而獨兼之古大臣所不克

學源堂文集

卷之四

吳

致而並致之者在世廟時海內已願願然有爰立之望及今二十年始拜命宣麻詩曰天子是毗主躬是保其以助臻邇隆佐宣弘化者中外方引領焉而時當極盛海宇又安人才輩出公乃汲汲焉以推賢進士爲務師濟寅協超絕百古揆之齊女所云明於外比者不旣允庠抑知內比則尤有大賢者乎公之家君廉一官比部郎仲君裕三官稼部副郎世德綿厚家學淵源洵足濟美常稱述其母氏一品夫人董太君在長名閨于歸儒宗鐘鼓既樂而翟第卽膺非如何有何公而雞鳴是傲者也時堂無獻脯之

夫人爲冢婦家政悉操於一手如持大府之憲釐然
有條大身無破采之服室無文衣之飾子婦而下無
敢禮紫珍作鏡聽者寧獨金鹽玉政料理凌雜已耶
事文貞公孝且謹以不逮事姑梁太夫人爲憾得所
遺失士像焚香虔潔邇於春秋霜露撫育比部兄弟
慈嚴並薦相國夙夜在公無遑問家人生產及塾中
鼓篋然未始一日不在懷夫人實深體之恩斯勤斯
以致烏衣有令名也相國有玉季五十年前著猶未
析娣姒滿園芝蘭滿堦姜被恒溫田荆益茂夫人之
德洵稱聖善昭融矣詩曰刑於寡妻至於兄弟以御

學源堂文集

卷之四

吳

於家邦家齊而後國治之義上自天子下及大夫靡
不均責也故惟能齊者斯能治亦惟能齊者斯能佐
君以治也公儀休爲魯相史傳其拔葵織二事以
爲得相之道識者竊惜其無內比焉夫人之有內此
如此豈不願其有備福哉壽者福之一詩曰魯侯燕
喜令妻壽母夫人於相國爲令妻於比部見仲爲壽
母詩人若爲頌之矣敬序其義當南山之三章

高九臨稼部太夫人壽序

古者六曹以天地木金水火爲名而司徒曰地官地
臣道也母道也義有取乎養焉虞舜命官使象爲司
徒教以人倫養且兼教也夫上古命官中古命名具
有義意則夫居是官者顧而思之烏能已歟鄭子產
論政則曰與其爲父不如爲母抑又何居穀梁子曰
子生三年不免於水火母之過長而不傳以師父之
過養與教厥爲分屬雖然分而屬之者一家之教養
也合而屬之者天下之教養也分屬者小而合屬者
鉅蓋已審哉吾儒學古入官孰是動而爲天下母者

學源堂文集

卷之四

辛

則稱是義也要其難之余謂有難有不難何也一
家者天下之始也曾子曰慈者所以使衆母主慈故
得母之慈者乃可大用之以養天下簡易家人卦母
與父並稱嚴君母又兼主嚴故得母之嚴者且可大
用之以教天下以是而論與其爲父不如爲母雖國
倚救時之說而合而用之斯實古今之通義矣稽古
陶士行吳隱之之母不益此其然乎余長稼部十稔
代天子養天下教天下夙夜用是兢兢也詩曰靖
共爾位正直是與則分猷宣力卽須我友亦孔憂矣
上郡高君九臨大將軍季甫公之象子也以蔭官計

曹郎儻明練綜中州之財賦而恢乎游刃凡所論議恒煦煦然若保赤何其愷耶殆多讀書識前言往行者耶余莞中樞時知季甫公爲名將暨豐功偉烈于宣雲巴焚間智勇比於漢之李廣宋之吳璘而忠勤過之然更有度越羣倫者好古愛文每領古人一將功成之句輒悽悽不樂所在得一博雅之士輒授之館命九臨昆仲北面師事之誠之白簪纓何如紳佩也於戲公益仁將乎宜其子之能慈能惠也公餘間進而與語咨其所學卓犖不羣迨詢厥家世述母德且嫺嫺焉其曰莊靜淑惠孝事二人愛育諸子躬督家業者無一不比于古賢媛乃有云當季甫公建旄川中烏蒙民萬餘避兵箐峪中主兵者欲玉石焚之季甫公爭之不得歸而快快夫人詢知力促季甫公急遣以去就爭之因得請活者萬人至今敘州組豆之不衰余聞而亟起揖九臨曰信乎君仁人之子也太夫人必登大年九臨進而詢所以余曰仁者壽此吾儒之言乃若天竺氏言功德抑又彰彰已漢鄧太后曰嘗聞活千人子孫必封吾兄訓爲誦者治石曰河歲活數千人天道可信家必蒙福王商謂順烈皇后曰我先人全濟河西活者不可勝數君從必

學源堂文集

卷之四

三

當在吾女孫叔敖斬兩頭蛇其母曰夫有陰德必有陽報於戲天道好還報施無爽弗第詰士能言之而淑媛亦能識之且叔敖之母謂陰德而陽報者後之人將無以叔敖拜楚令尹當之乎今九臨則已貴應列宿矣今世之所謂陽報者壽考維祺耳以是爲徵可其信也九臨頷手曰願如公言某得報劬勞矣乃又進而言曰嘉平月之十有二日爲母夫人設悅辰願邇是說而筆之爲文某藉以舞綵稱觴慰我慈氏且以勸後余曰君欲以是爲勸乎吾用是以爲君勸程子曰一命之士苟存心于愛物於人必有所濟君

學源堂文集

卷之四

幸

焉

李容齋少司農太夫人翟太君七十壽序

戊戌春余奉 命典南宮試得士三百人今少司農合肥李君容齋與焉旅而謁於邸僅通姓字家學淵源弗及咨也未幾選讀中秘書嗣是揚摧文墨時時過從觀其襟度弘淵談言條爽竊心儀之翺翔千金馬石渠者二載率嶄嶄特立耻市盈於修棄戒所衝於噉名嶽嶽以名臣自期弱冠登朝局奕駿茂非得於家猷者素烏克臻此耶間詢所師資曰二人之訓也慈氏教尤豫且謹焉迺更且述曰母翟太君性正而靜歸家嚴佐羹雪耕雲不苦於齒承堂上卮匱歎

學源堂文集 卷之四

壽

代調董莖至拮据大故無纖慙也家政肅肅訓某昆季三人惟醇惟樸避津讓路不使競于里誠諸家介及臧獲懷不爽一武蓋家道當何有何無之際太君安澹泊者三十年卽某昆季稍稍通貴亦成願效先世之澹泊以安太君也太君乃樸惠自天瑤瑤不愛愛簡冊纂組不意意文藻不願子弟名豪舉願名廉隅不鄣德澤滿里閑鄣滿瀛堦余聞之而聽然曰由來天地清淑矜貴之氣蒼之乾成者多坤成者少以乾成顯生坤成顯成也迺若蒼庫顯成無殊於顯生且有溢於顯生蒼蒼者寧無意哉攸蒼者一攸成者

學源堂文集 卷之四

壽

衆攸成者衆攸滋者蕃易曰地道無成而有終終之適以成之矣天故不悅獨攜而予之也太夫人蓋荷天純嘏者乎昔謝太傅居東山內諷以家門之富不安其澹泊也陶大夫務大內諷以令尹之貧不安其繁華也謝婦不安澹泊而謝甘小草於後陶婦不安繁華而陶已大競於先其孰與太夫人之自少至老前後三十年恬然于澹泊也耶容齋自詞曹游跡臧卿清華也仲子官中翰叔子官郡倅皆清秩也胥能砥礪名節效先世之澹泊以安太夫人何其懿哉昔人云是父是子余則云此母此子矣太夫人今年七十齡嘉平月之八日爲設悅辰司農耶署諸君將稱鴈祝受壽乞一言爲酌者之詞余曰吾有以壽太夫人乎聞之養生家曰心愉者氣和氣和者體康可以登大年以余問於容齋者謂愛簡冊不愛瑤瑤意文藻不意纂組太夫人之心也容齋讀書破萬卷挾藻摘葩著作滿家當世之號爲騷人詞客靡不遊其門斯亦學圃之宗工莚林之雅望已太夫人之心愉矣計必撫而喜曰此老人和膺之遺也進一觴願子弟有廉隅名不願有豪舉名太夫人之心也容齋貳計部所司皆天下金穀鹽榷事也且不敢至其門竿牘

不能達其掌記而濟濟屬僚歲時間有欲僛遺瓜蔬
醴苾而亦趨趨者其康隅爲何如也仲氏素筆於鳳
池叔氏題與于金刀抑可知已太夫人之心愉矣計
必撫而喜曰此老人還鮮之效也再進觴曰太夫人
之心尤有厚而廣焉者曰惠澤不郵滿里開郁滿瀛
埏也容齊佐綸扉每見 朝廷行大慶賞沛大恩澤
卽額手曰 聖德無疆及簡貳司農之堂纔數月四
方有以水旱告者輒爲請振卹有以閭閻陳者輒爲
請罷斥罪 聖天子嘉惠元元遐思汪濊從如轉瞬
而容齊能贊同官以持正議仁心仁聞流播方夏太

學源堂文集

卷之四

壽

夫人之心益大愉矣計更撫而喜曰此老人猶佛之
勤也三進觴太夫人之心洵愉已哉愉斯和和斯康
貌齒齡背古謂是壽者相也而光融聖善燕喜多祉
今謂是壽者元也弗寧惟是容齊有子曰丹經綺齒
成進士入詞林有鳳毛且爲龍友王母含飴之類猶
馨文孫珥筆之華已嗣太夫人之心愉也滋甚語曰
天壽風地壽火人壽子惟太夫人壽以子而更壽以
孫奚俟摘寶文之初蕊拾穆陀之末葉以祝大年也
哉而子若孫奉 制詞命服以進珠襦霞帔在側瓊
漿琬液在俎蓋不第屬饜以膏靈薌澤而實耿光以

上善令名方之昔人殆居何等耶余聞宋張平章母
八十餘至勤人主嘉歎福壽賜手詔存問賈參知母
蒙詔見賜坐賦詩比教子於孟母今 主上孝事
兩宮合歡萬國一旦詢問大臣母夫人如往代故事
余雖不斐尙得從黃閣贊一詞哉

學源堂文集

卷之四

壽

祝桑兩風壽序

祝壽禮乎何以古無其文也間有見於史冊經傳者華封人曰多壽詩曰無疆曰爲此春酒以介眉壽非臣之於君則子之於親耳君臣禮大父子恩深禱祝而稱願之以禮則非諛以恩則非文故不必著爲典則屬以專詞也外是則不得並論淳于髡曰希耕鞠脆奉觴爲壽薛政之母人以百金爲壽遂以快報之淳于之所言嚴客也薛政之所爲市道也又下諛與文一等矣流而爲媚子之於津要下司之於上官節益繇態益卑何禮與恩之有然則祝壽之文君父而

學源堂文集

卷之四

五

下遂可盡廢乎曰否否亦有禮可比於主敬情無殊於主恩者厥惟弟子之於師君臣以禮父子以恩師弟則以道是道也禮因以隆情由以浹詎有聯君臣而正父子顧反出於其下者哉保陽郡學博士兩風桑公七月中浣之七日爲攬揆辰遊於其門者數百輩相率而祝之余聞而喜曰是舉也不可廢也道之所在也公孝弟之譽久在閭里少年遊成均舌耕以自給戶外事聞不聞焉甲申以後產口落行日峻卓然有道之士乎哉迨成進士高第司銓者將昇以民社悄然不懌者累日或曰縣令一官練習時務稍稍

躬勞動俸給所餘足以贖宗黨烏乎其不懌公曰違吾素志也吾志在文章使得珥三寸不律卿勃於金馬之門紫薇之署詎不大快無如其不能矣吾其以廣文小試乎夫館百里之尊吏而甘就一片寒瓊其不汲汲於榮膺何如也不謂之有道之士不可也噫此以來垂五年所盤中水晶常是不給或曰攝篆下給也公視之若浼或曰半贖可給也公視之苦浼惟日取多士之秀能文章者督課之開諭之勿勿然無倦色嗚呼公真儒者乎昔王新建未大用時日生徒講學見者皆以儒目之及江表績成輒膺上

學源堂文集

卷之四

六

儒者而有道不但可以爲學問中人且可以爲功口中人如公者又烏得止以儒目之也公有丈夫子九長者如龍稍長者如冠玉少者如掌珠晨夕羅拜屏前授經能誦授管能書授繡襦裏栗能舞能啖嚼宛然畫圖也公乃逍遙於藝文之圃徜徉乎琴樽之間諸生傳素業多子承色笑於都哉古今之所謂仙吏者非公而誰陶弘景陳希夷仙侶也皆有子孫論者曰得道者繁其族陸法師則謂得道者以道德爲父以神明爲母公而多男子也所謂得道者繁其族耶而道德神明又其所深修而簡練之者余故於其

隱操而信其顯曾於其素心而信其澹致於其學問
而一其功名於其多男而一其多壽嗚乎豈臆說乎
要皆以道爲之衡耳則多士之相率而視也誠不可
廢也

王惠迪壽序

惠迪王翁者郡之篤行君子也門閥甲于三輔書香
紹于十稷僉憲公以名進士歷官有廉正聲生翁兄
弟八人而翁行五翁之少也才穎卓犖博極羣書弱
冠冠民字試輒弁其曹取青紫如唾手壯而膺一疾
不耐思索遂留意于岐伯黃帝諸編不數年而病良
已復理舊業思以表建恢奇會兵戈湏洞高隱耶山
深處益肆力于經籍而刀圭針砭並極厥精亦良相
功乎翁性樸而直以孝友爲家訓第一子若孫翩翩
有鳳毛與人無論紳士農賈坦然示以誠懇一兄兩

猶子掇巍科名甲宦階烜奕翁不貴其貴也年登古
稀後生侍座各令嚮所欲言不膠膠乎如古負劍辟
咄之禮翁不長其長也倘人有垂于度者則面正之
不少假意甚實逞逞爲詐者所給覺之亦不甚恚曰
彼自欺其心庸何損于我好濟人困囊溢則與衣以
繼荷歟翁其古之所謂有道先生歟今年七十矣嘉
平月之廿六日爲覽揆辰合郡遠邇酌酒爲祝史茶
颺言曰天之所以予于人者有偏有全人之所以受
于親者有強有弱其全而全焉強而強焉者無論已
偏而偏焉弱而弱焉者必其人之無道業而鮮學問

者也何也道德者人之楨榦學問者人之功能有楨榦而無功能祇以保其完我苦縣漆園之類是也有功能而無楨榦徒以見其狗物臥龍鳳雛之飾是也完我者道德南華亦與悟真參同等傳耳不聞其利人而濟物矣狗人者落鳳披五丈原亦未聞其黃髮給背也而況乎既無楨榦又鮮功能者乎夫所謂道業學問兼而茂之者完我而不錮于我利人而不拘于人也故蓄其道可以並美于苦縣漆園大其學可以適休于臥龍鳳雛至不得已而託吾道吾學之一端以表見于時則所操彌約而所及彌摯殆所謂善

學源堂文集

卷之四

李

已而壽人者耶翁予父執也先子嘗謂予曰吾友王五翁性偏于孤介常落落不合于人而孝友大節則素著雖弱不勝衣胸有異術當師事之豈非重其道業乎及長而獲與翁遊煦然如春無城府而有蒼素挾一冊書利人無算不復見向所謂落落者且精神爽健目炯炯若巖下電亦不復見向所謂弱不勝衣者則何也或曰公老而學問深化城府而精性命矣嗚呼性能偏人而不能困人以全氣能弱人而亦能彌人以强者則道業學問之功若是其大而有用哉易曰乾道變化各正性命言道業之能全性也神農

曰上藥養命中藥養性言學問之能強形也孔子曰仁者壽言既有道業復有學問之可以介大年也翁于道業茂矣學問純矣雖以携僊伶之手拍洪崖之肩無足難者區區耄耋期頤云乎哉

學源堂文集

卷之四

奎

保定太守秋潭方公壽序

嘗讀天官家言謂五行之星木爲仁所躔分野四序和五穀登人民富壽物無札厲故曰德星一歲度一宮歷紀而週故曰歲星戰國術士動稱歲星在我者蓋取乎能爲福利也又靈臺推測者云時而遲留月不行一度時而疾行月行三二度既疾乃退其于子宮也必盈一歲之數余于此輒慨然曰甚矣天之仁愛萬物也甚矣天之仁愛萬物至均也而疾仁所至又順而度之載來載往則不無厚幸焉嘗以此之乎人大賢君子身爲士大夫布德流思使人稱曰世弟

學源堂文集

卷之四

三

君子民之父母可不謂仁乎而所蒞之地政平刑緩物阜民安可不謂福利乎顧有久泄者有一歲數遷者地之受福不能無異其久焉者吾知必慶以怙也其暫焉者必禱而求也至若不久而去不久而來相違或遠或近河可潤九里木可蔭百畝則亦猶星之疾徐去來食福者其爲慶怙禱求何如耶知是義者可以頌我秋潭方公已公筮仕吾邑約躬勸度覃惠明仁能日嘆脫粟能日馳款段不自知其爲邑長攸以焚諸於滿漢上下之間我人之顯被其澤陰食其福非屈指可彈也不數月而聲績噪播若古何基之

歌直聳達于九陞間中丞洎監司諸使君最其卓績以開秩滿遷湖廣德安郡別駕以去當其宰清邑若木星之次箕尾宿也福利甫浹旋移於軫翼則疾行躔度已清人之仰而莫挽也奚翅臥轍之不可留未幾而以輯玉來日輦雙鳧度灘水聞者趨迎慙如孺子牽慈母之衣裾則其退行析木之津也虛未幾而中丞公特薦之爲潞河守事屬初見中外輿傳則是歲星之歸其垣非退行也歸其垣當歸并清而乃歸潞論者猶疑之丁卯冬保郡缺守中丞公再薦而超擢二千石來守吾郡是猶人父人母積久而爲太

學源堂文集

卷之四

四

父大母矣始於歲星歸垣之義相符公之來若客之歸舍井里依然庭除宛在而子弟僮僕主伯亞旅悉能認其面顏神氣最旺余考燕爲寅之分野其方屬木歲星木神歸於木位光采煥發福祿確理固宜然也公受事後凡郡之利弊罔不興除公極重學校鼻也保郡之庠鐘鼓不聞而鉦鉦而列也絃歌無聲而駉駉羣嘶也而今何如也公爲守尉別闢衙署也預林始復有恤也公最憐人才鼻也筆峯翠暗而吻鹿無歌也文瀾漸斷而杏園誰題也而今何如也公爲繕葺奎樓也公爲疏通茹沼也械機佇望有咏也

公志在戢寧四履歸也椎埋鈔畧而塗鼓時驚也怯
僂穿窬而狗偷捷步也而今何如也公爲剪綵線之
裾禁童牛之佩也班班蓋如是也矧矣仲叔高臥時
勤安邑之肝子羽不來肯枉言游之駕論文考藝一
月總是春風鳴鐸驅離四境無非時雨雖次公在淮
少卿治渤文翁化巴焚又未有如斯之脩斲者矣紳
鄂之衿歌之氓頌之咸思有以祝之而末由進也匪
一人匪一斯夕矣茲仲夏旬有三日爲公攬揆之辰
紳語於衿衿語於氓曰是可祝也迺徵言于余以爲
酌者之辭余過者仰瞻象緯歲星次壽星去杓木不
學源堂文集 卷之四 奎

學源堂文集

卷之四

奎

三十度計必逆躔于天市木仁星受壽星之氣鍾之
于人則仁者壽公之來吾郡猶木星之歸垣也敬爲
之說以當南山之三章試登其堂而颺之

巡撫直隸中丞振甲于公壽序

古者天子之畿內地方千里不設方伯不建連帥天
子自治之未嘗不治漢以後乃設京兆尹左馮翊右
扶風皆得專兵柄得治豪右得徵辟名士權與三公
埒則是畿內者四國之所具瞻也萬族之所翕聚也
治畿內即以治方州矣畿內治方州可以治矣甚矣
夫爲天子治畿內者之重得其人也漢張敞唐韋弘
機宋包拯非其人乎史冊所傳三君子之治行固夥
而於其爲京兆尹爲洛陽雷守爲河南尹則嫺嫺焉
蓋重畿內也重畿內因以重治畿內之人也我 國

學源堂文集 卷之四

奎

家建鼎燕京東亦名府連輔弼郡而入地廣袤千餘
里滄海環左太行擁右枕居庸襟河濟誠雄以勝乎
京兆尹第治京師它郡非所隸故設中丞以填撫之
或二或三近則專領舊多開府于東垣十年前 天
子巡幸畿輔親檢關以西遠千三百里始得望見執
斧鉞建威整者南不數百里卽抵大河河朔隸中州
道里誠不均命撫軍移節保定以表率文武將吏若
農桑若貢賦若訟獄若稽學校若討軍實緝通逃靖
奸盜什實重以鉅而勝任而愉快者率寥寥乎其難
之易難乎爾耶八郡在日月光際 朝廷有大恩澤

首先承之而應聲之呼不時之徵亦首先應之乃後
車牛往往疲於奔命且入郡半牧屯多王侯將相采
地綠疇白版民無什一所有者大都燒礮斥鹵棘深
烟冷無復桑麻燕雀也而歲時繕之三年而波臣遊
木杪五年而祝融燒雲根而兵時繕之百里而戰鍾
以當石十里而策人以當馬橫索其鬻兒大嚼嚼
其剗肉而市有虎而里有惡少抑又窘之鮮衣怒馬
聯肩抗臂狐憑鬼叢者霍家奴與衛家奴恫疑而虛
喝飛啄而擇肉其可誰何於戲窘于歲窘于兵天也
人無如天何窘于胥與隸窘于市虎與惡少人也人

學源堂文集

卷之四

李

詎無如人何然而徑無如之何矣三年以前人當宗
遣大臣觀察畿輔意主治豪強一時慄然猶之乎震
雷疾風也過則已焉今年春 上命廷臣會推巡撫
中丞循例具名以上 皇上特簡我振甲于公益人
望所屬也畿人聞 命手加額上謂得賢中丞也何
則畿人習知公之德與才也公茲仕樂亭令循績大
著前撫軍特表為潞河守潞河為東南衝樞天庾所
在百貨輻奏姦宄叢雜多豪有力者陰注之守匪其
人往往撓公而徇私故必擇縣令之賢且才者以任
之公膺是職柔不茹剛不吐疆不擊而角自崩奸不

視而鬼自落聲績軌前後焉鄰邑之人聞而望想之
曰安得于公長一郡領一道吾屬胥歸幘幘中也遠
州之人聞而亦冀慕之曰安得于公建牙畿甸吾屬
共登衽席上也蓋禱祠希冀未可必得之辭耳未幾
而公擢江寧去潞河之人如失慈母在江寧砥礪有
司調劑兵民開濟尤大想望而嘆慕之者又不第百
里千里之人也已甲子冬 上巡行南國 翠華所
屆聞出岫者頌公休德如比丘唄佛名 宸衷特為
簡在會江南臬司缺破格優畀遐邇嚮怡泊、上幸
淮揚下河七州縣以水災來告遽道犯清蹕特遣

學源堂文集

卷之四

六

扈從大臣往審賑果如民言 上惻然軫恤議疏海
道因移公以廉使董厥工下河之民歡聲震地公于
是陸乘單騎水泛小舸歷相形勢詢悉民情得其要
領慨然曰吾可以代 聖主活此七州邑之民矣導
水不作於壅流濬河不作于築障掘此數杯土放迺
積潦則湖河自分溝塍斯顯民居乃宅水衝可勿糜
也歲月可無稽也下河之民家禱而戶頌之無如所
議有抵牾于其間也公乃密疏入告 上因召公及
總河大臣敷陳 黼座前兩不相下嗣下廷臣集議
猶豫未決迨大司空再往咨江淮之民遂有輓輶之

議公得仍簡江南臬司江淮之民雖不仰籍公而出
昏墊亦得公還而布明允獨幾旬之民冀所爲想望
而嘆慕者徒託諸空言耳無何幾撫需人廷推上
不及公也 上特簡公以填撫吾幾旬於戲慶忭矣
哉公 陛辭卽以三事陳請悉見允納 上復諭曰
幾民無他虐苦也苦于推待不靖豺虎橫噬爾勿畏
強禦力爲剪鋤豪強除則盜自清可一舉兩得也公
受命唯唯期以三月報政榮戟初臨案牘委積不十
日而顛若盡一屬僚咸竭蹶而恐不及八郡之民於
其始至莫不懔懔然曰公廉而有威將無靈轟而電

學源堂文集

卷之四

充

燭乎吏號號從水上行公絕不立威也誠諭守令如
師之訓弟子臨池士氓如父母之愛嬰兒居月餘一
檄實封下巡道啓視之皆八郡豪強名籍前此人之
所切齒腐心而無敢誰何者鮮不在其捕逮中卽掖
庭給事亦不之貸又何有於衛霍家奴也耶按其罪
狀悉置于法遠邇快服漢書有云弘農可問河南南
陽不可問亦其人選懷瞻顧不足有爲耳公之赫然
而若搏狐兔如此則張綱之埋輪李膺之破柱董宣
之收公主參乘奴又奚足云也數載以來偷兒暴客
畿北多于畿南大都倚豪右爲三窟人不敢問自公

除強之令行遂編八旗莊戶于保甲互訓連誣盜無
敢納處惶惶驚縮非東走齊魯卽西走雲晉畿人幾
乎路不拾遺昔冀遂治渤海使民賣劍買犢亦市歲
事也烏有如公之神速者哉至若車牛之役歲省民
閒數萬金民自頌 聖天子之仁恩也非公慷慨直
陳何克臻此於戲是皆公功德之見于三月內者而
將來且不可窮也則歸者畿人之想望嘆服以爲未
可必得者今竟何如乎七月五日爲公攬揆初度八
郡官僚黃綬斗食以上爲公稱觴徵言于余以爲酌
者之辭其禱祝忭舞之情溢于豪楮余曰今日之握

學源堂文集

卷之四

辛

符綬綬者大抵樂上官之寬緩而不樂其清嚴公清
嚴如是而何以得此于諸大夫也靜言念之乃得其
故矣夫士君子入官未有不欲矯矯自好者有所驅
迫有所指麾而苦節難貞矣公以廉自矢卽以廉厲
屬州牧邦伯孰不思比嫩懸魚而追蹤拔薤者其禱
祝忭舞之情溢于毫楮也固宜諸大夫試觀余多矣
之言以爲公壽公當不以爲諛也

學源堂文集卷之五目錄

碑記

擬 福陵碑文

擬 昭陵碑文

擬弘仁寺碑記

郡學教授桑雨嵐去思碑

麓山園記

成安縣西魏村重修太山行祠記

寄快亭記

大悲禪院祭田記

學源堂文集 卷之五 目錄

重修大同府興雲橋記

重修夷齊祠記

重修歌風臺記

觀晉右將軍王羲之樂毅論墨跡記

正陽門月城伏魔大帝香火記

薰風亭記

重修清苑縣儒學記

涪脩清苑河碑記

重修唐縣學宮記

重修保定府教軍場演武廳記

重修清苑縣學聚奎樓記

武清縣義學記

新建上谷五賢祠記

重修易州煉臺村夫子廟記

創建城守尉公署記

涞水縣創建社學記

纂修郡志記

甲申保定府殉難記

學源堂文集 卷之五 目錄

學源堂文集卷之五

清苑郭棻快園著

碑記

撰

福陵碑文

蓋聞洪荒啓子萬彙資始于元冥靈曜升寅九域希
光于太昊是知雲雷出政端歸柱天維地之一人龍
虎開基肇造櫛風沐雨之大業也粵稽陶唐繼祚推
本于姬水之軒轅周武集勲溯原于岐山之亶父蓋
以發祥有永禎符與靈貺常多錫眉無疆駿業並鴻

學源堂文集

卷之五

功不朽顧其登歌獻頌屬於鍊于先猷衣德紹聞邇
荒康于往烈豈非念祖者所當儀型續緒者莫能敦
思者乎惟我 皇清運啓東天祚凝北極長白歷五
嶽之嶽嶽離騷與混同喻四瀆之汪涉喬連星漢
允矣誕育神之與宅皇哉馳王驥帝之靈區也緬
維 高會攸肇山英共水粹齊鍾 祖福弘開鳳翥
與龍騰俱現是亦鉅靈之汾離黃帝之橋山也矣然
而本大者枝必茂源遠者流自長理有固然驗爲較
著矧 天庥地澤游臻久大之徵 日光月華稔著
升恒之象者哉欽惟 太祖高皇帝 靈異開凡

聖神軼古 天心特眷誕昇皇皇智勇之資 帝德

隆興敷奏蕩蕩平成之烈 起一成而一旅二年爲

邑三年爲都 勳九地與九天千里曰侯百里曰甸

乾坤手闢經綸以草路稱奇 日月心勞謀畧守師

中得壯朝獻誠文獻俘馘超超戰涿戰阪之功豈不能

七擒而皆縱近祭禡遠祭門烈比伐密伐崇之續蓋

欲以一怒而舉安勤 聖躬于金戈鐵馬之間翼翼

嚴嚴志在登生民于衽席也 皇威于桂海冰天之

外赫赫濯濯功斯鞏 國勢于苞桑越自 鼎奠五

韓奉朔者慶 真人出震因而師分八肅上世者知

學源堂文集

卷之五

二

聖祚方升自丙辰及戊辰十三年勦業垂統由北海
迄東海數千里拓地闢疆矧傳 子卽以傳賢比之
于古似太王之于王季欲詒孫先爲燕翼驗之于今
猶澧水之于洛陽迨茲寶錄三會顯承紹休于小子
鴻圖一統樂利駿惠于下民是誠百世所仰而作求
四海所賴而共戴者也以故觀 弓劍而觀耿光撫
山河而懷啓佑無任敷時敷思焉朕冀展謁 福陵
不勝緬追 祖烈雖配 天享 廟典禮 率備于咨
臺述德頌功翰藻垂休于金匱而琬琰未鏤最屬無
託誠莫容稽已茲復討耆定而勒之貞珉繼志因而

述事贊巍煥而鑑乎鐵書成功卽是文章旣昭受
命之溥將更曷繼承于無斁云敬作頌曰遠古關天
靈德奇岷垂裳攸還渙厥穆沕誕神牧黎功崇黼黻
祁姚運移乾坤時鬱非聖莫祓初造孔艱七十里
子姬孰班覃威敷德如康高山祥發肩錫績訖瀛環
皇清肇基隆隆奕奕祖烈巍巍世德綿繹岐嶷亶天
桓撥有赫龍虎奮興風雨掌鬲震登萬域函蓋九州
奠鼎遼瀋拓地燕幽宅鞏磐石師壯猷猷星景雲慶
鳳儀麟遊祥符游臻瑞圖孔固湛露瀼瀼仁風布濩
浴邑周營新豐沛度有永配天無疆受祚

學源堂文集

卷之五

三

擬

昭陵碑文

蓋聞承天者肇極綿景祚於靈長續祖者擴紘觀先
猶而耿烈故湯孫秦假爰虞濬哲之祥文子儀型仰
湖維新之命歷稽古辟莫不揚光前徽焉雖饗廟配
郊追崇有典而昭功象德頌業惟文矧顧瞻園寢儼
然弓劍之攸藏懷愴露霜歸矣山陵而在望者乎撫
璇圖而思燕翼仰在上之於昭續駿業而念鴻祚紀
無疆之惠保所弗能已也洪惟我太宗文皇帝
神聖亶天 德功亘地 聰明睿智兆禎符于潛邸

學源堂文集

卷之五

四

之年 寬裕溫柔徵篤祐于勤家之日 孝德純同
虞后 皇闈之慈愛攸鍾 友心懿比周王 帝室
之翕和共慶臣民相率而擁戴曆數在躬 謨烈統
界以敬承 皇極攸建序 天潢之玉璫伯仲叔雖
在 季先造 帝業于金甌日更商恭爲發佐萃服
心股肱之多士贊 聖神文武之 一人惠中國以
綏四方來庭者極鳥氐萬里九表而平百姓奉朝
者歷億嶺千郵 神武以不羈爲威會見降旗渡海
天德以好生爲大不教漂杵屠城于是人觀德化之
成物託覆燾之內皇哉 烈祖興賢育才棫樸新猷

之重賡赫矣 熙朝惟賞必罰兔置虎賁而威奮且
絳勃恤苦能教勞臣之夢寐皆歡而置腹推心以教
國士之頂踵矢報昭 儉德綴裘以待有坊體人情
執翼不煩內監恩淪文武德貫尊卑物裁冠百玉而
咸五超萬世以登三者也至若 聖德之高深 睿
謀之洪遠崇文之雅教造士之廣典尤可敬屬其大
端允宜繹思千來許維昔已巳之歲幹方而 天戈
西指何難包九有乎括囊養凱而雪鎧東歸有意爾
一分于秉鉞 聖德之高深可頌也預識驅難之有
人用待興師于仗義茲茲禹甸會朝而果歸乎 有

學源堂文集

卷之五

五

道曾孫奕奕湯圖 鼎命而長貽乎本支百世 睿
謀之洪遠可頌也 殿名崇政 臨御則日昃不遑
館啓弘文顧問則席前以聽同文造字遠邁乎古帝
之神奇譯史翻經盡泯夫諸家之同異因而闢門徑
俊辰韓之髦士攸登嗣是建學立師郊魯之流風丕
振崇文之雅教造士之廣典可駢頌也况乎 聖謨
孔彰有左史所未能悉記 陰行多善或外廷之弗
獲與聞者乎十七年人游 舜日共效華封之祝千
百國世望 堯雲冀敷鼎湖之恭維予小子念 皇
祖締造之艱懷如馭朽知帝位什肩之重勤效儲陰

既尊 祖而復敬 宗禴祀烝嘗率萬國合懽而事
能承先斯能啓後雲仍奕葉願百代不祧爲宗雖不
顯不承久輯 龍文于金匱而有典有則宜錫 鴻
烈于貞珉曩者恭謂 寢園肅臨 湯沐仰見白山
岷嶺屏開龍蟠虎踞之雄圖匪觀遼水淵亭帶遼王
盤金燈之秘器千秋萬歲知魂夢之所常遊五鳳七
麟慶 德功于茲歷跡是豈僅揖攀九鼎留劔弓于
橋山土疊三階藏華桐于會稽者哉竊惟贊巍蕩而
難名惟願曷緝熙于勿替敬作頌曰 窮闕昂懸
極巨奠萬籥斯陟四維用宴三才體均九德命禪
學源堂文集

卷之五

六

聖育神天龍帝眷禎符瑞應景星慶雲迂祿嚴格
社靈氛克明克類允武允文平章於變宜王宜君
奕發祥綿綿錫祚躋造丕承馨香垂裕十世十孔
悠孔固昭功典謨象德韶體於皇 烈祖縱聖聖聰
既鑑紫極毓粹青宮藝齋懋德敬止祀躬聖闕嘉豫
帝族冲融神協人懽還乎邁載十叶大橫歌成廣載
寶錄式膺輿情以對瑞羽翔翔卿雲爰鑒諸福之物
可致之祥靡弗殫集祢禴用彰誕敷文教載奮武揚
股肱協贊寮案胥匡皇穆肅雍懿達寬簡迴單聲靈
式廓宇版萬里來庭崑嶙莫限百辟來王戎索是綰

春華敦德濟濟爲積集思廣益胞肫其誠旌淑敘青
使過並生如天之蓋如地之平懿親以睦疎迷以服
就日瞻雲達聰明目功成魏觀文章郁郁受福無疆
景命有僕

擬弘仁寺碑記

蓋聞國祚誕興元功歸成于五岳皇圖聿茂景福叶
配于萬靈稽古膺籙之君祇崇祝釐之典由來尙已
若迺利開白馬林起青鸞凡足以祐黔黎庇赤縣者
睇龍象于梵林渙綸綍于福地亦弗廢焉朕自踐阼
一紀于斯凡殷 郊饗 廟地罔弗嚴儀罔弗飭迄
于岳瀆日星秩宗有故典者亦罔弗修弗舉已茲惟
旃檀佛者作彼優填飛來震旦行八萬里垂三千歲
含景吐光霽異疊著歷元迄明受芳薌于夏土而驚
峯無重疊之所虬鉢鮮永奠之區非所目答幽贊昭

錫潔也爰命所司卜地于景山右偏拂雲卓桂耀日
鋪金殿倚翥鳳之坡院綴飛龍之海甍椒榼而迎佛
薦花水以妥神左鵠王右獅子配臨寶界前金冠後
玉縱從侍銀庭庶其仰斗電于重輪拾天花于玉雨
乎非曰崇宣釋法猥以備茲典文耳况額曰弘仁蓋
冀薦霧貺而鞏我華疆佐弗祿以視茲兆億也朕故
不憚濡翰用壽貞珉云

郡學教授桑雨嵐去思碑

思者嗣也克嗣前詰之美也又似也念其人而似之也吾郡邑長吏有一德于民者率誌其事于碑碑遂林立而三黜序中惟明郡庠博士蔡先生有碑焉噫何寥寥也豈其去者盡不足思乎抑其官冷無赫赫功遂不之記乎或亦青青者矜不侔于蚩蚩者氓非其人果足以傳果足以思而不易為碑也蔡先生何以得此于多士耶聞之前輩曰先生有高行博學躬道設座開講而紳士而童蒙從之者如雲發明修齊家能使隸役販買皆心悅信如是果足傳也果足學源堂文集卷之五

思也無惑乎閱六十餘年而勒克嗣之者也甲申以後地多鬼燹人半鴻嗷鐘抱苔鼓臥雨啼昔號為通經博古之士落落如晨星浸而鮑堂芹沼之間多鳥獸芻牧跡嗚呼學鮮全經士多畸行誰其振德而教育之乎順治丙申雨嵐桑公以進士高第乞就吾郡庠一廬慨乎以表坊獎掖為任不三年而藝所嘆為茂草者茲且俎豆馨而堂廡煥矣曩所嘆為挑兮撝兮抱殘守缺者茲且濯行篤學備者蟬聯矣而所以致此者槩由于先生之能持已而式入也身正而臺作以興人矜而造就斯廣古之大儒豈不其然閱七

載先生擢國子助教去多士服教澤久謀有以永之將勒言于石夫以兩代六七十年不多觀之舉再見于先生豈非其人足以傳足以思而致之耶殆未可與彼林立者同日而語矣先生名開運字雨嵐順天玉田縣人甲午乙未聯捷順治十三年履任康熙二年榮擢敬書以紀

麓山園記

人與地稱而人斯傳地斯勝也邇者都人士以園亭
相尚疊石潄水曰山曰池檻象蜺室類岩巧殫人工
華奪天趣蓋數百載所創見也繁譁爲之人非建牙
方州則握璽六府否亦闢師否亦岳牧宦味正醅秧
掌中外率履痕未印徑苔者地卽勝也於人何與搜
之者顏以綠野比之香山譬噫謬矣山西祁縣張公
文吉以進士高第筮仕爲縣令忤上官旨獲嚴譴歸
絕意仕進恒欲求山水勝處以居山西古三晉地表
裏山河而祁之麓山更爲秀拔公闢地爲園卽山以
學源堂文集 卷之五 七

名不疊石而山也不潄水而池也不栒木而檻蜺也
不洞壁而室岩也主人几一編茗一鎔嵐翠送窗松
颺入座目已娛矣志已適矣眎彼執掌中外履痕未
印徑苔者人與地孰相稱耶公且語某曰園在山之
陽爽塏而阜起據樹兀坐可順視遠近雲煙迭變奇
詭可賦獸搏鳥啄點凌悉悉亦仇點強嚙弱弱復噬
強時序遷流修與草木同盡而我牢騷苑結抑何不
釋焉嗚呼公之爲是園也庸第娛目適志也歟哉

成安縣西魏村重修太山行祠記

記曰禦苗捍患則祀之謂鬼神之力足以呵護生民
助王政所不逮也是必鬼神靈爽昭應而後福力弘
多未有自愆其職能復庇及民物者歷觀往牒殆不
其然夫神之明昧視乎世之盛衰詩曰懷柔百神及
河喬嶽王者治神之典也故聖哲在御鬼神効靈亦
猶岳牧庶尹攸懷攸畏而自靖厥職耳則凡曠溢螟
蠹之不爲苗天人感召厥自有由而輒欲歸功於冥
冥者吾故不謂然也卽如成安一邑潁漳而城魏村
西於邑太山行祠西于村祠初自宣德初至萬曆時
學源堂文集 卷之五 三

重修者四大都受漳患也至甲申而蕩然無存矣嗟
乎神以捍生民患者也太山之神嶽之尊者也乃弗
克自捍其祠焉神之爲神失職矣乎予嘗過廣平見
其水自上黨來清漳濁漳異源而合流秋潦正壯駛
於駁馳縱橫乎衍河無定堰礮坎圻者皆漳之摧
敗使然也而成安一邑湫而且當其衝使漳水有憑
之者一怒則河之矣垂三百年所而祠僅四修謂非
神之霸也不可抑非第神之霸也誠神之霸之而萬
曆以後卽何以變爲滄海耶蓋隆萬以前無批政無
莠民熙熙然近古神故易爲霧熹宗而後綱紀廢於門

戶民命困於誅求囂然無樂生之心俗以大做庸第
漳水可爲祠患乎而祠亦湮以沒者運祚式微岳濱
失權亦大可畏也矣自甲申歲鄉人李從山慨乎有
興葺之願恭際 聖人繼出民安物阜正百神効職
之時鳩工庀材二十餘年而事以訖向所謂狂瀾怒
濤不猶然澎湃衝決于祠之左右乎而何以得竣厥
工也耶是則神之靈也非葺神之靈也曰惟世盛則
然耳祠工始事于順治元年落成于康熙七年殿三
楹廳堂抱之樓三楹靜室翼之皆潤如樓與殿而中
聯長廊殿左右六楹以祀龍王十二楹以祀關羅陳
學源堂文集 卷之五 三

西平樓各一楹門三楹門以內監之坊餘屋若干間
所以住羽士也是役也踵事而艱于勑舉增華而美
于前規雖兵火歲廢之餘而一倡衆和竭蹶趨事焉
成邑人士亦大可用也夫使有以古道相率者修舉
學校相與飲社讀法于其間豈有不靡然樂從者乎
孔子曰吾觀於鄉而知王道之易易也詎虛語哉

寄快亭記

余既以快名吾巷矣復以寄快名是亭者何也寄余
快也甲辰秋余自太原量移大理寺副方病脾危然
而驚不勝衣履謁太傅范文肅公於東臯園公曰子
病乎余具以狀對公曰亟調飲食中饋不可乏人余
以家累未隨對公曰盍來乎余以居停無地對公曰
盍僦乎余以僦居湫隘對公曰盍更僦乎余遲久不
能對公顧猶子字慶餘者曰宣武坊別業一區若何
對曰濶七楹長六十弓有庭有室有樓有園園有亭
亭畔雜樹花果雖居都市聞不聞車馬聲致足快也

學源堂文集 卷之五

古

公顧余曰子號快菴是可寄子乎遂假館焉余拜而
不辭至而周眎之屋餘於人弗快也因以庭以前仍
居居人室也而庭之樓也而室之學退一步法耳余
於是快有寄也居五年業歸公之長君都統胃卿公
余館之如故重公命也無何園之亭不戒於火余爲
不快者累日今年五月始爲重作高廣如舊度加重
榱桷楸於檐則余意也增之臺東南西畱三徑臺上
不斃者四隙植花竹也落成當盛暑攜兩稚子手一
卷徜徉其間復爲大快亭舊無名茲爲之名者存文
肅公意也

大悲禪院祭田記

寓內佛域禪叢莫不有祭田者何爲而設乎或曰爲僧夫果爲僧而設也無惑乎披緇者流遂奄而有之非披緇者流亦攘而有之也乃祭田之謂何且田以祭繫茲菊九華之是乎取伊蒲鉢鉢于是乎出則田非僧而佛也明矣是田而爲官家之建置厥有國典爲檀越之獨施聿爲福基奄而有者數典以損福攘而有者蔑制以釀敵非甚侗悍顧之而懷慄矣披緇者流得是田當無蜺斗心守是田當無羈提慮而亦有喜與慮者則非佛與僧爲之而時輿人爲之也吾

學源堂文集

卷之五

五

郡城之大悲禪院初元歷明數百餘歲佛閣僧寮木蠹石爛郡守許公發大願力鼎而新之誠盛舉也會大銀臺膠州張公若麒復置祭田一區計七十畝在城西之四里村僧海雲者不敢爲奄而有之之喜用以抱攘而有之之慮謀勒石以記志杜患也乃問言于余余曰僧之不喜而慮也則大有可愼者焉世有不畏禁網之人無不畏鬼神之人卽有不念穢祥之人必無不念惠澤之人茲田而佛田也尙有侵並之圖是人與佛爭腴潤矣鬼神遂可勿畏歟作善降祥作不善降殃此語大可念也矧是田爲張公之所貽

也張公令吾邑有惠政垂廿年所而歌聲未歇棠蔭猶在建田于吾郡卽公儼然在也詎有賢父母而貽之物惡子弟遂怙焉以侵并者乎惠澤可勿念乎今僧之不喜而慮也則誠有大可愼焉者矣吾故曰非佛與僧爲之時與人爲之也它日儻有爲攘而有之者幸以予言告若夫奄而有之又誰咎歟

學源堂文集

卷之五

六

重修大同府興雲橋記

代通按察使白魁軒

惟茲雲鎮作衛日京一帶黃河雙襟玄嶽振長城之
領踞大漠之肩洵重地也我朝奠鼎以來建牙特設
持斧專巡地不過數百里邑不過數十城官僚之黜
陟錢穀之徵輸以及詰戎兵典行獄截然自爲一都
雖屬晉甸寶輿而外惟文奏及焉迺者朝廷可
并巨流統而屬之晉甬決歲余稟承簡書代巡山右
念雲中邊荒衝敵兵厄之歲厄之晨星其人民與草
其阡陌燐火猶明嗷鴻未息非嘉意捐循多方釐整
未易言康乂也茲郡有利之可興而害之當革者余

學源堂文集

卷之五

七

不憚爲人告殷殷然微咨于監司守令不啻再而三
矣頃監司乘其守若令之言以重修大同府東郭興
雲橋告竣于余且問記以垂來許乃披往牒據形勢
而知是役也有三善焉雲中自大河以下桑乾繞其
南居延川君子津亘其西而萬壑千渠難以僕數夏
瀑秋霖之溢爲害是惟漚流立之堰壩砥其瀾而救
其勢則循岸而下固無俟鑄三犀刻兩鵠以稱奇也
其善一西北之番貢秦蜀之奏章三晉之輪輓往來
輪蹄絡繹相望脫是橋也而弗葺弗構使望洋裹足
目險蹇蹇其不暇乃公事者幾希茲則虹飛百尺如

砥如矢荷鋪挑囊不捐不厲又無俟編蒲坂之器而
下漕消之輿也其善二基曰沿舊功實維新計費需
金良亦非渺今司農仰屋非可仰給于縣官子遺燧
釜豈忍下徵之編戶若捐俸以倡勸義而應庶幾固
損水衡之錢而克奏冬官之績更無俟肩山脫帶羅
浮助舫也其善三豈不曰官之能哉豈不曰民之利
哉然而起瘡痍而登衽席民隱猶多除稂莠以植嘉
禾吏績乃最百爾有位尙其充是心而靖厥職也尤
余所惓惓致意云

學源堂文集

卷之五

八

重修夷齊祠記 代范文肅公

先文正公嘗手錄伯夷頌跋者以謂孤竹兄弟清風穆如文正公勤勤焉敬而繕之必有取也予頃奉命東出郵歷永平漆河高岸荒祠一區知爲夷齊祠以孤竹之人而祠其地之曩賢自非不典之祀獨惜其凋圯有如此時二千石某君在側前而曰官斯地者與有責焉其新之乎予曰以夷齊之賢詎有俟於表章者祠不祠可也葺不葺亦可也未幾而予啓關去役竣復徑其地遙見祠前若有般倬之徒屹屹從事者時二千石某君在側前而曰官斯地者胥有獨

學源堂文集 卷之五

五

焉其新之矣旋以記請予曰以夷齊之賢詎有俟乎表章者祠之葺不葺可也非矣記不記亦可也未幾而予命繼來今年某月工果竣復以記請予嘉其有是役也爲述其往來目觀有如此且其記畧云啓工時天大雨河水漂來材木大小稱祠用故事半而功成謂神爲之乎抑人爲之乎若曰夷齊之靈則斷斷乎其誣也事頗不常故附筆及之

重修歌風臺記 代慶士第

漢書記高祖破淮南還過沛置酒召故人擊筑自歌大風之句未嘗有臺也今之所稱臺者何助乎方輿志云沛有大風歌碑蔡邕作篆意者有碑而因亭以亭之有亭而因臺以臺之踵事增華厥有自來予十年作吏凡豐沛間古蹟靡弗探討如大澤斬蛇構都堯土人畢然遙指耳獨此臺巋然如魯靈光嗚呼世代變遷古人發祥啓瑞砥行礪節之地滅沒而堙夷者何可勝悼若歷千百載而猶存謂非邈有天幸耶青燐夜照黃水晝浸臺之不毀者縱零斃斷級耳莫

學源堂文集 卷之五

三

爲之葺行嗟草鞠俾前人播美颺休之跡蕩焉失傳所繫或細而沛邑當南北天限有此衰塤殘闕之象非惟官斯地者有俗吏之誚亦非所以黻黼太平也予量移瀕行捐俸重治未幾而竣聊誌數言用紀歲月并以明非專爲存古云爾也

觀晉右將軍王羲之樂毅論墨跡記

世所傳王右軍樂毅論法書不一大都皆臨本也譬之於人肢體固具塊然無復生氣雖耳目鬚髮部位儼然亦無足貴况弗能錄黍無差者反不如近代爲彷彿也曩見涿鹿馮相國家快雪堂法帖中所刻樂毅論較諸本不同撇畫轉振筋骨尙強愛其去其未遠也數令兒輩倣之因形得跡就跡得影差殊愈甚私謂安得所藏墨跡真本者而一觀之卽不能聲如西施見西施之顰不猶愈于見效顰者乎康熙乙卯清和月涿鹿相國之仲子胎仙學士攜來京師余與學源堂文集卷之五

翰林學士陳說巖布政大參泰補念比部張南溟得卽吏部張東巖齋中暫假一觀紙蒼如霜後苔計六百七十餘字分十六頁合而爲冊涿鹿相國跋其後云王太令好爲放縱書右軍因此貽之入唐文皇御府爲太平公主乞去後公主敗老嫗裁爲條縫衣絮中僅而獲存謬云投爨下也流傳世間不知幾易主名向爲韓寒叔家收藏寒叔以貽吳江村四十年前相國從江村得之余見其書西見字皆方塊可分許排類勾整裝潢精緻其出裕河南手無疑因嘖嘆曰晉至今千五六百年金石之質不無駁蝕矧楷墨

乎右軍此書得以完好無缺藏者非盡人力也意必有鬼神護持之或曰古今寶物天地愛惜歷劫不磨意良厚矣堯舜以來人獨無寶乎其幸而身顯名播者幾葉史冊中多附會謬妄失真者謂乃史家恩怨愛憎之不良則人爲之矣彼蒼遂無意愛惜而護持之乎斯無怪乎世之以片幘一紙之爲寶而澹然于千秋百世之名節也可慨矣夫

正陽門月城伏魔大帝廟香火記

京師正陽門月城之有漢壯繆侯崇封伏魔大帝

關夫子廟者舊矣祀典掌之太常特隆極備有事者

稱榮焉帝生而忠勇沒而神明祠宇徧天下霧爽所

感被無貴賤秀樸髦狎男女罔不尊信無數思其在

州邑鄉區者饗祀之禮惟五月十三日廿三日爲極

盛過此則司祝者晨昏鐘鼓爾茲祠地切宸居筵

尊露懸匝歲之內雖風雨晦明所者開溢瓣香束芻

登豆豚蹄常滿楹前司祝者應接不暇往往有褻越

焉澄江宣君廷弼者來游京師假寓道館過廟則洞

學源堂文集

卷之五

五

洞廟屬間出其餘力以匡司祝所不逮秩秩乎其有

序也人咸悅服相與推轂爲香火有司宣君夙有信

心慨然以任嗣是丹雘巧聖廟貌新也簷懸桴應昭

事虔也芟除汎掃神道潔也譏詰錡鑰人跡肅也不

二年而香火繁熾逾于疇昔衆乃歸功於宣君康熙

丁巳夏宣君賦歸都人士曰神功不可尸也人善不

可泯也謀爲記勒諸石問言於余且欲余丹而書之

嗚呼宣君以逆旅之匹士爲能斯合於神人者夫豈

有他謬巧哉誠焉而已誠之爲言實也以實心行實

事而已或曰宣君悚于帝之靈館于帝之宇朝拜于

帝之左右雖欲不如是誠焉而不得也其然豈其然

耶君父之靈寵不亞於神威也朝宁之翱翔不小於

祠宇之棲息也綺齒而通籍華顛而析圭不斃於三

年之朝夕也凡百君子其誠焉有如宣君者否耶其

以實心行實事斯合于神與人也有如宣君者否耶

使無愧也宣君可以媿矣脫有愧也宣君可以風矣

余故樂爲之記

學源堂文集

卷之五

五

薰風亭記

唐伯丁酉夏初予于役蒲坂過安邑少宗伯呂
相飲城南池上卽古猗頓池也亭三楹顏曰薰風
亭處坐亭中南條諸峯羅列目前煙嵐黛翠變不一
色風從東南來煦煦乎溫以禴也洵薰風乎守者曰
亭之下洞洞然曳履緩步下音上際彷彿五絃亭類
池也有洲洲有畦方方甃甃古雪不寒新霜若粟蓋
猗頓氏之鹽也鹽之產不侔于海海需煮池不需煮
東南風發波湧彌畦烈日炙之粒粒皆水晶已予聞
之慨然而嘆曰甚矣夫讀書者之有貴乎攬結山川

學源堂文集

卷之五

五

也嘗誦虞舜彈琴之歌曰南風之薰今可以解吾民
之愠分謂古帝自適其適而亦適人之適也其曰阜
吾民之財分者未由喻厥旨竊疑三千餘年詎無好
學深思心知其義者奈何不筆之于書乎抑予實寡
陋未克前聞乎信如守者之言是古初帝世不與小
民爭利池鹽之產皆歸婦子胥僅胥嘗有年無年咸
賴以不貧阜財之義于是可慨然以解矣孰謂古帝
慘綬安絃僅而自適其適也哉昔司馬子長徧遊天
下名山大川文章益奇肆蘇子由曰歷覽山川以激
發其奇氣蓋藉狀瀆之雄以開拓心胷耳予茲蒞

古蹟于以曉暢古義豈非大幸乎元吳萊嘗云胷中
無三萬卷書眼中無天下奇山水未必能文縱能亦
兒女語耳蓋謂讀書與攬勝並重也學者其何所從
事耶偶筆而記之以告後之來遊茲亭者

學源堂文集

卷之五

五

重修清苑縣儒學記

清苑之有儒學也閱二百八十年所已明弘治時邑令某公重修之順治初年邑令馬公崇詔再修之它則緣飾補苴已爾不二十年而傾圯朽蝕雞架在墻豚牢傍祀有如李下之蹊不言堂中之草可鞠也康熙庚申余讀禮和琴趨拜泮宮目擊愴然因謀于令君時公來敏矢圖繕修會歲大祲迄用無成明年時公擢陝西延安郡丞去余亦索米長安然皆未嘗不斤斤念之也辛酉冬金陵方公煒筮仕吾邑詢興除於余慙慙乎有循良之志余首以修學對公慨然肩

學源堂文集

卷之五

五

之受事後歲海祲未果行期年循聲大著上官以三異聞于朝需次優擢公曰修學固予責也實亦予志顧以茲邑爲筮蹠而忘之乎于時上告中丞監司守貳下咨紳士鄉氓勸蠲謀斥筮吉啓工十閱月而事以訖廟自釋奠之楹以及廊廡學由臯比之席以迨費靡罔弗庚辛實多鼎復旁若奎祠外如坊表式闢式整厥功孔恤也落成未幾公拜楚郢題輿之命頌行確石記事屬余爲文余聞而喟然嘆曰學宮之頹然廢也世林之翬然凌也郡國皆是也弗茸弗飭僉曰時勢使然非長吏咎其然豈其然乎漢文翁治蜀

學源堂文集

卷之五

五

修起學宮始于景帝末年海內殷富或可謂時際其盛洎武帝踐阼有事四遠征調繁苛六萬騷然令天下盡立學宮一如蜀國斯殆未可謂時之盛矣存乎其入耳或曰比蓋上有命也悚于令甲勉焉以從事噫何說之陋耶保定有府衛縣三學而縣學初建獨先順治初會葺之會不二十年輒頽廢若茲是職何故蓋由緣飾補苴塞一日之責也迺者聖天子重道崇儒躬詣闕里禮隆義脩且親灑宸翰大書萬世師表製爲匾額懸諸廟庭頒行天下凡爲長吏者又何俟悚於功令而後勉爲從事耶況公之肇修學宮又前乎此者也斯亦大可風也矣余于是竊有祝焉學宮之設所以造士也詩思齊之卒章曰肆成人有德小子有造古之人無改譽髦斯士序以爲頌作人也子矜之卒章曰佻兮達兮在城闕兮一日不見如三月兮序以爲譏失教也夫頌則歸乎上譏則歸乎下爲士者寧勿愿乎我公之勤勤於此上以仰副天子崇儒重道之盛心下卽以風示砥行礪名之粹修其所期待吾邑者良深以厚而吾邑多士自期自待則亦未可淺且薄矣夫士之婚修如修學然關者可補歆者可扶若夫基壞棟傾則弗可爲已吾切冀

夫多士之瞿然念之焉公諱煊號秋潭江南江寧縣人涖清苑三年擢湖廣德安府別駕是工也勤且速其捐資督役實繁有人而用貲之多寡與起止之歲月悉列于碑陰

濟修清苑河碑記

嘗見地有利而不知興工有廢而不爲治謂是民之惰也乃若地有利而民不克興工有廢而民不克治亦由莫爲之興莫爲之治者耳詎賢民之果惰歟乃莫爲之興而一旦興之莫爲之治而一旦治之功德曷有敦思哉吾郡之清苑河發源於滿城東北一曰一畝泉一曰雞距泉演池潑洄匯爲巨津綿亘百里擴之使廣東達津門可與舟楫之利濬之使深立障蓄洩可與溝洫之利兩岸可樹榆柳飭溪可字鷺鴨何莫非斯民利用厚生之資也數十年來淤塞傾敝

棄地利而不治誠可愧惜鄙者予爲文告當事言之甚悉咸以爲迂遠而不足圖已而於縣志暢其說又不之錄浩歎焉而已甲子春邑令方公煊慨水利之久廢謀爲濬築以惠此一方於是牒告諸臺使食日可捐俸募工大爲繕治何以是疏牒以是率利將無旣焉乙丑夏公以最績擢楚郢別駕懶行郡之人曰是不可以無記予郡紳也安能已於言獨是善後之圖則猶有鯁鯁焉者河濬矣雲錦之羣日飲於斯踐踏誰爲禁也煊修矣綱畧之施日聚於斯穿鑿莫爲止也況其右可不歷而走木可不翼而飛乎良民可

禁非民則不可問數年而後賢令治之狂且敗之烏
以永吾人去後之思乎詩曰蔽芾甘棠勿剪勿拜召
伯所茇一樹尚愛而不忍傷矧茲淪漣而屹峙者吾
願後之邦大夫有同心也

重修唐縣學官記

按唐邑古帝堯分封地也與晉陽隔一山在冀州
丙大茂山聳峙西北邑近山之麓爽塏崇峻東可登
見海岱予覽邑志嘗穆然而思曰是邑也誠古茂矣
哉昔曰若稽古帝堯欽明文思安安孔子贊之曰煥
乎其有文章或者謂堯曆象日月星辰敬授人時是
爲大文予則竊以爲不盡在此也帝典不云乎克明
峻德以親九族九族既睦平章百姓百姓昭明協和
萬邦黎民於變時雍夫明德內聖也平章外王也而
倬典庸禮厥本於親睦焉親睦云者明人倫也使
學源堂文集 卷之五 三
爲司徒教以人倫非其彰明較著者歟今之學校首
重明倫堯之文章不在茲乎矧唐邑爲古聖人封域
俊德茂明古澤淪暨其所感被事當何如且列在
今聖人邦畿 宸修淵密彬鉞成風而舉墜起衰時
勤 詔誠蒞茲土者可勿勗諸間考邑學朔始於唐
開元間金天眷泰和兩修之元自至和以泊至正四
修之明成化以後重修者九 昭代以來重修者
或式廓或踵飭或清釐功之鉅小雖不侔要皆循良
吏之所爲也計至今三十餘祀矣詎猶是風雨除而
烏鼠去乎何繼葺之未聞也迺者邑令祝君慨然重

修固弗備勅編俾躬倡不耗水衡無煩節屋而歲而
事以竣誠可嘉尚行將牒聞冬官用昭題額茲且紀
事珉版爰風諸長東焉孔子曰百工居肆以成其事
君子學以致其道學也者蓋道德之林而文章之圃
也須宮既已壯麗則舉此可登古訓可式師若士誠
能讀書以明理明理以修身修身以明倫庶幾古聖
人之遺澤不泯 今事人之雅化丕彰也多士勉乎
哉

重修保定府教軍場演武廳記

專按遼陽師武之經有全乎外而選者天子守四夷
諸侯守四疆是已有全乎內而選者羽林宿衛衛軍
更番是已經乎外而選厥伍師師將軍制之經乎內
而選厥旅旅彰彰司馬掌之倍也矣機固弗岐焉者矣
夏書云三百里揆文教二百里齊武衛皆在千里之
畿也謂經外庫選庫謂經內庫選庫匪外匪內匪選
匪選也漢三輔率兩京股肱魏蜀屏蔽神皇重
庫保都去京師十舍有奇在日月光陰抵九域之喉
振三關之領左敵滄浪右指乾嶽燕南陲趙北際實

經交焉有明末葉受銳者於斯專柙者於斯搖弦之
卒常十數萬金戈鐵馬埒彼飛狐拒馬間洎我 皇
清奠鼎變邊爲腹赤披白登膏取內版剗茲近光而
蹟狂靡者故荷戈者減身籍之存惟千夫守陴爾曷
者宿兵雲屯歲有閱月有練關郡東之教百畝曰教
軍場爲數中冒比干戈地則有垣則有臺則有懸雄
敵閱壇壯且麗滿屋百餘年人稱細柳越自兵減而
閱練以疎浸爲廢場而垣帶豁而臺研研而礮莽莽
非弛也文獻判其塗郭大夫不詰戎也趙者 當寧
允粵西梅軍中丞雪海鄭公請復設礮礮兵陳合以

守陴千人赴赴干城已巡撫大中丞三韓于公建牙
 保塞屹然都會公霜慘鐵面甘澍榆關淪浹幾旬積
 歲而政優百廢舉舉爰討軍實而訓之教軍之場重
 視驄馬之跡顧茲凋劫無勿慨然慨獨俸錢載其
 敝曰臺曰廳如輪如奭已工竣時勤校閱堯鑿播旭
 組練鋪霜駸駸電逐控縱無不獻之能決矢均無伏
 訓無不呈之技公顧而樂之資予有差則是廳也新
 之顧可緩乎哉孰幹者儔礪石紀盛徵言於余余詰
 之曰公廉不惜損橐煩不憚服勤淵淵遠猷諸將士
 識之乎僉曰公之爲此也屏翰 九關戢寧七道奮
 學源堂文集 卷之五 臺
 武作衝揆古攸符爾余曰弗寧惟是語不云虜有辜
 不練與無卒同顧茲什伍上著三召募七脫使將不
 識士校卒不習金鼓而長鉞者復遠拱喬臨彼介冑
 流烏能乞所甘烏能白所苦無惑乎逍遙河上酣飲
 市酈也夫欲使將之識士校卒之習金鼓法莫如勤
 訓練訓練勤而將之材武可辨而士之勤嫻可辨而
 卒之果悍可辨疇不兢兢於平時激發於一日尺材
 寸技畢以呈能俄怠倨譁靡克倖道而稱禧之子時
 獲仰觀冠有甘遂乞無苦不自所謂聯萬卒如一
 人合衆志可成城也夫寧第將識士校而卒習金鼓

三云爾哉

學源堂文集

卷之五

臺

重修清苑縣學聚奎樓記

邑庠之有聚奎樓舊矣祠建三楹鸞飛鳥革丹雘輪奐久之傾圯無人乎顧而動念者淪胥故無已也康熙初邑令范公捐金畧葺之就材度力縮而一楹讓美前人已已未地震樓再圯癸亥邑令方公慨然興修改樓爲殿覺棟雖存規模漸減而樓之名猶未泯已已古邨邵公治邑決歲聲績茂宜多所興復每月吉謁廟慨其歎之曰樓也而胡爲乎殿之名實顧可乖乎爰捐俸錢仍起重簷不委役不僉工不呼助未幾告竣嵬峩賁絢煥乎收觀子衿噴噴頌之於乎

學源堂文集

卷之五

七

公廉吏也取予嚴一介獨於事之有關藝教文風者輒毅然而殫力焉以視夫榮梵刹以祈福飭郵傳以媚人者其度越爲何等也落成而爲之記感慨且繫之矣

武清縣義學記 代邑令

考之禮記曰古之教者家有塾黨有庠術有序國有學尚書大傳曰十歲入小學見小節踐小義十八歲入大學見大節踐大義人有裨長教以因之顧不重哉自制科設而立教者以應世爲急小學大學無所區別教法疎已然郡縣學校以外復有社學有鄉學視古黨庠術序之義猶未遠也其制雖秉于令甲其事則責于守令漢文翁爲蜀郡太守令諸郡縣小吏起學宮使子弟受業遂成鄒魯之風古今稱美焉然則是義也責在邦大夫者固重而鄉之薦紳先生嘖

學源堂文集

卷之五

七

儒名士亦未有不式匡是勅相與以有成者若夫邦大夫不能爲不及爲薦紳先生則爲之制也而義行乎其間矣其可稱道也又孰尙耶余以謫非謬宰武清按武清漢雍罕地古先哲人代興輩起有明三百載屬在京甸士之以道德文章顯者尤械械焉皇清定鼎之初應運通籍饒有名夙蓋人文淵藪也廷者不無讓美于昔余恒以咨之鄉士大夫咸曰昔比戶而洛誦今廢書而他徙大抵貧家子弟之束脞之資鮮橫經之地爾余不勝慨嘆而思有以興起焉未幾

幾

大中丞三韓于公與撫三輔攬轡澄清百爲釐

舉檄下州邑首以修復社學為急務余因討故籍而
稽之舊之社學非瓦礫場即草萊徑也載謀與復厥
為艱哉諷日集邑紳士于頻宮籌畫久之而無一當
以有曰是非李君峻公莫任也峻公立志卓犖負才
詞儻嗜義如飴惜無人乎激發而從吏之脫以大中
丞之檄與我公之議告之必能相與以有成焉不謂
峻公待銓京邸已聞風而起矣遺余札云見義不為
無勇也時哉不可失也願割園地一隅計九畝有奇
築之堂構之舍俾肄習有地會僉憲趙公爾合旋里
聞之忻然而有同心捐資式襄于是聚材鳩工閱五
學源堂文集卷之五 完

月而落成爰告之太翁克生公太翁色喜曰固吾志
也不謂爾能成之書曰肯堂肯構為私言也子且為
公平雖然子知其一未知其二考之入學之儀必束
修古人曰學者莫先於治生茲第謀其居而弗謀之
食憂道不憂貧顧可槩論哉矧吾里多窶人之子束
修以上又可槩得哉吾家有田百畝何不捐之為館
穀地有田也即登之赤曆曰義學田凡設教者得收
其租即得輸其課尤便而永峻公拜而從之於戲興
賢育才賢有司之職也嘉惠後學鄉士大夫之美也
余儼然握百里之璽而乃窘於地困於時謂職守何

幸有此鄉士大夫之足以匡予不逮也故樂從而記
之

初建上谷五賢祠碑記

國家建官方岳觀察而外分遣卿貳中丞填撫方夏
匪第綜理賦式簡孚爰書無愆於月要歲會已也崇
儒重道表章遠哲與人才美風俗胥有責焉能此則
臧弗能則否古冊蓋昭昭矣余承簡命建節三輔
二載有奇約躬勅度納怨膺勞敢曰綱紀已釐康法
已著烝黎已康保歟兢兢皇皇靡敢或懈者實靡有
極伏惟聖天子昭宣道法敦崇儒節闕里嶧丘典
隆禮秩固已載之奉常諸如關閭濂洛統系文學者
所在祠廡罔弗繕葺維翰維奐煌煌御書旌贊顯

學源堂文集

卷之五

聖

懿選暨陬隘曠古莫儼也百爾有位孰不仰體宸
衷丕揚聖緒乎雖偏壤荒鄉亦宜殫力矧其密邇赤
縣者幾輔百餘城蒼羅星拱人杰地靈代興輩起余
嘗覽人物志北學編始知宋程明道伊川二先生本
保定之博野人欽宗時從其父珣官磁州避兵卜居
於洛後人稱爲河南程氏者知其末而不知其本也
容城有劉文靖公因元初以學行徵用不慕仕進乞
歸田里潛心理道著書滿家從學者如雲爲一代大
儒三公皆賢者聞各尸祝於其鄉而郡無祠焉蓋闕
如也丁卯春保之耆紳魏君一鰲謁余而言曰郡有

五賢宜合祠崇祀以嚴古制以風後嗣宋則二程子
元則劉文靖余聞而所然曰三公誠賢者也又言
定興鹿忠節公善繼明熹宗時官計部郎與楊左諸
君子矯矯同風節曾矯詔發金花帑銀得罪歸後贈
太常卿學宗程朱多所發明著四書說約超超元著
講學江村四方來學者舍不能容近村寺廟簷笈恒
滿其同邑及門杜紫峯越年八十讀書授徒不衰康
熙已未應博學鴻儒薦以老辭詔授中書舍人銜
進之歸容城孫徵君奇逢少時爲二親廬墓六載中
年絕意榮名頗精理學與鹿忠節公同志受業者南

學源堂文集

卷之五

聖

北數百人明季迄今徵聘十一次皆以病辭老而寓
居河北之輝縣人號爲夏峯夫子著述詩文流播遠
邇年九十二而卒其及門之在保郡者則有張君翼
星高君鐸張君羅詰與其長子博雅皆賢者之流亞
也胥可奉之俎豆也復出一紙以請曰願割宅之半
建上谷五賢祠以五門弟子配之有樓五楹撤其木
石足以資用不別庀材郡人士仗之助之足以鳩工
不乞官家錢惟登豆升香是所望於秉憲諸公耳余
嘉其意從之不三月而工竣祠三楹南向中奉五賢
神牌旁列五門人不雕不飾院宇僅容拜席門一楹

東向顏曰上谷五賢祠按上谷秦郡名不專於保而保實隸之曰上谷者取其古而統於同也秋八月上丁余率所屬員弁釋菜於文廟禮成旋過而祀之魏君前而曰是舉也宜有記庶可垂遠願乞公一言以勒石余惟保爲右輔首郡建牙者於斯分閭者於斯儼乎會城也而地有先哲祠而祀之於文學有裨爰以光昭聖緒仰黼皇猷或者其庶幾乎是爲記

重修易州煉臺村夫子廟記

村墮之祀孔子僅事也實懿事也東魯聖人生時官不過司寇沒則爲帝王師尊以王號祀以天子之禮三千年來未之有替者道大使然也而最隆極脩則無如我昭代已郡國州邑莫不建學春秋釋菜於上丁典載太常循應有司之不肅於廟貌不虔於豆登也何意易水煉臺村之有廟耶廟莫考其所自始讀明正德時碑記亦云重修其由來尙矣茲又有道士某募而葺焉百餘年而再鳩工中間之爲補苴塗飾者不知凡幾將未有記之者耳村之人

誠可風也從來淫祠者有禁僭禮者有讓夫以孔子而有廟也孰敢曰淫以村氓而廟祀孔子也孰忍曰僭匪淫匪僭故謂之懿然而聖人之道在五德五常教在詩書禮樂固有幾冠裳衣之儒豚之若土羹麤飯者乃村氓而不忘也誠可異也余嘗徧覽宇內志書矣按通都大邑以迄窮鄉僻壤不典之祠算數譬喻不能及乃無所稱夫子廟者惟煉臺有之豈非僅事歟使村之人不寧勤其俎豆之儀而且講其孝弟忠信之義習其詩書禮樂之文夫子不云庫觀於鄉而知正道之易易也不更懿歟余竊有望於斯

人矣是爲記

學源堂文集

卷之五

單

創建城守尉公署記

順治六年己丑郡屬邑蠡吾高陽博陵祁水間伏莽未靖太守周公天喬患之謂世當新造反側亦安且雲中弄兵遠邇震撼非藉禁旅駐鎮莫以銷弭于是請于朝遣滿州佐領爲城守尉率所部甲卒五百以徂郡城南面兵民界若鴻溝凡事涉滿漢公議公歛者非有公署則彼此不相適倉猝權宜近而就府庫之明倫堂爲會署久假四十年不風雨而飄搖無鳥鼠而穿嚙片葑不采而朽楊市列明倫也而明刑乎哉前此數議別爲建署乃阻于勢絀于力有如道

學源堂文集

卷之五

單

築焉總理荆名巡道武陵胡公每至輒慨歎其非因言于太守方公曰曷者君今情苑會爲城守尉別築公署何爲德不卒方公具言其故大抵阻于勢絀于力也公曰是亦難辦者阻于勢今城守尉薩公賢而明知大體必不我阻曷者絀于力今雖而予有獨守若諸州邑畏崇重學校誰不如我豈復有絀方公曰公之命守之志也敢不竭蹶畢廼事爰諏吉肇工開三月而告竣尉率其部慷慨而登臨事焉體肅而事便後之人孰不謂薩公賢衆始樂爲建也乎自時厥後詩書禮樂重視于四時絃誦鼓歌不雜于七萃循

而遵之誰忍不如薩公也不然者我 皇上敦崇聖
道表章賢儒 御書煌煌懸于 文廟隆文彙典顧
可藐越乎哉

學源堂文集

卷之五

畢

涑水縣新建社學記

古者自都而國而鄉靡不有學靡不有師靡不有庠
儼蓋重以脩也秦分天下爲郡縣此道遂廢漢至孝
文崇尚儒術而學校未復文翁治蜀建學置師齋聖
賢像而祀之郡邑轉相仿倣史冊褒焉自時厥後巴
人樊士文采風流穢穢庫上逼鄉魯教化亦云弘茂
也已賈誼云移風易俗使天下回心而嚮道類非俗
吏所能爲詎可槩論乎俗者不能能者不俗亦願其
人何如耳吾獨惟夫世之說者動引孔子與冉有在
衛之言謂庶而後可富富而後可教似萬戶之都遂
學源堂文集 卷之五 哭
無天貧之于十室之邑徑同獸畜之氓矣烏可哉夫
庶而富富而教其勢易也寡而富貧而教其勢難也
易則政不旋踵而行令不再告而從難則政勉而後
行令勤而後從處乎易而不以爲易者吾不知其可
矣處乎難而不以爲難者吾亟頌其人矣保定屬邑
二十涑水結末其寡可知其貧可知矧而踞山之趾
也矧而衝邊之口也古曰道縣以水得名而道攔
衣帶水無九里濶宋以前附于范陽爲祖士稚賈閭
仙故里事業文章豈不赫赫遑詰表表曩晚乎今不
其然東南之畝孰服先疇都鄙之屋孰居維鵲鴻不

驚而蜚矣。謝不敏而涸矣。羗而欲其操厥綬安厥紼。僞者吁而悲慧者亞而笑矣。時勢之難孰難于此。乃亦有易其難者焉。已未三韓譚公來宰涿邑。雙鳧纔下五榜。遂歌宣慈惠綸。洵父母也。聞之穀梁子曰。子生而不免于水火母之過長而不教以師傳父之過爲民父母兩過交責。譚公憫然念之。矻矻而母涿人。卽捐捐而父涿人。且汲汲而師涿人。割所受俸錢爲築社學。涿之紳士趙君宇祺王子岫趙子芳茅咸割西郊之地合而得十四畝。美哉始基之矣。譚君審向定方鳩工而採茂材而創築堂三楹。顏曰維風堂左。

學源堂文集

卷之五

吳

右珥以小屋東西廂各三垣以完之門以捫之外顏曰仕學津梁內顏曰雲階義有取也門以內結茅四楹几案牀椅無不備購書九大部延士之積學濯行者擁皋比萃邑之俊秀子弟授經肄業歲時公則屏止課業者業並課授業者業而蒸蒸然彬彬然涿人其興已乎公顧而樂之曰學者莫先于治生使修脯不供噉能枵腹而橫經也更割俸錢置民田三區合一百五十畝歲入租廩餼其師勒之石以示久遠且誠之云社師貴得人三載則更學之堂勿引冠蓋爲居停也勿納壺觴爲槃樂也學之門勿招少壯及巾

幅司啓閉也學之田勿以耕獲累社師也田之租勿容吏胥朶頤而中飽也於戲公何思之勤而慮之周庠起賈誼于今日尙敢謂公爲俗吏乎余不第不敢謂公爲俗吏且稔知公有家學公之祖考某公順治初曾宰東鹿甘棠之歌至今未艾考其崇儒造士之規前後若相輝映然則公之爲此舉也庸止可以咏樂只抑亦可以咏聿追矣余故樂爲之記

學源堂文集

卷之五

辛

纂修郡志記

吾郡之受徵修志蓋自壬子年始也時余以典試中
州過里門郡守沈公國望知余蓄有志畧暨而下詢
梓未及應無何滇黔逆作六師奮伐郡日辦供億不
遑事且寢戊午余以素冠里居郡守毗陵劉公旋九
稍稍議及屬余纂輯郡故事三閱月而報命苦由他
夢中荒畧不文公猶以爲繁也支什之二旋又以爲
簡也增什之五更三手市一歲書不成而公去官事
再寢庚申夏五蘇門紀公以天雄郡丞擢守吾郡受
事決旬上官徵徵郡志嚴且急浸尋十年責成一旦

學源堂文集

卷之五

五

洵憂憂乎其難之時余讀禮終篇循例報關公輒舉
以相屬余謝不敏且慮如曩者之芟而增增而復芟
者之損損也公再三屬辭之不獲乃於五月中浣官
適之館言授之餐集二十邑之志書於几案幾千餘
卷繕閱卒業稍稍得其要領於是延郡名夙英俊劉
子可書王子駢陶子國奇師子恒是賈子如璧李予
琮管子企寧或採輯或編次或較訂而考核質問一
委之兒子焚焉盛夏嚴歎人歌雲漢恨不獲赤脚踏
層冰而乃毫並筴揮墨供蠅嘖可不謂勤厚館啓於
太司寇高公之日涉園亭軒敞明竹木陰森樓之側

學源堂文集

卷之五

五

有臺臺之外有池池之央有榭迴廊曲檻幽且邃也
余坐匡牀於亭中袒而汎一几卷袖丹墨圖書筆疏
羅列如屏三州十七邑之山嵐水色可當數遊也關
隘津梁可譬指掌也梵宮仙觀可放眼空際也古閣
荒臺可題詩上頭也且銓敘千年之流品月旦百世
之人倫尙友可樂有褒無譏矧旦婆娑藝文之苑觸
目雕龍甲乙騷雅之壇怡情吐鳳詎不大足欣慰耶
諸子者衣絺屨敷安雅通脫雖分曹授簡而所見畧
同晨起一揖選地據勝脫冠解襪或坐或卧或執一
編吟諷庭除或攜楮毫校讐牖下不斷髮亦不叉手
展簾竹叢疊茵松影草之香習習隱流鳥之語嚶嚶
細絮花腮點鵲鵲之晴蝶粉下珊瑚之架皆足助乃
文瀾恣其藻思日之夕矣團坐亭堦析疑考異崇雅
黜浮斐然有裁爰命館童陳肴核泛醪醪劇談飽敘
俯仰七十二代周旋千八百國益亦極揮塵驚座之
盛乎乃斤斤焉戒不及時政不減否時賢如是者淡
月得志若干卷哀而質於郡公公慰勞不已曰作志
之難難於簡尤難於簡而不遺難於文尤難於文而
不緝難於典尤難於典而不譌其難之尤難者則公
而不刻厚而無私也斯志也吾贊之不啻口出矣因

爲工制刷既莊且敎於戲文字之樂編摩之苦胥在
乎是歷月有七日得以告厥成功者喜無髮者之艾
而增增而復艾之猶猶也援筆作記式告來賢云

甲申保定府殉難記

明流寇之賊歷廿年所而迄甲申正月元旦日初出
大如輪色黑紫無光占者謂大異二月真定撫標兵
譚中軍遊擊謝嘉福殺撫軍都御史徐標反時李自
成遣其偽制將劉方亮內犯已抵固關嘉福迎之
入長驅而北無敢逆其顏行者三月騎賊潛過郡城
外詭稱襄城伯偵卒無敢誰何廿日薄暮妄一男子
持賊誘書投城上同知邵宗玄手碎之倍飭戒嚴翼
日寇大至絡繹三百里羽旂鐵甲燭燦奪目塵全紛
起晝爲暝馬嘶人喊海沸山摧村坵野婺望城奔者
如蟻食頃賊數十騎逼河干服婦人服漏網絆絲遙
叫速降歷言所過百餘城無不開關叩馬者不則盡
粉矣且謬云京城業不守勿執迷聞者髮豎誓死守
先是壬午癸未間太監方正化治兵於邵守禦奏功
至是復遣之來督同署府事同知邵宗玄通判王宗
周推官許曰可清苑知縣朱永康大寧都司都指揮
使神維顯城守營守備張大同王登洲掌印衛指揮
同知劉忠嗣李一廣巡捕指揮同知文運開軟血誓
天衆志成城盟定知府何復奉命後聞變兼程至不
及修上官儀格不受印謂宗玄曰臨敵不易將衆

公久公仍佩之謁文廟與諸生講見危授命章詞氣
激壯已卽登陴分汛時鄉紳在城者光祿寺少卿張
羅彥禮科都給事中伊洗等進士張羅俊王延翰舉
人張爾壘等武進士張羅輔等武舉金振孫等貢生
王聯芳等生員張羅善等暨義勇子弟共二千餘人
恍惚奮勇執戈盾矢石日夜不懈賊四面環攻雲
梯蝗附羽箭霜飛且攻且罵計激守者怒出而與戰
乘機斬關入城上知其謀乃守益堅城中巷樹柵欄
鹿角民無老稚胥制擬以伺往來者非持符不得度
饋食城頭紛迷不絕官廩匱益以捐輸羅彥兄弟乃

學源堂文集

卷之五

奎

盡出家貲及簪珥懸賞格以礮擊賊者賞若干以刃
中賊者賞若干守垣者羣懼呼爭奏功會監軍御史
金毓峒至亦出貲助之賊謀知稍稍却忽督師大學
士李建泰間道抵城下欲入城衆弗內建泰恚甚謂
宗立羅彥等曰我朝廷大臣奉命剿賊轉戰至此何
不內舉勅印以示宗立等荅曰閣下受主上重託錫
劍祭馮車駕御門樓酌酒賦詩感慨而命公榮寵莫
比閣下提數萬甲而南胡不勦賊而西乃曳兵而北
是喪師辱命也安得入吾城建泰曰爾等安知行間
事吾姑不與之辯萬有不虞恐爾等無以贖罪也爾

等將無謂尙方劍不利乎衆惶惑有欲內者宗立曰
倘賊詐爲之誰能辨衆曰金侍御爲李公監軍當識
之亟以毓峒出視曰不謬遂內之建泰所部僅健兒
數百皆擐白甲輦餉金十餘輜意態徐徐人咸疑焉
建泰入而賊攻益厲矣揭城西南隅城上以火礮轟
之不得近驅難民哭城下亂吾軍城上以礮石擊之
不得近如是者竟日復解去建泰乃倡言於衆曰勢
難支矣無若降降不必啟關內也第與之印牒可耳
時宗立猶握府篆建泰出一紙迫之鈐宗立大怒以
印抵座厲聲曰我爲朝廷守此一塊土義不降賊降

學源堂文集

卷之五

奎

者任爲之印在此痛哭擲地上引佩刀自擬左右止
之人皆掩面泣羅彥急起曰邪說勿聽我輩且擊賊
於是礮復雷轟建泰怒而去何復躬焚西洋礮火摧
燎幾死城外有人自北至密言京師失守狀衆不忍
信異議亦間出羅彥語立宗曰百姓無知非鼓以大
義氣弗憤志弗堅下令人綴崇禎錢一於額以示戴
主之義於是忠憤大作罔不一以當百賊聞之攻無
遺力架銃土阜上擊雉堞如振秋簫鉛丸鐵子噴天
抉地屋瓦飄紛人皆戴木板循牆走未幾西北樓火
南郭門又火隍池潰高櫓灰飛深溝濤散守者不寒

而果賊設役謀夜半以甘言誘南城守弁王登洲繼城降之百雉頓空賊一擁而上建泰岫然內應自中軍輒殺人莊嶽間率所親推官許曰可知縣朱永康出迎賊嗟嗟西城不陷而崩北門無鑰自啟是謀爲之也日號靈深妖騰舞變賊手之白刃爲紅刃血繡霜華化城中之碧波爲赭波竟沉苦井使三百年錦里華開頓成燼末十萬家樸男秀女半付刀頭慘矣烈矣此三月二十四日事也賊兵瀰漫城中索羸馬劫金珠衢號巷哭發寶碎箱籠地迸山頽擄載囊捲捉人負運自辰至申僞制將軍始下令止殺旋招集士民赴西門傳僞諭訖遣僞府尹文國華推官崔志乾縣令王則禹倉皇受事檄辦餉芻日無寧晷城中人裹瘡忍痛搜括供億無所逃避是日殉城者職官則知府何復同知邵宗玄總監方正化若而人巷戰罵賊闔門死難者劉忠嗣一人鄉紳之從容就義父子兄弟妻妾同死者則張羅彥張羅俊及金毓峒韓東明若而人舉人則張爾聲孫從範武進士則張羅輔陳國政武舉則金振孫梁儒秀貢生則郭鳴世生員則張羅善若而人婦女則指不勝屈大抵皆心知節義不受污辱者也次日賊將下令逼斃鄉紳

之未死者及其子若弟拷掠慘毒殺給事中尹沆舉人劉會昌貢生王聯芳揭其首于竿棚曰據城抗師惡宦逆子見者欲泣明日賊悉北留僞參將張洪爲守據御史金毓峒家爲署毓峒諸子幼匿之固寧其兄子貢生肖孫勒令指毓峒子所在肖孫不肯言賊以鐵索纏頭木楔夾手火鐵炮烙身無完膚肖孫終不言越四日僞制將軍任珍自河間至所部衆如前搜掠更酷人有攀樹坎地避匿者珍曰我受命取此城他將攘余功余其屠之令未下賴裨將諫止是日被戕者什之二旋亦北守將傳僞諭括民財餽兵關者股慄落落子遺借米而炊易衣而出通上樞逢涓昨交覲不敢作春嗟聲月餘賊自北而南倉皇詭秘未幾守將張洪遁僞令王則禹亦遁居民駭散奔門四出擁踏至斃五月三日李自成自北至雖鉦鼓喧闐而騎無行列弧折箬發人盡阻饑掬珠易餅三五去投僻路狼顧狐聽百千爭過官橋羊羴匏逸風鶴驚于午夜草木竟似人公其殿後者以所盜大內錦綺纏掛樹上鑄金爲饒饒拋置道左罔追騎以可欲少緩須臾一日夜行三百里城中遺賊百餘郡人獲殺之立盡次日大將軍親王率所部營於西郊召

郡父老出諭以敗賊狀使使安撫之仍令文國華崔志乾官其官以未嘗擾民也以舊通判王宗周署縣事都司神維顯亦本郡舊官人咸聽命焉自是驚寬甫定殘業漸歸色動心愉人歌戶舞靡不樂 本朝之寬大慶率土之維新也

學源堂文集卷之六目錄

祭文

擬 諭祭 大行仁孝皇后文

奉先殿朔望祭文

諭祭崑山葉文敏公文

二道

祭范太傅文肅公閣下文

同館祭范太傅文肅公閣下文

祭吳定辭庶常文

祭呂培祉侍御文

祭陝西總督兵部尚書白懋韓文

學源堂文集

卷之六 目錄

祭陳大來文

祭肖泉宗兄文

祭羅篁菴座師文

同郡祭李相國文

祭掌詹少宗伯沈繹堂文

祭程天衣守備文

祭同年楊地一文

祭少司馬項眉山文

祭宗弟雲瞻給事中文

祭吳方漣侍御文

公祭范忠貞公文

祭范忠貞公文

公祭朱座師文

祭陳黼公叅議文

祭高南華少卿文

祭金長真臬司文

祭賈羹署孝廉文

祭張漢昭憲僉文

祭任梁河儀部文

祭王西樵吏部文

學源堂文集 卷之六 目錄

同鄉公祭孫徵君文

祭沈繹堂宗伯元配莊淑人文

祭宗嫂段宜人文

祭馮太淑人錢太君文

祭薛師母趙夫人文

祭季妹文

祭劉太孺人文

祭趙潤園秀才文

學源堂文集卷之六

清苑郭棻快園著

祭文

擬 諭祭

大行仁孝皇后文

致祭於 大行仁孝皇后之靈曰天地清寧斯錫萬
方之慶乾坤健順聿凝億禩之禧故合德願乎無疆
而咸亨咎其有變倘蝕陰作沴奪內輔于璇宮致掩
月藏輝背母儀于蘭殿是亦普天所爲罷杵率土攸
以遇音者也嗚惟皇后淑哲倪天博厚配地懸雲啟

學源堂文集 卷之六

瑞家稱玉衣人覆之微寶掖宜芬國叶石字燕銜之
應作嬪而後體讓德于函三正位以來含坤章于用
六 兩宮慰佳婦珮搖長樂動開顏五載嗣椒音簪
脫未央能獻諫朕方藉匡溫清所未逮何期歲次龍
蛇況時當宵旰而靡寧詎意樂乖琴瑟前星有曜甫
傳龍躍于天池中壺無儀旋飭鳳歸于丹穴昭陽之
門畫掩空留椒壁含辛交泰之座偏陳祇見蟬咽咽
露輻輳西度雲慘半天旌旄前搖雨泣匝地驚象緯
之黯淡星四條忽惟三悼輔佐之參差臣十畢竟止
九欲酬靜貞之效聊憑莫薦之文嗚呼聖淑爽而離

國吳難邁祚周姜覃冥祉以垂昆自可門標亮母

學源堂文集

卷之六

五

奉先殿期望祭文

峻德貽祿徽音嗣美篤念作求釋思勤止時邁辰良
序當月始牲帛潔陳粢醴寅比敢曰昭報緬惟靡已
來格來歆綏子孝子 德昭燕翼慈逮雲初敷時釋
思几筵式憑有虔奏假日升月恒月與日望優懷滋
興牲醴粢醴于豆于登肅將烝畀洽禮兢兢居歆如
在追惟莫勝

學源堂文集

卷之六

三

諭祭崑山葉文敏公文

服官靖位臣子之盡瘁爲賢念舊酬庸國家之沛恩
有禮故崇階旣榮顯于鞠躬而恤典宜榮施于沒世
軫懷儒彥聲錫彝章爾葉方藹品端志潔學博才優
筮仕清班編摩碑稭求之力潛心理域研窮懋聞道
之功用能標表乎詞林斯以廣揚于講幄游膺簡畀
克著勤懼故貳汝于西曹佇襄予於上理何明允之
方勗遽沉瘁而云亡載念丰儀殊深震悼易名已申
成命予賻式誕隆恩於戲簋豆有嘉薦苾芬于佳兆
絲綸是賁垂謨誥于豐碑茲典匪恒爾靈宜豫

學源堂文集

卷之六

四

第二道

臣勞軫念禮無闕于旣終國典攸崇恩有加于至再
惟爾葉方藹性行多篤斐之誠文學皆光輝之美啟
心著勛執法克平詎三爵之可酬載重褒以示渥於
戲几筵益肅禮弗靳于儒臣俎豆聯芬光自流于奕
世荷茲寵命慰爾幽靈

祭范太傅文肅公閣下文

嗚呼公真逝矣乎四海之大天下之衆莫不爲公慟
則有爲追述平生揚絕德紀偉功纒纒弗悉者矣其
慟也爲國失元老爲人失儀刑揚絕德紀偉功也固
宜祭之于公乃不暇及此蓋受公之知最深被公之
教最久食公之福最多故不能雷同其詞也嗚呼公
真逝矣乎茶草野小儒也當甲申乙酉年間聞人稱
范公官姓如聞唄佛名經以爲此終身不能見之人
終身不得觀其行事會不十年茶倖一第公正在政
府憑人訥告稍稍知公立朝梗槩于廷對之日得瞻

學源堂文集

卷之六

五

丰采向所謂終身不能見之人今幸遠望矣未幾考
選庶吉士茶與焉且趨且踰過公前則非遙望可比
嗣是旅而拜于內院旅而謁于私第求一領其言論
風旨何可得也或曰公尊嚴若神不輕接見賓客或
曰公縝密寡言笑即得見亦不能測其高深或曰公
以武功起家不甚喜文墨茶亦未敢深信及入館後
公之仲若觀公學士亦以同年進士讀中秘書詳之
若神仙中人即之謙和善下絕無貴介氣質茶竊異
焉有知者曰此得于家教也迺不鄙夷茶與商畧文
字是得樂聞以欲見公爲言許之因得拜公牀下問

荅縷縷如家人父子坦率無多禮法更惓惓以文章品行相勸勉何向者人言之謬耶蔡自此受知于公謂學士曰同年如郭生者可與友蔡自此又投分于學士時且奉色笑于公回憶十年前以爲終身不能見之人終身不得觀其行事而今何如也公之知蔡殆非淺矣越三年而乙未蔡荷世祖章皇帝御試第一公曰子幸也又一年而丙申蔡外謫去公曰子幸也蔡不識其故逡巡不敢請公曉之曰子少年居清華才多氣揚弗克大受此行正朝廷善爲成就人才處子誠老其才靜其氣無憂前途之不大且遠

學源堂文集 卷之六 大

也屬學士曰此子之同年好友其佐之行蔡以五年清署閒關千里外爲遷客行李無乏志氣不沮喪者學士教之實公教之也蔡八年于外嘗以公役至京師至必謁公時已養重東山矣每見必問在外年所日五年曰六年曰七年公皆勉慰之至八年公猶曰愈久愈善內紀綱外民情于此可嫻習焉雖猶作勉慰語而憐憫之意已在顏色蔡歸而感極私涕不敢使聞于公公亦無不知者服教且十年矣甲辰夏蔡量移棘寺副公徜徉于東臯園上蔡時病脾憊公不問升沉事惟病是詢且曰當調飲食中饋宜有人

蔡以家累未隨對公即曰知子居停無地遂以別業假館自此數見數問病如何蔡雖不敏知公念我者又不在區區功名之進退矣居數月蔡霍然病已始酌之酒始試以筆墨恒夜分坐談因得識公生平顯晦之蹟去年公偶病少閒蔡侍訊起居公舉肘以示無恙今年春爲公祝七袞壽公引滿而飲觀演劇竟而後退暑無倦色衆方謂公大年可期秋月垂末蔡病痢未及趨侍公聞之都統公之家人曰公偶感寒無何而訃至矣嗚呼痛哉公何以遂逝也公事業固茂然有未竟之功天下所想望者公何可遂逝乎蔡

學源堂文集 卷之六 七

半生淩落獨見知于學士公以學士爲何如子亦知蔡爲何如人也哭公之日都統學士與蔡對慟至不能言公當鑒之也都統學士之痛痛乎家失嚴君也終天之恨也蔡之痛也又有縷縷難言者也知公亦惻然于冥冥中也或不能嘿嘿于冥冥中也不忍以欺都統學士其敢以欺公乎痛哭舉酒焚斯言以奠之

同館祭范太傅文肅公閣下文代

古來佐主而致匡定之畧開國而著調變之猷前有
鄧侯後有武侯至其功名盛而大節美又莫如汾陽
之爲優惟一代偉人生有聞于當世歿有傳于將來
而又何求如公之生也簡于帝其出也降自嶽羅質
之崇厚智識之高遠輔以學術之光明而見于肇造
敷于對揚宏博而休休其本之家學者文正之淵源
自古其紹乎祖訓者司馬之燕貽聿修勲名允茂德
業復悠四海內外無間識與不識罔弗聞其姓氏而
瞻之如珠斗仰之如岱丘自公執政三十餘年出入

學源堂文集

卷之六

八

乎行陳閱歷乎平陂決大疑定大策手秉國鈞果行
敢議而絕無間然者以其公忠而俊亮進退人才何
私何忌沉毅之性與剛正之操至晚而益道方太
宗文皇帝識公于稠人之中拔公于帷幄之內倚之
如左右手洵魚水之相投及世祖章皇帝統一區
夏公持庑定之謀公彰徽黼之美公奏碩膚之勲乃
老成恬靜能勇退于急流爲香山之雅序爲綠野之
夷猶撫繞膝之蘭桂重于彝鼎而貴于天球集滿牀
之象簡香傳四部之書史華避五陵之馬裘人謂我
公之後樂可躋我公之先憂夫何古稀方介輒促賦

平玉樓梁木可慟喆人莫留天下無賢不肖且爲歎
獻而涕泣況乎朝士大夫曾奉訓于絳帳曾立雪而
從遊嗚呼人事之有始有卒亦如天道之既春復秋
豈對大賢之靈爽而彼蒼之是尤然其悲酸無已者
念公之不可復見而歎人生之果浮敬祈神來鑒茲
衆心之悽悽嗚呼哀哉

學源堂文集

卷之六

九

祭吳定辭庶常文

嗚呼數月之間輒三詠同館矣來園以大廷尉而終
文夏終于侍御史悼之者猶曰未竟其才也實志以
歿也來園五十三文夏四十八惜之者又曰年皆壯
仕也夫以五旬有三而終于大廷尉四旬有八而終
于侍御史固不勝其悼以惜也乃若才埒德齊官不
廷尉侍御年不五旬亦奄然而作古人者其悼與惜
畢復何如嗚呼定辭當吾四十四人應館選時冲然
方妙齡以其志學才抱何難趨然而遠舉後竟何如
乎卽不必如世人有飛黃騰達之術躡致公卿閒然

學源堂文集 卷之六

十

奉一官逡巡以進安吉而自老豈緊分外事今竟何
如乎人謂吾壬辰進士與氣數左前不如前人後不
如後人識者歟未然其說以爲爵位福艾冥冥中厥
有攸司誰可強致由今觀之其說又殊不然也已使
冥冥中果有司之者吾輩四十四人福命庸皆薄以
劣乎或所關者不獨天事也獨是定辭以名家子擢
進士高第忽而削其官忽而病其身忽而奪其算似
乎人間世拂逆變遷之事至定辭而已極宜其中有
牢騷不平之槩聞之令坦張太史曰定辭里居十餘
年蕭散高寄不問家人生產布衣芒屨千里內外無

剩山水世路險夷人情涼燠不復置之胸中目中嗚
呼此豈世俗中人耶古稱仙福當不過是矣以塵俗
比神仙固不侔以官福跡仙福更大不相侔世人得
其勞定辭得其逸世人得其備定辭得其精吾儕鮮
有及之者卽不尊官與大年也夫復何憾歟定辭連
者也尙因斯言而格致生芻蕘業之享

學源堂文集 卷之六

十一

祭呂培社侍御文

嗚呼朋友之誼聚散之感已不勝悲而況死生之動乎同年四十七人爲庶吉士蓋奕奕一時也公實親楚焉憶同堂誦習出入聯鑠歡洽如友于仕宦之交莫茲爲篤解館後各黜清班晨夕不能無聞每相見輒握手問訊如久別也此情爲何如旋而中外升沉散一堂于四海天實爲之謂之何哉公以三月御史謫官散署無毫髮牢騷之色其度量可謂越人數遷而始至鴻臚儼然京卿也去八座直咫尺耳公年方強仕負才駿卓同館中得以致身清要者意惟公耳

學源堂文集

卷之六

主

三人也一年來月一聚首公談天下事無一不沉練中繁知其研幾已深而身心性命之學益得之憂虞頓挫中者乎今年夏聞公病羣走候私邸門者謝以不勝衣屢納刺而已升堂而已衆且詫曰奈何病至如斯也未幾以病請于朝亦謂恬退之節借微疾以成未必藥餌果無功數日命下予告詰朝遂行方憾餞送之未及不三日而訃至嗚呼異哉天下何人不可死而死吾培社也彼蒼以如是之性如是之才賦吾培社乃獨壽其歲年意何居耶同館四十七人仕路之烜赫地位之華膺百不能及他榜之一而中閒

學源堂文集

卷之六

主

患難摧折種種俱備已令人不解至以極節剛撻之培社清操謹靜之培社亦止以如暴吏官而終如是之年而終此真萬萬不可解者矣公生而正直歿而神明亦當審察此故于幽冥間果吾儕之命數應爾耶抑人事有不齊耶公其告我于夢魂之中果天定而人不能勝也則亦相與安之而已倘曰削方爲員則人可勝化剛爲柔則人可勝以至雜出于不可知之途則人可勝公即知之毋以來告公亦必不欲以此相告也吾爲公慟者且究不可解矣公若歿于京邸得撫棺一哭亦足寫此悲酸夫何去京九十里而奄然逝也某非牽于一官素車白馬鷄黍絮漿亦是古人之義乃竟託諸一幅詠詞三爵清酒遂畢哉十五年同年之誼與言及此淚下滂沱不寧吾爲公慟想公亦自慟也公爲人吉祥有盛德官止如是年止如是大爲理數之乖聞公諸子皆英俊自能讀父書而大家聲語曰天之報施善人不于其身則于其子孫公雖賁志乎亦可含笑矣

祭陝西總督兵部尚書曰公懋韓文

嗚呼行公之庭披公之帷乃不見公人曰公逝矣蔡不謂然也夫公而安得遽逝耶公之嫁以計告公之門有素車白馬矣噫公真逝矣乎蔡猶不謂然也夫公即逝安得而即謂公逝也何也天地能生公不能死公即能死公之身不能死公之功與德他人不知蔡則知之他人或聞而知蔡則見而知之蔡自通籍後獲與素公中丞交登堂拜公心儀爲大人君子也公以子弟畜我以遠大易我丙申蔡左宿晉陽謁公子署慚惶趨起舍駭執版公從堂上見之笑謂之曰

學源堂文集

卷之六

南

汝來乎急闔柴戟握手引入衙齋蔡下拜公執之曰勿拜汝幕官也遷客也今日拜明日又拜矣撫軍拜藩臬皆拜矣此拜彼亦拜汝非遷客而幕官矣慎勿拜飲之食之皆慰之語沁我心脾真摯和藹猶然弟子畜也猶然遠大易也蔡當佗僚西行時志在一織幕符過歸田里耳乃以公故依依不忍決去寄居蕭寺慘淡沉冥愧從中來不可斷絕憶書曾寮壁上云一笑相看皆是德半生遺憾總成非情見乎詞矣不謂公已念之慰藉備至蔡八年於外數以病自勸公皆罕譬勉畱及公節制三秦去之日猶諄諄以蔡爲

念代公者孰不推公之意也嗚呼蔡非公其不爲山澤之癯者幾希尙安得有今日哉公自致政歸蔡每省于第輒詢及向平之婚嫁與顏駟之歲年愛惜容嗟非直獎藉蔡曩者備員纂修公曰是足見子一班賜環詞苑公曰是乃尤獲故物皆喜見顏色公爲蔡喜耶抑不第爲蔡喜聊公大人君子也意良深矣自公陞養東臬蕭然高齋奉色笑者頗疎今年春以素公中丞作古往而候公於櫺前起居未半輒驚涕淚之華悲泣無從翻憐延陵之劍知公益神傷矣數月來過公之門但從聞者訊知善飯未即數數拜牀下

學源堂文集

卷之六

注

者恐公見蔡而思中丞益重西河之勳也曾幾何時公遂溘然長逝也乎公之性行比之古人公之勲庸可垂史冊讀公孫所爲狀皆梗概爾若巨細畢書家國並錄嘉言懿行昭茲來許無斂於人思蔡所謂天地能生公而不能死公者正以此也公豈如凡夫小子之存則存亡則亡焉者耶公一生無愧百行克敦不謂之責志以歿弟受恩如蔡困頓如茲隱懷曲懷有不能告人者翼獨以告公茲則華堂猶聳總帳空垂長者之音容儼若而哲人之警咳渺然荒矣予衷莫肯用訊此昔人所以實泣于西州而今日不禁摧

肝于北面者也嗚呼執紼輻車灑祭丹旄涕泗沾膺
出言則悼謂是足以了知己之感也公能已于冥冥
乎蔡能已于昭昭乎

祭陳大來文

人生莫重於交情交情莫切于知己知己莫深于自
賤而貴自少而老也其間離合有感顯晦相悲疾病
患苦之軫痛蓋靡弗披肝膈摠情懷指青天而矢白
日慘憺乎悵悵乎篤以摯也況乎死生之際存亡之
間也哉嗚呼大來不謂先我而逝也公生人則世者
六十年耳于壽得中于性形之理則無愧已人或不
知蔡則知之人或淺知之或畧知之蔡則知之深且
切非蔡爲公之知己也公爲蔡之知己也公往矣鄉
區之人無賢與愚鮮不曰大來處士或曰介兄也或

曰封君也人之知公不過如此公豈僅如此耶公有
至情事親孝撫弟友與人誠公不自知也蔡知之也
公負經濟才可以任鉅理繁拯災捍患獨不屑屈首
于章句布心于利達耳故承先世之素業標達人之
流風未嘗瑣瑣尾尾拘措大之墟雖二難並譽而金
昆長于玉季者千教之誨之飲之食之兄也而父且
師也令弟成進士李泰郡治狀聲聞甚隆一時上官
有少年老成之目烏知溫國之名成于吹壘灤城之
績最干坡仙也公每歸里而與蔡語舉凡署中多所
興革多所平反顛末姓氏秩秩如數指上螺是豈如

世之席豐處厚偃仰清衙杯燕燕者乎令弟人而
爲司馬郎京萃殊桂能使舍香視草之水局不致朝
回典衣書帖易羊者抑誰爲之拮据以供也及備兵
五原參藩雁塞所至有聲雖冠玉有出奇之畧而大
舉動苦遭逢未嘗不奉伯氏爲指南公處士也而顯
人貴游方之蔑如公介兄也而庸儒腐豎望之却走
以此知公公不謂知我也公慷慨有大節矧振施予
能當人之急迫每有所乞輒探囊而出不知公者謂
公家有長物也蔡知公之解簪珥于德曜納薛劬于
孟嘗矣公不營營于治生視其野町畦且方方也脫
學源堂文集 卷之六 六

述公之懿蹟而束以黃楮漬以絮漿公不吐之也公
知蔡而蔡又知公乃僅僅乎束黃楮而漬絮漿也又
安禁不臨風而實泣乎

祭肖泉宗兄文

人生所可感嘆者豈獨壯衰離合之間乎情與義于昆弟事業大于死生若乃不數年而斷行屢悲于臘序春草空夢于池塘不知逝者之邈寂爲何如生者之悼傷且難任也嗚呼吾兄世所稱達尊有二者也生而有至情長而有壯節老而有嘉德滌陽渤海開奉之爲鄉祭酒紳耆佩者耕者鑿者操奇贏而市日中者鮮不識其姓字古之人有積行于里閭名動于公卿者吾兄可比數也憶壬辰夏吾兄同涵叔兄與弟聚晤永慶寺中弟方壯涵叔兄長我五歲兄猶未

學源堂文集

卷之六

手

及耆也叙談身世古處相勗意氣風期爲何等耶不五年而涵叔兄失意歸田里弟以左官并州兄念我兩人之差參鍛羽不遠二千里視我于平陽見其跌掌吏事無佗係意並獎慰之愛弟真不侔于恒情也越八年而弟量移內僚兄已臥病半載以相遠不二百里不克握手爲恨命伯姪及兩孫來晤具道眠食甚善弟深以爲慰壬子春兄力疾來京呼弟晤于趙都諫寓中雙自尚炯炯也未幾別去意殊戀戀曰吾老恐聚晤不再雖然不樂者久之夏初涵叔兄第四子來弟見其容貌衣服係以淡心知涵叔兄之有故

詢之果然相對不勝慟悼秋八月弟往典河南鄉試

召其三子至汴梁爲之謀舉大禮及嫁其少女弟力不足賴趙都諫以百金佐之事始畢嗟乎生死交情古者重之矧一本同氣者乎獨是老者病壯者亡少者亦漸以衰二十餘年變遷憔悴亦大可悲也矣今年三月朔從趙都諫處得聞吾兄病且篤愧一官輓繫弗克省于鄉越數日稍稍聞病良已猶謂噫噫之景不遠匿曜也無何而訃音至矣嗚呼痛哉吾族之人雖多求其樸誠愷擊氣誼投洽者則吾三人耳前年涵叔兄逝今年吾兄逝殆天之不欲樸誠愷擊之

學源堂文集

卷之六

手

人形世之華巧澆僞者耶抑理數之有蓋耶此天問之作靈均所不能已也嗚呼痛哉吾兄有子而慟西河固人生之不幸多孫而繩祖武亦錫祚之俾昌千橘可號封君八表足稱黃耆內德無慚至行不朽洵全而歸者矣所可憾者涵叔之死在千里外越五月而聞訃吾兄之歿僅百里閒未撫棺而一慟是兩兄視弟如弟弟不能事兄如兄也其何以自解也向者形跡雖睽心神可照僕來价往存問懇諄情真語實彷彿如覲而今已矣不禁涕泗之橫襟也茲託寒親代往一奠敬述衷曲之數言用告吾兄于幽宵東徂

拜遣五內如摧惟兄靈其鑒之

學源堂文集

卷之六

主

祭羅篁菴座師文

辛亥冬初軫翼之野霽祲黯黯日不解知豫章必有大故匝月而江表人來二三傳吾師凶問門牆諸子以爲妄也吾師道詣淵淳學躋醇粹生平所爲文章囊括天地吞吐海嶽龍門瀉千里之長濤日觀拔萬仞之聳秀沐日浴月而生寶挾風提雨以爲茲乃靡不祖系程朱隸役唐宋近代所希覯也晉唐人恒以文章覘人受享吾師之文如此詎有不登大年者乎道路之口疇遽謂信未幾世兄有書來封識慘澹啟讀未終傳聞之言不幸而真矣嗚呼軫翼霽祲之

學源堂文集

卷之六

主

異遂應於吾師耶門牆諸子以慟以悼吾師生有異兆質稟殊尤組修精嚴積學淵茂慨然以天下爲已任而履過多艱物情難劑已足扼掣矧其位不配才止或尼之有甚可嗟詫者乎乃奉身而退遂其初服西山南浦廬岳鄱湖閒脩然高寄允矣君子修身立命之學也而海內且幸德星在南州矣跡師星居所爲治河堰新學宮葺先茆之祠籌振荒之策何莫非弘濟之緒餘畧見于父母國者耶使其秉鈞軸持斧鉞其所以覃澤方國暨績朝宁又不知何如也區區鄉里之德頌豈吾師意志已耶吾師精爽內蘊剛健

外持與人論說古今悲悲娓娓夜分無倦色壁畫疑
難事耐煩定猝可謂精神大于其身者雖慘經寇虐
不少衰挫況乎頤養林泉咀茹道腴又有年所及門
之士每懷念函席私冀師必登期頤恒爲天壤開星
鳳之瑞奈何驟視之異遂應于吾師也嗚呼慟矣前
年哭汾陽今年哭豫章心喪屢接誄詞頻颺是亦門
牆諸子之所難忍者歟聞師易簀時靜憚從容無彌
留辛酸狀何怡然也世不知其志及門之士鮮有不
知者人謂師位不配才當實志有憾師無是也師有
丈夫子三男孫五蕙蘭並茂珪璧聯品平生未了後

學源堂文集

卷之六

五

人可補德貽奕世福餘將來勘此夙亮矣自怡然以
終也獨是播遷而後故廬草鞠寄家金陵百口散處
且德曜先徂牛眠暫卜松楸未樹遼鶴何依人實有
情不無切怛耳而吾師亦並此而釋之知必預見諸
郎之能世其家能遷地爲良異日者人物霞標甲第
霄舉洪都白下皆郁郁乎有羅氏焉師何不怡然也
師固脫塊圯而躋霞霄矣門牆諸子愴淵源之日遠
憶光儀而莫觀慟莫以喻迺五斗微縷一官匏繫既
不能素車白馬輕千里而執紼又不能隻雞絮漿歷
國都而攀樹名教中安得無譏愧耶會世兄來都請

祀典設位蕭寺集某等而哭之失聲嗚呼三爵一豆
萬古千年道義文章啟承光緒第在此頃刻渺茫相
感格矣

學源堂文集

卷之六

五

同郡祭李相國文

於戲天柱可拆乎地維可缺乎哲人可斃乎公胡遽捐館舍也都人羣識司馬海寓具瞻謝公知皆震駭而汎瀾矧茲柔桑小梓葭莩門牆也乎近淚無乾土低空有斷雲不堪重咏矣公於國爲臯夔稷契於鄉爲景星慶雲于家爲象賢裕昆於蒼生爲霖雨於士林爲斗山何所不痛何人不悲而某輩之號咷酸楚則尤有甚焉者也念吾郡二十城前有前哲後有後彥公自立朝以來獨行特立前無所援念舊憐才後有所引安有所謂薑桂同地而生不同地而辛之見

學源堂文集

卷之六

美

者耶公且謙和如春風潤澤如春雨梁松下拜不學馬援之不荅朱博無名弗忘蕭育之延譽此誼久在人懷抱閒矣歲時伏臘平泉之墅傳杯但有鄉人而笠車馬步無不尋之舊盟疾苦窮愁有畢達之幽隱權洽委曲曾不知是座侍尊貴人也此情又豈有數思乎某等有善待公獎有過待公規緩急待公提掖同里之有公正如室之有鏡妍媸得以鑒其形津之有梁進反不復窮其步公豈有私于我乎惟公無私某輩故去其私某輩豈有欲於公乎惟某輩無欲公亦未嘗拂其欲香火之情無非道義名位之局自有

切磋求之古人真難舉似也某輩有雖大小之不同年雖長幼之不同而感服之意則無有不同者矣竊

以公今年花甲纔過天壽平格毫釐可勝上以褒一代隆平之郅理下以作百爾師濟之儀型正未有艾不謂春初病脾丰采微減公云邇來不良于飲食每握七輒思鄉開蠶欄之養或憶童時所習媼叟與闌鳩車小兒意者有返本復始之兆乎某輩聞之以爲異一日公招飲心遠堂客有珊珊來遲者公屬聲趣致之若恚其後至都非平時和緩氣度某輩見而又異之五月初病瀉未幾而愈以爲偶也未幾又病痢

學源堂文集

卷之六

美

某等猶謂脾虛常症也孰意遂厭絕塵世也哉某等聞訃而淚合睫聞趨至第見門者絕纓濕漏兩顆登堂而聞泣者在座不禁聲淚之俱下既入而觀華晚之殮具已陳縹渺之魂帛欲豎於戲公果逝也夫平生十斛淚一旦爲君傾矣自茲而後檢公之墨蹟而泣憶公之緒論而欲泣聞人道公之姓字而亦泣涉寄園之三徑過息機之園亭見一臺一榭公所締拂也而公不在則欲泣一木一石公所培植也而公不遊則欲泣西州路安怪羊曇之迴車也某輩觀公題像之詞諷公絕筆之偈又詳公夢境之兆公特拔宅

而昇騎箕尾而上爾公固逍遙于霞霄人則痛傷下
塵墟某輩今日來祭公矣哭公已不忍言也祭公愈
不忍言一束三爵謂此遂足篤數十載友朋師弟之
誼乎尤大可悲也公其鑒之

祭堂詹少宗伯釋堂沈公文

嗚呼公遂逝矣夫公逝而奚所適矣好友臨岐尙魂
銷于折柳情親憶遠乃泣賁于停雲矧矣芝蘭味合
俄痛存亡膠漆誼深乍悲生死者乎某等三十餘年
金石之交也雲間才子髫年掩二陸之稱宿浦吉人
弱冠噪三龍之譽無父何怙志不以失業而墮將毋
未遑身乃因揚親而顯其所閱歷由困得亨迨探花
之名既唱而題橋之志始酬迴首當年我輩皆翩翩
英妙也曾不五年嚴助厭承明乎絳灌忌太傅乎出
副臬憲分巡大梁聲績在河洛開此後不無坎壈多

故焉矣臨潞河而建節波浪兼天叩魏闕而明心風
雲謁帝雖不幸而幸蓋已憂瘁之駢脣嗣是含毫
受簡草聖屢荷九重之夢懷視增戈木天重祝八
磚之日金貂賜自尙方玉尺懸于越水孰不慕公
之遇主頌公之得人也十餘年來香案說書鑒披
視草可謂天子近臣領東春寮高議雲臺不愧
青宮端尹人固羨寵公亦感榮矣獨是七載翔翔于
博望隻身寂寞于冰宮興味蕭然耳況琴瑟忽斷奉
倘不禁神傷鶴鳴有悲靈運安能夢穩且也汨灑童
烏繼之慘深玉樹斯誠公所難堪者乎身都通顯心

厘癡憂公不言茶苦而苦于茶也方壯而病未老而
衰豈繁氣稟之嗇乎公居念過仁積慮甚密抱懷已
冲任義多勇病不辭煩倦猶習勛爲已時少爲人時
多此堯舜所猶病也公通籍而後未聞治生產惟以
友朋爲性命好獎籍汲引同里同姓之聞風而走京
洛者無慮千百人食于公衣于公成名于公釋患于
公待舉火者未必如齊國之八百家而勤吐餽者實
有浮周公之七十二以是而憂無長物酒有債錢公
未嘗稍稍勸某等所怕爲歎服者也邇者聞公病瘳
此病不足以傷生乃大吞寒峻致脾虛注下此在他

學源堂文集

卷之六

辛

人亦未卽死而公奄然逝矣嗚呼公善人也君子也
昔宣尼已不得而見某等獲見矣而忽失之十斛淚
安得不一時傾乎公歿而非但失吾良友也世無伍
喬文星失耀歟世無李膺龍門難望歟世無田文客
將誰歸歟世無公瑾醇于誰飲歟師德聖功不在世
也有客者少八顧八尉不在世也認真者稀筆陣失
傳草訣莫再更不但廣陵散絕矣近淚安能有乾土
哉某等今日來祭公不忍云祭也不忍祭而祭如之
何勿勸所更慟者四百人金蘭之譜竟是晨星三十
年肺腑之交頓歸泉路薦此馨香灌茲清醴友誼遂

云盡矣乎興言及此不覺涕泗之流潸矣公其鑒之

學源堂文集

卷之六

辛

祭程天衣守備文

將軍遂作古人乎有生而有死也夫人而然也嗚惟將軍似彼蒼所不能死而亦不必死且不可以死奈何遂作古人乎將軍生長繁麗柔脆之鄉武勇獨能冠人識者謂天必有以待將軍將軍亦有以自待向常聞將軍談廿年前事殆萬死而一生夫博一生于萬死是天之不欲死將軍也意者氣數正裕福艾可期非不欲死之實不能死之也而將軍今乃死矣獲持于廿年以前摧折于廿年以後冥漠之意蓋將何居豈肯不能而今能之乎氣數修短福艾全虧天果

學源堂文集

卷之六

三

若是之有權乎嗚呼使天能死之于廿年以前也將軍爲何如人也必俟將軍折節而讀書折節而就科目折節而服官儼然一禮法名教中人可以不必死矣而何以死也或者祿位已崇享受溢量數極而返理有固然將軍年三十而官遊擊非赫赫十乘也無何左遷而官守備亦武人進身初地耳且閩中當搶攘蹂躪之際將軍將一旅師勞苦震動爲已極殆至吾里地瘠兵殘八口仰給于幾微之廩精澣衣糲食恒憂不給操券而貸歲無虛月謂祿位爲已崇乎享受爲溢量乎是真不必死而徑死之吾輩不能不爲

將軍痛將軍有將畧而絕無循官氣習恢諧有聰明能忍辱降性與吾輩周旋八年所劇談快飲投壺雅歌角葉子格夜以繼日若不知身在衙閫者而戎無堅績咸謂將軍非凡才是豈可死乎將軍去家鄉三十里奉老母而泣官三年前遂哀失恃馬鬣未封魂魄弗穩是豈可死乎四十歲而無子將軍以爲憂人亦以爲將軍憂寃之膝下無三尺藐孤也是豈可死乎不可死而死吾輩又爲將軍痛將軍有靈當亦自痛也捐館之一日三軍皆擗踊而哭念無以成禮爭典衣來助茲日襄之扶兩輓而南今之仕于四方者

學源堂文集

卷之六

三

奚啻千百一旦溘然所部之人無怒詈聲無嗷快聲足矣而哭之痛耶而助之資耶將軍一生人品一生事業卽此可以垂青史將軍不須痛矣吾輩亦可少釋其酸辛矣然而世之宛然平生者其劣于將軍不知幾萬輩奈何其氣數福艾有如是其美且優乎此又天道之大不可解者矣將軍之魂魄行將隨丹旌以歸故鄉八年交情止此三爵止此一陌將軍有靈當不忍吐焚奠之餘泪下如雨

祭同年楊地一少宰文

天可缺地可陷日月可剝蝕惟公不可殤也公能存天地之真氣對日月而無愧作者也乃胡遽殤矣乎吾輩同榜四百人館選四十七人或以德或以才或以家聲赫奕或以意氣軒豁鮮不騰踴摩厲謂可致身公卿垂業天壤會幾何時而葉飄雲散當年之盛益後日之衰所見端乎三十年來惟公登三三繼期寥寥可數而其迴旋往復亦非直致青雲者以縣傳榜之袞袞而登先後皆不侔矣於戲同榜之得公洵景星卿雲也邇來班行中惟我八九人耳德惟公邵

學源堂文集

卷之六

五

官惟公達齒亦惟公尊退食之餘並餐小聚推襟送抱談往撫今忘形骸畧勢分詎不融融然古情雅事哉弟范式之約屢開徐陵之劍幾解人無緣歲客是冰心不無惻惻焉公雖榮達亨豫亦未免言之生感也去年冬公招我輩雪夜圍爐猶有五人未幾而項司馬逝矣公造哭之慟因自嘆曰同榜兄弟惟我差長而蒲柳未零者庶幾爾病作長生乎大家謂公有備德當有備福公抑抑不自居及今纔五越月耳公遽逝矣乎春初公語人曰須六飛迴御我即乞身歸里而二三同年友猶不欲公之果去也而遽逝焉

長逝耶嗚呼痛哉公之性行淳篤里之人能稱之宦蹟清慎朝之人能信之理學精深及門之士能述之家教嚴正諸郎輩從能佩之表裏相符始終不渝公誠正人君子也夫何彼蒼弗惠不憖遺一老某等之有慟也庸第爲我友汎瀾乎公生而正直歿而神明當亦鑒此矣嗚呼痛哉同館四十七人身世無恙已比晨星迴憶風雨連牀歲時過從之樂邈不可再公今逝矣地下之好友多於人閒矣某等安得不旣慟乎茲且輻車過駕丹旄遙飛三十年芝蘭之老友頓作隔世之因緣已嗚呼痛哉三牲一卣來奠于公百

學源堂文集

卷之六

五

年難再一滴何曾

祭少司馬項眉山同年文

人情慟則汎瀾傷則嗚咽驚則魄動魂搖而憫然若
無知也某等一聞公訃始而驚繼而痛且傷焉嗚呼
異哉憶月之朔八日九卿廷議公猶侃侃昌言毅然
執咎也議訖退食二三齊年步履金屏玉宇開公
談啁流連權笑偕行瀕登輿顧謂某等曰歸而午餐
罷又將北赴演武場浮生真太忙也會不移時而訃
音至某等如之何不驚驚則疑疑而往視履公之庭
已聞哭涕者舉室矣嗚呼某等與公三十年同譜二
十載同官而意氣欣洽晨夕晤語者惟吾輩十餘人
學源堂文集卷之六 美
耳而公遽奄然爲古人也耶如之何不慟也公少負
俊偉之才弱冠登高第壯年官貳卿磊磊落落若遺
世獨立者及遇公私疑難事衆所遲疑含吐未了公
輒一語定之且情理經權罔不曲當公蓋留心天下
事多讀古人書者也弗第二三友朋資其扶助廟
堂之上班序之中安可少此軒軒霞舉蜺蜺屑罪之
大臣乎其傷也爲私也亦爲公也如之何不傷嗚呼
公纔五十有四齡耳壯盛之年也平生無衰病態襟
抱開爽境遇榮順無七情六塵之累何以溘焉而云
亾耶古人云人生若夢又云大夢初覺公今覺者也

某等不猶夢者乎夢者悲覺覺者得無嗚乎況也初
而驚繼而慟終而傷覺者愈覺夢者益夢矣懽忽變
而成悲逆誰頓而得悟釋氏之說不可信而可信也
矣凡諫公者未有不盛稱公德業文章以爲實錄某
等不暇及此情至無諛詞也又未有不備言家世之
發祥與後昆之垂裕以慰公於泉臺某等亦不及此
哀深者無緒言也嗚呼慟哉今茲一陌三爵遂畢我
百年情好乎思之淚橫衣裏矣公其歸來乎鑒此悃
悃乎

學源堂文集

卷之六

美

祭宗弟雲瞻給諫文

嗚呼吾何意今日而哭吾雲瞻也耶雲瞻之德懋於吾也才大於吾也學逮於吾也而年且少於吾吾之所望於雲瞻者厚矣而遽已乎吾宗爲天下之古姓散處四海之內者惟西北較多宦游京洛者恒少有則無不煦煦然相翕者吾見亦夥矣如吾雲瞻者難易得乎雲瞻生於名閥幼而以英穎著稱長而以孝友著稱弱冠而舉于鄉方剛而成進士天下之人方謂憲僉公有子也丁未來令博野去余家纔百里邑之人往來者月不虛歲云初而畏其神明繼而頌其

學源堂文集

卷之六

哭

寬平久而沐浴歌咏乎豈弟余聞之而色然喜者是吾識雲瞻之始也及內召爲兵部督捕主政時相過從每見輒唏噓嗟噫叩之而知其有槩於中吾猶慮其介介然不合於俗也而其長官譽之矣僚友稱之矣余聞之而又色然者是吾識雲瞻之深也前年爲給諫談及時事之叢脞則義形於色民生之疾苦則惻然動念匝歲凡四上疏每草疏時即顰蹙乎慮及言之行止與流弊古人云功不什不易罷利不伯不變法者雲瞻實以之已吾於是且觀其大矣余與雲瞻十年之閒而得其生乎者凡三焉殆非世之相識

學源堂文集

卷之六

哭

以親者比今年夏余病暑雲瞻來視余於寄快園猶勗我曰吾輩半百之年矣幸加意調攝使其身清明強固庶幾足以樹駿烈流鴻名伯仲相與以有成也此余甚壯其言閱月而雲瞻亦病病中猶爲余兒子授官賀是何加之綢繆周摯歟不三日而訃音至余聞而驚既而疑既而慟且嗟曰雲瞻信死也夫何信也太真也太方正也太激昂有氣節也數者有一卽不宜於時而況兼而有之乎使不病以死也而時之事必不宜於雲瞻之意雲瞻之言將更不宜於時之事安保其履虎而不咥批龍而遭睡乎冥冥方欲全

祭吳方漣侍御文

去年冬同人飲李天部邸中有言公作古者羣起而
詫之或曰某於前兩日晤于堂矣或曰某於前一日
過於塗矣言者乃堅謂無謬且謂公宴客於山東會
館將及席從肩輿中仆出歸抵寓遂不起未幾客又
牽輿其殮來者座中悼慟聲達戶外輿僮動色嗚呼
非夫人之爲慟而誰爲公性行淳茂不類今人少年
刻古嗜學文譽噪海內壬辰譙容臺時人爭識之鮮
不曰風度即整當是碧紗籠中人物而館選獨未及
與選者孰不愧劉黃耶後官司李淑問揚中外猶寓

李源堂文集卷之六

忠

書于長安云刑官之明允即罪狀小民之無冤皆慘
衷嗟嗟于無訟無刑之未克也繁非仁人君子之用
心乎積最內召至都同時來者莫不人人自以爲褒
袞登台省公獨僑居僻巷鍵戶深藏其自待何等耶
無何 詔擢公爲御史公處之若固然其器量過人
遠矣在御史臺凡有建白動切時弊議者謂非時宜
公未嘗憚而止也最後一疏奏任子不當遽授常數
陳慷慨撥公之意則亦曰席父兄之勢爲美富一不
華少年官守多爲猾吏所餌先儒懇懇言之者蓋爲
家重名器也爲王謝惜家聲也其如使與子弟爲

卿者聞而腐其心何也以是得罪落二職 天子之

命也而非 天子之意論者惜之公可謂不負所學
不負其官矣歸而徜徉于黃山白嶽間十年不出前
年不獲已而拜行人司副公甚喜喜其官冷且閒也
讀書倦則過破剝訪懶人招友飲不就友飲公非一
意落拓可知已公平日澹然無求亦迥然無愁適者
以家鄉有兵變赤眉爲梗黃耳不來悒悒畧見顏色
此公生平所爲縈抱者耶公爲人子孝爲人父慈殆
亦念切松楸慮迴蘭桂不無神傷故二豎得以相侵
也憶往歲夏時公不豫曾候公于榻述所病狀在下

李源堂文集卷之六

聖

邵恐將來有末疾旋亦霍然夫何今則無所疾苦而
遽溘然長逝耶公有名德有偉抱未免厥施嗟嗟彼
蒼始何以賦公終何以窘公耶抑以世必不能用公
公亦必不能用世故趣而返之耶夫謂公必不能用
世者不足信也謂世必不能用公者不忍聞也公於
冥冥諒自曉然徒使慟公者疑憾之難釋則奈何嗚
呼丹旌行建於河干輜車佇返於紅上三十年友朋
兄弟之誼盡此一日矣顧茲一束之芻三爵之漿謂
足以格公則愧也謂不足以格公則感也公其鑒之

平

同年公祭范忠貞公文

一部二十一史任從何處說起堯舜至今三千年幾
許忠臣幾孝子非忠孝之難其人常山魯公莫與比
嗚呼悲哉願爲良臣不願爲忠臣所爭世運之泰否
況也熾紅烽刺白刃乃以麟鸞而喪蛇豕嗚呼悲哉
世未嘗有也公獨以 國家養士近百秋扶植綱常
賴有此我輩同登四百人卓犖如公誰不跋扈淪落
裏甘後塵鳳凰池中愛淺止三台入座等閒看忠孝
廉節懷自矢文章不讓盧陵歐陽梅吳雷龍門李出
入承明溫溫恭年未三十衣掛紫鳴呼悲哉先愛後

學源堂文集

卷之六

聖

樂念家學說到華廬公不喜有時天上寄愁有時地
下埋憂一劔摩訶中夜起怪底公不近權貴怪底公
不爭榮辱公蓋圖其大者矣一朝辭 闕廬錢江鐵
骨冰心如岳峙春風面上卻含霜如市門中心似水
人言苦節不可貞公謂此中甘於柳五年廣德在江
東萬戶謳吟偏越鸞於今執越人而問之誰不擗淚
如揮泚公去制七閩長城真可倚誰使老漁騎不肯
輕移徙咄咄井底蛙何亦懷不軌驚聞小范老子來
不惶而驚悵公至繕城隍公至新壁壘鼠狗憚公嚴
卒失其侈細人言飴公簞口巧相訕狐鳴而鬼哭

弄兵起刻暑三級震而天地靈萬甲簇而江海瀾機
辟發而虎臣陷虺蛇張而將星叱誰往誘公出紫戟
誰復遇公脫鞵鞞誰來說公以從逆誰更困公於棘
枳若輩儼然猶倖生爾時噤復知羞耻嗚呼悲哉聞
公罵賊聲如霆聞公吐氣衝峨嶻聞公絕粒決一旬
聞公握拳碎嚼齒聞公舉鐵擊賊頭鐵索落時賊披
靡此時當有鬼神泣此時當有毛髮指嗚呼悲哉賊
子之毒雖百端忠臣之志惟一死十日餓而神愈王
此事豈非天所使那堪幽囚三歷春那堪窺伺密如
蟻那堪筋骸生幾盡那堪坐臥成痼瘡公身骨肉枯

學源堂文集

卷之六

聖

於柴公心鍊石結成藥嗚呼悲哉日夜何常忘 君
恩手捧曆書而拜跪日夜何常忘二親翹首紅螺淚
涖涖嗚呼悲哉武夷之曲胡爲作畫壁之序竭心髓
微聞仙霞嶺頭開王師已近旗山趾嗚呼悲哉蘇武
不還真卿摧五十三人一時已殺則殺耳何足奇玉
碎酸心一炬燬防風之骨專車存差幸武夷有義士
魂兮歸來平南方不可止嗚呼悲哉公果死乎不死
爾披帷縱不聞公咳凜凜生氣騰筆紙我輩同登四
百人十有六人尙在是悼公慟公羨公美鐵漢極前
英一區有言不敢爲公赫千秋萬世自有春秋之

祭范忠貞公文

嗚呼范二丈死矣乎初聞聞變意公必有此一日也知公必不從賊也知公必激烈而罵賊也知逆渠必忿恨而殺公也繼聞公果不從而罵逆渠乃不即殺公幽拘之羈縻之禁於是哭之兩日夜繼聞公不食六日而死或曰七日而不死禁於是哭之一日夜繼又聞公部曲將密結逆黨中不附賊者圖賊以自救謀出公於禁室式恢其復事洩遇害遂以及公禁於是哭之一日夜繼乃聞害公之人害公之地與公死之月日鑿鑿乎其可指矣禁於是與公之諸弟哭之

學源堂文集

卷之六

聖

平日嗚呼聞公凶問之蚤也哭何以長聞公凶問之遲也哭何以短禁之心公知之也奚俟今日而縷觀於公之嚮耶乃復不禁其縷觀者非第以告之於公也古來忠臣烈士表表者顏魯公段太尉耳秉節不屈罵賊擊賊以至絕脰斷舌而死讀二公傳者且嘆且泣使公而死與等也不過與二公而三耳禁故日以繼日夜以繼夜而哭蘇武陷漠北吞積雪備極苦楚迨生還漢帝用特牲告諸廟千古隻傳使公而與武埒也不過並武而兩耳禁故日以繼夜而哭李懷光反石演芬使其客郤成義詣行在告之約王師

來已內應成義不密而演芬以死使公之部將而似成義也雖禍及公不過與演芬同惜耳禁故竟日而哭卒迺聞公被執時逆渠不敢與公見公對其座罵對其黨罵決日夜舌乾吻燥賊黨怒以刃擬公若不見者罵益厲迨欽奉被體九鎖郎當弱不勝而仆地喉齒開猶錯錯有聲蓋不必殺舌也而烈於顏不必擲笏也而憤於段矣禁拘之歲月公少於武者三載然武堅而公憤也武嚴而公貞也武念念圖歸而公心心矢死也愍於武矣演芬爲懷光義子憤懷光負股肱之任已亦負心腹之託公之部將則反正

學源堂文集

卷之六

聖

也其事雖不成天地皆震動逾於演芬者數倍矣嗚呼世之人讀古書考古事遇忠孝節烈之美未嘗不思效之乃千百人恒不足以效一人公非亦猶此血肉之身者乎非亦猶此知覺之心者乎非亦猶此讀古人之書考古人之事者乎非亦猶此遇忠孝節烈之美而思效之者乎乃一死而兼全數美公蓋孤行於天地橫絕於古今者矣夫人之哭哭死焉耳公能死者耶禁對公之諸弟哭之半日無乃見哂於冥冥乎乃極至之日禁又迎而慟焉者則何故禁與公三十年肺腑之交道義之友平生久要各期有所堅立

於天壤間公而今邈乎其不可追也蔡寧不自愧乎
愧於公所以哭公甚愧於公所以慟公蔡之心公知
之也今而後蔡不哭也

學源堂文集

卷之六

吳

公祭朱座師文

維道有岍嶠克誕登西河偉人閒世而興恒霍之神
雙降汾涑之秀駢凝綺齒而門絕凡鳥翬年而風舉
大鵬訪名宿于淮海攬英雋于金陵瑯嬛索其秘瀛
洛傳之燈學成挾藻文出引繩芥拾鹿鳴之席唾取
宮餅之綾人是金華貴器官爲玉署仙朋牀憑七寶
蓮炬頻仍筆擅三長龍章洊膺南宮選士肩山以升
得人之慶歐陽再稱惟熙朝之鼎造旋賓輿而蔚
蒸命拔允于三輔咨夫子以欽承欽閱當年之桃李
試看今日之股肱甫撤闈棘遂返卦嶺今伯之表有
學源堂文集 卷之六 吳

配疏廣之金無增識者謂三階三壽非公不可夫子
曰一丘一壑吾之所應乃蕭然而高齋雖繡壁而難
徵然非枯槁于林麓也千秋之業實以自矜手闢朱
陸之榛莽心徹天竺之謎膏義經雪亮于考義百禩
將奉爲高曾而文而詩又夫子之多能況也夫子之
修証夫子之解悟皆得所習于未曾跡其座上之客
時而儒時而羽時而僧雖壘容俚語縹緲倨傲晝三
接之而弗憎此何爲者耶知非徒博折節之虛偶于
里而負笈者亦百里而擔簦靡不以登其門爲龍門
讀其書爲金縢嗚呼夫子之所造亦窳窳而嶮嶮彼

目之爲一代之學人一鄉之善士者亦猶比齊魯于
郕鄆夫子年七十餘朱顙而霜髻陟介山之曲磴曳
蠟屐而如飢孔子曰老子其猶龍乎將無謂其必化
羽而飛騰今年九月龍蛇歲凌梁木輒壞而泰山以
崩二小子幾不識其爲寤爲僂意者夫子之不世
也亦猶夫子之不官皆有所託而遠邇或以昔人之
多怪誕拔宅與飛昇恐啟後世之矯誣不如善儒之
全生全歸是曰有恒在夫子爲見道而聞訃者皆心
摧如裂縉愧靡粟于五斗曾素車白馬而莫乘同哉
誅言遙獻豆登倘令威之鶴可化晉山我我無不可

學源堂文集

卷之六

吳六

憑

祭廣西分守左江道布政司叅議祿公陳公文

昔楊忠愍公祭易州楊五翁文曰天下儘多可死之
人天何戕及善類語甚激楚蔡今以一束三爵來哭
于公不覺其詞之雷同矣公不宜死也而徑死乎不
可死也而徑死于旅乎彼蒼誠不惠也天下不孝者
宜死也公少孤不及事兩尊人其事繼母王太恭人
既壯猶孺慕既貴猶嬰啼洗腆溫清其餘也孝子詎
宜死耶不弟者宜死也公事伯兄大來公如父望色
而後言聞命而後行有不豫湯藥必手進夜數起倚
窓聽咳唾聲又不僅如司馬君實之勸餐加衣已矣
學源堂文集 卷之六 吳六

悌弟詎宜死耶不信于友者宜死也公于友生或車
笠夙盟不使谷風有怨或寮案新知不令羅雀與嗟
言無宿諾與無過囊信友也詎宜死耶尤不可死者
德澤在生民也李輦昌行徒無冤桁楊可廢巡雁門
弟畜屬吏子眎黎氓師表青衿若兜鍪之士若襁褓
之卒推心置腹嬰兒在掌兩地之石皆峴首兩地之
愛如桐鄉也何可死也是猶其已著者也公前年謁
銓司將受檄時惟楚北粵西需監司岌岌乎金戈鐵
馬場也人且鼃縮而鼠匿避之惟恐弗克公毅然欲
行武勸之公曰義不辭難四方惟命使人人而避危

卽安兩地將無官乎我非盤錯可別利器亦曰艱難
可圖報稱耳是何如之忠勇詎可死耶後果得分守
左江是粵之西又西者妖蠻逆豎正虎負狐穴于其
間公慷慨登車崎嶇度嶺抵梧州而道梗乃徘徊阻
絕於五羊資斧旋竭襍被不完寄食僧寮進退維谷
經年閱月計此時豺虎橫山鯨鯢截水目斷百蠻之
封域夢遙萬里之家鄉人非鐵石豈鮮悲愁況也元
濟未擒而希烈又叛五嶺三江胥淪於腥波鬼霧中
矣公于此際方且操笏欲擲而逆渠復以僞命點污
屏焉文吏耻裂而聲吞拳握而髮指託病解免憤懣

學源堂文集

卷之六

辛

憂虞兩豎來逼神傷血枯矣璧僅完于虎秦梁遂壞
于蜚粵九原有恨作厲未能五夜空啼化鶴難返臣
節如斯國恩無負也荷九重之軫卹柳車纔旋
經半載之飄搖菟丘未首痛不可言矣嗚乎更可悲
者萱闈已寂安知兒去兒來孟案空留不見夫存夫
歿人倫之慘生者酸辛死者何似耶荼與公有素心
之契有白水之盟不第潘楊世睦孔李家通也聞訃
哭公于京邸沾膺有跡慟欲崩心茲且哭公于輶前
近淚無乾土矣一束之芻三爵之漿謂是好友情伸
故人誼盡也何忍言哉何忍言哉

祭高南華光祿少卿文

嗚呼公與茶垂髫之交也鳩車罷戲鼃硯同攻襟抱
各相雄長里中人有龍頭龍尾之目後先通籍兩不
相耀君翱翔于瑣闥茶委蛇于金閨奕奕然致足娛
快緣膠漆之懽締齊鄭之戚孰不慕我榮慶也烏知
茶之心折于公者有非世俗尋常之所可侔耶公性
行倜儻儀度軒昂萬民是望而孝友惇摯直諒無虞
抱南陽之小心挺長孺之勁節非衆望者所衆識茶
獨識之也公涖官二十年職居清要懷中無綾刺座
上無襪襪僮僕無紀綱子弟無統袴泊然素風近世

學源堂文集

卷之六

壬

所罕當春暉具慶棠鄂聯粉石氏無私貯之羹姜家
有共眠之被今昔貴達之子恐無其儼也公在諫垣
出入言動罔弗稟命堂上恂恂猶聞詩禮時故十餘
年閒白簡有霜青蒲時伏朝無闕而賈誼不必流涕
臣有嘉而覲徵亦當補牘以視蒼鷹乳虎公私大小
爲何如也壬辰公以都諫分校禮闈鎖棘後主闈者
誓神曰揣摩假名士接引貴公子有一於此天必殛
之聞者悚然公獨大聲稱快終闈事無敢向公耳語
者撒棘後不得行私者羣欲齟齬之覈其卷靡所施
其刻鏤始寢其謀後之從事茲役如公有幾人耶甲

午春七都諫同時左遷鮮不佞僚潦倒公獨坦然任
運無稍半騷栖遲散條耽情詩酒五年而至光祿勳
蕭然清卿耳珠桂不供典裘以給夷猶若固然知非
繁懷溫飽者已年近五旬體貌不減少年每於班行
中望見玉立之標乃倏而病病而岐黃之術不爲功
乞假歸里正當壯期親串友朋莫不謂靜攝之自霍
然良已不意困牀褥者歷十有五年也壬子冬茶從
中州典試旋視公于榻前雖舌強語澁猶慙慙爲兒
女婚嫁應別去又五載豚兒及新婦至都茶卽問狀
謂公善飯但髮髮星星白耳茶猶妄慰之曰畱病伴

學源堂文集

卷之六

壺

長生今年春茶以奔先慈喪抵里不能卽晤及襄禮
後走候公昇而出見神情消滅心竊私憐居無何聞
公病益劇茶時廬居荒墟情所難忍素冠往視已忽
忽彌留矣不數日而訃音至嗚呼公遂作古人也耶
迴憶吾輩操觚應童子科英英動人嘆羨宛猶昨日
乃壯而老老而病病而死電光石火昔人豈欺我哉
獨是公生有異姿長有偉志乃輒驟痿痺不獲表見
大可悼嘆天生我才必有用昔人又欺我矣嗚呼痛
哉十五年前公貴游京華叔氏季氏相繼登科第軒
轡盈間冠蓋輻輳集笏之寵於家鳴珂之榮于里恒

赫抑何等耶乃臨淄之花種已枯而瀘溪之鶴羽又
化葭草之親猶爲酸鼻也公能堪此耶嗟然長逝天
實爲之謂之何哉茲者牛眠已啟馬鬣將封觀丹旒
之搖搖山陽潏潏素車之欵欵萬里歌傳東笏灑
醴傷百年之易盡嗟一滴之何曾悲惋難勝涕泗莫
止需如不棄尙其來格

學源堂文集

卷之六

壺

祭金長真江南臬司文

嗚呼公何奄然而長逝也某等聞訃而震悼於梁木者且不勝惶惑於吳蒼也公性行淳茂道學淵宏洵爲京國人杰當壬午癸未時執不曰此舉筆者碧紗籠中人也乃弱冠強出而就百里夫百里寧士元志耶議者用是惶惑於吳蒼者一及種花山左馴雉天中無不燒積卓魯當壬辰癸巳時執不曰此表表者梧垣柏府才也乃奏最平敘僅而衆一軍夫衆軍寧郝隆志耶議者用是惶惑於吳蒼者再離旋擢秋曹著聲平反議者猶謂窺豹一斑耳洎出守汝都一麾

學源堂文集 卷之六

書

而十四年治績比於黃次公而淹滯過之非以引例別補又安得流恩波於邗江蜚廉臺於蕪城也未幾而擢副臬憲司郵江南謂是爲公之顯庸於時乎猥下猷亂軍興雲擾捐擗於江干水涯謂之爲勞人耶抑謂之爲監司臺使耶公之志可得而未得才可據而未據者又奚若耶積久而拜陳臬下江之民咸懽竹鼓舞慶福曜之普照矣乃積勩而疾作公猶力砥水漿之燥澄清百吏諄於五刑惠此南國豈不誠賢哉無何輯玉觀天而議者猶謂淮陽不可臥理也識者舉向之所爲惶惑於彼蒼者轉而惶惑於斯人

矣辛 當宁久書公銜於屏謂驛驛之覽雙猶勝驚

貽之跼蹐也豈非知人之哲耶奈何公遂以病乞歸也識者又不禁惶惑於公矣歸而雖不良於行神觀炯炯飲啖如平時猶勤勤課公子諄諄勗介弟三鳳二龍不欲古人顯美於前公雖身在東山而心懸北闕也於以杖于國杖于朝天之報施善人庶幾匪爽夫何奄然長逝耶此某輩之所以不勝始終惶惑于吳蒼者也嗚呼公逝矣而未逝也今日者焚瓣香于總帷灑爵酒于丹旄公或曰此吾弟之同譜老友四十年來與我有如蘭之味者則某輩破涕而歌大招

學源堂文集 卷之六

書

矣

祭黃蘗署孝廉文

公今日而果長逝也耶嗚乎可痛也蔡今日而來祭公也耶嗚乎可痛也鼎鼎百年之內壯祭老少祭壯壯復祭壯少且祭少相祭而無已相祭而遂已也嗚乎洵可痛也蔡家之與公家式相好者近百年蔡之交公則四十載矣百年之世好半世之知交一旦束芻酌酒而云祭也何爲者耶嗚乎可痛也公在長爲大家兄弟性類且敏貌偉且瓌有地負海涵之學有鸞龍繡虎之才孰不曰賈仲子不啻賈太傅也而僅一聽鹿革之歌人謂公爲顯耶晦耶公自謂爲屈耶

學源堂文集

卷之六

五

仲耶此亦造物之不可問者也公半生來所閱歷者率坎壈抑鬱之境耳四世之素僅保殘書舊冊之厦僅容雙鄰人謂爲家中落也抑知皆公心緣抽血手甲盡瘡之所留也耶追憶少時豪情杰氣宕致雄風銷歸何處耶人以公不謁選爲公惜公曰小人有母君子憂道自是本懷殊不知長虹之氣不能向希韜黼脛閒縮如蚓也時而種一樹時而蒔一花時而佈置幾卷石都是埋藏經濟耳公七十而額不紋髭不霜謂是長戚戚者耶未幾而病未幾而瘥未幾復病復瘥可謂困于藥餌矣前年七十大慶時猶以僮僮

板僂僂向人也孰意公而遽長逝也壬子冬蔡從中荆典試旋公來視我湖海之氣猶未除屈指纔五年不第盛衰且分生死人閒世真是逆旅耳蔡與公揚摧古今可否精事恒分曹劉然此中實水乳也今年春蔡以下先慈大故奔里公不能來哭知公因肺病矣蔡知公病數欲偕起居顧如此縲紲何私計私矣時不冠不履夜往一晤不然公善忌也孰謂遂成虛想也耶兒子焯在公甥館中嘗道公相待有殊禮或公特加之意者蔡竊德之去年家婦亡公之愛女也掌珠悲墜將無冰玉漸疎今年坦牀耶且不得見鄰

學源堂文集

卷之六

五

公矣慟如之何蔡哭毋傷肺日者哭公歸鼻出黃涕腥不可自堪偶一憶及惟泣下沾巾耳公知之乎幾家舊好兩姓姻親日中離離若晨星矣頃者一哭公再哭仙友入非木石如此酸辛何公既逝矣世上無返魂香寶也但願公到天上問九霄諸公天生一人負之才還是欲爲世用否不欲用之何不肅其才既肅其才何又窘其用耶若天上人無說以處此則視天夢夢之歌詩人可謂善怨矣今日率弟子輩來祭公三爵不終五腑皆楚公冥冥中定鑒之也風淒淒而來過魂驚驚而靜聽是亦四十年老友之所望也

祭張漢昭福建督學憲食文

嗚呼自古有生於憂患死於逸樂者子與氏遂以憂
患爲大任之先資獨于公則有不然也蔡與公生同
里舉同年仕同朝有金蘭之契有秦晉之姻知公者
最悉而公益死于憂患者也嗚呼痛哉公之少也德
性淳茂才詣恢濶好學不倦作爲文章雄麗而韶美
弱冠蜚聲于三輔舉平儒林之杰事二人孝事諸
昆恭處鄉區交邦國又未嘗不謙而光也誕生于甲
寅乙卯閒海宇晏安文風昌熾公以嶽嶽名流翩翩
才士娛情于詩壇酒社適志于濡水葛山是何逸樂
學源堂文集 卷之六 栗

耶及丙戌歲鹿萃已丑官廣文婆娑于莒園領厦于
士林亦云逸樂也壬辰登進士綰茂宰之綬種嚴灘
之花玉袴與歌雙鳬流美迨至內擢舍香粉署樵木
龍江何一非逸且樂者乎癸丑拜督學之命持玉帛
而度仙霞探珊瑚于閩海亦足以逸且樂者乃逆豎
弄兵滔天震地縉紳大吏無不罹其網羅公於是乎
憂患生矣憂大厦非一木可支也患兇醜非尺笏可
擊也憂白壁受汚也患漢節難執也一夜而憂變唯
霜片時而肝腸嘔血憂患執甚耶計無復之慨宜太
義規之請降不聽又紿之脩睦三年半在舳艫百口

匿于蘆荻此時此際憂患又爲何如耶幸王師入關
徂且繁頸始得破妖掌而覩白日憂患甫釋而未遽
釋也大將受降脅從罔治 國恩弘廓獲以生歸而
二三同人乃猶未免于磷淄之議公以始終無玷心
跡得白而憂患至此益深矣謂人皆處于安樂而公
獨罹于憂患者天也非人也又人出險而憂患消公
出險而憂患滋者則人也非天矣憂之患之夜以繼
日安得不病且死哉無可如何浪遊辟地而所至愁
然不無今昔之感遂成不起之疴嗚呼痛哉孰謂人
止於憂患而死於安樂也而憂患竟足以殞身也

學源堂文集 卷之六

栗

祭任果河儀部文

嗚呼公東海人杰也性行鯁介學術淵博識者謂公
有公輔器乙未登高第莫不以詞苑期之而選不及
焉識者一惜也需次當宰一邑公不習吏事乃乞郡
學博士三年而擢爲國子助教故事助教得與台省
之選至是格不行僅得儀司主政識者又一惜也公
在南宮清於萬經之水敏於千里之駿才能卓越粉
署矣以是得權關武林謂少試其長當戊午已未間
吳越大曠乾商船膠不行公竭蹶拮据以抵課額而
市猾從而扼之如彪蜮之不可犯公不畏強禦剪之
學源堂文集 卷之六 卒
如狐兔羣狙以懲及瓜而課僅足不得考最識者又
一惜也差竣復居寅亮之司會考選台省之 命下
公得與選 當宁知公賢簡擢給事時公之玉季已
冠神羊矣兩署二妙詎不嫩哉未幾而仍以主政用
矣識者又一惜也嗚呼人生百年耳仕路之期久不
過三十載耳何克當此數惜也耶人爲公惜公寧不
自惜孰知乃怡然就郎署也屈指數年之內當得持
衡學政以公而論士論文也莫良於此矣前此之惜
行籍以快乎不數月公病脾雖鶴骨清癯而精神爽
朗出入於金門畫省間未嘗一日懈也抵冬而公病

以劇所親往視公猶談說古今指畫時務謂勿藥有
喜夫何不浹旬而遂溘然長逝乎嗚呼大可惜也誠
可悼也以公之德在曾閔之班以公之才在賈董之
列而英年一第壯歲服官僅僅焉一爲人惜再爲人
惜終爲人悼也彼蒼誠何意哉

祭王西樵吏部文

人生孝弟爲重耳富厚利達奚足云哉原壤七十而無聞顏子三十而亞聖抑亦不在乎壽年也箕疇言五福道德文章不與焉然則道德之於福艾惠逆之於文章似判不相及者而振古以來凡所稱道德之士什不一亨文章名譽之士百不一利冥冥中若以道德文章與五福相爲權衡互爲豐嗇者此何以故意者金章繡襪中無文章而鸞龍繡虎者折福澤耶不然何以造物者若專設數坎塲離騷之境以待文章之士耶古不具論賈誼有經濟之文章者長沙何

學淵堂文集

卷之六

奎

以出傳韓愈有道德之文章者潮海何以遐投李白杜甫王勃李賀蘇軾黃庭堅諸君子文采風流今尙存也而當年流離播遷官不過郎署年不及強艾鮮有不賁志九原者是豈天之獨仇之乎論古者每於此不勝嗟唏而悼惋焉猶曰諸君子生非其時也處非其地也嗚呼西樵何以遂作古人乎烏衣俊裔未嘗自矜其家世白璧英姿未嘗傲忽於平輩而瑯嬛無剩帙岫嶠鮮藏畫博以淹矣發爲文詞冲融醇粹古茂條達海內之人真見容而以爲美瑞聞聲而以爲好音也乃自一第以來人且待詔金馬門或含香

粉署或出宰方州君則一片寒瓊耳而文章滿鄉國遷而爲國子助教文章備梓雍擢而爲吏部文章壓要津典試中州文章作模楷蜚蜚乎且且乎文章不啻命達矣論者快之孰知其康莊而蹉跎也轉轉居十年更來藤署非甚賸仕非甚捷途突如又蹶謂之何哉議者謂君不善宦彼憐憫然安驅而履槐棘者豈盡善共宦者耶利達既吝於君使君而徜徉於海岱間節杖芒屨變化萬蒙於不律傾瀉今古於險巖俾白雪樓不孤峙於東土非非分之福也夫何遂作古人乎長安去君鄉千里遙耳計至之日無論識與

學源堂文集

卷之六

奎

不識靡不驚悼及東國人來稍稍傳君病狀善病咯血問何以罹此災曰哭太夫人二三友朋益增酸痛而識者乃於嗟歎中微有喜色曰西樵不死也人間世涸涸百年奇功偉業有人赫赫焉有人芳格雋譽有人獨孝子忠臣少耳西樵生當盛世明良喜起卽耿烈如龍比無當也君果以哭母死是至性出於慘怛大節成於孺穉矣此特此心一切皆慷慨耳卽不大官卽不大年何足爲君惜彼造物者能妬君之文章亦能妬君之性節乎而鹿鹿魚魚一無當於天倫民莖者朱芾斯皇黃髮鮐背究草木腐已爾君有弟

名並聯珠君有子蔚然玉樹未了之事正須後人補也君千秋百世常在人耳目間矣某等與君交情有淺深慟悼無異同形跡有疎密嘆慕無遠邇寄此絮漿焚此哀詞君自於泉臺慨然受之也

同鄉公祭孫徵君文

人於天地中生死天地以人爲重輕非人能大於天地道與天地相平衡人固有存歿道實無死生有人而聞道五恭益崢嶸昔者尼崢有孔孟文學之國千載榮孔孟存時天地大孔孟歿後天地成人歿何能成天地道明二儀與俱明孔孟歿後數千歲倡明道學朱與程堯夫窮理而得數翼衛斯道如干城有宋至今日又千年而盈學者稱三子孰不欽其聲堯夫產范陽慷慨燕之英二程固洛士厥祖博陵我吾鄉古道系嗣續惟容城元有靜修劉夫子承宋啟明而

開清靜修往矣伊誰起人傑地靈惟先生先生亶天之殊降成童出語驚老成十四游費序十七宴鹿鳴文章蔚國士意氣洽神京孝友紹家學譽望重公卿廬墓偕乎金昆玉季江村結乎蘭臭鳥嚶周旋楊左與周魏不憚捋虎而戮鯨至今讀上孫文忠一札猶令人忠義之氣怦怦先生以朋友爲性命以道義爲柱撐凡有關於名教無不致其表經尊頤可與理諭豪強可以道爭祇知砥世與礪俗何嫌忤世而近名似有類乎俠腸與豪舉實根柢於緇衣好賢之性情公車十一上而不售彼蒼欲素業之晚成先生之闕

濟雖不及于四海先生之拯救大有及於閭閻士大之孤城誰保百樓之捍禦誰營非先生倡大義而效仁勇幾何而不與定興高陽同其危傾是猶先生之高誼也況復終之以存誠上接洙泗鄒嶧之嫡傳中酌濂洛關閩之惟精無所事乎口耳端有率乎躬行孝弟其源本忠恕以爲權衡在先生不遇自敦其修証而桑梓已式其法程在先生不過自葆其幽素而海陬乃世奉爲宗盟輕千里而納贄偕子弟以受經快春風之坐臥喜善氣以將迎士有一節寸善先生無不與錄而與旌此則先生之教澤也五十年間或

所著之書如四書近指大易尚書之旨翼麟經之綱領理學宗傳之庚庚所獎之士或爲子而孝爲弟而恭交友以及朋人之急難好義仗節之航航此則先生之闢發與造就也讀先生家訓無踰人倫日用之平平先生子孫有如荀龍薛鳳之琤琤行年九十有二猶口授夫箴銘嗚呼高矣美矣貴不必埒乎涑水賢詎遜乎考亭孔子曰仁者壽先生宜齊算於耄彭夫何地類泰岱之岳天瞻伍喬之星昔邵子易箴猶知外庭之議論先生則無疚而無苦依然啟手啟足之兢兢嗚呼不知者謂先生生死於天地夫孰知天

地以先生爲重輕先生存而五常如揭五經如日天地謝其修道之責先生歿而五常有則五經有疏天地倚其覺世之靈或曰哲人無死語恢詭而不經或曰哲人雖死猶生語婢使而無情先生之道在即先生之形冥先生之道不冥某等高山仰止景行而行乍聞訃音雨淚滂沱零炙雞絮酒奇奠佳城霧如不吐几筵式憑

祭沈繹堂宗伯元配莊淑人文

嗚呼夫人何遽長逝耶聞訃者咸爲宗伯公悼喪內
佐爲兩孝廉痛失母儀而萊與宗伯公同譜同朝三
十年所身事家事渺不稔知悼痛蓋不侔于衆人也
詩曰昊天不弔不憖遺一老豈非悲痛之情怨憾之
詞乎萊之悼痛夫人者情詞無異於此蓋念夫人閨
壺之華顯者也實裨翟之艱辛者也聞夫人少失怙
依母兄而居陟岵魂消背酸淚灑幼齡之苦也如此
十七歲始字適時喪亂朱陳異村紅絲未解赤犢震
騷人無寧宇越三載而倉皇合卺六禮畧具百兩誰

學源堂文集

卷之六

突

將于歸之苦又如此宗伯公既無四壁安得二頃舌
稼難豐窮年是客上奉老姑中撫諸幼惟新婦是倚
龜勉有無辭就午夜職勞孔亟哉壬辰宗伯公二十
九歲傳臚登仕亦云蚤達而夫人勸悴已歷十霜矣
夫孰意玉堂仍是水衡也宗伯好賢贈問都憑雜佩
宗伯善病簪珥半佐參苓象服云宜雁炊瀟苦願而
弗華官實爲之哉未幾出憲大梁嚴助原無厭志毛
義別有懽情是時迎潘輿于河上舞萊綵於天中不
可謂非天倫之至樂乃梁上魚懸甕中塵滿鞅掌職
勞君子於役食指爲累碩人之憂夫官歷中外而約

喬如一顯而弗華又弗第官爲之也已而南旋渚上

植柏墓門已而北泄潞河微雞水暑會幾何時鹿門

甫思約隱香山忽報左官乍榮乍悴一去一留斯亦

云極人生之慘澹動世態之牢騷矣而夫人處之泰

然非冥心於得喪也總由不知富貴之可樂耳嗣是

而宗伯公邀昭雪蒙 賜環皆出夫人意外爲之色

喜癸丑甲寅開花輒重步到薦勉供膳非祈薪數水

要亦脫粟浣衣耳非久言旋婚嫁逼人乎亦慮太倉

五斗無以飽千齒也八年來俾宗伯公無內顧之虞

而夫人之髮星星矣宗伯公每對客言夫人臥病憂

學源堂文集

卷之六

充

形於色通以兩耶疊上賢書九熊有效冀破愁失笑
或可霍然良已不意夫人乃遽捐闔闥也子真却肉
不爲禮拘奉倩傷神詎緣情累嗚呼可傷也哉萊茲
以一束三爵遙祭夫人不足以誅孝慈淑惠之萬一
寧足以酬贈問之萬一乎而秋歆悼婉低空斷雲祇
以夫人相夫夫貴矣教子子榮矣自可含笑九原乃
五十八年總在龜皇拮据中顯而未華理數弗協吳
天不弔不憖遺一邦媛其謂之何信可傷也夫人有
需其歆茲豆登乎

祭宗嫂段宜人文

弟今祭吾嫂知嫂其來饗矣敬一言以昭告嫂乎遠
逝矣乎三兄與弟枝派雖遠情如同胞甘苦憂樂纖
細相聞弟知嫂賢者也辛亥年三兄來京師敘言困
頓愁苦抑鬱汎瀾自謂血氣耗竭視息難永弟百方
勸慰至以幼子女爲詞三兄曰有室人在于歸以來
上順二親中協姊姊妯娌下撫諸男女有禮有恩身
後吾不慮也嗚呼此豈虛語乎不數月而三兄逝嫂
其艱矣乎十年來婚嫁以畢田園未蕪是誰之力乎
嫂真賢媛矣獨是古今所稱賢媛者不同有身都通
學源堂文集 卷之六 三
顯家豐業肥相夫躋尊官功業赫著垂名竹帛者亦
有名德高節辭榮去華同志偕隱者皆足以稱迺若
少而何有何亡壯而問耕問織老而職勞職憂德由
苦積名以辛傳如吾嫂者斯亦天之所以逆與而人
之所爲逆成者矣嫂乎何不賢以彼而賢以此乎大
可歎也雖然嫂賢媛也自不謂苦弟與三兄骨肉之
交深悲其苦因而悲嫂亦世俗人之見耳況諸郎皆
成立持身保家斤斤在禮法中它日定有能繼家聲
者嫂當含笑九原貽休百世弟又以勸嫂悲嫂者轉
而慰嫂矣頃諸郎卜得佳城行將安其魂魄妥其需

爽人生百年不過如斯耳其何憾乎弟今祭吾嫂知
來饗矣

學源堂文集

卷之六

三

祭太淑人錢太君文

嗚惟太淑人。八。率源於古國。今。陟。錢。猶。蒼。秀。氣。於。名。區。今。蘭。馥。邇。江。兆。珠。衣。於。繡。閣。今。窈。窕。載。麗。東。王。訓。於。瑤。圃。今。婉。婉。其。彰。玲。玲。今。登。丹。除。之。雪。絮。絲。絲。今。縹。紫。杆。之。雲。裏。方。受。是。以。箕。箒。迺。叶。卦。於。鳳。凰。駕。彩。鸞。今。釐。涿。水。乘。朱。轡。今。入。玉。堂。拜。壽。毋。於。萱。閣。今。迷。君。子。於。蘭。房。輝。新。婦。之。恪。勤。今。虔。獻。脯。與。饘。裳。慶。細。君。之。淑。惠。今。謹。舉。案。而。稱。觴。載。見。金。蓮。之。燭。撒。頻。聞。七。寶。之。羹。嘗。既。卜。叶。分。黃。麻。降。鼎。調。輪。今。紫。綬。長。家。採。繁。今。客。滿。庭。厨。曆。影。今。僕。成。行。疇。問。耕。而。問。織。

李源堂文集

卷之六

圭

實太淑人職厥要詳家無嘻嗃令所無越閭罷無精
窳今絲無敗樓國有根今帝之稷邦有媛今女之姜
無何辭黃扉而返駕乃優游於陽朝日筆山有湘
野以通德名莊立雪今履滿戶外登龍今春坐門牆
白飯青芻今太淑人爲之庀給翠濤綠蟻今太淑人
爲之酌嘗且爲植平泉之樹石且爲營洛社之中箱
公於是養谷神望觀林辟穀粒若子房太淑人愛玉
清之寶冊啖雲子之瑤棧是藏石麟之瑞兆符玉燕
之嘉祥鍾碧霞之名秀誕崧岳之神降蔚瑚璉之廟
繩紹鼎鼎之國香迺逢甲申之烽燹受赤霄之餘燼

李源堂文集

卷之六

圭

公揮太僕之勞幾羅平原之戕號號今百口驚風
夢兮九陌鼓數太淑人扶堂中之鳩杖攜鄰下之昇
璋遠妖氛而潛出避沙射而深藏履虎尾而無咎念
維難之或傷嗣是備恤彙遣紀綱設詔計紿殺狂金
崑玉於灼煉脫丹鳳于銀鑄載觀 聖人出震義旅
鷹揚定郊廓而建鼎小澗澤而闢疆訪耆頤于獨鹿
陟平格于奎章元宰秉軸淑人佩璫珥箴且旦星警
煌煌拔葵惟命泣牛無傷用是霖雨于旱股肱惟良
線五色而補袞鳳九苞而鳴岡八騶戴星而出入七
衣聽雞而周張 國毗赤舄繡裳之傳家憑珠翹霞
裸之嬌越卜曆之午未闢籙俊之闡場仲君胎仙公
飲鹿茸之高席題雁槍之長廊榜花奕奕朝珮鏘鏘
然青藜于天祿觀紅藥于未央太淑人快九熊之有
報慰輪鶴之得雙恒銅車之式訓亦銀璽之無荒迨
疏傳飲青門之祖帳而晉公榮綠野以尚羊兩世清
白百畝荒唐豈有金穴雅貯石倉太淑人谷官有別
瓶既藏誰司鐵工而蘭茝綴芳誰司炊羹而肉酒
雁漿至於聽鶴鳴而布穀賦載勝以伐桑寧獨金鹽
玉鼓椒馨桂薈抑亦瓜時芋區陌無低蕭正蘋繁
俎豆之聿獲也文敏公乘箕上征太淑人截髯稱三

雪泣拭血窀穸以襲試問關西之大烏啼非悲顏山
而哀壞梁者乎懿矣仲君中外歷敗易決而環主爵
夏庠板輿屈止鬢髮如霜乃不知執綯形骸之可逸
夫何謂重僚兼豆之足康瞿瞿乎墨帷指諸蘭芽斑
管授之葯廂金華拜誥鳩筮受觴誰不曰敬箕疇之
中錫享維祺之倪黃夫何厭青戊之堀堞輒碧落以
翱翔某等先世之佛名同咀後進之師表共望桑梓
之蔚蔚絡繹芝蘭之臭味頡頏勸淑儀之緬邈愴總
帷之淪涼酌一卣而灑涕葵瓣香而摧腸迴雲旂之
渺渺臨總帳而洋洋

學源堂文集

卷之六

吉

祭薛師母趙夫人文

少宗伯行馬公繼室
給諫大武公繼母

鳴惟師母瑞誕嫡星祥分姊妹月河山有度毓閭秀于
名門天水爲宗懋邦媛之上德柔嘉原由衷降姆訓
蚤嫻慈淑不待教成母儀弘備卜者決翟珈之賁體
老人賀虺蛇之耀閭果作逮于河東載嗣徽於堂北
爵有獻脯有獻色喜新婦之精勤蘋可湘繁可湘心
嘉細君之明潔閨損原是前子並未衣蘆薛包終作
友兄何曾析箸問誰內助賴母左匡我夫子壯歲登
朝夙夜于公不問家人生產皆阿母經年治壺有無
是濟安知王事埤遺況霜日九熊午夜流香於芸牖

學源堂文集

卷之六

吉

雲機織鳳七夕奪巧平金鍼母慈卽是師嚴官寒無
差緼敝洎秩宗佐政，頒來象服拜 龍章而太傅
歸田剩有斑衣娛鶴髮榮名高節梁孟案齊樂事舞
倫陳荀星粟華陽山中有宰相人歌鴻羽之鸞紫微
垣裏列仙郎世羨鳳毛之美雖白雲拭目恒與明發
之懷乃黃耳傳書登致靖共之勉嚴訓時兼慈訓臣
心式簡 帝心不謂泰山其頽遽見箕星復上大故
固當於冢嗣實勞母心素業惟餘此父書空憐子舍
矧矣頻驚豺虎青蠅幾點白璧之疵久賦榛苓棘寺
難勤板輿之迂毋方杖于家孫且著之膝繡佛長齋

牙籌悉憑于三鳳續麻消畫玉樹欣觀夫九龍魯侯
燕喜之歌端期壽母晉帝文宣之號佇被慈人坤德
配地而無疆箕福自天而未艾夫何眠食偶減遂教
寶婺星沉圭俎無靈訖報金縢草偃某等曩環絳帳
三十年頌還鮒之賢今溷紅塵一千里闕炙雀之獻
驚訃音之乍至拜霽位以長悲五斗繫匏愧古人之
素車白馬三爵演絮效前哲之香瓣生芻伏冀降旆
施之雲旗現霽光于登豆迴翩翩之鶴馭鑒誠惻於
几筵聊展心喪不勝目斷

學源堂文集

卷之六

表

祭季妹文

維年日月兄蔡謹以清酌庶飭之儀致祭于季妹之
墓曰吾兄弟姊妹共六人妹爲女之最少七歲而吾
父見背時予僅十八歲一家筑筑惟老母是依慘怛
窮困若不能存活者其時皆少壯但知有貧之可患
無生死之痛也不五年而吾與妹丈同舉于鄉母子
兄妹相聚而語以吾父不及見爲恨未幾而辛卯仲
弟歿骨肉之痛內傷于心然朝夕所以娛慰老母者
恃一姊兩妹在也自妹于歸後從夫遠宦膝下遂少
承惟一人彼時依依不忍別不已謂人生生離之苦

學源堂文集

卷之六

表

有難堪乎甲午去而旋歸予已成進士官翰林迎老
母在京間妹從閩來六月炎天親往看視予不敢止
其行予不忍止其行也母子手足之情有如是者妹
丈仕不得志蹉跎五年而後返妹攜其兩前子比隣
而居左右于慈親之旁惟如未字時能撫前子如已
出予竊心喜之及妹丈至而囊篋蕭然妹能親操縫
潄佐夫食貧雖其中有悖繆難堪之事亦復隱忍而
莫怨者吾妹非尋常巾幗人也乃家日落而子女益
多且婚娶逼人悉拮据襄事吾妹可謂不負于夫家
矣予以一官在京二年有奇不能迎養老母者一苦

食指繁而莫給一知姊妹在家母女聚首足慰窮愁耳今年夏五弟來言妹有病猶以爲人生執無苗患也未幾而言病篤未幾而訃音至嗚呼吾兄弟姊妹共六人也十五年前亡一弟十五年後亡一妹予固不堪其酸楚也而謂老母堪之乎使弟與妹而皆髦老惜慳人也已不勝感況都當少壯時乎況都稱慧淑者乎此予之痛欲絕也妹逝而有一子一女皆纔能食知冥冥中亦綦係念矣老母極愛妹者自能爲妹保護而鞠養之妹其安其靈冥乎獨是疾痛痾瘕兩甥痛呼其母聞者惻然泪下老母當此更有難堪

學源堂文集

卷之六

夫

者予與吾姊及妹晝夜不安妹有知當默然相之使無寒暑之戾則大幸矣十月盡家報來云次月初九日妹之柩歸窆窆予聞之而涕泣交下妹生而在老母以爲吾有少女也妹病而危以爲吾有病女也妹歿而窮柩在房猶以爲吾有亡女在也今且敢黃壤之茫茫封馬鬣之寂寂慈親真失一女矣劣兄真失一妹矣爾子爾女真亡其母矣天下好事惟恐不真如妹之亡惟恐其真嗚呼今遂真耶吾兄弟姊妹竟止四人也予豈能不痛乎予不克祭其柩屬弟與子姪焚斯言而奠之嗚呼傷予心矣

祭劉太孺人文

嗚呼岳母壽年纔七十耳所歷何多難也幼而失怙恃酸辛悲楚極人生之瘁適子岳父夫孤如孺且藐諸弟妹相依爲命勤瞿委宛極婦道之瘁中年失所天經亂離憂患職家政撫幼兒極霜婆之瘁老而調停于子與女之間又極爲人母者之瘁所歷何多難也然母之所以處難不困者則淑靜慈愛之德勝之也家不豐而豐矣中間有勤儉之操夫之弟與妹未成立者成立矣中間有友于之誼作未亡人三十年析箸有方諸郎無實業中間有教率之勞至于老而

學源堂文集

卷之六

夫

調停于子與女之間也尤非具有慈心兼端母儀者不能及則何忍縷縷言之乎蔡以貧士爲母家壻衣食教誨受之母者不暇備述而中有至愛又不在區區之間也肥馬不乘而曰乘龍華服不衣而曰衣錦簪石不享而曰享千鐘且疎狂無賴人不可及此豈堪入素封之眼乎癡人齒冷淺駭張憶之不堪憶也矣非翁與母耄之甚而信之切誰謂陳平不貧賤也蔡通籍後無以報母閒奉一緘曰存以永吾甥孫奉一誦曰存以啖吾甥孫煦煦然猶是二十年前心緒某善病每見無不相存者憐由于衷詎曰勉然使

母而智勝人也已可感也母實樸誠茶其質骨矣母只女子一近且病痢每相視輒涕流滿面絕不作世俗語知女莫如母知壻亦莫如母他人謂母爲訥母庸訥乎厚德不習錐骨月之閒尤弗忍也嗚呼母之淑靜慈愛殆非可悉數而終者十餘年來茶之淪落頽放自分無以報母私謂母有盛德必享大年或能効之遲暮夏月兒寄書云外祖母病猶意老人氣衰不勝炎溽曾幾何時輒以訃聞傷哉痛矣郝公能澤右軍不愧人倫之鑒魏舒克成宅相敢誇甥館之徵安得毋鶴髮扶筇粲然一笑觀之耶母介稀壽五福

學源堂文集

卷之六

全

駢繁其所賺者田荆已枯曹箕將煮諸憐尺布謗遺滿簾每言及此未嘗不歎以歎也茶竊有以慰母之霜矣並財不糴齊勢不軋諸郎貪饒心計異日紅朽相埒氣靡弗平且人情小競而老遜未有垂白之昆季猶擾粗動色者母亦可以無憾于此茶之所以仰體母懷無事徒口半百春秋兩行兒女謂予慚德真可汗顏此言不衷明無以對後人冥無以見先人茶其忍之乎母亦可以無憾于此傷哉痛矣母視茶猶子茶不能視母猶母也五斗縈身弗獲執紼九十總服一握絮縈遂畢半子之誼乎兩兒各成頭角矣

執茶之言焚于輻旁灑涕哽咽亦猶茶之身至之也
毋能憐我當不吐此豆登嗚呼哀哉尙饗

學源堂文集

卷之六

全

祭趙潤園秀才文

嗚呼秀才老而多怨尤矣年不豐而怨天行不利而尤人豈其性然乎卽爾之病也亦卽爾之所由歿也語云人生於憂患死於安樂爾何其不然乎方爾之少也席素封之業好讀書取友讀書不甚攻苦而晚於古人之義取友不甚慎擇而篤於今人之情千里內外無不識其名者故以是翹翹自得焉常遊京師多與縉紳相過從不急急于名利然諾不使顯者未嘗不以是重爾也此爾所以好遊也家世業農而不知南畝爲何事爲諸生而車馬衣裘美且都誰不謂學源堂文集卷之六 全

爾爲處安樂也使爾而縱情恣欲未有不沉溺於世俗病且天者乃風流楚楚神觀奕奕也如此者四十年而老矣家亦中落人情澆漓爾乃鬱鬱不樂常睥睨里中豪以是多抵牾雀鼠之訟與爾益鬱鬱不樂携一囊而走四方向之所謂蘭臭投者意氣都不如前益鬱鬱不樂未幾而忿未幾而怨自不謂忿與怨也爾之病也爾之所由以歿也是憂患不足以死人也爾死於憂患也嗚呼痛哉爾淳茂君子也脩行乎於里黨脩名信於友朋雖稍屈抑儘可自遣乃忽而忽忽而尤以致寂處於僧寮長逝於客邸謂彼蒼之

薄施善人乎亦爾之命數不偶耳僕哀爾痛爾究不能爲爾解者爾何死於憂患也

學源堂文集卷之七目錄

傳

范文肅公傳

光祿大夫都統范公傳

范忠貞公傳

吳方漣侍御傳

誥授資政大夫吏部左侍郎地一楊公傳

內翰林國史院庶吉士上若張公傳

李文敏公傳畧

總理保定等處軍務司禮監太監方公傳

學源堂文集卷之七目錄

邢瘋子傳

房季子傳

張孝婦傳

學源堂文集卷之七

清苑郭棻快園著

傳

范文肅公傳

公諱文程字輝猷號憲斗遼東瀋陽人宋參知政事文正公仲淹之裔也文正生尚書僕射忠宣公純仁忠宣五子最幼曰正國爲宋樞密院料理官靖康之變扈元祐孟太后至江西家于臨川三傳而至良儻仕爲迪功郎徙居饒州之樂平六傳至景申公岳明洪武中爲雲夢縣丞坐事謫瀋陽衛家于撫順堡自

學源堂文集卷之七

景申公四傳至瀋溪公總始顯萬曆初歷官兵部尚書是爲公會祖瀋溪公生指揮公沉是爲公祖公父楠生子二公居仲幼穎敏稍長沉毅多大畧讀書有妙悟善屬文弱冠補秀才名重三韓戊午太祖高皇帝入定撫順得公偉其穎詢知家世顧謂諸王公曰此名臣之孫也其善遇之諸王公競加優禮後六師定遼陽度三岔攻西平下廣寧皆以公從丁卯太宗文皇帝踐阼察其才堪大用簡置帷幄已巳鳳蹕入薊門下遵化命公將偏師諭降潘家口馬蘭峪三屯營馬欄關大安口凡五城時明兵部尚書熊

廷弼經畧遼東將重兵居前掣肘我師公進秘謀繼
反間廷弼獲罪去我師坦然時明兵環逼我兵于大
安堡殊亟公用火器擊之圍以解 太宗命公守遵
化明兵攻之甚銳我前鋒士稍困公突圍力戰拔之
而歸論功授三等阿達哈哈魯伯領益篤庚午初置
內祕書弘文國史三院公拜祕書院大學士領機密
每入對漏下數十始出出而旋復奉召去以爲常辛
未我師圍大凌河蒙古降卒陰戕部帥以叛 上怒
欲大創之公從容進說全活甚衆明一軍壁山嶺殊
死守不可攻公曰是可諭而下也單騎抵其壘曉以

學源堂文集

卷之七

二

利害遂降 上悅以降人悉屬公癸酉孔有德耿仲
明尚可喜航海來歸明兵蹙之悉 上命公從王師
迎護之公見有德等宣 上恩信脩至有德等遂堅
志歸我已而下旅順取平島征朝鮮收服蒙古公無
不與八旗初置都統廷臣首推毅公 上曰文程朕
方倚之爲心膂都統纔治一軍耳可更舉一人崇德
敗元初開科取士命公知貢舉遂滿備彥不乏才杰
時當肇造重武功往往淵跡伎術市肆中公悉心鑒
拔相繼膺庸 上以公居政府久倚任特至凡軍國
鉅議必問曰范章京知否議有未當卽云爾等曾使

聞于范章京否廷臣曰范亦云然輒允施行公間以
病請休沐庶務有難決者命侯公出乃定國家招徠
諸國部落文誥皆公視草無不精確初 上猶親閱
後乃不復省覽曰爾自無謬也嘗侍膳賜殊方珍味
公以北垣公未嘗逡巡不下箸 上識其意徹而馳
賜於家甲申 世祖章皇帝御極公益篤斐矢報期
集大勲籌畫布算規模悉具三月公病居湯泉作啓
上諸王曰竊以有明之國流氛西踞海寇南扼譚軍
煽亂於北陲我師獎伐其東鄙四面受敵其君若臣
安能相保顧雖天運使然良由 先皇帝憂勤肇造

學源堂文集

卷之七

三

于前及茲諸王大臣恪修丕業夾輔 冲皇忠孝格
乎蒼穹上帝默爲眷佑俾 攝政諸王以建功立業
之機也顧成大事而垂休萬世者此時失機會而貽
悔將來者亦此時何則中原兆庶蹙蹙遭喪亂困苦已
極黔首無依莫不思擇令主靡然而向之矣間有一
二櫻城負隅者亦第各保身家非爲其君效死也當
茲禍亂脊脊已不可支河北一帶定屬他人土地人
民勿患我弗得患得而不爲我有耳今之爲明勅敵
者我國也抑則流寇也正如秦失其鹿楚漢共逐雖
曰與明爭實與流寇相角爲今日計我當任賢以撫

衆使近悅遠來蠡茲流孽亦將進而臣屬於我明之君臣知我之規恢非復往轍或亦言歸于好矣倘不此之圖非但徒勞師旅適足爲流寇驅之民耳夫苟舉垂成之局而棄之後乃做做焉與之角力而爭庸計之長乎曩者棄遵化屠永平兩穴深入忽焉中返彼地人民未必不曰我無大志惟金帛子女是圖即歸附之彼亦不久畱因而心懷攜貳蓋有之也是當嚴飭六師秋毫無犯復宣諭以昔日不守之由及今日進取之意有來歸者官仍其職民復其業恤厥無告錄厥賢能將見密邇者綏輯遐聽者風聲自熙然

學源堂文集

卷之七

四

而向順也更于各處官吏中察其德望素著者拔置班行俾朝夕獻納擇其善者而行之於是聞見以廣而政事有時措之宜矣是役也或直趨燕京或相機進取入邊之後於山海長城以西擇一堅城頓兵而守以爲我師往來之門戶尤爲甚便惟攝政諸王圖之已而聞李自成破明都城輒強起促歸騎未幾召者馳至須公決策公至建議云李自成塗炭中原人咸積恨邇乃戕厥君后此必討之賊也渠雖恃衆橫行無所於抗臣揆其敗道有三逼殲共主天怒矣刑辱縉紳士忿矣滔掠焚殺民恨矣脩茲三敗行之

以驕大兵奄臨一戰可破也我師上下同心兵甲選練聲罪致討誠鄙厥紳士拯厥黔黎仗義而動何功不成况好生天之德也兵者聖人不得已而用之自古未有嗜殺而王天下者國家第欲帝關東或則攻掠兼施耳若欲統一區夏非又安百姓不可惟王公大人熟圖之衆建公言六師大舉申嚴紀律妄殺者罪無赦四月入山海一戰而勝闖寇披靡果如公言大兵長驅而西民多逃匿公草檄宣諭云天戈西指爲爾百姓復君父讐非虔劉爾蒼赤也官來歸復其官民來歸復其業師律惟嚴戒不爾擾檄下民以悅

學源堂文集

卷之七

五

妾凡機皆署公官階姓氏以公有夙望也師入都城首爲明愍帝發喪易梓宮脩儀仗皆公經紀之流寇燬明宮闕殆盡千里之內烟火僅屬百度皆廢公搜集典冊舉用廢官徵求隱逸招集胥徵文考憲定賦役更律令酌古準今期於美脩明季賦額煩重版籍放失僅存萬曆間故冊或謂當於海內博求之公曰卽此猶恐病民烏可更索遂悉依萬曆時額視崇禎時省什之三畿甸悉寧捷伐四出政無鴻纖皆公綜理晝夜立闕下並觀兼聽裁割如流凡所措注綱舉目張詔褒其忠勤擢爲阿思哈哈番尋加一

等乙酉再加一等中原大定公上言曰治天下貴得民心士爲秀民宜廣其途以寬之乙酉丙戌江北士子通籍者如林矣更請于丙戌丁亥再舉以收江南傷父皆允行之辛卯上親視大昕擢公爲一等精奇尼哈番世襲將軍與劬牛餽餉稍紓公陳屯田四事曰頃者直省奏報土地荒蕪賦稅缺乏多至四百餘萬賦缺則餉絀餉絀則兵困不可不早爲籌畫臣聞明太祖云養兵百萬不費民間一粒蓋言屯政也元季湖內鼎沸人凶地荒故明初利在屯田楚豫齊晉以迄江西久罹兵燹荒民無異于元末若倣而行

學源堂文集

卷之七

六

之其法有四一曰設屯官一曰給牛種一曰勸積貯一曰議轉輸而其要則在嚴考課信賞罰行之三年兵餉可足流民可歸凶荒可脩一舉而三得矣及今冬盡春初亟當舉行上可共奏命諸王大臣議行之壬辰纂修太宗實錄勅公爲總裁以公事太宗久也癸巳上見公每有小恙猶力疾入直諭之曰朕倚卿共致太平常召至內廷平章機密或時臨三院有所容詢見卿夙夜匪懈得母已勞繼自今自審勞倦卽稍偃息勿復勉強趨直致感疾疾卿體安善朕斯倚毗有賴公頓首稱謝甲午首少保兼太子

太保官如故公時病注夏上表謝且引疾請致政上覽表遲迴久之繼乃詔特晉太傅兼太子太師予告調攝公家居數載上顧念勲舊嘗親御權衡和藥餌馳賜之丁酉遣畫師就第圖其像二一藏內府一賜公家辛丑世祖升遐公哭踊已慟伏地不能興康熙元年壬寅行祭告禮上特命公致祭昭陵禮成公感恩追往哭陵下失聲甲午以後關東阜爲別業築亭樹植花竹徜徉其中時而觀諸郎輩從習射故人至與談未遇時艱苦稱述累朝恩遇娓娓不倦飲子若孫習知之也繼公執政者式墓典

學源堂文集

卷之七

七

型時來造請公諱之曰治安之本是惟得人培養人材保護善類爲第一義庶官中有才可大受累於一肯者尤宜亟爲薦洗得一賢遺勝理百度也識者服爲名論公器宇淵穆喜怒不形于色雅好讀書每引儒生陳說古今恒夜分不寢獨不喜佛老故門絕雜賓居顯位數十年囊無長物好濟愚拯難族姓以兵火離析隸他人下者咸捐資贖歸教家謹肅諸郎已貴常對客侍立命之坐然後坐客爲踧踖吉凶之禮一以朱文公爲法族子孫外宦者時勤教誡勉爲循良吏稍或不率輒懲以槓楚甚者絕不許見公雖閒

居一飯不忘 若思嘗當餐聞軍國大計輒停七深
念或謂公既謝政何復關心乃爾公曰吾以衰病投
閒耳非廢置也 國家休戚所在安忍漠然因指食
案曰此皆 國恩莫謂家食非素餐也言者愧謝歷
事累朝優寵如一皆呼官而不名賜資御用服物不
勝紀公體頎偉衣冠皆特製以賜致政後歲有存問
及忠貞公爲學士 上問知爲公子數向詢起居忠
貞公歸告公感激泣下公天稟強盛暮年神觀不衰
丙午七月望日謂諸子孫曰我老不能以一死報
列聖爾輩當體我未竟之意矢竭忠誠勉力官方言
學源堂文集 卷之七 八

訖泣下都統公忠貞公亦泣下後都統公勞殞行間
忠貞公克著烈節可謂不愧家教者已八月二日卒
壽七十葬於懷柔縣紅螺山之陽

光祿大夫鑲黃旗漢軍都統范公傳

公爲文肅公長子初名承庵字胄卿更名達禮性英
爽貌魁梧精騎射力能挽強超然有遠畧少時從文
肅公出入禁林學通國書且時講誦四子書大義材
名奕焉同儕競推之順治丙戌授兵部副理事官時
方收拓江南兵機繁猥公悉心宣力戊子陞理事官
兼管鑲黃旗佐領庚寅擢參領辛卯陞副都統壬辰
授拖沙喇哈番尋陞世襲拜塔布勒哈番拜都察院
左副都御史癸巳陞戶部左侍郎總督倉場游歷崇
班聲譽懋著泊文肅公予告議者疑駁乎有伊陟丁

學源堂文集 卷之七 九

公之口會李定國犯粵東總兵郭虎困於新會 朝
廷命都統朱瑪喇爲將軍以公爲左翼帥率師往征
之定國據山列礮壁壘堅完公整弧先登揮兵奮勇
聲搖山谷賊披靡敗遁新會圍解賊料餘黨四萬餘
載鉅礮擁藤盾驅象千頭來犯我師公乘勝力戰輿
劇賊遇纔引弓賊挺鎗乘高下刺幾爲所中矢發賊
應弦倒定國失魄遁走公同大將軍長驅逐北歷蠻
瘴險隘暑雨濕蒸鞍介皆生蛆奮勇不顧再敗賊於
北流轉戰數百里至橫州賊渡江奔竄兩粵以平恢
復三府二州二十二縣師旋擢授三等阿達哈哈番

總督倉場如故丁酉授階榮祿大夫己亥以忤運若
勞賜白金文綺仍予優敘庚子管鑲黃旗漢軍副都
統辛丑世祖章皇帝上賓輔政者出公爲浙江隨
征總兵官鎮處州聞命趨白文肅公於別墅文肅
公誠之曰爾以貳卿司儲著有勤績朝廷謂爾賢
故有是命勿以內外文武介於意趣治裝公輒棄
就道刻期抵處州發括居萬山中林箐罕阻伏莽竊
發戍卒多所侵掠公嚴爲約束田里帖然耕耨者不
失時復推誠招徠海島來降者踵至處境大治甲辰
召入仍爲本旗漢軍副都統己酉拜都統公以夙望

學源堂文集

卷之七

十

初總禁林人咸愜服戊戌授階光祿大夫癸丑吳三
桂反上命將兵隨大將軍順承郡王往討禡祭時
上親授方畧賜弓矢裘馬甚優師至中州會鄖陽總
兵楊來嘉據房陵及大將軍肅公鎮襄樊以遏之公
在襄陽方警備固圍聞來嘉攻陷穀賊統兵往援賊
聞聲遁走穀城以復庚申來嘉降荆襄既靖上命
率師從荆門虎牙入蜀鎮重慶公鎮襄樊時枕戈衷
甲寢不擇地左臂中風痺艱於設弓馳馬終不自言
及行峽道升天入淵恒竟日不得一發至歸州以餽
不繼引步卒回江陵購馬以待旋復入蜀山行多

飲澗泉不宜於脾胃應瘡瀝公尚力疾遄發未幾困
甚得請留後調攝展轉床褥上猶喃喃云疾驅殄寇
十一月長至日卒公性至孝事二親溫清視問寒暑
靡間文肅公予告常居東臯別墅公餘卽策馬往侍
左右文肅公歿事母陳太夫人食寢扶掖躬進匕箸
十年如一日曩鎮浙時思慕庭闈夜泣濡枕席抑鬱
成疾及歸始愈甲寅後七載建旆遣使代省歲無虛
月太夫人歿諸弟重傷公心且軍中不致計公未之
知也屬績時猶呼母不休孺慕之誠始終如一仲弟
忠貞公總制福建爲耿精忠幽閉者二載傳聞雜說

學源堂文集

卷之七

十一

公焦思不自勝及聞遇害大慟震人旋雪泣曰吾失
一弟國家得一忠臣不更哭公弱冠文肅公已貴登
揆席落落無貴介氣人樂與之遊居第旁築小墅登
石瀦泉蒔花種草日徜徉於其中聲伎泊如也公歿
歷文武四十年聲績爛然而孝友誠信得於家學者
尤多云

范忠貞公傳

公諱承模字觀公文肅公仲子也沉毅類物嗜學好文期抱特偉年十七充侍衛左右禁閑勤不廢嘗辛卯詔許八旗茂秀子弟應制科以禮記得精明年登進士改庶吉士讀書翰林院猶閑日入侍甲午詔免扈從頗意肄業益得肆力典文試輒高等授弘文院編修乙未特擢秘書院侍讀學士辛丑陞國史院學士丁未教習庶吉士戊申陞都察院右副都御史巡撫浙江公居禁密謹默自飭留心經濟民生吏治瞭若指掌不尚辭說人罕知者而介操正性中外

學源堂文集

卷之七

主

共聞拜命後兩浙傑然公至浙絕苞苴禁私謂榮較峻肅公移呈牒積日不批答藩臬以下莫能窺測咸戰慄從事月餘一日而下利弊情形輕重機宜洞若觀火僚吏相顧嘆服故事制撫受事三月後得劾奏貪殘不法吏及期兩司以請公曰姑緩之未幾兩司慮愆期再請公曰若欲吾誰劾耶兩司列狀以白公覽之微哂曰是欲吾舍豺狼而問狐狸也還之明日忽拜疏一時量吏都在白簡中諸僚悚息始知緩期者蓋欲廉得其實也浙故多巨猾約結鎮旅爲害百端無敢誰何公訪知姓名搜捕殆盡曩之驕蹇者

皆憚而不敢抗浙民貧往往稱貸於鎮兵以旬爲月子大於母不克償舉室算爲奴不堪虐使多所遁逃以是蔓禍公禁之而止浙人墳墓在兩山百里內松楸蔚鬱鎮兵伐爲薪三年間濯濯也人不取更植公禁之而止杭爲百貨輻輳地出入城關守卒索私稅蔬果鮮菜不遺也公禁之而止俗倭佛好嬉遊湖舫僧寮無少長歌舞雜沓以爲常公禁之而止瀕海民多黠悍不事農業倚私鹽以自活司鹺者往往置于法公曰不之禁則病商禁之厲若輩得無挺而走險乎於是擇山谷州邑商舶所不及者許其擔負往鬻

學源堂文集

卷之七

主

名曰窮漢鹽疲癯老穉胥得所後海寇犯浙誘之皆不應曰吾儕爲范公生活至今矣烏忍負之浙東諸郡田多稅硯不任率耜或斤鹵不可以粒正供多逋雖詬租吏嚴亦不及額令以譴罰民以播越公爲請蠲朝廷命履畝勘寔公即日登舟從者纔數人携厨以自給山陬海澨罔不躬歷所至山農獻脫粟剖瓜分果公悉慰而啖之父老刺刺道苦民隱畢達愷切以聞疏入報可辛亥歲大疫民無食公作自罪文告天蠲粟煮粥奏動藩司帑金八萬乞糴吳楚不兩月米艘叩尾而至下令平糶民以不饑是歲嘉興

湖州兩郡水災獨甚應輸漕米二十二萬四千餘石
公力請改折疏累數千言果得請冬復大雨雪公請
緩征漕折俟明年蠶熟亦得請湖州例辦南北絲十
一萬觔有奇南解江寧北解戶部運費不貲公請悉
交杭州織造局以寬民力又得請嘉湖應輸白糧六
萬六千餘石玉食所需期不容愆公念災民無力請
三年帶徵少緩須臾又得請公親鎮浙禁旅緝捕逃
丁展轉滋害疏請寬窩逃例部議不允 上曰承謨
身在地方知緝逃累民自當允從第連逃者衆貧兵
何資仍照例行雖不得請聞者歛戢公感激異數竭
學源堂文集 卷之七 古

十日行百里始得放舟而北抵都入覲 上慰問備
至公奏曰臣撫浙四載罪愆多端猥以負質屏弱感
冒暑濕夙疾侵尋中氣虛損虛火上升耳塞胸痞乍
聞 寵命不勝驚惶所以急請 陛見者既欲躬稟
廟謨更欲披陳下情也 上曰卿氣喘語艱且再休
息公出 上遣御醫李選伯就第診脈並賜尚方藥
餌月餘稍可御史甯爾講劾公薦舉匪人下部察議
初公撫浙遵 恩詔薦舉才品優長山林隱逸之士
疏舉鄞縣葛世振歸安董漢策部議赴京酌用至是
漢策至 詔授科道官漢策本布衣朝右惡其黠班
學源堂文集 卷之七 五

忠製甲器增柵欄更門卒張皇種種自計部下將士
僅三千人皆習與精忠部曲處不可恃乃密檄諸道
將以謁新制府爲名各率健兒至建威銷萌也未及
行精忠反公方在署中精忠使使邀公去左右欲衷
甲以從公曰母衆寡不敵躁動何濟按轡徐行至精
忠所牙門已蜂屯矣巡撫都御史劉秉政同公入精
忠高座羞澁不多語但云剪髮薙更衣冠公曰王反
耶精忠怒令收公公大罵不已精忠欲害公其黨曰
總督望重浙人德之如父母欲舉大事先殺人望則
所至皆讐敵矣精忠意以解拘公於監室水漿不入

學源堂文集

卷之七

六

口日夜醜詆痛詈激之使加害也精忠不之怒反饋
食甚豐公揮斥之凡八日舌敝唇裂肉皆腐罵聲
始微身被銀鐐動不移咫尺者猶虎眈焉閱十日神
氣反旺聞者咸駭公度不能死稍進杯水精忠輒遷
禁向內峻堵密棘有如囹圄遣僞統制劉秉政來說
降公佯謂之曰病極耳聲若何不就我密語秉政輒
近座公奮力蹴之幾仆踉蹌以去公在幽繫者七百
餘日冠 賜冠衣辭母時衣溽暑時濕蒸如膩蓬垢
支離虱蟻蚊蚋攢噉不休冬深夜永霜飈海氣侵入
肌骨公第忍之罵詈之餘閒作詩文無毫楮乃燒燬

存炭齋壁上得詩四十首復爲文自敘生平大畧在
禁日久月朔望奉曆書一冊披械拜跪復北拜母闈
閩中義士望大兵入閩擁之內應謀稍洩防者益厲
丙辰 王師破仙霞精忠降飾辭希免死慮公白其
實於九月十六日夜遣黨來害公時方側卧聞變急
起微笑曰今日方畢吾志索 賜冠有呂八者奪而
擲諸地復蹴之公怒以械索揮其頭幾斃乃披衣露
頂九叩首曰罪臣奉職無狀死逃矣遂遇害初精忠
以三十二人守公一日嘛呢蒙古人也爲僞散騎郎
見公志節不屈噴噴曰真男子乘隙耳語公云可稍

學源堂文集

卷之七

七

忍得間當有以報否則同死同儕滿知之告精忠輒
呼而訊之嘛呢知語洩大言曰范公忠臣爾逆賊願
與忠臣同死不與逆賊同生精忠寸磔之又有許鼎
者閩泰興人同衆守公義公所爲恒陰左右之公無
筆硯鼎爲密具凡公所作片楮數字悉爲收藏一日
公睡酣逆黨竊剪公髮辨覺而並剪指爪付鼎收藏
公遇害精忠令焚棄山麓間鼎預往匿山岩伺焚畢
夜分行亂石宿莽中覓得燼骸藏於家明年鼎從軍
寧海念公骸未返逃伍歸負骸潛行紆折萬里達京
師以髮爪并所作武夷子歌爲左驗公家子弟以聞

朝廷遣內大臣來哭臨賜酒茗爲奠壬戌精忠伏法
贈公兵部尚書諡曰忠貞予祭如例廕一子入國子
監讀書癸亥 上親灑宸翰書諭祭文勒碑仍以真
本賜其家公忠孝性生友于敦篤順治初年文肅公
夙夜在公間一歸第公侍立不刻離泊予告居東臯
別墅公出署卽趨往承歡日以爲常文肅公病匝月
不就寢倦極據几假寐而已爲文肅公卜葬地僧堪
輿家徧歷都城西北諸山陟峻跨險至紅螺山下云
其吉甚喜及數審視不得穴乃默祝寺佛明日拋石
卽落處掘之遂得觀者嘆異事兩太夫人定省必以

學源堂文集

卷之七

十

時雖客屢滿戶外或公私匆遽及時必至事伯兄都
統公殊謹不列座有問必起都統公鎮處州久且病
公憂形於色謀爲乞休輒令酸向人友愛諸弟衣佩
玩好相其所欲不難割愛諸弟向學所延皆名師公
爲開館庭饌豐潔督課甚密族少長仕宦婚喪事無
不咨於公造就贈給不遺餘力亦未嘗踰丁禮擇交
惟慎滿漢過從日盈座上心許者什不一二而春風
所被人都傾倒也公無所嗜好居第十年不增一様
惟好購求古今遺書有饒者輒受之積至萬餘卷分
部標識次第井井有所抽覽信手而得號曰古友少

壯時常獨宿其一室顏曰吾廬舍枕樸素若寒峻老
俗然公以貴介居顯官囊無長物貧親故有乞恤者
不克應則怒如調餽偶有所入不移晷輒多寡散給
之手其餘曰此我物乎抵暮無更乞者甫以付家督
家督習公性夜半必爲支用或曰盡詰朝家督曰詰
朝非主人物矣所親常微諷曰古人一介不取一介
不與公廉於取羗獨喜予公笑應之曰我學得半邊
古人耳文肅公三主禮闈時天下督學使者多門下
士或有欲登童子科者乞遺一札公詰之曰童科有
額否或曰有公曰富一得貧不一失乎譬而遺之公

學源堂文集

卷之七

九

貌如冠玉頎然而長力能開五石弓射可穿札礮宇
鎮重巖巖若泰山一日與其同年生翰林郭恭坐談
書齋地忽震戶外人聞然走兩人對談弗動頃之大
震郭輒起公曰幸坐談如故震已郭謝曰其愧不及
公矣有江右遠族某僞爲公札謂一縣令令疑之封
其札使使來質聞者皆恚曰是當懲以法使者索答
公曰不僞幸善遣之左右皆不懌公曉之曰若非大
有奸也一不應則立斃矣衆始服公之厚公在內閣
上問及家世知爲文肅公子 上喜曰爾若子耶及
乞假調理 上問何不見承謨大學士以病乞解任

對 上曰仍起用否大學士以病痊仍補原官對

上領之人以語公公感激矢報曰臣身不死當爲國

致撫浙 陛辭 上曰浙江東南要地國計民生悉

委卿矣幸善爲之將赴閩 上曰海氛未靖地方困

苦已極煩劇爲天下最卿廉能亦爲天下最故特倚

任賜御衣帽上廐良驥鞍轡異常數 命近侍就而

更諭云衣帽皆朕素御卿衣之如親朕也公感謝而

出及公盡節 上聞之震悼彌日諭公子弟曰賊壞

我柱石臣獲醜時當雪此恨慰乃母勿已慟始終荷

上眷如此公廉節爲海內推服而忠義更足感人聞

學源堂文集

卷之七

辛

變幕客健士五十三人皆不降賊被拷掠甚酷不稍

屈公於禁中聞而義之密以手書獎勵者再部曲張

福建者聞公被執上馬大呼雙鋒亂下殺賊數十人

力竭死之精忠害黃巖總兵阿爾泰公剪衣鉅數枚

付許鼎曰爾將是治酒果爲我奠之了我心事鼎曰

無須此鼎可自辦公曰汝自辦予心終未了也精忠

勢日威計無聊道僞總兵王振邦夏季望來問曰公

在杭間與水月和尙交渠能前知會言時事乎公叱

曰我大臣彼方外人何交之有精忠欲問禍福乎我

知之佛書不過教人爲善忠臣孝子善莫大焉彼如

悔禍束身請命弗遲也倘負固怙惡必死何疑振邦

等爽然而退城平閩人建祠以祀浙人建祠祀於西

湖之七賢祠左公讀書能彊記所爲詩文多奇闢杰

與至聞發忠孝語則人人可解著作各體皆工每成

一篇示同志一二人已則碎之所餘不過數十篇公

子時崇搜而輯之合奏疏共若干卷曰螺山文集文

肅公墓在螺山故公以自號也

學源堂文集

卷之七

辛

吳方漣御史傳

吳侍御初名玄石以避御名改雲清字方漣別號魚山樵之歟人也先世以服賈貴雄於里至公父青原公業儒不問家人生產且中更喪亂家遂落公力學能文章舌耕以養親居松江數年所交皆賢達長者名以著已而遊杭州杭人士慕之號與為友因勸就商籍應浙學使者試補博士弟子員辛卯舉于浙壬辰成進士釋褐歸歙遊青原公歿三年服闋請遷得粵西潯州府推官時兩粵初入版圖仕者憚荒遠多難之公不為意至潯猷決數大獄明且允上官稱其

學源堂文集

卷之七

三

能服官三閱月撫軍都御史破格薦於朝時嗣賊數千犯潯州薄城下居人驚竄殆盡守亦亦託而逃公獨留從者危之公曰我受命李茲州冠至引去謂守禦何若輩小人去自去吾不汝聞與威與俱守賊疑有備遂巡不敢攻會桂林援師至城以全丁西巨寇來窺潯州臺使者議大用兵公曰賊烏合剿則玉石俱焚潯且苦供億撫之便上官從之公單騎入賊壘咆宣威德曉喻利害賊驚而降臺使者益重其膽畧錄前後功交章薦奏徵擢為侍御史兵部督捕司職緝通逃多所逮染率鉅奉露處瘐死者相枕藉公哀

之疏請造獄屋罪人賴以全活癸卯甲辰間更任子

授官例筮仕得為州邑長公曰大家兄弟弱冠膺民社慮美錦而學製也萬有一賁越恩蔭之謂何慨然以慎重民牧為言語殊激直以是得譴謫落二秩論者惜之公曰人為予惜官予為予惜言歸而將母墨無佗係未幾有繼公為言者輒報可任子始用試而後官公聞而色喜曰人言行吾志遂矣升沉烏足計其服官沉毅類如此母終起補國子監監丞轉行人司副志趣澹宕不汲汲于榮利重友誼與同年三五人為文酒會看核不備典衣以供飼是僦居僻地種

學源堂文集

卷之七

三

竹蒔花有過從必與飲去則靜坐一室中潑茗焚香讀書臨古法帖悠然名素風流為時所尚丙辰不病而卒歿之日所親為檢其囊酒器書卷外無長物所著有寒潯吟星槎草紀遊草臚軒集勸善集聞見集計若干卷

詰授資政大夫吏部左侍郎督右侍郎事地一

楊公傳

公諱永寧字地一別號起齋世爲山西聞喜望族父聯明熹宗時以孝廉仕守寧州有惠政子六公最少穎敏過倫諸昆撫之曰若必大吾門我輩難爲兄弱冠南極羣書名滿汾晉已巳補博士弟子員時江西大儒坐繼成督學山右讀公文曰根極理要規模大家普才之冠已卯舉于鄉庚辰辛巳晉秦中寇禍歲且後時事日替無意仕進乙酉丁母憂已丑應南宮試以日肯不終三閤壬辰成進士是歲世祖章皇

學源堂文集

卷之七

詩

帝大昕親視臨軒發策傳臚後妙選百四十人試古文詞詩賦拔其尤者四十改庶吉士公以高等得讀中秘書在館時浣衣麻馬淡樸一如諸生屹屹覽誦學益淹博甲午授弘文院檢討與修祀典禮制乙未詔選詞臣有經濟才者優補藩臬監司習民事擬二十八人次及公上曰某老成謹練仍畱侍從內申陞國子監司業時祭酒久缺公專領匪歲以本學爲人才根本地請復考課積分法造育者八百人多致濟要戊戌分校義經已亥陞侍講學士辛丑爲武舉會試正考官壬寅轉侍讀學士讀學例遷內院學士

參知票擬壬寅癸卯間率用通國書者爲之用是

八年不得調丁未陞光祿寺卿蓋異數也庚戌轉太常寺卿尋擢宗人府丞遣祭少昊帝堯及闕里孔子諸陵墓役竣拜都察院左副都御史公慨然曰讀書服官垂三十載國是民生多所揣摩末由建白今雖處非其據竊願傾夙學以塞報稱在憲府纔三月上封事者再旋拜兵部右侍郎人爲公慶優遇公曰貳卿固貴靖獻非職矣未幾滇黔逆作四方大用兵徵發期會無虛日公日夜寢食司馬署中雖小病瘳不敢告勞如是者五載庚申調吏部左侍郎先是公恒

學源堂文集

卷之七

書

聞人談銓曹批政咎當事者悅從曰我不克居此職倘居之當不貽多口羞及佐銓遇事爭執義形於色往往奪所司議郎吏折服曰孰謂楊公弟渾厚者凡廷議及會推輒侃侃發論無稍瞻顧以是九列引重辛酉冬滇黔平公年七十體中時不平語其子曰我一介書生仕躋少宰歲游古稀宜其知足適者諸逆未殲海內勞耗致勤聖主宵旰老臣庸忍言去今幸矣明年當退尋城東綠野跡也會翠華幸盛京不卽遂所請公益勤于職三月十五日會議畢歸私第濡筆作家書約以秋歸書半忽起立曰頭暈語未

竟輒什踰時卒公性詳慎潛定不苟言笑人咸敬孚
比賊破漢中關陝震騷河東州邑無有寧宇公寓書
里中脩言賊勢烏合必不敢出棧道一步計日可滅
驚者始定公雅不好雌黃人物乃勇於薦賢爲所舉
者皆得任用少時結文社于里公爲主盟相次登仕
版有不偶者車笠無忘公尙儉樸邸第甚隘二十年
不增一樣獨損俸錢修聞喜會館丹雘華盛題識精
工不惜倒囊自奉不豐而潔與同年宦中朝者月一
聚酒戶不大喜對客引滿夜分猶留賓諸同年生日
古人有真率會如楊公者可謂真也居恒戒子弟
學源堂文集 卷之七 美

例

勿驕奢親族貧乏則賙給不倦官學士時乞假歸里
築小園輦文石爲假山種竹蒔花往來步履與父老
值問訊道故無異疇昔人亦忘其爲貴顯也計至里
門聞者雪泣奏至 行在 上震悼不已予祭典如

內翰林國史院庶吉士上若張公傳

公諱潛字上若其先上黨襄垣人徙磁州世有顯者
八傳而至兵部尙書湛虛公爲最顯公其第五子也
姿稟英穎器質端偉十二歲青其矜牘爲侯尙書六
貞所嘉歎從父宦粵東下帷攻苦舉子業大成司馬
公賦歸公定省不晷離甲申寇熾司馬公渡江避先
行公奉母繼發道梗間行山谷中徒跣破踵二千里
而旅聚於姑湖人所難也乙酉河北庠定返里丙戌
舉於鄉冠一經已丑中春官試壬辰對軒策成進士
選讀中祕書稽古咨今期以文章爲經濟試輒高等

學源堂文集 卷之七

五

癸巳以母病乞歸省乙未丙申丁內外艱已亥起復
與戊戌已亥兩科同教習會 世祖章皇帝命入覲
監司條奏地方利病大梁道沈公荃爰詢于公因念
鄴下朝歌郡當孔道歲苦供億實畸累也請以後凡
大兵駐二郡勿邑協力供應則衆擎易舉民困可甦
沈公然之章上得請且爲永例未幾 命公補外同
人錯愕或謂以公爲名臣子富於學俾外習紀綱法
度需大用或謂有杞之者公不問怡然歸鍵戶簾閣
手丹鉛六經左國史漢八家暨陶杜詩集校讐批點
博極淹通多所纂著卓識弘覽與孫鍾元徵君理學

吳洽筆札往復歲無虛月其最爲徵君心折者有曰
其學問在行誼若知而不行猶未也願以此共勵來
學三輔南河稱夏峯淦陽兩先生如泰山北斗于是
一意篤行無孤姪如已子病則禱神有異驗公幼受
經于無錫孝廉唐廉生歲時周問不衰歿爲服心喪
卹厥藐孤友有貧不能婚其子者資之娶已而盜竊
新婦益婦志而病狂公更置如故物付之婦立愈州
士老而獨病且死可以勿死憂無殮而日劇也公爲
買棺資醫藥士竟以起路有棄子者曰惡其孿也公
兒之卹然曰乾坤大父母顧有是乎收育之里居二

學源堂文集

卷之七

天

十年非公不至州署遇鄉人大利害或不平事則
侃侃論列鮮所顧畏喜志人善凡孝行節義皆爲小
傳藏笥中公性行固茂尤得力于家學讀所梓司馬
公雲隱堂集繼述較然已公器宇方嚴少不好弄長
無戲言人有過輒面諍之壬辰癸巳間都鉅猾輩事
敗有司置極刑公訝而詢之或指其不法狀公聽而
怒拍案曰死有餘辜及談其溢穢事公面頰掩耳亟
走曰不欲聞其嚴正益如此公生平時體豐碩登蓬
大故慟傷脾未老而癯齒亦落年五十八以痰疾歿
十三樟端柳環橋恒榕端丙辰成進士官編修

李文敏公傳畧

公諱國楷字元治高陽人萬曆癸丑進士改庶吉士
授檢討累拜詹事學士充經筵日講官以講書經稱
旨數被寵注拜禮部尙書兼東閣大學士時閣人魏
忠賢竊弄威福中外競相媚事之公辭新中立貞不
絕俗璫外憚而中忌之宣制時璫人相顧錯愕聞命
上疏懇辭帝不允始拜命入參太政期於遇事周折
歸於正初忠賢欲敘邊功合諸營建捕緝勞三進丸
錫可徵王封公極言恩不宜濫璫意不得行嗣忠賢
矯詔建坊於里且錫忠臣印勒天下槩爲祠公力持

學源堂文集

卷之七

五

不可而寢及熹宗憲凡顧命承諭傳聖五弟乃大聲
宣揚頃刻由禁中遞達殿下用絕非常熹宗大漸璫
矯遺詔以忠賢首受顧命公削之曰奈何當此際致
主上亂命乎戊辰崇禎帝即位帝在潛邸雅知其委
曲維護之勲一意倚之爲重凡大典冊悉出其手未
幾忠賢伏誅黨人株連者甚衆命公同定逆案俾無
冤濫事訖奏曰先帝拔臣爲講官會力辭成命嗣威
人言謬爲浣淖與居或可挽救一二不謂忠賢凡不
得于票擬者輒假上諭以行外間安從得知今幸陛
下削除滌蕩世界一新回想臣曾待罪台司上之不

能如申屠嘉之困鄧通韓琦之斤任守中次之不能如蕭望之之死于弘恭陳蕃之死于王甫雖悽惻城社稷灌力窮而一年之內狹狹與居地與處人非鬼責無地自容乞與賜罷免以白臣心帝曰卿忠清端亮善爲調劑誠然砥柱况始終無阿心跡甚明可爲首輔機衡重務朕今悉以委卿遣官敦趣入直公念帝方銳意明作凡所興釐正宜懲于已往杜漸防微條次數事以上又請優卹楊漣等皆見採納復六上辭疏帝爲感動允去予告恩禮近代所稀歸而以得侍母爲快立家廟置義倉訪少年同學爲白洋葛

學源堂文集

卷之七

手

文敏

山之遊居六年而卒朝廷震悼遣官祭葬贈太保諡

總監保定等處軍務司禮監太監方公傳

方正化字允和山東文登縣人天啟時年十七選侍內廷隸司禮監掌監高時明下時明器之引爲坤寧宮近侍魏忠賢濁亂國政時明爲所嫉諫其下者皆不得志莊烈帝御極宮府肅清以龍潛時太監王文掌司禮監不勝任文素知正化賢而才延爲佐理多所裨益疏薦爲司禮監秉筆自是見知于莊烈帝名重內廷時介更多弊孔命正化分投察核夙弊一清擢北司管理奏章丁丑命總監畿南保其兩府紫荆龍泉倒馬固關諸軍務兼勘山西礦務極力振飭造

學源堂文集

卷之七

手

火器積儲皆備已貴不擾閭左兵部尙書楊嗣昌亟稱之戊寅兵變力保兩郡後論屬邑失守逮下大理寺獄旋宥之謫發閭都正化至江南益讀書說劍志在報國癸未釋寧家李自成破西安勢披猖有窺伺京師之志朝廷命將出師雲集者四十萬多敗績甲申真定兵譁巡撫都御史徐標遇害廟堂不得聞後稍稍知莊烈帝奮怒曰外廷諸臣無一實心任事者朕將何恃因召太監高起潛等至萬歲山諭以遣委之意正化與焉衆皆唯唯正化昌言曰國家事敗壞已極欲反危爲安非長才重望不可陛下當於外

廷諸臣中求之假以事權大破情面庶可收萬一於桑榆臣輩祇可供傳宣脩使令何克當大任乎不寧無濟恐萬世而後有累聖德帝泣曰爾言固是朕無束手待斃之理亦須稍盡人事以聽天命爾等勿固辭復其官仍加司禮隨堂正化欲再辭左右扶出退謂其曹曰我此行一死何難第恐天下後世謂主上任用宦官致危社稷豈不上玷君德下貽譏貶乎大哭而出時甲申二月十七日也正化出謁時明時明執其手曰汝意何居正化曰此去不負君恩不負教誨與城存亡而已時明曰一言已蔽吾無更屬矣歸

學源堂文集

卷之七

七

第募勇上市騎械五日而出都門趨保定比流寇已入固關所至皆開城迎降保定方戒嚴正化至亟議戰守署府事同知邵宗玄通判王宗周推官許曰可清苑縣知縣朱永康曰可永康皆建泰親改總兵馬岱慷慨出戰焚殺其妻孥率所部健卒去正化督率宗玄及郡人光祿寺少卿張羅彥禮科都給事中尹洗等悉心捍禦未幾督師內閣大學士兵部尚書李建泰退奔保定遣中軍副將郭中杰叩城求納正化諭之曰相公奉命督師有進無退見賊不剿反趨而避之耶中杰曰相公佩有賜劔抗者即戮公將試其

鋒耶正化曰上方劔用以斬退縮不用命者爾欲誰斬建泰復以餉金可虞徹切求納正化不得已許之建泰率白甲軍五百餘輦金四輛入五路總兵馬科等頓於外請令建泰不應請餉亦不應科等叛去次日賊薄城下射書城上誘降正化令宗玄碎其書礮矢齊發賊不敢近詰朝賊大至渠魁傷權將軍劉方亮書牌驅難民持至陞邊邊呼曰京城十九日已陷爾輩為誰守急出降保全萬姓正化復碎之懸重賞以勸守卒抵暮有自東師逃至者訊之會云京城不守正化與宋憲等事不之信而相向飲泣應諾

學源堂文集

卷之七

七

众志閉門北拜爾是賊攻益厲礮聲雄傑如粉守者堅木以自固船凡落城市中和而人皆戴板循牆走猶守隘饋食樂志彌堅先是建泰在鍾關已降賊知保定為重鎮密約賊人為內應正化覺之跬步不相離建泰無所為至是守益固賊呼郭中杰責其失約中杰詐傳止礮宗玄曰止礮何人意欲降賊耶宗玄惟一死耳餘不敢聞也正化大驚詢知為中杰詐傳欲置諸法建泰怒起曰南賊告急我當往視率其健卒去俄而南城守弁王登洲縋城降賊正化守河

北隅猶礮矢並發忽傳兩陞水浪南甬久起旋傳南

城門開城遂陷建泰率白甲軍擁日可永康出北門
去正化知不濟北向叩首免胄自刎死從者數十人
皆被害賊斷正化首擲城外時京城破五日矣事平
保定人感其忠建祠祀之

邢瘋子傳

邢瘋子者邑之賣菜傭也無名字未讀書能道古人
忠孝事有母有兄每晨出賣菜面傅粉或塗墨簪草
花或歌或等童稚羣嫵侮之不爲意崇禎壬午癸未
間行市中口屢唱如有所詬詈或詰之輒弛荷劇談
上自乘輿下迄邑宰尉無不指斥其非時中外大用
兵制府關帥能一一舉其名者者食者者儒者者縱
部曲擾掠民若者樹黨行私國君父有無真偽人不
能辨雖顯官悍將輒隄詛咒之辭所願畏且語且
泣目眦口涎交下手揮泥人衣觀聽者恒堵立咸嗤

目爲狂談已荷籠去有嘲之者謂爾口喋喋爾肩不
脫是擔奈何瘋子瞋目厲聲曰咄咄若謂我善是擔
乎是非我不在今朝中辛相閭外將軍誰克任是擔
者益嘆惜不休菜嘗不爾爾則買酒肉奉其母母兄
謂非貧家計也共誦讓之瘋子乃據地大哭襍引王
祥孟宗事以譬解母始釋一日倩人書一紙實封投
官府謬云陳地方利害啓之皆指守令不道事官府
怒欲扑之左右曰瘋子也不足治僅而獲免甲申流
寇破城不見或謂死兵死水又云削髮去爲僧不知
所終史氏曰瘋狂病也朝政之得失將相之賢否守

令之撫虐何與賣菜傭事而顧噴管不休也耶謂之
狂也固宜以余觀于有明之季毀綱裂紀寡廉鮮耻
黨私害公羣然恬不爲怪正人端士抱憂心持危論
者非謂之迂即詆爲狂咎亦隨之噫甲申三月間所
云緘默合時宜者竟何如也而邢瘋子則死兵死水
死不知其所在蓋猶幸有此野人之狂也夫

房季子傳

房季子者名廷祥字發公號恂菴陝西三原人生而
穎敏日誦唐詩數首九歲能屬文詞意卓犖十三歲
童子科有司奇之補邑庠博士弟子員隨父守太原
擁書數百卷耽研無遺帙爲詩歌奕奕爽備崇禎癸
未冬歸里時李自成勢方熾竊據關中迫紳士之才
望者受僞檄父走慄深巖中作黃冠狀圖奔京師陳
剿賊計季子年十四從之行母難之季子曰軍國大
故嚴親抗節國恩不可諉親難不可諉有兄在母無
以子爲念衣敗絮扮清童夜分潛出賊騎橫周道乃

涉洛水躡王屋備歷危險晝伏荒榛夜行積雪跋涉
二千餘里都在哭泣驚怖中甲申夏途次聞國變父
號泣絕粒季子長跼慰解曰父死國孱弱之兒安所
依委骨道左疇復知者無國尙有家強爾爾存莫或
有濟也父領之隱忍與返襁褓危絮親者弗識居無
何父病會國朝徵書存至不克起應亦其志也詩
卒季子帶經廬墓終三年學益富築室于家廟旁預
日讀父書處手植松柏躬爲護溉長而慎交遊寡言
笑巖巖有長者風兩赴省試皆中輔車以諱由作錄
也嗣乃潛于進取稍稍與方外人談性命之學結茅

山峪志將終焉伯兄慎菴公官江右往省之登匡廬
泛彭蠡攬結勝槩歸而從里中宿儒李中孚受濂洛
宗旨關西之傳將典無何遘病卒年四十四無子仲
兄以子子之著書若干卷藏於家懿哉季子益至性
人也庸區區讀書學道云乎哉臣不遺君子不遺親
允仁與義已耶署而不遺君釋子而不遺親庸煦煦
子子云乎哉季子博于學而顧艱于一第耶精於書
法而顧誤于一字耶是皆至性皆苦心也嗚呼季子
其不可及也未

張孝婦傳

孝婦姓張氏清苑茂才我琴之女母孫氏前國子監
祭酒泰器公之女弟也俱早歿祭酒公撫孝婦若已
女及笄爲擇婿歸邑諸生王延褒王爲邑望族先世
多貴顯孝婦事舅姑惟謹甲申以後產中落兄弟皆
析居舅姑獨愛與季子俱孝婦節縮自持甘旨必備
一盞一蔬必躬爲烹飪三十餘年如一日延褒遠出
姑感時疫病幾殆侍者畏傳染皆託故避去孝婦曰
他人可避也我卽染疫亦分所應親奉湯藥者七十
日中裙屣無不手自澣濯姑得愈孝婦亦無恙延

褒六年於外翁病篤孝婦侍養一如侍其姑翁彌留
時願而喃喃曰天下第一孝婦疾革殯殮成禮不以
偏累昆弟拮据之苦至于篋無寸絲鄉黨稱焉厥後
家益窘奉老姑益孝同寢處者十四年姑病忌生冷
孝婦手製土爐三大小蒸煮之具悉備無晝夜但索
湯粥應聲而進扶掖抑搔視于無形聽于無聲姑于
疾苦中忽大聲曰阿彌陀佛足矣足矣孝婦請故姑
曰吾八十七歲始終賴爾孝養豈不足乎孝婦秉燭
侍姑四閱寒暑積勞成疾隱不自言服勤無數姑歿
時延褒之兩兄先卒一弟窶甚母卒不能殮夫婦對

泣累日夜殯不能葬對泣復累日夜孝婦以是成瘵
痺不任衣履輾轉床褥者四年丁卯七月卒史氏曰
世之稱孝婦者罕矣有之非制股即蒙難莫以勸此
孝婦爲王氏婦者五十年豐之日少嗇之日多窮困
坎壈卒無息易翁之終曰孝婦第一姑之終曰足矣
足矣是誠孝婦也或曰孝婦結禡時孫大司成予廩
資二百金孝婦不自私奉翁爲置別業兩女皆字貧
士甥館歲有需亦稱貸以給仰事俯育皆人所難能
是則緒餘耳故不入傳

學源堂文集卷之八目錄

行狀

誥授通議大夫山東分巡登萊道按察司副使

捷軒連公行狀

誥授光祿大夫太傅兼太子太師戶部尚書保

和殿大學士坦園李公行狀

待贈孺人劉毋李夫人行狀

學源堂文集卷之八

清苑郭祭快園著

行狀

諸封通議大夫山東分巡登萊道按察司副使
捷軒連公行狀

康熙壬戌二月十九日捷軒連公歿公之季子國柱
述公行實屬余爲之狀辭不獲已爰據而畧輯其梗
槩以待後之作者按家乘公本山東之昌樂縣人明
永樂時始祖來與以戎籍實遼東卜居廣寧數傳至
曾祖士鵬有軍功官執金吾受世職生舜軒公以孫
學源堂文集 卷之八 一

貴贈通議大夫公即軍子也生而英挺不凡舜軒公
特鍾愛之成童受庭訓敏悟逸倫弱冠時廣寧歸我
朝版宇得隸旗下恭遇 太宗文皇帝建立辟雍選
三韓俊乂肄習教育公父子同獲觀光園橋時甫脫
絛極艱辛菽水洗腆雖窮厄未嘗匱乏以苦孝聞於
閭里甲申從 世祖章皇帝入關定鼎之初凡太學
從龍者悉拜守令乙酉授玉田縣令邑當兩京衝要
將士往來晝夜絡繹供應繁且劇公以鼎革荒昧應
爾不遺餘力過者賢之未幾佔田之令下邑四境皆

爲勲貴采地致幾子遺百不存一而霪雨爲災賦額
多逋民皆鴻去痛與繪圖請于上官獲邀捐減稍稍
復業而准村驟警民無寧宇公身率健卒殲厥渠魁
綏輯教養以次敷施政聲大著巡撫中丞耿公淳疏
聞于 朝丁亥擢守順德府郡之衝不減于玉田乘
傳者率恣意橫索無敢誰何公力抗之而民以蘇爲
郡時首先除惡鉅鹿有大慙某蓋介弟也所行多不
法一邑皆其几上肉官不敢問公廉知之拘而置于
法百里快頌郡近山與晉之遼沁壤相錯草竊負隅
接及邢州乃親督將卒平之民爲建祠頌功德治郡

學源堂文集

卷之八

二

不期年山東巨寇于七倡亂齊魯間勢將燎原 朝
廷詔舉文武兼資吏往剿之當道者咸推轂公擢爲
登萊備兵憲副聞 命慨然就道抵臨清與寇遇或
曰可枉道避之公曰我來辦賊而避賊乎或曰非治
境公曰辦賊亦有分土乎介馬而馳直衝中堅矢無
虛發賊自倡獮以來第一大創也遂披靡遁去復檄
臨清官兵破其巢以行臨清人士爭畱之公笑謂曰
此舉已越俎矣若欲我久假乎刻期蒞任時賊號數
萬連營蔽野阻海寧諸州邑橫不可當公馳至郡爲
總兵大將指陳形勢約期協剿一戰於文登再戰于

萊陽三戰于棲霞皆出奇制勝斬獲無數恢復州邑
賊以平賊渠于七率二十騎遁于勞山喜曰此襄中
物也懸賞格以致之會有主撫者督撫從之力爭不
得公曰失此不擒貽憂方大後果如其言事平 詔
優褒增秩兩郡歲凶道殣相望于是捐貲倡賑多方
勸輸所活甚衆兩郡以安先是登萊搶攘巡按御史
不來臨至是始至多所督過公厲抗之因得罪爲所
中遂拂袖歸壬辰偕子若弟卜居保定甯心墳典訓
課惟嚴暇則探幽選勝梳酒自適伯子國輔官侍御
公教之曰居官以廉爲第一義竭忠報 國惟才是
學源堂文集 卷之八 三
視耳國輔奉教惟謹著聲西臺遇 覃恩封公通議
大夫癸卯季子國柱登賢書選授廣東歸善縣知縣
瀕行念公春秋高依依不忍別公曰我父子世受
國恩我老不能圖報稱爾年富力強豈可憚于險遠
若以我故多所徘徊非忠亦非孝國柱聽悚惶揮
泣赴官閱五年萬里遙阻每家報至諄以潔已愛民
爲訓不及家事國柱旋內擢計曹歷陞兵部郎中公
時來京邸中衙回卽詢所理何事是則懼否則屬呵
之伯子國輔左遷廣東分守高羅道少叅時粵東沾
危人不欲往來辭公于別墅居無何卽促之行曰君

恩臣節四字爾當謹識廷弼公曰敬受教至粵賊迫
授偽職莫可逃避仰藥而亡計至公慟哭之曰吾公
一子矣吾有一子矣然亦以是眠食稍減二目昏眊
不甚接見賓客惟以課幼子孤孫爲事去年冬暮病
嗽喜食涼味復患泄瀉醫治無效遂卒公姿性現茂
器宇軒豁負文武材善談論見義必爲少年以賢豪
聞于里事親苦孝在廣寧時兵荒洊歷八口艱食負
米如仲由樵薪如買臣或採藜藿以供晨昏或弋鳬
雁以充甘旨未嘗以勞勩言于家及身躋通顯行與
人道絕不少諱而儉樸節約一如諸生教諸子一言
學源堂文集 卷之八 四
一動必循規矩有不合對客叱責且篤于親故賙給
不倦公之內兄高公明季播遷山左相繼物故遺孤
寄養于大焚焚無倚公官登萊訪得之撫爲子名之
曰國棟飲食教訓無有殊別學成遊泮與季子同登
癸卯科鄉試仕江南青浦縣令公待人和易坦白獨
不肯輕假一笑守順德憲登萊抑強扶弱多爲勢家
所銜以是罷官不悔僑居保定三十年無少長賢愚
罔有不識談啁流連往還傾其座人故衆成樂就之
地方利病有紳士所不能白者獨無所忌諱侃侃論
列不得不已宦遊八載所至矢清白賦歸以後蕭然

四壁處之泊如七十老人善飯健步往返京國騎而不車控縱若少年且性不近名八旬初度親申爲文稱觴以慶力却之曰吾祖享年八十七父享年八十二皆未慶余纔八十耳何慶耶跡其生平性行功德官階福壽亦可謂無愧無怍可述可志者矣謹爲狀

誥授光祿大夫太傅兼太子太師戶部尚書保和殿大學士坦園李公行狀

康熙二十三年甲子六月六日保和殿大學士坦園李公病篤余往候公顧謂之曰四十載老同年茲永訣矣泣下余含酸慰問之公曰肌肉久消腑液殆盡安有生理余曰公爲朝野具瞻彼蒼豈忍出此幸靜心調攝無多顧慮公曰臯夔稷契數盡則已矧劣如我乎生平無茂德畸行所自信者無欺無私耳君與我生同里幼同學長同榜仕同署薄陋浮生勝我自知如渚先朝露冀有以狀其行爲異時譏評左據余

聞而雨泣唯唯受命越五日公殂公之子出手作年譜及絕筆一詩一偈示余尋治命也於戲余與公交四十四年矣弱冠時嶽嶽各自命深相得數數以詩文爲切摩頗悉公居家事三十年來秋分固懸殊而造謁將迎絕不掃門宇倒手版也且僦屋距公第不數弓以故又悉公立朝都檠余落拓偃蹇多所醜覲獨傾倒于公甲辰以後尤相與究極性命之學所見畧同癸丑秋公秉鈞已十五載每向余言曰我聞知君不栖栖于祿位及今不甚衰行其徜徉于葛山白洋間尋少時遊跡不其豫庠余聞之起舞未幾滇

齡逆作公不言去余亦不欲其言去爲公非爲私也
孰意傳說遽爾騎星平津忽焉捐館也耶元郝經歿
劉文靖得其一字皆收藏若珍曰使學士而有軼言
也後死者不能辭其責余其能辭乎按公家譜本高
陽舊族父續溪公諱國楷前萬曆癸丑進士歷官光
祿大夫左柱國少師兼太子太師吏部尚書中極殿
大學士贈太保諡文敏祖振野公諱知先曾祖東少
公官臨洮府經歷明天啟時俱以文敏公貴贈如其
官今以公貴再贈如公官高祖諱師孔以文敏公貴
贈如其官四世祖諱儼明成化戊戌進士歷官山西

李源堂文集

卷之八

七

布政司叅議五世祖諱甫榮以少叅公貴贈奉直大
夫六世祖諱進七世祖諱德明始祖諱平福世居邑
之龐口村文敏公四十一歲繼娶趙太夫人生公于
京邸公生有異相日角河目音吐如鐘成童穎悟絕
倫文敏公鍾愛非常或謂四十舉子安得不愛文敏
公曰是非怕輩所知也雖少年十子吾亦特愛矣蓋
豫識公爲偉人也辛未公七歲文敏公卒公哭之哀
族党稱異九歲就外傳丁丑十一歲卜藝文敏公于
新阡戊寅高陽被兵城不守文敏公起家詞苑素風
廉隅官端揆而家無長物至是復蕩然已公乃奉繼

母張太夫人傲居京師以張爲都人也辛巳應童子
試青其矜督學侍御金壇吳公履中發榜日召公前
而語之曰子文有奇氣弗馴于法故置第三然非久
在池中者也癸未娶陝西關內道少參朱公次女卽
今一品夫人也先是少參朱公家居與公授經師孝
廉黃卜周友善恒過其讀書處奇公額數與語應對
如流觀所爲文益驚喜遂憑黃孝廉定姻盟甲申公
舉室旋里未幾應科試督學御史秋岳曹公得卷稱
奇首錄之時兵燹之餘公與余以赴試遇易水衣履
襤褸猶談笑軒軒若不知有喪亂者步出易水西過

李源堂文集

卷之八

八

荆軻故里置酒據石大飲慷慨賦詩以兔毫淋漓書
壁上觀者逡巡不敢逼眎明年乙酉秋公與余同應
鄉試公中第十七名余後者八公曰我兩人之不魁
一經也得無以其奇乎及闔闈牘公以義經擬第二
余以戴記擬第五旋皆以語奇爲本房次卷丙戌會
試公得雋廷對後改庶吉士入館習國書試皆高
等同館多英雋意氣震舉車馬衣裘甚都公本華胄
年最少乃慎儉自持衆共推許丁亥分校禮闈得士
十九人半爲名風旋授內翰林祕書院檢討己丑遇
覃恩加一級授階文林郎辛卯貢詔闕中資捧非

詞臣職時以太行人寥寥不足遣所司請以詞臣省
諫代之請要壯遊歸裝多載方物甚者歌喉舞帶不
勝之華公入閨月往返萬四千里携來者圖籍毫楮
而已著有闕役紀行畧伴星草各數卷壬辰陞編修
癸巳 御試滿文居第二 特擢官坊中允旋陞國
史院侍講學士充纂修 太宗實錄官乙未陞祕書
院學士 召扈從南苑參與章奏充纂修順治大訓
副總裁 日講官奉 命進講易上繫首節 上爲
靜聽之昔文敏官少司成時明熹宗幸太學命公坐
講易公發明天人大義以是受知于熹宗公亦以

學源堂文集

卷之八

九

講易啟沃聖聰何其異代而濟美也是月復有教習
庶吉士纂修 聖訓通鑑全書副總裁之命丁酉遇
覃恩加一級充經筵講官戊戌偕大學士聊城傅公
主禮闈一榜皆海內俊杰文學經濟至今多有顯著
試竣考滿加一級廕一子入監讀書五月陞內院大
學士同時則曲沃衛公以吏部尚書并研胡公以禮
部尚書承簡用獨公以學士爰立洵爲異數公爲學
士二載每進奏 世祖章皇帝常注視之公爲懷然
益勤飭至是始知向之注視者蓋 簡在也十月再
考滿廕一子十二月 命同滿洲大學士巴公金公

及吏戶刑三部尚書都察院左都御史校訂律文已
亥三月加太子太保五月以票擬兵部疏有誤降四
級調用客有曰錯失耳何致鑄四秩公曰政本何地
大學士何官凡有錯失雖小亦大詎可容薄謫鑄秩
寬典也閉戶謝客讀書學鼓琴居三月 命復原官
庚子甄別京官公具疏自陳請罷 溫旨褒留辛丑
正月七日 世祖章皇帝升遐大臣哭臨公聲塞殿
宇或謂音起丹田特異儔伍不知公益感激知遇慟
極而聲傾也歸直氣歎者彌日撰 皇上登極恩詔
倉猝立就文不加點王公大人靡不嘆服 覃恩誥

學源堂文集

卷之八

十

授光祿大夫廕一子七月 詔改內閣仍爲三院公
爲內弘院大學士十一月 賜錦貂朝服舍利猴裘
各一十二月賜紫貂裘康熙元年壬寅考滿 賜羊
酒表裏各四疋癸卯六月會葬 世祖於 孝陵公
步履從事不自知瘁又奉 命爲 孝康章皇后點
主事訖賦詩以志哀慕八月祭 文廟奉 命行禮
先是皆遺滿大學士 命漢官自公始甲辰主試禮
闈是科罷制義以策論取士公與同事議云論題必
不脫傳註方取中支離不經者悉落第恐如宋人意
見雜出致經意榛蕪也四月 詔加一級食俸丙午

總裁明史丁未二月京察公自陳請罷溫旨褒留
八月充纂修十一月遇覃恩加一級頂帶儀從准
同伯爵是月充實錄總裁十二月奸僧來獻月
華圖上命公同滿洲學士至禮部詳訊之來峯詮釋
圖說語皆鄙誕不經同事者欲持以奏公懼惑眾第
口覆之詔下刑部治僧罪識者以爲得體戊申五
月不雨命公同巴圖魯公熬拜暨滿洲大學士
士清獄三日報竣末減者七十九人釋者四十二人
又議釋認工未完者七案清獄之典惟是爲大九月
撰大藏經序成太皇太后賜綬十疋十一月欽天

學源堂文集

卷之八

十一

監正楊光先與西洋人南懷仁等論曆法得失不決
上命公同禮部觀其測驗日影懷仁所算皆合又觀
測驗吳明烜時憲七政三曆法亦得明確已酉正月
測驗立春日影及火木星躔度太陰行度雨水日西
洋法皆合三月觀杭州人邵泰衡測驗日影月星行
度所推皆不合按曆法立春日躔陬之次水星行
疾至夜不見觀者都不能定公以水星日行度幾何
日暮已越幾何遂定其乖合泰衡以服八月覲別京
官公自陳請罷溫旨褒留之十一月宮殿告成
恩賜綬緞六端庚戌五月章皇后升祔禮成恩

賜綬緞六端九月上召公至弘德殿詢問經史大
義進講論語八章大學三節中庸一節並奏周易揲
著法上皆悅納十月改內主院復爲內閣公得爲
保和殿大學士餘銜如故辛亥二月引見天下朝
覲官命公宣諭戒飭一字無遺而詞氣輕重間具
見戒勉之意聽者懽然足月病目上遣御醫就第
診視並領藥餌四月充重修太祖太宗聖訓總
裁壬子正月五日賜宴內廷命坐殿內漢大學士
坐殿內自此始七月世祖實錄告成賜鞍白金
綵緞加太傅八月命至禮部驗看楊景南曆法無

學源堂文集

卷之八

十二

據議下刑部罪之景南能以口給禦人公摘其二
以難之遂誅癸丑三月京察自陳請罷溫旨褒留
八月充纂修太宗文皇帝實錄總裁九月地震公
引咎求罷上慰留之甲寅正月引見天下朝覲官
員公承命宣諭十一月奉命相視山陵于懷柔
十二月薦舉原任山西右布政使王公舜年給事中
命點仁孝皇后神主十二月遇覃恩加一級賜
貂緞丙辰會試主闈取中二百九人五月測驗日食
丁巳賜團龍紗服一襲五月賜御筆大書三

學源堂文集

卷之八

主

日清慎勤日敬慎日格物八月册立 皇后 命公充副使持節行禮已未京察自陳請罷 溫旨勉勵四月 命點 孝昭皇后神主七月地大震公上疏引咎求罷有 旨勉留庚申六月 詔赴瀛臺 賜御書一軸復專 賜行書唐詩一卷辛酉 上念癸大學士俱年邁許分班輪直二月奉 命送 仁孝皇后 孝昭皇后梓宮詣 山陵十二月奉 命持節册封 惠妃壬戌正月 賜宴 乾清宮 賜柏梁體詩九月奉 命監修明史十月 太宗文皇帝實錄告成 賜白金綵幣鞍馬加太子太師十一月充纂修 三朝聖訓 平定三逆方畧總裁癸亥正月十三日 賜膳 乾清宮 賜綵緞三表裏旗馬一匹四月安州高陽縣兩處士民以河淤地爭訟詞連公族人公引咎自陳 上報聞令照舊供職先是安高境界河涸可耕兩邑士民計壤分種公族人與其事者公嚴誡之悉退歸安民已十年矣至是復相爭訟承鞠者以初立石碣有族人姓名遂連及之事理久明且經 恩赦可勿引咎公不自諱故具疏自陳其謹厚類如此甲子三月充纂修 大清會典總公素强健目炯炯若巖下電五十後鬚髮如少年

學源堂文集

卷之八

古

癸亥春微痛脾不食于飲淡液消癰精力弗減也今年春始問醫藥診者謂宜靜攝其勸不輟五月初忽泄瀉中氣以損體不任勞而目光昏眊猶如平時力疾入直十七日 上駐蹕瀛臺御門公同政府諸公入奏 上顧問病狀公以實對 上曰卿可靜養越翼日 上幸邊外公不少休猶問日至閏六月二日陰雨票擬畢詣明史館談論娓娓若壯盛人嘗歸第體中覺不爽坐書齋中作七言古詩纔半腹隱隱作楚頻入廁以為滯下也飲食格不下自此部署後事無不周悉越十一日卒公之生也際文教公大拜

丑以後機務決于輔政大臣滿洲首揆爲宗室班公
系政者十餘學士事或不斷恒聚訟累日以次詢及
公一語輒定大臣心儀之票擬有未愜者不徑執論
談明流連引譬激發伺衆意已孚始議更正什八九
得也以是贊襄懿舉保護善類不一而足稽核舊案
進掌典籍中書而屬之曰斯案在某年月間其者並
指其日依而求之應手即得人以爲神同官有薦舉
人才者皆邀特用或以諷公公曰宰相薦賢此分內
事要須朝廷明詔然後可若君獵效罔未有不爲
主上疑且薄者是蔽賢矣何弗思也言者拜服慎黔

學源堂文集

卷之八

五

逆作 當守宵旰公減七箸顏貌以瘁不知者謂公
怒于時事微叩之公曰小醜何足平可計以成禽也
所鯁鯁者 皇上握機運籌纖悉靡漏 聖躬孔勞
身爲大臣不能如古韓范出建麾旄又無奇謀長畫
可裨高深用是瞿瞿耳聞與議軍務縝密精切語多
不傳及三逆削平公曰可以乞身去矣迺 聖眷益
隆具瞻特重進回審處恒形于吟咏中不謂究未遂
也公自服官以來 恩賚最多且渥 御書卷軸而
外如團龍服貂裘寶鞍上駟文繆綵幣念珠行燭以
及上尊貢茗無所不沾賚詔者一持節冊立者二點

主者三扈從者十三會試主閱者三文武 殿試讀
卷者十四纂修監修正副總裁者十一 文廟行禮
者十五武闕監射者三滿獄者一測驗曆法者三爲
諸臣所不能比一日圖鶴育子或曰北方產鶴實爲
瑞兆公曰若然是反常矣何瑞耶言者嘿然生平不
談天竺家言有問者輒曰非吾儒事間有語次及之
者微笑曰某佛某僧邇不相及何得並提人識而討
于傳燈錄皆不得頗用爲疑洎易贊呼公子具毫楮
口占一絕云悞墮塵埃六十年浮生過眼總雲烟於
今撒手懸崖去舊境依然兜率天復說偈云無罣礙

學源堂文集

卷之八

六

無恐怖亦無著力之處公其返諸極樂世界乎始悟
公之不談與談而人不解者往來殊自分明也不言
禪祥者慧眼觀破一切也公著作甚富不輕以示人
甲辰以後人始窺見一斑詩則典重蒼雅稱雄于黃
初大曆間文則博碩春容頤頤韓歐雜體無多什行
世者有心遠堂詩集若干卷嗣出者續集若干卷公
退食卽坐書舍中近寒源暑勞苦委頓都不廢吟咏
病在牀褥間猶改舊句印闌章題其邸後園扁曰寄
園屬余書之使者立以待形雖羸羸神固王也豈與
適適然而生蕭蕭然而歿者比哉公生于前乙丑十

月二十一日辰時卒于康熙二十三年六月十一日
辰時壽六十公家世甲子三輔相業著于兩朝德
行深醇可以尙友古喆文章鴻雅允堪卓軼羣倫芝
蘭玉樹之奕奕垂裕後昆桃李薪樵之師師譽髦斯
士嘉言與懿行更僕而難終一日足千秋吮毫其有
待云

勅贈孺人劉母李夫人行狀

孺人余內兄賡予公元配也余受甥館者四十年歲
時違復間遺假代罔弗周鼎且兩家中更多故吉凶
緩急禮誼相關固內兄之雅乎厥唯孺人之式好無
尤也余恒嫂事之惟謹辛酉余讀禮方終匆匆將入
春明孺人感痰疾遂不起余違哭之其子哀幾毀余
弔而慰之始啖飭粥因屬爲狀以余爲肺腑親識之
悉而言之詳也誼不忍辭迺爲之述其懿美焉孺人
姓李氏邑處士玉寰公之女也生而莊慧七歲奉天
竺氏教長齋繡佛且嫻于姆訓不苟言笑如山如河
學源堂文集 卷之人 大
有邦媛之風十八歲于歸賡予公獻爵于翁獻脯于
姑婦職克謹先舅養吾公頗豐于家則何有何山之
慮孺人服勤習儉澣紉操作率先僮僕堂上喜稱佳
婦賡予公矻矻力學時采芹無捷徑既冠猶困于童
子科孺人篝燈勸讀無間伏臘卒賴以青其矜戊子
先舅捐賓客孺人泣謂賡予公曰大人棄我昆仲娣
姒倘不自節謂當大故何賡予公起襄大禮初不欲
析著已丑夏朝廷遣禁旅出鎮保郡割城之南半
爲枕戈地公家在城之宅他人入室倉皇徙居始奉
老姑而僦屋焉兄弟猶同爨也久之各卜其居若一

絲一縷一箸一匕固非計畫利量以給之孺人勸唐
予公寧取其猶且竄者而仲而叔猶欲然若未足自
賄厥後家雖素封之遺一耗于甲申之兵燹再折于
己丑之蕩離且一析爲三贏者亦絀矧其已絀產遂
中落庶予公色憂之孺人慰之曰吾聞舅姑非襲先
世豐亦由勤儉致者我輩不能爲克家也者饑寒將
安之能爲克家也者溫飽其靳之乎庶予公感而整
其遺業不數年落者以起孺人好善喜施一日謂廣
予公曰妾聞佛言齋萬僧延壽一級信有之乎公曰
佛言將無不謬孺人曰吾家有餘粟胡不勉行之公

學源堂文集

卷之八

九

感而發願力齋萬僧炊庀供給孺人職勞不怠庚申
歲殿道燼相望饑者滿衢廢予公煮粥以活之屬者
新河之變上兵者往平之殲者不知其幾何俘厥嬖
子則無算率凍餒于頽垣敗壁中廢予公衣之食之
施者揮涕受者含辛如是者浹月嗣難婦家人有至
者或父儼紳衿女爲俘縲夫作遠賈妻是寇餘玉石
慘已俱焚浦珠其能空返當事諸公惻然動念慨爾
捐資明知璧已非完募金願贖但得鏡猶可合破產
圖歸乃有赤貧徒成白望廢予公言於孺人傾簪珥
之筐倒衣裳之笥佐諸公所不逮拯庶姓於瀕危真

不可思議之功德也孺人鄰下僅佩湘一人鞠保愛
育不遺餘力長就外傳課督甚嚴或曰阿嫂不愛阿
郎乎孺人曰愛之能勿勞乎佩湘弱冠充博士弟子
員有聲黌序間丁巳遊太學戊午鄉校士幾入彀中
庚申由冑監授西城副司未幾擢縣令方在需次孺
人輒病劇今日廢蓼莪矣先是援新例得邀 覃恩
之典廢予公封文林郎孺人初得封繼改贈嗚呼孺
人勤恪劬勞垂五十載纔膺象服輒嘆瘞玉聞者嘆
焉而式穀有人詒燕曰後斯亦徽音之有報也佩湘
將持狀而丐先生長者之言爲不朽計余故不敢有

學源堂文集

卷之人

三

盜詞焉

學源堂文集卷之九目錄

墓誌銘

誥授光祿大夫總督山陝地方軍務兼理糧餉

太子少保兵部尚書兼都察院右副都御史

懋韓白公墓誌銘

光祿大夫太保兼太子太師禮部尚書中和殿

大學士謚文敏鹿菴馮公暨配一品夫人劉

氏合葬墓誌銘

誥授奉直大夫戶部福建清吏司郎中涵叔郭

公暨配安人段氏合葬墓誌銘

學源堂文集

卷之九 目錄

誥授朝議大夫吏部稽勲清吏司郎中山公白

公墓誌銘

待贈內閣中書舍人一誠侯公墓誌銘

陝西分巡神木道按察司僉事特贈光祿寺卿

茶菴楊公墓誌銘

奉政大夫淮徐兵備道河南按察司僉事宿松

張公墓誌銘

誥授朝議大夫候補布政使司參議前提督浙

江學政按察使司僉事劉公潛夫暨元配許

宜人繼配任宜人合葬墓誌銘

學源堂文集卷之九

清苑郭恭快園著

墓誌銘

皇清誥授光祿大夫總督山陝地方軍務兼理

糧餉太子少保兵部尚書兼都察院右副都

御史懋韓白公墓誌銘

順治丁酉歲余官御史承世祖章皇帝簡命巡按

山西時撫軍中丞為清陽懋韓白公至之日迎轎于

會城之迎轎樓見公魁梧端凝巖巖有大臣風槩心

竊儀之酒間畧談民生利病吏治明幽顯若列眉且

學源堂文集 卷之九

曠曠焉謝不敏其休養此一方民也僕可觀也先是

晉羅兵燹者屢戶口凋劫非石田即與州維正歲不

及額守令以是罷去者望于塗催科煩促民生益困

公為一再請命獲免賦六十萬石有奇流凶始來復

業戊子己丑間姜瓖煽逆八郡騷然王師西指榆

次太谷兩邑民逃伏山谷中兵至悉收之壁籍其里

民役供汲費久之若斲養卒然寇平有從師凱旋者

有逸去者捕逋之令泯泯勞勞牽逮無辜公憫然念

之不恤忌諱疏請難民莫視為俘獲逐里難比于逋

逃鈎蒐連染兩邑幾無民無民且無賦語殊激惻得

俞旨民賴以安時計部有墾荒足賦之議能者增厥
秩齊魯雍豫承旨赴功率多加賦以詭墾峻法以取
盈期以博能聲邀晉級它冀恤已公曰晉弗俸子諸
國也歸者突未黔居者鶉猶結何堪此悉素脫大小
吏覬覦一日之虛名永貽蚩蚩以疾苦害公也非急
公吾安忍出此卒無所增聞者避之嗣有練餉之徵
畝科一分斥鹵硤礪與沃壤同民甚苦之公力陳其
不可請依賦加勿依田加 上可其奏十三省督以
爲準余間從藩臬監司諸君子得聞公正已率屬廉
隅自砥者最悉冀寧守道少參王公舜年雲中巡道

學源堂文集

卷之九

二

臬副郭公一鶚皆公所嘉與而薦刻者終一官無寸
幣以交公卽山蔬水菹亦弗茹也二千石以下可知
已公雅憐才屬員有治行卓越者獎扶不遺餘力趙
城令安君錫祚以特舉應內名瀕行持家製一蕭爲
壽副以所刻治邑事畧一冊公覽狀存刻冊曰吾以
示新令尹餘則笑而還之公於墨吏無所假貸亦第
効之使去已爾不更矯虔撫督八年里吏議者鮮干
辟典以是吏相感化公上體 國家有文至意崇儒
養士無禮不庸修費宮復三立書院搜集寶賢堂法
帖石刻皆有裨文教忻州諸生某使酒侮前父廩

學源堂文集

卷之九

三

斥時鄉試屆期公檄守道試其文試可釋令應舉撤
棘得雋受傷者代請省公從之其愛惜人才率如此
余與公共事繼一年所見所聞心折而中藏者已書
不勝書矧余耳目所弗及者耶余慕公有大人君子
之風爲忘年交及二十載今年秋公作古人余往哭
之慟公之孫知余能悉公平生也屬誌其墓聞之蔡
中郎云吾爲碑銘皆有慙德惟郭有道爲無愧余不
卽文如中郎而公之無愧則不啻有道也安忍以不
文辭因爲之誌公諱如梅字懋韓其先世系出山東
之某縣六世祖諱輔始遷遼東鐵嶺衛居焉務農業
儒至贈工部尚書諱玉銘公爲公父生公九歲借遷
盛京公姿幹英偉側儻有志不屑屑於章句途藩當
兵火播遷時贈公三遇難皆公號泣請代感動行間
得以保全於是孝誼著聲甲申從 龍入關公方剛
壯從定吳越隴蜀以功授佐領旋簡督捕理事官會
僉都察院御史缺 朝廷命選才望者俾協綱紀公
膺特簡督捕佐憲德猷並懋朝右推重尋擢右副都
御史巡撫山西洺晉八載功在封疆惠覃民社 天
子嘉乃丕續晉兵部右侍郎再晉尚書加太子少保
增秩 頒賚無虛歲癸卯擢公以原官總督陝西

上以三秦版宇遼闊伏莽未靖西北壤連迴曩敍數
時有民靡寧居且雍土高涼雨暘弗若石戶嘆艱食
也時勤西顧之憂慮非公弗克勝任故有是 命公
至秦顧謂司道鎮將曰予曩撫晉亟治事不亟治人
事治人以治也予茲治秦亟治人不亟治事人治事
乃治也時殊勢異不得不然顧爾文武僚吏咸洗爾
心飭爾行毋扞于法堦以下轡者繻者介者冑者罔
弗懷乎若履春冰紀綱法度政教典禮以次聳然凡
此皆公文德之表表者也公當撫晉時偵知高鼎張
二娃嘯峒于五臺喬應元李虎負嶮于沁水張大興
學源堂文集卷之九 四
妖于上黨爲三晉害最久非亟削平之不可議者謂
當大用兵一鼓殲除公不許陽地備以懈賊志密授
方畧于一二才將伺其瑕而疾擊之不數月殲二娃
而高鼎就撫俘應元而李虎以擒剪妖黨而張大寶
遁諸路悉平不動衆而三捷奏無不服公之智且勇
者及其制秦也時三川襄楚反側未銷軍興絡繹責
供億于秦公謂以蜀楚困秦是庸祇鄰省憂會 詔
令秦豫合勦公夙知鄖襄抵平山險不易圖惟鹽井
爲賊門戶得此則勢如破竹聞僞官平伯賀道單與
劉純德郝永忠等犄角而踞遣人招之道寧願降公

爲請 命制曰可以是以鹽井下而賊援絕卒攻育以
極盡自焚十餘年通寇一旦蕩平 朝廷嘉公老成
精敏籌策奏功 命兼制秦晉兩省是皆武功之赫
赫者也公自制兩省日以戢兵愛民爲事不二載勤
農興學修城濬渠利無不舉弊罔不除秦之民甦困
迫而樂寬平晉之民被新猷而念舊德西北父老熙
熙然扶杖觀太平是又公文德武功之駢懋而永垂
者也公自念薄酬 國恩可以退避賢路乞歸正殷
會以邊報與提督互異罷歸公之子素公方以少司
農總理糧儲公日報 君恩而繼父志是在爾矣遂
卒源堂文集卷之九 五
徜徉綠野與耆老談農桑謀諸孫讀書史杜門謝客
居然逸老也公性至孝贈公謝世時方撫晉恒抱終
天恨事繼母敬養備至嫺嫺九族嚴訓孫子家居十
載不更治生至若賑乏恤孤好施樂予古道照人公
恭全乎其爲大人君子云丙辰春聞素公中丞訃音
黯然神傷眠食漸減及秋而中丞公柩返公撫棺大
痛病益劇遂不起公生于丙午年十二月二十八日
亥時卒于康熙丙辰年九月十九日子時得壽七十
一歲公之孫爲章等憲公于都城之南敬爲之銘曰
龍興有從鳳附斯翩且爽何參代維其賢今之辰韓

古之澗瀍古之伊洛今之荀燕公實魁詰邁會獨先
碩人碩頤襟抱軒騫適心如日適度如淵適氣如春
迺德如璇功勒鉅鼎謨告細旂具瞻星鳳望聳嶽川
建牙西土惠澤覃宣兆民允懷弗敷弗竣秦銅有莖
晉石有鐫矧茲鬱蔥永蔭牛眠俾昌俾熾奕葉其延

光祿大夫太保兼太子太師禮部尚書中和殿
大學士諡文敏鹿巷馮公暨配一品夫人劉
氏合葬墓誌銘

代

公之初厭賓客也公之仲子大司成源濟述厥行畧
屬余爲狀余曰狀弗可畧謝不敏源濟曰某生也晚
綠野懸弧香山鼓篋避人畏題凡鳥過庭不言溫樹
大人有本孺子何知且中更桑海洊閱氛祲年譜之
編既逸吹墳嚮絕壯矜莫速蒼頭之口無精幾同五
父之迷竊抱三生之痛惟茲科第官階幸有家乘僅
存歲月爾詳靡以詳畧庸忍畧願乞八柱之鴻撰冀

垂千祀之好辭余受而爲狀焉閱十年辛酉源濟復
屬作石上言誼非可謝謹刪潤纂篇輯綴餘緒亦僅
問今事於崔琳末由識前因之房琯也公諱銓字伯
衡別號鹿巷遠祖貴明初占籍昌黎徙家涿鹿五傳
而至公之高祖諱佐六傳而至公之曾祖諱從訓八
傳卽公之父盛明登萬曆己丑進士官至通奉大夫
河南左布政使以公貴贈三代如其官方伯公舉四
子公爲伯慧悟犀霧清標玉璫授書而五行並下覆
誦則一字不遺十有四齡采香芹于潁水七言八句
咏秋水于益津奉常劉公奇之雅負冰清慨聯玉潤

學源堂文集

卷之九

八

萬曆己酉聽鹿萃而飲酒當宜尼志學之年癸丑對
雁塔而濡毫適終軍度關之歲佛名纔登甲第仙客
遂上瀛洲書窺十庫日照八輒人龍鬱龍花吐玉華
之瑄文虎臥虎雲流金鳳之箋已未分校南宮鮫珠
無泣玉笋成林旋升青殿之班王商早拜繼貳容臺
之座蘇亮頻遷蒼生霖雨之望既殷黃閣鹽梅之責
攸畀樂坡鳳沼黑頭喜視三公鶴繡犀壁赤芾真稱
一个衮職藉之以補台星忽焉而暗蓋鄴侯仙骨情
欣衛獄之盧弘景道風駕返華陽之麓也故赤松未
訪且學彭澤之蟠松紫雪難燒直擬右軍之快雪采
學源堂文集

九

洛水于神州問襄陽之耆舊繡帛賁涿郡夷吾已被
三薰蒲軾下金門莘野何須五就慶逢魚水寵掌
絲綸感激知遇之隆敷奏弼諧之論收典籍而天祿
之縑細璨然散綵繪而羽林之旌旄矣若辟雍於樂
誦棧樸以作人臬府通流布錢刀而裕國似韓王
之佐宋獨坐平章效鄭公之歸唐勸行仁義垂之方
策煌如日星已戊亥兩歲秉玉尺而典閣庚寅仲春
辭金扉而睹聖未幾銀青有詔東華築館貯圖書
選炬時臨北闕聞鐘勤顧問啟心益以弘多象
緯幾衡版章土宇禮儀樂章班班乎酌因革而量損
學源堂文集

卷之九

九

益殫慮爲之靖獻兵制律令賦役屯鹽茶權馬政媿
媿乎則古昔而稱先王知無不言開國規模方陶
唐而翬煥奏即稱善班朝憲典媿虞舜之文明癸
巳冬太夫人海屋壽添七十乞假稱觴邀尙方之
褒幣甲午春我世祖靈臺曆紀十三勅工命筆
傳阿母之丰神盛典輝皇鴻恩抒寫載承宸
翰流馨且喜奎章印紫比金荂侯之承恩獨早似
賈參政之賜詩尤隆也甫踰歲而寶婺星沉未大祥
而環綸特起墨綬居邸鷄骨隨班封還建北寺之
詔披陳開西廡之非丙申上念公年泊杖朝身勞

待編許解金章之綬仍資珥筆之華贊頌 皇仁之
好生點竄一典纂輯資政之要覽法戒千秋嗣是而
晉公雖未歸涑水謝傳乃時在東山矣 冷上御寓
之庚戌 宸遊警道於范陽 召至 六飛前茅杏
以十年故事錫之精鏤五百兩車符名世之期文綺
廿四端雅稱中書之考於戲懿矣 兩朝寵渥等於
不拜不名九命地榮奚啻一心一德飄飄仙客之氣
繡裳赤舄豈曰白衣山人暗瞻元老之容鮎背丹顏
信是青霞壽相乃龍蛇歲逢壬子遂箕尾騎去析津
比鶴馭未乘口占遺疏願天祔之滋至泊梁木既折

學源堂文集

卷之九

十

諭錫璫章悼人鑑之俄公彰典則治祭太常易名而
子諡文敬公生於明萬曆乙未年十二月初三日申
時卒於康熙壬子年十一月初三日子時壽七十有
八前癸丑科進士歷官太保兼太子太師內秘書院
大學士禮部尚書收兼中和殿大學士公南陔性篤
溫清靡間於萊園行輩情真友愛有加於美被喜階
庭之蘭玉培植維殷誇子姓之神駒剪拂彌厲從弟
鐸推廕補官野王因聖通而得郡猶子源泗席恩任
子安石薦車騎而成功恩誼浹乎三黨之間教澤訖
於千里之際讀書破萬卷料瑯環响屨之奇下筆就

千言掩雕龍吐鳳之藻剔柳骨扶顏筋臣書第一案
楊葉點梅花國士無雙鐵畫悉瘞於噴吮珍重幾同
井史珠船不煩乎剗剗收藏有待名山貯經史于寶
宮州中覽誦鐫法書于珉版海內購求洵多材之元
公亦博物之君子也文章華國六旬初度歌湛露千
內廷經濟匡時廿載端揆呼榆羹之開老遠嬾疊
之盛會近軼燕許之榮名元配劉氏前太常寺少卿
朔州濟滄公女累封一品夫人貞靜天成淑慈家教
鄰公識快婿于坦床少君嬌寵族而提甕珥箴旦旦
出言多彤史之章星警皇皇匹德信黃扉之配霜夜

學源堂文集

卷之九

十

綸熊曰郊前綵耀石麟春暉指墨闡堦下雲蜚丹鳳
金華疊黃山河之度依然鶴髮雙明冰玉之心儼若
偕耆有慶同穴攸寧載娶范氏前錦衣衛尉大興伯
懷公女先卒載娶錢氏處士江都敬臺公女累封太
淑人 賜婚納藍氏滿洲總管鄂貌圖把圖魯公女
先卒范則綺齒珠沉夢蘭無地納藍雖葑房香散設
脫有祥錢淑人坤德淳凝壺修醴粹賦鷄鳴而獨瘁
頑符玉燕之投懷著象服而是宜秀叶麗珠之入掌
子二嗣子一長源淮相門得將熊大樹將軍綰荆
州之鵠印娶太僕寺卿李公思啟女先卒源濟君

子爲儒蔚蔚青錢學士登璧水之臯比娶前少師兼
吏部尚書中極殿大學士周公延儒女嗣子源洪角
簇二龍足成三鳳娶中憲大夫宋公延慶女公子源
濟已於康熙甲寅年二月廿五日葬公於先鋒坡之
先兆茲奉錢淑人樞祔塋公墳而乞言以銘乃爲銘
曰乾嶽千尋黃流千里河嶽衡中誕降君子 真人
出震喆人離潛相得益章邦國萬年涿水之陽松栢
蒼蒼翁仲鳳凰君子攸藏獨鹿孔邃拒馬孔泊佳城
孔佳雲仍孔熾

學源堂文集

卷之九

十一

誥授奉直大夫戶部福建清吏司郎中源洪
公暨配安人段氏合塋墓誌銘

按姓氏譜郭即號局號叔之裔也號在陝洛西歷後
多居秦晉漢唐以來散在海內者非至自秦卽至自
晉洪所由始無有二本寒家自小興州來占籍樊輿
垂三百年所世多儒行通籍金閨余實崛起壬辰榜
發同姓者五翁然而合篇於因心弗若他姓之徒繁
變泛者也余最少再則涵叔兄軒轅疎落性行投
洽宛墳窆然而齟齬坎壈亦復一致三年來形跡雖
時相離合神氣則千里不隔也壬寅公歿於里余夢
公來辭曰歸汾陽覺而謂異不三日計遂至使者傳
屬續貽果遺言於余嗚呼元伯巨卿異姓相友善卒
以夢告今昔誌之公與茶一本也生死之情自謂過
之矣公歿數載牛眠未卜馬鬣待封余輿念時及悵
惘不釋且公元配段安人亦長逝何容更稽今年
以四月公第四子頤來告曰先公之詞多請於貴寵
大體屬爲石上言余曰近世諱墓之詞多請於貴寵
言亦當世以文詞名家者乎頤曰可展轉乞
以與頤曰否否先人於公肝膈昆季也疾革時以不
孝用屬託一家言孰質切若而顧它乞耶余聞之泣

公諱熙字元敬更曰涵叔世籍
夏邑縣人始祖自晉遷於夏代有貢
公少從養公諱巖嗜善博學補博士弟子員文章
名歷汴宋晚為鄉祭酒生公兄弟三人長諱燮
公年舉人未仕卒次諱某邑庠增廣生早卒公行三
則質清弱慎菴公憐之七八歲未就傅時家塾延江
右名儒為諸兄講貫公往竊聽之移時不去塾師曰
子解乎公應聲曰解舉而覆之無所疑滯塾師謂慎
菴公曰吾願為此子師於是始受章句成童為文章
負不猶人十五歲列諸生試輒弁其曹辛卯登賢書

學源堂文集

卷之九

四

一、成進士對策擬第三旋以一字誤改二甲七名
伯選康吉士依往例高第者悉得與是科允閣臣請
罷往例試古文詞及詩賦公在選中頗啟事以中州
得五人溢定額落一即公也夫取士衡文正可脫穎
公乃兩得而兩失之論者謂數奇嗚呼數奇乎未
幾除戶部主事癸巳覈餉雲中兼督鹽務局餉司職
出納墨者易賦衡量非平準上賦者多不及格州邑
吏皆操贏餘以待曰添搭率以為常公唯取部頒權
量用之吏省添搭頌聲匝三晉帑金皆鉅銀重五
十兩納者融金滴鋌上為浮數曰滴珠及出而給也

珠走於盤矣師武臣率不敢問公曰吾不為金治餐
旆悉出之一時行伍為之謠曰郭公吾母白金生乳
公聞而自嘲曰與其為父不如為母也甲午及瓜得
代考報最擢員外郎乙未陞郎中權稅潞河吏有犯
科者公覺而斥之後以它事並發議者苛求謂公不
覺察奪官二級公不自白或有為不平者公曰某兩
奉 朝命不染一銚謂清議或許可也屬以無妄而
刻求至此實慚且悔倘而饒舌無乃滋之謂乎人服
其恬靜公為戶部江南司郎中不二月凡所擬置罔
有罅漏左官後繼之者同樹宗兄碑也以覆奏垂梓

學源堂文集

卷之九

五

干考功罰礎言於公曰此事創創一級計其時公鈞
事纔三月耳公如肯任其咎於公無太貶全我實多
公慨然曰既已破矣顧之何益願為兄受過及考功
議上 詔切責之罷公官聞者感歎公曰我固許之
謫過其咎莫致而致假阿兄任之必不至是飄然以
行余時亦謫遷山西臬幕別公詩云雙驅徑踏藍溝
去慘淡黃金臺畔風公諷詠不釋兩人情事猶如昨
也公里居數年 詔裁雲中餉司以陽和道領之部
使者虧帑代者剔釐之無以抵謬謂公在事時溢支
銅商三千金商貧不能辦應坐公補公亦不辯衛用

宅債之豪益落子貢丁父艱衣段胃是歲黃河大
民失業食不克莖日夜號泣鬚髮皆皓辛亥來京師
留余邸舍者匝月誦及蔡親嫁女兩不克舉世鬱沈
瀾欲買舟南游吳越間訪一二故人且藉山水遣愁
心也去抵武林遊猿垂囊歸里遂不起嗚呼此公生
平大畧也謂公窮者乎乃登高第官薇署內外筦度
支清節駿猷所在丕著謂公達者乎而位不過爲郎
壽不及古稀且中間身世輾轉至幾百畝數祿而失
之卒鬱鬱以終理數報施之故亦大不可問已公配
段宜人邑庠生段公身年十七于歸於公事公姑壽

學源堂文集

卷之九

表

處婦如和順且儉年僅針剪一副僕車終身未脫于
指爪衣解重絲瑤無雙綴公又天懷澹遠不識牙籌
家操皆宜人操之仰事俯育無遺無溢親中問遺僅
僕衣履歷不周至公罷官後耽情典籍時復咄咄書
空宜人慮其離羣字餘安慰感動子女公歿十年紡
紉種植寸積銖累置田數百畝四子一女賴以成立
公之不偶即宜人之不辰憂虞勤瘁五十年如一日
老而善病卒於辛酉之秋月而公猶未安窀穸也子
頌等卜地於城西基村築新阡而合塋焉銘曰天豐
以才不豐以命人識其名不識其性落落于千古道

自映于斯焉藏萬緣皆泮式妥爾宅後昆有慶

學源堂文集

卷之九

表

皇清誥授朝議大夫吏部稽勲清吏司郎中

一級山公白公墓誌銘

河間白山公先生歿公子玠十期喪葬禮屬子爲君
上青子與公乙酉應東兆獻公中副車楊下槐樹
者弗寧予而予爲甚公以是貢入太學敘齊年館
先官中朝交相得也詎忍以不文辭按狀公諱
字集虛別號山公世爲河間望族如祖諱均美七傳
而至朴菴公諱備繡公之祖也以儒顯生誠齋公諱
一道生叔錫公諱肩奇是爲公父有陰善以公貴贈
如公官配邊氏是爲公母贈太恭人生子七公歟

學源堂文集

卷之九

人

邊太恭人淑壽曰入懷公生而異七歲能屬對
客試之云紅日近公應聲曰白雲高四座嘉贊八歲
讀小學輒究其義十歲能文十六爲邑庠諸生試屢
升其曹名隲繼輔間特中外多故公開心經濟談兵
事無不中嘉壬午河間城陷叔錫公瀕於危公以身
蔽敵軍厥其津井釋之以是有孝秀名甲申 皇清
定鼎公讀禮未終乙酉以副榜貢入太學聯捷六館
戊子已丑聯捷科第辛卯筮仕江南全椒令邑爲
劉平故治民猶粗豆之公志不讓古人霜操錦續歷
越一特凡民間利病與除維力先是今日用之需

縣會賓客悉取給於民歲索千餘金名曰管支公泣

任後大駭嘆曰令囑民耶立革之諸如罷協驛罷雜

稅民省萬金勒石以誌聽訟明允數有異徵鄰邑爭

來赴愬邑故僻寂無酒脯肆自是闕然如通都賦無

美耗徭革占丁上官不能庇其吏紳士不能徇其族

民累以息公嘗自題其堂曰真心任事聯曰詞訟不

差人便是維欽維恤錢糧無火耗何必請賑請蠲甲

午分校秋闈所得皆兩江名宿解元出其門乙未登

進士第者六人時稱最盛上官益爲引重交章薦於

朝江北舉卓異者惟公一人 詔徵脩選吏部主事

學源堂文集

卷之九

元

公行之日邑傾城餞送百里闕溢他邑紳士亦裹糧
携具供帳綿亘二百里爲詩歌紀其事有滁人王家
植者以妻死誣服爰書已成公一言而雪之家植懷
感至是送公於池河泣下無乾土頌祝不知所云公
慰而贈之始去已亥 世祖章皇帝臨軒考選詢問
治狀公對甚悉授吏部主事將受事叔錫公卒服闋
起補稽勲司主事尋調驗封司釐正命婦不許改醮
之例聖考功司員外郎處分科場主司議者持論刻
苛公引今援古始得平比調文選司議覆御史請復
舉人揀選疏同官欲格不行公据往例力言於大宰

乃得允未幾陞精勲司郎中忽病失血請假旋里遂
堅臥不起方公之丁叔錫公艱也哭之劇痛及丁邊
太恭人艱哭尤慟登傷心氣故絕意榮膺居里時杜
門謝客友愛庶弟惺源甚摯訓諸子最嚴日澣書數
千卷殫精研誦刻期爲校讎功課少壯以詩酒陶寫
病後不復酣飲而披覽未嘗廢也今年七月朔強賦
詩曰天氣欲盈滿沉疴卻與俱漫令供脫粟豈敢望
醍醐詞賦從磨滅精覓蕩渺無新秋凡幾日夢寐想
蓬壺衆人咸驚異泣下詰朝遂卒壽七十有四公之
一生大抵篤行君子也文采雖然幾古香山公者

學源堂文集

卷之九

三

集各若干卷

傳歟所著讀書錄錄仕學編集成子集六宜樓詩文

待贈內閣中書舍人一誠侯公墓誌銘

世祖章皇帝御極之十有三年丙申余以右春坊贊
善謫山西按察司知事瀕行工部侍郎程公正揆顧
謂余曰太原有侯生璋字玉章者能文章甲午僕典
晉鄉試侯生以葩經幾得雋二三場少不如式因置
之解闈來謁玉立英英才十二齡此生非久當以文
名世子夙嘗攬人才談舉子業其注之意至則推官
王公乘乘亦以爲言未幾門者以兩刺通乃翁一誠
公偕與俱來亟入之信如程侍郎語手其制藝一冊
問業焉余卽座上畧爲評次生鮮不相說以解若翁

學源堂文集

卷之九

五

亦所新如有合者余謫居八年紀對外無他過從數
至其廬槐蔭雙扉書盈一几生徒應門梔子具薜談
每移時絕不及戶外事心竊嘆慕之論文以養氣爲
主屬余選批眉山一家集授諸郎數數出其旨蓄寒
具相遺餉余假寓蕭寺遲之至論說古今快日不倦
丁酉癸卯玉章皆不得志於有司余慰勗之曰以子
之才庸艱一第論秀者牽顧近例率甲平肅而乙卓
犖時爲之也須其變會一蜚冲天矣甲辰余量移棘
寺玉章從其翁祖道城南握別致勉丙午丁未玉章
果成進士尋官內閣中書舍人余亦環復詞曹間從

秘府鷄序中相值玉章恂恂然執禮甚恭同人詢及
余即悉言其交誼無不稱道者辛亥冬一誠公來京
師時余病脾謝客未獲剪其投轄無何輒去癸丑玉
章乞假歸省索余詩爲翁壽語不文而締交情事畢
脩甲寅夏玉章以計至爲之驚慟不自已且具狀屬
余爲石上言余技涕覽之曰是吾之貴也吾之志也
敬爲之誌公諱世爵字錫祉號一誠其先籍爲山東
掖縣曾祖山居有明藩王來晉邸因家太原之陽曲
縣山公生朝憲公即公之大父朝憲公生敬溪公榮
即公之父公兄弟三人長世昌次世盛公其季也世

學源堂文集

卷之九

三

昌公以令史待銓未仕卒世盛與公同補邑庠博士
弟子員聲譽並茂公尤自剝性類敏讀書淹貫所爲
文詞規于醇雅數應鄉舉不果售識者扼掌孝友性
生敬溪公即世三十年不析箸甲申後始異爨然晨
夕必相見芳膈甘鮮七無不共友于爲最薦貧而好
施予舌耕薄稷不足贍八口稍給卽分以振助族戚
公儀度謹飭翔步容裔語訥訥若不能出口與人無
凌競有忤者率笑而受之不計報御臧獲以恩勝恒
曰彼亦人子也呂寧陵之言可念訓諸郎以諸葛武
侯淡泊寧靜之語爲可佩尙簡潔寡嗜欲食不兼味

衣必數澣不做不易事客則豐以整其言與行有卓
乎可傳者辛卯敬溪公與其配秦孺人先後寢疾公
先其兄服勞不解帶不交睫左右于幃榻者甚久除
穢滌垢不假童僕居喪盡哀盡禮鬻負郭田用襄塋
事鄉人選之其事親孝有如此玉章能言卽口授句
讀稍長教不易子學有異聞公嘗手抄文章正宗歷
朝捷錄左傳及先輩名文數冊朝課而夕講謂之曰
人品文業悉在是矣凡四方名夙宦遊其鄉者趨令
執經北面焉由是玉章之學超超而進弱冠登高第
官中書寓書誠以勤慎儉三字玉章奉持惟謹諸其

學源堂文集

卷之九

三

教子義方有如此公質稟清挺善於抑平生無少疾
患癸丑秋病怔忡玉章急趨省侍五閱月奄然逝易
贊時但云讀書安貧爲好子孫語不及他公應以子
貴乃 國典未膺玉樓輒召故稱之爲待贈公云銘
曰 晉陽之都有士蔚蔚道德之尊詩書之貴晉陽
之野有丘蹟蹟道德之光詩書之地道德之貽祿罔
有涯詩書之發祥何有既

陝西分巡神木道按察司僉事特贈光祿寺卿

茶巷楊公墓誌銘

代

嗟自滇黔煽逆蹂躪名城都會州邑無慮數十百其間大吏建牙縣監司設棧板以迄縮符握璽鼎若縱衡疇非受有版宇游分牙制爲國固圉者偕雉堞爲完毀比壇社爲存人大義益炳炳也迺以墉無堅壁卒無帶甲冠帔狎屈非鼠縮則猗惶玉不矢碎瓦故希全忍使國朝三十餘祀升書射策縻爵詔檮慙慙懇懇而弗獲食厥報庸第華風之流實亦紳掖之惡矣乃荒微僻壤不無仗義烈殉名節委骨沙塲化

學源堂文集

卷之九

志

燐榛麓者徒以陬隘阻絕烽壘蔽遮莫爲之揚忠鬼不且沉冥乎不然讀書稽古移孝作忠之謂何也乙卯夏秦中叛弁犯神木分巡臬憲茶巷楊公死之事聞天子震悼優卹逾恒格未幾寇殲城復公子焜昇置歸良鄉持所爲狀乞予誌且銘予與公順治乙酉歲同謙鹿萃丙戌歲同題雁塔學術性行夙獨悉也矧烈節碎轟爭光日月將來流辭史乘受薌俎豆弗卽藉輦悅之辭以傳而輦悅之辭或藉以傳忍曰諛基譏也弗爲一濡不律也耶按公諱三知字知斯號筠伯更號茶巷其先系出上黨始祖諱斌以軍功

襲廬占籍于燕四傳至諱勇嗜學好文易附注而意

縫居良鄉之寶店陟綿椒行厥後以盛雪堂公諱泰

爲公之高祖正德丁丑以進士官行人諫南巡得廷

杖放歸里嘉靖初起拜監察御史曾祖諱守拙不慕

仕進耕讀自娛生三子長諱尙敏卽公父也積學濯

行數奇未遇以公貴贈承德耶母王贈太安人長三

秀次三捷次三事次三命公其季也將屬續指公曰

子遠大器惜吾不見其成矣公生而穎異能言見書

卽索之讀贈公憐其幼弗輒許涕泣遠勝家人嘆異

九歲能屬文十三歲冠民字冠裴整費序公家自侍

學源堂文集

卷之九

志

御公後雖顯者不蟬聯而世德家祚棹模單門塾祠
簪里寶店當日畿衝地遐邇皆知其爲素封鉅族公
伯兄三秀與里之豪修怨雀角鼠牙構結不解者數
載家以落公捐橐廩卷往復周旋脫伯兄于犴狴怨
者卒莫以中鄉區咸謂公有友愛性有幹濟才奉太
安人居舌耕供洗腆太安人老憶疇昔繁盛輒悽然
泣公踞而慰之曰兒豈長貧賤者毋無憂也乙酉登
賢書丙戌成進士除山西榆次令邑省會屬供億師
旅上官徵求歲無虛月交相爲瘡公多所撙括民賴
以紓戊子姜瓖煽逆州邑無堅城公潛隍繕櫓率間

左子弟爲保障賊相戒勿犯屹屹獲安時主兵者俾
他邑婦女百餘公見惻惋捐囊贖之置閒署中給衣
食傳諭其家引歸完聚晉陽人感泣立祠置田饗祀
不衰撫軍申公朝紀察吏法峻歲劾百餘員獨禮遇
公曰循良吏也後將爲國器其見重如此擢兵部武
選司主事遇覃恩得封贈歷督捕員外郎武庫司郎
中秩滿擢四川臬僉脩兵松龍道公在樞曹敏而允
多所執持數抵牾下貳卿丙辰內計忌者修夙隙註
下考以浮躁落二秩例左遷外幕正人扼掌公怡然
謂爲意中事未幾王師下滇黔公在軍中大將軍

學源堂文集

卷之九

五

稔知其才擬任左轄公曰某內計左官圖効師中補
過未克敢辱是命小人有母老且病遊子忍萬里行
也力辭不得勉就安普道無何而太安人計至議者
欲其墨綬畱任公號泣死謝奔蜀扶視歸服闋補四
川上東道所屬郡縣經渠寇張獻忠慘戮民無三戶
公從絕峒密箐中招徠千三百家築堡渝東集爲安
宅名其地曰楊公堡丁未裁撤天下監司歸至中州
僑居焉辛亥補神木道神木傍朔方塞互市乖和彼
數時有公推誠示信蕃目帖服宴如者三載公聞滇
逆倡亂謂其子曰逆渠異志非伊朝夕曩余規其不

臣以奔喪故被製祥狂歸良有以也比逆勝我誘我
狡謀逼露今遽爲戎首討誅其奚貸獨是天澤儼然
忠節寥落莫亦如常山睢陽者古今人不相及耶言
訖義形於色曩吳逆剿闖賊殘孽時過神木市思寅
氓謬德之立祠題版以祀公下令毀祠碎版以示忠
憤會提督王輔臣殺經畧大學士莫公反定邊守將
朱龍應之伊邇神木人情洶洶公方受檄赴京師代
賀有諷公携春行者公謝之曰監司一方表率庸可
先去以爲民望單騎赴闕已而役竣適旋次保德
或勸公無渡河公曰死生定數也余至而人心可戢

學源堂文集

卷之九

五

脫有不虞城亡與亡爾何至作首鼠狀渡河去抵署
三日延安吳堡葭州相繼陷公督縣令繕城墮修斥
堠爲守禦計無何賊騎薄城下公乘城死守親挽强
弩發無不中賊稍却守將孫崇雅者故降人也潛通
賊城以陷崇雅合賊將環公城頭揖而進曰延綏開
府虛以待君矣公厲聲曰余年六十五官方面死吾
分也若本降賊朝廷待以不死且濫二品官何負
汝而狂悖至此言時鬚張毗裂賊語阻賊渠周繼明
復甘言以誘公語益厲衆手刃相擬勒取勅印公曰
鼠輩第殺我勅印焉往賊中突一人出自名

久伴爲笑語平公悲擁公回署勸公善自審處公歸
而誠仲子煜曰吾受 國恩三十年不慮賊生肘腋
封疆死不塞責誓以全家殉賊萬一存汝以收吾
遺妻妾子婦悉投井公立旣曉上戒仲子勿作兒
女子態使吾死不決言訖赴井賊偵知擁入署緦人
負公出子婦胡死焉公以不卽死爲恨然臂已折已
羣賊拱手向公云公廉平我輩未相迫何苦乃爾公
厲聲曰死吾分也安俟汝迫吾死此井馨若輩將不
知死所遂大罵不絕口賊昇公于別室留卒環守奉
以羹茗悉擊傾之載脅載誘一日夜公詆詈不愛賊

學源堂文集

卷之九

示

怒忽屏署中人闔室扉不知何所苦公第聞拈牀撞
几塵澗語應公罵聲乍高乍下霧塞日慘屋動地搖
賊面皆如土遂遇害邑人德公潛收公骸掩淺土中
匿其子與家屬于他所禁旅至賊方踞城抗師不暇
加害公忠魂夜遊告主兵者以破賊期左右皆聞奎
日城果復家人始收殮日經長夏面色猶生制撫以
實聞 朝廷特贈光祿卿廕一子予祭葬蓋殊典云
公子墓於新阡余既誌公墓適爲之銘曰 黃甲之
穹匪其穹青戊之豐匪其豐灝灝噩噩斯人之氣
其申報生以孝報戎以忠

厥惟公猷可離今題卽崇不可凌今題冲匪物悲而
猶惜不則常山之舌無血太尉之笏不紅烈烈轟轟
旦旦熊熊是則詩書之效緊茲慷慨之風最風載貞
珉之鏤翁仲豎水衡之工俎豆其有永今祚膺式靡
窮

學源堂文集

卷之九

墓

皇清待贈前奉政大夫淮徐兵備道河南按察

司僉事宿松張公墓銘

山東膠州張公宿松與余同成甲戌進士題塔毫繁未向王生結襪分符袂判徒聞羊續懸魚固歲弱情浮亦時荒步窘也戊寅已卯間均最錦續序赴綸徵而白門含雞舌之香青瑣照燕臺之月形跡復遽隔矣迨余以孤懸掠黨人之談指圓扉爲福地公弟天石公以憤直叢多口之憎守行木爲危垣履險而氣弗挫憂讒而志逾貞兩口一心同調各唱致相洽此也寂室橫襟矮簷聯第談家世懷文朋士衡情緒因

學源堂文集

卷之九

手

小陸以儀圖穎濱談鋒連大蘇而宛在越自甲申漸釋鯨航共驟康莊余與天石痛定而思視笑莫逆無何梯雲有悵愛日陳情龍不納言而萊乃舞綵間者風雨懷人雁魚寄素津津乎述巖溪之娛敘壩荒之叶陶陶乎香山有同氏洛社葢連枝矣詎不懿哉以余蹀躞輓塵裊裊勁雨眎若霞塊隔也實應且如奚寧慕之癸丑秋七月余臥病私第畏綾刺如虎門者忽以光祿復我至自膠海告復我者天石公之仲君宿松公之猶子也余方憑之問訊老友忍同殘客之刪坐不移暑出一帙以示葢宿松公之行實厥嗣應

建述而巧誌者也唏噓宿松其逝矣乎余親既而神復傷矣余方倚參朮爲命視毫研如仇雖知介休可銘而中郎之腕有鬼復念新野無諡而黔婁之妻能言先生不朽後死之責爰力疾而爲之誌曰公諱若解字義生號宿松老號雪肝齊之膠人也膠之有張氏宋以前不具稽公之曾祖曰嘉真祖兩珠公曰弘範父春臺公曰熙萊海德星曹溪望族兩珠春臺二公咸以子孫之貴贈通議大夫太常寺卿春臺公配楊公之母也封淑人生公兄弟二長即公仲天石公諱若麒辛未進士歷官通政使今予告家居公

學源堂文集

卷之九

手

委宣穎茂醉古滌讀鯉趣有異聞象舞抱遠志英英乎雙璧焰人聯珠驚世而餐對七臥聯牀銓共籌金玉師資花萼氣誼而麥漂不知園關無窺如是者二十載壬戌冠民字冠試輒高等聲譽籍甚於齊魯間庚午鹿苹之席郊祁聯座辛未仲氏先登甲戌曲江獨步筮仕得畿北之河間令邑子午衝厥土斥鹵厥賦上中蚩蚩者率鮮飽時秦豫江淮正用兵赤白羽繩屬于遠而邑附郡雉堞覆隍驛樞凋劫公至完金城壯丹櫓不費水衡無科部屋邑境舊設兩郵芻糗固夥持符者多悍璫驕帥使所至狼噬狐索河之氓

大困相率鴻飛公惻然念之餉騎於署驗符而應困解什七八民始安其堵邑瀕海鹽澤間往往有探丸者椎埋鈔掠以爲常行李患之值淮督乞餉于計部與金以萬計拒邑境上豪客負之走公聞之咄咄吏曰無愀也報勒緝耳可故事了也公叱曰勿多言爾曹知餉所由出乎西陲北鄙斬木燒狼衣鍊者日數億萬齒仰給於度支國家歲增誠求額九土竭筐篚空杼柚苦供軍需資糴糝而適以資鼠狗悅憤奚若吾官其地當大索嚴捕扶萑苻之狡窟歸朱提于細柳始云職也若爾何擬故事了耶下令急緝之不數

學源堂文集

卷之九

奎

日而悉得餽索亦宛在也事開于淮安制府少司馬史公可法上章剡褒比其功於獲醜復以百金勞公辭弗受曰余職也何勞爲公治河間績美于錦天石公令清苑愛留于棠兩邑百里相望倪髦耕牧競口頌膠州張公爲衆母者不嘶嘶是豔傳旬播于今未歇其爬梳有猷嫗煦有恩未易覲縷也旋以軍功徵於朝黨人齟齬之授南戶曹主政擢郎中庚辰金陵歲稔食粟如食珠死衢如死黃公粥以活之櫓以藏之難什伯計壬午秋徐州寇作守者不能禦淮制史公特薦公爲淮徐僑兵食事專治寇公與劉總戎良

佐協園獄削冠烟以熄冠熄而漕窳決又徵公兼治河公甫釋戈鋌旋督營鉅疏築並與河濱以砥不數月雙績丕嘉史公萬益力時朝廷方倚史公若長城凡所獎藉皆優擢之公具牒陳情懇惻溢楮以二人二子天石公在東時論方嶄巖無已天石公素方雙鸞者林立而尊人宵旦怒如公慮毒彼忿燎重貽堂上憂牒數上而神武之冠挂矣去之日淮徐人士瓣香卮醑珥馬首而祖於塗數十舍嚮砌索引也公桓子舍戶以外事不問侍兩尊人備盡溫清修飴之儀色養靡懈孺慕有加定省之餘則一編半局夢晉荆

學源堂文集

卷之九

奎

啄耳甲申贈公捐館舍哀毀骨立衣不能起壬辰詔求隱逸臺使者擬以公上公以背樹晚榮晚景短不敢以辱古霽薦稿辭得已太淑人享壽壽公左右就養者二十年泊其考終極哀備禮手封馬鬣鄉人稱之州大夫肅然起敬賓公于乞言之筵公兩淮之一門羣從盡青青子衿雜諸生間競爲上食歌永篴湛露雖如也甲午以後大銀臺亦予告里居二難二老披藍警束緒絲連轡翱翔于勞嶁萊溫攬結海山翼鏢不翊新息翩翩然洞壑間豪仙也關地宅頓種此君時老丈蒔攀弟梅兄姚姊魏妹偕梓成蘭友

笑咏飲奕恒銀河落而未休午橋綠野不更傳洛晉
聞已公頌然豐傳動中矩獲嘗云吾人居心宜如范
文正公多行吉祥善事仿其意置義田四百畝爲之
計歲所入贍族之婚殯不舉及孀獨靡依者置祭田
四十畝以供廟墓春秋祭盛立義塚俾若敖之鬼不
致經委建義學俾卑赤之童有地鼓篋又其推而及
閭閻者惠德義行類如此公博徵瑯環與探宛委尤
劇心于盲左腐遷爲文古亮秀挺不蹈時蹊脫而遠
於宗典多所參悟天竺氏之徒不能絀焉它如五禽
九煉之說靡不曉暢公誠天地之完人縉紳之名德
學源堂文集 卷之九 壽

也其子應建承遺訓卜新塋墓公于州南三里河之
嶺北余爲誌其行而銘之曰岱一卷溟一勺邇茲偉
人之磅礴父母人不愧爲父母人父母不愧爲人對
帝天而奚忤身名兩泰乾坤三樂岱一卷溟一勺邇
茲偉人之磅礴

誥授朝議大夫候補布政使司叅議前提督浙
江學政按察使司僉事劉公潛夫暨元配許
宜人繼配任宜人合塋墓誌銘

康熙二十八年仲春上浣高陽潛夫劉公劬時余病
劇甚家人不以聞仲夏始勝衣履縮縮行庭除間心
竊詫公之不余視也兒輩迺出計帖以告爲之聲淚
具下悼歎彌日蓋公與余順治乙酉同燕鹿萃於京
兆府四十五載莫逆之齊年生也卜居郛中且同里
閭通者公儻然高奇余亦罷歸晨夕促膝歡洽無間
謂五老三朋庶幾可匹乃從而聞計故不自禁其洗
學源堂文集 卷之九 蓋

溯己秋七月公之孫柝手所爲公狀屬爲石上言余
慨然曰是余之責也夫是余之責也夫按狀公家世
明以前本小興州人永樂初徙居內地占籍高陽家
於東邊渡口數傳而至諸贈奉政大夫文盛公是爲
公父配李宜人生公與兄霖贈公之祖諱漢以上失
譜不傳約皆一經百畝隱君子也奉政公濯行積學
潛而未耀及公昆玉始以文學著公賦資穎敏少不
好弄言動莊若成人成童入塾日誦數百言學爲文
章揮毫不加點十四歲應童子科督學御史雷公奇
其文景青衿同邑許公一見深相器重許字坦床明

年入甥館益肆力於經史名噪一時試輒高等弱冠
補博士弟子員家非素勛藝藎不給奉事二人則甘
旨豐潔曲盡色養食而能孝儒士所難庚辰贈公歿
辛巳太宜人歿兩歲丁兩艱公與元配許宜人侍藥
禱神擗踊哀毀莫不具至比當歲凶人歌鮮飽公拊
据窳窳悉如儀制間里稱之許宜人亦以哀瘁告祖
素冠樂樂勞心傳博少壯所閱大抵如斯服闋續配
任宜人時年三十發憤下帷爲文章語不驚人死不
休聲稱益著順治乙酉侍御秋岳曹公添視學三輔
聞公牘期以遠大是秋果以尙書高列賢書出大行

學源堂文集

卷之九

美

人荷氏王公應元門丙戌成進士出武陵此卷胡公
統虞門二公皆文壇宗匠人倫水鑒也遊其門者人
爲榮林旋謁選授河南武陟令不而歲拂袖歸乙未
冬起家補陝西文縣令十年而擢爲湖廣隨州守公
歸治武陟邑之經流寇蹂躪者十九年鴻敷於野瘠
捐於渠子遺三戶公多方招來不三月而賦歸者八
九丁亥夏大隳乾禾皆萎公令民決河堤溉田需若
時雨魁不爲災或懷公曰河自荆龍決塞之良不易
一寸堤一寸金也倂而揮錘毀之如漕運何公將無
塵跡軒冕乎公笑而應之曰予固知開自幸也唐忍

重一官而輕萬姓未幾治河使者果以是齟齬之遂
罷歸公歸治文縣地當秦蜀吭嚆多饒硯戶凋危餘
維正不如期官其地者還還棘催科鈇拳之并從之
民憚而躋舉匿等遁日以醫公憐且怒立八比法其
虛其邪民不啻矯虔貞懃者日至賦額以盈後人倣
之稱良法邑有百頃里其民犷悍抵冒不易繩以法
公引與講聖諭漸摩改絃因號曰向化里勝國軍屯
地通租千金公設法代銷且免徭三千丁頃者噴噴
屯墮土邑遠征納交難請於中丞台使分隸密邇旁
邑大稱便文有淫祠妖且靈爽官民歲時獻享公不

學源堂文集

卷之九

美

其然祠遂廢廼勸修費毀庠有靈石蹲如獅虎土人
云石露則邑人登賢書沒則否請爲表章公從之走
歲有驗陰平橋靜江樓皆邑境險隘亂後燬崎草莽
行者絕武式其式繕載艾載柞無復歌蜀道難者修
茸時需大木不可得會岷江上流浮木十餘截以充
工尺丈合度衆曰神飲治文十霜聲績丕著舉循卓
者一紀錄者十有三以年勞擢守隨州其治隨州也
除荒賑饑修常平倉飭武備罔不殫心靖位甲寅禁
旅下湖湘徵隨辦軍需二十萬石羽檄屢促公許符
不下躬詣武昌白撫軍中丞曰隨山城耳災餘益熾

際茲証警撫輯之恐弗謫貶重用以供億是速之附
迹也中丞深然之卒無所徵求隨人盛頌泣隨甚久
徵拜儀部副郎綰綬州邑三十餘祀至是始通籍內
僚矣論者不無遲暮之嘆公怡然以爲未晚也在禮
曹掌諸大典準古酌今罔不寅協時相國江夏吳公
爲大宗伯倚重之乙卯冬慎黔鄉貢士來應南宮試
者十餘人投牒後同官疑而不許公諦察無他毅然
曰若輩冒險來脫拒之何以示遠儆有不虞吾職其
咎衆始嘆服納其牒丙辰擢工部虞衡司郎中巡視
內河躬督蓄洩太液波澄季冬外遷提督浙江學政

學源堂文集

卷之九

五

按察使司僉事朝右咸喜得人時童子科入學額上
邑四中邑三下邑二狹甚寒畯百不一得當多並而
從業公廩謝竿牘朗持衡鑒賦采芹者半單門間有
格於額者辭其才捐俸代援新例俾無別棄之泣焉
三年兩試名夙時髦蒸蒸蔚起制府中丞交劾於
朝增秩爲藩司少參歸里待銓公好學能文注心藝
苑鑒拔人材多有績效順治丙戌分校中州鄉闈得
士七丁亥登甲第者三康熙癸卯分校陝西鄉闈得
士四皆宿學丙辰分校會試闈閱麟經卷得士十七
選讀中秘書者大觀他經稱盛焉督學浙越甄拔有

這不可勝數且雅重文教於泰修泮宮表靈石於楚
輯志書其文德率弘也而武績尤懋戊戌番彝犯文
縣境憑岫倚樅出沒飄忽師武臣難底績公用間牒
使相猜嫌窺其釁合兵擊之寇大殲死者數百餘悉
降迺稿以牛酒還所俘獲盡大感服終公任不復陸
梁守備潘雲龍驚嘆曰公書生曉屯兵機顧若是耶
癸丑冬滇黔逆作隨州伏莽者萬餘望風蠢動州人
洶洶携持避匿公嚴止之或欲請兵鎮剿公亦弗許
靜伺密籌得其要領屬其姪某暨親丁十餘輩率鄉
勇千人剿撫駢施賊烟消瓦解州人安堵如故上官

學源堂文集

卷之九

五

聞而獎籍之不啻口出其諸於戎事建威銷萌有如
此公負才偉岸襟抱蕭閒自武陟歸鍵戶深居不謁
公府時與老友懿親吟酌花竹間愛易水山川佳勝
卜居數載郎山雷澤遊跡幾徧去官也而絕意燃灰
自浙越歸遽居郡城靜介真率有官也則忘情畫錦
遇大利弊常侃侃言於當事無稍逡巡就第聞哇醉
竹蟠松編籬拜石一草一葩指揮灑灑日促仰一室
讀南華經幾葉倦則招素心人與共晨夕飲奕以相
娛樂十年里居遇人輒勸爲善註釋太上感應篇梓
以行世好施濟如重修高陽河橋工最大宅則指不

勝風搖葉何得春無虛日已未庚申甲子三年中
郡與商賈皆出粟數百石販之在邦之行綽有古
誼自少敬事伯兄友愛因心老而彌篤撫兄子如已
子百誼數椽悉所構置推而三黨貧者賴以舉火不
貧者吉凶緩急亦莫不仰給至於老穉孤寡歲有常
供十餘年所費不貲絕無倦色而自奉則依然儒素
也室無曳絲之姬庖鮮食粟之馬厨無珍錯之私餼
而中禮人咸則之公勇於爲義凡有濟於人不憚煩
猥戊子冬公之內伯父許公符適率晉樂時以賦禔
不楚落職稱留不得歸公携貲往爲幹旋事自偕返

學源堂文集 卷之九

罕

未幾雲中兵變許公免於難咸徵國報公笑而卻之
郡城東北十八村皆附郭膏腴順治初奸人跳身旗
下私佔爲業癸巳事敗汶陽田歸久之奸人復懷覲
覲清苑令無以沮其謀公聞之曰是田昔有部檄永
不復佔矣盍出而示之按之果然因偕衆伐石勒檄
垂遠回通始牙明決有爲類如此公爲人藹若程風
煦如趙日而外圓內方動循禮度語絕市諺行不徑
竇弗寧門人小子對之悚然即名公卿如同邑李文
勤公蔚州魏大司冠皆稱爲諒友少受異人引導術
行之四十年無稍疾苦七十有五猶能控轡顏丹若

若拂拂長三尺每朱鳥鶴驚行衢市中見者稱
爲仙客年來與少司冠潔菴趙公暨余爲三老會乘
興登臨公齒長濟勝之具則過之余與司冠公顧而
嘆曰詩云永錫難老劉公之謂也公亦自謂云然已
已二月偶感寒據榻擘畫家事氣息不如平時診之
者曰宜服參芪公笑而不計曰獨不聞裴晉公之言
乎生老病死時至則行樂何能奪造化益達識素
定也翌日遂捐賓客公之孫述公之懿行嘉言篇終
曰公居心正以大待人和而剛馭下嚴而惠處事縝
而密處則重道德行仁義出則敷愷澤修職業有古

學源堂文集 卷之九

罕

大儒名臣風軌卓然爲一代完人豈矣哉余不復易
一辭矣銘曰 振古古皇之配降才才子之里瑣璋
而挺奇磊砢而鍾美破瑯琊之弄藏臂龍虬於綺齒
芥拾紫青棠稅阪涖天中地西懸魚飲水五馬馳恩
惠彼隨子坎壈弗挫是維強仕入而寅天出而舉士
禮樂文章夫誰足擬勇退高栖三立備矣維祺錫眉
繩繩介祉綏而幽宮高河之濤大鶴翔集挂劍繫
長發其祥曰卯金氏

學源堂文集卷之十目錄

墓表

朝議大夫詹事府左少詹兼翰林院侍講學士

篁菴羅公墓表

誥授朝議大夫湖廣督理糧儲道布政司叅議

雲門石公墓表

學源堂文集

卷之十 目錄

學源堂文集卷之十

清苑郭棻快園著

墓表

朝議大夫詹事府左少詹兼翰林院侍講學士

篁菴羅公墓表

康熙二十五年丙寅豫章宮詹學士羅公之墓成仲子忻使使具書賁大學士李文勤公所為誌銘屬余表其墓道予與文勤公皆公乙酉典京兆試所舉士也誼不可以不文謝按誌公諱憲汝號篁菴為豫章望姓系出漢大農令珠世有哲人不具敘高祖諱傳

學源堂文集

卷之十

一

以子貴贈奉直大夫有隱德詔旌其門生文博公由鄉薦官河南懷慶府別駕于公為曾祖生日辰公以太學起家仕至福建長汀縣令生懋鰲公贈朝議大夫光祿寺少卿是為公祖與父懋鰲公配龔氏封太恭人篤生公幼穎異授書即能背誦長而好學博極羣籍補邑庠博士弟子員文舉彙江表已卯舉於鄉時主司為翰林馬君常先生得公甚喜相為引重癸未登進士第選讀中祕書甲申春流賊破京師督紳被執不屈者皆虐被榜掠公瀕於危未幾 皇清大入關一戰破賊燕京定錄不屈賊者官如故公

得授內翰林祕書院檢討明年乙酉典京兆試取士
百十七人丙戌成進士者七十彬彬稱盛擢國子監
司業時兵燹初息成均士寥寥泊直省選貢生至肄
業雍中者千餘公與大司成行塢薛公談經論藝月
無虛旬士多成材丁亥以不受屬拂言路意左官行
人司正己丑量移光祿寺丞庚寅遷少卿遇 覃恩
加秩一級與封典大官庀支紛錯無紀公時時裁釐
節縮者夥壬辰環復內翰林弘文院侍讀學士乞假
歸省太恭人於里假期將屆依戀子舍不忍辦嚴太
恭人力趣之始行親串餞送者雲集公執手泣下曰

學源堂文集

卷之十

二

吾母老古人不以三公易一日養我遽以五斗奪志
其謂之何此行重違母意不敢不勉匪久當乞終養
乙未補原官旋晉詹事府左少詹與 廷議大政昌
言侃侃無所避忌貴卿多憚之落落不合丙申引疾
致仕歸而侍太恭人養先事承志倫極誠孝太恭人
歿喪祭中禮觀者以悅閒居時友愛弟昇韞睦族黨
置義田義塾不遺餘力先是江右寇變里中婦子俘
繫者衆公齎產贖歸付其家得復完聚鄉人德之競
相尸祝至是益爲德於鄉凡有利弊輒白之大吏一
一與除築堤堰以禦水籌積儲以備荒以至繕葺學

宮修復古賢祠無不身先咸居於成公賦性方嚴視
躬謹飭不讀非聖之書不爲驚俗之行寬和仁愛好
汲引人才獎拔士類門墻之衆海海都有貴登卿相
績著榮戟者四十年猶濟濟也而公業無腴產囊鮮
遺貲蕭然高寄磊落自如質之古人當居何等也予
以受知最深不敢溢一辭以表公亦猶中郎之於介
休云爾子孫姻婭具載誌中弗更覲縷焉

學源堂文集

卷之十

三

誥授朝議大夫湖廣督理糧儲道布政司叅議

雲門石公墓表

關中富平縣有村曰磐石村之南阡有墓崔嵬松栝
蔚茂佳氣蔚鬱是爲故湖廣布政使司少叅雲門石
公之幽宮公歿於順治丙午墓於康熙癸丑江右饒
公型萬爲石上言文無愧詞越二十二年丁卯公之
冢君天樞由水部郎出爲山東按察司僉事分巡直
隸天津道述公生平懿行屬余表厥墓余未通籍時
識公於京邸及公官昌平余亦濫竽詞曹問訊往復
歲時相及以公視余執友也以余視公鄉之賢大夫

學源堂文集

卷之十

四

也兩誼互篤何忍以介陋不文辭按狀公諱在閭字
雲門先世起晉之洪洞望族也後徙居秦之富平迄
公已六傳世有隱德太學南川公始以儒學著是爲
公祖生五子長諱孕玉字乾錄公父也以子貴封奉
政大夫按察司僉事元配李公生母也累贈太宜人
繼配王亦累封太宜人公生而穎敏能言奉政公口
授經書輒成誦十四歲入邑庠補博士弟子員試皆
弁其曹九應鄉比不得志於有司益肆力於古學旁
及經濟諸典冊遂成大儒 皇清定鼎之三年丙戌
應 詔貢入太學時武陵此菴胡公爲祭酒湛心理

學讀公著作稱國士藉甚六館戊子內三院中書舍

人缺員以太學生選補時南北英儔如林皆自命唾
手可得公旅寓蕭索所親謂公曰是難得當也勿應
考公笑曰余姑嘗試爲之奚其必得耶涇陽少司馬
弗若高公時官廷評獨許之爲出印牒納試牘慙慙
之甚力果得高選授弘文院撰文中書舍人凡大文
誥泊軍中制敕悉公屬草敏練典確是年冬大同總
兵姜瓖反 朝廷命親王爲大將軍統禁旅往討之
故事親王秉鉞擇中書有才諸者叅贊軍幕公雖新
進文雅有智畧故得特遣倉卒不能辦裝一切皆公

學源堂文集

卷之十

五

家給之五日至雲中冠帽方熾矢雨下礮雷砲老於
行陣者皆有戒心公獨坦然大將軍異之羽書旬午
日常數百什道公磨墨盾上揮翰馬塵文不加點靡
不當大將軍意旨軍中倚爲鄒侯未幾賊平以軍功
擢爲福建督糧道按察司僉事行次江淮以政府文
書闕佚典守者惶惑乘公遠宦輒委咎焉遂落職大
學士潘陽范公知其枉慨爲奏白復其官補昌平道
脩兵僉事昌平衝當要塞田多磽确順治初年悉分
爲屯牧所遺者僅山麓蕪草區耳民多鴻嗷公捐給
牛種勸令墾荒地萬有三百畝失業者始安事聞於

朝紀續選部癸巳雨災兵民絕食公察吏有儲粟不待請報立爲給散俟穀賤以餽金糴補有如汲黯之於淮陽焉且勸富室出所積平糶貧民亦得續命嗣曠溢浹臻袁粥施布民之不致凍餒死者頌德不衰雨後城墉圯綿延千五百丈有奇亦捐俸倡先大爲修葺官弁士庶爭相募效不費水衡一錢不勞閭閻一徭計日竣事甲午禁旅駐防昌平民不獲宅爾宅

學源堂文集

卷之十

六

修築計用二萬九千金有奇公親詣堤口決者彌望徒耗縣官金錢無益於耕者力請停罷言甚明切役以寢昌平懷柔順義故無脩倉庾公夙知古常平倉最善乃捐俸建置乙未重修州序輪奐維新昌平北連萬山民以樵薪爲業往往爲旗丁攘阻莫敢誰何公毅然下令凡有攘阻捕而牒之部槩予以法公在昌平四載弭盜源禁私販蘇郵困凡所肇畫犁然脩舉丙申六計以最績註上考爲直省治行卓異第一 聖書褒美寵錫章服丁酉陞江南蘇松四郡糧儲道布政使司少叅下江漕務弊蠹百出司其事者

率攢糜於不可爲公處脂不膩當劇職勞吏難供豐抱贖耳剋心覈實利病洞若觀火乃條列三弊三病六策食選考成諸議上之制府中丞頒諭郡邑衡所人皆燭下照冰上行而厖剔一清且革陋規節供應清積速除弁兵耗贈歲省三十萬金四郡鐫石紀之戊戌丁父艱歸服闋起補湖廣糧儲道布政使司少叅楚之茅山廬山伏莽蟠踞時時出沒騷擾即襄陽詔發禁旅調集秦蜀豫楚四省官兵會剿帶甲數十萬雲屯西山壁壘綿亘百餘里芻糗日需數萬由香溪樊陵河洛三路轉輸險巇偏仄人皆背負攀藤援

學源堂文集

卷之十

七

葛行懸鼓烏道中率數鍾而致一石久之不繼供億者多逃匿嚴箠中饑罷死者道殣相望公單騎歷險至軍前揖諸將帥厲聲言曰賊不滅將軍任咎僕不繼余任咎勿相諉亦勿相防也於是通計兵食漕餉不足濟以採買躬親持籌日昃不遑暇食夜分不寢計無不周慮轉運維艱議設塘遞相度水陸塗徑上下險夷紆直近遠酌設九塘一塘設夫三千更番遞運蟬聯魚貫往復環轉晷刻無停滯太守以下至黃綬斗食或統理或分督井井然而人不敢索照熙然而人不苦煩曩之數鍾而致一石者茲乃一粒不虧

獲之逃匿死囚不可督責者茲則衆趨如爲士使馬
 騰軍聲大振長驅直搗一當十十當百不復日開賊
 若壘成蕞粉粉從者皆烏獸散十餘年積惡沉兇如
 疾風掃秋箨矣凱旋時滿漢將帥莫不日石糧道誠
 今之蕭何也交章以聞 詔下所司優敘公歸武昌
 未幾積勞發喉血不已遂不起於平公大儒也名
 臣也位不配德用未究才論者嗟嗟焉公秉性沉毅
 遇事敢言音吐如鐘用賜如雪敷歷中外二十年所
 至皆有聲績威服者衆立德于燕于吳立功於楚不
 居有二事親孝友愛昆季厚遇族黨有古人風公爲
 學源堂文集卷之十

八

文章偶儻源於龍門切學本乎膠西故語簡而旨深
 詩經必嗣聲調高而韻雅壯歲日究心于城南塘紀
 効新書非經經生者儔也立朝居鄉與人無忤意
 氣所激恒能排難解紛教課諸郎君暨羣從以勤儉
 爲上則耕讀爲大業長子天柱能繼公志役公十年
 而賞志以歿仲子諱天樞康熙已酉登賢書第在內
 閣中翰歷擢分巡天津道山東按察司僉事綽有案
 風季子天材國學生竿頭進步殆不可訾諸孫振振
 皆玉樹芝蘭也其婚嫁姻婭罔非名聞碩賢詳公誌
 傳中不且贅茲特舉其潛顯大節用表佳城云

學源堂文集卷之十一目錄

說

採江集說

賣古董說

郡境圖

郡城圖說

畿輔星野志說

畿輔建置沿革志說

畿輔疆域形勢志說

畿輔山川志說

學源堂文集卷之十一目錄

一

畿輔城池志說

畿輔兵制志說

畿輔學校志說

畿輔公署志說

畿輔祠祀志說

畿輔古蹟志說

畿輔戶口志說

畿輔田賦志說

畿輔風俗志說

畿輔職官志說

畿輔封建志說	畿輔帝后志說	畿輔名宦志說	畿輔人物志說	畿輔流寓志說	畿輔選舉志說	畿輔藝文志說	保定府星野志說	保定府沿革志說	保定府建置志說	學源堂文集	卷之十一	目錄
											二	
保定府山川志說	保定府古蹟志說	保定府祠祀志說	保定府風俗志說	保定府賦役志說	保定府倉廩志說	保定府鹽政志說	保定府兵制志說	保定府職官志說	保定府名宦志說			

保定府選舉志說	保定府人物志說	保定府寓賢志說	保定府紀事志說	保定府藝文志說	保定府雜志說	平吾字說	偶然齋說	清苑風俗說	學源堂文集	卷之十一	目錄
										三	

學源堂文集卷之十一

清苑郭茶快園著

說

採江集說

江不可採而言採譬猶人不可干而欲干也人有情江無情有情而干之或動或勿動則有慨於我無情而採之雖得雖弗得亦何損於江雖然余將採江之實乎舟楫鱗鱗網罟巾巾江無實矣余將採江之華乎商羊不舞蘿芷沙飛江無華矣余將採江之草乎彼薺而甘饑者以咽彼茶而苦饑者以哺江無草矣

學源堂文集

卷之十一

一

余將採江之木乎梗楠梓杞工則度之槎枿樸欂櫨則薪之江無木矣然則余復奚採乎有山巉巖樵者採其鬱鬱余將採其烟嵐有水潺湲漁者採其淵泮余將採其淪漣蘇子不云乎江上之清風山間之明月取之無盡而用之不窮也或曰是殆窮於採矣余曰不然人採其跡往往而窮余採其神得而不窮余因有句云浪遊莫笑余垂藥水色山光已滿攜窮也云乎哉古人採列國之風謠而知其貞淫理亂得失盛衰余非採風者也余乃藏之而以待採風者也因以名是集

賣古董說

天下之以贗售者多矣莫爲之辨真者以掩辨之而別其贗焉已也究詰其所以爲贗則不必都人許翁若有鑒別古慨之能故家雅士凡收弄三代秦漢金玉銅磁彝尊鼎鬲觚琖諸器具及晉唐宋元人書畫冊卷絹幅楮葉翁寄寓日焉好古者愛非一癖往往以有易無去故求新非翁不得互翁於閒無條無偶人重其言如季布一諾余於甲申歲獲晤翁於弘慈僧舍相過從不十年翁卽世有子曰光祿克世其業一日過余曰古董於今絕少矣余曰否今之市而求

學源堂文集

卷之十一

二

售購而以爲奇貨可居弗絕弗少也許子曰贗甚余曰何贗乎許子曰金之贗也十年售玉之贗也五年售磁之贗也三二年售書畫之贗也成則售之矣余曰盡言其實許子曰金山冶火色絕倫約土泥泔脫其火而黝黯綴砂以朱之栖緣以翠之砂萊雜漆以斑駁之十年後可欺也玉得雕水光黠額礪以砂屑浸以蠟膏魄斯燦矣五年後可欺也磁濟五行而成仿規佈矩無絲粒個錯欵識儼然辨者猝難無難也火氣剛土氣柔膚澤而中枯摩盪蠹潰三二年亦足以欺書畫以絹辨以紙辨以圖章題跋辨者以爲

廣之難廣書必工書廣書必工書者也臨摹罔所弗
肖識者以神理別之往往得其廣若徒以絹紙辨文
理固無差漬故楷而澁以汁色亦故也丹碌赭青得
禁則欽圖章題跋尤易爲廣成則欺矣不須時日余
聞之憮然曰諸所爲廣者非欺匹夫匹婦也王侯公
卿公子介弟其力皆以制人於死徙欺而覺何所恃
以無恐許子曰無恐也凡王侯公卿之嗜古玩者必
其賢且明者也公子介弟之嗜古玩者亦其大小雅
者也誠亦受欺亦受覺其欺置之已爾不究詰所由
來也一究詰其所由來彼售廣者將語人曰吾不廣
學源堂文集卷之十一 三

學源堂文集

卷之十一

三

主人倦耳左右者不得志耳雖有真者亦將徬徨趨
起而無所於前是以一廣而拒百真也矧作廣者小
人耳容而受之賢與雅之稱益藉焉茲故可恃以無
恐余聞之惘然曰此言雖小可以喻大

郡境圖說

史皇而後圖書生文字也汎觴於今寧直天雨粟也
志文字也志而圖也奚爲也郡志而圖也抑奚爲也
曰圖郡境也郡無山如嶽也無水如瀆也何無圖也
東西如周湖漚也左右如漢馮翊扶風也不可無圖
也按郡境縱不四百里也橫不三百里也分於天者
四宿也分於地者二國也分於城者三州十七邑也
雄郡也西多山也山不盡而境盡也東多水也水不
窮而境窮也均均平壤也而北四水達也南五水環
也山之氣不屬者水之情屬也水之情不聚者山之
學源堂文集卷之十一 四

學源堂文集

卷之十一

四

氣聚也周秦以上鄉也縣也漢唐以下州也郡也垂
千餘年日月光陰也非地靈而何也地靈弗克圖也
圖厥載窮之地也乃亦有圖之未可圖者也郡南百
里而遙畝服先疇也屋覆古瓦也鵝鴨惱比鄰也老
樹飽經霜也時而春也放棚驅牛覘土也攜筐結伴
采桑也時而秋也野麥樵而觀賽也田父醉而後言
也言觀其邑邑何如也跋望於野野何如也圖之而
未可圖者也東西北無是也郡之東西北百里之遠
也道衝也輪蹄雜沓也冠蓋絡繹也羽如日羽如月
交而馳也驗郵符飭厨傳晝無暇也擊鈴柝供飲秣

夜無虛也言觀其邑邑何如也跋望於野野何如也
圖之而又未可圖者也南無是也昔趙嘉圖方畧
也宋廣平圖勤省也鄭監門圖流民也志文字也圖
美爲也茲之爲圖者圖郡境也而弗克圖郡情也後
之覽圖者省識郡境也而未卽省識郡情也噲嘻哉

郡城圖說

出京師廣寧門行三百二十里郡是已郡北郭長三
里許五十年上林林總總恒子餘戶四民悉業焉衛
宇剎觀相鱗比古榆新桑相蔭映壯矣哉今荒如家
如已由之而入拱極門郡北門也東西多棹模郡世
家率族居於北故行里餘直當大悲閣後金元時建
者高百尋甍棟四翼鈴鐸千舌爲郡鉅觀後爲漢壽
亭侯廟由廟門而西不十弓曰稅務司角舊稅課署
今民居矣地則莊畝閒也直而南亦不十弓則叢勝
樓卽元平章張柔橫翠樓故址今燕樓矣郡猶傳爲

古蹟之一樓洞門行者衢其下折而西則有坊題曰
熙朝俊彥書明萬曆以前登科名也今已頽不數十
武北爲郡治守以下如丞如倅如司李如幕僚皆有
宅焉而治之南向者曰蓮花池元張弘範鑿渠引水
由西城而達其第放之使從南北水門出者此其渚
渚處也今渠堙而水猶渚栽柳種荷爲郡守宴游地
池之北有軒曰娛情軒軒後曰萬卷樓故郡藏書幾
萬卷今無書有板板亦闕落不全池之南有亭曰臨
漪四虛而敞夏受荷香秋受葦翠春冬或不至焉府
治左右有坊左曰師帥右曰保寧表職守也更西而

大寧左衛廢矣旗幟廟存也西平廟者爲故大寧都
使司署今爲城守叅將署矣亦兩坊曰都南屏翰曰
冀北干城更西右衛今日左衛守備署之更西斷事
司今日司獄司不復西矣或折而北或折而南折而
南者不數武仍西則總理刑名道署在已改故易州
兵備道行署者西且止於是再卽叢勝樓折而東射
可潑矢地爲清苑縣儒學有兩坊坊額曰德配天地
道遠古今更東有高臺臺中空四達俗呼穿心樓上
祠文昌星君爲儒學起吉星者歟再東而盧旅依然
風日黯淡遠於市闌近於城堦也禁旅所駐防處也

學源堂文集

卷之十一

七

叢勝樓直南可里餘卽南城之迎薰門門北之左設
都學宮衛學宮兩學共一廟規模濶壯古栢未戕再
東則禁旅駐防處門北之右建永寧寺俗曰南寺亦

禁旅駐防處寺之殿與鐘鼓樓猶爲僧有西雖不止
於是而亦止於是西皆禁旅駐防處也門再北不數
弓折而西亦不數弓有門有柵者清苑縣治也
丞簿尉署各在治中簿則廢也再西里許直衝者曰
鐵五道廟不可復西卽西而南惟淨土寺爾折而東
卽府衛學宮後所由達於金臺驛者也至驛而亦不
可復東由金臺驛西抵鐵五道廟迤北則官署則

民居迤南皆禁旅駐防處從莊嶽之閒計之郡之南
畔略盡稅務司角可西也西大衢也南北門第與北
衢同衢中北折城隍廟街也再中北折貢院巷也直
西迤北爲總理錢穀道署署之左爲古金臺書院今
不書院矣南面爲旌忠祠楊忠愍公祠也稍西而北
折復稍稍西巡撫都察院在焉昔建麾今建牙者也
通城之西北隅矣立乎總理錢穀道之前而西望屹
屹言言者西城之瞻晉門也城之北畔亦略盡也合
而圖之北與東人恒靜縫掖也薦紳也老農老圃也
也也也也南與西人恒動胥也隸也卒伍也商賈也

學源堂文集

卷之十一

八

勢也詳也惟最南一橫地兜鑿曬日雲錦嘶風雄將
之駭孤猛士之大羽日席地而講武焉詩云予曰有
衆侮衆而託處於茲

畿輔星野志說

天官家之言曰天開於子地闢於丑人生於寅治曆家之言曰紫微在子太微在巳天市在寅析木之津於宿爲尊日升於寅義稱取爾也故夏正建寅釋者曰寅者演也萬物所自生演也厥有旨哉漢張衡云帝座有五一在紫微一在太微一在大角一在心中一在天市天市之有帝座也審矣天文志曰寅有三宿曰尾曰箕曰斗尾箕分野爲燕燕之當爲帝都也抑又審矣粵稽古皇軒轅氏都涿鹿顓頊氏國高陽皆燕地也唐虞雍有冀方燕在畿內近代以來遼建

學源堂文集

卷之十一

九

南京金建中都元建大都明建北京 國朝爲京師尾箕之野定鼎者古今皆在焉以昧八埏九域此爲裔裔皇皇已或曰寅爲震方取出震繼離之義又曰天地溫厚之氣始於東北爲天地之仁氣說非不然而於尾箕分野之弘且尊者猶未之詳焉也謹按象緯昭回北辰爲極孔子曰譬如北辰居其所而衆星共之天樞之與天極無岐象也王者觀天察地立國建都上應辰極於以宅中圖大南面答陽斯爲協吉獨是寅居東址尾去極百二十五度有半箕去極百二十一度有半論者以爲遠於紫極及考班固書曰

尾箕屬燕危六度至斗四度謂之析木亦屬燕危之與斗合立楊星紀析木而一之者也燕更上應紫微已豈不與北辰居所之義相符合也哉宋朱熹又曰北辰無星因莫可識指旁一小星曰極實非極星也夫無星則無分野安所從而崇效之歟極雖無星極之垣則有宿分野燦燦然顧可畧而不言耶故不如班書之爲精微廣大也況天市在寅弗第人生於寅合連山首良之義而俾彼雲漢實起於析木之津或分而北或分而南或合而西南行經而由之貫於鼎畢室壁開其分野爲趙爲魏卽今之真定順德廣平

學源堂文集

卷之十一

十

大名諸郡也永平保定河間原屬尾箕者更無俟言已建都於尾箕之野以爲元首而鼎畢室壁聯絡於雲漢者自如股肱羽翼之相屬也趙魏千里不亦爲燕之股肱羽翼耶居重馭輕天成地設於焉神人萃物爽憑豈非天府奧區萬古不易者哉今試仰觀銀漢之天章光華燦爛由東北而布西南顧察旬服之地理博大爽塏由西南而拱東北於都哉天心地勝踞四維八柱之神臯斗聚星聯啟萬禩千期之景運莫此爲太於茲爲詳已敬備稽之以作志

畿輔建置沿革志說

畿甸之爲地也古矣地不古建置古矣試問黃帝合
符之暇夏禹治水之蹟猶有存焉者庠曰今不存也
匪今自今其不存者安有紀極唐高宗念往代都邑
缺佚故籍命弘文學士討古宮室條具以聞用備觀
覽及東封泰山行次濮陽以地名吞之實德元德元
不能對許敬宗對之當世以爲博蓋不考建置不知
所自始也不考沿革不知所由終也天人變化之能
古今得失之故顧可忽乎哉開嘗舉八郡之州邑而
稽覈之遷徙分合弗可更僕而悉倘弗爲緬稽弗爲
學源堂文集 卷之十一 主
昭晰有不以獨鹿爲涿鹿栢鄉爲栢人者庠洪惟
聖天子勤學好問博極遠軒將以攬方輿于一掬綜
百代於數言也畿甸伊邇 翠華時臨脫有顧問誰
爲行秘書者茲且作志敢不其詳遷徙分合固所勿
遺訛疑複贅尤所必訂即如顓頊誕於高陽都邑於
濮同在千里之內不得以帝丘曰發祥伊祁封國於
唐踐阼於晉祗越一山之閒莫遂以望都爲食采可
勿博辨歟大者古遠易譌小者傳聞難據詳確爲志
庶幾有稽焉

畿輔疆域形勢志說

今之畿甸古之冀州也考古冀方爲幽并廣博遼闊
一倍於雍豫三倍於青兗荆揚梁益迥莫與儔非如
後世提封之有四履者也延袤二千里跨有四州亘
及三國東無疆而疆以渤海西無域而域以太行南
襟大河北倚乾嶽亦猶一家之有戶壁焉爾疆域云
乎哉而形勢家且斤斤於設險之說焉古人云天子
守四裔在德不在險似可置疆域而勿道子輿氏曰
天時不如地利又似難與縱橫之談可一切吐棄者
已明劉侗有言曰建都於燕北宅南嚮威外福中玉
學源堂文集 卷之十一 主
食航輦蓋用西北之勁以制東南之饒亦用東南之
饒以養西北之勁饒勁各異勢長在我又曰中絕天
下不若虎眦天下虎眦天下不若挈天下爲瓶而身
抵其口故洛不如關也關不如薊也蓋守洛必以
天下守關必以關守天下必以薊斯誠諸於形勢之
大較者歟開嘗東抵榆關西臨雁塞南游河洛王屋
之閒北眺宣靈大漠之墊瞭然於 帝京形勢之雄
以壯也太行崛起函谷開西南以趨東北蟬蜒逶迤
倏閃騰蹕如屏擁如襟抱二千里而大蒼於礪石形
家以爲盡龍占者以爲王氣故千峰奔會羣嶺歸於

蓬瀛萬派淵渟共息肩於鼇柱洵所謂半拱天心帶
環地肺者序獨餘蒼陽一面懸懸周原昀昀禹甸受
梯航來玉帛勢誠傲焉乃有黃流在中九折而歷雍
豫萬里以迄東南曲曲流曲曲抱當其由豫而魯由
魯而齊由齊而海也收太行之左氣攬恒嶽之全龍
既周且密加以衛漳逮于魏北漳沱界於趙中拒馬
桑乾潞漾於燕南悉滙天津合襟入海左有軸石有
弼背有倚面有朝弘龐完固不更彰彰耶朱紫豈曰
天下好風水第一在冀州宜其然乎卽以形勢論由
燕而達四國者行行皆周道由四國而適燕者在在
學源堂文集 卷之十一 三

有要津履道坦坦將軍不用從天維石巖巖井陘誰
能列騎踞上游而制人限天塹而守我文德可來武
功可競益信劉侗之說非揣摩也疆域形勢故可合
而爲志

畿輔山川志說

司馬子長曰中國山川首在隴蜀尾沒渤海以是知
幽燕爲震旦全氣之滙也惟是山非一脈水非一派
管氏之地員呂覽之有始皆所未詳陸深曰山經地
志具險易敘貢賦爲王政之所寓焉是烏可荒缺而
小草耶按畿內之山統曰太行說者謂太行起於河
內從其近者言之爾若求諸遠氣迪於華嶽脈衍於
義眉蜀而秦秦而晉趙幽燕若率然然自巨霸一勞
黃流貫中太行始嶄嶄特豎矣子長氏之言洵不誣
也有山經復有水牒中條之東而爲太行爲王屋則
學源堂文集 卷之十一 古

衛水漳水出焉王屋之北而爲蓬山爲鵲山不百里
輒伸一臂臂凡六七有第一第二第三川則泚水濁
漳出焉更跳而西北爲樂平郡諸山入晉境者也起
伏委折東北行而爲西屏封龍金榆料障諸山則漳
沱泐沱淹唐之水出焉自是而東北趨爲大茂爲大
鬼爲郎山爲獨鹿峰峰拱極嶂嶂環京唐詩所云三
晉雲山皆北向者至此而益矗拔益森列勢使然乎
有易水有涿水有桑乾水川從山赴山迴水迴遙遷
於西山而聚講焉萬嶂峭於都右百泉趵突於雲
根或昂嶺而雄或削劣而秀 嶮嶮而怪或喻淵而

奇玉屏送翠螺髻浮青梵宇琳宮凡六百有奇稱名勝備遊觀千年於茲已折而北銀山鐵壁蒼鬱幽靈轉而東燕山盤谷敦龐古穆殆山經所不載土訓未詳者也乃復玉泉涇水之澄鮮洵流漆河之激洑縱送兜關奔會礪石豈非崑崙之正幹溟渤之祖洲也乎震旦全氣貫瀛于茲志之因貴有經緯也至若三關七十二隘九河百十餘津蓋未遑昭晰並進焉

畿輔城池志說

冀州古既脫地民多穴處窮窳無城郭宮室也幽燕境在東北于唯猶存周秦以下始習版築五代以還實繁戈甲設險衛國不獨王公也矧百雉而都千里而畿地浸華人浸衍古不終古耶崇墉言言功同保障顧可忽諸白虎通曰天子曰崇城言高也諸侯曰干城言不敢自專以禦天子也諸侯且然況也大夫始知城郭之殉建不容不考五經異義曰天子城九仞公侯七仞伯五仞子男三仞今之郡守視侯州牧視伯邑宰視子男始知城郭之崇庠廣陋不容不考非特此也漢高帝過曲逆曰壯哉縣吾行天下惟見洛陽與是縣何以壯壯厥城爾子路治蒲孔子入其境而三稱美曰城郭完曰道塗治曰田野辟始知城郭之完缺修廢不容不考春秋書城成周重民力也書城中丘譏非時也始知城郭之修築歲時不容不考一城池而數義繫焉作志者其能已乎

畿輔兵制志說

戴記曰班朝治軍左傳曰國之大事在祀與戎執謂兵爲先王不得已而用之耶云不得已者撻彼奮伐爾若夫用以衛國用以建威雖孔子論政未之或略已漢唐以來詰戎之制載在史冊代異而世不同有變而益上者有變而益下者悉大司馬大將軍掌之其重輕大小遠邇之間有爲學士大夫所當究心者畿輔京師之肘腋也否則門庭也往代且以爲屏藩今四遠一統九圍是式畿內卽堂奧無所需其爲帶甲百萬荷戈十年者設五鎮鎮有協或三營或二營

學源堂文集 卷之十一 七

師武臣材官猛士皆良家子趙桓稱盛焉制尤不可不考也按古有守兵有防兵有屯兵有衛兵有運兵有戰兵名不一而用之各効豎蕞巖城挾于執盾跬步無移者守也謹斥堠嚴烽燧晝瞭宵聽者防也受田每每春覲土秋鳴金者屯也閭閻之裔計戶授賞督厥軍餘世守疆域世習戡鈴者衛也駕漕艘轉天儲者運也拜大將懸金印如斗大有偏裨有贊畫戲以下披堅執銳靜如山岳動如江漢或騎或步攻左則左攻右則右有進無卻者戰也兵雖有六而戰與守爲要焉守故不戰戰故不守而今且罪二爲一已

庸第并二爲一而且并六爲一已路將鎮弁非守乎綠林嘯鎬暴客禦人出而追奔守而戰也譏關扼隘非防乎敵乃干鋌乃戈矛善敵乃甲冑防而戰也分半師率一旅殲彼狗鼠如殪狐兔非戰乎計口而授之畝勤胼胝焉戰而屯也衛廢已更而爲守備守禦官以守名而金穀戶役有司彌盜捕逃有責衛乃兼防兼屯北無漕也或分汎或護貢棗或押伴或衛貴人驍從防乃兼運兼守一兵而六兵往往告勞焉志之弗克志者也

學源堂文集

卷之十一

七

畿輔學校志說

重才故崇學校崇學校故建廟宮崇學校未即重
人才之實也崇猶愈於弗崇也建廟宮未即崇學校
之本也建猶愈於弗建也而建必有其地三輔黃圖
曰禮小學在公宮之南大學在東就陽位也而建必
有其人漢文翁爲蜀郡太守令諸郡縣小吏起學宮
設官使子弟受業建而更欲其修也後漢鍾離意爲
魯相修孔子廟發寢得素書除草得白壁修而又欲
其繼也高朕爲蜀郡太守以大城南文翁學堂火修
復繕立圖畫聖賢古人像嗚呼在昔先民嘉意廟學
學源堂文集卷之十一 尤

昭垂史簡詎不流徽百禩哉今畿百餘城則亦百餘
里果皆風雨攸除鳥鼠攸去乎抑李下之蹊不言而
庭中之草可鞠也蓋聞之矣鄭人游於鄉校以論說
收然明謂子產曰毀之如何子產曰夫人朝夕退而
游焉以議執政之善否其所惡者吾則改之是吾師
也若之何毀之也千年而下第恐然明多子產少不
毀而猶欲毀之矧也其既毀之吾甚願今之長吏寧
爲子產勿爲然明矣更爲之志

畿輔公署志說

國語曰署者位之表也有位必有署今天下十四省
首藩臬次分司次都邑次貳倅幕僚皆曰署制府巡
撫中丞提督總兵皆曰府或曰牙門別使相與上將
也畿無藩臬制府中丞督鎮建牙以時變遷不常厥
居故志從郡始重守土也必詳始建者何禮記曰諸
侯之堂七尺大夫五尺士三尺明有度也必詳修廢
者何阮籍盡撤屏障論者譏之羊祜不毀舊府論者
建之辨品量也諸如郵亭客館倘不能爲林宗之掃
而爲國僑之壞是亦不容不志也

學源堂文集卷之十一

手

畿輔祠祀志說

祠祀國典也小宗伯掌之下至郡縣皆所有事或曰日月星辰民所瞻仰也山林川谷丘陵民所取財用也非此族也不在祀典雖然王七祀諸侯五祀大夫三祀士二祀庶人一祀可云非此族乎亦顧其宜與不宜焉爾畿內如孤竹祀夷齊涿鹿祀昭烈桓桓金容祀劉靜修廣川祀董子趙地之祀其先喆者指不勝屈宜也不害其為祠周禮大司徒職云以祀教敬則民不苟此意可師也魯桓公丁丑再祫此事不可師也漢文帝曰先王遠施不求其幸望祀不祈其福

學源堂文集

卷之十一

三

令祠官致敬無有所祈此意可師也秦昭王不豫百姓買牛而禱此事不可師也寇萊公知道州民為立祠父老觀其柏而泣此意可師也狄梁公知魏州有祠後因其子而毀之此事不可師也書曰威秩無文詩曰靡神不舉則又不在斯例

畿輔古蹟志說

古蹟者古人之蹟也其人足傳斯其蹟可傳按堯舜至今四千年許由掛瓢之樹詎是石楠夏禹繫舟之巖諒無鐵柱因人思蹟因蹟紀名好古情深無嫌其誕也牛山實泣峴首沉碑名心無乃過豔乎然猶愈於情甘遺臭者若夫平泉之木石不可與人虎丘之宅第何難改寺一癡一豪乃亦不朽焉嗟嗟漳濱有瓦中用研材馬嵬藏襪猶存香氣聊以資人說嘆耳有類於此志所不收

學源堂文集

卷之十一

三

畿輔戶口志說

民籍古版圖所載也周禮大司徒掌人民之數小司徒掌四郊都鄙夫家九比之數頒比法於六卿大夫三年大比曰比者比其多寡也或以考驗司牧者之生聚焉又曰萬民利害爲一書康樂和親安平爲一書又以考驗其教養焉生聚教養生民之利在是矣主政之大盡是矣故九州之衆大司徒掌之四郊都鄙小司徒掌之嘉惠元元用培邦本莫斯爲重也畿八郡仰而隸於帝都亦卽神州之四郊都鄙也三年大比或非所緩按故事三年郡縣造黃冊貢之戶

學源堂文集

卷之十一

五

畿輔田賦志說

漢志曰畿方千里有稅有賦稅以足食賦以足兵周禮曰囷廩二十稅一漆林二十而五以是知稅以養國也賦以養兵也畿雖千里什之一養兵二十之一或五養國民力亦各有取足哉後世則不然國家宴然祿予匪頒封祀土木之事繁賦卽足國假而大征伐問罪弔民百事節縮用資飽騰稅亦足兵天下稅入之數常不敵賦入之多小民維正之供常急於權算之額九州皆然而畿爲甚何則畿民近在日月光際大恩澤首先被之不時之需應聲之徵亦首先承

學源堂文集

卷之十一

五

畿輔風俗志說

都邑首善之地也畿甸近光之人也千里郊圻有德
牧而後有政治有政治而後有風俗責在上不在下
者也漢賈誼曰移風易俗使天下同心而嚮道類非
俗吏之所能爲憂憂乎難之也何難耶俗不吏則吏
自不俗修其教不異其宜齊其政不易其俗當亦盛
世所易覲者畿爲古燕趙國境悲歌慷慨地氣使然
也語又曰燕趙之士鈍如槌悲歌則不鈍慷慨則不
鈍所謂鈍如槌者或亦卽以悲歌慷慨歟夫鈍從金
金不砥礪乃鈍槌從木木未瑠鏃乃槌不砥礪而砥

學源堂文集

卷之十一

圭

礪之可也未瑠鏃而瑠鏃之不可也孫卿子曰千將
莫邪不加砥礪不能割割此磨鈍之說也漢陰老人
抱甕灌園不事桔槔曰有機械者必有機心此守槌
之意也燕趙人士可以審所從事矣治燕趙人士者
亦可以審所宜矣居今日而談燕趙之風俗淳漓奢
儉之閒蓋不能無議焉淳古德也今不必與昔殊儉
美德也都不必與邑埒朝不必與野侔何則疏屬不
以登廊嚴冠蓋不以入林壑方不可乖也珠玉錦繡
沒於五都之市雖厲禁而不遷草衣木食陳於三戶
之氓雖衆嗤而不顧情有所安也是皆不諳於風俗

之大也而其大者在於禮義廉恥焉管子曰禮義廉
恥國之四維周禮曰孝友姻睦任卹民之六行假使
四維張六行舉而民自以不媮不媮則厚厚則不靡
卽導之奢而不得也不則媮而薄薄而靡卽強之儉
而不恒也國奢示儉國儉示禮變本以加厲云爾豈
曰端本澄源之道哉盱衡畿甸奢耶儉耶禮義廉恥
耶孝友姻睦任卹耶四維具於人心六行載諸王制
操存舍亡責在上而不在下也若夫五禮之章程四
時之沿習非所關於人心風俗者不復覲縷

學源堂文集

卷之十一

圭

畿輔職官志說

建官而分之守曰官職職常也分也序官而次之第
曰職官職品也秩也志不忘官守志官序有卿貳而
出使者有臺憲而出守者有侍御史而出巡者有藩
臬叅副僉事而分守分巡者書名書籍書受事期曰
詳焉重故詳大故詳風憲故詳詳之適所以重之大
之風憲之也而重者太者風憲者倘其顧撫思之
太守以下書其官書其僚爾非畧也漢詔曰庶獄斯
以安其田里而亡嘆息愁恨之心者政平訟理也漢
我共此者惟良二千石天官書曰郎官出宰百里主
學源堂文集 卷之十一 手

學源堂文集

卷之十一

手

畿輔封建志說

封建井田戰國時已蕩然已秦漢之際有自立者燕
凡四易焉漢高立者八后立者八燕凡有四趙凡
有四焉東漢以來書不勝書大抵名號爾胙土食采
無還域焉志之以見畿內地非沮洳磽确比而邱第
范囿鐘簊圖書亦不盡泯其傳焉

學源堂文集

卷之十一

夫

畿輔帝后志說

帝王后妃史有本紀志可勿登序志乃登人物已昊天其子倪天之妹孰敢曰此千人之英四德之良爾耶且電繞斗樞星流率渚以泊人覆玉衣鸞御石字又無非天祿也志安可勿登耶或曰三國偏安六朝割據統有正閏宜爲區別此史法也非志體也況志所書者登庸御極之歲月爾降訥迎渭之籍里爾無春秋之褒譏非國風之美刺舉而冠諸人物之上重之云爾

學源堂文集

卷之十一

无

畿輔名宦志說

朱紫陽輯名臣言行錄止於宋人章其昭代也元人資之以爲史料嘗讀其書大抵徵據於諸君子之家乘爾子孫述厥祖德門生故吏識廼私恩非諛墓之辭則索麥之傳銀管蔡烟傳訛傳僞不無有焉竊以古今最愚莫若黔首論語曰斯民也三代之所以直道而行也問左之口碑不大愈於汝南之月旦哉孔子爲魯司寇與聞國政三月之閒魯人先諗而後頌子產執鄭國之政亦三月之閒鄭人亦先諗而後頌是職何故歟孔子誅少正卯墮三都鉏暴抑強不致

學源堂文集

卷之十一

三

驚彼田野先威而後惠也故其諗之也曰麇裘頌之也曰章甫子產鑄刑書先刑而後賞也故其諗之也曰孰殺頌之也曰孰嗣諗頌之情則同諗訟之詞則異時不緬邈也地不遼絕也何以異同至是爲政者可以深長思已畿在日邊持節剖竹者懷於呼吸通帝座無淫威則亦無東濕獄不察淵賦不驚雉往往多遺愛焉雖多歷年所而三代之直弗寧由由者存而勿失縉紳者繼振者率羅而筆之於書故賢者不致湮沒而弗彰今昔得林林如許也曰是林林者皆宦而名者也伊可慕也曰其他皆宦而不名者也伊

可畏也三代以下惟恐人之不好名也故作志

畿輔人物志說

夫以千百年既往之人物而不化斯亦未可數數觀已況人爲三才之一可以與天地參者也子思子謂惟至誠爲能之奈之何狹視斯人乎畿輔廣二千里有奇人之既往者算數譬喻所不能及物而不化者凡後耶謂無愧於三才之一也憂憂乎其難之也謂有愧於三才之一也藉藉者已復如是也大者天地皆震動小者一事足以傳其不軼踰乎聖賢之道者卽皆聖賢之徒不襲越乎豪杰之材者卽皆豪杰之選綱常名教國是民生胥有賴焉蓋可泯乎哉或曰學源堂文集卷之十一

燕趙多慷慨趨氣節易趨道德文章難將無分行與言而二之乎燕趙之人其生也實而不華其成也華而後實華而後實固勝於徒華實而且華又遠過於徒實唐以上何多輩起耶宋以下何僅輩起耶漸趨於華故漸衰於古謂燕趙之人已華則可謂燕趙之人無華則不可且道德本根也文章枝葉也氣節根之挺拔而枝葉之扶疎者也有道德而無氣節譬諸蒼苔矣有文章而無氣節譬諸雕繪矣三者孰難孰易乎亦不待辨而自審焉志共登若而人爲道德爲氣節爲文章班班具在道可道非聚徒講學之謂

德可德非捐金出粟之謂氣真氣無取乎用壯用
也節其節無取乎矯廉飾介也文章其文章無取乎
彫脂鏤水也其人雖往物而不化可以參天地焉或
曰閒有節取也安得瓊枝寸寸皆玉安得旃檀片片
皆香吉光一羽勝鵝鶩腹背矣博登之敢詡詡於天
下曰吾里 帝里也他何可望作人物志

畿輔流寓志說

古者諸侯失國託於諸侯因著寓公之典流寓者蓋
皆古人之不得志而託焉者也轍環七十二國固不
可曰流朝叩秦關暮抵楚壁又不足以言寓關喜識
苦縣之氣陳蕃下南州之榻既非流亦非寓陸羽選
山而居管寧破帽以去其庶幾乎畿甸 帝鄉也挾
策皇州曳裾朱邸通都大邑車塵馬跡時時歌轉蓬
馬方且以終南爲捷徑也寓公云虜哉惟是山巔水
澗窮鄉僻壤中閒有高良之踪言行可矜式文采風
流今尙存者而後無愧於茲編已

畿輔選舉志說

燕趙之士釋褐而登於朝者今多於古古貴於今今非不貴士士自不貴爾士不自貴浸尋之而人亦以爲可以貴可以勿貴也秦以上燕不與會盟趙不忌騎射士鮮顯望於天下蘇秦魏人入燕而燕貴之至趙而趙貴之戰征之役以與劍俠之名以著蕭蕭易水頃刻聲斯亦何足貴耶詩書儒雅晉唐而後蔚然以起焉士乃浸以貴故進士之科始於晉盛於唐侈言於宋以後卒之史冊傳聞者范陽盧博陵崔贊皇李廣川董高陽許克世其家他皆崛起而開出以

學源堂文集

卷之十一

五

是云貴焉一穆子博陵人也邵堯夫范陽人也燕產而洛貴之則又何歟曰燕趙不貴士也謂不貴士已不可不貴詩書儒雅庸可虜五百年來士貴矣科目貴也科目貴士遂羣然趨於一塗而治燕趙之人亦羣然而知貴此一塗往聞之里中先生長者曰哀哀大冠規步矩趨翹然自異於編氓貴也而今不然名登青綾之書身上孝廉之船不宦而紳里之人企慕之里之長吏禮貌之貴也而今不然燕受紅綾之餅臘傳紫宸之班或百里一人或數年一士隱然有公輔之望里之企慕者有加里之長吏禮貌者有殊貴

也而今不然嗚呼昔何以然耶今何以不然耶人爲之耶時爲之耶要亦不自今日始也子路使子羔爲費宰曰何必讀書而士已不貴盧藏用有捷徑而士益不貴卜式爲徹侯崔烈爲三公而士且安得貴乎曰烏衣之子弟皆佳文無害致君有術則又士之不能貴而不欲貴者已里雖不貴士士其無忘所自貴乎處則詩書儒雅耳出則科第耳詩書儒雅猶曰盡人可習高科名甲國家所懸以待天下士者也勸敢曰不貴作選舉志

學源堂文集

卷之十一

五

畿輔藝文志說

世人之語曰燕趙多慷慨鄒魯多文學燕之興趙以性情著而不以文詞著自古已然歟或曰三家分晉趙始有國晉之文即趙之文戰國時燕不與會盟無時同贈勞之辭故不傳謂燕文不傳則可謂燕無文唐可乎或又曰十五國無燕風八國無燕語大抵以質慤勝及讀燕惠王樂毅二書與秋風易水之歌則又不盡質以慤也剛是鄒衍推五德而作主運窮天際地以爲文韓嬰毛萇作詩傳纂經輯雅以爲文張華作博物志鄒道元作水經注范令羅古以爲文天學源堂文集卷之十一

下文章孰大乎是唐以詩傳趙人爲最多宋以後重理學尊董江都爲大儒邵康節劉器之劉文靖承先啟後致知力行不僅以文章傳而文章未始不傳顧可曰燕趙無文章哉或曰文而繫之以藝則非載道之謂矣燕趙之士不屑屑以藝名藝亦可以不名也雖然志之所謂藝文則非此之謂志記事也事有實言之不足而長言之長言之不足而咏歌之昔文也亦皆事也李太白云大塊假我以文章易曰風行水上渙蘇子以爲天下之至文乾坤山水厥有自然之入故從而文之所謂筆有造化之工者也志藝文

所以志乾坤山水也文之不可已也如是夫彼以文爲藝者則不暇錄焉

保定府星野志說

圓蒼靡際星宿羅縈拘墟以區說難允者郡天壤黑
子爾詎當一宿若而計度爲析說亦難允語有之天
一咫地千里郡千里耶度不一咫耶春秋說題辭曰
陽精爲日日分爲星字從日生地無星已說文曰萬
物之精上爲列星天無星已宜何從周禮保章氏掌
天星志日月星辰之變觀天下之遷辨其吉凶以星
土辨九州之地所封之域皆有分星用觀妖祥以故
觀占之學後世有專家郡亦封域之一也舊志有載
仍錄焉

保定府沿革志說

昔天皆王土也僂而九州僂而十二州僂而千八百
國僂而六國僂而郡縣或百數十年不變或數年數
變其不變者沿也其變者革也天爲之人爲之蓋亦
理亂之跡而得失之林也已郡居燕趙之間地最古
人最樸由鄉而邑而州而郡屢變而上者耶獨是一
郡而岐兩國兩國而區數州錯互蓋已繁也白溝而
鴻溝皇圖而赤縣曩今大不作也非志之非詳志之
未有不曰斯地也昔爲疆索所不及今如何南不可
問者作沿革志

保定府建置志說

建置事屬初初而又初守亦初也義取鼎鼎而弗鼎鼎亦鼎鼎也顧其善否何如爾郡歷千餘年中間有大因革如遼元時事不得不初不得不鼎鼎已若夫一檄可定秋毫無擾窮簷且安堵況城社乎況署廨乎況學校乎無須其初不盡爲因息事寧人元元者受福實多故志其槩

保定府山川志說

九州皆有名山以爲鎮東北曰幽州其山則醫巫閭西北曰并州其山則恒嶽郡居幽之西緣而并之東幅也不得援二山爲鎮已名山志曰太行第七陁在晉第八陁在燕明李濂曰太行轟轟數千里雄跨河北諸郡而山之所至隨地得名其實皆太行也郡界燕趙之閒凡有山皆太行復奚疑但綿延數百里所云隨地得名者不一而足或以人而名或以事而名或以形而名傳聞鑿鑿矣有山卽有川見於水經者什之三見於州縣志者什之七若可仍舊志也亦不學源堂文集卷之十一 聖

可仍一山兩名兩山一名不容不辯古水流東今水流北不容不更或曰山川地之形勝志載宜備夫郡在畿內五嶽拱乎紫極四瀆朝於瀚海天下之形勝皆其形勝矣詎以近在肘腋者爲言哉

保定府古蹟志說

蹟從足人蹟也古今皆人大地皆蹟何志庫爾人傳蹟蹟復傳人傳千百世斯古已則亦有辨夜官瓊室豈與雲松並紀平泉綠野莫將銅雀同登緇衣巷伯意猶存也郡自昔不產惡慈庸有斯蹟四千載來山之巖水之渙九達之燹三家之邨多聖哲大賢高人才士聲蹟不金碧而瓦礫不桂椒而蓬蘽過者猶詠高山流水焉茲故訪而輯彙而志欲聞風者興起爾若曰此與洛陽伽藍記武林舊事記筆意畧同則吾豈敢

學源堂文集

卷之十一

聖

保定府祠祀志說

祀國之大事也亦郡之大事國如壇如廟奉常主之郡如壇如廟如祠邦大夫主之主其事而弗稽其典猶弗主也稽其典而弗潔其庀猶弗稽也潔其庀而弗既其誠猶弗潔也神之弗饗人斯弗禴矣人之弗禴歲斯弗若矣祀事蓋可忽乎哉爰作志

學源堂文集

卷之十一

聖

保定府風俗志說

古者千里之畿天子自治之故不立方伯連帥自秦分郡縣而漢仍之咸陽之外左馮翊右扶風曰三輔猶存古意也語云教化興於上風俗成於下在九服者自責在守刺在畿輔者雖不比於首善而近依日月光際象魏所懸文誥之被觀聽獨蚤教化之責殆建極而歸極者也風俗之成詎他郡邑所可望乎郡猶漢之扶風也聲明文物沐浴歌教化亦邦隆已風俗當無替已天道三年一變地氣三十年一變變而益上變而益下人爲之非天爲之也轉移之權顧

學源堂文集

卷之十一

聖

不重哉漢賈誼曰移風易俗使天下回心而嚮道類非俗吏所能爲亦激厲之詞耳俗吏不能者良吏則能之矧矣今之燕趙在日邊耶

保定賦役志說

嘗覽明初實錄竊疑賦稅之弗均也南則豫章三吳北則漁陽漢易南東之賦不敵雍豫之三而賦則倍之謂沿元舊額竭澤不無已甚及讀寶訓始知豫章二吳官田貽害固非維正故籍燕趙之閒當元季用兵供億浩穰民多凋劫畝畝者半草萊按籍則有賦履畝則無田率一同而輸數同之租地少賦多時使然也迄於成化閒生聚日繁耕耨漸廣地分三等賦亦隨之於是有畝賦三升二升一升者會而計之區十稅一耳以眎明初洵可謂寬徭薄歛者矣亦其時

學源堂文集

卷之十一

聖

承平日久惠綏有加其君其相得以與民休息也茲按郡志洪武時賦役與會典不符成化時則符會典一書蓋宗後不宗前者作法於涼不其懿乎郡志重修於萬曆丁未蓋神宗末年也當國家殷富之餘無甚大役大兵正供之額罔所增加迨啟祚兩朝海內春春多事遼餉練餉新餉之類以次府加征之無藝而民以重困考成之法雖曰六分爲率其實已取盈矣況乎措克之東又從而侵漁之也耶我朝寬鼎首定賦法增額悉除一本萬曆初年則倒載啟祚間纔什之六七耳良法美意洵足度越千古元元者惟

忭咏歌三十載如一日 熙朝盛典國史班班郡縣志書允宜犁備茲覽郡志乃缺有閒者幾四十年往代之加何由加 本朝之減何以減本末因革不獲瞭若矣余亟圖稽考而文獻無徵博訪周詢而傳聞難據可爲三嘆茲僅依舊志存其梗概以竣史成而續列之至於屬邑舊額大都闕畧故不具載邦之賢大夫覽此知亦能仰體開 國之謨而重念民隱也夫

保定倉廩志說

古云倉廩實府庫克非第謂太倉之庾與太府之庾也天下郡縣設有倉廩卽有蓋藏備緩急佐度支所不逮法誠甚善而廣盈廣濟之外又倣古常平倉法用以振貸饑民思深慮遠載在往牒可考而知者明代未嘗不重之故郡舊志最詳茲緒閱故籍稽核近例大抵廢弛矣其故有三往代有米粟之征管糧通判實式司之今則槩折矣曩所謂廣倉高廩者鞠茂草也卽閒有儲侍亦寥寥無幾尙不足以飽壯哉之鼠謂積貯何一也往者有贖穀雖蕞爾下邑亦歲報

百數十石後因濫罰一槩禁絕夫濫者可禁不濫者亦絕所謂懲噎廢食者也二也穀陳則紅紅則不可爲炊故有出陳易新之令一出入有戒無增也況乎烏鼠能啄風雨易蝕故有耗折之報故事察盤倉庫不過相其委積稽其大數已耳後來則不然一斗入責之一斗出十年蓄不許一粒減則易新難稍有不敷輒計而責之償州邑長吏視倉之有穀如腑之有瘕陳陳因不如其蕩然空矣三也有此三故前請行常平倉法言者懇懇及部檄直省議可否無一云可者古今人度越果若是相遠耶要以多一事卽多

一考成能任不如能讓也故承平則諉謝成風有事則皇遽莫措非派征則招買派者固有中飽買者亦多浮冒揆厥所由總因倉政廢耳使其不廢處處有積儲處處可供億卽有不足亦不致動輒費億萬金錢而煩司計者之核減也志雖一郡乎天下大計在茲矣故存其畧

保定鹽政志說

鹽法國之大利也因草損益司農自爲一書無庸志者獨是課徵之商引銷之吏鹽派之民輟鹽繼急之閒生民利病所繫有不吝不媿媿者焉按舊例商中鹽買販鹽與貿遷有無者等也乃舉而派諸閭閻計口授鹽照引納課蚩蚩之氓於正供外復拊掇鹽值矣稍不及額罰則及官官畏罰民益不得不畏官非食鹹直食苦耳問之則曰計戶口而食無所重困也試取郡志之戶口而稽之拜登之版昔盛于今乎抑今盛于昔乎丁日凋而鹽不減何遽督縣令以銷引

而不稍爲寬假也況昔之鹽一引若干斤今日日增矣斤重而鹽自多鹽多而銷益難盤中之水晶非若碗中之琥珀可彈之下咽者也乃動以私鹽盛而官鹽壅瞋目而語難爲問此額外之溢斤爲公平爲私乎尤可異者又莫如價值之不均也天津至郡一輩杭之易致也外是而滿城而完縣而唐縣非車不輦非肩不荷難致矣難致者價宜昂易致者價宜低今則大不然矣察滿城等邑每引一兩六七錢耳郡則二兩襄戶零糴且不止此是職何故與迺者新安之民亦苦食鹽之貴激而成訟始得平價嗟嗟民任土

作貢者也賈操贏入市者也竭立苦之粒壤壟斷之
囊爲民上者或亦隱然於此乎倘必如新安之激而
成訟訟而後平尤而效之恐雀鼠正未有艾矣可勝
嘆哉

保定府兵制志說

兵制古皆有之在內曰羽林曰神策衛乃皇州也在
外曰藩鎮曰戍卒靖乃甸服也無事則兵亦農有事
則守可戰若夫萃虎賁於輦下屯龍驤於上游卒不
更番賦無兵甲足以建威銷萌居重馭輕可不謂赫
赫濯濯者乎較之古稱帶甲百萬戍邊十年者勞逸
大小富有辨矣況夫潢池竊弄六月何憚采薇白羽
乍蜚萬里不難驅電將軍從天而下長子建旄以行
遇險韓超逆顏籙掃斯又振古所希傳而 熙朝之
特盛者也郡在日月眉分八肅之虎旅作三輔之雄
學源堂文集

藩坐鎮有餘威矣雖然林林二十城誰爲擊柝乎誰
爲司干振乎誰爲捍筐篚乎誰爲衛行李乎萬有一
焉狗或偷鼠或竊江漢而去狐兔以歸菅草可薙俘
敵斯獻已庸非師武臣力哉制安可不志

保定府職官志說

按遼代設官分職各有攸司勒成一書或曰職掌或曰典故名雖不同於以循分勤事義無殊也古不具論有明三百年未聞去其籍外此則有題名碑版記資格鄉貫與履任遷調歲月弗漏弗訛凡蒞一署者久覓去來顛若列眉亦掌故家所不廢乎乘而載之俾後之覽者并州望若故鄉峴首何須伐石雖然撫則后虐則仇今之民亦猶古之民耳幸勿曰花閒之跡可掃雪地之爪莫畱也

保定府名宦志說

名宦記四百餘人賢者固若是其林林歎語云一飯不忘矧其人懸魚有操拔薤有力或冬日可愛或時雨有化德庸一飯云爾耶博登之式爲邦大夫勸

保定府選舉志說

以選舉謂人才以制科爲選舉以帖括爲制科隋唐而後亦有然已士非此則無進身之階故雖魁碩奇偉星降嶽生勢不得不頽首屈項賓賓然就其格職不制則不售驥不馬則不良此下和之所以泣而九方歎其難遭乎況復畫疆而域之循名而噉之淮南曰橘淮北曰枳地氣且有權矣郡不第江之北且河之北不第瀛之西且岱之西戴記曰天地溫厚之氣始於東北而盛於東南按堯舜至於今都冀州者二雍州者三豫州者二幽州者五溫厚之胎氣固非帝

學源堂文集

卷之十一

垂

王之所甚重耶奈何動云函鐫之良未若竹簡之美也郡之登制科者千餘年幾千餘人論者存乎見少試考天地西北星宿之水僅而濫觴蓮花一峯兒孫羅列少者貴耶多者貴耶倘必多之是貴漢之關內侯騎都尉蓋亦林林矣是可頌之曰濟濟周楨乎況制科而外有明經有人材有特用蔚蔚彬彬非翺翔皇路亮采惠疇者又何必拘拘焉出此一途而後云選云舉也是亦畫疆循名之見爾矣

保定府人物志說

郡於方輿越在北鄙稽之古實爲冀方帝堯誕望都其明徵已上之而高陽氏封於高河之陽才子成族詎繁且夕繁衍者地之古莫郡若而人物之古亦莫郡若也遼元以迄今茲六百載皆在千里之畿德化自善聲教近光非復訖暨者可僂人生其間慷慨固由天性而帝德王功所興育詩書禮樂之甄淑實弘且久宜其魁杰卓犖輩出崛起而舊志所載千餘年僅而數人載筆者何其慎以重耶茲閱八十年而更爲之敢不惜墨楮也增至二十九人跡它郡志多耶

學源堂文集

卷之十一

垂

少耶嚴耶濫耶試舉而按之容城之忠烈東鹿之功勲高陽之相業江邨之理學夏峰之高節嶧非熊熊旦旦事震天地名滿陬澨者至於一行之嫩小德之馨靡不畢錄蓋以風氣遡開祖節競尙吉光片羽勝爲驚腹背矣獨是孝節事近留同又學人鮮顯達天倫豈有奇行乎立言豈非不朽乎親曰人物云爾

保定府寓賢志說

古云邑號朝歌墨子迴車里名勝毋曾子不入逝不
古處轡且勿停也而窵之黔庠人曰賢則不超墨曾
矣曰寓則非伊朝夕矣風來颺庸第鴻留雪中瓜是
不可不志

保定府紀事志說

有大政具載史策志之其奚爲也歷代興革頒布
寓大程大法輒若畫一庸復縷觀若夫官爲地設
事因時起出之於上曰政者被之於下則事已山東
之父老扶杖觀詔內黃之小兒入壘談兵豈非被一
方事耶況乎翠華歷塊草木爲榮鐵馬嘶郊山川改
色者舊尙資傳聞志載詎容闕畧其閒利害得失德
威臧否則不暇具論於戲後之視今亦猶今之視昔
寧使讀者擊節勿使覽者廢卷則斯紀也庶幾不比
於稗官野史之編

保定府藝文志說

作志者多倣史裁藝文非史裁也而它郡率然已弗
得恐謂郡無文章多輯恐謂郡徒文章郡國畿也翠
屏天下文章莫大乎是古人與稽放勳煥乎召誥炳
若日足向已茂先博物有志道元水經有註其文蔚
然矧數百年來河圖一辯椒山兩疏可與天地不朽
豈直壓倒元白志不遺遠亦不誇多若大典誥重於
球璫移牒掌之胥史不敢作藝文觀者較舊志爲慎
選焉

學源堂文集

卷之十一

藝

保定府雜志說

理之所無未卽不爲事之所有或曰不經也不經而
奇焉而表焉儒者所勿道不經而性焉而情焉不可
再見者未始不可再傳者昔司馬子長作史記曰五
帝尙矣其文不雅馴縉紳先生難言之況雜乎而諸
又曰少所見則多所怪然則斯志也亦足以資多聞
已或云雜者不一之謂又不常之謂郡在日邊漸靡
於詩書禮樂者久倘稍戾於聖賢之訓卽謂之不常
若鬼方蠻族則維其常矣志之亦以驗遐邇之風俗
云

學源堂文集

卷之十一

卒

平吾字說

古今之所謂極奇者皆古今之所謂極平者也煮米
縹布平事也想其種穀織棉之故則甚奇生男育女
平事也想其結胞孕胚之故則甚奇入有父母出有
兄長平事也稱曰孝子悌弟則甚奇然則世之所謂
奇者豈必窮山經之紀載信齊諧之傳聞也哉諸人
曰堯舜何人也必曰奇奇堯舜與舜之道何道也亦
必曰奇奇孟子曰堯舜之道無他孝弟而已矣世人
以爲奇者子輿氏獨以爲平非子輿氏有異于世人
之見也世人好奇而不好平故見奇而忘平孟子曰
學源堂文集卷之十一 空

平以得奇故見奇亦見平究之人人有父兄人人可
孝弟人人可堯舜堯舜何奇乎人人有父兄人人未
必能孝弟人人何能爲堯舜堯舜豈平乎語以奇而
人驚之將有離奇假詭之行語以平而人易之可循
日用家常之事我亦曰欲爲子盡子道欲爲弟盡弟
道二者皆法堯舜而已矣豈非天下之至平乎亦即
天下之至奇也陶子名士奇字曰平吾如詰予曰何
以平我奇也試取孟子而讀之

偶然齋說

漢劉昆令江陵反風滅火虎北渡河帝召問何德政
以致昆曰偶然耳帝歎曰長者之言也而偶然一語
流美今昔矣天下事得于尋常者率夷而易之得于
偶然者則相顧錯愕而驚歎此人之性情也然使罔
于常克發于偶則偶者可驚克發于偶必積于常
則偶者又奚足異哉以昆論之反風則偶然反耳滅
火則偶然滅耳虎北渡河亦偶然渡耳偶然之說豈
不其然迺史稱昆博學精易歷官有寬惠聲自新莽
以迄光武中興垂三十年而政成偶耶非偶耶跡其
學源堂文集卷之十一 空

事偶也稽其平生則偶而非偶也而偶又何易言也
夫人偶生于天地間偶而讀書學道偶而承師取友
偶而通經博物偶而應制科偶而拔上第偶而入官
偶而拔藻揚葩上光廟時扶輪太雅偶而決疑定難
底亂持危偶而覃惠專膏殷流四國偶而受鉞建麾
遠懷弘濟皆偶也則皆其發也謂非積于其常而能
咄嗟立辦震古鑠今此事理之必不能者故豔于其
偶疎于其常姬孔不爲功勛于其常淡于其偶伊傳
能自致非常不可以得偶猶之非積不能以爲發耳
而偶豈易言乎此孫子所以名齋也

清苑風俗說

清苑漢樂鄉樊輿二縣地後魏太和中斥新城置清苑境內有清苑河故名當子午之衝供億煩劇民弗堪也三十年來農搯耜而無田士焚膏而無舍男務犖牽女羞抱質本之則無末非就逐逼且牙建雞漚闢分虎旅有巡有守儼臬儼藩官之府林林也府之胥攘攘也伍之卒信信也文無害率操南音戎行卒半存鷹眼南音胡可北吐也鷹眼胡可市行也綺縠塵冒聲酒夜囂風不風矣人習鋤笛家驚貿遷俗益俗矣立今斯曩若戰國之于軒遠也江河日流砥柱學源堂文集卷之一 奎

疇立慨矣夫

學源堂文集卷之十二目錄

題跋

丁野鶴年譜圖跋

顧見山畫冊跋

張氏一門殉難錄跋

鄧元固手書太上感應篇跋

書明大學士王毅愍公文禮部尚書王安簡公

宗彝傳後

書劉止一將軍傳後

書江南慕鶴鳴撫軍請捐通賦疏後

學源堂文集卷之十二目錄

題劉孝子卷

書嘯堂和尚冊後

書沈繹堂卷後

范箕生五十六家詩選跋

學源堂文集卷之十二

清苑郭茶快園著

題跋

丁野鶴年譜圖跋

野鶴名行海內稔知大紬負才而不得志於時者也
歿已十餘年矣余嘗憶其人而不可得歎其生平
大畧無所傳癸亥秋其子慎行持一卷示余曰此先
人年譜圖也初謂其子圖之也及展閱之迺野鶴自
爲圖者嗚呼異矣夫古人有自著年譜者不過述其
歲月梗槩爾安有所謂圖又安有所謂自爲圖野鶴
學源堂文集卷之十二
一生坎壈半世汗湯曾未聞其能畫繪胡爲而有此
也然以余意追舍野鶴之意信斯圖之果出其手也
何以知其然耶昔殷高宗圖傳說矣麒麟閣圖霍光
等十二人矣凌煙閣圖李靖等二十四人矣野鶴誰
與圖乎無爲圖者不難自爲圖蘇子瞻常爲蕭何等
贊矣野鶴誰與贊乎無與贊者不難自爲贊嗚呼異
矣亦豪矣因慨夫漢唐至今纔二千年所謂麒麟凌
煙者安在耶野鶴斯圖使子若孫克保手澤世世藏
弄之不猶愈於魏鼎輪奐金碧丹青者耶

跋顧見山書冊

華亭顧見山與范忠貞公壬辰同出於桐城程太常
之門官水部時意期洽比相引重者不獨翰墨也見
山工於書數作大幀以貽公公曰尋丈固佳弗如盈
尺爲可久見山復爲作擬古十二頁公受而弄之每
當天氣晴和輒爲展翫遠出必攜癸丑總制閩海藏
書篋中比耿精忠作逆牙門不守圖書散失意此冊
非煙草委則瓦礫零已壬戌癸亥間公之從子時習
作令閩中行見侯官市上有持書冊求售者恥之爲
公舊物潛然不自禁以十二金贖歸公之弟荇子大
學源堂文集卷之十二
琴與慨然久之時見山亦作古人此冊失而復得
奚啻二公之更生於人間世也丙寅公之第五弟彥
公出以示余屬跋冊末余撫而鼻酸人琴之慨亦何
殊于公一家人耶擬爲題跋數作數止丁卯正月瀕
歸倣裴念書冊之得而失失而復得若有物焉護持
之作合之者然始信翰墨之於人亦既重矣跋而歸
之於戲公天壤間不朽人也此冊寧有朽乎此冊無
朽見山寧有朽乎浸假而此冊或有朽時余之觀縷
百數十言莫亦泯泯焉同歸斷殘也乎

張氏一門殉難錄跋

吾邑張光祿二酉先生一門殉難錄讀者靡不慨以
獻意千百里外千百年後必有執卷流連想見其人
而不得者余與先生生同時處同里甲申同患難目
擊而心傷之竊以公之大節傳矣使其貌言不傳無
以慰夫來許是亦後死者之責也公行二與伯兄進
士元美公及四六兩弟同日殉節何以特標公耶大
凡古今節義之事固本於性生實成於激率當時一
門惟公最貴顯一郡亦惟公最忼烈居平兄弟講求
必有獨倡大義之語外人安得知比余方弱冠列諸
學源堂文集卷之十二

三

生中枕戈城將得與公俱者冰月風采言論迄今猶
如昨日也何能已於追述也耶公身不滿七尺面方
而哲鬚眉秀朗音吐如鐘方戒嚴時城外有自京師
脫難至者傳言都城十九日不守莊烈帝殉社稷聞
者面如土守志幾墮公淚數行下奮袖拔劍矢衆曰
道路之口安可逖信羅彥唯有一死以報君父爾促
守埤卒亟放礮擊賊聞者大奮一郡之節義非公激
而率之以成耶元美公頎然而長美鬚髯衣冠麗偉
腰佩大刀不甚談論顏色獨慘城破之前一夜或問
曰公多讀書能識古今事脫不濟吾儕於義何居公

曰了此安用多讀書止見危授命一語足矣余聽之
嘆服彌日洎公遇害余且目睹及今溯昔心膽猶寒
也文學公行四體貌次光祿面微狹清挺似之武進
士行六體次元美公短於視力能挽強射復及遠遶
亂時義形於色當元美公調戰守時恒遜於光祿公
謝不敏元美公曰弟爲國大臣今日之事誼當力任
詎家事耶何讓爲光祿公輒身先焉一門之節義亦
公所激而率之以成也嗚呼光祿公一身而一郡聞
門之烈節皆賴之以成是安得不特標公也余讀崑
山歸君玄莽之序而跋其後竊竊然必詳其貌言者
學源堂文集卷之十二

四

將以慰夫後之執卷流連而想見其人者也

鄧元回手書太上感應篇跋

自世之崇奉太上感應篇也釋者演者刻鏤而圖畫者不勝其脩以精散布人間率束之高閣不復省覽求其晨昏誦玩百不得一矧遵循而力體者乎哉以爲不力體故不誦玩抑知其不誦玩故不力體也刻鏤易淪于裨編圖書幾等于繪譜勸善者於是乎窮矣稼部龐江鄧公慨乎其有感也久矣公學釋二十年遠自太傅右軍近暨華亭歷下靡不剟心編苦盡得其妙誠八法之大成已因念古人所傳者片言尺幅居多厥蹟甚簡其淪逸也亦甚易至若問疾弔喪

學源堂文集

卷之十二

五

之詞尤爲下士所避忌而人傳戶誦者惟佛遺教經與聖教序耳不第龍跳虎卧可以遠被天壤而令繩寶筏且可流布塵寰詎不偉哉于是取感應篇燕都梁研險藥染毛穎矻矻窮年載讀載書輯而成冊行以勒石揚而傳之凡今之人容有不知書法者有不知善惡者乎容有不實善言者有不實名書者乎公之書傳太上之善言亦永太上之善以永公之書法又不止于如佛遺教經聖教序矣余故樂讀而跋其後

書明大學士王毅愍公文禮部尚書王安簡公

宗彞傳後

東鹿王子性常梓其先人明內閣大學士毅愍公禮部尚書安簡公兩傳成以示余受而覽之未終篇不禁撫膺而嘆曰甚矣國之重有賢臣家之貴有賢子孫也毅愍公歷仕五朝名重陬溲猶宣中外跡其生平杭直弘亮古之名臣殆罕其儷徒以城沙射中蛇影流疑幾幾乎莫以見諒於天下後世而野史飲章復多附會通紀採之失實愈甚使其子若孫皆舛陋淪胥弗克嗣乃家聲也斯亦受譏千載已耳賴有安

學源堂文集

卷之十二

六

簡公歷險涉艱志氣弗挫登高第官曹郎始得白其事於朝詔復本官加太保諡曰毅愍不賢而能之乎按諡法剛果曰毅在國逢難曰愍公之心蹟勲猶瞭然明白矣余嘗讀史至此既疑且歎曰公官御史則見重於顧佐居揆席又與于謙同死初終皆表表也何中間獨汝汝耶及讀安簡公疏始爲釋然不賢而能之乎安簡公孝子也學人也獨以特賜舉人一節論者遂爲璧玷甚者掩其瑜摘其瑕刻薄之道乎況宦蹟歷歷終諡安簡豈當時皆絕無公論乎頃余修三輔通志欲專立一論究而閣筆者以其援據家傳

未可信衆也今性常以太學授福建南平令梓其家
傳以行是毅愍公之太白者白于安簡公安簡公之
太白者又白於性常矣詎不賢哉於戲士君子立身
行已自有本末人言何可遽信觀于此則二十一史
安知不亦猶是也

書劉止一將軍傳後

劉止一將軍來遊吾里時已息機風塵二十餘年所
深自發晦不欲人知獨與金石菴相過從石菴亦寂
寞人也東陵故侯彭澤逸令相視莫逆輒樂新知自
道生平各不相掩石菴退而筆之於書以爲傳畧其
無諛辭可知也將軍無飾辭石菴無諛辭是傳也誠
實錄也矣今天下而有無飾無諛之人之文豈不大
可愉快哉

書江南募鵠鳴撫軍請捐通賦疏後

於戲此江蘇巡撫中丞慕公請捐下江通賦疏也予讀之而重有感焉東南財賦甲天下自昔云然志盛乎抑志感也考古九州志揚州爲澤國沮洳斥鹵人滿恒爲患禹貢所載田下賦下上惟錯上爾而瑤琨篠簜齒革羽毛貝織橘柚之屬皆曰錫貢非維正也所云財賦甲天下者殆謂近代之三吳乎古吳國西北起揚子東南訖錢塘四履延袤幾千里姑蘇雲間毗陵幾什之三何以賦稅之額多至三百萬石有奇耶說者謂宋元時平江路徵僅二十萬石明洪武初張士誠負隅最久括所據州邑金粟供十三萬師畝科七斗二升箕歛重闕太祖平士誠惡其地效順不早按舊籍賦之示罰也豈其然耶考洪武初姑蘇民地正供畝不過斗餘吳江崑山嘉定及杭嘉諸郡邑多士誠部將采地租而不賦者至畝課七斗二升太祖因而籍之爲官田募民以耕種而貢之租租重非賦重也建文帝嗣位悉令變價編入都畧田非官而民矣永樂靖難一反建文時所爲奪民而官額租載益徵輸故常不及額成化時周文襄公忱撫吳憫然念之上均賦之議官田民田槩畝賦三斗六升謂

學源堂文集

卷之十二

九

衆擎易舉也當時雖恩怨互出而會計特便數傳而後浸尋附益又不止於三斗六升矣吳民益以剋萬曆末年歲有積逋司計大抵以六分爲考成官其地者不甚急催科也順治二年王師下江南三吳旋入版圖非有抗拒如士誠者賦亦依然損益之謂何耶嗟吳之民大有尙可輸將歲一不登其能掬江流而填箕斗乎積逋至百有餘萬良有由矣順治己亥庚子間撫吳者杳然痛治之力督之三吳紳士強半皆落籍類首受迫呼而逋者如故是可知十餘年來蓋詘於力非盡詘于頑詎不大可念哉我皇上御極軫茲三江五湖之間財賦繁猥未可輒議蠲減亟圖清釐承宣布政使實總錢糧非其賢且才弗克勝任而愉快詔主爵者遷除勿泥常格于是廷推公由福建臬副簡畀方岳公以公輔器經濟才逾歲報績荷褒嘉予殊寵下江億兆戶未聞苦竭蹶固釐別有法亦歲屢豐也未幾朝廷又簡公爲中丞具愛養之心而優拯恤之力於是以積逋頓末慨切入告得旨蠲半民困以蘇嗚呼數百年來難蠲之田賦莫告之民隱忽一日而犁然豁然也功豈在禹下哉邇者閩粵大用兵雲集蹙蹙供億浩穰率咄嗟責

學源堂文集

卷之十二

十

辦瘴人何如也而雨暘且不時畝入以豆區計則必
取盈雖措尅不能爲功矧心乎愛養者耶一適再適
積久未艾敬懷者復如兩邑長吏休 令甲不得不
駢而責諸一且弊此鳩鵲褻利之民什而廿敲并非
魚竭則鴻飛病弗第在閭閻矣公囊形于色顧諸長
吏曰軍需孔棘 聖人虛甯旰臣不能悉索以應非
所以爲國民力已竭歲且游饑官不爲請 命謂父
母何於是閭閻蕭瑟參休繕疏告旱告饑請獨請緩
疏上惻動 宸衷故不須辭 恩綸直渙悉如所
請頃余從邸抄中讀公疏僅節畧耳歎服者久之茲
學源堂文集 卷之十一 十一
復得全疏而莊誦不禁額手稱慶曰此天竺氏所謂
無量無邊算數譬喻所不能及之功德耶書曰爲上
爲德爲下爲民李文靖曰人主當使知四方艱難往
牒明良蓋一心一德也公此疏上能感動 天子非
惻勤恤獨緩胥施下俾七郡倪髦休養生聚沐浴歌
詠於無窮爲上爲下爲德爲民何以加茲庸第思深
慮遠如文靖已耶

題劉孝子卷

余童時聞大父談劉孝子事不勝擊節嘆美之知其
爲孝子也不知其爲何許人亦不知其名與字知其
有廬墓之事也不知其有妻病不往視妻死不往飲
柩至墓而僅一慟焉之事知其爲行孝而志堅者也
不知其妻死而不再娶餘居四十以無子終也知其
爲里所稱道而勿絕不知其時之縉紳先生以及能
文之士皆有言以贈之積而成卷也戊午夏距孝子
廬墓之年七十載矣余以先太恭人柩廬居墓墻
茂才劉星五者幼時與余同受經於先大夫衡畧來
學源堂文集 卷之十二 十二
眎余手携一卷問之星五肅衣冠而拜曰此先伯父
振宇公之孝義錄也有安鼎鄭思成先輩爲之傳諸
名夙爲之詩胥集於是幸一言題卷顛且冀一詩續
卷尾余快五十年來耳食者而目覩之爲題曰一不
朽卷系之以詩仰止有餘思已

書齋堂和尚冊後

噫此齋堂和尚老而謀卓錫之地諸君子爲之勸助
者而言也和尙有絕行高德動 章皇帝之清問莊
屢館之禁內豐其苾芻 翠華時臨問難互發金貂
鶴繡綴衣虎賁環而拱聽未嘗不艷動一時謂可終
施後世也今遂老乎老而自謀卓錫之地乎和尚雖
老道行不老也和尙雖貧道行固貧也和尙以老且
貧致不能顯其道行乎今日嗚呼可傷也和尙如過
紫簾之傍遐矚慈雲發越法雨淋漓祇樹花生白鶴
翔舞者當日之所爲卓錫之蕉園也可望而不可卽
學源堂文集 卷之十二 三
也于是不得不圖結一茅以退老焉矣

書沈繹堂卷後

此繹堂沈公進呈副本也玉季沅有將携歸弄藏之
余惟天壤間瑰異竊偉之物不少非久失傳獨文字
之存可千百年豈非以愛惜珍護有人乎右軍王畧
帖不數行耳於斷爛缺落中尋其意旨不第其書法
可寶也傳者乃僅寶其書法夫不寶於當時而寶於
後世不寶其意旨而僅寶其墨跡如王畧帖者古今
豈少哉

學源堂文集 卷之十二

四

范箕生五十六家詩選跋

選詩如斷獄善斷獄者身居堂上炯智澄神堂以下
任詭志謫情騰翻沸溢靡弗片言可折情偽無莢不
寧訟者情平而觀者咸快此非有畸術异能也其所
處者高也躋泰山而九州如列高則明望吳門而馬
練立辨明則斷持此而衡藻曩今甄敘風雅誰曰非
宜若夫雖覓未識手握丹黃非以耳爲目則以目炫
心身不能處堂上焉能辨堂下是非乎無惑乎騷雅
益墜而蒐置難覓也箕生范先生沉心百代耽情四
聲其所爲詩高嚴雋藻自造天淵仰往無徒頌來難

學源堂文集

卷之十二

五

接匪棘堂集光異睥睨震旦公珍矣邇家居以來門
有雀館庭無履痕巢書連楹窮年深鍵取晉魏而降
大家之詩諷章吟句咀字叩精得五十六家皆趁景
跋燭手自抄集逐繫以言殆絨枕爲秘予以比戶燕
邸閒得坐春談涉吟咏卽塵尾欲舞因出所爲大家
詩抄以示約其所選不殊于平昔所論也先生論詩
貴高潔而賤膚弁尊淳蓄而卑浮襲喜研奧而惡滑
薄自勉勉人胥持是說非伊朝夕矣故其窮高極渺
見于自著崇雅黜浮見于茲選真是居高斷下靡不
愜理徵情其爲功風雅實深且碩也嗚呼此集出而

李本寧南北之論吾知其帖然服矣謹跋

學源堂文集

卷之十二

六

學源堂文集卷之十三目錄

啟

賀大名成相國座師七十壽啟

公舉李文敏公入郡鄉賢祠上中丞金孟求啟

請奉高陽李文敏公入郡庠鄉賢祠上太守啟

迎賀張孝廉啟

文會啟

祝霸昌道黃元起少叅啟

學源堂文集卷之十三目錄

學源堂文集卷之十三

清苑郭棻快園著

啟

賀大名成相國座師七十壽啟

伏以三台臨帝座北極映南極之輝二月開天闔
星連壽星之位元宰元由於夢賚夢錫厥齡上公上
溯於嶽生嶽視其爵海屋方盈七十崑丘正啓三千
恭惟某公道岸籠嵩德淵貫濟濟木蒼雲聯百世
卜金甌寶田紫氣聳千尋人登玉局文章莫大于天
下士林歸泰山北斗之尊品望允冠乎寰中 朝廷

學源堂文集卷之十三

重霖雨鹽梅之用百辟爲憲三壽作朋勲名介晉游
之間鑑湖遂乞詩酒與白劉爲侶綠野常開程主亭
號晚香益謂晚節之超邁也寬大堂名衆樂詎如獨
樂之孤寡乎古蹟盡在于天雄高寄何殊乎栗里况
也人龍文虎謝庭之玉樹菁葱且而牀笏甚可萊子
之斑衣綵繡頌升平于日月知福欽箕時配悠久
乾坤冀壽增華祝適茲濯龍浴燕之候正當懸車賜
杖之期普賢佛生碧桃隨天女而散老人星降青鸞
寄仙客之音甲子之餘更輪甲子絳縣屈指而弗已
貞元之下再起貞元容成衍曆以無疆誠雅云第歲

爾康亦書謂天壽平格者也某等同稱桃李久潤宮
墻翹首望龍門宛在襟山帶河之際羈身斯蝸角徒
勤坐春立雪之懷雖小子嘗問伯魚不過聞詩聞禮
猶遠人之欽司馬僅能啗歲杳年頃傳西母有書來
定酌九霞于潭潭之府乃念南山須酒通遙貢千日
千秩秩之筵蜚赤鯉而脯黃麟莫用向仙翁乞爵倒
潘江而瀉陸海乃共倩才子含毫合三不朽而成章
祝永難老而得錫伏願五百年過去五百年未來鹿

野苑之說無虛八千歲爲春八千歲爲秋漆園令之
言非寓自是丹顏黃髮一飯不忘 君思將來鶴繡

學源堂文集 卷之十三

二

犀簾萬石通聞子貴雖斯文爲游夏不能贊而世家

白孔李之恒通矣

公舉文敏公入郡鄉賢祠上中丞公並求啓

竊惟古君子疾不名揚托爰須乎後學翁先生祭於
社崇禋端賴乎仁人故大行大名細行細名類林自
有公論而一鄉鄉善一國國善尸祝宜在通都品雖
異地而不移固無俟于溢美報則因人而加進實有
待乎申求伏惟高陽文敏李公光嶽大人扶與正氣
治心之學高揖閩洛之間匡國之功遠踵伊周而後
湖自釋褐登朝經術有啓沃之功以迄衮衣作相猷
爲皆補浴之功天爲宗祏而生國有柱礎之倚迨燒
節構而婦寺威熾獄起黃門乃京貫聯而縉紳骨澆

學源堂文集

卷之十三

三

毒深白馬柔者習首鼠之妙剛者冒捋虎之凶嗟乎
非決裂則披靡誰向中流作砥既小心須大膽何難
入火不焚當爰立之初曾屢辭不允思安漢者勃也
志量豈讓乎絳侯慨變唐者周乎功名當希夫梁國
于是左顧右盼岌岌伸孤掌以繫乾坤夕惕朝乾斤
斤向一星而留日月瑞方飾太平以亂鹿馬也公曰
縣寓未寧瑞方脚天憲以肆膝淵也公曰威福勿藉
美新之論幾以告之寢廟得公力執而未行上公之
祠直欲侵彼辟雍賴公顯斥爲不可況其撼搖椒壁
先中渭陽子不得佐父難母數言莫是至言且而觀

觀桐封故優敘資臣何敢以罪冒功一語破其百語
履虎尾而不噬總由正氣服人遭蠅點而無汙儘費
赤心遺害當烹宗大漸高宣皇五弟之名何殊呂端
捲簾迨烈帝初登急陳時十事之章無異仲山補袞
方倚毗之持重乃謙讓而未遑歸去來今疏半年而
去上吾志決矣賜一自而九迴鐘簾奠而買山何用
園開綠野社稷安而去國無須詔佇銀青手還黃幄
以金甌身返白雲之珂里建家初而推恩應大都孝
友之餘開黨塾而建義倉無非爲善之樂洵可謂聖
賢之正學實堪稱天地之完人在國乃一世之星雲

學源堂文集

卷之十三

四

居鄉則三輔之嶽斗也故黑頭解組九齡風度尙勤
楓陛之思而白日乘箕八百孤寒齊下崑州之淚使
九原之可作雖千載其堪從向在顧頊氏之都固享
春秋之奠獻今於范陽郡之序宜分俎豆於宮墀其
等因景仰之彌殷敬率從而上請伏乞台臺俯鑒輿
情特崇郡祀垂金言於末簡卽與許汝南之隻字爭
光附木主于大庠可同郭有道之豐碑無媿矣

請奉高陽李文敏公入都庠鄉賢祠上太守啓
竊惟古者專祠所以報德從祀所以勸嗣考之特牲
曰法施于民則祀之以死勤事則祀之以勞定國則
祀之能禦大災則祀之能捍大患則祀之漢元始四
年詔祀百辟卿士有益守民者蓋祀當代之名臣也
魏建安中遣使以太牢祀漢橋太尉東晉寧康中祀
車陶于律署蓋祀先代之名臣也披覽遂牒景跋義
賢凡厥德彌倫教俎豆歸馨於廟廡功匡宗祏添膏
式右于賢宗實懿且舊已矧循述孔孟道覺來儒伯
仲伊周澤比文子國牒載其勲庸家猷垂茲景僕麟
麟而炳炳者乎伏惟高陽光祿大夫少傅兼太子太
傅戶部尚書中和殿大學士前光祿大夫左柱國吏
部尚書中樞殿大學士贈太保李文敏公諱國楷者
降神兩嶽拔萃九河少有偉人之目長勤君子之修
弱冠登朝在帝左右昌期參政坐殿東炎飯黼蔚潤
色之猷燮諧資啓沃之助蓋星鳳羣瞻而嶽斗符企
者已迺遭時弗淑婉構於節唐幾爲周腸剛者一擲
而玉碎骨脆者兩端而波靡公舊學小臣慨然以周
勃狄仁傑自許此其期抱何等也讀公謝爰立表云
妄意名節之重絕無恩怨之嫌身欲曠然立于四虛

學源堂文集

卷之十三

五

心欲卹然周乎六幕殆與古人膽欲大而心欲小智欲圓而行欲方之言異代同揆也比璫方粉飾太平以周旋莊也公則入告曰天災物異縣寓未寧璫方樹幟植黨愛憎黜陟也公則入告曰舉世無不可用之人而不必同於已天下無不可爲之事而不必有其功璫方擅威福攬事權也公則入告曰恩威出於明主或藉之以行私職掌隸在諸司或干之以行意璫之危戚嗾卽欲以撼宮闈也得一言而議沮璫之侯華卿卽欲以微王封也賴公力持而不可美新不果於告廟顧命未及於刑餘何其屹然凜若也耶孰

學源堂文集

卷之十三

六

意宵人喪魄轉圖點璧以青蠅于毀工成而敘賚則首及公廿鎮捷延綏捷錦州捷而敘賚俱首及公公乃一辭而無不辭璫無由遂其妄結之計矣昔漢有招之不來麾之不去之汲長孺淮南之謀以寢公洵無媿歟至若雪強項之誣格辟雍之祠一所謂不激不隨潛移默運者也尤可傳者熹宗大漸時題題燭燥地地譴誅伏機待發公一聞諭傳皇五弟之命卽大聲宣揚直徹外庭不翅列缺當空羣陰唐喪矣功豈在呂文惠捲簾審視之下哉崇禎之初極譴褒卹天下咸服方且倚重元老公乃決意乞歸朝廷畱之

念愚端揆夫之愈懇疏六上而非瀆恩屢加而畢歸嗚呼公豈甘茶遠賦矯焉出此哉蓋以非昔日之艱辛誰與撐拄宇宙無今日之決絕末由暴白肺腑去就總是苦心爾迨歸田奉母尤傷陟岵之瞻斥祿瞻宗極篤行葦之誼午橋之密敘綠野之徜徉又非所云矣統惟我公其行已也孝友嫺睦溫恭沉摯其事上也精白篤柴明彞艱貞學術本于往哲先賢事業符乎大人君子洵近代所孤行而方州所罕覩者歟著家乘芬流國史蓋不容贊一詞已伏念古云鄉先生沒而祭于社抗古風今荷敷盛事已於去年公請

學源堂文集

卷之十三

七

崇祀本縣鄉賢祠中又念本府鄉賢祠凡歷代以來屬邑之名公鉅卿高節碩德俱經彙祀公輝映往哲標廉頑立懦之風垂裕後昆振輻國庇民之業上庠允宜大烝後學敬爲公請伏惟俯徇輿論轉達憲台知崇功報德公私必有同心庶繼往開來鄉國聿成大典名教之光也斯文之幸也

迎賀張孝廉啓

伏以天香飄月闕今年桂萼重開帝里薦賢書此地
龍媒鼎立誰坐鹿苹之左席試看柳畔之雙星恭惟
足下日邊閣閣天下文章筆吐江花佇奏凌雲於丹
鳳箋奪宋錦先占扶鶚於青綾穿雲表而登雲人傳
祖孫父子掛藥淵以擷藥士萃伯叔弟昆翩翩真是
楊花奕奕洵稱相種僕輩誼猶桑梓親比葭莩廬山
夢裏見明星知伍喬及第眉阜年來多瑞草應蘇軾
登科矧張華在京兆之間且珂里近北平之右不勝
雀躍同展燕私敬蠲十三之吉辰恭賀五百之名世
學源堂文集 卷之十三 八

伏冀仙客駕從瀛島出快靚青天孝廉船自曲江來
忻瞻紫氣賓主皆三輔幸此日聚井可占臚唱第一
聲願他年彩雲再現

文會啓

竊以三年論秀讌歌鹿野之香萃十載窮經夢折蟾
宮之寶樹顧欲扶搖而上尙宜摩厲以須吾郡古號
南燕今爲右輔地先天下文學傳鉢于二程人近日
邊才偶希蹤于八凱濟川稊鼎實多降岳之奇吐鳳
雕龍詎乏揆天之采京兆秋來行挿棘丹黃甲乙載
選學士之青錢羣賢寢裏叶搏羊筓組英華定壓詞
壇之白雪某林間逸叟豈敢論文山下來人或能識
路願集韓歐于四座式觀班馬之三長約以五日盍
簪必也七襄成錦以文會友雖非靖獻之先香同道
學源堂文集 卷之十三 九

爲朋聿是追琢之利器桂子黃子庭樹腴花管而香
流蟬聲噪彼夕陽報雷聞之浪起咸肅爾而有待冀
惠然其肯來

祝霸昌道黃元起少參啓

恭惟台臺道岸銓崑德源弘游學淹十庫瑯環與响
嘯輸奇才麗三都錦繡並珠璣奏美家聲聯喬木鹿
溪平而世有公卿國冊疊香名風石靜而人多忠孝
五經奕奕衆推江夏之無雙千頃汪洋特標慎陽之
難量東南梓杞自凌漢而干霄閩越珊瑚且沐日而
浴月天子一用爲舟楫國家顧藉作屏藩分斧鉞
千扶風股肱右輔建勳牙於上谷鎖鑰北門報政已
及三年流恩何止一道迺者清風捲析木之野銀山
與玉水偕鮮甘雨沛益津之郊鉞戟共金鉏並潤人

學源堂文集

卷之十三

十一

在春臺上衣五袴麥更雨岐物遊化日中絲八蠶牛
常二孽水心湛湛餽魚不受安用懸魚霜簡稜稜逃
柱難藏無須破柱自是歌流輦下因而頌溢蘆中南
有臺北有萊豈讓詩人獨雅名曰父杜曰母莫使漢
史軍傳欣茲中和食節之平分恰是虛淨真人之始
誕神從崧岳下會開龍躍天門雲向仲春書應觀桃
開雨社交梨火棗移來總是尋常元鶴青鸞駢至斯
云南特梁山之峯六六各有仙踪黍谷之律三三莫
非佛土合兩地以介壽綿千載而無疆某夙欽山斗
之儀意福曜輝煌于箕尾叨受樞華之蔭快仁霖滂

沛於幽燕萬口成碑尙名言而莫罄三多爲祝期福
艾之有徵伏願戩穀升恒洪嘒欽錫老人星常懸天
上海屋之籌滿滄溟君子澤普被人間鄒伯之膏環
素極維茲野芹之獻手亦如春酒之介眉仙希堯存
曷勝榮藉

學源堂文集

卷之十三

十二

學源堂文集卷之十四目錄

書牘

上明大司馬書

代范胥卿都統上趙君鄰總制書

代莊藩通和尚書

答多學士書

重修聚奎樓上方秋潭太守書

上于振甲中丞書

寄邵凌玉書

答魏華伯書

學源堂文集卷之十四目錄

上于振甲中丞書

學源堂文集卷之十四

清苑郭茶快園著

書牘

上明大司馬書

頃者因兵餉不敷議節冗費開納事例權宜濟急無所不可獨裁八旗官俸兵糧有當斟酌者八旗之官職任部院者少或管兵或閒散大族富室屈指可盡其餘皆衣食僅足者耳安常處順之時日用有費親戚之往來有費吉凶之事體有費儲多難已之需別無治生之策所賴者惟本官應得之俸祿爲養廉之資耳況時當用兵卽身不從戎有歲甲之家人有切已之親友資助應酬更各有費多方稱貸以應急需亦惟望關領俸銀以償債負一旦裁減費將何出債將何償恐不言而有憂色矣夫八旗爲根本之地世職皆勲舊之裔何可令之鬱鬱愁嘆也議者必以裁俸乃滿漢一體之事不便異同不知滿漢未可一論也漢官員數不多家鄉近者米糧土物可以自給充用否則家眷可以回籍也僕從可以減退也且有告病告假之例其貧窘無聊者借此歸里假滿來確不致坐困長安八旗之官立朝卽是居鄉家口何處

去僕從不能減有親有友費用不貲情勢有不得已也
有何嫌忌乎至于旗下兵丁月餉裁去後加之一兩
亦當斟酌當初加餉之時自然懼聲雷動叨惠十餘
年來遂視爲本分應得之數矣况兵有新舊之不同
誰肯曰此係分外所加應當裁減者乎太平之日尙
加餉多事之時反裁糧非所以鼓勵六師之法也聞
出征之時兵丁多借貸治裝去後養贍妻子交給利
息總以月餉爲支持裁之豈不彌苦乎當事議及于
此只因兵餉不足生財節財一時並計不遑熟慮耳
然而天下尙有可節省者請舉一二言之河工之費

學源堂文集

卷之十四

二

歲以七八十萬或五六十萬計祇因漕運爲重故不
惜金錢今江楚之漕糧難完矣江浙兩省除留充兵
餉外起運者少但當於大決口處如清水潭七里溝
之類不得不修其餘小者如荊隆口等堤歲修小修
費亦千百有修之名無修之實無關緩急儘可暫罷
至於緩水夫挑淺夫等役就中大有虛冒減之不妨
也卽如天津淺夫自五年前因勞于新一案停其工
食歲止半給至今未復未嘗聞有悞漕運者可見從
前皆糜費也此中十減二三便省數十萬金不勝似
區區于十兩五兩之欸項乎更有可撤減者每次出

兵俱有滿漢中書供事吏員隨營差出者滿漢三士
餘員供事五六十人人有口糧馬有草料每官一員
月費四五十金不等每一供事月費一二十金不等
此何爲者乎近日各處俱有親王爲大將軍一切
奏章文移皆歸于一中書供事安坐省城月支糧草
真冗費也何不一省只留滿漢各一員隨從親王
餘者皆撤平撤一員歲省五六百金通盤長算節省
非少更可節省者又莫如隨營戾用之官也地方尙
未恢復官員豈非虛設何必令之率然相從支費口
糧乎卽恢復之後地方需人在外委用無不可者順

學源堂文集

卷之十四

三

治年間開闢湖南四川兩廣雲貴尙嘗預帶官員也
此亦可節省也凡軍中不甚緊要之人有類于此者
皆可裁撤若夫生財之道又有可酌行者開事例不
過一時之計耳國家生財貴乎有源制用貴乎不匱
圖目前不如圖久遠也今有二說焉一爲廣鼓鑄向
來各處錢局停止鼓鑄無多總因銅貴費煩于公無
益耳爲今日計當改鑄大錢或一以當五或一以當
十增局廣鑄官俸兵餉對半支給辦買諸物照時價
作銀支用無有不行者用錢卽可省銀省銀卽可充
餉此真有源之利也向來苦于銅少採買不前不知

天下最多莫如銅因僭用雜用不知禁戒故日見其少耳請下一令有職之家許用銅器凡無職廢民一槩禁止如銅盆銅鎖烟帶紐扣之類槩不許用違者處治再下一令日無論官民有捐銅萬斤及數千斤者作何敘錄銅器有禁而銅自餘捐銅有例而銅踵至將見三四月之間未有不堆積如山者何患其少耶再察明洪武時因兵餉不足造鈔充餉其制用紙為之鈐印三顆作錢一貫偽造者斬官以行之民民不敢格民以輸之官官不敢拒上下流行片紙遂成國寶行之百餘年國用充裕然後議罷載在史冊可

考而知也今何不做而行之乎如行寶鈔更有簡易之法明制用紙易于損壞壞則交官換給事最煩擾且開局招工設官用役又費公家物力今議于江南蕪杭織造局中頒給式樣織成緞綾綉絹四樣鈔片週圍織龍四條中間空白戶部刻板印字印鈐兩面緞者作錢若干綾綉絹以次差等使民間易于行使凡官俸兵餉及賞賚買辦等項與銀對半支用民間納糧官亦對收直省解部戶部亦收收而復發勿使停畱如有損壞官為換給緞綉質堅損壞者少不致繁難也行鈔一事議者必以為難必以為不便於民

天下事行之得法難者可易行之非法易者亦難民如不行作何議舉官如不收作何處治寧嚴于官勿嚴于民上下流行安有不便此皆經久可行之道也至於開礦之說有害無利往代俱有覆轍不可輕舉迂腐者見其言如此就中詳悉非筆可罄伏惟採擇

代范胄卿都統上趙君鄰總制書

頃聞節鉞按關知清風惠雨百爾威懷從此海不揚
波長城可倚 當宁釋南顧之憂矣忭慶弗寧澤國
也曩者某待罪江東庸劣愚昧有愧中軍非仰荷軒
幃隕越不識何似解組歸來拜先太傅膝下備述雲
天闔室爲之額手此感當與身爲終始年來備員蠶
下碌碌因人毫無善狀可報知已慙慙弗勝茲者家
仲忝承 國恩簡撫全浙孺子何知負乘可畏然經
營四方詎無容諉所深爲私幸者奈斗在望師範有
資知不難以愛其兄者愛其弟也家仲賦性不薄素
學源堂文集 卷之十四 八

守家訓或能自愛其鼎獨是所夙習者情編之紀綱
法度口耳之風土民情欲其往而咸宜此某所不敢
信卽家仲亦不敢自信也非藉提命其能有成倘利
有可與害有可除期以上報殊遇下慰民隱自是足
下所樂爲獎掖者恐其喃喃詞不能達惟敬迪而鼓
舞之但得粗能稱職不辱 君命不貽先人羞何莫
非鈞陶所及乎某當以平生一片心鏤刻台德于無
數矣某再拜

代莊藩通和尚書

粵自達摩蘆渡佛道興宣普救爲良已然而面壁證
空小乘莫企故以文字般若喻於寶筏厥後三宗五
祖支離派分萬水俱可朝宗一門貫乎深入似乎六
塵之斷滅未若八戒之精嚴何者虛而無虛捉摸靡
定實而無實收領有功儒說所謂人定勝天也側聞
和尚一燈燭明半偈清真律法維嚴步步踏著實地
戒心聿謹朝朝看見空天道行已成師資大儒某生
長椒宮行習桂殿從熱鬧場中驟出水霜向惡魔障
裏收回電火心皈 正法願了明因愧凡夫竟是凡
學源堂文集 卷之十四 七

夫望大道誰爲大道幸逢和尚心存滅度肯放慈航
某志厭塵器敢求慧劍嘆主組遂可羈人恨山河無
能縮地謹遣一介之使代謁乎九品之臺茲暫微供
不如玉帶挂山伊蒲細煮莫比金錢鋪地節和尚鑒
此淨信拈花而晒存之伏望錫之法名視同侍者雖
布髮掩泥未展勞誠而三沐三薰寸忱寶爲也倘蒙
知見卽是超騰使人尊重若大弟子榮逾桐封於此
覺悟入三菩提幸同海岸矣

答多學士書

敬承明問敢布井窺自古稱博學者莫如孔子達巷黨人猶謂無所成名得無以商羊烏咎之對蒔實土狗之識爲未足乎後世如楊雄張華皆號博洽乃以制行未醇儒者少之博學又其餘矣千載而後圖籍益繁彙輿益廣非甚強記雖窮年咕嚕亦難號行祕書也明宣宗問詞臣曰龍有翼乎檢討陳繼猷爾雅以對爾雅無龍翼之說廣雅云有翼曰應龍其說又詳于山海經孝宗問龍生九子編修羅玘舉其名以對蓋舉張路斯事以對非舉九子之名也武宗問張

學源堂文集

卷之十四

八

星修撰楊慎據周禮史記以柳星對按張柳皆宿名周禮云柳七星張相連而見晉天文志云張六星張柳固是二宿舉柳以對者以周禮爲確乎世宗問喬宇鬼瑣四字楊慎又據荀子以對荀子云假令之世飾邪說文教言以梟亂天下欺惑愚民喬宇鬼瑣使天下不知治亂之所存者有人矣解之者曰荀宇曠湯也鬼瑣險細也其言不經姑以意釋之耳甚矣博學之難也學士其論定之

重修聚奎樓上方秋潭太守書

頃郡庠博士王君傳台命屬蔡代中丞公撰五賢祠碑記此鄉里盛事大夫雅懷豈敢以不文辭但聞魏子蓮陸會初有葉依樣不可掠美有嫌便中望鼎言喻之不然恐蓮陸一段苦心遂致泯沒也附言者聚奎像設昨僅言其畧耳伏思此樓傾廢有年一旦得賢太守重葺輪奐誠希觀也而事有未詳義有未安者及今不言則傳說守陋重葺盛心蔡之過矣五十年前茶會讀書南城小學此樓爲朝夕經過之地數常登覽在城上者曰應奎樓所祀者魁星在衛庠東

學源堂文集

卷之十四

九

者曰聚奎樓所祀者曰文昌二十年前聚奎樓圯神像在風雨中應奎樓雖存而魁星像本木凋樓頂本銅治忽夜爲人負之而走應奎遂成空樓議者因移文昌像于城上以瓦頂補葺得延至今也考文昌在天執法之星與文教無與只因化誓內有司桂籍一設天下羣奉之耳若高逼雲霄而聚奎居下於義未協今既承賢太守嘉意文風興復古蹟倘因而仍之後將誰改乎況文昌在聚奎樓像原向西地勢使然也後移於應奎樓而亦西向義其奚取伏惟採鄙言博容者舊倘不荒唐尙希垂納事不費而理兼得

斯千古之懿規矣觀縷續聽無任主臣

學源堂文集

卷之十四

十

上干振甲中丞書

今歲天降鞠凶人嗟鮮飽千里之畿不聊生者什有
八九鳩鵲縹緲涕洟塗殍不忍聽覩已致煩 聖天
子宵旰憂皇錫田賦以甦民力發帑金而拯民生仁
政仁聞古不多見也加以閣下仰體 睿懷俯軫黎
首衝霜踏凍躬親振施不憚況瘁一月之內全活無
算功德洵不朽哉僕衰病骯骯跼蹐伏蓬蘿毫無濟於
時艱慙惶莫似然憫桑梓之憔悴傷珠桂之艱辛亦
日夜疚心時刻蓄日也雖乏救荒之策寧忘同忠之
情但弋獲有知芻蕘莫告日望台陽返郡趨布一得

學源堂文集

卷之十四

十一

頃聞駕至不勝雀躍旋念閣下遠役初歸公政正劇
未敢輒涸閣者謹竭井窺之識聊效土壤之裨伏乞
垂納目今畿民之苦蠲賑而外原無奇策無奈穀價
日騰啼饑日甚欲拯災黎須平穀價欲平穀價須發
私藏欲傾私藏先講糴運茲有近求本地之一說又
有遠求鄰省之一說試畧陳其梗槩焉近求本地者
何卯辰兩年皆豐歲也民間五穀原非寡乏大都爲
富室利徒乘其狼戾收買積藏千倉萬箱歸於數十
人家耳今春米價一錢一斗曾幾何時湧至四錢是
二倍之利矣以恒情而論此時自當急急出糴以圖

本利兼收不意若輩貪狠無厭絕不肯糶不但糶且更收糶市價之忽減忽增斗行之千方百計莫可窮詰以致貧民之骨髓日枯而富僧之囊橐日益忍心害理真民之蠹賊也其中情弊昨曾密陳於巡道金公聞已具詳憲案蒙批曉諭矣此後幸價不再增然亦未嘗稍減不增不減而積糧之家則皆囤閉深藏登壘觀望市頭遂寥寥矣此等積猾非法不懲一紙告示斷乎無濟及今之策莫如責令斗行供報收買之家按日出糶全不糶者固法所不容其名糶而實不糶者更當重究他不具論即如郡城內積糧約

學源堂文集

卷之十四

七

有數萬石姓名住址僕知頗真然不可明言者恐其造謠惑聽反致沮撓耳非避怨也不如責之斗行責之鄉耆地方責之鄰佑彼便無可躲閃矣何也鄉地可令之搜索也鄰佑可責之出結也高廩大困無處掩藏富飽貪饑誰甘容隱三日之內自然萬斛入市矣糧多則價自平價平則民自安其所補救豈曰淺渺哉不然來春糧益貴民益困賑濟豈可常繼乎至於遠求鄰省之一說則糶運為急耳本省米貴動用庫銀告糶鄰省此法浙江曾兩行之湖北今現行之非初也所難者水陸不同也此中自有善法非奉

旨則不可非得人則不能非設法則不濟其要則尤在擔當兩字也近見部發三十萬金未必一兩月內即可用完如暫那萬金東南路糶運不過一月米價自平外米一賤本地之米自出何也彼無可妄想也若能斗米減至二三錢此為常事民便不至走險矣其說甚長筆難遽殫如行近求之法恐有以歛怨之說進而沮之者以愚見言之不但無怨且可見德不但貧民以為德富室後來亦以為德如行遠求之法恐有以折耗賠累之說進而沮之者此更不然是法如行不於中希圖取利便是聖賢豈有賠累之理總

學源堂文集

卷之十四

七

之擔當兩字為要緊耳子產治鄭先謗而後頌何曾避怨汲黯發倉下感而上嘉止是擔當况堯舜在上念切民艱幾輟輔重地責在節鉞國恩正可於此報稱民命正可於此生全矣狂瞽之言伏冀採聽而詳慮之

寄邵凌玉書

別後靡日不思何暇一杯徒發吟咏疎慵老態大抵
然也客臘雁有先慈大故匍匐歸里結廬墓傍百事
荒廢比於芻狗八月杪令弟邁敝郡始得訊知道氣
愈深理學獨遠人倫水鏡菰苑玉尺爲海寓具瞻足
詎一時一地之美哉弟踰伏苦由不敢談文而里中
英儔間來問業見邇來濂洛之說大晦而歸胡之法
不傳爲之惘惘或亦棘人懼或少所見而多所懼耶
大江以南揀選政者寥寥卽有亦信耳廢目無能濂
帶時氛扶輪大雅耆斯文在茲端有望於足下之起
學源堂文集卷之十四

古

濟之也今歲鄉牘定有衡鑒遐邇待矣豚兒裝濫
點賢書稔憤自非辟角黃口豈有佳音然就正意慙
不忍藏拙謹錄書牋一冊恭呈法覽倘不致吟囑可
譏刻畫無鹽亦卽時雨霑足也

答魏善伯書

與君話勝讀書讀君書如與話道義交深剗切國爾
然非素心如足下未易使人傾慕至此也春時貴鄉
孝廉船旋僕正與藥鑪爲伍未得裁答罪苦甚年
來耽貧渴病一官可以長子孫五斗不能飽妻孥是
何等况味乎古人云投閒置散適分之宜但守分人
過活不得也足下山中日月偏長堂前師友最樂回
首長安當猶爲七糞散打噴嚏矣范學士不久建牙
方州此公天性孝友清操可保超逸而錢穀刑書非
其所習足下與有知己之感獨不思一爲左右乎其

學源堂文集卷之十四

古

嘗與劉長譽談及大集自是傳書而古人傳者必起
于通都大邑此子昂所以碎琴也仇中之秘井中之
史傳與不傳又視天幸焉足下座視軒冕固不敢以
世俗之言進而半生精力畢集于詩文念其傳又恐
其或傳或不傳似亦不必輕輕然不下舉微一步矣
惟足下圖之

善伯生
翠微山

上于中丞書

張濟饑民責在有司太守以上督促絲數而已從未
有勤中丞之星駕輕千里累月日切切然率野舍郊
不遑暇食者也閣下仰體聖主如傷之仁俯恤災
黎阻饑之苦冬不避霜雪春不憚風塵徧歷積句畫
則問疾苦於田閒夜復了文書于燭下求之古賢罕
有其倫已蔡跽伏草澤且感且服不禁形諸咏歌也
台駟返署極欲趨謝猥以衰疾徒有心銘愧也何極
茲有愚見敬爲瀆陳敝郡叨在重轂之右實爲近
光之區斗餘年前鄉會兩榜朱管不袞袞登也嗟自
學源堂文集 卷之十四 七
丙辰以後遂成絕響哀風可虞人多歸咎于風氣蔡
則專論其文章無如獻璞者屢削而下帷者愈稀既
登進之無志又鼓舞之乏人將熙朝棧樸獨此一
方甘自外矣可爲浩歎丁卯年蔡曾約集諸生聯社
課文不過妄爲指點耳未嘗甲乙其次第也不足爲
寵辱故亦不足以振厲屈指又是賓興屆期矣蔡此
念尙慙而量力則歉伏惟閣下恩波已加黔首敦澤
幸被于青衿請檄行太守傳集三學諸生鎖院觀風
考取優等者令每月課蔬六次勤加獎藉將見彬彬
雅彥以受知于憲臺爲榮自羣相激勉以邀伯樂之

一顧也倘今年鹿茸燕上郡人士得分一座振從前
之衰風敗後來之沴氣其有造於多士者奚啻壽考
作人之頌哉至於推而廣之是又化雨之弘麗蔡不
敢過爲蜀望者也臨穎不勝惶禱

學源堂文集

卷之十四

七

學源堂文集卷之十五目錄

奏疏

乞假遷葬疏

請復詞林互轉之例疏

請停五部郎中互陞之例疏

遵諭陳言疏

辭官贖父疏

廣鼓鑄行寶鈔以助軍需疏

遵舊典以崇聖功疏

錢法疏

學源堂文集卷之十五目錄

請嚴別直省蠹吏疏

請酌旗下買人之例疏

請疏進士之選法疏

請卹旗兵疏

請選拔貢監生疏

請設宗藩教習疏

擬畱金孟求中丞疏

請禁私圈民田疏

學源堂文集卷之十五

清苑郭棻快圃著

奏疏

乞假遷葬疏

臣一介庸菲叨食天祿三十餘年沅歷詞曹毫無報稱素餐之譏真難自解荷蒙覆燾弘仁不加撻斥且憐歷俸年久屢次特簡不二年間濫厠內閣學士兼禮部侍郎感激天恩銘心貫骨正宜勉竭愚駑矢圖犬馬之報豈敢私爾忘公但臣有烏烏下情不得不據實瀆奏臣少年失怙中年喪母因祖塋將及百年壤地偏狹俱權厝塋前原欲卜地遷葬以妥親魂不意蹉跎延緩四十餘載徒託空言每一思及寢食靡寧臣既無伯叔終鮮兄弟不能更待伏察定例凡在京大小各官歷俸五年以上者許給假遷葬臣自康熙二十年五月十三日補任翰林院侍講歷俸已經五年八個月與例相符伏乞特廣孝治之仁俯矜報本之悃勅部察例給假遷葬俾臣及此瀕衰之景稍酬罔極之恩生生世世皆永戴皇仁于無既矣

請復詞林互轉之例疏

代

竊臣以謫陋下質濫竿閒曹毫無報稱頃者承乏考選蒙 恩拔置台班知無不言臣之職也伏思 聖治莫先於行政行政莫大於用人而用人之中又內莫重於翰銓科道外莫重於藩臬監司內外互用法斯盡善察現行典例吏部科道俱內陞外轉歲歲舉行得人稱盛獨翰林院衙門不照此例近見翰詹兩署濟濟師師洵彬郁一時卓越百代者也及察詞臣陞遷之例或陞內閣學士或陞吏禮二部侍郎近且屢蒙 特簡有陞都察院左都御史戶兵二部侍郎

學源堂文集

卷之十五

二

者是又不但贊 絲綸於密勿佐銓衡寅亮之司也矣夫翰林文學之官也六曹經濟之職也兼資未必無人繁劇恐非所習與其居是官而後練是職何如練習之于先而擢用之于後乎則外轉之法不可不講也伏讀順治十年四月 世祖章皇帝諭內三院云國家官人內外互用在內者習知紀綱法度則內可外在外者諳練土俗人情則外亦可內內外外歷方見真才朕親試詞臣量爲分別有照舊儲養者有堪授外任者今酌令外任編檢以上照詞臣外轉舊例優與司道員缺如年衰病弱者聽其請告朕仍優

遣爾內三院卽傳諭吏部遵行大哉 王言炳若日

星洵優重詞臣之美意練習人才之良法也順治十一年外轉王崇簡等二十一人十二年外轉陳瓚等十八員十五年外轉金鉉等十五員相繼外任各展才猷其中卽有才守表見接踵內陞者如現任禮部尙書吳正治侍郎金鉉等原任尙書傅維麟侍郎張爾素等十有餘人皆諳練兵刑錢穀所在勝任洵陞卿貳可見外轉之法既不沒其經濟之才又未阻其清華之路 世祖章皇帝之舊章誠當復也再察十七年九月內奉 上諭外轉宋之繩一員蓋因三次

學源堂文集

卷之十五

三

外轉之後玉署寥寥僅用一人存此典例耳自是以後絕未舉行臣見今日翰林各官可謂極盛我 皇上日講正勤制作正廣除蒙 簡置侍從外急宜遵照 世祖皇帝舊章欽點外轉俟有茂績仍不次擢用庶幾人材備而銓法通內外兼收治平之效矣

請停部郎中互陞之例疏

臣惟自古設官分職各有專司責成久任所以重職守練人才也故虞廷命官夔典樂契爲司徒禹治水皋陶明刑惟爲司空皆以聖人之才終身一官不爲更調六府孔修庶績其凝所由奏也我國家六曹分秩惟吏部爲銓衡之司考選陞調不與它部等其餘五部職掌雖不同無一非大典大政之所寄尙書侍郎悉由特簡具有兼才此無論已至若五部郎中員外主事皆有專掌倘司分股煩察例定稱會議說堂常日無暇晷雖有長才任事伊始猶費審度稍

學源堂文集

卷之十五

四

有不詳則吏胥得而欺之故舊例主事陞員外員外陞郎中皆不出本部者蓋因其練習已久一事到手本末始終利害可否當下了然不煩查度也倘有老成諳練者題畱久任後乃不次優擢如順治年間工部郎中李迎駿兵部郎中張秉坤戶部郎中王弘祚皆超陞本部侍郎特典也亦盛典也諸臣亦著有成勞洊陞正卿豈非專任之明效大驗哉自康熙元年五部員外互陞五部郎中司錢穀者忽移而司刑名詰戎兵者忽移而治禮儀舍輜車之熟路爲學製之生手不但舊案盡覺茫然卽新事亦屬創見雖

有長才未免徘徊于岐嶇總饒機智亦鮮確見于胸中必遲之數月經年而後勝任愉快不知從前果無欺蔽與舛錯否也况纔得習熟又將遷轉乎不惟無久任觀成之績且多慕躐避冷之私如吏部員外間由此起也臣愚以爲欲專職守莫如本部陞本部欲練人才亦莫如本部陞本部欲責久任更莫如本部陞本部况本部就陞舊例也五部互陞變法也前旣無弊而議更今且有碍而獨不可議復乎抑臣更有請者舊例凡京官陞調命下之日科抄到部吏部知會本官本官持之說堂知會到時卽本官履任之時無可規避也後來忽有旨旨之例有急欲上任者聽宣卽赴新署不欲上任者延緩常遲數日其中豈無真正染病及舊任稽畱者倘不肯真而議論風波相尋日甚未有不借宣旨遲速以爲口實者矣臣以爲吏部宜守之例當停理司知會之例當復不但絕弊端亦省虛文也

學源堂文集

卷之十五

五

遵 諭陳言疏

臣草茅一介叨蒙 世祖章皇帝拔置翰苑職任宮坊嗣因考試滿洲書降補山西按察司知事歷俸八載荷 皇上隆恩陞授今職是臣身受國恩十六載于茲矣通涓埃未報心寔愧慚茲遇上諭特頒內外大小文武各官俱許陳言臣雖愚昧然有見聞所及豈敢緘嘿仰負 聖主求言之盛舉乎伏繹上諭諄切專以民生利病爲念臣卽民生疾苦應與應革痛切披陳獨是利弊所關有直省相同者渾合具奏有直省各異者區分具奏原欲明白簡切爲民請命而學源堂文集 卷之十五 六

中則感激時事於憫小民不無慙直繁瑣伏惟 聖恩寬宥而鑒採之斯民幸甚微臣幸甚一曰賦稅之催科太急小民之辦納維艱請立限期以緩民力以培邦本也竊惟軍需取足于正供國課不容其欠通凡此下民咸知此義而今日百姓之所苦者不在賦稅之全完而在催徵之太早何也農家耕田數畝終歲勤動其間水旱災沴恒不能以自保卽幸而有年亦在秋冬之際若既獲而納賦雖曰竭蹶猶可支也無如今日直省州縣大都正月開徵計日立限期不容緩有二月三月而全完者有四月五月而盡納者

斷無遲至六七月之理一有遲緩勘役嚴挈酷刑慘被嗟嗟小民血肉之軀耳聞酷威迫安得不破產而早完安得不稱貸而早完安得不賣男鬻女而早完傷家折業骨肉分張傷心慘目莫此爲甚至于稱貸者止圖脫免官刑不憚輸納重息自春徂冬通長計算利過其本是小民納一歲之正糧實耗兩年之苦粒矣愁苦哀號無可告訴無惑乎上干天和而致旱魃蝗瘟之叠見也問有司何以使民至此必曰考成法峻不得不然嗟嗟夫考成者是三年一考非一季一考又非一月一考也何以朝廷尙寬之以周年有學源堂文集 卷之十五 七

司則不容緩于一旦揆其所由不過欲錢糧早完則火耗早得可以奉承上官可以隨便那借但知保一己之功名絕不顧百姓之生死民命其何以堪乎臣以爲一年之賦一年之內報完未爲遲也請以四季爲限如應輸課銀一兩者春季完二錢五分夏季完二錢五分秋冬亦復如是數少則易辦時長則力舒卽是稱貸出息亦輕卽是破產不致減價求售卽是賣男鬻女夫妻子母亦得多聚幾時是亦于無可奈何中少緩其萬一云耳非如請捐請助有待于籌畫又非如移此補彼紛更其定例不過從容旦夕民卽

受福無窮矣一曰請停無益之黃冊省民財而除積弊也凡國家大典所關必實有裨于公私永行無替民間少有勞費亦可弗恤倘事屬虛文民罹實害行之止以利吏胥止之並無得典故莫如摺造黃冊一事矣舊例六年一次造解黃冊其中所牘列者不過某省某府某州縣地若干民若干糧若干桑果樹木若干堅楮細書裝潢精好州縣上之府府上之司司糞而上之計部及至部中使用倖倖但稽察其本數不少限期未過便東而置之高閣無復省覽者矣萬一使用不到則搜求破綻非曰叅官即曰駁冊直省

學源堂文集

卷之十五

人

同病由昔至今視若固然也按故明之所以爲此者亦猶行古版圖之意耳夫拜登民數藏之天府周禮所載亦屬粉飾太平之文世際昇平家給人足偶一爲之或曰故典勿廢若民窮財盡天灾人害襍然並興而猶欲爲此詎所謂息事寧人之道乎黃冊之無裨實用也如此臣請言其所以累民者州縣里胥按故事計年分將及屆期即照地畝戶口分派出資脩造黃冊大約用一派十除官役瓜分外始覓積年書手包攬造寫而府來催矣役有需索取諸民而道與司逋相催矣回文有常例又取諸民如此數次始得

了當倘解冊之人有不諳練司部使用有缺一番駁造又是一番剝削嗟嗟天下之民窮極矣幾次徵求非血汗之資即典賣之物畱之以納正供豈不上有益于朝廷畱之以備水旱豈不下有濟于百姓乃舉而飽乎奸胥之腹亦大可痛惜也哉曩者亦有條陳及此者部議未得明決于今尙爾沿習臣再四思維此事真是虛文也伏乞皇上軫念民莫毅然停止事雖細小而所關實大一日山東民間之疾苦也山東一省古稱富饒頻年以來凋敝已甚其所困苦一在加增沿河挑淺之夫一在追賠從前藩產之稅一

學源堂文集

卷之十五

九

在奸民指逃訛詐之端運河一帶應用挑淺人夫經制定有數目給有工食曩因金龍口決黃水泛漲堵塞難難治河之臣大聲疾呼遂于沿河州縣每七十二頃地內加夫一名原以揀一時之急也今金龍口已塞矣加增之夫自當減免迺十餘年來年年照派始而索夫繼而索銀夫多冒支銀加火耗焚斂子遺正供尙不能完又何能當此剝削也昔人云賦因事加事已而賦未已其此之謂乎故明藩產初年原多拋棄官不稽察民因借種近來各省嚴察藩產隱藏遺漏莫不一清但當從此起課已耳追賠則難當也

貧民占一分利不見其富損一分財便覺其苦況私
防微利于數年以前已經隨時耗費迺欲驟償于一
旦強者逃竄而弱者立斃徒勞官吏之扑敵無益公
家之毫末也殊可憐也指逃訛詐各處皆然山東爲
甚而今更不止指稱逃人矣又有賣身旗下之光棍
思欲詐害愚民忽投一主立契賣身一入旗下遂狐
假虎威大肆毒惡或捏稱欠債或誣言霸產或硬指
窩逃或牽扯叛案或出首逆書種種名色無不俱施
抗範官府拷掠愚氓總以旗下新奴四字爲護身之
符耳而鄉下小民向誰訴告惟有殤家破產填彼豁

學源堂文集

卷之十五

十

徑苦何如也而狡猾之輩又竄身督捕衙門內外通
同萬般詭詐從前假文假票已經發覺者兩次皆山
東人也是非其彰明較著者乎伏願 皇上軫念山
左之民兵火荒旱瘡未起大沛 皇恩以爲急拯
如淺夫之派原因金龍口而加也河塞則可議停如
藩產追課可捐免也順治十八年之舊欠盡數扣除
矣是獨不可比于舊欠乎康熙四年以前侵盜庫銀
亦赦免矣是猶輕于侵盜庫銀也至于賣身旗下之
害若一槩禁約恐于旗下之人不便他處或許賣身
山東不許何也山東之民受害已極也如有犯者定

例治罪是亦少遏奸詐之風凡此三事未必遂盡民
間之苦若能停者停免者晚禁者禁齊魯已受福矣
一日請嚴收買之禁抑豪富而惠饑民也直隸地方
田多園佔民無儲粟日用糧米皆係零糴年豐穀賤
貧民尙得存活一遇水旱有力之家出其贏資四路
收買糴者動輒千石百石不論精寵糴者利其爽快
羣焉趨附市儈豪奴擁資高坐指揮若狂一二貧民
持些微血汗之資欲零買升斗常徬徨終日持囊空
歸而米價登時騰貴四方之販豎絕踪牟利之富豪
得意迺日出數斛高值發賣爭多論寡計畫錙銖以

學源堂文集

卷之十五

十一

魚肉此蚩蚩之貧民也噫亦忍矣富者益富貧者益
貧必致餓殍不能流離饑餓而死是天之降凶止以
困貧子而反以福富翁也豈不大可歎乎今年旱魃
爲災收買正熾以致米價每石頓增一兩有餘二麥
又復薄熟秋田尙無可望此時若不急爲嚴禁必致
小民失所其事雖微所關寔切臣請嚴勅直隸地方
官吏各處訪拏如有藐法收買者所買之糧盡數入
官以備賑濟而質與房屋任其匿貯之家亦必連坐
懲以重罪地方官有貪其小賄縱容不治者科道官
糾參重處是亦抑富拯貧荒政中之一端也伏惟

聖裁一曰雜差之累民已極派夫之惡濫難當也今日小民辦納正供雖曰難苦然任土作貢一定之義如額而徵及期而完何所違也其最爲傷心極其難忍者莫如各項差之雜差雜差者何有分買草豆之差有購求土物之差有幫貼驛站之差有通解官物護送銀銷逃人諸差一年之內用財者十之五六用力者十之三四往來如梭新舊相續小民疲于奔命巧者尋法藏身拙者棄家徒業官路兩傷至有婦人當差孺子捧轎者總是無可奈何耳至于派夫則更有大肆其誑害者焉大兵經過水路須用船隻陸路須用車牛此不待言而運刀槽鍋釜用夫飼馬擡牛用夫擡行李用夫拉車船用夫無項非勞民之事也夫用夫止于勞民力則亦已矣領兵之人用一而索十餘者可賄而放也州縣官吏用一而派百餘者可折而受也故水走長江到處催擡夫長江之內一望汪洋不傍堤岸不知欲從何處擡船而一舟之上兵無幾家口無幾擡夫乃有數十初則重索而放繼或輕給亦放倘一無所與衣履可剝也皮膚可戕也斃無輕輕放手之理嗟此小民供應力役雖所應當此等濫用此等虐使未免其有心傷而口怨者矣庚

聞廣東兵過梅嶺動用人夫通計七八十萬近者親身供役遠者不能也貧者忍苦任勞富者不肯也勢必雇人代替營求脫免一名夫非一兩銀不了事則此七八十萬夫即此七八十萬銀江西何地而當如許之利索也哉況兵之所經過者不止于江西民之困窮者更甚于江西不大可念乎宛轉計畫兵行用夫勢不可已差重苦民情所當憐兼善爲難禁約無用惟有勿輕移駐防之兵勿輕遣採買之使兩言爲緊要矣

辭官贖父疏 代高唐常

臣本堅儒幸叨一第荷蒙知遇之恩選拔庶常是誠不世之遭逢無疆之榮寵也臣雖謏劣志惟砥行矚節讀書考古矢圖報稱今當入館伊始何敢遽及私情然臣賦命寒薄遭家多難有天性莫解之憂日夜難安之隱不得不冒死直陳者伏乞 陛下矜憐而洞察之臣父高騰遠由貢生選授山東章丘縣縣丞因署青城縣事被參逮訊原揭數款審多子虛惟是受武生張斌孟紗之餽坐贓十兩擬罪流徙寧古塔事結已久臣不敢復辯痛念彼時臣父有母段氏年

學源堂文集 卷之十五

古

已七十九歲臣方九齡當發遣之日風燭之老母在上齟齬之孤兒在傍一旦永別死生難見慘動鬼神留戀悲號行道之人聞而淚下臣父不得已付臣于祖母之手屬臣爲代表之人自此而後臣衣食祖母續紡以資臣學臣婚祖母拮据而就養子及孫真恩深罔極也憶臣爲諸生時祖母置臣于榻側督臣夜讀泣謂臣曰爾念爾父則讀不念則寢臣感是言引錐自警祖母呻吟午夜常從夢裏呼兒臣啣寒窗每向燈前見父孤孀弱息殆無日無時不在嗟唏悲泣中也經今十三載年已九十一老病伶仃思兒

愈甚日夜所禱祀者只望臣膺一命可以呼籲陳情邀恩重聚耳今臣幸釋褐登 朝謫竿玉署叨冒非常矣每懷生我輒爾心酸痛念臣父今年六十有七播遷遠塞衣食維艱思量返里無期盼望家音誰寄貧老憂煎料亦朝夕莫保臣在館中但聞人有言及父母者卽寸心如刺雙鼻爲酸况兩月以來臣祖母見臣卽問消息臣權詞以對慰藉一時近且嚴詞厲色而向臣云人皆有父緊爾獨無我聞當今 聖上仁明慈惠孝事 兩宮遠軼文舜爾何不手繕一疏泣訴 朝廷請身代父罪使我母子重逢死亦瞑目

學源堂文集 卷之十五

五

爾若貪榮忘本錮翔于金馬玉堂之間醜顏怡志不知出此恐清議莫容而日難施 國家方以孝治天下亦何取乎爾而爵之祿之也臣聆此言汗流沾刺不知所云矣臣聞綈縈弱女尙欲沒官贖父吉粉章子猶知代父登聞臣玷清班顧忍甘出其下耶因此瀝血陳情冒干 天聽懇祈 皇上軫念九旬之孤慈望子情殷俯憐一介之微臣贖父念切罷臣去國代父投荒臣年二十有一筋骨正強負耒荷戈尙屬有用釋臣之父生還鄉里奉母餘年三心皆對萬代永感傳之天下垂之後來實 聖朝之曠典亦翰苑

之殊恩也臣至情迫切冒昧哀請無任悚息待命之

至

學源堂文集

卷之十五

去

廣鼓鑄行寶鈔以助軍需疏

臣聞經國不貴一切之術濟時當求永久之謀邇者軍興孔亟轉餉爲勞持籌者蒿目焦思計無遺策入告者議捐議節言有嘉謨似亦足以仰裨度支克裕兵食矣然而亦有現行之事廣之可以生財待舉之圖前人曾有明效尙未之議及者焉臣于讀書之暇越俎而籌妄擬陳奏猥以官非司計職非建言遲回審處一月有餘乃復慨然而念與其有一得之見閤不爲獻何如冒出位之嫌披瀝以陳萬有一當是亦弋獲也卽託空言輒稿亦竭也臣敢爲我皇上陳

學源堂文集

卷之十五

七

之一曰廣鼓鑄伏察鼓鑄錢局舊例不止戶部內而工部外而近京各省俱有爐局嗣因銅貴無益有損遽爾停罷惟寶泉局尙仍舊買臣思國家所以爲經費者不獨銀可濟用錢亦可濟用也如用銀之處可以錢代存銀便足充餉夫銀猶待於徵解遲速尙恐不一錢則取之公家多寡不難立辦臣故欲其廣鼓鑄也然廣之之法有二一曰增局一曰易式增局者復舊時所有之局而可矣若易式則有議現鑄之錢每千用銅七八斤不等每一斤價銀六錢五分加以炭火鑄鑄之費鑄錢一千計用本銀六七兩而支用

僅作一兩較用銀所費甚多此局之所以停也臣察
往代俱用大錢或以一當十或以一當五較之以一
當一者銅工之費又省十分之三用銀四五錢即可
當一兩矣今如倣而行之或當十當五兼行或止行
當五者總是 國寶官可行于民民可上于官有利
而無弊也如慮銅不敷用又有一法于此禁民間不
許濫用銅器銅自不貴復請照捐銀事例有捐銅幾
萬斤者作何錄用幾千斤者作何獎勵夫捐銅易于
捐銀自然輻輳立至豈不更便乎一日行寶鈔察明
洪武時因軍興費煩造鈔支用每鈔一張作錢一貫

學源堂文集

卷之十五

大

官俸役食以及採買物料銀鈔兼發官行于民間
納糧亦銀鈔並交官不阻難行之數十年事平乃罷
是亦最省最捷之一法也何不做而行之乎如議行
鈔臣又有說察洪武寶鈔蓋用紙造行久損壞交官
換給事頗繁冗且造紙開局有工料之費有監管官
役之需今日則可省也請取舊鈔式樣頒發浙江織
造各局織為綾綾紬絹四等級者作錢若干綾紬絹
以次而下質堅于紙可省更換之煩多寡不同且便
民間之用此固無難行之事也如有以為難行者必
曰官行之民易民行之官難雖有嚴法保無玩愒決

朝廷所以整一四海者恃有此法耳若慮其玩愒遂
格而不行天下倘安有可行之事哉察洪武寶鈔印
有偽造者斬首告者賞銀二百兩并給本犯家產等
字立法可謂嚴矣當日用紙則可偽今如用綾綾等
為之則不可偽何也紙可私造也織局不可私開也
請于寶鈔上再加兵民交官官不收受及轉解上司
勒不收受者作何嚴處在內赴戶部在外赴督撫告
理督撫徇徇一併處分如此行之有謂天下皆不畏
法不急公之人者臣不敢信也迨錢廣鈔成凡官役
俸食未出征綠旗兵餉以及大小賞賚採買諸項或
銀錢兼支或銀鈔均支用錢可以省銀用鈔可以代
銀一變通間兵餉自裕旗下之官俸兵糧亦可照舊
支給而無難矣之二說者既無傷于國體且有便于
民生是在奉行之何如耳芻蕘管見如可採擇伏乞
睿鑒施行

學源堂文集

卷之十五

七

遵舊典以崇聖功疏

臣以菲陋叨列宮僚位雖莫比于師傳之尊職實負
荷乎輔導之重自拜 命以來勤求職掌稽考古章
酌古準今期於可守業具本題明衙門事宜奉有
俞旨案伏請察實錄參以會典凡職掌攸關者不
敢諉謝不敢缺遺刪繁就簡定爲官守另疏請 旨
候 命遵行伏念臣僉員 青宮任專啟沃凡有可
以豫養 冲德克禔聖功者自當悉心博考據典故
陳廢於夙夜無忝不得以各官職掌闕衙事宜一再
奏請遂謂靖共爾位已也更不敢以 皇太子尚未

學源堂文集

卷之十五

三

出閣可以優游靜待寂無一漠仰佐保傳也易曰蒙
以養正聖功也漢賈誼曰太子之善在于早教諭臣
讀書至此未嘗不反覆尋思求所爲養正之方而教
諭之早者以資靖獻焉及察前代實錄至弘治七年
有兵部尙書馬文升上疏云自古帝王之君天下未
嘗不以教太子爲先務當其良知良能未有所誘早
教豫養正惟其時是在選擇醇謹老成頗知書史宮
人保抱扶持於言語則教之真正而非禮之語勿使
之聞于行步則教之端莊非禮之事勿令之見教之
不忍教之有儀以養其仁義之心教之恭肅教之分

別以養其禮智之心一二年以後先教之以誦習孝
經俾知孝弟之道出于天性與夫 上天之所當畏
祖宗之所當遵百姓之所當愛財物之所當惜至于
八歲教之誦讀詩書俾知窮理正心修己治人之道
自此以後日出春宮講論經書涵養德性與凡世事
委曲在所周知人物賢否在所當辨內外輔導得人
則德日進而不自知矣臣披閱之餘深服其言之有
符于蒙以養正及早教諭之旨也又察嘉靖十八年
有禮部尙書霍韜等奏言太子當未出閣時未可以
文辭陳說惟當使之日聞正言見正事則可爲養正

學源堂文集

卷之一五

三

之助因選古事十三則繪圖一冊上之一曰文王爲
世子問安圖二曰視膳圖欲大孝師文王也三曰文
王爲世子齒冑圖欲謙德師文王也四曰漢桓榮授
經圖見東漢猶存古風也五曰神堯茅茨土階圖六
曰大禹菲飮食惡衣服圖欲其知崇儉也七曰大禹
卑宮室力溝洫圖八曰周王知稼穡艱難圖欲其知
勤身勤民也九曰周室后妃蠶織圖欲其知綺繡之
難得也十曰宮中隙地種蔬圖欲其同符堯禹也十
一曰西苑耕稼圖十二曰西苑蠶桑圖欲其知以成
周家法爲法也十三曰高宗訪道圖欲其知勤學也

臣披閱之餘又深服其圖之有符于蒙以養正及早教諭之旨也謹一一手錄恭呈 睿覽伏願 皇上遠繹義經養正之文及賈誼早教諭之說近採明臣馬文升之論及霍韜等之圖時勤 宸念凡 皇太子起居衣食語言動靜皆思有以豫養其粹德早正其聖功可爲億萬世之家法也至于前代舊圖未必仍在倘師其意而繪之奉爲 皇太子不時之展玩復令稍知大義者爲之講說則披圖仰如覽史怡情因而定志他日出閣講讀 聰明自然發越儀度自然端凝臣以土壤而益泰山之高細流而助河海之

靜源堂文集

卷之十五

三

深譬之鏡本明一拭而光采自耀玉本美一磨而溫潤非常于以作求 世德度越百王裕如已

錢法疏

竊惟籌餉之法莫如錢鈔救弊之權只在擔當敢排羣議直據愚忱以佐軍需以緩民力焉臣自少年登第考選庶常恒思有所表見立身報 國猥以志大才疎多所做忽因而淪落不偶二十餘年英華銷歇牛馬任呼詩酒自放不復敢言天下事矣近見滇閩作逆羣醜跳梁 國家大用兵急需餽餉持籌者方且計無遺策乃猶鰥鰥然有未敷之慮大抵爭之於其末也填戶部以更廣鼓鑄請 詔下諸王大臣九卿科道會議臣不勝忭慰翹企以爲此議一行則度

靜源堂文集

卷之十五

五

支無虞民困可紓不意議者以爲不便于民旋復沮格臣聞之又下不勝驚慮嘆息若以此爲不便于民何事便民若事事必便于民何以便國况鼓鑄一事正所以便民者也特恐後來有流弊耳從來一法立一弊生人能作弊人亦能救弊若懸揣有弊預謂難行天下安得有上可裕 國下可便民如此萬全之事哉奈何懲流弊于未然置軍需于方急也臣考古來有括民財而供邊需增賦稅而充練餉者不知當時之諸臣亦以爲便民否也我 國家三十年來輕徭薄賦爲萬代盛德事今當兵餉急需委曲設法不憚

勞煩者正所以永保此盛德之名也此以爲不便彼
又以爲不便而萬全之策果何在耶臣不識時務不
避忌諱敢以更廣鼓鑄之法爲最便不特此也卽鈔
法亦最便只在因時制宜法期必行卽欲後一病
一藥不難早計擔當之則可行推諉之則難行虛公
者則可行偏私者則難行語曰有治人無治法者正
謂此也萬一有謂此等事非盛世所宜有行之恐不
足以經久是又膠柱而鼓瑟之說矣天下事有經有
權經則垂諸萬世權乃濟乎一時爲兵餉而思變計
者權也況不求諸下而求諸上反經而合道也事平

學源堂文集

卷之十五

書

請嚴別直省蠹吏疏代
今天下親民之官守令爲重而守令之貪廉能否則
惟督撫司道表率之也督撫不刻核乎司道則方面
得以展其才司道不刻核乎守令則有司得以潔其
操然而督撫司道之刻核官爲之也亦吏爲之也夫
守令之職掌不過錢穀刑名耳守令職其詳司道職
其要督撫總其成使上官不苛刻則有司無勞費有
司無勞費則民間無侵擾豈非又安元元之要道哉
無如近日督撫司道之不然也一事也本合例而行
矣經承書吏借以爲索有司必朦朧批駁在本官
學源堂文集 卷之十五 書
以爲其吏之致詳不知實其吏之售奸爲有司者必
覓其線索納之賄賂猶是前詳而駁者復允矣否則
授以登答朦混之法以爲掩飾妄駁之計此輩之伎
倆巧于官而羽翼又上下相關通者也有司受其害
而不敢言小民受其害而無可告故吏愈尤甚于官
貪也前科臣岳峯秀曾有一疏益峯秀身爲知縣最
久深悉而痛恨之故言之鑿鑿耳奉 旨這本說的
是我 皇上亦洞見蠹之當亟剔矣雖經部議通飭
而督撫司道但知拏州縣之衙蠹乃苟有蠹而不覺
誰敢過而問之耶臣思革州縣之蠹易去督撫司道

之蠹難欲清其流必先澄其源伏察康熙年間定例凡在內部院書吏俱由招募行察本籍取有印結方許充役在外督撫以下各書吏俱用本省殷實端慤良民亦取本籍印官甘結方許充役違者各有處分蓋以本省之人易於稽察且身家所在不致欺藐下司肆行魚肉也行之未久玩違者多江北直省要緊衙門書吏皆江浙積年作弊之徒貪緣鑽充未嘗不取印結張冠而李戴未嘗不驗年貌北籍而南音本官明知其爲冒充利其巧便託以行私新舊援引上串通據爲窟穴滋弊叢奸莫可庖止夫一省自有

源堂文集

卷之十五

三

一省之人足以應役必曲容江浙之人者是誠何心江浙亦有緊要衙門可以充役必肯鄉離井結夥聯羣冒充北地者此又何心總之此輩難文作弊原有衣鉢誘官害民更饒長技藐視州縣凌逼播弄擅作威福而州縣各官無可誰何耳況飽則颺去或捐納爲官或携貲它圖一省之金錢官取之而去吏又取之而去小民安得不貧也臣以爲欲清吏治當先剔蠹胥欲剔蠹胥當先嚴冒濫請勅該部申明前禁令各督撫司道嚴察現在吏書果係本省者照舊留用如係假籍冒充一槩斥逐一人自有宗族豈是單

丁南北聲音可辨安能欺混察之最易也倘仍前弊戀巧爲容留或經科道官指參或被入告發本官加等連坐處分庶蠹源絕而吏治清民生遂矣

源堂文集

卷之十五

三

請酌旗丁買人之例疏

近來旗下於各處買人俱用本縣印契以爲憑據遵行已久近日貧民愈多賣身愈衆有來京師央人說合賣身旗下者或隻身或連妻孥一家數口身價不過數金作中作保俱係京師市僧或係旗下先買之人勢不能於其原籍用印但就近取五城兵馬司及宛大兩縣印契爲據亦有白頭文約者賣身之後告假討批回家搬取妻子縣官不敢問保甲不敢阻紛紛藉藉莫可究詰效尤口衆奸弊日生臣思民貧固其常事戀土乃是人情若止圖餬口謀生之路尙多

源堂文集

卷之十五

夫

何至捐親戚棄墳墓甘心爲人奴而不恤也況身價無幾旋得旋費又安所利而爲之乎此等人非作奸犯科之徒卽遊手好閒之輩或怙法逃遁或謀報私仇或希圖打網以賣身爲護身之符借主勢爲計人之具耳故往往既賣之後便起風波良民罔受其殃本主亦嘆其累然此猶其小者也如康熙十二年所獲楊起隆一案諸犯總係新人絕無舊僕其故可思也幸荷 皇恩浩蕩罪止本身倘一槩根究則亦何辭也奈之何不知警惕哉臣請自今以後凡旗下買人令報明督捕司係某縣某里人原住何處家有

幾口有無房地行令該縣察明報部存冊如有奸徒匪類該縣豈肯代爲隱諱此法一行不但兇邪不能竄入京城卽後日逃去亦可按籍行提無所推諉矣不然以數千百里以外之人信其一面之詞輒爾收買似難保其盡屬良善也况旗下買一僕卽該縣減一丁關係徭銀亦非小事豈可不令該縣知之乎如果臣言不謬伏乞 勅部議覆施行

源堂文集

卷之十五

壬

請疏進士之選法疏

竊惟國家取士首重制科貴乎乘時利見以收幹濟之效以鼓英俊之心也我皇上軫念進士選授壅滯特諭九卿詹事科道會議疏通更定選授之法誠重之也凡候選進士無論新舊莫不彈冠稱慶期砥礪清節展布才猷以仰荅國恩矣但前議知縣一項十缺之內除推陞二缺外照科分甲第選授進士二名舉貢二名其餘四缺分選貴州等處捐納先用並小京官捐納以知縣用之人似乎最公最平矣然而猶有未盡者焉伏察捐納先用與即用中不皆學源堂文集卷之十五

貢監也而進士舉人實繁有人若不稍為分別一槩算入捐納項中則有論科分可以先選因捐納而反致遲滯者豈不可憐乎况前議所餘四缺將貴州捐納即用者選一人雲南捐納長沙等處捐納即用者選一人小京官捐納知縣者選一人並未分晰資格不論進士與雜途一體按捐納之先後以為遲速耳如此則未曾捐納即用之進士俱沾皇恩而曾經捐納之進士益為遲滯似非一視同仁之法也臣愚以為進士捐納即用者既不能照科分以為序豈無向隅之悲又不克超商吏以先銓更有捐資之憾合

無將會經捐納即用之進士酌量先選庶稍異於雜途且深合於恩旨矣伏察進士捐納者為數不多計日可盡而刀筆貴郎或亦不致扼腕而嘆積薪也

請卹旗兵疏

臣聞自古用兵凡戰無不勝攻無不克者雖曰將有韜鈴亦由兵皆奮勇也兵之所以奮勇者又由用命則賞不用命則罰功罪分明衆心感服也我朝兵制每正兵十名卽有庫圖里一二名名曰廝卒其實亦一兵每當攻戰之時倘正兵有病或他故缺乏卽以廝卒代充披堅執銳冒犯矢石與衆無異及奏凱論功其人則不與焉所得功牌仍歸正兵是廝卒有危苦而無勦賞拚自己之身命立他人之功名也而欲其真心勇往豈可得哉臣以爲凡對敵有功者無

學源堂文集 卷之十五 奎

論正兵廝卒一體給與功牌事平總計功多者授以官職功少者准其出包如此則人皆自圖其功業努力爭先自可一賞十而十當百矣臣又念從征原是武人之職恩家更是人情之常誰無父母誰無兄弟誰無妻子萬里經年勞績兩地離平安之信日間猶難自遣況其家有意外之變故骨肉之親難乎方寸既亂欲其安心定氣効勇出奇恐亦有不能也臣見近來八旗在京少年或因公罪或犯私條問成大辟或立決不赦或監候秋審其中卽有父兄出兵在外而子弟在家犯罪者亦有子弟出兵在外而父兄在

家犯罪者一聞其信天性慘傷心力俱憊矣可不爲之曲念乎夫法不可廢也情亦當恤也請自今以後凡旗下人犯重罪有親父兄子弟在疆場者姑爲監候俟事平班師令其得見一面生死甘心倘其父母子弟有真正戰功願請代贖亦爲俯允如此則軍伍之中有感極流涕而奮發効死者矣尤可憫者出征官兵富足者少貧窮者多或無馬匹或無弓箭或父母妻子無衣食出重息而借債指俸祿以償還蓋出於萬不得已也原望一年半載可以凱旋今經三四載矣富者已貧貧者益窘每見戶部支放俸銀及各

學源堂文集 卷之十五 奎

都統下支放家口月糧之日俱是各家債主就就守定所領俸糧登時攘去一家絕續命之膏兩眼墜傷心之淚大可憐也臣以爲此等欠債之人非尋常可比婚姻死喪鄰里尙有相助之情而敵愾從征親朋豈忍坐視其困臣請勅八旗管兵各官員遇有欠債賣糧苦情嚴加禁止不許衙前攫取半路要奪更爲調停察其債主如係富家諭令暫緩候兵回償還倘債主亦是貧人則本旗之人無論官民各捐資代爲償本庶出征官兵妻子免致饑寒奴僕可無逃散則三軍之士無內顧之憂而有分外之感有不踴躍

殺賊以報 朝廷者臣不信也抑臣更有請者八旗漢軍廕生多係統禔子弟原無禦侮之材向來因其家有壯丁或鞍馬器械易于辦備乃派令出征然此等驕惰之人豈能摧鋒陷陣不如就其所帶壯丁中選有強勇精練者代主披甲如有功勞與主平分不但廕生情願供兵而軍中亦實在得用不可不急講也至於現在隨旗上朝漢軍廕生從前不令出征其非材武可知乃令之月廩廩粟優遊坐閒也耶況當軍餉需用之時此項尤宜節省臣請將隨旗上朝漢軍廕生察其材堪武者發與兵部考試候用餘則

學源堂文集

卷之十五

書

照例發回國學肄業庶人材不致曠廢而太倉且免冗耗也

請選拔貢監生疏代

臣惟自古帝王首建辟雍選置師儒者誠以國學爲興賢育才之地也故由鄉學而升之州序由州序而升之上庠選俊拔尤典爲極盛我國家自定鼎以來甲申有選拔癸巳有選拔甲午有選拔壬子有選拔率取天下之英才茂品萃之雍中勤爲考課三十餘年名甲巍科半出於此文丕蔚模範興歌古莫比也今察國學自壬子選拔而後登賢書者什之六七其餘皆肄業期足或咨部考職或遵例捐納實在監中者什不存一矣而例貢例監又皆免其入雍即

學源堂文集

卷之十五

書

間有一二項照舊坐監者原不論文難以作養現今闕教習遂無可考之人明年應鄉試未必即有茂異之士勢必短中取長恐非設科掄才之意也臣等職司教育何敢嘿然伏乞 俯念國學係人才重地選拔乃歷來成規俯允照壬子年例令直省學臣嚴爲考取府學衛學選拔二名州學縣學選拔一名送監肄業到監之日臣等更加考試優者收錄劣者駁回一如舊例庶橋門有思皇之多士而人文成一代之興隆矣抑臣乃謂可以收士心者何也自事例弘開素封之子濟濟齊府彈冠相慶矣而單寒名風雖有

博學鴻才絀於無賞傷福命之不猶嗟黃陂之終老
詢足憫也若一旦聞選拔之令下必羣起而賀曰
朝廷之開事例者濟軍需也行選拔者重人才也上
既有好學右文之天子下自無貧窶淪落之賢才
行見天下懷才抱藝之士必歡聲雷動矣豈非可以
收士心乎臣等謂可以廣捐納者又何也士各有志
有願膺民社者即有願觀光上國者近例內閣中書
一項惟進士舉人貢生方許捐授其非正途而有志
於此者厥道無由已雖有例貢終是貲郎使之染翰
摘詞豈能勝任若選拔一行人人皆明經也階之而
進人不負官經可爲權於事例正劑濟非於事體有
相妨也豈非可以廣捐納乎總之臣等爲人文計不
得不爲軍國計思所以副皇上崇儒興賢之盛
心因而卽思所以佐皇上削平底定之上策誠所
謂一舉而兩得者也

請設宗藩教習疏代

臣惟自古帝王先敦一本書曰以親九族立愛惟親
中庸曰尊其位重其祿同其好惡莫非親親之至意
也然不徒親之亦實有以教之俾之謹身修行無有
罪愆以全恩誼之爲貴耳而其所以教之道蓋亦代
有專官焉舜命典樂以教胄子周立宗正以掌親屬
漢有諸王之傳相有親族之宗師唐宋以來雖多變
更而輔導教諭之法百代無殊也明洪武分藩設置
官僚自供奉外有長史教授等官俱遴選才識老成
者以充其任宗室有過責在王官實爲盡善迨其後
少衰矣宗室遂多越禮犯法之咎豈非明教大驗也
哉我國家不立藩封自親王以及輔國奉國諸將
軍悉列護衛所以篤親族重根本也然而瓜分日綿
麟角益衆雖聖人之後無有不賢而習俗移人賢
者不免輔導教諭可勿亟講乎邇者如常明兒一案
株連七星研審得實抵冒重典夫七星宗室也承問
諸臣當用刑鞠究之際未嘗不憐之惜之無如法不
可貸何我皇上乾睿隆好樂重辟其以殄絕兇
殘警戒宵小者可謂至公至明至嚴至斷然以臣愚
私揆之當獄成請命反覆具奏時宸衷未有不

惻然者與其過乎仁無寧過乎義不肯以姑息廢法
豈得已乎臣因念宗室至尊貴也使其幼而習於禮
教長而有所率循倘偶即悞濫司教者必從而議之
安得有比匪之傷安得有凶終之禍如此者哉善乎
明臣馬文升之言曰與其懲治於已敗而示賞罰之
典莫若教訓于未然以全親親之仁甚可念也伏乞
爲一本圖保全爲萬世計久遠請于宗人府做照舊
典設立一官掌稽察宗室之罰仍於八旗下各設宗
師一員選宗室中之老成有德者充之凡宗人十歲
以上者俱聽教導但有結交匪類舉動輕浮不守宗
法者啓王處治而各旗宗師統於宗人府稽察司考
其優劣教諭早而蒙養克端稽察嚴則率行必謹賢
良者有成輕佻者可化至於一切奸詭巧詐之徒不
許擅交宗室如有犯者從重治罪使之慎交遊正所
以保身名也

擬留金孟求中丞疏

竊照直隸八郡即古王畿也爲萬國來同之重地緊
六師建旄之衝地廣人衆徭賦殷煩所賴以宜
上德達下情綏輯而愛育之者巡撫一官實爲最切
現任撫臣金世德自奉命出撫潔已愛人殫心任
事勤罷展報國之才安靜造生民之福吏畏而民
懷刑清而訟息八載於茲矣邇者王師四出供億
充盈郵驛整飭其才猷又足稱也乃因積勞成病閏
月弗痊具疏控辭彼時直隸臣庶即欲叩闕請罷
幸蒙溫綸慰勉許在任調理幾民無不感悅昨見

邸報撫臣又引疾入告奉旨下部議奏臣等俱直
隸人家鄉載德容友稱賢不忍其去而鄉里父老聞
信傍徨臥轍有心叩闕無力謂臣等身在班行豈
不爲朝廷憂屏藩豈不爲桑梓愛而露責臣等臣
萬姓盡同一心也臣等伏見往年浙江臣民會保出
范承謨矣山東臣民會保留袁懋功矣河南臣民會
保留佟鳳形矣俱蒙睿鑒俯徇其請今世德之賢
不減於前人臣鄉之情倍殷於他省伏乞軫念輿
情仍令撫臣在任調理以奠三輔之封疆以永萬
民之愛戴況撫臣年力正強微疾易愈倘一朝霍然

良已則酬 恩之心必益篤愛民之念必益加直隸
臣民共受其福自歡欣頌禱感激 皇恩於無斁也

請禁私圍民田之弊疏

伏讀康熙七年永停圍佔民田之旨我 皇上洞悉
畿民困苦不忍更令失業所為培邦本惠貧黎者真
堯舜愛育之德也近又見戶部題為蠶里茂首等事
一疏奉 旨民間田地久經有旨永停圍佔將部存
地畝分撥賠不肖人員借端擾害百姓圍佔糧田以
不堪地畝抵換或地方豪強隱佔存部之田妄指民
間地畝撥給殊為可惡嗣後著直隸巡撫不時嚴察
如有此等情弊指名題參從重治罪欽此仰見 皇
上如天之德如日之明畿北之民無家不感頌無人
不禱祝萬壽無疆矣臣竊聞民地被圍殆不止宛平
縣王毓慧一人而其弊總由于州縣之戶書與里長
耳向來圍佔奉 旨原以部存官地分撥也戶部行
文于各州縣亦止開退圍新增開墾三項也某州縣
地若干某項地若干戶部所憑者州縣奏銷之冊籍
豈敢有悖 明旨孰知戶書里長之弊正在此奏銷
冊籍中臣請為 皇上詳陳之夫曰退圍乃滿洲因
原撥之地窪下不堪耕種退而別圍或滿洲調旗退
而別撥存為官地招民佃種者謂之退圍也如去年
莊頭私佔民地後經告理審斷還民之地豈是退圍

乎又加本地光棍將他人地土捏爲已業帶來投充
後經告理審斷歸民者又竟退園乎伏察順治十一
年清苑縣光棍常繼愚等妄指民地爲已業帶來投
充擾害百端致令小民含冤地庄路斯行等勿頸叩
闕後經審明將常繼愚等正法其地斷還于民照舊
納賦此更非滿洲退園者可比也而州縣戶書明知
此等地土非係部存乃一槩造入退園項內戶部據
冊而察亦不得不以爲退園矣及至分撥之時戶書
里長乃借以嚇詐小民違志者則免園不遂志者則
濫佔年年如此也夫既園其地則必除其糧州縣官
學源文集卷之十五 聖
吏則朦混請豁曾經戶部駁察發覺者如雄縣保安
州等處豈非明據乎至於以肥換瘠以整易碎如
睿旨所諭真洞見萬里矣更可恨者妄園民地州縣
不敢除糧百姓豈肯賠納莊頭亦不敢耕種而戶書
里長乃從中調和仍令百姓耕種每畝歲出租錢若
千兩倍正供之數里書以一半完糧一半分肥出
之民但知地雖園而業未失亦情甘多出幾分租課
誰能聲說其弊乎即欲聲說而州縣官畏已之處分
且百法鈐制其口矣凡此等情弊皆自造冊朦混始
也臣因感頌 恩綸時加訪問聞之最詳不敢臆
聖

乞 勅下直隸巡撫通行畿北各屬凡有經售理
斷還民間現在徵糧之地不得仍造退園項下妄園
之地不許仍令本主佃種違者題參重處如此則里
書無所施其奸庸吏不致受其蔽而畿北之民永戴
皇恩於萬世矣

聖

學源堂文集卷之十六目錄

疏引

募建清涼山射虎川茶菴疏引

代高南華啟言引

重修清苑縣儒學疏引

爲王惠趙乞言引

重修大寧都司儒學疏引

爲老母七十壽乞言引

卷之十六

一

學源堂文集卷之十六

清苑郭榮快圃著

疏引

募建清涼山射虎川茶菴疏引

竊惟名山磅礴秀連恒嶽之華佛土清涼高頻滄溟
之九率嚴疏其需瑞載號四壻文殊記廼莊嚴事分
五座盛夏積千年之古雪琪花益艷于香岩隆冬覆
正月之繁霜珍卉如沾夫玉露逐境絕非常境遊人
開雜仙人誠震旦之奇觀瀛環之淨土也趙魏舊恆
臺夏屋之蹟隋唐傳天池金闕之名以故需異雖生
學源堂文集 卷之十六
因而篇章多有繼茲以往疆域攸分越是而還游蹤
遂邈洪惟我 皇上大一統以升猷猷八荒而建業
揆文奮武雍熙粵嬭于堯年懷嶽柔河歌咏冀遠乎
周頌于是春秋省耕歛 翠華臨三輔之陲因而蒐
狩代遊觀 黃輿幸五臺之麓山霧肅迺雲霞與舍
利同輝木客深藏松柏共娑蘿並茂白日現西方之
璽略三十二妙相來朝中國 聖人半天排上界之
幢幡一百八佛名喜視太平 天子袞裳滿地偏和
而拜 龍鑾鐘鼓傳空聚族而迎 豹罕 宸情嘉
豫 盛典維新廼有白額從風以興爰發 彤弓應

弦而倒自茲地爲勝蹟肇錫川以佳名戒俗寂澄幸際皇儀之輝赫謀築禪刹恭揚昭代之馨香弗寧安蒲團于函丈且欲灑甘露于衆生願力維弘贊財頗浩項者持鉢而走輦下繕疏而募日邊歷善念而建隆規侈非同于白馬青鸞不須捨宅集羣力以襄懿舉功有類于四臺三舍惟冀鋪金尙蘭若起乎一峰前可無古剎醍醐灌乎衆頂後亦傳今矣

啟言小引 代高僊友昆弟

背樹春敷幸小人有母夢花筆煥煥君子以文挹芳潤于詞園麗綺章于壽域脫能集粹實足榮親家慈王太安人口授孝經耳提家訓四子皆邀一命恒教莫愧科名七旬彙拜五花切誠當酬君德某等雖山叨卿寺外備郎官慚非致身之臣豈是克家之子就焉水漿未因人語杓投惕矣璫篋常念客來薦剗矧子復有子慈顏頻動于舍怡孫且重孫燕喜正濃于著鄰值此辰當設悅將爲壽欲稱觴火棗冰梨不羨神僊之珍瑰潘江陸海行懷才子之菁英披霞學源堂文集卷之十六

邵衷承風雅教倘蒙錦章載錫奚啻華袞生榮慰人

校載當奕業

重修清苑縣儒學碑引

教化莫大於人倫明倫莫先於學校學校莫重於宮
牆自三代以迄今茲未之有異焉者也哉自天子以
至於大夫未有教化不興學校不舉頌壁宮牆不脩
而能一道德以同風俗者學校顧不重歟今之守令
古之諸侯大夫也今之儒學古之頌壁宮牆也在郡
者郡守主之在州邑者州守邑令主之亦既主之則
其脩舉與廢墜庸第鐘鼓簋豆之司與詩書羽箭之
習也哉考績者於是乎觀政焉問俗者於是乎採風
焉視子大夫之明幽也則亦視爾多士之隆替也

學源堂文集卷之十六

四

寧惟是黨有庠家有塾鄉學社學即閭里之耆年與
都鄙之保正亦靡不與有責焉矣況哀然而垂紳戴
纓號爲顯人達士者乎吾邑儒學之敝且頽者十年
餘已最尊者爲大成殿今乃風雨未除烏鼠未去
謂明禮何最重者爲明倫堂今乃簷開之聲竟飛塔
前之草可鞠謂肄習何且戟門之戟插地樞星之樞
檻霜矣四齋可以臥看北斗兩門不能盡禦南薰矣
謂觀瞻何嗟乎古人掃地而設祭破壁而得經蓋亦
言其樸而無文毀而不滅云爾若乃委宮牆於草莽
混阜比於泥塗斯亦吾道之衰而邑人之羞也

歲夏日茶過儒學步履瞻禮觀茲凋敝惻惻者移晷
因念唐平章王播歸里第過木蘭寺見壁間碧紗籠
所題詩喟然曰此吾少時所游也命新之古人游跡
所及倘無忘丹牖況茲懷鉛握槧鼓篋橫經地耶余
愧也滋甚一日謁邑侯時公語次及之公慨然曰某
有志焉而未之逮也語云千狐之腋可以成裘一寸
之壤可以積丘邑之薦紳縫掖以及素封者民脫有
同心式匡式輔或蠲或輸脫帶寺前不猶愈于鋪金
祇樹者庠因與余賴畫所需既詳且悉約去秋而從
事不謂去年無秋又約今年夏而從事不謂今年又

學源堂文集卷之十六

五

無夏且幾幾乎無秋幸大中丞于公至率所屬齋虔
用禱甘澍霑足時公喜曰是可從事矣否則某之責
也余感公有是心而又慮公無是力何也方公之來
宰吾邑也秦楚正用兵如熊如羆日索芻糈以千計
如日如月日索輪蹄以百計公碌碌然了公事於馬
背餐粗糲於草壠三年勞動手口卒瘁未幾而旱魃
爲虐民無半菽請捐請賑之不遑呼癸呼庚而莫塞
一粒一莖皆心血血逢人語語含酸慙額余嘗不待
其詞之畢而知其有所賄貸知其有所補苴也茲雖
慨然而興是心未卽優然而有是力促膝躊躇於邑

者久之無已則亦復理髮者千狐寸壤之說乎公曰
然因出一冊弁之疏詞將以告吾里之紳耆耆者
年而長者素封而慕義者余誦其詞勸勉懇懇稱乾
竺刹宇之隆傷鄉魯俎豆之替其所以激厲而感動
之者亦云至矣諸君子其忍負之哉況學校爲教化
之地人倫風俗道德文章胥於是乎出不第關邦大
夫之考績明幽也失今不修過此以往未之或知已
邑人士其勗諸

爲王惠迪乞言引

禮饗老人星典重南丹之算詩爲春日酒儀推東序
之文社結洛陽冉冉畫圖皆仙客師稱絳縣備瞻聞
里自達尊益壽已以壽人斯尙德而尙齒惟我惠迪
王太翁融金成質追玉得章家在烏衣族是夔龍之
舊門多朱衍名居元凱之中綺歲婆娑于菰林獨向
鄉娘覓枕秘隱心繾綣千道圖事將桐葛附巾箱人
頌太倉公士仰南州士銀管書德班管書文渡蟻與
宵龍同述橘泉在里洙泉在家戲禽與調象并嫺生
也綏慶長而吐鳳既壯好學垂老成書讀非今日之
學源堂文集 卷之十六 七
鄭康成吾鄉之文中子乎至若謝庭生玉樹正聞紫
綬下蒼梧燕山有桂香共見白眉舞綵裏着膝三呼
大父孫既抱孫傳家四世一經祖復授祖人生光景
若此天倫樂事何如太翁老耄釋耒盍簪弗挾長者
友健能行樂銜杯常入少年場卽從體地而有貞可
識後天之不老歲除之前二日慶遇授辰籌添之第
七旬祥開壽域吾輩或敬梓或如蘭同屬坐春立雪
之倫爾時日懸車日錫杖當爲稱觴納履之歡合遐
邇而成體何殊蓬海仙來指顧瑞以鳳言定有瑞池
母降非燕許大筆莫紀崢嶸須李杜名章通傳警復

擬製錦屏千畫錦願集華祝如春華謹啟

學源堂文集

卷之十六

人

重修大寧都司儒學疏

代高彬如太守

奎壁近天門天上麗文章之府河山雄帝里帝家
資發輔之華重師儒以造人才問何地懸鋪設鼓建
學校而崇經術忍隨時飄雨搖風蓋梵宇布金東
方聖人寧遂不如西土而堪興琢玉左龍吉氣還須
莫讓石砂不惟名教攸存事曰文風是繫茲如保陽
巨郡大寧上庠作屏翰于神舉地原首善際風雲于
盛代人盡奇英才子族舊家近在高陽佛名經甲第
弗遺上谷基承乏二千石受事七十朝視俎豆而臨
頽林竊冀竹苞松茂課詩書而開絳帳何期塵滿苔
封秘閣藏經詎可賦吳宮花草瓊池濞濞不堪嘆周
道黍苗况樓祀文昌太乙猶聞燎若祠存啟聖靈
光獨見歸然回棟舊飛雲頓使斜陽臥柳珠簾曾捲
雨乃教冷月栖鴉凡茲文物之類胥吾上吏之咎維
新筵鼎雅事願告于同人經始兆升正材倘須乎大
有敬啟於諸君子咸興水木之思敢告之爾大夫竟
成丹腹之美坡仙玉帶莫矜只付閑茶鐘鐃珥碑共
許遐追闕里盛舉好乘乎辛神歲德弘功作謀之亥
字老人謹疏

老母七十壽乞言引

古無以文字爲壽者有之自近今始蓋以弗祿介之自天華珍致之自人有無豐嗇嘯其能取擄之塢益之也人子之于父母未有不欲極其尊養者至限于德才絀於勢分則亦無如何也已獨是親有懿行大節蘊積平生爲之子者詎難康輿而稱道之且其才不足以形雅成頌抑鬱於中有如在疚乃當吾世者有大人君子焉持月旦之準擅著作之譽仰而祈之儻獲其一言之表章是何減於弗祿華珍也耶然則近今之以文字爲壽也洵亦有道乎矧如蔡之陋劣

學源堂文集 卷之十六

十

瑣尾者乎小人有母爲 誥封張太恭人生長德門 嶺德淳備未可纖悉稱述其巨行善節可宣彤管者 蔡敬爲先生長者畧言之母氏年歸先贈大失時丁 先祖母變家務倉皇先伯母病弗克任家慈綜理周 當大禮以襄族黨稱之事繼祖母雷敬戒有加不數 月繼祖母患痢侍藥餌者三閱月調羹滌滌便溺必 躬必親久而無厭倦色先贈大夫七上公車厄于數 奇已卯八月涼兆方試士家慈齋戒禮斗陳先贈大 夫所爲古今文詞于案致禱曰有才知是屢試屢放 人且扼掣神其謂何夜夢朱衣偉人來告曰文者無

學源堂文集

卷之十六

十

祿祿者無文讀書積善貽爾子孫覺而大驚悟先贈 大夫下第歸家慈舉所夢以質先贈大夫指蔡曰其 在斯乎于是督課諸子不少假貸庚辰先贈大夫見 背樾戶深居毋績于室兒誦于堂紡紉之紅未輟啣 唔之聲弗停如是十年如一日甲申兵燹燎原敝郡 不守舉家嗒然若喪計無復之家慈呼集男女指而 示之曰若避此若避彼獨畱蔡與仲弟于外曰伯可 無虞仲微遇難終皆吉語畢啟室旁草薦納諸女嬪 穉幼于中蓋地窖也當城守戒嚴時已預圖之矣事 後所語若合符節聞 皇清定鼎舉手加額曰吾屬 得安堵矣甲申遭蔡應選貢試蔡有難色曰勿疑勿 畏若可售也蔡以貢士入成均乙酉遭蔡應京兆試 曰若可售也蔡又以貢士濫鄉薦丙戌將應南宮試 瀕行靜俟家慈一語乃云少年登第古人以爲不幸 此語然否蔡即識此行之無濟丁亥己丑三獻三刑 蔡失意放浪不自檢束忽昇先贈大夫木主于庭跪 蔡庭下讓責交加蔡愧悔莫知所出于是遣蔡乞恩 就教職又三年而倖一第選庶常家慈若先知之而 明教之者丙申外謫蔡介介不欲往家慈曰爾何見 之淺耶雷過常多雨帆迴更待風爾生有異兆不當

主兵農錢穀事何悻悻之有蔡八年于外帑更多故
 狂奴故態灑然若失繼而病病且厄歲家慈私謂人
 曰官兒學有進矣甲辰量移廷尉屬又八年而以纂
 修世祖章皇帝實錄遂邀恩環復家慈亦若先
 知之而隱敎之者蔡家世貧乏雖仕宦廿年總是冰
 衙家無長物一姊兩弟兩妹五男一女婚嫁無愆期
 壯穉皆成立蔡生平不識牙籌悉家慈區畫而拮据
 之也苦節三十餘年里人士有以公乞旌表言者家
 慈力止之曰守節娘人之本分事子不官旌之已不
 必子官矣旌之得無隣手私矧身荷國恩綸誥榮貴
 學源堂文集 卷之十六 主

安事此耶今年六月年登古稀蔡將歸而稱觴私念
 立朝居官絕無善狀物躬行已多有悔尤而數卷殘
 編一顧皓髮何以娛老親于堂上耶因見近今有以
 文字爲壽者事簡而文道雅且重敬述家慈懿行大
 節伏乞先生長者俯賜鴻章無吝椽筆俾蔡得編貝
 聯珠合璧集錦歸而懸于草廬之素壁設有望氣者
 曰箕尾之分燕趙之間文章光氣翰墨星芒品輝翕
 動是卽蔡舞綵酌酒時矣榮慶當不減于萐葆華珍
 也敬啟

學源堂文集卷之十七目錄

表

征朝鮮大捷表

纂修大清一統志表

擬畿輔亢旱清理刑獄甘雨大沛表

學源堂文集

卷之十七

目錄

學源堂文集卷之十七

清苑縣蔡快園著

表

征朝鮮大捷表

御試第一名

伏以聖武聿昭赫濯宣威于日出玉猷允塞糾植契
凱于天陲赤羽動瑯戈橫海將軍封定海黃旄揮練
甲勤王旅士在擒王指島嶼以鳴鉦風偃江洲之艸
蕩鯨鯢而獻泮弓懸松岳之巔聲震高麗風行下瀨
臣等誠懼誠謹稽首頓首上言竊惟聖不廢兵戰坐
尤于涿鹿帝能服遠舞干羽于虞階故戎乘三千周

學源堂文集卷之十七

紀方叔之烈而大功十二齊傳仲父之謀至若殷勤
之封乃屬漢置之郡鐵船衝海市楊僕出萬里而揚
威犀甲破蜃樓李勣逾三旬而奏勦縱使遐荒勒石
何常絕域標銅萬弩迎潮飲射蛟惟聞神武三驅合
野能開網允頌皇仁茲蓋伏遇

陛下堯天開

子舜日出寅旋乾柱而轉坤維洪濛再闢吞日精而
吐月魄靈異登徵開萬年有道之基肇百世無疆之
祉翼鰲背聳龍啣風雲羣歷豈曰高山其荒耀麟符
絢鳳彩祥嶺崢嶸益荷維天之命水天桂海嶠佛賴
所併懷蒲子穀侯自威覲其汪濊茲螺殼輒敢陸

梁按朝鮮之一區據扶餘者三姓高璉王建豈殷叔

父之苗穢貊辰韓非周老子之邑魂遊海上影彼度
索餘花魚戲釜中唆茲龍芻小草乃不知事大謬欲
處強致逢王怒之赫斯不庭則討爰命師干而比爾
有罪曰征電掃雲驅花渡旌旄揮奕奕星陳山布熊
津鉦鼓震聞閭閻同秋籜之摧折風巾真折矣何堪
泰山之壓平壤境不平乎大君繫頸而伏驪江情輸
納款小腆免冠而銜狼筆命待受降秬酒麻衣未見
秋毫之犯白種黃漆願為貢篚之材奚煩諸葛七擒
不復反矣可比采薇六月曷旋歸哉鴨綠波明映將

學源堂文集卷之十七

二

軍之喜色牡丹香散聽卒伍之歌聲豈非全師而歸
定是有功必賞臣等請櫻無志學劬多慙受方畧于
廟謨十不失一運機謀于紀律百可當千不言功効
歸帝座則有慶慶洽臣驛伏願奮武揆文安內接
外駕船以對天下兆鳥流魚躍之祥懷柔而及百神
紀海宴河清之瑞將見皇風翔于萬里卜年卜世卜
澗卜瀝遠越乎姬符帝命式于九圍自西自東自南
自北同歸于禹甸矣

纂修大清一統志表

伏以泰階泰平衡蒲穀來萬邦之賀皇圖開景錄車
書大一統之規繪繁纂于版章東西朔南歸掌握擴
龍銜于戎索山川人物盡文章聲教遐昌規模弘遠
臣等誠惶誠恐稽首頓首上言竊惟帝景姚華五服
編于禹貢王推姬祚九土辨自周官班固修炎漢之
書地里有志郭璞誇馬晉之域山海爲經迨至官闕
職方因而國無通典道元註水不過源流支派之言
靈運記山勢及草木昆蟲之類雖登天府徒號輿圖
未有方中而宮繡錯牙交聯赤縣海外有截星羅碁

學源堂文集

卷之十七

主

布拱皇州如今日者也茲茲伏遇

陛下德慈

函三治隆定一熙洽遙通乎浮竹雕題繡齒盡來王
聲霸肆布乎扶桑桂海水天胥向化猶念圖標王會
僅傳瑤琨篠簜之儀卽如籍列方言未悉蟋蟀兼葭
之美爰申巽命用諧坤維五嶽上應乎五星孰爲青
而孰爲白四瀆分疏乎四氣若用淪而若用排崇括
堯天區分禹甸燕韓曰日輦比于豐沛邠岐梁宋踞
天心宛在嵩丘河洛齊魯皆文學傳聞家戶之絃歌
吳越多俊民想見江山之秀麗楚爲蜀戶雄以威風
險而有要固可並見其人情晉與秦鄰儉須中禮勇

貴急公不妨直書其風俗江表之提封最曠嶺南之
風物甚奇至於百粵七閩大約沮洳瘴癘害其久沐
華風以及貴竹滇雲雖多蛇虺猺獞錄之共歸王化
燥濕剛柔卽有異照臨覆載自無私欲識民生當詳
物產如分時代必考人才宜速彙成一書卽是纂閣
千年之史更冀區爲各類何殊幽風七月之詩天語
丁寧總欲俯求民莫帝心丙照願言仰副宸裁臣等
識兄拘墟才思就簡不出戶而知天下慚居秀士之
名能聚米以畫山河愧說將軍之畧欽承如綍卽思
放眼于乾坤勉效祭魚敢不嘔心于歲月伏願勤思

學源堂文集

卷之十七

四

三重慎式九圍永奠金甌益期可大而可久恒調玉
燭勿謂已治而已安將見萬國來同天寶盡航梯之
筐百靈效順物華徵販瀝之鄉矣

擬畿輔亢旱清理刑獄甘雨大沛表

伏以聖人代天而雨堯仁滂沛于宥三王者畫地成
風湯網愷惻于解一赤縣慰雲霓之望黃扉祥雷電
之章應捷桑林恩流園草臣等誠惶誠恐稽首頓首
上言竊惟天地亦有刑賞曰雨露曰雷霆帝王豈無
恩威在明允在欽恤故欲雨暘之時若惟期生殺之
攸宜自雲漢興歎於周朝徒勤圭璧而乾封致誣乎
漢代僅事瘞瘵陟神馬于首陽幻從夢境咒神龍以
下鉢法借沙門舞五方之龍何若省刑而出杜冷占
三足之鳥不如按事而遣袁安未有甫邀聖德之寬

學源堂文集

卷之十七

五

平輒視帝心之嘉應如今日者也茲茲伏遇

陛下德峻仁堯哲宜智舜宵旰而勤大政常懷未雨
之綢繆時雍以化下民久動瞻雲之祝頌當茲太和
之宇宙豈有待變之陰陽迺者密雲徒自西郊赤地
神臯無與草零雨不沾南畝綠疇嘉種有焦花頽令
鑠石者三旬焉塗滌場之萬寶豈曰畢宿絕好輒欲
禱之靈輿或者貫索沉寃是宜清茲疢禁特遣元輔
重命近臣謂繁刑原可致災何必鄒陽繫獄而熾鬼
果能化魘安得縱縈上書汝往欽哉勿負用爾為霖
雨臣拜命矣務期盛世有祥刑玉律金科 國家原

學源堂文集

卷之十七

六

非得已而設深文曲筆臣子當為平反以申曰貌曰
言曰視曰聽曰思不協于極不罹于咎自無雨泣圓
扉惟官惟反惟內惟貨惟來何擇非人何敬非刑自
見風清棘座無忝欽恤之命有符好生之心丹管流
膏七月瑞雲浮碧宇木難銜露四郊甘澍灑青囀不
致無禾不致無麥西蜀坡仙志喜亦弗大滂亦弗大
早東齊仲父釋憂欽 朝廷清問之懷驗天人交感
之義臣等志欣德雨名愧商霖信想當然一言濃雲
畫密白雲暑解莫須有三字孝女晴翻玉女盆隨草
木以身榮沐 皇家之膏澤飲江河而爛果飲 帝
里之恩波伏願與日俱升如川斯至飛甘吐潤扇仁
颺于九垓八埏澆澆災書瑞日于五風十雨梁頌
摘華何須虞寄之美唐箋稱慶自有宗元之奇矣

學源堂文集卷之十八目錄

策

策畧一

策畧二

策畧三

策畧四

策畧五

策畧六

策畧七

策畧八

策畧九

策畧十

學源堂文集卷之十八目錄

學源堂文集卷之十八

清苑郭葵忱圖著

策

策畧一

天下權之所在即弊之所興不有大變之淪而益
敝變其法矣而未變其人乘其紛更之際愈得恣行
其私則不如仍守舊章者為有倫而有要也始即重
議計典之謂歟向者計典何以停乎曰大計之法不
公也不明也不公不明而因以不當也今者計典何
以復乎曰考滿之法不公也不明也不公不明而因
學源堂文集卷之十八

以不當也夫不公不明而不當果不足以辨法廉而
定黜陟變之誠是矣變而復之亦誠是矣亦思計吏
之典振古為昭安得不公安得不明安得不公不明
而不當其所以致此者人為之耳在內者權不操於
一人文多舞於羣胥無俟深言在外者非無才智功
名之士也無所利而薰其心恒以有官為苦有所驅
而敗其檢不顧害理為羞日役役焉強顏切齒與小
民爭此錙銖乃細入而鉅出暴取而歛納曾不能墜
其衣而腴其食又何暇為妻子身家計然豈皆慙不
畏法者乎蓋有使之貪而不禁者也平時使之貪而

不禁一旦持衡而殿最之廉者廉而貪者亦廉矣貪者不貪而廉者不廉矣甚則廉者可貪貪者何廉混淆顛倒令人不敢怒而敢笑者是故何吏治哉夫如是雖一歲而一計之祇以爲上官增囊橐耳於澄敏毫無與也今誠深知天下之理亂在民生民生之安危在吏治吏治之淑慝在激揚則當爲變其人之法不必爲變其典之法也夫人而何以變乎一在嚴自陳之核覆也宋蘇軾曰鹵莽於公卿之間纖悉於州縣之吏用法如此宜其心之不服此猶持平之論耳今之大吏豈特不能表率乎且同流合污矣且教孫

學源堂文集

卷之十人

上

升木矣尊官有力不難囊括其屬員下吏何辜祇爲上司作聚斂乃令其擁金如阜而物議不畏國法不加安得不相效成風耶今於京察自陳之時嚴爲考核去一貪黷之大吏則一路受福獎一清白之高官則四海騰懽豈不甚善一在先方面之糾察也漢之太守出爲三公刺史之名書於御座臨行命餞入覲賜茶抑何重也今之藩臬道府卽古之太守刺史稱此職者百無一二但博督撫歡心不顧屬官泣雨路賄請託藩臬以數字爲官符賢否真偽道府視兩司之意旨督撫求金於方面方面徵璧於有司有司則

橫索而虐搜矣民何堪命乎今於大計之期先察方而去脂韋而留骨鯁庶可持妍媸之衡賞清風而罪貪墨方足定幽明之辨豈不更善乎一在重部院之改正也往代銓曹必置各省之人台垣專司糾駁之任亦謂阿大夫未必真賢卽墨大夫未必真不肖可公論而正之也今之舉劾果足盡憑乎上官既熾欲心善宦復多巧計卓異有定額犖金而求者盜跖忽冒以夷齊食酷無其名蠅營而免者桃僵遂更爲李代若止按其考語不敢易其一字不能改其一人是權全在外吏矣今於會議之際各秉公評教爲更正

學源堂文集

卷之十人

上

庶天下知內僚難欺不復舞其鼠技僞鼎難售從此謝其冰山豈不全善乎此三言者皆爲外計而設也若夫在廷之鴛鴦短長總在堂評九列之公卿才品必須 睿鑒亦惟公則明明則當而已誠如愚說而舉行之黜陟未有不當吏治未有不清民生未有不安天下未有不治者否則仍故智而蹈前轍徒見其不公不明不當之可嘆也雖計典頒行何濟焉

策畧二

天下者一人之天下也一人之天下而必合衆人以治之而後治衆人者一人治天下之人也爲一人而治天下亦必合衆人而一之而後天下以治夫衆人亦難一矣性有不齊也才有不侔也分位又相懸殊也必欲取而一之雖堯舜有所不能夫其不齊者性也不侔者才也懸殊者分與位也而無不齊無不侔無懸殊者則心耳是心也以之致君則君可聖明矣以之澤民則民可於變矣顧不重歟然一人思有以致之一人不思有以致之夫何以致一人思有以

學源堂文集

卷之十八

四

澤之一人不思有以澤之夫何以澤或一人如此以致之澤之一人又如彼以致之澤之一人以爲如此則不致而不澤一人又以爲如彼則亦不致而不澤其乖離紛錯倘如斯也則亦何以爲一人而治天下也乎凡此者皆不和衷之過也立一法行止有互爭之嫌更一度遲速有殊主之說大僚之衷不和矣分猷而意見亦分別署而議論亦別庶僚之衷不和矣元老急欲建功隳於庶司之格令大僚之衷不和於庶僚矣百尹亦思靖位抑於三事之忌能庶僚之衷不和於大僚矣不和則離小者貽譏於執拘大者釀

戢於黨人漢唐皆然有宋爲甚元祐諸君子至今尙論者不無責脩之詞其他可知矣逮於明季門戶立而生諉卸諉卸久而成蔽欺其害有不可勝言者其故何也曰私也天下惟公則和惟私則乖假公以濟私則又跡和而心乖護局庇黨弟兄師友亦有陰陽之詭尙何有於同僚焚貨修嫌天地鬼神竟無忌憚之心又何有於君父甚矣私之爲患深而烈也雖然行私之愆在下而去私之權則在上去私之權有力而化私之權尤有力是在有國家者加之意而已矣恭繹明問意在和衷此誠當世之至言乎當世所無

學源堂文集

卷之十八

五

者前代黨同伐異之事也聲氣援引之人也清議誹謗之習也而謂有以禁之而然乎抑有以化之而然乎皆未也勢不能也有勢所不能者消其不和之跡亦有勢之所能者伏其不和之萌請以往事爲喻昔賈誼在漢稱一代才子讀其上文帝諸書真可見諸施行而絳灌諸公則以爲年少喜紛更未可大用在賈誼口負有黜蔽太平之才在絳灌直以爲草野疎賤耳侈口而談天下事且翹翹然欲旦夕躋公卿間其能平乎夫以賈誼之才尙不能和絳灌下此者可知矣自後人論之謂誼以如此之才之遇而不能委

曲自行其所學良可悼惜而不聞一語以責絳灌則何也將以爲不諳治體未可過求乎然而大不可爲訓也帶礪與盟之勳舊皆朝廷實式倚焉乃不思久安長治之圖好爲苟且目前之計有一人出而言之且欲行之輒相牴牾而沮抑之也使後世之人謂儒生不宜言國計新進不宜預秘謀遂借誼以爲口實皆絳灌階之厲耳雖然誼亦不能無譏焉絳灌諸人皆一時定冊元老也誼欲行其所學必先有以大服其心而後委曲開導之使知天下如此則治則安不如此則不治不安勿爲新奇可喜之說勿爲銷權抑學源堂文集卷之十八六

言論公而辯者不能結訥者之舌未有不平心易氣相與有成者未有不推賢讓能相得益彰者夫平心易氣和也推賢讓能和也豈不上媿於都兪咈吁之盛哉然而所稱上殿相爭如虎下殿不失和氣者非乎其爭也爲公也爲公而爭雖爭亦和爲私而和雖和必爭此斷斷必然者又不在乎區區形跡之間也夫誠和衷矣豈獨上受其益乎下亦受其益豈獨國以爲福乎民亦以爲福太和在成周宇宙間此物此志也夫

策畧三

人臣出而圖吾君以身圖之乎抑以心圖之乎必曰以心也一人立一心以圖之乎抑衆人合一心以圖之乎必曰合衆心也此非和衷無由矣夫和與乖相反者也而又與同相類者也三代以上天子而兼宰相之事公卿而擅廢司之能君臣上下若主伯亞族并力而治其家無所謂分也何合乎無所謂敵也何一乎故和之名不立况禹稷皋陶皆大聖人爲天下極奇極創之事而不必謀於同列任天下極勞極險之責不敢諉之坐觀故和之跡不存迨於後世才愈學源堂文集卷之十人

萌及其勢之已成不難立破其局乃曰去河北賊去朝中朋黨難甚矣唐穆宗之失其馭也而世有謂臣僚不可言和和則成黨夫不和則乖乖不可也不和則同同亦不可也其在書曰同寅協恭詩曰好是正直皆言和也精白乃心勦力王室詎非靖共之誼乎我國家置官分政滿漢並設既無黨同伐異之嫌復無關通附會之跡往代陋習不禁而革矣然和衷之義猶歷歷明問之諄以切者將無謂從龍之耆彥與振鷺之新班人非素識心難遽服乎且語言文字各不相習而典例情法未能咸協也愚於此有兩義焉一在漢人去其草野之見也讀書揣摩與服官之聞見迥若天壤前代之陳跡不可泥也當下之通融不可執也事關國體民莫不合則當爭貴詳婉而不貴激烈詳婉者和而激烈者非和也况乎詳則利害曉然而從違不難立轉婉則意言易入而冰炭不致莫容於以匡時而濟美有餘矣而十人不能同志百事不可盡爭小事糊塗大事不糊塗在古人以爲老成在今日則爲妙用畱有餘之地以養其畏愛之誠應急而猝有所執彼此亦共白其無他也彼堅守草野之見者愚固知乖離而同濟去其見而可乎一有

滿人存其虛公之懷也士各有所抱而來堂
籌莫展矧以疎遠而謀親密非真有確見真有實心
未敢抗顏而侈口也同爲分猷宣力之臣尙求集思
廣益之誼彼曰若何官也而亦預我事若何人也而
亦悖我言凌厲滿假之氣當之者亦不能不隱忍而
任受毅然任事之心反變爲頽然卸事之心是職誰
咎歟當思生雖限於地天心不以迤土而賤其才官
旣同其曹朝廷亦以一體而督其過奈之何不藹
然以相接而誠然以相洽也使其事而盡公以直
已非和衷之義況其未盡然乎然是二義非同夙夜
學源堂文集卷之十八
在公之詞呼僚友而可告又非如懸爲令甲之訓勅
有位以重中是在皇上慙慙然念古帝王當重熙
累洽猶無忘勸勉夫臣隣誠有以均事權而化氣質
庶新進者無鹵莽而僨轅悉心以弘濟習練者無驕
競而覆餗善氣以迎人豈不師濟成風而協和敷化
也哉

策畧四

念及今日之民斯治平之機也念及足今日之民尤
治平之要也今日之民其不足矣不足而可聽其闔
里蕭條乎今日之民其不可不思有以足之矣足之
而必俟春秋補助乎邇開國之初年民出水火而登
衽席重斂之後家無厚蓄兵燹之餘人盡子遺而壺
漿尙供於主師僅不餓於禹貢未聞有去親戚
棄井白鴻噉于中澤者未聞有析骸易子三空四盡
者嗣而屢豐有慶四海之內烟火萬里鷄犬相聞豈
不謂和樂者乎而數年以來惟正非增公旬無擾不
學源堂文集卷之十八
知何以民之不足也遂至于此况其所謂不足者又
與古有異古之不足野多其草耳室如懸磬耳五穀
不登耳半菽不飽耳而今皆非也東南之沃壤未嘗
變爲石田西北之壤東未嘗變爲童山況乎絲枲之
物如故也船楫之產如故也綺紈雕鏤越自有巧
工漆蠟服賈未絕遠客則是向來小民所以爲
食租衣稅無不給養生送死蔑弗贍者悉由於此今
固未甚減也而此曰不足彼亦曰不足不足者果何
物乎抑所以不足者何由而致乎此軫念民生與雷
心國計者不可不早思而急籌之也愚試爲民請

命可乎糧額準萬曆之初取民可謂有制矣乃朝廷賦役有制官吏之誅求無制有稅法而行私者二曰樂輸也曰還庫也火耗重徵之弊不與焉有假公以濟私者二曰折差也曰幫費也橫索暴噬之苦不與焉有奉行不善者一曰急催科也而酷刑峻法不與焉何謂樂輸正賦已畢重作無名之搜取立限明催所爲蹙額痛心而切齒者皆樂輸之名爲之也而民安得不貧何謂還庫督撫司道兵馬飲差一過其境遂爲奇貨可居不難費一開十箕歛合邑瓜分一堂乃曰吾應急而動用庫藏也爾民當還其額一歲

學源堂文集

卷之十人

上

之中常數次一次之中常數千而民安得不貧此其藐法而行私者也至于舟車牛蹇之役力金芻豆之需用百而徵千餘者盡化爲青扶絹帛藥料之解交米豆器具之遞運用十而索百餘者悉歸之墨綬折差之苦恒大於幫費幫費之苦又璫於折差民是以貧也非假公濟私而何若奉行不善則不止守令之過矣賦稅以十分爲考成是就一年考之也非一季考之也又非一月考之也今之巧於催科者斷無出於一季之外不思于幫舉趾之時農家安得有貯錙半重息而稱貸或賤鬻其車牛計至萬寶告成早已

子如其母是小民辦一年之賦而竭兩載之力也而民安得不貧此其故豈獨在守令乎台司之催檄而雨承舍之遺督如雲惟守與令亦有不能自定其喘息而少延於晷刻者奉行不善流害又安窮乎又有大惑而不解者世無金穴之室朱提竟等于夜光人乏仙藥之奇白銀遂希於結緣往往精金一錠可以奔走一市之大買輦致十斛之玉粒金生則粟死又何怪其封庾而舉室以通露積而浥腐不恤乎殫前之所爲藐法行私者囊橐之而往也否則假公以濟私與奉行不善者腹削之而盡也乃貪吏每有敗露

學源堂文集

卷之十人

上

之時究亦僅同於染指者何也大都獲名敗檢而取諸下民者亦復甘言厚幣而奉之上官逆流而上積則不通民間所以絕無寸金此曰不足彼亦曰不足者職此故耳明乎所以致此之由豈無法以治之與懲貪以實法行自上是 皇上大奮乾綱一清吏弊俾官無行賂之地則不勸而自廉吏絕通賄之門則不約而自肅寬一分則民受一分之福緩一日民延一日之生不三年間樂利蒙休而豐亨成象不難也何憂乎民之不足乎有子曰百姓足君孰與不足其利又不獨在民矣

策畧五

刑也者所以生天下之具也何以明其然也人自飲食男女之慾啟而血氣知覺之戾生不有以整齊而抹正之恣其所爲不必皆天養克狠之人往往即於犯亂其何以遂其生乎夫有生而不能遂先王慮之矣爰爲之刑以例之若曰爾不能遂其生予一人教之以無胥戕無胥虐于然威遂其生是天良未敗以前之人天生之天良既敗以後之人君生之也故訟獄一事聖曰哀矜王曰欽恤皆惻然有惻怛忠厚之意行乎其閒詎云武健以任法乎無如後之人不

學源堂文集

卷之十八

論

識明刑弼教之旨相沿而流於刻鵠動謂不失律已耳噫亦思律之名何昉律之義何居律之詰曰矩曰率樂有律師出有律師之律不爽進止而主容樂之律不爽損益而相生刑之律不爽輕重而主容如師主生如樂三者一不得其平統于天地之和故謂之律然律求所以生之而用律者求所以殺之古之知律者省刑今之知律者不失罪其相去爲何如也我朝定鼎以後即定刑書非急于用法也恐用法而不平非所以示將來而教天下也恭讀 世祖章皇帝御製大清律例序曰内外有司官吏敬此成憲勿得

學源堂文集

卷之十八

五

任意低昂務使百官萬民畏名義而重犯法冀幾刑措之風以昭我 祖宗好生之德德孰休哉豈非泣罪解網之仁哉而後之奉行者何如哉愚方有慨于中久矣以爲明問未必及之也而不虞及之而且詳悉以盡言也邇者言官條奏亦嘗疏及刑名未必痛哭以陳而歷指其弊然已足動 皇上之清問而復緩決之舊章矣今如歷指而痛陳之更問執法之吏曰數年以來有有意之冤濫否乎有無意之冤濫否乎恐執法之吏亦未敢自許其水平而鑑明也即強顏自欺人亦未能口服而心信也不得已而飾一詞曰 明廷然而殺之王夫 朝廷者天也天有怒則雷霆隨之未聞日擊若而人也天有殺則霜雪行之秋冬而離披黃落者入春則復菁蔥而扶疎今者雷霆必有擊耶霜雪之餘尚能菁蔥扶疎耶死者不可復生斷者不可復屬奈之何曰怒而殺之遂殺之也盜環犯蹕漢之君未嘗不怒而欲殺之張釋之何以不奉命惟謹耶千古而後謂釋之爲何如人也則亦大可動念矣然則刑也者果生人之具乎之生而致死之不仁而不可爲之死而致生之不義而不可爲古之人曰寧過乎仁勿過乎義今之人曰寧過乎義

勿過乎仁愚以爲義不可過也仁亦不可過平法盡
乎至職大德歸諸朝廷則亦求其當而已矣何以
求之曰復三覆之例也遣恤刑之官也行熱審之典
也三者皆屬故典頃者謂事涉繁文政滋更變遂一
切報罷嗚呼他事而刪繁就簡可也一成不變可也
刑法何事而可云此乎故愚竊有望於今日之祥刑
也

策畧六

法有不必盡變者變之一節而全體敝變之一時而
經久難其不可以經久者非法之敝也急目前之更
張未能舉端以見委任一人之識見何以權始而要
終故徂於此而膠於彼務其偏而遺其全又何怪乎
因敝而思更絃敝即伏于所更展轉支離愈變而愈
敝也乎迨其動而有阻乃始嘆用法之難非用法之
難用法而屢變屢變而不求故之難也然則今日之
銓法病正坐此執事慨然念選除之壅滯欲圖永善
之規慮遷擢之濡遲爲計均平之則意誠殷矣愚請
得而備陳之近世銓衡之制不異往軌無庸粵稽卽
遵我朝之舊章參伍以求其常按吏部之掌故全
體而計其通於以疏滯而經遠也易易已夫古今循
是人才也古今猶是官制也何以昔不壅而今壅片
不變而今變乎殆由於仕路之漸狹也陞遷之已碍
也且易進而難退恬靜者莫遂其素心有陟而無黜
聞茸者微倖以竊位也譬之水然前波未逝後瀾已
興其不至于淤蔽而汎溢者幾何哉然則仕路何以
狹乎伏察官制內而卿寺外而巡道郡佐以及縣佐
幕僚原其初蓋已參酌盡變忽焉議裁不思

其既爲郎有暗首之嗟待授有河清之歎已登仕版
猶爾如斯彼投牒通籍者益可知矣奈之何不壅陞
遷何以拘乎京官同品以衙門爲分別外吏多員須
廣途以並進亦猶行路者之殊徑而同途也令則同
品論俸缺人方以次及之舊去新來詎無空署之日
後陞先補安得量移之人至於藩臬之分憲守職旬
宜巡職固圍掌雖不同衙可兼攝如必僉事而參議
必副使而叅政銜以地拘官濫署易故有十年不遷
之太守有兩考未移之少叅職是故耳官莫衆於有
司也若隘其登進之路與紆其遷調之途厥苦滋甚

學源堂文集

卷之十人

大

內陞主政陞四京職以及金吾叅軍兵馬指揮京縣
尹之屬外陞州牧別駕可謂廣矣夫何以較年勞而
備員小京職者復與後起之知推再較年勞以陞主
政且功績懸者越而上矣通賦清者職而前矣以後
趨前轉而復以前焉後恐亦非法之平吏禮兵工分
四曹而熙績主事無經年之律戶刑一部備直省以
宣猷主事多數職之勞則又由於正郎不必皆本署
之坎遷而遲速攸異也乃內滯而外益滯外遲而內
愈遲奈之何不壅古者二疏辭國史美其高風賀監
去官朝競爲祖餞重恬退也內外大僚或功名已著

或身負隱疾或懸車之歲已逼或侍養之情甚殷予
告而返恩禮斯隆故東山有太傅而洛社多耆英也
今且峻其程限矣速其赴闕矣否則有罰誰復能遂
其初服也以致京邸有諸項候補之官內陞多遙授
虛銜之嘆如之何不壅往者一歲之終計海內更易
之官常以千數督有舉劾也撫有舉劾也按與鹽漕
河道皆有舉劾也尸位素餐墨吏解綬豈曰苛乎邇
者不知何以民生愈蹙而官評愈粹也才祗庸罷而
守無敗檢也刻章既廢白簡亦虛狐羆莫容豺狼不
問詩曰彼其之子三百赤芾譏竊位也奈之何不壅

學源堂文集

卷之十人

七

是數端者不必煩言路之條陳不必煩元老之廷議
只在吏部按故籍而求之通徹籌畫一歸舊法品級
考一書以備考稽台省官同議以杜執拘惟虛心惟
公道惟和衷惟主持勿推卸而因循勿紛紜而膠固
行之數年將有弘開薪樞之日矣豈止於無壅滯也
歟

策畧七

人才不必其出於一途也致審於真偽之閒而已矣
取才不必其拘於一格也致慎於嚴濫之閒而已矣
三代以下人才盡出於學校故有道德之士有法術
之士亦有刑名之士其他擅一藝精一業莫不因之
得名亦何常有所謂正途異路之別乎秦漢而後以
胥吏起家者往往致身台輔史傳名臣於是乎刀筆
之徒愛尊之爲鼻祖而吏與儒遂判爲二嗚呼吏與
儒豈岐而二焉者哉使儒而不可吏也腐焉耳矣錢
穀刑名非真不可以問相使吏而不本于儒也隸焉
耳矣策讀押判何事非得於讀書迫勒使之而終肯
之儒遂自尊其爲儒吏已淪胥其爲吏聞耳鄰閭爲
士流所不齒於是用人者不得不棄彼而取此而人
之稍稍有才具者寧將老於經生而不屑奔跡於公
署非人輕吏也吏自輕耳烏有自輕而人能重之者
乎烏有人不相重而能自重者乎讀書乃讀書之
才之法太拘往往引古肅清湯沐之說曰儒中書
無人夫何不興起而鑒拔之也夫興而即起者成法
之真才鑒而後拔者簡才之良法而無如真與偽易
而嚴與濫未辨使天下謂吏也者公家所不甚鄭重

學源堂文集

卷之十人

七

七

之人也故可以爲爲吏之官也者公家所不甚愛惜
之名器也故可以濫予獨不思古者止有儒名而無
吏名以儒人而習吏事故曰吏習吏事而不失儒行
仍曰儒奈之何岐之者弛之弛之者賤之至於已弛
已賤而猶不思所爲嚴以求其真慎以祛其濫則亦
非王者立賢無方之意也矣我皇上御極以來文
武並隆已足鼓揆奮之氣資格盡化逾可以揚側陋
之奇至於吏員一途亦得分符百里躋秩大曹洵開
門擴網之典乎而邇者遂有核其報滿之期者矣又
有議其詐偽之弊者矣非嫉也亦非苛也半生黃紙
而窮經未沾天家之升斗五載青衣而抱贖還叨上
國之衣冠此其初不可不嚴其始進樹棘鑰關而應
此百駑不能一驥佩刀握管而及期入網遂無遺珠
此其中不可不嚴其考稽連篇累牘以達才磨勘常
嚴於一字單詞隻帙而定職先資僅取諸片時此其
終不可不嚴其程式愚請得三進而策之四方之人
聚於京師募役者一紙相招應選者一紙投認卽有
甘結安知其不夤緣而售詐也法莫如從原籍起文
鹽投吏部吏部考中撥充內外各衙門有不能辦役
者放黜歸里別取服役其甘結批照悉如現例則始

學源堂文集

卷之十人

七

遂可以無濫也。後者同吏部嚴爲考校及格
者分別錄用。否則另撥重叅。亦如科目之有上第下
第也。庶練習之久。事理精通。文義明爽。不愧一官則
考稽可以無濫也。諸生考課鄉會兩場。皆有定式。合
式則取。不合則棄。惟考吏員。隨意命題。難易多寡。程
式參錯。法莫如立爲規則。或論或策。附以判牒。行移
諸體。精通者爲一等。平通者爲二等。否則勿錄。且關
防不可不密也。千百人操筆於一堂。保無風冠而難
冒。保無薊葉之逆流。保無畫蘆而依樣。有一於此。真
偽溷矣。非所以定程式也。所當並嚴之一嚴。則無所
學源堂文集 卷之十八 圭

學源堂文集 卷之十八

圭

不嚴吏之少。有才智者。自相謂曰。上之嚴。所以示重
也。則亦相引以爲重。一真則無所不真。人之視吏員
者。曰彼果能真。不欲自輕也。我亦何忍相輕。將見儒
習爲吏。吏化爲儒。無科目之名。而皆得科目之實。卽
漸致台輔。史傳名臣如漢唐之卓越也。無愧矣。人才
豈出於一途乎。取才豈拘於一格乎。

策畧八

漢唐以上之文章。不以取士也。典禮紀事。纂著表章。
家自爲體。而不同。漢唐以後之文章。所以取士也。策
論詩賦帖括。制義國典。爲體而有定。其有定者。體裁
耳。醇駁華實之各趨。則亦人自爲之。而後世乃謂文
章關乎國運。遂標舉歷代文章之美惡。復論列歷代
之國運。以配之。嗚呼。是豈盡文章之過乎。奈何盡舉
而歸之于文章也。夫文章枝葉。也有根本焉。根正而
本實。枝葉自鬱。以挺根搖。而本枯。枝葉自萎。以疎是
豈可專咎兩場之不時壞。墮之弗沃乎。語曰。文心聲

學源堂文集

卷之十八

圭

也。其心懽者。其聲和。其心悲者。其聲異。故未有孔孟
之心。而爲楊墨之聲者。亦未有盜跖其心。而爲夷惠
之聲者。文枝葉而心根本。不已彰明較著哉。則凡欲
正天下之文者。正天下之心焉耳矣。欲正天下之心
者。正天下之學焉耳矣。何也。學術最易移。人之情性
風尚。先以靡世之文章。厥有源流。未易治也。我
國家嘉意右文。無方取士。謂明以八股應舉。勸獎浮言
無裨治體。因命禮部更用五策。以觀其濟時之畧。二
論以試其窮理之功。表判以覘其聲韻斷制之學。皇
哉。其弗可尙矣。愚乃以根本枝葉之說。以應執事之

明問者治心之論治心而卽以治文之論也士自成
童受書以及擗管爲文問欲何求曰吾以求利達耳
揣摩時務不爲匡世厲俗之言祇爲諸世媚俗之言
不爲明理見性之論祇爲牽引附會之論其志已卑
其文亦鄙富貴汨其心也目不覩全經全史祕類語
于枕中政不辨宜古宜今拾坊刻之餘唾其識已隘
其文惟襲孤陋窘其心也夫士之所爲家修而廷獻
者獨此區區之心耳旣紛于富貴之擢情又困于孤
陋之無識卽倖博一第當官懵然問以錢穀刑名之
事反不如刀筆吏口能誦而手能指又何怪乎處士
學源堂文集 卷之十八 吉

虛聲之謂儒生常談之談也哉 皇上誠欲得真才
而用之則亦有以豫養其真也語曰周士貴秦士賤
夫士何以貴也負笈擔簦歸然有王佐之才甕牖桑
樞隱然負公輔之羈所以云貴而今且苟且闕茸矣
一二自好之流莫爲之先雖美不彰莫爲之後雖善
不揚何以興起乎試行徵辟之典試爲表里之文將
聞風者且軒舉也士之稍稍負才者非甚老成率不
能自除其豪邁心之所感不禁筆之于文慷慨淋漓
不合時宜往往而有非優容則一語可棄非甄拔則
五色易迷蓋不必軋苗如劉幾也試開茂才異等之

科試設博學鴻詞之目應運者將輩起矣然而士心
爲根本焉孟軻曰有恒產者有恒心則養士之身卽
以養士之心養士之心卽以養士之文又何患乎文
運之不彬彬而文體之不大正也哉故崇學校選師
儒惜人才重德行愚敬願言曰天下文章莫大乎是

策畧九

天之權大於人降災殿於一旦人之權敵乎天謀備禦於平時非人之可與天爭也天將有利於人而人違之其失也逆逆不可爲也天將有不利於人而人備之其得也順順固可爲也王者於是乎有備荒之政夫荒亦不一矣有荒於天者雨暘不若水霜非時帝心降割也有荒於地者片鹵有不毛之壤山河有移徙之虞坤輿失職也有荒於人者戎馬所至生剽棘大兵之後多凶年醜類播害也三者皆起於運數之適然生於人心之不意似乎因任而莫可爲之所

學源堂文集

卷之十

策

者夫豈其然哉小民困虞時之遭逢君相不可以言命四海冀事前之修教朝廷非借以沽恩于是備荒之策不可不急爲講求也周禮十二荒政大抵皆修教耳以周公之才詎不能爲先事預防之計顧出於補救權宜者何也三代之取民有制五供不出於井田損上而益下則可爲因下以益下則無濟公田所入僅以供匪頒祭祀之需尙安所剩有餘者以相賑平糶九餘三意存乎節儉法主於積儲卽以持天時人事之不及脫饑饉游藝力有不繼不得不出於補救之權宜者亦大聖人委曲周詳之苦心也後世則

不然上之取下常盈下之貢上無歉公家節毫末積之久而如林官吏留絲粟積之久而濟急問閭寬錫鉢積之久而無置故議救爲後而議備爲先公備之而待散私備之而自給公私交備之而遠近可相及矣豈不甚善歟往代之事且不具論如我朝二十餘年以來災荒亦屢告矣何嘗不蠲乎何嘗不賑乎詔語自是春溫虛名全耗於中飽金錢已成星散實惠半沒於朋侵民亦知感國恩民亦知歌帝德乃菜色猶存而鳩形愈瘠朝廷安從而見之乎望公門以領賑筋力竭而虛歸受胥吏之拘牽婦子願

學源堂文集

卷之十

策

而相恹哀嘆呼搶之聲朝廷又安從而聞之乎故議賑之不如議備也然則備之之策爲何有備之於民者斟酌義倉之法是也義倉之意在勸輸民豐亦易從但春借秋償之法最足以長奸而滋擾今惟節取而行之大有之年上者輸幾許中者輸幾許下者輸幾許遇荒而給亦以三等相配民曉此意不以爲義倉止以爲外吏不以爲損已而利人止以爲節已而濟已不必官吏之督察者何不可行也有備之於官者聽訟之法春夏的決秋冬罰穀現行事例吏之貪庸者無論已卽有罰心者率欲多其數而急以完

未幾請託去之矣未幾折收私之矣甚則舉室鼠竄而弛之矣卽一邑一歲所報不過十餘石庸有濟乎今有以少爲多之法凡事犯不應量罰四三石或六五石穀貴之地費不過數金穀賤之鄉貨惟當一布投刺者不屑潤索者亦厭細也民易完而粟已積存以待賑豈非萬一之助乎有備之於國者諸事皆有攸司備荒獨無專掌議於計部另設一司專領其事以庶尹所罰之俸錢官吏空月之廩給籍沒估變之家產權歸其司置帑收貯以備不時誠甚便也我皇上在御屢豐降康原無須此萬有一焉積三年者可贍一省積五年者可贍兩省又何致臨期有措處之難而遣官有騷擾之弊也歟

學源堂文集

卷之十八

奏

策畧十

建言者人臣忠盡之氣也人臣忠盡之氣不得已而諸空言不可使之有所鬱亦不可使之有所泄何也化天子而謀理亂之規其事必非可緩爲小民而請旦夕之命此衷原欲其伸鬱焉則悱惻慷慨難以獻之朝廷亦難以期諸僚友沮焉則唯諾取容得失藉由以聞忠佞亦蔑由以辨庸細故歟然而鬱之沮之者不在下而在上所以致此鬱而沮者又不在上而在下懸輅設鼓古微皆知可慕況乎置之專官者是人人無不求言之時也求言而言不至與至矣而學源堂文集卷之十八

不當皆足以動世主之疑迨其疑之甚而偶有中焉雖欲不鬱而不沮也難矣嗚呼以身事上猥當言路乃至鬱之機自我生沮之患自我啟此心尙能安乎奈之何不懷然省也漢高帝有如流之美唐太宗有好諫之名宋仁宗具有爲之姿其始未嘗不若轉圜也上苑之請鮑之以不情懷鴈之舉輒之以不情折柳之誣過之以不必自世而後朋友齒且難之而以施之至尊可乎夫君臣之間有恩禮亦有情義未有情義不孚而恩禮勿替者必至如漢武之不冠不見黜恐亦非臣詎之所當出者矣此其故不可不深

長思也我國家倣前制而置言官固已弘開諫諍之路下明詔而求讜議亦云廣收忠益之懷而猶慮緘默不敢言與披陳而不見採摠摠如執事所云者愚蓋稔識其故也朝廷所存者無非虛受之心臣下所言者不無公私之辨百公而一私已難語於純臣百私而一公安得不爲壬士公而隣於私立言當斟酌於臨時私而假乎公冥行難徵倖於屢試有一於此不但繼此者可疑而不足聽卽前此者亦可疑而悔其已聽也不但上之人有厭薄之心卽同列亦生扞格之患矣況乎人各有私行己之私輒欲學源堂文集卷之十八手妨人之私假公以行己之私何怪人亦借我之私以示公百爾君子咸洗其心庶可瘳也愚於茲有兩義焉一在陛下之斷也語曰愚者千慮必有一得矧此歷宦中朝諳於掌故者乎念其不寢而聽金輪未嘗非補衮之忱有當宸衷卽曰石畫何者陛下至公而無私也既有合於至公之心卽爲至公之論不必問其由來矣勿俟更下所司核覆卽與降旨施行則芻蕘得當不勝鼓舞于臣心一在部吏之明也當事有自是之心恒忌言者更張其局就中伏便私之圖益恐言者指摘其短嘔心瀝血而上章復旨

片語而議格非所以集思廣益也宜勅六曹凡台垣條奏可者照行卽開有思議所不至事宜有未合亦當明白入告何者則膠柱而鼓瑟矣何者則理絲而棼矣何者則暫而未可久矣何者則小而不可大矣部議果確卽有不行亦足以服言者之心不致長執拘之習若牽引舊事欲繁詞以遮理與歸併虛文借現例以了局皆當詰責以杜剛愎則官守言責可相與以有成夫如是賜言拜手鬱者豈而願爲鳴鳳不爲寒蟬補闕拾遺沮者通而柄非獨操舟可共濟矣忠藎之氣非託諸空言實見諸行事也

學源堂文集卷之十九目錄

彙編

擬免下江六府明年田租之半詔

仁孝皇后擬諡冊

固山貝子準達冊文

樂章考

皇功冠萬古頌

祝于振甲中丞帳詞

孫鍾元徵君誄略

禱雨疏

學源堂文集卷之十九目錄

孫文正公愷陽先生像贊

朱品方小像贊

張鶴洲行人小像贊

御製竹賦贊

康叔度像贊

神醫圖贊

正里中習俗一 父子同席

正里中習俗二 女不拜父母

正里中習俗三 覽衣履行吊

正里中習俗四 呼半字

學源堂文集卷之十九

清苑郭榮快園著

彙編

擬免下江六府明年田租之半詔

皇帝詔曰朕纘承鴻緒一紀於茲深念民爲邦本本固邦寧百姓足君孰與不足之義凡厥撫綏愛養計罔弗周事罔弗舉冀康阜可臻和樂克奏用以仰迓天休聿光 祖烈實殷且摯邁者下江六郡災慘淪聞民多失所頃遣官賑揀猝難起蘇雖四海悉吾赤子痼瘼維均而吳土沮洳賦徭猥重議者方且請減

學源堂文集卷之十九

浮糧緩夏稅以恤此一方民朕思減浮額其中尙需清釐緩催科不過從容時日無如實加蠲免俾元元者蒙惠而吏不得有所奸也其免明年田租之半以昭朕軫恤災黎至意本歲漕白征運及物產本色諸額有不便者所司詳議以聞知于大夫咸能以朕心爲心欲寬緩而不欲苛細也詔使聞知若曰四海民艱所在可念朕將有後命焉

擬

仁孝皇后諡冊

皇帝制曰朕聞虞嬪翊化仁偕雍穆之依周配嗣音
孝嫺婉愉之篤稽芳流于青簡望古尚企厥徽揚懿
燭于皇闈昭代寧除茲典欲彰思媚之徽爰申易名
之章惟爾皇后氏靜婉令姿清貞華胄早光黃震之
瑞天妹崇隆中符紫氣之占月姊合德友樂惟琴瑟
鐘鼓賦膠葛于六宮敬恭及筐簋蘋繁擬河山于九
御珮搖長樂能開重幄之顏耳脫未央數進盈朝
之警儉而可風玳瑁無簪勤矣堪多種種有種朕方
學源堂文集 卷之十九 二
宵衣而旰食后亦夕惕以朝乾儼彼姬姜時云苦勝
方諸馬鄧洵謂今賢乃能夢叶占寶獨欣其正欽何
蟾奔頓上玉綴悼爾常韜念采藻而推懷七華乍歛
遑倚蘭而動鬼七月猶香大禮言循彝章聲舉茲敬
錫之諡命曰仁孝皇后省璫宮之翟綵祿祿有耀于
三泉攬宸漢之瑤華廟祐行光于百代惟希淑爽昭
享鴻稱願篤慶于邦家奠豐芑而永固遂施及于孫
子衍椒實以維蕃泥紫爲封剪黃作冊

固山貝子準達冊文

奉天承運 皇帝制曰稽欽文于帝典親睦屬休
廣愛敬于天潢錫封行慶欲勵忠勤之效爰弘祚胤
之榮朕纘膺寶籙繹思丕烈以凝圖篤念宗盟式普
鴻祿而展惠爾宗室準達迺多羅貝勒杜爾祐之子
也恪謹允以承家盡忱知能輔國是用封爾爲固山
貝子爵服有階德懋則貴而益貴勲庸罔替恩寵斯
親以及親爾尚克殫徽猷夙夜無忝于圭組聿圖克
節功名有待于鼎鐘爾其欽哉

學源堂文集 卷之十九 三

樂章考

察歷代樂章用之於郊祀者饗 帝祝釐之詞也用
之於廟祀者導揚功德之詞也用之於朝會宴饗者
協洽明良之詞也用之諸祀及軍中者酬報誇美之
詞也和神人洽上下義各有主焉再察我 朝樂章
順治 年禮部奉 世祖章皇帝欽定頒發遵用已
久今憲臣因四海蕩平我 皇上文德武功遐邇干
古請定樂舞昭垂奕世奉 旨會議遵察古樂俱用
雅頌諸篇漢郊祀十九章帝臨青陽等歌皆薦享之
義景星齊房諸篇皆慶祥之義饒歌多敘戰陣之事
樂舞五曲則用之宴享魏晉以後更定不一郊祀
明堂只有其名惟饒歌多有傳者唐樂最繁樂章多
闕七德之舞亦非用之郊廟宋以後尤繁大都更名
不更制明初考訂極詳樂章却簡今議舉樂章當
從頌體頌也者美盛德告成功也用之朝會宴享以
昭喜起之盛允爲懿典至於饒吹乃軍中之樂不必
考究可也

學源堂文集

卷之十九

四

皇功冠萬古頌

有序

皇上御極之十有一載駿化翔洽鴻恩丕需八紘靖
謐四極稔寧履豐書大有帑庾充贏多祉奏奇禎滋
厥陰罅地大而裕氓恬目熙 殿陛之上論道崇儒
懋登郅理綱整紀釐文昭武振皇平基盛也而 睿
慮淵遐 神謨敏敷通安不忘危治而厯亂蒐田時
勤乎 翠華講武弗輟乎虎旅洵遠駕成康近軼文
景已舞干用格虞德允脩錫象專征姬敷式集不益
偉歟顧以曩者闢宇南服假節鎮將於滇於粵於閩
開藩建勳要荒用奠二紀於茲孰謂權高物侈志溢
禮賻驕蹇萌芽奢情尤效貫日以盈庖匪可蓄於是
號厥兵符 詔徵入覲在 廷之論相衡 廟堂之
謨立斷 勅下之日海寓兜歡么磨震慄彼謀包叵
測戒犯無將者蓋久爲 宸衷所鏡 廟算豫畫中
已詎意井蛙逞見轍螳賈勇揚滇水之逆波煽鬼方
之魅焰益兵狂弄冀稽誅罰原其竊發固昧而狡敢
猶悞故爾生歸我使臣脇從我疆吏誰曰非要實自
審必敗也洎羽檄警飛 聖主赫怒于是命將選徒
錫劔祭鴻不浹旬而先鋒壓荊州逆旅塵惶據南楚
以自蔽氣蹙謀窘謫辭煽張惑愚誑戾鬼投畢暴矣

學源堂文集

卷之十九

五

未幾間逆效尤封嶺遊釜報至 朝廷稔其倖且備
從容出師誠之先靖浙匪繼揭閩窟無何海寇乘焉
內吳毒熾雷廉結連甌粵桂林兵譁廣州附逆五嶺
梗阻 上命移師往擊不緩須臾旋而浙東平旋而
閩逆破旋而雷廉廣桂繫頸乞活冰解霧消期月而
已先是賊帥出蜀川踞漢中關陝震駭悍將叛據聲
昌大將軍遂收之納降以平嗣是滇渠暴殂我兵乘
勢并力分道奮剿攻瑕挫銳賊弗克支擁乃稱孽退
保昆明黔蜀以次恢復於是百萬熊羆江漢雷霆摧
枯六詔賊蹙反接就戮諸逆悉平於戲巍哉伏考往

學源堂文集

卷之十九

本

牒七旬格有苗百里伐崇密書則頌舜德詩則頌文
功立今際昔威伸最爾也師捷彈丸也孰與虜萬里
孰與虜三孤至若吳楚倖漢淮蔡畔唐抵其渙局勃
亦秦功孤其落膽懇以告捷方斯不益茂諸而厥臣
猶慶而厥績猶碑也洪惟 帝德丕崇 皇猷允塞
七萃宣威四征獲醜拯蒼赤於塗炭帝山澤之瘴霧
金甌宛然鉄柱卓爾朔始要終悉稟 廟算機宜弗
爽於 聖聰載運以輸慮煩民力飽騰總資於節儉
且軍靡攸監籌車告盈羽檄遄飛輪蹄胥健槩由
宵旰動天 上帝格而垂祐饒溺由已下民誠而單

心者也 皇功冠乎萬古 神武超乎百王直其然

哉是稱拔囊冊而靡前宜駿聲以永後矣遇者露布

馳奏 聖人驛顏軫茲將士勞瘁黎首瘡痍惻焉撫

膺繫弓矢而登衽席勒鐘鐃而同福祿 恩覃中外

澤被臣民木風咽書金雞肆赦慶罔弗與瑞將疊獻

焉粵稽嘉與天下更始之語吳平煩聖慮之言皆非

所難於 熙朝無庸更陳於 聖主也臣實弁鄙斐

然無章濫廁詞林躬逢顯懿雀躍龜鳴編言成頌用

志忝慶云頌曰天佑 皇清四海謐寧 聖人御宇

文昭武英湛思覃霍大猷允成皞皞九域熙熙者氓

學源堂文集 卷之十九 七

寶琛還屆蒲穀摠誠詎曰震疊德被實宏載戢干戈

王道平平念此南服猶擊其鉦 帝曰盍旋息鼓偃

兵真醜回通悍不來庭謬逞螳臂式虐式橫 天子

赫怒爰整會會鋪敦江漢羣醜震驚咄乃閩粵狹亦

猱猱咄乃羌蜀稀亦憑陵六師南徂是膺是懲萬旅

千乘如雷如霆彼昏奪鬼繫頸來迎海濱以戢五嶺

以亨巴燹以辟秦隴以坪如箠斯帶如繞斯烹湖湘

狡踞天適孔愉殪厥渠魁蠖蟻翦翦維彼孽遺竄伏

昆明貌狝遄討金鱗乃斂言煙其險言言乃傾羽日

羽月露布 闕廷 天子曰咨維乃之庸虎臣曰嘯

濯濯其霧羣工曰於 廟謨實承軒燧迄茲奮武繩
繩田獲三狐古莫與京式燕式喜可碑可銘乃文乃
武厥德厥功億萬斯年天佑 皇清

祝于振甲中丞帳詞

太子少保巡撫直隸大中丞三韓振甲于公建牙保
郡甫市一期風紀整肅湛恩汪濊衛歌嘯粍無間遠
邇 聖天子下璽書褒寵之特晉宮保 制詞優美
逞古莫侔三輔人士靡弗仰若斗岱卽非三輔人士
亦靡弗欽如卿景誠軼昔燦今者哉七月六日爲公
攬揆之辰保郡縉紳之里居者製錦稱觴微言不佞
於戲不佞雅欲贈公以言矣竊惟紫霄齋弼藥星下
析木之津黃甲輪需生嶽降崧山之秀故霖雨鹽梅
而用傳商祚遐綏旬宣文武以歌申周邦咸喜信阿
學源堂文集 卷之十九 九
衛之生間世知平格之壽自天况南有臺北有萊
天子猶歌庠萃后升如日恒如月邦人何靳于元臣
惟公瀚海軒輶閭山蒼粹道峯聳萬仞磨才皆培塿
之形德瀆傾九環薄殖盡涓滴之比雲從龍而起豐
沛家聲豈四姓小侯驥躡景而邁金張才族多五王
高館遡淵原於炎漢東海門喬慶繁衍於唐初東陽
績最洵震旦之望氏繁 熙世之倚英迨 綸綍敷
恩而簪纓錫類橋門觀化彬彬乎禮樂三千壘比聽
經臈穢乎儒賢七十迺屈士元於孤竹千桃蔽野三
年而麥秀成諸洎遷卓茂於潞河五馬戴星百日而

羊朝罷飲頌遠蜚乎京縣名遂筆之御屏福曜移遷
箕尾斗牛過乎比舍清風拂道馬卿蘭相載彼同舟
千古自作美談兩江咸觀奇遇秦淮秋月迴照見席
不凝塵春雨石頭深傳說夜不閉戶紀甲子之冬首
折 元后之南巡一路聽輿歌稔識羊續懸魚龐參
坂薤入城杏巷語豔稱樂已投硯高穎坐槐迨 翠
葦載幸於金陵而銅虎趨朝於鳳邸問名問職可是
一月三炊且獎且褒每蒙九天一笑正擬稽循漢典
擢太守而秉鈞適當啟事山公藉于公以陳臬外臺
寶司紀聽三吳之嶽動雷轟中旨更宜綸軫七邑之

學源堂文集

卷之十九

十

桑田滄海畢陶兼領伯禹之命維揚不出淮甸之疆
敬拜 如絲儼登彼岸誠振古之曠遇實 昭代之
鴻謨也感時事而抗章言皆石豔凜 綸音而趨
闕氣獨軒昂於是暫釋杯溺之肩再總祥刑之憲無
何而德星輝於燕趙人知郭伋重來王鈇頒自雲霄
世慶張綱特遣禮隆三接賜金賜綺賜驂 詔出
九重爾清爾慎爾勤敏披肝露膽李沆之見在幾先
畫地指天韓歆之言無不盡自矢臣心如水弗寧如
粟與如羊能令民佩無刀安用束蒲而束楚絳駒來
乎赤縣到處牽帷 白簡上之 丹楓多人解綬誰

學源堂文集

卷之十九

十二

廿此地有虎二千石盡列龔黃不聞彼野哀鴻百十
賊同登社席敢破朱門之杜霍家斷衛家奴莫不膽
寒能察赤子之眉二月絲五月殺何會肉補張詠停
三秦之運可以比休延壽置五長之防于焉讓美邦
畿千里總陟春臺上谷萬家近沾化雨士何戈頭枕
忻村鼓之無聲吏從水上行願雀墮之罷訟漁陽郡
不云 主國石磐右扶風左馮翊野共愛召伯棠蔭
確石正圖勒峴首之碑稱觴適值通麻姑之酒金鵬
漸爽北斗指參井之星玉露初清左肅乞雲花之巧
是月也萊公懸蓬矢於華陰詰朝乎王母僊筐桃於
漢殿天門開而偉人降名世原符半千日影長而詩
城輝仙筍正添五十野人有獻曰芹日聯何殊似斗
之盃游客同來乘鶴乘鯨祇帶如瓜之棗况百花嶼
畔士君子三祝成詞一畝泉邊卿大夫九如載賦其
久欽星鳳雅締芝蘭江上數峯烟會共掃六朝之風
染石頭一片月已流傳同姓之相如比 帝心鑒迺
永心管宮保酬公康保此座正虛左以待願庭樹早
翠葉黃其年方大衍而生慶華筵瑞翔鸞鶴敬調千

秋歲川佐九霞觴 門高青海閣閣今豐沛攀乳簪
倡鳳戢聲華峻斗南霖雨甘霰內扇清風燕山趙水
無疆界 一葉梧桐拜雙鳥蟠桃會響譚黃開琅玕
仙子渴醑酥都堂凝綬韃歌無艾皤皤元老調金甌

孫鍾元徵君誄畧

吾鄉容城孫徵君鍾元先生粹拔山河瑞伴星鳳孝
原性植廬墓致白兔之徵懿德天敦鼓盆明廬厲之
義五百年而生名世誕有殊祥十七歲而上賢書舉
傳夙慧奇探岫嶠羅皇典於胸中秀發瑯環拔鴻詞
千筆下持身有道式玉式金取友必端如磋如切孝
廉繫天下之望鹿太常簪盍江邨書生懷宗初之憂
孫文正雞盟易水周旋楊左欵綬騎於白溝會爲生
橐籥而歿衣衾預遠魏瑤假行勝於紅廟始免黜青
蠅而全白璧哲謀不爲頃刻意氣可擬雲霄迨正人

相繼而周零乃君子不期而退卷沉潛理窟參決朱
陸俾無異同羽翼儒風渾化關閩安有門戶衣布衣
而履草履鄉井式其樸淳行法行而直法言紳士奉
爲杖藜編摩不釋于手所著有南北理學諸書交遊
時造其廬相接多吳越知名之士廷臣交章薦辟累
朝特疏請徵盛德久孚於人倫高風共屬乎物望頌
綸音招隱不學嚴光之來而復去但以母老爲辭及
滿載到門豈如周黨之朝而勿官竟引年衰謝使移
家於蘇門深處非慕孫登泛舫於洛水中流無殊郭
泰三河之學者北面執經兩地之門人西窗肄業士

相稱必曰夏峯夫子世所仰無如容縣徵君未敢違
比於杏壇豈欲徑同乎鹿洞片言傳座右競濡筆而
記之一字落人間定什襲以藏也子皆才子最良不
止白眉孫是賢孫其少已充青選五服共百口爭如
同爨之風六世在一堂不作黠孫之簿老而好學與
衛武公同地異時賢以傳家視太丘長輝今睽古洵
斯文之麟鳳實吾道之斗山也行年九十有二梁木
忽摧去家一千而三牛眼未卜識與不識皆垂泣統
言四海之人親與弗親總故鄉寧味三輔之籍邵堯
夫本范陽人也祇因安樂窩在南竟傳爲洛下之生

學源堂文集

卷之十九

古

程夫子雖伊川產乎猶念發祥處於北不忍廢博陵
之祀况紫陽致行閩越何仍微國崇詩文公家世覃
懷尙用昌黎繫氏可見前賢不忘故土奈何吾里忽
置斯人奈不揣凡庸有懷古誼不敢謚而敢誄擬申
潰絮之儀欲人善與人同寧勞掛劍之懸

禱雨疏

維神享茲一方之祀冀其能禦災捍患轉禍爲福以
乂安元元也郡自去秋苦旱三冬不雪米價騰貴人
心惶惶奈會奏記守土諸官不肯聽仰聽亦虛文了
也春時幸有雪米稍稍賤及今三月餘無雨多風二
麥將枯土乾不能布種米復貴人心益惶惶饑者問
爲鼠竊狗偷大可憂懼伏念鬼神之道爲善者降之
祥爲不善者降之殃旱燥數月年荒則饑殃孰大焉
郡人芸芸不可算數豈皆不善者耶何樂與以殃耶
如謂貪黷武健致干天和神實有權何不以殃敗類

學源堂文集

卷之十九

古

而反映此岷岷之衆也或謂氣運攸關神不克轉古
來反風滅火蝗不入境者誰爲之耶雖水旱之災世
所時有保定何地耶民貧役重加以剝削無藝即使
屢豐亦鼠爲猶積耳一無年卽溝經委矣神其忍之
乎奈有濟世志而無由表見衰且病夫復何望獨是
鄉里之間耳目之前有難膜外置者不可以語人而
以告諸 神惟 神其鑒之倘奈之人不足取心不
足信語不足採則亦已爾萬一有可取有可信有可
採伏望 神大沛時雨以救此一方民人間世官有
大小事有鉅細官小事鉅必請于朝而後行鬼神陰

陽之德也想亦如之乎卽幽明無異亦祈錄茶此言
奏聞 上天軫此赤子勿竟置之死地然後可不然
惟 天好生此語豈虛傳乎人有不信鬼神者茶平
日尊敬 日月過廟必式想神亦默鑒之况前年茶
爲毋發引大雨如注茶夜半禱天旋而晴霽家有祟
來禱於 神歸而自驅家亦卽寧是區區之誠 神
如鏡照而響應之矣今不揣敬爲鄉人請命甚懇
神之聽之不然茶非私言也乃不見諒于 神世人
何以勸善惟 神三日內卽 昭示之伏地叩禱不
勝悚切

孫文正公愷陽先生像贊

余兒時家於郡南小巷環公郡第而居也嘗
公從京師歸稅駕於茲行者辟易惟稚子許
竚觀焉憶公冠東坡巾衣深衣大帶著朱履
豐軀偉幹背潤可掩兩人電目嶺嶺烟烟屹
屹肩高而潤鬚長而疎兩頰色重於面顴以
下有鬚散莖散散修修與頷頤等河口垂耳
音吐如鐘儼然神人也郡守以下僉來謁拜
或堂上或階下或儀門內禮度不一公皆有
問慰獎勉之辭拿重輝煌泰山北斗也比余

心竊敬慕之迄今五十餘年矣猶隱隱在心
目間戊辰嘉平月公孫紫淵捧一卷曰此先
文正公遺像也乞子題其端余沐手展觀非
丹青摹寫乃公文集冊端劄刷氏髣髴而梓
者雖無頰毛神妙規度具是矣敬爲之贊曰
大人君子神傳青史吳縣固工畧以云似羹牆如見
蓋讀序序公之一紙

朱品方小像贊

漢人畫麒麟唐人畫凌煙君於尺幅間丹青亦爛然
非水之淵非山之巔四壁一兀兀以窮年君不聞
赤帝子有云平安事詩書而手一編

張鶴洲行人小像贊

朗目疎眉廣額豐肌有道之表君子之儀宜其廊廟
奚以茅茨宜其綬冕奚以履絺一主一僕兀坐何爲
牀頭鼎鑪有卷將無啗古雕蟲之詞几上斑斑有器
將無愛古冶銘之藝雕蟲古而何濟冶銘古而何裨
君如陶情而適興莫如掌上盈盈之酒卮

御製竹賦贊

洪駕南巡攬結岳瀆龍輶泳江顧瞻爽肅睿藻煥發
爰賦萊竹嘉迺亭亭愛茲蓋蓋材美會稽德懷淇澳
璀璨奎章焜煌鳳錄韻府蜚英詞壇扇馥仰溯莫儔
頌傳難續臣老好文薔薇口沐虔書在屏光賁茅屋

學源堂文集

卷之十九

辛

康叔權像贊

余未識公於平生識公於畫圖神情藹藹肅宇愉愉
非括囊而無咎則愛鼎而有譽名奚美乎仕籍行特
表乎鄉閭宅相孔佳家聲允都何以贊之詩有曰抑
抑威儀維德之隅

學源堂文集

卷之十九

壬

神醫圖贊

榆關茹子業亨精岐黃術三世家傳也庚子有事於赤陽突染時疫惜不克自醫夜夢兩道人衣冠甚偉鉞其腹出水盈升醒而漸愈疑爲神佑後檢本草閱名醫像其中有宛如夢中所覩者一爲扁鵲一爲玄晏先生驚喜非常因按圖摹繪裝演供奉以志神祿余因爲之贊曰

顏貌古而澈衣佩麗而潔或飲上池水或作廣湯液庸其生也能聽聲而爲形且其沒也能入夢而理結

學源堂文集

卷之十九

三

將無千百世之上神醫與千百世下之野相有潛爲調變者乎

正里中習俗一 父子同席

父子大倫賓筵樂事大倫主嚴樂事欲洽不嚴則不肅不洽則不悅也父子不同席今諺所傳古禮攸繫蓋以人非衛武或無監史在傍而姓不東方恒有詆諧出口舞雩升俄纓絕燭滅夫子未出於正吾黨安得直躬近來里俗同席爲常主人開譌但云羣紀皆芝蘭嘉客登堂幾忘義獻是橋梓過當同分禮宜亟正

學源堂文集

卷之十九

三

正里中習俗二 女不拜父母

君坐而拜其臣父坐而拜其子臣無論大小也子豈分男女乎矧怙恃深恩詎獨淺於裼瓦而拜稽顙禮何偏靳於椿萱吁嗟吾里女多不拜父母桃夭未賦尚曰膝下之驕水泮既歸遂作堂前之抗即使掌珠可愛不幾羊膝弗如若謂禮非爲女設則戴氏之內則不必讀而班家之孝經竟富焚矣願以斯言爲齊家者告

正里中習俗三 艷衣履行吊

禮曰春不相巷不歌詩曰匍匐救之凡以示慟也故羔裘玄冠先王有禁素車白馬古人所傳近俗頗澆率以艷衣履行吊家無重襲何難呼我友而假衣凡有生芻詎忍向喪家而誇錦不如陶侃門前之白鶴甘同虞翻匱側之青蠅倘捫心而安則執紼可廢

正里中習俗四 呼半字

古者冠而字以表德也麟編書字爰爲褒美之文曲
臺敬名已在成人之列伯先在否弗宜對子全呼子
卿足下何常臨文偏諱若夫稱姓而截字則曰樂幾
同於伯樂張平何異於張憑義殊未安大雅所誚倘
逢孫子稗載之則不恭若對王龜齡半呼則甚醜古
人所未見吾里何獨然

學源堂文集 卷之十九

美

事其志向之所不屬功之所
不暇間一爲之而精神不出是
故詩之傳者多在賢人君子
得志於時者之所爲也而
鉅卿之能以詩見者美
以詩取士盛傳者青蓮浣

最若燕許不過數十章而已房
魏姚宋又何嘗以詩文擅名今
宮詹郭子其成名也早其遇主
也深歷翰林風雅而論道經邦
其大畧既著於竹帛余亦敘其
古文矣而又取其詩賦讀之其

序序

卷之一

五

賦皇畿之弘麗何減兩都而纂
修嘉宴紀恩諸篇煌煌大章何
啻星雲之燦爛川嶽之輝光也
至於賦物咏時懷人卽事則蘭
畹杜若芳馥風流摩詰元白諸
家瞠乎後矣又誰謂窮愁之言

易工而通顯之人少精思哉余
與郭君相得甚懽挹其風度觀
其才能聽其讜論則恢恢乎有
容而剛毅足以任事正直可以
維世者也使晉爲賢宰輔則鹽
梅霖雨豈易量乎哉而今但以
學士詩文顯於天下垂之後世
此又余心之忤忤不已者也雖
然郭君以有道之士當國家
之盛出其性情爲歌詩既不同
於騷人墨客一寫其離愁窮困
之狀又不同於賢人君子不得


序序

卷之一

四

志於時而爲秉籥執翟之詞也
噫亦盛矣哉余故因其集成書
一言以揚其後

康熙三十年歲次辛未都察院
掌院左都御史都統加四級
三韓于成龍題



學源堂詩集目錄

卷之一

賦四首

卷之二

五言古二十首

卷之三

七言古二十四首

卷之四

五言律四百七十首

卷之五

學源堂詩集 卷之一 目錄

七言律三百九十二首

卷之六

七言律三百九十五首

卷之七

五言排律四首

卷之八

七言排律七首

卷之九

五言絕句十首

卷之十

七言絕句一百九十首

學源堂詩集

卷之一 目錄

二

學源堂詩集卷之一

清苑郭棻快圃著

賦

皇畿賦 存唐

粵稽妣王作禹貢山川壤賦肇始於黃州姬
相定職方疆域道涂致詳乎雍土斯固古皇
之鴻冊奕世之瓌文也乎厥後圖傳三輔綯
今帝里之華賦練十年蔚爾神臯之麗則又
情殷揚厲藻采揆而匪葩且其意寄瑱規綺
穀鋪而如組也殆極詞林之黻黼殫意匠之

學源堂詩集

卷之一 賦

一

雕鏤者歟洎卯金典午之增華廼請宮叶商
而競獻凡都皆賦十六家玉受而金擬受詔
輒成數百篇雲流而錦爛曰登堂曰入室駢
傳文園洛下之奇或給札或橐毫僅圪上林
甘泉之盛曷邦畿千里不聞授簡以摛辭豈
帝式九圍弗許劈箋而紀麗庫洪惟 昭代
奠鼎燕京入郡星羅地振河山之領三關屏
峙人環日月之睂洵震旦神州寰宇天府也
使帝京載咏駉丞難擅美於永淳王會爲圖
唐室詎矜雄於貞觀嗟燕丹決策僅傳督亢

之圖惜范鎮揮毫祇著幽都之賦爾竊嘗軒
衡畿甸乾嶽以東岱宗以北于川魏魏可集
組以成章細考輿圖黃河之陽瀚海之陰百
代英華宜采掇而集粹也廼者 異命特宣
徵志籍於九有因而賁文遐邇蒼州郡之三
長故有博麗張華亦多核侔萃澳東西南朔
胥鱗次以報竣堂奧門庭尙飭懸而有待頃
者臣甫脫素冠畧親細帙忽枉台使之駕旋
徵子墨之辭謂燕趙人定諸慷慨悲歌之事
矧瀛洲客曾警石渠天祿之書莫嗟文獻之

學源堂詩集

卷之一 賦

二

無徵竊意邑乘之具在摛撫而充棟芝蘭與
芸帙聯聲排類以盈聰瑤簡並瑤編萃穢是
誠三輔典則之府而千秋得失之林乎大地
爲畿輔固仿京兆馮翊扶風之制象天之有
輔弼焉且志以通名宜如通典通考通鑑之
章比水之能流通也述而不作式彼古賢斐
然有章裁乎諸子於是諷日啟館遴才授書
按郡而分曹綫索由庠一手發凡以起例規
矩範庠羣材既鮮餅餌之咨庸有楚斛之傳
筆花生江夢晴窗不羨太乙之藜硯沼吐龍

學源堂詩集

卷之一 賦

三

雲雪夜爭難子京之燭閱五月而祝草過一
祀以成編不欲如三輔之圖旁搜我言屑論
豈復效兩京之賦近寫輦路郊圻覽者固可
展卷而瞭然作家猶云長言之未足臣忝斯
說追琢有章客待其成覆幘雨旣鍤金削玉
深慚擲地之無聲妃白對黃忍詡剪花而有
綵聞之古者採風備詩人之體登高號大夫
之才願小子無知迺大言不忤乎猥以郊岐
豐鎬臣工奏揚乾赤縣之文且而趙魏蜀吳
霸國侈鋪張皇州之什臣幸產瀕瀕之左右
幾屢采甸之靈綬繪 皇畿之壯麗云爾賦

曰

天開子孽地闢丑紐萬彙演寅三才莫偶玄冥太昊
東北元首軒遠結繩而垂衣裳命栗陸氏以尹其方
幽州之名肇錫陶唐於是璇璣仰窺玉衡平測分野
判星營宮繫國析津之垣照庠扶桑之維維星少宿
占庠朔方之陞帝座奠庠天市后府仙庠天雞傳說

乘庠人馬天江網庠魚龜相幽都之弘譽九象緯之
燦麗也載放天管家之管田雲漢天章發源衍水金
一練以淡滴岐兩彎而布樓瀟蕩庠望壁昂畢之宿
貫穿庠姬訾降婁之度其野則跨邯鄲頓丘其宿
則聯箕豹絡尾猴於以識在天之爲環拱者在地耳
爲衛侯堯命和叔平在朔易化狂獫而於變關既脫
前屈爨先是則軒轅宮庠涿鹿之傍顧項國庠高河
之陽帝摯封弟於唐繼茲河亶甲都相廬乙居耿歷
盤庚而五遷平商有虞分封於薊於滑黎龍之墟章
城之闕有夏分封天雄之塢澶淵之塢昆吾豕韋跡
學源堂詩集 卷之一 賦 四
猶未沒西伯變伐東周是營列爵分土之翰之屏召
與有國北燕始興它如邢滑蓀極新昌無終一十九
域趙魏爲雄羗炎曹馬郡縣百城隋之常山襄國武
安博陵河間信都上谷北平遼西漁陽與趙涿汲邯
而並稱唐之曰恒曰相曰定曰邢曰冀曰冀曰深曰
瀛曰趙曰薊曰順曰營曰檀曰涿曰薊曰平曰涿單于
都而異名咄南北之瓜剖嗟五季之虎爭宋以白
溝爲鴻溝金以總管爲五京元立燕都府號大興鎮
滿服路兵民統承日月並而南都漢魏穿跡錫而北
前祠迫金川之既靖乃玉步之俄更兩都對峙八

郡直隸幽燕趙魏爲采爲衛垂三百年統緒磨隆天
命有歸 聖人出震叶寅方之禎符乘木德之景運
掃妖氛以白旄膺瑤圖於紫禁定軍都如郝鄒卜
燕如淵濕堯平陽而舜蒲坂漢成陽而唐長安噲克
如東北爲天地之仁氣尾箕有帝后之尊躋者庠於
都哉百神萃萬國朝梯航達乎水天桂海車書渾平
溪盤喇爲元龜象齒戎索無不貢之包茅兕觥傑休
殊方多來享之瑯琊郊圻詎祇千里風雨洵稱四交
輪而聯之廣而步之東無疆也疆以渤洋西無域也
域以太行南無際也際以黃流之潁洞北無垠也垠
學源堂詩集 卷之一 賦 五
以紫臺之岳巖良之維榆關跨庫磧石異之維鄒魯
連漳懷陽坤之維郝下倚山而鵲錯乾之維蜚狐結
塞而疊表腹彼河山之四塞雄茲帶纊之八方言登
其山巖有巖山巖疊千年積雪翠屏香陁百丈巉嶮
渾枯雷震龍之潭黍谷傳吹灰之垓盤山三盤千古
一翠螺山二螺半滑如醉壁削峯嶸嵐飛黛如雲常
衡嶽之七十有二峯鳥止南朝之四百八十寺百花
之陀偈仄嵯峨非攢不攀非鳥不過靈葩忍草黃帝
峻伯之所未會羅上方之頂磴梯遶迴徑蟠曲松巖
汲深井曰石經曰房山梵宇剎剎於磧礧聖水淪淪

於洞灘曰玉屏曰龜鏡平巖可坐萬夫香露時流一
洞是皆幽巖涿鹿之巨境也至若平州絕界遠西控
邊角山騰蹕而插野如怒蛟之伸拳孤山蜿蜒而起
海儼渴驥之奔泉其兜轉折旋又豁然長郎山如海
上之三峯燕昭求仙之臺矗矗茂山分玄嶽之一壁
黃帝問道之蹟穆穆上下清虛傳抱朴之丹籙大小
雄山枕雷溪之碧曲萬春雲臺嵯峨天臉灑郡有阜
突兀皆咳海螺雲鳳一縱一橫鎮州之麓矢直而徑
恒山接清涼之背一嶺界虜趙代中山居定州之心
小阻而名庫都會華山草木四時紅宛矣淮陰之赤
學源堂詩集 卷之一 賦 六

而朱錦千川迺有渟沱駭浪驚波漢跡危渡號小黃
河迺有清澗漢彼霧丘浸滌廣陸東北滌滌風蕭蕭
兮易水寒石磷磷兮雷澤湍有涿水之湧湧有拒馬
之漫漫范水上而涉乎獨鹿霸水下而引夫龍泉盧
溝結桑乾之尾鮑丘助洶水之瀾瀾如海旋湖如裂
帛萬泉澆澆瀾瀾大澤水田龜坼溝塍冊冊遠樹綠
以繁繁近風無聲而有色侯家別墅掩映乎湜湜戚
里池臺龍從乎岌岌玉泉泱泱決匯彼高梁夾亥龍而
東注沛京邑之坎方有流有渚有埭有塘水亭連月
榭而倚岸松關並蘭若而臨洋濱施澄澈九曲三折
學源堂詩集 卷之一 賦 七

粵之奇妍吳綾璀璨今越錦絳水純緹縹今霧縠
瓊璫入蠶之繭如銀十景之額如繪且而體載綠雲
旣封紅友甕蜚嘉穀淞鱸蘭肘海鱸江鱸鱸翅石首
竹號湘妃木名鐵黎點蒼之石天巧會稽之皦冬肥
浮梁之陶如大邑剡溪之楮如白磁千瓊百麗細巧
鉅奇有音有色中矩中規又皆天府之所時御而閭
左之所日希由江淮而河濟靡弗溯洄以達乎京畿
孤竹古墟山海之陲漆灤一源而兩派陽淪殊流而
同歸扶蘇曰泉卑耳曰溪皆自北而南趨考桑經與
鄒注蓋小異而大齊跡茲山陬水隅名城上邑閱七

學源堂詩集

卷之一 賦

八

十二代之刳灰積四千餘年之燥濕其間厥有名辟
哲相高人古賢淑媛才姬緇衣黃冠或鍾靈而崛起
或寄跡而孤騫或郭郭之宛在或楹棟之鐫然文章
之光芒萬丈咳唾之馨香萬年今月曾經照古音微
猶未墜焉竊嘗覽輿地之古錄檢玉海之祕牘城之
古者漁陽平曲北平博陸黃洛令支肥如孤竹樊輿
廣養易京亞谷射魚鴻郎甘城夏屋高陽武垣長豐
古東東西二光古柳古皮渤海無棣木門乳堤恒山
葦澤逼乎滹冰之澗故權新市時乎常山之岬栢鄉
棘津唐晉攸基扶柳煮聚漢魏式遺回車各村左車

之勇難題示衣號坂果卿之忠未述廣川大陸古號
雄區下博鼓國今存野墟列人與邯溝並歸甘陵其
芍藥相臚南緯閃旌旄之色渚陽無揀度之模祖乙
之都卽邢州之廓建平之郭仍襄子之囊柴城以周
宗而名栢人因漢高而削額瑣城問古堞於東郭昌
意城指荒丘於南樂出宿於于風人咏乎頓丘之野
復歸於毫周書記自內黃之下雍榆一阜黎陽片瓦
鞠爲草而綿半滹爲湖而長瀉嘗樓沙店燐火青青
漆園南華秋水渟渟后昇遷於窮石尼父畏於匡城
是皆歷三千年而虹亘輪二千里而星焚者也鄉之

學源堂詩集

卷之一 賦

九

古者樓桑誌昭烈之側陋北臺昭宋祖之發祥康節
往而邵乃字材克用歸而王乃有莊盤古故里僅存
悲滅之九字沽酒遺址未泯剝蝕之三行董江都元
自有里平津侯不沒其鄉扁鵲賜田而成社石象載
佛而未荒考之古昔言言而仡仡攬於今事莽莽而
蒼蒼樓閣之古者披雲百尺燕角十尋鳴霜築於曠
監橫翠賦自劉因大悲之鐫千舌五華之島百萃日
華宮闕邸第以待士香魚館改廳事而漁民百花高
瞰乎滹濱天寧夜聽乎潮音日溫明日大武鳳栖龍
張史記蕭王珠簾玉壁人傳石虎臺榭亭堂之古者

聚燕釣魚厥名已樸隋雲鎖風厥義有屬黃金蘭馬
燕昭禮賢而築高陽樂陵宋將耀武之國虞丘即曰
吾丘白鹿余稱百鹿伏羲畫卦之臺碑字滅而難讀
曹溪說法之址梵音絕而復續招鷹說爲照影崇華
竄是重華鹿臺存以志戒秦臺太而非亭亭則玉淵
玩芳南野匏瓜擬江臨漪萬木百花乾坤北海江村
水涯瀛州第一河郡蒼葭觀稼乃觀曲陽之稼喜雨
非喜中山之雨中人左人岐行唐而對舉廣陵尋陽
跨冀州而遙峙柏暢見於水經禾成叔之王莽麥飯
蕪蕪襲光武之故事晚香望春思魏公之懿矩堂則

學源堂詩集 卷之一 賦

萬柳陰沉在都城之闕齋則古墨刻畫嵌絕畧之碣
塔則天寧之倒影昌平之半截萬松維肖乎市廛多
寶襲越乎曉轍碑版卉木之奇而古者石經山之華
嚴梵文王安學之大觀閣帖辟離石鼓其數十其文
猶其辭頌天子之田獵古藤蜿蜒而橫舒雙輪亭宇
而並列儀曹之優鉢羅花似蓮而佛孕金房員丘之
拘榆錢樹枯春而莢凌秋結蜘蛛聽法而蛇築浮屠
以茶毘螻蟻化魂而蟲集清明如丘垤樊輿之花嶼
千年難水之藻莊四絕耕雲釣月紫陽之書法永垂
鉛筑血痕漸離之故廬未滅荆軻館臨易水之消陳

平宅指曲逆之凸塚生紅草淋漓張興之血石翻雪
浪勢髣蘇軾之節禹錫之陋室有銘元振之劒石猶
裂寺壁畫水廟壁畫鬼非道子其孰揭學步名橋回
車名巷惟邯鄲而有說黃梁夢處閣嗟哉馬陵道上
風凜冽或則謂世遠而蹟湮尙無忘地靈而人傑洪
濛迄今億萬斯年道德勲譽厥有名賢倉頡制字雨
粟自天墨台二子讓國翩翩有如甯俞有如子鮮太
叔免餘柳莊遂瑗史鮪南楚直亮高騫孔圍子華雅
鑒文宣端木澹臺函丈杏壇嗣是而降趙彊於燕勲
節烏奕竹冊摩編廉藺上卿勳力相先歸璧負荆鄰

學源堂詩集 卷之一 賦

國競傳執法好客馬服平原漢興而曲逆功奇於六
出北平學精平曆律馮唐能言魏尙之功賢嬰終平
吳楚之猶汲長孺蓋寬饒塞謬可述雋不疑趙廣漢
治行莫匹長公子贛循良擅稱京房鮑宣抗疏漢廷
王邳寇蓋雲臺並繪其形劉昆片言而號長者王尊
一叱而名忠臣長垣吳祐安平崔琦甘陵李雲劇虎
牙而消沉渤海巴肅陽平劉孺陽武謝弼鄒翟當而
殞身陽球誅宦黨而匪酷盧植抗董卓而獨存桓侯
起於涿郡子龍產自東垣晉則劉琨現祖逖嶽其英
盧欽陽鷺杲杲其清南北朝則張纘張紇昆季豎績

於侍中宋翻宋弁後先流徽於廣平高允之清貧可
尙實瑗之節操堪崇韓麒麟克端譽望韓顯宗不振
家聲盧道將以風槩引重魏子建以惠愛開誠崔士
謙號江陵之良牧附隆之得真部之物情蘇瓌之雙
瓜不剖石曜之一絹難縫隋之高頴當國論者以爲
真宰相榮毗司直百僚以爲名中丞於唐則魏鄭公
開國之人鑑宋廣平中興之碩彥宋慶禮効績於屯
田杜景佗馳名於清獻盧懷慎既沒而知人風廉滂
好禮諫獵而請先當踐李下無蹊徑尙真矯矯於秉
銓稔底有理金杜選總統夫可汗止珍禽異獸之捕

學源堂詩集

卷之一 賦

三

玄宗時則有鑑若水當關中蕭何之託天寶末厥惟
杜鴻漸不憚賊威卓彼李承不墜家風懿茲盧奐陽
元宗之救陸贄累日不休劉棲楚之叩龍墀血流被
而李臨淮靖羯鼓於咸陽高南平掃蠶叢於雲棲李
贊皇獻丹晨六箴劉林甫罷赤牒鉅萬於五代則西
門鄴李承約彌堅勁節劉陳州王定州忠人胥悅趙
侍郎不售偽斧碎佛牙盧舍人不草牋瀛王結舌於
宋則范魯公當時稱爲真相李文靖久而贊曰聖人
佐命老成莫如趙普策勲名將孰若曹彬呂端之大
節在捲簾升殿孫冲之清白在取硯還軍江躋以正

心誠意爲本劉甲以足履實地致君於遠則仲誨世
珍之表表於金則彥宗少冲之矯矯元則滋溪先生
有用有體昭文學士治曆治水劉文忠郭守敬博學
多材史天澤陳天祥立綱陳紀文炳文用高城二龍
王忱王結河朔雙士烏古孫澤不居泉州鮮卑仲吉
全活俘縲張桑締一統之勲王磐釋轉運之累於明
則蔣廷瓚功成而獻劔王靖遠勲高於錫劬王文肅
馬恭襄兩朝之心竹股肱崔廣宗岳渚縣百年之氣
節文獻傳文毅直糾大慶法王王威寧蕩平小部善
鄒李東陽不愧文正之易名梁大用終膺世宗之追

學源堂詩集

卷之一 賦

三

讚鄭襄敏洵遼陞之范韓趙忠毅乃殿陞之暮武鄭
宗仁不著戎服孫約之身親行伍孫高陽宣威於盧
龍之塞范吳橋全節於演象之所是皆勲名勒之鼎
彝風節可足千古者也至若無事則爲良臣立朝而
彰厥令聞時代雖云緬邈里籍稱說未泯晉冀缺聚
德而獲上漢溫舒緩刑而仁民王商肅敬敦厚馮勤
忠篤精勤鮑昱三世長德崔瑗七載明神劉司農杜
門絕迹田戶曹躬耕養親高柔徐邈盧毓朱靈歎鐘
鳴而漏盡人高田豫歌德行之堂堂世重邢顧當漢
末魏初而特達皆燕陞趙際之挺生崔伯安門無私

謁吳隱之飲泉厲節敦道薦賢莫如劉沈諸練舊章
實惟刁協兩世有名南皮石苞三郡稱治清河房悅
蔚然河朔之才都哉晉室之傑齊武圖張緬於署丁
零還李曾之鹿率禮從仁高允品藻張誕惠政得民
康侯酬庸張度高子集之對文帝人佩其二言張白
澤之諫高宗史傳其兩疏一祁二奚表陽尼之薦子
一時三少嘉李渾之濟美崔昂不許甘露為祥平鑒
能祝智并得水輔世長民南北之望孰踰乎此隋之
有德望者盧昌衡行為士則崔弘度令出盜息張熙
有識度盧愷持正也唐之有德望者高儉三代掌鈐

學源堂詩集 卷之一 賦

十四

崔璿五階旌廉盧萃不按汾陽之一肯崔倫能抗吐
蕃者六年使潞澤而不受幣馮仇所由爰立書古事
而連屏李絳於以稱賢李棲筠得吉甫而世美張士
衡生大隱而賞延迄歷三唐嗣及五代李愚思於依
古作型龍敏敏於長揖不拜劇可久用法明允王仁
鎬論盜允塞崔居儉家禮刑于寶禹鈞義方永賴宋
興劉載五論著名李符百條遺愛宋琪宋雄一郡雙
英寶儀寶儼五桂駢榮程羽賜第於汴京李至師傳
平青宮晁迥之父子掌詔張存之翁婿蜚聲遼之韓
延徽裁決機務韓知古援據典故韓德讓賜姓天潢

耶律儼追稱尚父楊績論政有規杜防和戎克睦劉
景筭染宸書楊佺殷酣御醪張儉一代之寶楊習五
經之篋金之張通古宰相而邀藩封時常壽縣令而
拜三公師安石陳龜鑑而懇懇孟浩然諫涼檮而仲
仲元之石忠宣有贊政之識劉文獻多撫民之勳張
立道德洽於滇南劉秉恕惠教於河北張文謙諫諸
大理譚澄論服蠻國尚文侃侃郤西域之殊梁會分
介辭安南之幣王利用文政兼優張九思薦賢得士
梁德珪建言而敢肆救之恩王思廉進講而引通鑑
之事張珪論相格心為體高鳴慎刑擅殺自止鄭德

學源堂詩集 卷之一 賦

十五

進藉天象以諷君素起宗習國語而歸史蓋苗稱古
遺直陳頴說書潛邸郭宗伯號曰錦衣故人吳廉使
纂集農桑舊聞教文忠老而朝會不拜王文正貴而
遠嫌保身明之開辦制禮為尚始之則有渥水之原
名繼之則有嵩城之崔亮溫原端重譽之溫厚宋訥
老成比之呂望劉知微名播安南之玉槽董貝川龍
承建文之玉杖李敏功在白茆漫塘李庸榮於丹墀
衣絳張鳳號為版張楊渾亦號版楊石玠石珪雙名
渾水高擢高第嗣美澳陽魏純粹以蓮學為經濟陳
于陛以介操被褒揚王崇慶儒宗物望買應春完德

兼長三邊坐鎮莫如董肅敏兩朝恩遇厥惟李文康
繼則事君以忠古訓是式見危授命烈節足誌高節
雖揮筑而甘驅樊於期引刀以自殪沮受義不臣曹
王經憤難忘魏祖皓討逆廣陵京諒抗賊彭城崔楷
勝解牙之角鮮于碎瑀瑤之鍾洵齊梁之勁骨咸南
北之孤忠隋則盧楚遇難不去游元奉使捐生唐則
張巡刃妾而血堪化碧南八斷指而氣欲吞虹盧奕
張興舌禱安使之兇巢父惠元身犯懷光之鋒朱則
李若水淚濕欽宗之服張世傑舟覆南海之風遼則
甘鋸解者韓紹助金則溺江波者畢資倫元之王士
元父烈子殉趙弘毅夫沒妻淪李齊固有鐵膝張桓
直是鐵身明之再世禍烈金川杜奇朱鑑侯泰馬宣
但知拒賊不知拒燕茅副憲錢龍之咏可誦卓尚書
丹墀之疏堪傳明之中葉上木決裂黃綬不愧奇童
曹肅無慚調變曹石之變事起閭闔吳瑾寇深禁門
奮節周麒斥江彬而髮指忠愍彈嚴嵩而齒切啟順
兩朝忠鯁尤饒魏客烈然毒浮節燒梁心獄瘦張汶
扑敵甲申春季流氛晝燦北平上谷瓦甌水消成仁
取義泰山鴻毛朱中丞易服而經於城櫓金職方沉
水而躍乎河橋孟忠端叱僕慷慨孟忠信題句鬱陶

申太僕聞難趨關成樞部畢命獨錄保郡孤危力抗
賊師聲援已絕屢傾莫支張羅彥題面投繯大來護
屍金鉤峒負印沉井不變鬚眉劉忠嗣殺妻巷戰刀
頭之火嫌燬張羅俊抱賊嚙面齒開之血淋漓尹都
諫飲刃而卒無一語呂副戎叢鏑而體無完肢姓字
垂馨於汗簡俎豆永饗於鄉祠於戲千羽旣舞旄
迺張散亂敗暴實維鷹揚燕趙尚武功懋侯王卻殺
敦詩說禮李牧示短用長公孫長史白馬威彰勇聞
三國文丑顏良牽招張郃郭淮韓當皆思信之不若
戰陣之處強張弘策冠城而秋毫無犯成景衡復警
而一刀幾剗李崇之功以臥彪而爛劉亮之名因臥
龍而煥李高平威懾於蠕蠕常安成名宜於茹茹血
戈墨盾傳承之兼資瞻如龍唇豹頸高昂之雄狀可
圖梁魏齊國雖割據戰攻守功若合符隋文收江陵
肅肅於韓柱國晉王鎮并州敬憚乎李高都唐興而
王君愕能識大義李思行具饒機智毛藻張進恭孤
著勛名振務挺臂纓克嗣蘇烈乘霧平羗李凡開壁
納降陳利貞仗劍定亂高霞寓復鎧詔藏傅良弼建
牙於銀州之塞栢良器圖形於麟閣之廂張歸霸拔
矢而轉敗劉如誅枕戈而警懈高行周乘雨而襲郭

城馬金節散財而却蜀旆孟方立節路而稱雄張歸
厚鎮絳而奏最勒旂常於北朝留聲光於五代朱抗
三關於趙於燕如熊如虎勲猷桓桓濟美佐命與國
曹翰拓疆南北繼勲遵誨仁明懷德受爵周朝樹功
宋塞魏齊物趙延進橫梁賦詩曹翰光曹寶臣將種
著績問承翰鑿渠蒲陰馮守信浚河滑津王防禦引
強足畏劉節度射遠疑神郭遠爲仲淹所拔成閔致
世忠是欽邵舍人功冠中興十三戰姚都監勇敢金
兵數萬人遼之趙思溫被創而向方調集金之李霆
功成而賜姓班爵元之石琚明安不甘草木之腐落

學源堂詩集

卷之一

七

薛塔刺海爭誇金虎之榮樂史天倪赤心待人史天
澤老而憂民平泉強之亂鄭甫不忍玉石俱焚釋藥
城之倖趙勉能消淳岸青燐何伯祥徒手搏敵王慶
端夜甲共軍弘畧弘範范陽二雄伯鼎季衡黎陽雙
忠解誠之祖孫父子鄭義之叔姪弟兄樹三世之駿
伐遺一姓之芳蹤明初則趙耀揚洪運籌折衝薛斌
李貴錫冊崇封符北則石銘冀傑安南則銅標柳升
郭武定世胄而擅詞賦朱恭靖將門而諳掌故袁彬
茹苦窮廬徐珏破寨射韋朱驥三宥而三易爰書田
禮七戰而七傳露布施朝卿嶽嶽扶大國之體常名

爵祿祿有詩人之目原夫五經四子蘊隆至理漢儒
賸駁功利雜猥倡明羽翼河朔崛起魏則劉歆之德
行是先唐則李習之復性爲旨宋之二程一邵皆燕
人而洛徒劉安世自不妄語爲始邵子文以申釋黨
禍而止張九成趙君以誠劉常山敏學不已金則張
特立號爲中庸先生元則王東明諡曰文康學士劉
文靖寓意一齋王文肅印心萬紙林起宗心學繪圖
顏師聖文節被謀明之秦亨精貫義經劉矩橫渠是
宗蔡國熙建書院而講學劉大寧闢太極而蜚名王
循吉賜號處士邵永春著述滿簾蔡汝濟矯矯至行

學源堂詩集

卷之一

七

范子純恢恢實政李雙鶴升冕顧厨李天麟沉酣孔
孟乃若秦灰既寒孔壁孰探豕魚帝虎榛莽瀾漫漢
有毛萇治詩河間韓嬰貫公輝映趙燕董江都有玉
杯繁露之篇瑕丘公有數架左氏之編大戴小戴曲
璽一派周堪張禹石渠論對賈護秦恭授受名輩韓
伯高傳衣鉢於淮揚索盧敖設函丈於濮陽楊綸房
植清河胡常胥通經而奕奕乎冠裳晉之束皙五經
皆論而傳者惟笙詩之補以經學式啟六朝濟濟盧
博士廣教於五經之局監伯陽授書於四王之邸陳
太傅博通九經張刺史顧家三體許懋擁臯比於辟

學源堂詩集

卷之一 賦

二

雍張離橫簡冊於戟榮盧景裕專精注撰張思伯梓
刊列傳劉蘭授徒二百人李鉉著書三千卷張吾貴
新意居多能安生疑義能辨董徵崔瑾師人不倦隋
馬光教授於瀛博之間唐嘉運開講於白鹿之山孔
穎達有五經正義王元感稱五經指南叢助草三家
之傑傳高重勒九部之石刊宋王豫筮易著金韓中
烟霞痼元瞻思精算數潘迪纂格物類編何中測通
鑑綱目明初首重明經武周文起於大興李季鼎書
庫有號黃潤玉學圃窮經溯自成德彬彬王風郁郁
耗苑書巢邦國有族荀況立言於蘭陵次仲制字於
上谷壽王能辨汾陰之鼎侯芭克受芸亭之牘崔駰
遇物能銘崔實無籍不讀張超之賦敲金酈炎之才
抱玉劉邵揆藻於三都允漢魏之鸞驚張華鳳箋寫
志張載劒閣鵲字酈道元注柔欽之水經盧辯解大
戴之禮記魏收史才平恒博士能賦能詩陽休之蔚
彼時名飲酒讀騷盧元明成茲佳麗奮英華於北朝
掉詞鞅於五季隋則杜臺卿之玉燭寶典許善心之
神爵靈異雀頤魏澹劉焯劉炫褒貶之筆轍繡之彥
唐則盧彥卿纂輯魏紀李百藥論陳封建李守素肉
譜明通谷那律經庫淹貫李延壽正典切直張懷瓘

學源堂詩集

卷之一 賦

三

崔澄淵緩轡係詩盧知猷落簡措翰青錢萬選張
精良美玉成施李騰華賸高遠夫五十學詩崔元翰
七旬弗倦長卿自爲一集獲得獨存三卷李華吊古
戰場封放賜錦制院司空曙聲韻孤高李陽冰篆文
兼擅賈島苦吟劉賁切諫五代則扈載之賦章百代
皆羅崔稅之制詞一字難竄宋之纂文苑英華者宋
白李昉修冊府元龜者李維劉筠張昭口占獻俘之
禮柳開手著戒子之文扈蒙遺鷺山之稿宋綬圖幽
簿之真田偉堂名傳古李淑家是書林石曼卿風流
跌宕王安石中敏拔豐勻金則韓昉撰睿德之碑韓玉
製元勳之辭張盤溪日成百詠楊伯仁夜賦十題麻
九疇詔賜上第魏太初士奉師資元則辭于樞號漁
陽翰墨郝天挺注唐詩鼓吹姚燧國統有表劉遵採
蕙著詞高房山畫法米芾王學士筆誌高麗李京鳩
巢名集宋聚燕石傳詩水雲才子武伯威好學恬退
林屋洞主蘇大年枕籍遊嬉明則武或儒林碩望
詩書法勁放頓銳漁獵之秩幽妍盧柟蟻蒙之集悲
壯玉青屏得詩主之稱邢雲路正厝律巡姜馮時化
之酒史典核劉汝欽之樵吟縱浪側聞顯潛靡定舍

藏行用廼有冥鴻高翔遠繪棄世逃名聲施愈重許
由掛瓢於箕山厥子遁跡於松盤紛嵩陽之苗裔配
巢父而駢傳漢則安平崔毅辭榮翩翩鉅鹿孟敏被
召悁悁時苗畱憤標節張雍論實稱賢晉霍原不就
司徒之位張晏卒成註史之志張巨和安道賜名公
孫鳳貞德子謚樹魚淵鳥吳慶之抗言高寄食耕衣
蠶馮偉之介操無貳隋則平棘之崔李齊名頓丘之
清豐特立盧鴻偕弟以優游豈愛嵩丘殷懌渡江而
冥搜非悅長洲既濟引頸受劒志氣彌道張濟環山
絕樵感罕何周鄭邀焚細骨招隱之札李欒抱試吏

學源堂詩集

卷之一 賦

三

唱名之崔宋則賈逸祖築薌半隱遠則張潛却田遠
遊金則王師揚閉戶罕見王德元誨人無倦趙質一
詩而賜膏腴杜瑛隔代而謚文獻元則有志趣高尚
之張淳潛心經史之陳彥梁浩然以號號溪劉恣齋
因名名店明則鄒野漁詩誦貪魚張紹烈書歸烈燄
秦裕伯引故君以自譏多嘉祿由處士而交薦况乃
姬公材藝尼父多能前民利用智巧淹通思入風雲
技奪化工扁鵲受藥飲水藥巴嚙酒止烘李梵曆究
三統王蚤法精九宮黃泓以信識而歸於晉始智藏
以診脈而顯於隋終李光謂益人惟有書籍張嘔因

學源堂詩集

卷之一 賦

三

集書貴陟中丞吳遵世易林百卷信都芳算法五宗
景業能卜勸進顯祖許遵善相交權神武劉孝孫極
駁閭差盧太翼固諫避暑李清雲門遇仙奚鼎松烟
有譜高正臣鏤棲霞之碣邢和璞隱瀛海之游歌撰
百中王白自出機杆討論本草劉翰獨循規矩劉完
素悟起醉酒之仙杯張元素術精鑿心之大斧李東
垣十書最名任君謀四藝咸通李慶嗣和米療疫李
息齋畫竹研精趙世英承家之星曆田景延絕世之
丹青藝元塑像古粹劉冠印手神異劉于台占唐山
之一絕趙得秀作林慮之三獻古者賓旅頌典寓公
廼傳鳳攬德輝高山大川燕趙千里詎繁無繁豫讓
名橋於淹孺仲連辭爵於邯鄲無忌受郢城之湯沐
荆軻泣易水之衣冠馬嚴聚族於鉅下趙岐匿影於
河間關羽遇主於涿郡應邵託跡於幽燕陳琳代袁
紹之檄劉禪賦黎陽之山趙至易名而占遼西之戶
王猛鬻畚而居魏博之邊王憲逢道武於高邑范晔
受徵聘於清河張燕公愛抱陽而築室王義方客魏
郡而行歌家鉉翁改館瀛海孔汝罷遠奔鄴披郝經
設帳於保塞李椿上居於渾沱薛瑄大儒元氏應鳳
沈鍊直諫譴踰蜚狐淇甘泉垂絳紗於濡水李卓吾

封窰穿於路渠它如木杯錫杖玉石丹臺紫氣西邁
青蓮東來教演中土陶冶環材幽燕瀛真本本芳芳
二氏現行真源聖胎燕有甘需能邀金丹漢有玄俗
恒餐雲母琴高乘赤鯉而過涿流飽轍煮白石而度
颶颶甘始誇南海之金郝姑嫁東海之煩佛圖澄示
幻於邢州葛稚川煉藥於唐阜講經點石竺道生本
鉅鹿之籍羽化吐煙寇謙之寶昌平之客梵志割榆
瘦之兒玄奘泛木匣之厄寶公坐臥平石屋靜婉茶
毘於香樹薛頤築紫府於九變師正占清泉於嵩谷
呂岩受枕於邯鄲張果策術於恒麓一行定八百歲
學源堂詩集 卷之一 賦 雷

楊燧術竟脫棺郝姑雲來扶脚江永一矢秋王曰金
見道之作長空一月圓朱善若了性之學懿碩摩詰
箕降嶽天不愛道華挺實地庸愛寶鉅星精而細
土麗式山搜而澤討穀之屬今黍稷離離粟別三色
秋分二宜稻尚石塘之榮麥多金王之秣叶回鶻之
豌豆可作養匹角之牟融通爲飴蕙苾味侔乎百粵
巨勝香奪乎五芝蔬之屬今香芹信是楚葵遂州之
黃芽切肪劈玉東垣之青韭露種霜肥春不老琅玕
輪碧草石蠶甘露比滋蔞藍去莖而取祗懷香小粒
而繁枝蠶吾之土芋曰豆銀山之樹耳曰雞天花爲
學源堂詩集 卷之一 賦 雷

之層差惠能傳五六祖之燈錄洞玄羽化放紫雲薛
昌身輕於商陸俞靈瓊絕粒而回風鄭希誠揮筭而
致澍鄧隱峯倒化炫奇丘處仲棄屣伴怒昔其寶藥
石垣分身劉商服木許碁醉吟羅喬白羸行壁守干
紙衣示人崇辨尸解駭俗懷丙技巧絕倫田志亨馴
蛇表異劉道秀逃盜驚羣蕭淨興化雀入夢梅志仙
徒栢出神蔡湛然賜名江月丘處機封號長春海上
老人煮石脈餓東峯長老索黍給鄰劉海蟾解紐以
道曷無竭泛海尋真病虎運籌於帷幄鐵牌驅神於
雷電唐老姑投大茂之石崖尹蓬頭騎關西之鐵鶴

吉祥慎火龍珠虎鬚戴星宜男箭頭鈴兒觀音色碧
女羅線披藥之屬則薑石皓皓葛根施施南星夏結
地膚秋菴五味爲五行之粹百合因有瓣而締讀書
須餌遠志代茗或潑蒺藜劉寄奴蛇知療創禹餘糧
石可救饑白頭蒼耳蠶房兎絲藜蘆蓂若丹參靈脂
天花澆粉地骨皺皮商陸秦朮馬舄牛膝慈慈天藕
鹿竹羊躑躅蛭生桑者最膏乳鍾石者稀夏枯草葶
歷之類夜明沙蝙蝠之遺莧蔚俗呼益母符黃直是
蒲棧葉山川之品味古未殫於黃岐厥有衆產今復
雜進而交馳不灰之木燄燄莫欺止水之石漂漂倒

學源堂詩集

卷之一

賦

浙房山之土五色馬峪之煤萬縹緲石歷數蒼之版
橡斗烏太素之綈百貨之屬利用不貲屯絹登織而
韌棉布斗紋且麗毛穎傳蒙恬之法松烟以爲墨爲
師菱花開易易之市翠濤買道欄之純羽之屬則舒
鳬花鴨白鴉烏鴉鴛鴦鴉鴉桑扈鴉鴉舒組鴉鴉
舒鴉鴉舒令戴勝鴉鴉鳬鳬啼血逃河鴉鴉鴉斯則
葦啄木鴉鴉鴉鴉集集濯水鴉鴉道叢茨鴉大如鴉
鳴似鴉錦衣翠羽鐵腳鴉鴉鴉鴉鴉鴉鴉鴉鴉載
蜚載鴉於於滑毛之屬則燕代之駿趙魏之羣駝
駝非種衛塞異蹏赤驂白雉閒色爲俊滑油驢源

規獨抵橋檢盧借拾八羌御厨田鼠狐貉虎熊
臂旋旋舉肉贅贅東郭之貌超超中山之狼狂狂曰
純曰肥曰新曰發負塗趨下喜雨中泥黽黽穴壁松
鼠轉枝鱗之屬則鯉魴魴魴魴魴魴魴魴魴魴魴
魴魴魴魴魴之玉尺俠如鱗鱗白洋之石蓮小若鯉
魴介之屬則鼈鼈龜龜龜蛤蚌蛭蛭蛭蛭蛭蛭蛭
蟻蟲之屬則蠶老三眠蜂分四栖蠟蟻以蟬聲別字
蟋蟀因促織登詩蛺蝶可入滕王之繪蜉蝣亦紀傳
咸之辭金鐘夜響鼃馬久嘶蟬蟬結塞蟻蟻成師馬
陸百足牛蟻一雌一雄百子螺贏異兒蟬食神仙之

學源堂詩集

卷之一

賦

字蛛吐經緯之絲水秀木非同河蟹紅螯子卽是橘
雞蝶蛭蛭蛭蛭蛭蛭蛭蛭蛭蛭蛭蛭蛭蛭蛭蛭蛭
蚪蟹蟹蚪蚪田雞壁虎蝥蝥蝥蝥蝥蝥蝥蝥蝥蝥
籬窮山經與水牯蓋萬彙而千斯也荷敷皇畿金甌
玉燭爽塏今赤埴黃墟閭閻今山峽水渙飛樓登櫓
今崇墉壘壘納駟停驂今名閭簇簇千霄凌漢今閣
館接平宮牆納結納橐今園闢市平葭屋廼有玉
金垆秦壘漢碣福地洞天梵林寶閣沈沈今虎豹當
關闢闢今龍影建節陸輪蹏蹏而水舳舳城絃歌而堦
枌榆有香片潔藻之鄉校無槍櫓碧雞之邪正曠不

吞乎雲漢溢不沸乎天吳且而履珍膾錯煥統寒暑
輶騏策驅牽虛引借囁囁然詡冀北之江南卑卑然
信土美而知樂式可奠鼎以宅中無矜背邛而面洛
必也堯文思舜允釐禹祇台湯日躋文武成康作求
於本支罷罷乎邁漢文之恭儉恢恢乎軼貞觀之弘
遠翼翼乎天鑒在茲恤恤乎下民辛癸好學勤乙夜
之披察通慎綴衣之選它如雉頭焚裘羊炙輟饑露
臺惜費東都罷遊止輦可受折檻莫修誠懿辟之方
駕斯馨德之股流載親愛龍乘鈞俊又克位庶績其
凝六府允治得賢撰頌聚星詹瑞又何有於麒麟生

學源堂詩集

卷之一 賦

三

鳳皇鳴屈軼茁含譽品甘露降芝草榮雨暘時若黍
稷屢豐塗夥黃髮之叟里戲仁心之童諸福之物匪
至可致之祥游典也乎逝將麟膏西獻鳳髓東薦日
南貢昭涼不夜之排漠北輪奔霄追電之駢聲攸訖
於繡齒雌題王享會乎堯封禹甸於戲天眷帝顧寵
錫版宇哉建邦設都陳殷置輔哉奏假懷柔宰制包
舉哉欽茲勳華謨烈之邛隆聿爲天地神人之宗生
哉

南苑賦 御試

洪惟華疆繡錯九圍歸禹甸之中化日雲騰
千里作堯都之衛形勢誇龍蟠而虎踞景麗
神皋規模壯乾柱與坤維名雄上苑宮非五
柞熙時闢地以蒐田固豈長楊 聖主乘時
而論道 詔許獻賦臣敬成章賦曰

燕山嵯峨而吐秀今玉水潏洄而發祥擴督亢之沃
野今俯碣石之巨洋旣屏擁乎土谷今復襟抱夫漁
陽雄收四隩今吉萃中央巍巍乎 帝闕今山河之
光臨應乎京兆今日月之傍厥有奧區今國都之望
學源堂詩集 卷之十 賦 五

曠衍兮金埴玉壤環匝兮紺壁丹牆水則漣漪而鮮
碧今陸則複道而虹梁木鬱鬱兮栖雲草芊綿兮吐
香鳥兮翺翺有鸞有鶴有鵠有鵠獸兮牲牲曰麋曰
麋曰狍曰獐駕周文之靈囿陋漢武之長楊仰焉瞻
今檠棟輦飛者宮室館軒之崇麗金輝而碧煌頽焉
睇兮檻砌蕃息者胎卵濕化之族類趨蜚與鳴蜚疏
觀四序景美辰良鶯織柳綠雲爛霞章魚泛苔蘚午
爽朝涼賓鴻之嘹唳兮颺肅而露瀼雪樹之婆娑兮
瑤積而瓊巖綜天時與地利兮豐鎬失其爽塏豐沛
讓其平康攬物華與土宜兮山海何必宮府象桂何

必梯航上國之所獨勝也載游而載息賢者而後樂此乎無怠而無荒

學源堂詩集卷之十賦

手

桂賦 有引

里中王子玉樵爲余寫桂林圖揭於屏上曰

古無桂賦蓋補文苑之闕因作賦曰

五行首木萬卉僉羣羗纍纍而結實繁華而揚葩
榮青陽而舒錦望白帝而凋榘結實者英弗畢秘揚
葩者實未全嘉孰託根於雲窟孰墜露於烟霞維茲
桂樹夏平庶木精感陽星灌生粹族挺冬榮於臯塗
紛夏綠於賁谷植宮簾兮鳴則兆祥獻遐荒兮採則
潰蠹不因壤而改辛詎逐風而實馥產匪一方於交
於廣於粵於湘載天喬於招搖之陽名匪一有曰檉
學源堂詩集卷之一賦 圭
曰杜曰箇曰柳結連理於太液之藪若題月桂落子
於霧隱天竺盤根於湖吟初猶樾蔭蔭嶺南漸乃椒
繁於江叻允稱震旦之瓊芳亦極宇宙之瑰品也已
閒嘗相厭始生如棘如櫟巔巖礪壑聚幹叢英洎其
嚙茂蔽日捎星膚黃心赤皮卷脂盈凌霜颺而溜雨
挺黛色而含精其花也號曰不時逢月仲而續綻或
云無種過年華而屢變皚皚庫銀之燦煌煌庫金之
爛像山茶之朱衣擬紫薇而多瓣故朱旼可比木蘭
可亂隨方言而莫辨其香則巨庫五里溪里惹游人
之素袂其氣則流序前楹後楹熏芳林之上苑學嶺

梅之帶酸接籬鞠而競豔或藉字爲林薄或賣名爲
郡縣其枝橫似幕陰濃其葉盈尺櫛比澤類如琅
琊之柏而鋸齒如枇杷之理而圭形其實之大者比
聚韓衆探於開河之堡小者如菽君房觀於月輪之
表其爲林也甘泉之柱撐彼霧波交趾之園菴彼雲
蘿騷經謂汝爲舟楫仙傳載爾爲旗網凝琥珀之酒
醴泛五醴而導輪經岐黃之草鞭王百藥而獨疥疥
良於羶肉良於刺飲龜以露釣魚以餌鮪鮪庠孔鸞
之所棲喈喈庠金鷄之所比桂父和龜腦而駢吞雞
婁浸竹汁而偕庠爾其受般倖迄繩墨也遷今昇宜
學源堂詩集 卷之一 賦 圭

鶴子賦 有序

鶴仙禽也多生澤國中宋時吳中士大夫家
皆養之產卵多不伏故鮮子焉或曰胎生者
神其說也宋以後始致西北潔棲香處嗜靜
長年罔有孳育考之淮南八公相鶴經云鶴
陽鳥喜遊于陰得露則警大抵陰陽和厥性
乃適故愛陰而警露西北地高寒春分以後
恒雨雪秋分以後即實霜二氣頗難和鶴居
其地安得有雛者頃者高陽柏園園中畜鶴
二雄雌耦也產卵輒抱伏之閱月生雛鮮白
學源堂詩集 卷之一 賦 圭
嫩點嬌嬌可愛見者須瑞公不任愛夫鶴最
壽克生雛爲眉介之徵易曰鳴鶴在陰其子
和之象君臣相得益彰也瑞在國與天下矣
公且爲國頌吾何不爲公頌爰爲賦曰
猗青田之仙羽來玄嶽之名都棲平泉之敞囿蔭金
谷之芳株振霜衣于露井刷玉羽于椒圖想靈藻于
崑閬憶瓊液于蓬壺雄昂朱而高步雌翻雪而長呼
形奇亞鳳音亮驚鳬瑤池瞰行碧岫騰梧翔和風之
習習濯澍雨之淒淒感陰陽之諧愛斯日月之昭蘇
產瑤丸而不輟脫晶殼而生雛園丁喜而報瑞園人

慶以稱殊迺翼迺哺迺劇迺躍白雲鼓舞素練抑掄
引貢吮兮有倡而有和跂修趾今日步而曰趨宛宛
芝田之戲翩翩金城之翎嘹唳聞天之響躡躑躑凌雲
之軀炯漆睛以顧子藏丹爪以卓駒故易象堂簾之
喜起而詩託啟沃之猷謨蓋聖人在位則翔于甸君
子多福則銜其殊矧其綿千齡而不老比九儀以呈
符者哉

學源堂詩集 卷之一 賦

音

學源堂詩集卷之二

清苑郭紫快園著

五言古

纂修

世祖章皇帝實錄告成蒙

恩晉秩 頒錫銀幣鞍馬有差仍

賜宴禮部恭紀奉和李高陽相國韻

皇祖道登三凝績府修六光華日昃昭清寧乾坤復

垂衣十八期謨烈燦燦燄燄帝紘挺瑱瑱王澤海

取沃我

學源堂詩集 卷之二 五言古

十

皇猷鴻圖耿光勤初服典則念鈞石股肱儼喬木受

曆紹堯心闢門明舜目玉署延時髦金匱啓日

錄繼述思親揚編摩嚴嚴誠勗肇修循古章館宇

弘以肅誰實職厥要監總勅杖卜誰實職厥詳

羣材脩林檉發凡義例明分曹十二局維新尤

簡箋求舊召耶屬記注合章疏萬有三千牘宜

付翰墨林精繹無促督縉紳玉牒文藻采柏梁

曲繁簡度體裁洪纖寡登複自是九敘功豈曰

三長足瑤笈曜龍寶寶襲芸屏文獻五鳳修

字排千毫禿猷炭烘沍寒梅榮解炎燠閣時五

支干精勤首鈞軸七十二芝函分體亦分橫午
月應當陽畏鐘啓旦旭舉以朱寶鼎燦以羽葆

蘇

天子南面受

敷陛歌皇穆瑤編一代書靈貺萬年祝仰識

天顏喜膏流臣共沐官傳與朕尹加扶視班祿鏤錦

酬報章房宿下天驛南官列上尊儀典非繁綈

臣自辭香案拓落風塵俗一紀切環恩天亨而

地毒尚方分筆札大官給公餽受茲

恩寵深靜思罔勞碌况乃攀附奇厠名帛與竹所願

學源堂詩集 卷之二 五言古

二

勤紹庭陟降益誠焉

祖法鑑萬秋

皇仁濶四瀆奎壁來人間呵護霞霄錄

大司寇劉端敏公崇祀鄉賢祠

古之社稷臣祀豐儉壇廡公績滿方州宜爾侑鍾虞

鬱蔥東平舒魂魄依鄉土繁哉此邦人勿勿風流古

無斃鄉先生須林闢祠宇以享而以祀迎神奉木主

薌蠶薦藻芹馨香陳稷黍濟濟拜衣冠煌煌考鐘鼓

攸以妥哲人攸以勗接武英爽載雲旂縹緲乘風雨

粵聞畏壘間弗忘庚桑楚以彼祖老聃瞻將孔顏伍

惟公醇乎醇無愧茲簋簠千秋百世長翳光輝狀觀

澤州苗仁居世家裔也讀書不得志於有司以

異塗官郡司獄溫恬雅潔矯矯白好字識於

稠衆中招之與語因得其所學時相遇從願

快之不一載以內艱歸作此送之

古人起掾吏迤邐躋公卿詎繫其命運蘊抱良錚錚

嚙謂刀筆吏末由求儔英高都苗氏子上世多精經

學書不學劍不律能縱橫溫雅人致澤潞翔懿聲

懷鉛不見售乃慕鄒侯名其將致堯舜且以博斗升

謁銓司行往保州都會城重念憂市獄永期猶榮榮

學源堂詩集 卷之二 五言古

三

一命不自薄春草圖扉青古云獄吏尊今稱獄吏平

安必綰墨綬纔可惠烝氓公餘陟岵岵看雲淚雨傾

尸瘞切來諗奚啻皇華情迺者菊初綻遽傳護失榮

投牒適言歸樂樂忍消停素冠來賦別涕零復涕零

慙無驂可解束芻蕘壺陸贈言勝贈軒腐語而殺丁

嘆息君歸矣花徑復誰迎

遇張漢昭於天寧寺

蓬蓬督亢風吹滿白河路雖離北飛鴻不宿新昌樹

無處寄相思停雲徒爾賦宦游客猶寮蕭寂愜余素

握手逢張仲白髮相驚顧離別固足歎景光惜遲暮

君才一石強我亦寸長錄少壯期抱賒詎忍學干祿
顏郎紫布衫竟爾尼言誤三千卷張華十八歲丁固
吁嗟兩不如剝作青箱蠹君去買何山爲我畱空谷

題楊覺山給諫乙閣

君修五鳳才小試構層閣隙地四尺強趨爾起華萼
翹舉屋瓦齊屋齊勢乃廓四尺復四尺几牀容綽綽
一半覆茅茨一半敞虛格如此炎炎何日中施布幕
綽疏儼嶺嶺飛聲當簾箔周顧屋鱗鱗莫可圖恢擴
咄咄西南隅掛拱檐牙錯孤懸若斥堠枝柱各有託
相望不相即架約使聯絡屈曲護雕闌延迴而根格

學源堂詩集

卷之二 五言古

四

聳焉得岑樓直欲捫碧落虛憇四面開警夜三更柝
樸不事雕鏤猶動丹樓落成獨凭臨雲裏瞻鵲鵲
玉泉青欲來剝門煙囪九衢碁局鋪萬井奕秋若
頽視藻林間窈窕縹緲薄梧桐昂若企拳石具傑格
垂柳舞蠻腰新篁蟠蚓脚嵌簷五粒松翠鬣紛郭索
側聞管度時般倕皆錯愕莫敢引墨繩只堪供斧鑿
材成隨意置鮮不中架獲相顧歎神奇胸中有丘壑
客來坐卧畱况乃共杯酌僕僕東華塵伊誰識此樂

題沙會清大宗伯小像

叩瞻旋下拜秩宗儼在茲光風與霽月尺幅靡遺姿

長松滴翠露孤崔岵丹墀樹聲仙樂奏石趾靈苗滋
高座勤授經麟角美賢翳荀家有九龍英漢者阿誰
十丈紅塵外君子樂莫支熏以沉香瓣馨風鈴閣吹
題許實夫扇頭小像

高宗夢良弼物色版築間此夢人不作汝南十畝閒
枯坐寂無侶抱郝隆太山莫如圖障面我與我周旋

書劉匪石扇頭

余雅不近名矧其泐金石多君擅摘文揮鐵而刻畫
懸針無曲痕垂露得古澤孔陽如拖朱太素顛飛白
直令埤鼎焚何必美竹帛瑩瑩復晶晶流光向書冊

學源堂詩集

卷之二 五言古

五

爲張晴峯水部題古琴

閉門操古音淪淪莫與聽古調已難叶矧也古桐絙
聞君得雷琴吁嗟久不定神物已千年疇爲寶餘剩
啓盼紋縱橫髹光烏玉瑩撫之聲堂皇溫如酒漬磬
大唐雷氏鄧五字琴腹孕計經先民識宣和信鏤題
縫襲裁古錦願與桐君稱爲憶古人言據梧有清興
高梁河觀漁登高阜望西山雲氣

郊游暮春好歷歷西山道玉泉匯高梁澄波自瀾瀾
步屨河之濔盱衡愴懷抱漁竿不美淵網罟絕特藻
獲鱗一尺強種條貫顛倒不換酒家酣特享趙魏老

舍之陟青岡煙嵐西山暉游絲織翠峯空花散蒼昊
延佇意以馳賈山悔不早

雨後慈仁寺據松看月

不信雨催月桂輪雨霽潔將無切利天晴皓空一切
古松壓壩堪得月以清絕滴瀝沾人衣絳綵生翠纈
據之對蟾蜍心曾灑冰雪

社會

五日同藤仙弟諸子羣孫步詣城隍廟是日爲

聞寂棘人意守戶類頗當里俗天中日結社賽城隍
憶我舞象年追隨祖父行葛衣履新履精理焚瓣香

學源堂詩集

卷之二

五言古

七

曾聞幾歲月兒孫頭角長步履情舊履老癯歎相將
出豈無車馬道左皆梓桑訖祭聊延坤今昔並焉傷
昔時闢衛巷糴糗多貨耶揮汗如落雨汲水翻銀牀
貿遷亘五里人語雜四方腐墻有隙地走馬闢鷄場
猶恐墮增華先宜慮非常屈指四十載雲淵判景光
昔人尚儉質今人多飛揚飛揚尚爾爾憂心殊徬徨

黃梁祠

仙都關塵境秋光散清敞紺閣截雲直深殿栖霞爽
英英白笑菓香颺蕩不往鳥雀驚鶴音啾啾遠塵埃
兀兀石人眼瑯珠類偃仰云是古盧生伏牀夢惘恍

肉睡魂結構石睡無意想所以清虛徒煉形歸象園
一夢有醒時一醒能悵惘何異棄舊侯失志赤松訪
茫茫百古今羣焉愧石丈

小憩蘿月庵

設設風喧松冷冷泉漱篠勞人航塵埃秋暑役佻佻
野剎晴開關叩之精舍窮解帶披陰涼蜩螗咽木杪
納老手華嚴句咀義弗了哂謂宰官身何不安昏曉

題顧見山書

白雲沒雙嶺寂歷歷包山寺雨來鐘聲沉策策松關闕
老樹互陰森顏通紅牆醉石梁東澗水注茲田閒遂
學源堂詩集

卷之二

五言古

七

李湘北學士貽視遠玻璃鏡

誰曰眸子良遠近眎懸隔少陵萬里朝離朱尺水路
凝電徹王戎火光動李太白我亦具雙瞳照人不越陌
莫言馬練迷已苦虎石嚇指鹿易售奸射梅須遜客
十年辨婢癡五步猜童額侍君子三愆余愆足千百
人謂此子狂相逢噴噴覲薄暮霧暈沉當階見蜩螗
燒蘭對檢編銖黍點點畫據案羣龍蛇踟躕駐無假借
所曉畢狀望不復判丘澤西洋人構思巧奪換眼役

錯錯磨玻黎惆悵薄無隙量匪作玉規類彼菱花窄
如學藥山遮飲光不四射莫遂蠶如牛差免朱爲碧
棲以香楠方佩纓便卽席青蓮有懸珠視之蒙締絡
慷慨以貽余青白憑阮籍坐當百可亭皎如月生魄
畦花見舊蕾井床見甌噉頓覺天地寬翻疑日月赤
安得趙州光天涯無隱贖

冬日歎

吁嗟來日短冬尤苦促迫鷄鳴恒夙興櫛沐東方白
讀書纔數行西檐紅三尺策馬踏花磚公餐會罷席
徘徊日卓午倒履迎蕭客呼僮解腰帶靈履忽垂衣

學源堂詩集 卷之二十五 古

人

書邵弘齋先生傳後

有明崇議論廟堂常虎爭激昂而伏蒲爭理弗爭情
動作人主意措紳禍旋成執理者恒謂附情者通榮
分鑣互攻擊傾軋烈談生所以骨鯁士蒙譴不肯輕
粵常嘉靖初大禮議縱橫帝父而居母尊親義欲明
繼統非繼後茲論亦持平堅執入廟寢何以置大行
一人念電繞衆人念龍擎堂陛角是非博辯幾旬旬
致令與獻后東華入鳳城世宗亦人子安得勿忤忤
因之希旨者片言獵崢嶸嗟彼在廷臣裂眦而競名

張桂據上游觸之鮮不傾抗疏數十章繫繫烟瘴行
武林邵夫子持已以廉貞執政固桑梓薰藉氣不迎
涅之不受淄逝與虎牙櫻況也辨賢姦秋霜白菊盈
當其鼓忠直茅焦詎畏烹借叢者肆螫玉不碎不羸
灰囊獄吏慘青袍鬼神驚九死而未死天眼何其清
勿功乾清火勿憾嗾焚獐噉噉者易缺先民有定箴
荷戈向蒲海著書滿箚簾南閩奉絳紗至今祠三猛
高爵與永譽千載宁持衡

學源堂詩集

卷之二十五

五言古

九

學源堂詩集卷之三

清苑郭棻快園著

七言古

昇平嘉宴紀 恩詩 有序

康熙二十一年正月十四日

上諭集內附以學士六部尚書侍郎都察院通政司

大理寺卿上賓及常寺太僕寺苑祿寺卿翰林

院掌院學士暨修撰以上詹事府庶事儒贊善

以以上順天府府尹國子監祭酒前業六科掌印

給事中御史中丞等道監察御史諸臣侍宴

學源堂詩集卷之三 七言古

從前官是日已刻於學士華衆館留禮殿聖運門

外畢詣

乾清門

上命內直學士傳諭云朕以海寓蕩平上元節屆特

召爾等侍宴內廷君臣忭慶喜起紹休務副朕

懷咸歌醉飽式隆嘉會諭訖分左右班序入

上御黼座諸臣叩頭列稍肅坐奏樂肆筵東西班首

大臣詣上尊所酌酒進

御案前退跪階下候

上盡觴復至

御前承爵退跪上尊所內侍酌酒

賜行禮大臣各一杯跪飲訖復入班坐未幾

召大學士尚書侍郎以次跪

御案前以金盃

賜飲餘員五人一班伙

殿陛旁承

恩既復坐梨園奏演陽和布令三星並耀戲文二

閣撤饌設環果嘉蔬大臣再進酒如前儀出

尚方密醖更

賜諸臣飲亦如前傳諭言笑咳唾不禁旋奏飲天

學源堂詩集卷之三 七言古

監製進西洋樂器仍許六卿近觀熬山燈畢叩

頭謝 恩出時漏下二鼓已 臣茶 濫廁詞曹追

隨卿寺初趨

禁禦嚴臨瓊宮貝闕之間游近

宸居快觀崑崙蓬壺之界耳目洋洋而有懽心曾

惕惕以靡寧升瑞階入玉祀踰踰步武迷

龍旂就玳筵登綵櫺濟濟衣冠環

豹罕元條進酒禮明而益昭

天子之尊庶尹傾觴樂奏而彌感

君恩之重捧金盃於桂棟醴泛九霞舉象七於椒垣

羹嘗七寶爐煙裊條風而欲傷燭華交明月以
齊輝坐未移時酒行更進吟

天語於

帝左右臣哉鄰哉不醉無歸沛

皇恩於

殿東西卿士庶士式燕以衍莫學山簡羽林自有
人扶不怕金吾蓮炬無須夜撤咲言弗禁

滄海含弘咳唾相聞珠璣錯落醉飽而小大稽首

覺拜舞之僊僊旋歸而泮渙作歌矢報稱之翼

翼猗歟盛也

學源堂詩集卷之三 七言古

三

元首喜而股肱起邁虞廷九敘之隆風雲從而地天
交鬯泰卦五爻之理况平淮碑誤虎正包戈而
撻楚勲銘鳳將銜

詔

聲霧遐暢矣載逢燈夜之傳柑

宵旰聿寧庠式傲泮宮而飲酒嘉會足以合禮太

平不可無徵於是

帝命作歌直壓柏梁之體臣工獻賦倅開金匱以藏

七言韻叶乎化陽一句吟安乎一字

絲綸振藻和風麗日綯天章臺閣揚施復旦卿雲

虞

帝業金授而玉璽謬地擲之有聲璧合而珠連葉天

衣之無縫如讀一典多都俞咨傲之詞似獻三

銘具啓沃疑丞之意百爾榮叨乎

曠典記壬戌上元

九重疊錫以隆名曰昇平嘉宴曾稽古史未見多

書披梧桐鳳翹之章祇謂端於天子誦裳華露

滑之什但云美彼元侯瞻洛適會於東都采菽

用荅乎魚藻即魯歌在莠幾會

天闕鋪筵若漢奏橫汾不過河洲得句嬾

學源堂詩集卷之三 七言古

四

今未爲絕盛振古如茲罕聞幸飽德而醉心謹

摛詞以紀事慕重唐之蘇軾典可爲謨效擬古

之韓愈賦且兼頌云

於燦景運命溥將寶曆頌春啓青陽赫赫履履

靖南荒禮樂征伐有道彰燿樂盛牲告昊蒼懷

柔百神嵩呼長止戈振旅車彭彭宵衣旰食寧

我

皇惻惻軫懷民瘼瘡

敷恩肆赦方夏康惠此畿甸綏四方永天桂海祝

無疆

宸心豫悅明堂畏吾百濟來享主勳華邦理登

虞唐上元令節時相當

帝曰爲予集鵷行大官法醞列壺觴麟脯鳳炙予以

湘酌言燕胥坐建章三事六府步趨賡文學諫

議來頤頤

天門至止整鵷鴈序鱗次循椒牆飄飄如登玉

京坊五城十二樓軒昂稽首頓首

黼座傍一朶紅雲捧未央秩秩威儀準太常天杯

上壽曠瑤琬僊樂奏飢饉入琅玕金猊寶鴨梅檀

香蘭楹桂棟魁能張左之右之領杜房鸞旂豹

學源堂詩集卷之三 七言古

五

尾羽林裝曰卿曰士坐巖廊森疎悚息

楓陛壁肅肅不聞履聲跡

官家旨酒卿其嘗

香案咫尺臣廻翔承

恩庖拜吸瓊漿醕斟酌澤枯腸須臾法部舞霓

裳陽和布令三星煌燕咲語兮樂斯昌咳唾欠

伸無矜莊既醉既飽古所遇

綸言宣勸謨洋洋莫愁明月夜珠涼九華萬影星

生芒瑤危傾瀉露瀼瀼惟酒無量思無量堯離

禁休風弄簫鰲山雁足機關強三行對滿氣溫

良伏蒲拜舞好檐廂應

詔聯吟效柏梁

聖藻首倡尊璚璫羣工何以續琳瑯股肱心膂陳

贊襄工虞水火鐵要詳疇實燃黎校縹緗珥華

玉簪慚班揚

綢旂彩沃資敏遑柱下紀注天祿藏含腴咀膏咏

鯨鱗抽青對白叶官商撫時麗景煙微茫柳柔

梅淡雁語忙火樹銀花照金塘星橋鎖鎖敞天

闌春風吹暖歌舞場懽言

天子宴承筐螭頭授簡調鏗鏘伊誰奪錦紫微耶詩

學源堂詩集卷之三 七言古

六

成揮毫獻明光檢點恐懼迷康璋

帝覽曰都金玉相讓猷人告汝予臣職思其居無愆

忘魚麗古詠何足減星聚奎壁佇呈祥遭逢泰

交心叩叩鳳凰今已鳴高岡愧言五斗糜天念

經營膂力非方剛靡以報稱勒青箱太平身可

游

帝鄉

送杜子靜編修乞假歸南宮展墓

綠萼花綻酸風早鶯柔柳嫩蘆溝道紅塵紫陌正春

歸多少才人賦不了有客持書叫九閭自言十載待

金門吐鳳鸞龍報 天子獻錦朱提荷 國恩爲揚
祖德臣念祖 渟沱南岸松楸古 乞得麟洲五木香去
封馬鬣一抔土 侵晨拜疏夕聞命 錦鸛油幕春風競
如雲祖帳廣寧門 草香水色車前映 南亭風物古來
偏桑柘依然百里煙 君家浣花村正好 少陵況應德
星躔品花許酒寧 寂莫夜長定教銀河落絳水 春浮
釣月舟蒼嶽秋蠟登山 躡沈家有胖徐家肺情親老
友風流在醉鄉自古無風波何必偃僂學後輩 天
家虎觀書峻嶒 管校還須劉向能 莫爲尊醺情眷戀
殿前正有金蓮燈

學源堂詩集

卷之三

七言古

七

田雨來太史假歸德水過里相晤賦長句

劇想層冰踏赤腳 阿誰剝啄驚門爵 訊知東海小孟
嘗投牒辭從天祿 閣君家才藻壓機雲 正須獻賦吟
花萼 莫因尊美饒季鷹 多爲塵縉惱康樂 歸去定登
日觀峯 還囑紅輪溯碧落 一泮德水閱千飄 九點齊
煙舞雙雀 策得衛兒儼雪精神山仙嶠 堪行藥拾來
海月怕俗腸清苑河陽寄北郭

張子大編修假歸滄陽過里相晤

誰叩我門驚我雀 季鷹歸憶尊醺好 盧溝南渡大鷗
陽指顧衰翁在豐草 停車欵欵登我堂 握手慙慙慙吐

懷抱團爐促膝見 爾情黎面霜髭憐我老 老人憔悴
自尋常 才子何緣歎潦倒 索米十年不調官 衙籍干
里還鄉堡吁嗟乎 富貴爭參如意珠 賢豪忍抱逃邦
寶 大家累世況清白 青山一片值多少 墨莊鄴梁古
香畱千年瓜望堪尋討 翩翩舞膝鳳毛奇 自有賢人
星聚曉天下 英雄大小兒世間 柏苑浮游藻日者 恒
言尅我官權門 惟愛依人鳥 我自讀書肝氣平 買山
只恐無侔窠

庚申夏王玉樵爲予作小像甚得神今失所在

屬更作之十年加老筆墨必殊曠其嘆矣

學源堂詩集

卷之三

七言古

八

君昔置我畫圖中 野服飄飄似御風 觀者噴噴歎神
絕就頰添毛未爲工 豈是點睛龍破壁 突如拔宅蒼
飛空 流落人間定詫異 辨香無迺南豐君不見凌
煙璀璨有時爐雲臺 峩峩有時隕况乃爲溪幾尺絹
何妨化作東洋蜃 凌煙雲臺圯誰修 此圖賴有張俗
由莫教絲繡平原像 不用金塗太尉眸 黃冠道士張
孺子白衣山人李 鄴侯採芝躡屨白嶽麓 挂冠訪與
赤松遊 孺子鄴侯皆勇退 慚余三黜不自艾 頭止莫
著進賢冠 腰間莫綰金魚袋 菱荷裁衣芒屨好 往
三洲吸漚霧 閱盡塵情兩鬢霜 眉無愁鎖慙徜徉

行刷藥山南北靈苗瑤草盈筠篴本來面目脫無失
絕勝竹帛與旂常煩君爲我重刻齋擬付郎峯深處
藏

甲子汪鍾如吏部典試秦中遊碑洞觀石刻齋
萱二字有符孝思墓之歸園於堂爲太夫人

八十稱觴

天官玉尺照雍州蒐古遺文碑洞遊快觀壽萱不朽
字墓懸畫錦最高頭客來賔賔稱奇特提壺把盞歌
維則莫須東哲補南陔莫須瑤華采西極南陔西極
聲與香何如仙錄玉爲章今年海屋添八十春酒如

學源堂詩集

卷之三

七言古

九

灑然北堂髮髮宜象服婆娑綺席扶印竹仰瞻
堂額慨然歎世間誰復倚景福知是千載以前人濡
毫藉爾報其親懿哉可以垂汗簡郁矣可以鐫貞珉
汗簡貞珉卷有待繡虎才人如烟海競抽思繭入風
雲共吐筆花壓蘭茝頌君燕喜純嘏篇祝母介眉億
斯年自茲西雍碑洞裏嘉話洋洋美更傳

苦節吟

比部許生洲作苦節吟爲
其節婦石徵詩後韻賦此

雪天松栢知凋後展誦苦節吟一首合肥邦媛萬石
齋綺齒結繡汝南冑汝南華冑視作田繡虎才名棄
繡年爪長骨瘦如昌谷白玉樓成徵上天帶舊栢舟

子啼饑年荒不催瘠孤兒髮髮老姑七十五那知巧
婦無米炊截髮換米此珠可機絲指絰何曾隋九龍
燈白曉林霜畫荻淚紅寒食火大兒總引授經書小
兒對鄰認之平園中有師其遷舍慈母之見君子儒
丁安十四能詞賦囊中之錐穎已露獻策金門請旌
章班家孝經增典故

墨寶歌

杭關權使任梁河儀部署中觀王右軍草書

舊帖作

墨林草聖詒張顛腕下疑有神物運筆法得自舞劍

學源堂詩集

卷之三

七言古

十

與爭道此語其然豈其然噉力莫如僧懷素驚蛇入
草勢蜿蜒竭才乃見祝京兆怒如李陽爭涇揮老拳
不取姿媚取醜怪此道幾墮野狐禪我常緬懷石將
軍無法不備何獨此法怪筆陣一歌固神妙江東爛
熟成覲筌已未冬月來湖上故人快觀任君延釐酒
招我江關醉攤書滿案璧合而珠聯就中有冊蒼古
色云是大王狂草篇纔展不禁叫奇絕無暇句讀繙
翻翻枯藤曲篠虬幹繞驚濤駭浪蛟門旋天濤月暈
曼曼落戲鴻飛鶴搏雲烟如環之無端如縵之緣空
如石之插天神龍海馬盤旋騰踴於十

尺之蜀箋覽之不忍釋手重複細披眼新鮮沉雄
歷幽燕將秀潤色奪芳蘿娟眇彼背裂而髯張者殊
絕奚翅雲與淵須知張顛與懷素畫虎離難斑未全
愧我學書費柿葉譬如求鏡而磨甄君家玉季官侍
御典冊墨海熊如椽棟鄂堂前試把看將無齷齪三
沐瓣香一燃襲以巴焚之額非以梅檀之壓載上米
家書畫之船底幾哉吾說之不謬會稽之墨寶斯得
其傳

觀諸日如畫竹歌

雲際鉞蛟伸一臂亭亭十丈倒插地驚人疑是天柱

學源堂詩集

卷之三

七言古

十

垂潑壘乃見洪園翠武林諸子名宿流胸中磊磊枕
中秘生平萬事不肯俗渭川千畝五月醉日對此君
得其神龍籜鳳尾毫端類長短漫論十二節縱橫奚
止萬个字枝枝側面拜春風葉葉低眉雨中睡驅將
滕六壓垠垠掃開天衣曝藜萃風雨陰晴景固牙
簾瀟灑却無異化工之筆豈雷同老者濃烟淡者穉
就中更有飛來峯鑿壁英山憑位置淞江白水剪長
波千霄如入童子寺有時尺幘千簪簪森森子孫參
天志高堂素壁掛瀟湘無肉誰復想脂膩黃筌去今
幾百年畫苑不使風流墜東坡與可傳面湖今古得

君三而四我欲從君乞一開花結實圖鳳凰來儀與
之食

獲麥歌

萬頃黃雲剪剪收滿車滿車滿場頭東阡却愛西阡
好南陌爭誇北陌稠了了因齊撒蠟背垂垂穗重擺
刀緹蠟背刀緹悵婦子來觀真教田唆喜兩岐莫大
美漁陽五穗誰將歌渭水釋靈夜無鬼借車崆峒盡
有香生藥一麥三秋慶正賒田家老叟湧吞嗟今年
春雨還霖霖今年夏仲飛塵沙青黃續斷幾斛麥纔
道食新詎租謹詎租不比來官府田是屯莊隸營伍
學源堂詩集

卷之三

七言古

十

燈市行

上元張燈誰之爲漢祀太乙燎壇遠梁陳唐宋頗
樂舉則必書史策垂白驚轉花長春殿黃龍吐水臨
光宴摘星閣炯月引華結綺樓紅錦輪爛萬影千枝
酸觸天三更五夜塵飛煙妖奇鬼幻呈劇戲不爾不
稱太平年展轉踵增相好尚皇州紫陌無窮巷單門
競關買燈錢况乃高相與登閣長安賈屋太滯奇情

與物化凌工垂編串貝珠地寶碎剪截統緒天孫悲
製成相顧詫神速機巧直令鬼夜哭羅列懸挂歷長
衢說都人有眼福都人眼福不歌燈燈市年年花
樣增種角羚羊明玉葉流蕙錦裂金紵齊國琉璃
勾點點白似鑿冰赤懸火珠聯璧合萬象殊一派光
明爛燦何吳儂粵買心計稠譏評纂組不風流橫
淞江千尺水點染漁樵費校讐平山林山猥云俚金
幣慙慙徵畫史丘壑雲煙仿大癡樓臺風雨學小李
一毛一卉奔化工不是黃筌亦呂紀韓幹之馬戴嵩
牛人物却喜陳章侯仙佛鬼怪罕經見裙聲襍屨任
學源堂詩集 卷之三 七言古 五
朽勾堆珠疊碧吟呀錯穿鳳交螭雙鸞傳嶺南式樣
賞心裁海西機關誇手鑿細巧迴彎且更論更有驚
山占斷春十丈綠棚容不得棹船走馬妙入神于八
萬人噴噴歎延佇阿誰力能辦燈價那許司市平十
分中人產不換四姓小侯玳瑁鞍五陵豪客駿驄冠
編爛裘馬都成隊綵綵衣裳香不寒迎肩接踵健兒
擁笑談指點聲詢詢買得名姬休論金烏衣朱雀爭
相寵三日之前辨精明三日之後猶也無摩肩擊轂
辭燈市不脛而走誰擔扶市頭老叟冷眼觀屈指七
八城裏去吁嗟乎城外會無三十分明日依然有去

歲
臺閣行
皇帝御極十四載閏五月中之十三都城亢旱烟生
土樹葉焦卷如僵蠶二麥鶻鶻已枯槁三農未種且
焚焚飛沙蔽日幽薊北鏤石萎草黃河南河南剗北
千餘里延袤赤地誰舉趾蝗蝻羽亂蹄馱鳴裡柳
連靡蕪死大戟小戟刺苦根深泉淺泉汲濁水中旬
六月節已交茲時不雨絕耘耔京兆尹設祈雨壇
詔遣宗伯步長安五鼎其如白牡腐九衢無那紅座
乾梨園子弟閒聚語神龍最愛菩薩蠻扮演雜劇要
學源堂詩集 卷之三 七言古 五
龍君不怕都人作戲看裂綵剪絲結臺閣千尺巍巍
半天縛象神象鬼象御獵有樹有花有簾箔五歲童
子冠進賢四齡女兒衣錯落高竿聳座雲中行高僧
繡襖枝頭擲兒童粧飾變笑嬉風搖日曝旋狐疑叫
渴饒龍飛凌顛顛探絲絲散絲絲雄雌實旆排前導
鳳管鸞笙次第吹簫簫嘒嘒嘒同聲笙管笙絲繞動封
姨打鼓搬金聲傾側擺漿汲水勢倏忽轟轟過橋十
六連簾簇密擁千百疊金聲繡繡擊朱輪霧縠水繞
襯衫幪五王高館枚與那四姓小侯伯和仲玉花獅
子白鼻駒熙熙攘攘揚塵沙寶轡千條海中蜃朱纓

十里洛陽花開樓架屋香鬟笑揮汗噴煙白面誇其
儲酒胡都罷市童頭帶齒亦離家罷市離家羣來往
高招已過黑窰廠頻年日羽月羽飛今朝龍師雨師
賞都道白雲觀裏仙不及黑龍潭上饗礮礮無火列
缺暗誰云巫覡有神爽西山靈雲陰陰海子咽嗽
過水禽早識神龍好臺閣成湯何事禱桑林

苦雨行

長庚六月伏赤道鬼車纔駕天河倒嗟予傲居如齊
嬰半畝湫隘隱生草水之就下如建瓴決決瀉瀉積
黑潦雪鴻堂中深三尺漫漫不見簷前碣一架薈薇

學源堂詩集

卷之三 七言古

五

水底香幾拳礪砂中碧香鴨動欲泳而游跡龜活
似躡復躡穉子縮版學操舟奚童登案當登樓走
器隨相抵觸燕迴鴿轉相啁啾須臾墻角轟然隔須
臾檐牙素然投墻齧檐投雨不歇瓦溝滲漏衣裳溼
簾筍展轉不時停風奪疏櫺銀缸滅夜分蟲聽鄰
號瓦甌紛飛茅茨折坐等雞啼寂不聞料是摧頽時
與焚須臾使曉啓戶看蒼頭抖擻不勝寒乾封七載
猥云苦霪雨三朝更足歎

白雲莊喜雪行

荒廬伏出有泣無驗十三閱月已詎繁四序

無良辰摧毀餘心安忍更作綺語適者背秋
涉冬地曠方千天絕滕六加以從虎怒標因
而野馬橫凌明農者心惴惴也側聞東齋試
救荒之本草北楚申過糴之盟言金中粒比
於盤中珠塗殍澤鴻鄭俠疊綸已嗟乎二東
之杼柚久空三輔之供億孔亟英英而無
漸漸其奚秀憂人如杞奚以釋諸壻傳柑次
父先集維霰乃糝未掩隙果果復出越五日
薄暮條爾同雲馳黯浮玉繽紛棘人夜聽浙
瀝疑沙野陌遐矚混茫委稷於是豁目慰衷

學源堂詩集

卷之三 七言古

五

破涕爲笑呵研田濡毫頽式用作歌實匪
連光景之詞莫解霜露悽愴之感
東風破柳北風涼田氣蒸雲水氣蒼天垂大野日昏
黃乾坤萬里各茫茫須臾九霄散瑤光如沙如糝如
明璫叮咛沒滅原隰荒低枝婆娑高枝昂誰等銀
於女墻誰靠玉屑於石梁千村素月暗寒塘一夜白
雪藏小莊村翁噤噤傾濁漿載祝今年豐穰穰天晴
硯土布穀恰高原于耜水插秧插秧布穀三秋望播
旗叠浪二麥長我農幾斛麥登場追呼不怕催官糧
我農幾斛麥登場官兵不愁供囊囊我農幾斛麥登

塲卒車不憚運礮鎗我農幾斛麥登塲到芻不苦秋
騰驤我農幾斛麥登塲危冠之棘好下鄉我農幾斛
麥登塲役柄之斗好上倉郊原瞪瞪如銀潢花融凍
釋濕柔桑扶藜瞻眺白泱泱舉手加額喜欲狂安得
桐華桃綻日及時甘雨復淋浪

鶴江行

白鶴江波清十里澄澄不是鶴江水白鶴江波明十
里皎皎不是鶴江溪鶴江茂草清且明會弄江頭綠
綺聲江水照人如對鑑人臨江水似含晶茂草何人
云姓陸其龍其名雲間族碧年隻手扶理窟五千卷

學源堂詩集

卷之三

七言古

七

書捧其腹腕下無鬼筆有神紅綾獎餅曲江津士元
之才非百里不使校書使牧民剖符握璽來江上任
棠置薤復置糧公曰斯義畧可知教我除豪且有養
非公不明廉乃威饒塵釜煎三浣衣廉吏不可爲亦
可志無溫飽况輕肥蚩蚩納賦來官府只見縣衙
鼙鼓有吏向民索耗錢民擊鼓今官升廉蚩蚩速訟
來江城虞芮聞田不復爭覆盆之囚鏡裏過抱牘之
吏水上行鶴江萬戶感且泣記得年時苦東濕公來
躋我上春臺何必何陽花滿邑今日收公攬撥初何
以壽之歌九如獻芹獻曝古有誼吾儕好去剪園蔬

東鄉有尊碧如珠西鄉有黃肥于肉南有蠶豆北有
瓜高燒絳燭效華祝公方齋沐椒圖關蒼赤稽首當
扉環黃香銀蠟煙縹霧尊黃豆瓜高積山公曰虛度
余方感爾何何不爾自羅香蠟分供八蜡祠菜蔬可
啖彼饑怒我聞羊續魚懸梁不似鶴江腐道傍青史
何人肯染翰此事真堪傳循良循良之吏今何適
年去官遭譴謫袖中不選會稽錢船上豈載鬱林石
無官身輕歸海鹽避人顛倒弄牙籤溪上放魚非孟
簡門前栽柳似陶潛我來採芷鶴江道津津不置聞
父老廉吏可爲不可爲陽城自註原下考

學源堂詩集

卷之三

七言古

六

梁溪行

三韓吳伯成令梁溪十餘載特擢觀察使
去邑人思之建祠于惠山下余過而咨其治
狀父老言之甚悉蓋良吏也喜交游擅文學
座滿酒不空郊勞贈荅旬無虛日往往絮
人傾囊倒篋無難色亦無德色用物弘而取
物不驕比之齊田文魏無忌何多讓焉聲譽
以是著官階以是崇民以是德之非常人也
因有作

梁溪之水深且泚夫椒之山高且巽山高水深有巔

淮不及延陵吳季子季子從龍來辰韉風流爾雅如
潘安三仕爲今皆荒迷壯歲握璽蓉江子五月聽民
歌五袴十月聽民歌十雨三載績成撫字勞江邨那
有石壕姬公餘不止見求羊座上客滿多冠裳惠泉
之水瑤華潔蘭陵之酒鬱金香泉瀦酒香酬復酢杯
闌定是銀河落鸞龍繡虎梁邨枚玉尺冰壺漢許
贈綽何難傾寸心脫驂特爲報知音江左藉藉尉與
顧一諾奚啻千萬金劉昆異績達漢闕黃歇英聲被
吳越天子立賢法成湯七閩正待人陳臬不惟其
官惟其才縣令一朝冠外臺于今貴已施行馬斧鉞
學源堂詩集卷之三 七言古 主

兵船行

江頭畫角喧江霜雪戢來越嶺桓桓虎旅羽林
兒不比兜鍪賦采芑江東狹狹連山焚海上鯨鯢幾
射死萬里從軍三四年血功不望書凌煙但願早過
仙霞嶺冠從六飛獵甘泉乍聞有一詔許奏凱象犀
意以奔登船瞭瞭衝尾蔽江下岸上牽挽泥沒勝于

月淋冷雨帶冰弓腰枵腹無晝夜牛喘露僵什復興
鞭捶挺擊吳儂怕嗚咽訴苦聲氣微官符催迫誰敢
違縣官貪夫動盤萬一半化作青蚨飛拿搜百里前
途換還愁襁褓著不歸偏逢月黑廿四五隄上凸凹
暗難覩饑寒氣絕死道傍無人肯掩一抔上不敢怨
天怨賊魁爾樂招降我獨苦

三洲行

祝明存
仁方伯

洞庭之洲八十里西望龍岩烟翠紫湖光山靄吐顧
符其間名世峭嶺起霧苗或或根姚華神漢悠悠遡
媽水三千年後生杰人龍三鳳三推季子氣魄入九

學源堂詩集

卷之三 七言古

辛

雲夢吞才名伯仲伊呂擬烏衣亂後剩青瑣顛倒瑯
環十萬紙湘灘沅荒荒難留浮舸東採芡江芷邢江
之洲蕪城高明月常懸念四橋過眼東南吳越微垣
得今古廣陵豪傑屋愛近瓊花觀書讀遺書夜焚香
客遊卓犖四五載經筵撐腹揮班毫以遊以遊半大
下嘯歌慷慨難悲騷丈夫升斗食天祿鹿鹿豈肯如
兒曹朝辭何遜梅花閣暮抓燕昭黃金臺釋鵬鵬帝
建章宮百萬軍精懇斟酌劉宴多才不用壽安世博
學還持橐意氣常將傾五陵聲華豈止歷京洛帝曰
溺致在明刑淑問惟爾臯陶繁致君堯舜誰無術鑿

書都讓國僑能階下舞文吏股栗門前坐石民平亭
西山爽度白雲暑北寺晴沉買索星三輔大姓多豪
石室家衛家奴猥得河南南陽不可問司隸有法無
聲勦九賓推轂小司寇手提三尺易水汀易水之洲
風蕭蕭燕山之樹多鴟鵂白晝攫金五都市推埋鈔
掠絕湖橋奪驂破柱來董李豺狼狐狸頓冰消蟻
一去嘉禾茂邦畿千里賦樂郊時雨三春灑械橫膏
澤萬頃沾黍苗好文愛士本家學武陵夫子儒宗標
詩美申甫曰岳生攬揆之辰天香飄燕趙何止億萬
戶孰不願廣北山之李酌南山之酒傳西母之歲而

學源堂詩集

卷之三

七言古

五

薦東海之桃

贈雲外人

雲外人者姓蔡名克應浙之紹興人精於詩
命兼有所懷術京師人無尊卑皆稱成說問
焉戶外履恒滿年八十餘苦應對上居僻處
闢地蒔花木曰非我國三六九日出登座求
卜者漏未盡而輒至箕踞其門以俟候次批
荅無不奇中名聞於朝
上召至數有試問輒稱肯 御書雲外人三字賜之
仍命圖其像以賜王公貴人餽遺衣履蔬果

者何無虛日一時榮之

燕市紅塵高十丈折膠鏢石無停網誤信人定能勝
天英雄仇爽成悵悵快快莫寫託悲歌千金買劍手
摩挲伯玉碎琴驚碧眼漸離擊筑落銀河碎琴擊筑
屬何意不是賣名即走利氣習薰人誰獨醒遂使乾
坤無道義有翁紫陌豈垂簾數卷一毫故故拈筆
管輅須居鄴今日君平不姓嚴蔡澤富貴矜自有陳
平貧賤豈長守食蔗都貪節節甘不問功名問年壽
翁將多手說成冰翁將平地指為陵三公宛轉惟馮
道一幸蕭條老魏徵不爭人品爭官品棄彼天孫取

學源堂詩集

卷之三

七言古

五

段錦金會冷語當棒喝何必邯鄲道止披翁吟躊躇
八十閱盡人閒炎與涼雙瞳炯炯如盤電呼吸定
有長年方長年豈獨雀步健前知休咎如操券一朝
盛名聞 天子召對金華如乞憲淋漓 御墨下風
宸賜爾稱爲雲外人闢園自畧曰非我百年花才
時新有時習演五禽戲有時檢點枕中秘柴關城城
剝啄聲怕是人來叩榮悴慙余義命久能安髻髻白
雪觀紅冠男兒猶不草木腐車前何必有班蘭
顧見山工部惠書賦謝

見山之筆鋒如剪剪雲飛出蓬萊獻見山之硯澗如

湖壘池一滴瀟湘淺剪雲滴水供揮毫傾鋪吳練氣
舒展天晴怕水涌雲去壓之丹青厚苔辭五日一水
十日山大笑前人何悞悞丈夫五嶽在胸中礫柯歟
崎驅不遺何不橫筆掃丘壑春浪秋濤恣噴衍憐余
老有宗炳情盛夏惠我山水卷竹樹有香波有聲乍
移輞川來京輦恨不點我水竹間白眼向天自勉
君家曾有虎頭癡多才竟以筆墨顯不願今人似古
人乾坤有事相龜勉

輓楊蘇如長句

丈夫有淚三千斛不爲庸墜輕飄颻丈夫心血纔一

學源堂詩集卷之三 七言古

七

滴慟失鬚眉突盡傷何必豪如許與史何必介如求
與羊心相結兮膠與漆居相切兮梓與桑其人平生
負氣誼其人患難有肝腸溘焉未老先朝露羞日笛
曲悲山陽吁嗟我友蘇如翁至性惇茂志愜懽綺繡
聰明淨水雪人欽其寶如球瑯負笈名師關西

辯斐登壓門墻江淹文思夢綵筆翁夢塔除集鳳凰

蘇如夢鳳名篇每出洛紙貴詞壇誰不推班揚折節

倒履日益夥東林君子登其堂顧厨名目翁領袖氣

節期許重文章含沙射影者誰子黨禍波與羅網張

河北豈肯逃張儉汝南無那逮范滂書生無金乃有

舌對薄氣折百足僊肝膽八翼給事身名無愧金

織方翁名一日走九域幾社何人不辦香才大爲龍

縮爲蛇鵠鵠冠羽林郎旬旬衛卒工詞刺午夜呼

吸達尙方非翁左提而右挈清流白馬禍未央甲申

之春地軸折拷掠慘毒裂冠裳非翁朝秦而暮楚幾

何不盡哭國殤翁圖保護嬰與固不難以身事名

翁圖脫拔管與鮑不恤以身溷虎狼志愜事已觸然

出襄海疇不識孟嘗黃金可輕季諾重衛霍之奴飲

手藏猶憶甲午乙未際收剪太姓豪徒走匿長楊

五柞間時來五父弄劍光天子詔求諸姦使京兆

學源堂詩集卷之三 七言古

七

舉翁治豪強巡徼上林荏苒靖細兒繁縷且獐惶續

成乞罷何勇退翁心原不受羈輟掀鬚捫虱氣磊磊

花甲已週人稱觴有母有母年登耄萊子嬰啼綵袖

長有弟有弟吹笙響荆姓田今被姓姜有子有子孟

及季森然四樹璫琳瑯不好詣人食客過金閨

來翱翔白髮不辭酒尊滿紅牙關入少年塲鵲鵲驕

驕紛可贈脫駝解佩氣激昂雙瞳爛爛如巖電一聲

肅徹青旻荒日者十翁可肩壽彭錢李聃足韻頤今

年夏熱翁謝客一月不聞話荒唐六月四日天有異

斗間忽掩少微宮那知翁遂厭塵埃騎鶴直去白雲

鄉鳴呼翁益歸來兮人間不平事穰穰我來哭公公
自笑笑我猶從夢裏恹

輓神木道茶巷楊公長句

天地之間有玉綱人性之中有五常非五常之淳倫
孰三綱之懋彰幸本乎仁忠本乎義歷常變而愈昌
唐虞至今四千載人道賴以無存公天澤名分垂
古危爲忠而安爲良良臣之出如卿景忠臣之成如
冰霜不曰甘節曰苦節盡節之臣桂與蘓青史繫繫
廿一冊惟忠惟孝流其芳於戲近代多忠孝九州濟
齊首吾鄉視死如歸抗姦充浩浩正氣終城楊臨難

學源堂詩集

卷之三

七言古

五

不苟從容死文行雙絕孫高陽遠不百年近四十烈
烈繼起涿水殉於戲茶巷直至性孝友噴噴傳鄉邦
少年挾策對天子釋褐通籍令西方西方有縣曰
榆次五年爲宰憇甘棠雉馴虎渡政三異建牙臺吏
競推揚戊子已丑邊將叛探丸斬木寇穰穰
櫓隨風折榆石屹然如金湯大將西征俘且殲婦女
多在官軍行公爲辨別爲解脫颺龜未遂折鶴鶴至
今俎豆奉汾水歲時村媼奠椒漿循良報最擢粉署
含香視草司馬堂聲華奕奕冠樞府天子命公巡
巴江巴蜀舊有文翁化謂公千載可與雙舍沙射影

者誰子顛倒六計濁蒼黃時方建策破滇鬼大將倚
公如子房從軍萬里出奇計重開憲署守點蒼公服
能識祿山眼解組庸第爲奔喪起會泰泉巡神林厥
地由來是邊荒公能輯撫與卒公能彈壓與夷羌
城中守弁故降將鷹眼未化猶光公公正總總抱隱
慮驚傳封豕突夜郎烽火直連巴與漢思明空

跳梁白翟之野多伏莽揭竿蟻聚神松岡守將聯
有異志賊來白日開城降公方乘陣效死守熱意城
已復于墮賊渠誘公且脅公憤目不見豺與狼責以
大義髮欲指聲振天地氣激昂自分一身莫報塞

學源堂詩集

卷之三

七言古

五

室慷慨菲銀牀賊聞綬卒負公由臂折奪奪斷斷
旌恩悲恨切其齒况復拘禁嚴隄防食公不食飲不
飲呼天呼祖呼吾皇罵賊聲聲帶奴狗死當爲厲
視汝強無笏可以碎賊面有血可以噴賊裳賊面
志非可奪屏人閤戶慘相戕雲昏日黯鴉呼叩
震動響即常嗚呼我翁死得所顏陸張許魂顯顯禁
旅桓桓雲中下賊徒奮臂如螳螂機槍迅掃鯨鯢戮
黃城之將賣其腔制府中丞交入告神木監司死封
疆九重覽奏褒且悼優卹不致拘典章贈公光祿
子廕胄子賻予祭予縹緲仲子從公儘身免吁嗟伯

驚失孟光昇置問關歸里閉丹旄悠悠千里看於戲
閩越楚秦亘萬里誰能不愧旌忠坊公死可以存大
義公死可以表綱常公死詩書有生氣公死科第有
輝煌鄉之先賢足鼎峙關西之喬兩相望小子與公
同井里知君不愧梓與桑與公同登兩試譜知君不
愧門與墻一旦聞公盡大節崩心裂膽還賡嘔公
不死有汗簡公未亡有北印三鼎一自爲公哭
今來格莫徬徨

嗚呼噫嘻行

小春之夜晉城喧白楮紅烟泣滿門東隱聲絕西隣
學源堂詩集卷之五 七言古 三

續北市侯溼南市吞怪底窮邊城裂石怪底荒林腸
斷猿坐使愁人心如擣不翅沙場吊古魂其父之爲
耶抑母之爲耶日碑拜圖聲嗚咽丁蘭禮木虔朝昏
夫何哭者曰不忘爾手握棗栗向我笑不忘爾尹
繞膝學人言或曰爾獨不憶爾妻子或曰爾
爾弟昆嗚呼噫嘻悽悽惻惻爲兒孫嗚呼噫嘻何獨
悽悽惻惻爲兒孫

石寺園葵葉沙塋長麥苗勞勞誰暫息空

小井

綠烟埋草屋碧涵漱荆扉馬渡迂行李人家聚落
淺泉瓢可汲密樹鳥爭歸極目香山路閒雲片片飛

大井

背水循紆路沙田雨過平短簷覆酒氣高樹雉禽聲
野飯藜羹具荒陂柘露生布旗眠瘦馬訊道是防兵

長新店

雙阜河干起歌樓蔭柳廊旅裝集萬里客語辨多方
塞曲賜絃急燕姬翠袖香銀餅開美醞指點喚人嘗

學源堂詩集卷之四 五言律 二

宿長新店

去國今宵始秋聲旅夜真邨荒雞代漏樹禿影疑人
入夢離羣淚經霜率野身函囊二尺水慙爲照孤臣

別侍者

漫恨征車小香奩不爾隨但思雲遠處莫立月明時
官似樂天左鬢非潘岳垂關河無夢阻夜夜足歸期

將至胡桃原馬上口占

常將山傍馬亂石戴霜明峽樹孤鷗坐松菴小棧橫
千盤狎鳥道五里送雞聲來往十三度無邨不識名

早發胡桃原

驅車過石門朝氣鎖雲根一里無平路三家但小邨
龍窩霜自古虎跡獸皆尊安慰僕夫瘁空山指太原
暮抵故城

落暉隨馬去薄暮尚孤征野氣開新月人烟聚故城
密林春雪白荒寺夜鐘清旅店驚遲至閭扉問姓名
劉伶墓

一醉足千古頽然臥夕陽白雲蒸酒氣青草沒文章
荷鋪傳遺事豐碑誌古狂知君猶有恨未得葬墟傍
新樂道中

路熟沙邨近凌炎憩息頻淺河橫禿柳碎石擁平津
學源堂詩集卷之四 五言律 四

樹合天疑小雲空山自真停驂何所見憂旱輟耕人
綠柳長廊

碧天三十里鬱鬱接城闌絮落風搏雪陰濃草疊茵
雨喧高下鳥晴愁往來人我獨憐張緒風流老隱塵
趙州

趙野方千里茲州獨爾名人猶思鼓瑟壁不見連城
畫水波紋淺仙橋筆跡平無勞懷霸業陵草暮烟橫
石橋早發

逐涼客轡早殘月遠波明柳絮喧如鳥邨烟暗似城
黃沙連麥色綠戶隱綠聲耳日渾佳景悠然故里情

柏鄉

古蹟東西漢石人立柏人楓陰赤帝廟柳影鄆城闌
白盡田塍水紅飛驛路塵畿南堪羨處原關尚杳杳
坐獲鹿城西龍王堂

廟倚雙槐迴山嵐面面過女牆白落粉鳥道綠垂莎
傍樹人眠石環門鳴戲波勞勞偶憩此回首憶烟蘿
宿獲鹿

七經獲鹿道旅舍亦驚頻身賤名應隱途窮嬾不真
僕請新築路馬識舊行津獨有歸巢鳥枝頭似笑人
過固關

學源堂詩集卷之四 五言律 五

郵客非遊客閑真故關家山疑夢香邊塞望人還
石氣圓青霽松花散翠斑回看來處路都在亂峯間
固關和毛錦來韻

雄堞雄如此甲申歲自西無勞築萬里誰信塞九泥
戍伍多傳子山農不飽妻至今崖礪裏苦霧尚淩迷
其二

山行不見日暝色澹重巔土屋攢霜葉關稅錢
曲橋如互字窠井得朱泉關吏識何切緝逋令甲懸
其三

出關纔數里雲樹隱悲笳亂水三叉口寒烟在平家

山腰懸廟小石髮漱泉斜柏井知何在危樓擁白沙

山邨夜雨

雨急山難靜蒼茫鳥更鳴瀑聲聯一布風勢過千兵
天眼電光白人心霹靂清翻愁濕古道客轡滯邊城

寓太原白馬寺

到處惟依寺枯心宛戒僧對人寧諱苦與物總和能
千里隨邊月一編傍佛燈栖遲吾意慣翻怪鳥飛騰

崇善寺古佛

尋幽愛古寺法相尚崔巍日月懸珠額山河照寶衣
蓮臺多鶴跡龍鉢有雲飛此地客遷客淹留未肯歸

學源堂詩集卷之四 五言律

古鼎

莫是荆山鑄知從汾水來何緣離泰時翻自傷香臺
硃氣龍文重植烟玉鉉開雲霞光燦爛豈許沒塵埃

古磬

法雲佛磬滿一擊淨塵心色以香烟暗聲將樹氣沉
殿前清萬籟空外曼餘音欲識何年置相傳宋至今

古燈

一片青蓮影皎然徹化城梵林真不夜佛日與長明
花滿嵩星動光寒古殿清但能照一照浩劫有何驚

古槐

蒼然垂古寺秋冷碧香沉地裂虬根怒天高兔日侵
龍烟百鳥靜落日一圓陰不散風簾色方知開歷宋

古松

盤松殊可愛日暮澹含青翠髮梳風細金脂澤雨聲
舞虬猶五粒巢鶴已千齡爲借曇光照清霜耐飽經

古柏

四十圍何大一千歲更多藏雲枝覆霄月影婆娑
合藥收青子懸珠上翠柯亭亭皆直幹時有雀來歌

古井

紅亭覆古井氣積欲蒸霞餘積金田草麻蘭玉女花
學源堂詩集卷之四 五言律

古碑

傍砌亭亭直欹雲落落聞風霜甯姓氏文字老塵埃
明自含松影蒼猶抱雪斑計年知四百撰記足完顏

古鐘

寺古門多堊樓鐘獨歸然一聲驚衆夢午夜靜諸天
驚虞殘風雨華鯨暗歲年錫來音漸老不向晉宮傳

古鐸

樓鐸鳴天半居高瞰日紅不爭一夜露能受百年風
舌老并州鐵心空蜀國銅佛圖澄有悟曾向塔頭通

古畫

滿壁何年畫衣冠
傲骨唐峯巒經雨暗
樓閣受烟蒼
蠅篆封鵝樹蛛絲隱象王
僧繇與道士碑斷姓名藏

雨中

幽光集雨寺鳥語倍玲瓏
松徑花輕落茶厨水細通
鬱沉烟百里蕭洒木千叢
愁滯行吟客呼童問帶蝶

王右星入秦

梅雨濕鞍韉王生渡渭川
雙睛搜華岳孤劍嘯甘泉
衣帶黃河水風流隴樹烟
此行遊亦壯佇有過秦篇

悶

學源堂詩集

卷之四

五言律

八

萬事都堪悶淹留況寺居
往來看鳥雀晨夕伴琴書
弱草閒堦滿殘烟古殿虛
半生嗟潦倒何日築田廬

自歌遣悶

無以媚吾意紅牙緩度腔
聲難隨玉管氣欲破紗窗
墮淚吳小海過雲蘇大江
自知非白雪愁向此中降

自飲遣悶

一杯誰與勸聊以自綢繆
巧鳥衝花語疎雲傍樹浮
影賓形是主在醉右仍酬
漸老諸情潛惟思拜醉侯

寄張爾成

懷君心萬縷遙訊祇興居
酒戶愁應大詩瓢老莫虛

世情看海市宦況擬蓬廬
我輩無長技癡愁好著書

其二

此身何貴賤損益任蒼翁
雷過常多雨帆迴更待風
璞真難信卞劍老豈藏豐
細數前賢輩升沉總畧同

其三

三年隨塞雁拓落轉相安
道念澄秋月名心澹谷蘭
如愚卽世法不疚得還丹
近況蕭然甚蓬踪徬佛瑄

其四

回憶金閨日茫茫恍夢游
英才分四海勝地下三洲
重聚倘奇事相逢亦白頭
與君言念此萬事不堪愁

學源堂詩集

卷之四

五言律

九

寺寓偶懷陳謫公劉長馨諸子

家園已可憶勝交復牽情
千里風塵態十年鵬鷺盟
夢于歸去切愁自別來生
妄擬諸君子多應念屈平

寄陳謫公時將赴京兆試

旋別旋相憶情緣證偶然
奇文人共賞豪氣我尤憐
燕市無千里鹿茸第 筵饗琴苑更碎名噪已多年

風馬

影與聲齊動激如驟驟來
照窗雲幾葉驚鳥日千回
樂奏疑天上鑿鳴想殿開
搖搖惟飲露龍種亦仙胎

其二

不與紅塵近行空繞書樓出簷窺落月入樹雜流鶯
有繁難千里無心任一鳴半天誰剪拂風過不停聲

寫況

近況何堪寫沈冥轉自娛一官閒乃賤萬事巧皆愚
藥裏書囊觀詩朋野衲呼子然千里外天地此真吾

其二

禪關原日掩我復闕深深僕悶一杆遣予懷半榻沉
晴光明砌草香氣受園林阮籍休彈淚蕭條不自今

五月太原城南野望

望野祛歸思游雲漠漠垂地寒初刈麥雨潤正開葵

學源堂詩集

卷之四 五言律

十

禿樹銜山口孤烟畫塔眉非因送客出恰婦是尋詩

過張慎菴寓中遇魯雙峯坐談

無營愁日永握塵欲玄談爲過張平子因逢魯國男

舌翻千古案意盡一堂簪怪底悲歌切身皆歷苦甘

過張慎菴寓中與連雨若對談

浮生誰意得偶聚亦奇緣往事真桑海閒愁又北天

僧窗移樹影客語澹爐烟倘識吾儕意無須更問禪

過金粟寺

只是尋幽慣松關叩即磨樹香來隱隱花影淡僧眉

石洞千聲鳥棉裘五月僧重遊此景別曲徑鎖荒藤

登文殊閣

佛閣崇臺迥晴嵐四望通聳身原上界放眼已虛空
萬樹人家影一天燕子風遠烟幾處見夕陽紅

分守太原少參法王符權分巡井陘道

絳節動薰風陘關一望中雨隨山色綠日近旆光紅
纔謝板輟爰旋逢騎竹童恩波如澤水原自晉陽東

訪方邵村于玉虛觀

暇日臨仙觀晴天訪露臺樓空因往去洞敞待雲來
地似山陰境人非逸少才儵然塵意豁佇立獨徘徊

立秋

學源堂詩集

卷之四 五言律

十一

清飈何歷歷物候客中真草色看猶淺蟬聲聽已新

雲霞蒼遠塞蘭茝淡孤臣不作悲秋賦蕭條任此身

寄謝水壺邵倅

十年秋水賦不獨慕才華潞國唐司馬江東謝大家
雙眉橫紫氣一劍吐青霞儒俠誰兼得吾將拜鹿車

鳳仙花

嫋嫋如鳳采綽約自仙姿蝶宿身疑朶鵲啣口有脂
霞明秋露濕玉戛曉風吹客舍無人摘含嬌故故垂

秋夜

客況淒于夜秋風不肯停樹烟千葉老窗影一燈青

哀角驚羣雁游雲澹數星禪閣猶未寂蛩語細堪聽

其二

平影真無味移床坐月陰涼從短髮入愁向老懷便
風亂雲多態林凋葉有音飛鴈狂欲嘯已減少時心

其三

剪燭聽荷漏懸簾對寺樓聲聲催落月處處報新秋
千里雲堪望三更話不休翻憐楚宋玉作賦杜離憂

其四

何處容愁緒蒼涼一榻懸蛩吟知露冷磬寂美僧眠
子夜歌誰奏丁年志尚堅蕭岑籌畫過欲買五湖船

卓源堂詩集

卷之四

五言律

七

其五

萬類此時息唯餘星斗橫天高遲沈澁市遠靜簫笙
不畏文昌暗翻嫌太白明眼中無快事匣劍吼難平

其六

浙浙驚風馬喈喈動樹雞鴻音將自北斗柄已迴西
衣薄秋偏早烟深草欲齊情傷邊塞夜不雨亦凄凄

其七

滌盡酒光碧松關不受塵狂呼石老丈冷怯竹夫人
亥子看猫眼參商隔瓦輪砧聲何處至偏爲傍孤臣

其八

夜光深院掩長笛倚樓空蝶宿潭成綠花飛暗點紅
箔沉衡戶露蟬渡近窗風詩興雜鄉思銷除旅夢中

其九

逢人藏感慨入夜足悲歌七月晴光短百年秋興多
吟長寒玉半坐久落銀河三匝慙如鳥何時藉一柯

其十

爲庠雙丸迫晨鐘與暮鐘自能甘鬼笑不更羨侯封
楚子曾歌鳳唐孫欲咽龍千年千此夜往矣慎遭逢

秋天

秋空看萬里歷歷一天詩碧湛雲開處霞明日落時
卓源堂詩集 卷之四 五言律 七

無風晴亦爽多露夜偏遲白帝方司令蕭森慎莫悲

秋日

猶是扶桑出秋陽澹不寒人辰先應令吹角自隨干
旭送山簾翠光流樹染丹憑高看夕照萬里影闌圓

秋月

桂魄清宵炯還宜秋夜輝疑霜著地濕猶水上花肥
燐燐光中冷芙蓉烟外稀何緣通萬戶爲促搗寒衣

秋風

瑟瑟來何急乾坤到處清披霞無定態入樹有繁聲
澹意蛩先覺寒威草自驚江楓猶冷落遶莫是邊城

秋雨

懸懸聽浙歷細雨不成喧綠野烟生樹紅林霧結村
淺深分草色新舊長苔痕曉鐘僅相報花飛夜滿園

秋露

露下知秋早淒淒靜可聽珠流荷動掌翠濕樹懸星
遠水孤城白空山小寺清墜蘭其可飲恰欲誦騷經

秋山賦得如粧

綽約秋山態纖妍曉日粧黛眉烟翠薄雲髻樹簪長
五色霞爲佩一天露作香含嬌誰許字白帝是仙郎

秋水

學源堂詩集

卷之四

五言律

四

練光橫十里森森自澄鮮明比美人目深同才子篇
鴉鵲晴泛影菡萏雨浮烟書舫停桡處波含倒映天

秋菰

蒼爾聲何切偏能助客愁清舍一夜露涼帶滿身秋
翻翻風中靜嚶嚶雨際浮不甘伏戶下振羽向花遊

秋樹

莫惜秋林老秋林貝錦如雨流紅葉嫩月滄翠烟疎
鬱鬱看無際蕭蕭聽不虛移床十畝陰倚枕夢蘧蘧

秋竹

此君無俗韻最喜過商巖玉液龍孫長瓊聲鳳尾搖

秋蟬

淇園霜不老嶰谷雨尤嬌王子秋多興依窗聽晚潮
有聲寒卽切淒切更蟬音樹樹喧相續山山靜莫禁
聽時知物候噪處澹人心華矣賓王賦疑當此日陰

秋光

秋光何所著澹蕩水雲間易落詩人眼能銷客子顏
看來千里淨望去一天閒渺渺虛難寫疑從爽氣還

張慎菴旋平陽

霜風挾短襪歸寓亦言旋客夢猶依寺行踪總仗天
一廉招百如八口寄雙年莫道蕭岑苦人情頓了然

學源堂詩集

卷之四

五言律

五

連雙峯之汾陽

孤劍渡汾水秋光滿目浮丹楓金瑣塞白石玉亭樓
作客非長往看山豈浪遊知君有壯志不學仲宣愁

偶見

蕭條偶有見處處得秋思雲起潭烟淨蟲喧草露滋
墜瓊僧打棗摘錦客烹葵無以適吾意迢然坐詠詩

午睡起

愁繁逼午夢醒後轉迷離墻影遮高樹雲花暗淺池
沉沉如病酒兀兀更吟詩旅况尤難遣秋清日暮時

秋寺夜雨

寥落離關外蒼涼夜雨中祇因雲氣澹愈覺梵音空
雁冷愁無月花濃愛有風明朝添一事秋聲看飄紅

秋日雨後望

一夜雷聲樹朝來秋氣空水浮千壑葉霧散五更風
宛宛山容淨蒼蒼水勢雄黯然登眺罷家在翠嵐東
九日同胡葵菴王鵬清二參軍飲寺寓

勝友聚河汾重陽醉夕曛地憐無戲馬人恰是參軍
菊爛迎寒雨鴻高帶懶雲脩脩塵外賞松寺受清芬
九日李幼庚惠紫繡球菊花桑落酒

重陽無菊酒邊那懶登臺不道白衣使能將紫繡來

學源堂詩集

卷之四 五言律

十一

金英香入座竹葉翠浮杯爲謝仙舟侶在吟天半開

荅爰

近況書難白長吟發浩歎望人敦古道行已稱微官
雁影臨邊小秋聲落寺寒學僧何事好睡起日三竿
崇善寺雪

一夜雲屯寺松烟澹不流風沉淺水結天挾遠山浮
聞寂林藏鳥蒼苔人倚樓容懷翻得閱五里間新篴
病中問雪

午窗暗欲夕知是六花鋪著樹藏青未穿階印鳥無
野寒雲澹泊嵐近影模糊曠致應如此沈吟費病夫

擬荅

果是花爭墜沉沉霧若封側看松尚綠輕踏砌微濃
雲遠斜邨暗烟茫小岫鬆此時尋鄭老應向潮橋逢

初雪

大寒初應令霰落已霏霏雲挾山光動霜吞水氣微
空軒來澹影老樹失蒼衣惟有袁安拙相將臥薄帷
雪甚

遂失山前路層層覆短松花翻疑鳥舞聲惡顙波春
莫訝空堦沒通知小欄墜白頭瓊笠子門外好扶筇

雪止

雪止非同雨聲光頓寂然竹肥風暗拜烟薄鳥爭穿
花隱窗紗碧光浮砌石鮮寒屢不肯定猶欲兆豐年

又雪

又報天花散輕颺淅淅繁地寒容易白風弱不能翻
壁盤增虛勢堦平蕩淺痕戒重莫便掃畱著視雲根

霽雪

豁然天地徹萬里淨人心雲去低連樹風來冷逼禽
嵐烟多變態水石作清音詩料今朝滿携囊何處尋

望雪

雪後尤宜望寒光處處開雲邊疑鳥過雲裏見人來

野勢渾無跡山容老不頽那堪頻極目村落半蒿萊

掃雪

飲雲爲白谷三徑洒然新鶴髮儼仙客縞衣疑美人
香消一日臘氣動半園春今夜月明後清光喜倍真

烹雪

貧自便清事融花戰茗旗王猷酌酒俗陸羽種經癡
蟹眼雲堆轉松風素浪吹一壺天味足莫問党家姬
張遊擊自太原赴閩海任

豹旌辭紫塞龍劒吼霜清去帶并州鐵將刺黑水鯨

樓船橫海楫橘柚受降城膽落腥蛟窟喧傳博浪名

學源堂詩集卷之四 五言律

雪後過紅土寺

望雪疑無路門從土竇開劈山成梵宇鑿穴隱禪臺
鐘黑懸橫木茶紅煮石煤老僧無世法頻說宰官來

其二

紺殿依厓闌燈懸午尚清拜膜從釋禮穿洞訪僧名
十五丈深井兩三株老檉不須離火宅已覺遠塵情

襄陵道中

數里襄陵路紆迴稻幾灣一官嗟落洛十畝羨閒閒
鴨浴門前水人歸屋上山堪憐鶯語澀繞樹學絲蠻

上元有感

豈不憐春色傳柑夜早眠未嘗衰其矣只是興蕭然

雪白燈紗暗風沉樹影偏荒城殊寂寂獨有月嬋娟

其二

強隨鐘意起歸館據繩牀春日人秋色良宵我異鄉
酒兵難獨部茶陣欲誰當還擬尋歸夢雞聲過短牆

過臨晉贈孫柳下明府

問地桑泉古城荒氣似秋雲深庭下草塵暗驛中機
俗薄人多黠官康日得愁偶來無一可等子愛休休

無花果

繽紛競萬卉此果獨無花綠玉仙人掌青雲帝子霞

學源堂詩集卷之四 五言律

自能承月露不肯闌春葩誰爲移荒圃蓬蒿日影遮

贈馬翁壯會我筆
老復煥丹

解劍開丹竈買山高結廬須知九轉法仍是六韜書
門對萬洪井池游賀監魚鳥有至樂孫子統衣裾

九日書蕭縣署中

儘有登高處誰爲送情人鷲山遙令節荒署滯孤臣
紅葉辭枝瘦菊寒落影真秋深多感慨况是未歸身

平陸

平陸無平路崎嶇礙馬驂并盤山頂地一尺淵中天
虎過風猶冷蛇藏樹欲穿前邨何處指峭壁乍流烟

其二

穿雲羣鳥道窮日上高峯徑仄懸危石邨墟老亂蓬
鳴鞭驚穴婦乞火叩巖翁水際山城渺秋河悵怒風

樂何

逶迤山徑盡水際見孤城柿葉秋先老朔驢午更鳴
到河猶背曉隔岸已繁聲極目蓮花岳陰陰紫霧生

檢新曆

寶曆頗何早看來獨踏然春遲仍聞月客老又增年
寸卷消今古方圖盡地天待見爭問社好爲臘甘泉

除夕感懷

唐元稹
在蜀

學源堂詩集

卷之四

五言律

年

其二

霸愁容易發况是歲殘時
窮夢碎棕櫚屋心靜竹枝
一年倏又暮萬事總堪思
物候誰驚早悠悠我意遲

其三

落落邊城久翻憐京洛塵
春風動鐵馬臘雪擁朱輪
我固隨飄葉將多歎積薪
長安百事好只不媚愁人

元日感懷疊前韻

偶談昨夜事便道是年時
太液冰辭岸上林鳥轉枝

其二

不爭春日好偏助旅人思
嬾嫗晨多夢何嫌曙色遲
紫陌朝光滿車闌不起塵
俗占浸水豆兒戲播風輪
賤自安蓮幕愁因窘桂薪
朱扉猶寂莫况是謫還人

其三

淒涼雖旅食隨分薦辛羹
綵勝無新式華衣盡後生
椒蘭熏萬戶鐘鼓靜三更
猶喜鄰丹殿松廊通磬聲

李生園

漸有林泉興偏宜過辟疆
入門花覆徑穿石竹綠牆
蟋蟀秋聲冷藤蘿夏氣蒸
自慙塵滿面相對菱荷笑

學源堂詩集

卷之四

五言律

年

砥柱峯

屹然三峽立萬派自周旋
濯雨垂青玉飛濤亂翠煙
氣凝天地穩勢險鬼神懸
不是狂瀾障誰能涉大川

襄陵渡河

此水凡三渡愁心重野航
河身秋自瘦木氣冷愈蒼
舟楫何人用風濤去日長
鷗盟如可踐那更問津梁

落葉吟

何處不秋風秋林風獨雄
一叢烟忽散萬里眼憑空
顰積丹崖下瓊飛白積中
蒼虬三五樹猶自鬱蔥蔥

其二

欲作干霄起莫令蔽日繁自天飄故遠到地色猶存
香氣投蘭婉幽情點石門不隨蓬跡轉落落託雲根

其三

秋聲靜林疎鳥不搏尋幽山徑響眺野暮雲寬
而後光猶潔風中態自安莫嗟人不賞料得返條難

其四

零亂如裁碧林荒秋氣偏自甘隨野馬豈肯抱寒蟬
榮落天無意低昂地有權龍門桐百丈霜裏影孤懸

寺寓夜坐

客倦翻難寐閒心對燭吟碎風喧拾鐸孤月動松禽
學源堂詩集卷之四 五言律 圭

語靜春星寂愁長畫角沈此身還落落歸思繞園林

挽季天中

官給諫以抗疏
請徒及遼東

尚冀金雞下那知玉賦催君身終報主人意始憐才
夢冷梧垣月魂冥瀚海雷遼東鶴可化瓊觀好徘徊

季家
維揚

王雨若教諭柏鄉

行登博士座且繫孝廉船野水桃花漲春風雁字天
攜家就五斗入署落三鱣見說詩如畫風流比鄭虔

春日邀同王惠迪王雨若劉長馨飲郊園杏花

分韻得刪字

素侶開軒集塵情仗酒刪林光風習習花氣鳥鳴
嫩草疑含水春雲欲學山園丁留烟煖撥得舊尊

徐鼎玉昭同陳謫公飲郊園

醉春能破癡繁馬動花開未坐先呼酒不醉同脫冠
晴絲高鳥帶野氣遠邨烟爛熳傳歌笑遊人爭聚看

次劉長馨郊園社集冬字

興高不暇嬾絲野散遊蹤選勝停花圃醉愁飲酒傭
若痕石著繡樹影水簫龍益識乾坤大疎狂我輩容

讀李舒章乙酉遣草

不肯畱封禪新編屬夏蘇詩自穉小風姿賦擬長楊
學源堂詩集卷之四 五言律 圭

寫恨風而雅含愁懸不傷憐才須後世書曲聽山陽

穀日郊行

選日試征衣晴光野望闊馬鳴千里意雁影一行歸
單樹雲容嫩落田雪氣肥餅生傷老太轉欲羨漁磯

郊園社集

荒野人蹤寂惟餘滿徑蕭閒雲常入檻野水不通橋
地遠晴愈敞春深花更嬌獨慙官反賤換酒乏金貂

賤日感懷

萬事惟年長一官與望輕漸能安老態不敢愛虛名
意氣憑盃酌人情付奕枰乾坤有缺陷齊物笑莊生

其二

愁重憐心弱，榮懷不到貧。紅顏寧問命，青眼亦妨人。
山喜尋愚谷，何疑見如津。無須辭鄙賤，天地足風塵。

其三

白髮苦相贈，青箱意獨濃。課兒抽史句，把鏡想童容。
日月三蓬矢，山河一竹筇。無才還自量，從不羨侯封。

其四

時清窮亦可，百畝靜生涯。但約吾敦樸，敢言俗尚華。
愛鄰多種棗，留客止烹茶。五岳何時去，休糧欲飲霞。

喜晴

學東堂詩集

卷之四

五言律

三

既晴晴亦好，萬里動和風。郵棚驅牛出田塍，放禾通
絲柔。驚綴柳草潤，兩胎蠶。況是桃開候，春霞滿目紅。

接閑

日影滯窗痕，沉沉晝不喧。行藏吾老態，天地此空軒。
擬詔封花爵，添杯賓竹孫。靜中幽事足，各與世人言。

立秋

何須驚墜葉，景物已新秋。翠蛩鳴深柳，青段隱細流。
興多爭似杜，賦雅不如歐。怪底行蹤滯，人隨手柄游。

新蟬

乍聽前溪樹，新蟬已亂鳴。葉深難辨色，谷靜不藏聲。

三匝同鳥鵲，一枝借野櫻。不能寒抱葉，安得配鶼鶼。

乞箭許將軍

秦人

青管無花夢，幡然學拓弦。摘梅工柳，憚落羽羨高駢。
材自會稱美，海應馮翊傳。一壺如可乞，率爾看楊穿。

掃荒塋

五載誤朝簪，松楸入夢深。樹空無鹿觸，麥秀有羊侵。
指隴教兒拜，提槩爲弟斟。右軍當日誓，差可作銘箴。

七夕立秋

七夕星纔動，三秋露始涼。乍看桐有井，不信鵲成梁。
節合憐天巧，河明覺夜長。豪家競譙賞，結綵帶寒芳。

學東堂詩集

卷之四

五言律

三

送程天友守修赴關縣

數年晨夕聚，我獨識君情。游戲十官老，蕭條萬里行。
鄉音攜李郡，戎馬晉江城。努力圖麟閣，雲飛舊有名。

樊天木令應城

作宰人嫌劇，君才喜刃游。山城民訟健，江國吏心柔。
好爲歌棠計，莫因飲水愁。漢家循吏重，卓魯各封侯。

郭雲鵬令博野

才子今棲縣，華疆古博陵。鳬飛六月雨，琴卧一床冰。
有斗何人賦，無繻此日興。上官難善事，君或擅兼能。

孫思遠歸揚州

來去揮毫與群仙無定踪紅林驛瘦寒白水康荒埔
到處招醫思達人受酒封揚州行樂便只莫采芙蓉

量核

問年強仕過華鏡中新老至心先得狂因病不真
雪霜仰遠塞日月清孤臣同學誰猶賤蹉跎笑此身

重過玉霄宮訪方邵村

猶是烟霞地重遊意豁然文章原腐物辛苦即神仙
鳥語臨風巧松顏浴雪妍此中有道氣那向福人傳

送羅鶴儕世兄遊晉歸南昌

絳帳南州遠青鵲西國逢照人千尺壁結氣五花龍

李源堂詩集 卷之四 五言律 三

遊棠輕春水歸心動曉鐘過庭如有對霜髮說林宗

快園

爲園不三畝居然野趣除護門安水檻爾客臨畦瓜
秋草開亭遠夕陽老樹斜一丘堪自適豈是癖烟霞

快晴

地偏晴亦好白日豁閒心影水青筠竹藏花翠羽禽
無人來爽氣有樹起空音此意誰生受悠然靜我襟

快雨

蕉竹一園喧蕭蕭暑不屯葛衣秋入座藤格霧當門
樹滴池多草花泥砌有痕爭如著短笠烟雨看漁郎

快風

秋早風來爽空亭晚更涼蟬聲咽密樹花影亂橫塘
颯颯雲多態蕭蕭木有香迢然吾自得不覺是羲皇

快月

圓空月易滿皎皎一天浮人影涼于木花香得秋
魄懸孤樹立雲動野星沈絕夜登臨目何須賦倚樓

快飲

世事只堪醉一杯水竹間風光逐日好去地幾人閒
戶大容清聖厨食供小蠻名顏然客乃去明月滿

柴關

李源堂詩集 卷之四 五言律 三

快讀

半生就一卷檢圖就林亭紅字花垂影清音木疊清
夸嫌盲左傳愁思及難驢不解千原甚翻云學老陶

快書

不忍投書費將書贈爾爾香尊快雪厄酒對來禽
健豈因狂得端仍向拙深臣書誰第一種柿滿園林

快奕

無以寄吾傲秤聲剝啄然局殘實落日機密不聞蟬
幾點洛書跡雙分星斗躔坡翁原信指小結橋中天

快譚

視舌欣猶在譚鋒未肯平掀髯驚落葉擊節送秋聲
快矣石能點豁然風欲生床頭妨劬嘯只不到人情

快歌

歡來檀板動不擬作新腔疑鳥窺朱戶驚花落玉缸
百年傷小海一去想東江多寡莫爭和繁愁借此降
快眠

歛愁歸一枕無夢入檀蘿白醉人言少黑甜酒力多
暗香花墜席清影日移柯忽忽醒如失秋光滿綠莎

除夕
壬寅

除夕除何事愁將老並加囊空裁俗禮身賤惜年華

學源堂詩集

卷之四

五言律

庚

一夜中分歲寸門各潤家占春或有驗銀燭綻雙花

元日
癸卯

年華隨柳變春色正氤氳改歲惟增老違時只好文
人矜新日月天作巧風雲感歎浮椒酒吾衰未有聞

贈井翁

常笑陶彭澤歸來始種松何如渤海叟徑不受雷封
萬事酒杯潛一生碁局濃寄家津口樹來往看芙蓉

除夕感懷
庚戌

老人槍節序爆竹忽傳聲兒喜新衣履厨忙破金鐺
一官真戲局百畝竟浮萍此夕吾多感誰家弄錦箏

其二

檢曆惟年長顏唐我自知耽閒因物付好勝任人爲
鍵戶纔停筆傾觴又祭詩飛光吾勸爾何不去遲遲

其三

朝衣自檢點趨闕早尋常報國無他事微臣獨此將
平生遭鴝雀兩載對縑緗利達求誰得徒教髮髮蒼

其四

我亦宦途客窮愁歲不除妻孥五斗粟兄弟數行書
心事黏門帖人情餽土蔬敝裘冬幸暖豈復怨羶酥

春日步寄快園觀種樹

學源堂詩集

卷之四

五言律

庚

春色園林滿風光同不同花烟疎老樹翠秀密新叢
好作十年計莫妨三徑通驚心與澆淚杜甫句徒工

賤日寫懷

不自知將老勲名夢寐中白雲時在眼青史日填行
好馬逐行隊蓄龍奪化工此情難寄託澹泊轉沉雄

其二

豈敢傷貧賤年華耗蠹螢愛臨王畧帖愧比佛名經
繡虎莫言貴金蠶獨有霧須知人意冷不在眼雙青

馬殿傳進士歸頂城

卽策看花轡行行著錦旋文章今日信經濟幾時宜

赤羽熟梅雨黃河酸東烟中流應擊柝莫讓祖生鞭

書雲中李翁傳後

雲中有高士苦縣得仙根行葉當時重風流此日存
一言直破膽萬卷遠貽孫俎豆鄉人意將無是鹿門

金君選守澤州

猶憶高都境嘖阮倚太行沙田耕細鐵茅屋戴繁霜
慷慨人鄰趙勤効地比唐知君能作牧不愧謝庭芳

孫子白廣文赴唐縣

以君英氣發與我冷官同地接恒山色人留古帝風
白登今晉地太乙古燕宮教學原相半魚飛須亦中

學源堂詩集

卷之四 五言律

辛

典試出都

紛紛皆奉使星駕指中州潭柘塵藏雨桑乾水漲秋
大流聽蟋蟀雲動策驛驢回首青門路祥煙迴鳳樓

渡涿鹿

馬背十年老輕初喜一撐秋橫雲際鳥烟抱水邊城
鶴觀松多禿虹橋沙欲平往來爭渡客名利各含情

渡渾沱

秋沙十里白沙際滾黃雲野氣橫蘆渚荒風起雁羣
大河原一派全趙此中分自昔名危渡濤聲不可聞

邯鄲道上口占

古人驚夢處夢夢我經過日月停畱少乾坤更變多
莫矜心血足其奈髮毛何待得黃梁熟滄溟長綠莎

車騎關

千里總嚴程荒坡驛吏迎近山狎虎豹凶歲擾鯢鯨
官柳一行悴人烟幾點清關防勞郡倅可是重弓旌

早發趙州夜抵梁園店

三城一日歷不敢嘆勞形城城蝗飛雨蕭蕭馬帶螢
鐘聲秋水暗人氣野燈青蒼莽來深夜真稱是使星

豫讓橋

千年尋跡跡以得此橋存不識成仁意猶傳國士恩
學源堂詩集 卷之四 五言律 辛

石藏驚馬氣水抱斷衣魂亂後人經此將無有愧言

渡漳河

野色連山曠秋烟過水寒河流轉似瀉壤樹老為官
蛟窟埋銅雀仙風駕賀蘭往來競渡者可到勿泉看

相國寺

水忠愛寺址僅存賈中丞重葺

寥落千年寺蕭蕭數陸沉碑斷殘碑甲佛出老龍海
紺閣延高嶽香空擬少林宰官乘願力嚴樹橫鋪金

渡河宿北岸大公村

渡口臨樊圃河游逼宋臺曉烟堤柳暗林火驛樓開
十戶圍紅葉三更酌綠醅析聲嚴野署感歎令君才

延津道中

恠底無河患岡砂擁亂荆客從鬼火過牛向血田耕
霜白纏酸棗孤黃閃破堯沙門四十里來往見防兵

磁州道中

淦水邯鄲盡磁山鄴下分秋騰迷野潦堤柳澹疎雲
田園猶稻穉河狂沙自墳驅車行役惡百里未斜曛
比干墓

讀史傷殷事校童殺諫臣一朝捐七竅千古足三仁
墓草羸源嚙夕陽老樹皺寧王封有意幸不用其身
入關

學源堂詩集卷之四 五言律

三

典禮升賢重文章司命尊天風開桂苑仙樂導雲門
勝地周伊關才人梁孝園使星雙入豫千騎不聞喧

登樓遠眺

躋高富野步四望極城隅嶽色卽雲色林煙半水煙
雁來沙際小塔出樹頭偏河上人如鷺吞陸運柳船

鎖院虛聽

乍鎖深深院聽虛靜可聽陸湖人語沸秋嚙鳥音冥
笛曲渾難辨值舒不肯停愁來嫌夜永兀坐一鐙青

山觀夜鐘

院迴臨山觀鐘聲枕簟流因風來斷續送月轉遲留

軒窗夕照

且喜軒窗爽其如夕照偏荒荒原廢邸杲杲苑秋天
積濕擁餘暑虛光逼暮煙但于一事好老眼對殘編

露草鳴蜚

短草戎戎濕莎雞振羽遊花間先浴露石畔續吟秋
誰解王孫語偏教謝客愁計時應在戶趨趨欲何求

秋宵響雨

秋夜已蕭寂簾櫳乍有聲灑楓喧落葉撼菊動寒英
得句難安枕吮毫屢易繁空塔滴不歇辛苦念諸生

學源堂詩集

卷之四

五言律

三

酸榴下酒

道是酸榴好錦囊珠一攢梅心却遜澁橘瓣但輸寒
紅友絕交論青州行路難停盃還失笑知爲觀儒冠

李與偕下第歸豫章

蒼莽憐春色斯人下第歸去來足萬里辛苦罷三闌
旅夢聞天漏江關見水飛豐城藏劍魄夜夜有光輝

送王雲牒令南鄭

王子喬爲宰雙鳬去漢中地連巴峽棧人帶隄風
橘柚江南綠雲霞渭北紅漢廷循吏重屈指拜三公

屬老僕茸敝廬

我久有歸思歸時不緩行吾廬須早葺汝去趁秋晴
莫剪沿牆竹全驅穴壁黽蜩蟬開滿樹畱著伴書聲

寄李舍白

爲問泮川叟年來興若何舍館應遶種秫定臨河
鴉樹秋風滿基朋夜月過人如勸鐸白畱著作吟哦

送張素存編修歸省兼寄太翁公選公

我友如張仲藜烟共五年龍門隔舍迴寓近高陽相府芸閣

借書便意氣澹相得詩文苦自憐秋來忽見月歸買

潤州船

其二

學源堂詩集

卷之四 五言律

青

輕颺南面受瀟灑美君行黃菊看時綻繼塵去日清
尊疊逢故友封禪憶難兄十載瞻雲意先馳到呂城

其三

秋烟明畫舫楓葉冷銀魚露下東昌酒雲隨太史書
歸程兩月後來限一年餘著作須燕許金蓮待石渠

其四

聞道山公健斑衣戲雁行文章名父子江海好家鄉
霜月金山靜鱗魚鐵甕香德星占聚處深柳讀書堂

秋日病中

吾意已寥落如秋如病何窗間雲聚散枝上鳥悲歡

醫自猜肝火書偏引睡魔百年空過半豈忍更蹉跎
冀祖錫稼部擢通州道臬僉

相違幾一舍行亦唱騷歌憲府左馮翊清風通惠河

次衍民訟健投刺客船多破柱君能爾弘農可問麼

秋海棠次范觀公學士韻

幽人當晚井不忍賦悲秋自有天然媚何須露點稠
歛香辭蝶口含暈老池頭十友誰同調芳蘭氣味悠

其二

北窗紅不老恰對晚霞收影落蠟螭塞香寒翡翠樓
太真嬌午睡西子醉新秋借字春葩好翻嫌促織啾

學源堂詩集

卷之四 五言律

美

和程周量山守桂林畱別韻

黯然綠底賦投分廿餘年我比馮唐老誰將嚴助遷
雲深雙闕迴馬瘦一囊牽回首梅花外長安在日邊

其二

宦味無中外才人戀主恩一朝炎徵客十載日華門
人去壺觴洽情親筆墨繁莫愁香案遠荷草總天言

其三

此行元自壯莫與嘆鸞棲五嶺虬龍接三江翡翠啼
蠻烟天聚散戊壘日高低況有懸魚處衙臨白竹溪

其四

桂林饒古跡吾友况多聞揭帝塘猶在廖家井不羣
入山龍隱書過峽海南雲如雪山峯石誰偏勒五君
桂山有石
刻五君詩

其五

遊荒非百粵貢僅日南通築石秦邊徼標銅漢將功
天懸荔子外人在桂花中朋輩長安滿書成少去鴻

其六

去去湘江上行行梅雨間知君爲遠宦因我憶清班
郡邊相思水詩成獨秀山 朝廷方減賦槿布緩諸

蠻

學源堂詩集

卷之四 五言律

美

其七

金章尊太守王署老詞臣對酒離今日吟詩憶古人
莫憐把臂少只願寄書頻冀遂與黃霸績成亦苦辛

其八

茶頭傳客刺道是使君辭酒勸悲歌地梅開風雨時
無錢添鷄口多句費烏絲蘇白皆爲守風流千古知

其九

萬里鄉間遠十年雨露深檐帷欣出守桑梓便相尋
印綬驚先覺霜毛幸未侵儗裝清獻似擔鶴與龔琴

劉允公同年令典縣

萬壑千巖裏居然縣獨興以君隨鶴出茲地菱葉
歌聲雜塞山花種半河凌錦嶺二年就循良仲特徵

題顧見山書

憶昔萬泉道居然見此閣松烟經小時清氣斷平蕪
望望皆虛白行行太藐孤當時憐書料看書轉踟躕

其二

山色空濛裏人烟落照中短簷分左右高樹間黃紅
靜寫深秋意寒生薄暮風爲憐兀坐者可堪鹿皮翁

馮胎仙庚子九日雨中黑龍潭集飲和韻二首

冷雨催花急秋光歷歷開客誰輟落帽人自愛銜杯

學源堂詩集

卷之四 五言律

毛

水閣孤雲斷風平野鶴來猶聞逸興藉攜樽上楓臺

其二

小樓當遠翠烟樹起何從赤碧黃三色西南北數峯
客懷今日曠詩興古人懷雨霽看霜葉山川總醉容

題書

扶筇尋竹塢曲磴不愁迷山氣晴生樹泉聲夜落溪
鳥隨雲上下人逐月高低約交彈新調桐君遠獨攜

其二

一槎放秋水秋風滿釣竿如妝山點翠似醉樹懸丹
濯足知遺屐科頭想挂冠自然非范蠡無乃是張翰

怨菊

拚與寒花醉共如不肯芳既然高隱節莫亦畏清霜
長短微舒碧徘徊懶吐黃澹人今昔有何祇嬌柴桑

二月十三夜大風

一夜雷懸樹危樓勢欲移沙強奪燕壘墻弱破雞塢
刮地威何甚蒙天力可支幸逢春雪盡花信未應遲

乞米蘇次公侍御

投老甘鄉味非關陳蔡窮半囊小慧苴一碗輒落
腰已輸陶令帖猶學魯公他年傳細事佳話與君同

乙卯生日

學源堂詩集

卷之四 五言律

庚

不敢諱言老今年五十三鏡中驚一叟膝下雛多男
祿薄官原冷家貧書可就關心惟庶事諸將耐征南

乙卯三月書還榭壁上

無可寄存傲荒園每開會心且據樹放眼幾登臺
花是去年色人非當世才悠悠誰共語惡醉却傾杯

其二

天意容人懶開心事事傷經綸蛛四壁錦繡木下草
草道亭階狹風迴井檻涼池頭幾片石不是禹餘糧

賦得老鈍畫多眠

我與人同夢嗟余夢獨多有懷皆退怯無事不蹉跎

羣牛繩牀靜空齋竹簟那起來搔首問無奈晏天何

乙卯四月金悚存太常招同楊地一少司馬曹

顧菴學士沈繹堂大司成張爾成銀臺項翁

山學士雅集分韻得一東

此日歡能聚林令尊暫空問心猶少壯屈指各西東
注玉饒無量投瓊蚪不同座中嚴酒政不許說窮通

書呂文甫扇頭

我懶談今事君能識未來機槍何日落雲霧幾時開
地冷偏難兩官貧自不才西山如可買急欲剪蒿萊

送韓輝序丞荷氏

學源堂詩集

卷之四 五言律

癸

荷頓古巖邑單車我舊游人情常愛虎天氣易悲秋
白嶽雲中見黃河木杪流丞哉君不負早晚聽歌謳

其二

萬里曾爲宰一行乃聽琴好看馴雉事莫動美魚心
雨綠桑泉草風紅雷澤林謾言遷擢易無術點黃金

夏日寄快園獨步

無客驚門雀園林宛轉行老松孤抱翠小草漸敷榮
日澹遊人少風狂野馬生感時何意緒愁聽桔槔聲

樓眺

久懶憑高望胡然倚檻間啾啾各樹鳥縹緲一窗山

大興軍傳動風將日座股低仰收倒轉欲學真

乙卯四月二十九日邀同館諸公雅集寄快園

和曹顧菴學士韻

馬痕常掃斷雞雀城西白粉無枝挂青雲有町畦

三眠柳可蔭七尺東難齊夢與藤輪熟飛騰厭鳥啼

其二

有客來攜李鬚眉風雨蒼人猶湖海氣恢更梓羅香

心澹悲歌少時艱感嘆長白頭燕市吏爭識舊班揚

其三

話舊情愈切奇峯對夏雲兵戈何陸續消息總傳聞

學源堂詩集

卷之四

五言律

早

杯酌臨芳樹盤飧就圖芹唾壺揀共難深坐莫辭醺

其四

柴對西山色藜無太乙精好謙石也丈虛貴月而卿

齋掩龍唇按朋來嬾眼烹別君又五載世事幾紛更

其五

自憐枯寂甚安得碧山魚五斗數金馬一銓老石渠

臨池知彼岸感鳥愛吾廬豪氣除方盡時賢願不如

其六

蒼屋角樹朱紫眼前花有術教調雀無文記捕蛇

醉餘癡鬼落讀倦柳暉斜嗜退吾如進何須嘆繫爪

五日

天中今是節大野已荒蕪幾點檣懸火一囊米賽珠

酒無消暑力艾豈避兵符誰復龍舟競旌旗正滿湖

閏五日

何勞天閭節又是一番愁有酒無蒲泛多風少雨流

換符增見怕繫縷祝兵休祭屈不嫌再湘江柰隔洲

夜坐聽雨

趁爽坐三更丁香葉作聲雨來喧亦寂月隱暗猶明

竹醉戎戎拜荷翻細細傾田家聞已慰况復洗戎兵

造翅葉

學源堂詩集

卷之四

五言律

早

看想東離醉釀材屬婦儲玉塵荷露濕瑞片海苔舒

只許參軍枕莫逢帝子車誰能作酒醴吾與誦商書

夜步寄快園

秉燭昔人意窺園夜氣真石存山意思花借月精神

草際青綠濕風前白髮勻所嗟樹間鳥昏黑尚翺翺

雨中看僮移花竹

園荒花卉少何不就軒栽趁雨藏葵足疏池保竹胎

近人鳥樹下除草水爭來位置憑吾意休矜爾輩才

師嵩丘妹丈來都相晤

衡暑來何事將無造鐵船問知鄉穫麥苦說吏貪錢

別後兒孫長途中羽檄連相看都髮白身世輕如夢

題小像

遂以此爲我安知我是吾傲曾無白眼奇豈在黃鬚
只解條書卷分明入畫圖沉香熏不得半百愧懸弧

劉潛夫儀部貽瀛桃

客老思鄉味瀛桃况果珍靡香紅失艷瓊玉片含津
方朔食應慣天台遊是真知君貽我意玄觀好吟春

題畫冊

山瞳白如霜危臺起路傍背流多古石隔岸幾垂楊
婦子雜田去人家老樹藏畫圖真可美定不說兵荒

學源堂詩集

卷之四 五言律

聖

屬僮於寄快園隙地盡種鳳仙花

莫教他冷落浪種鳳仙花處處天孫錦時時帝子霞
去來容蛺蝶濃澹引蒹葭玩物庸吾意不然負歲華

苦雨

所苦不寧雨霑霑復奈何苦翻類短壁烟冷沒長莎
客下堂前馬衣黏桁上螺獨憐傳羽檄來往尚如梭

虞丁泰巖觀察

君去吟棠樹不寧老友然人情南北別世法夏春偏
善事君丹筆窮愁我白顛平生要自在此日奈何天

鄉人來言苦澇

不雨只不雨一雨便成霖水氣高茅屋波光動棗林

鳥飢飛忽落蛙樂聚還吟時下催科急誰能問伏陰

李湘北學士以曹顧菴學士自浙至王阮亭儀

部自山左至招同沈釋堂祭酒陳說巖學士

雅集分韻

雨氣沉秋暑平泉看飲虹詩才宗越絕客語變齊風
文石魚宮碧錦華露井紅時艱身置散豈復嘆途窮

其二

一蟬噪兩樹露坐受清颺有酒消今日無愁憶往時
玉簫香自遠石丈臥難移南北談鄉事如歌黃鳥詩

學源堂詩集

卷之四 五言律

聖

其三

負才都不小只是興蕭然何酒一千日誰家尺五天
懶雲垂短樹飛鳥入清烟醉裏籌身事素餐二十年

其四

諸公吾畏友嘉會此清宵腐氣浮霜髯雄心付草檄
蘋婆秋著色桂子夜生苗塊礪胷中立平將綠蟻流

秋興

物候愁人覺單衣入座涼花房都抱子草穗亦含香
淺水一邊白繁林幾葉黃淒然無意緒秋氣滿繩牀

其二

三十窺中秘今年五十三升沉皆樂事衰病了奇男
氣逼秋雲斂心空暮雨舍妨人惟傲德結襪可誰堪

其三

縱目凭高樹雲埋半壁天風聞西塞馬滂見北人船
所願惟庸福相期是晚年近來心境寂多樹不聞蟬

其四

遂使仙霞阻閩江一點腥旌旗縫婦獨芻料算民町
我尚憐周處誰能問郝經鯨鯢來曬甲壁壘對江汀

其五

天趣偶然發擁書當白城官原閒地位貧却好聲名
學源堂詩集卷之四 五言律 雷

開戶心千里懷人夢五更此中如槁木只待紫芝生

送楊亭玉孝廉之淞江廣文任次梁玉立大司

農韻

旅况驚寒露歸懷勁爽天心情戀老友聞見他經年
涼月燕堂雨秋江米市船賴依司業久不欠酒家錢

其二

一瓊乞便得好去寄行窩官品難兄並人才高弟多
圖書翻瓜望首荷莫菴摩載酒問奇者青菁佇作歌

金方籀令廣昌

邊縣君爲令知游刃有餘沙田成賦早石戶見官疎

嶽色千年古秋風六月初關門常度雁疎狂似亂雲

秋感

自是安劉計其如老潯驕黔驢終畏虎蜀棧竟焚竊
甲肯從入下兵當指日銷頻年夢叔子豈忍賦逍遙

其二

國恩姑錫券逆節徑稱兵海滋寧爲阻淮陰尚未平
虛傳南越僭猶幸郝經生纓繫非難事受降莫築城

其三

泛濫吹簫客倉皇敢弄兵威風悲錦繡瘡氣動蠻旌
桂樹屯腥老瀝江滴血平伊誰專制閫咫尺任縱橫

學源堂詩集卷之四 五言律 雷

其四

一旅蠶叢破刀穿來歎衣豈同卿子殺誰入蔡州聞
賊壘雜羌種王師頓武威近聞蜀道易來往往任封豨

其五

漫道伏波老銅猶百粵標如何勤下瀨猶未破南湖
山雨金城白樓烟鐵漢銷不知雷海上誰復響金鉞

其六

擊楫寧無意雞聲漸漸荒杜吟秋亦苦謝客眼曾傷
白髮欺人甚青雲指路茫牀頭濁酒在拚與醉青細

九日再登遠樹

一日兩登眺秋空愛水連紅藏松寺樹白散玉泉烟
天近好相問人高反自憐長歌忽獨嘯誰識此因緣

邢六吉令平順

孤城萬仞山是易下雲間主峽無兵氣虹梯有豹關
地高雙雀舞人撲一琴開石室藏書在行春好獨舉

除夕乙卯

世事何能飲今宵喜暫除人爭新氣象我惜舊居諸
夜色一燈靜春風萬卷舒獨憐兒女意只解闌鴟車

其二

檢曆惟添歲傾杯擬祭詩老懷濃亦澹新事信還疑

學源堂詩集

卷之四 五言律

四

春向朱門早雪將白髮欺心情無不可懶拙更相宜

寄快亭落成

草草爲亭子悠然野趣長虛應延月影微雨受藤香
人拙于焉靜園空無可荒一杯復一卷逃莫在羲皇

趙日章孝廉教授敝府

我輩官都冷君尤冷處處情同毛義檄經是馬融書
閣靜藜堪照池空藻不疎明年期盛事博士聽傳盧

東日者

嗟豈不知命平生悔多馬唐老已至蔡澤矣如何
對鏡失青鬢吟詩縱白魔勝天誰有術吾意久蹉跎

六月六日少司馬楊地一銀臺張爾成水部顧

見山寄快園雅集和見山韻

折東高軒集林深地轉幽一天梅了雨六月蓼花秋
易水寒浮淺西山翠點樓知君有逸興畱壁書滄洲

其二

知己無多輩高談金伏中相看塵髮短莫放酒杯空
竹鳥啼殘露槐蟬靜晚風夜遊安用燭三徑正螢紅

再和顧見山韻

京華六月暑得樹覺情幽况也花催酒因而雨送秋

早蟬喧月榭短燭護風樓慷慨非半落家原易水洲

學源堂詩集

卷之四 五言律

卑

其二

相知餘幾輩歡嘆各懷中月上羣星淡雲流一徑通
草新深淺色樹老古今風對客拚先醉愁顏借酒紅

夏日寄快園集同館小飲

寄託林泉興結茅水竹間拂牆七尺炎對几一卷山
掃徑畱苔甲停車倚藥闌銜杯誰與勸花裏鳥關關

其二

勝愛開軒集人閒地氣涼座因棋局密話對酒尊長
松老子垂徑竹繁孫過橋伊誰忙襤襪吾輩且徜徉

立秋後三日喜雨

三夏難霑足秋新雨且長綠紛失老葉紅綻得寒香
晚稼欣纔穎汗田幸不稂漕渠無淺漲飛輓達天倉

書王四表弟扇頭

病愛門題午苔深客跡疎偶然來表弟勝似得家書
問訊桑麻好將迎風雨餘無須詢我况慚愧承明廬

燈下菊影次李與偕韻

背燈儼若畫佳色幻虛名有瓣香難嗅無風舞不聲
仙人空采掇隱士夜分明獨爾霜飛少莫嫌枝葉輕

再和

愛花愛及影種種總同名白露知難下玄蟬空復聲

學源堂詩集

卷之四

五言律

哭

枝長隨炬淡榮細借烟明無夜不堪賞真將九日輕

送沈雲中督學江右

沈以麟
經起家

官以文爲憲人才百粵收名書金鑑錄曠覽海山樓
韻正發音少經傳魯史畱瓊波何日靜驅鱣賴韓侯

寄懷汪北溟給諫

老懷偏憶舊好友漸稀疎寂莫誰相念蹉跎祇自如
文章因命賤世法與襲虛若在山深處秋晴好著書

贈張醫

外科

吾里有張仲其能讀父書鉞龍傳異術鞭草按皇初
杏樹紅三月橋泉昏一閭瘡痍民正甚安得借君舒

九月苦雨

九月苦濔雨紅林重不凋泥深欲一尺柴靜見三朝
澹菊迴秋色遺糧見冷苗村膠強自進窗竹燕蕭蕭

送魏善伯還寧都

善伯久居范觀
公學士宅中

野水蹴天浮君纔買去舟世情資笑話歸計穩窮愁
露下江楓冷帆開海月秋舉微莫便戀知已在瀛洲

翠蛟潭

水煙蒸石罍冽冽翠蛟宮終日常疑雨雙山不讓風
畫眉鳴榭翠刺角進霜紅潭影青蒼變夕陽返照中

李秋濤令岐山

學源堂詩集

卷之四

五言律

樂

十年欣道合百里喜符分周鳳高山跡必琴永盡聞
荒邊人狎虎古岳樹棲雲紫氣看君去函關日未曛

雪中樓望

傲寒憑酒力曉雪倚危樓海色頭雲集人煙市氣浮
藤蘿藏古寺臺榭聳諸侯旌底袁安卧開心易惹愁

歲暮感懷次申隨叔太史韵

淪落羌余慣且棲意亦安老能耽寂莫拙自得艱難
知恥家園薄達時人面寒梅耶真可謂宦跡比鮒竿

其二

壯懷果不羣翻嘆誤相期落拓從吾好頑冥與世宜

快談皆罪狀惡友是嚴師五十知非晚慙余更

其三

豈無矯矯意特立莫容身庸福天心厚高明鬼瞰頻
因人一日熱好古百年親在底前賢輩相邀會率真

其四

自許除狂態狂多未可除敢言我法是却笑世情虛
宛轉新朋輩逡巡舊直廬年來何事好中秘又鏡書

其五

問心猶少壯一鏡滿頭霜戒已投綬刺因人記錦堂
曾經關塞險何惟面顏蒼垂老承虛寵封侯得醉鄉

學源堂詩集 卷之四 五言律

辛

其六

繁華曾入夢心澹是非餘態腐應人厭官貧願友疎
藜分劉子政書愧路溫舒老可清齋便年來只飯蔬

其七

降愁憑道力愁重苦難勝愛種忘憂草不藏醒酒水
醫來即熱客妻老是良朋責子無陶句書聲午夜燈

其八

歲歲嗟虛度才名甘讓入畫龍難易售調雀老纔馴
世法多相左人情薄是真公敘生相淺豈敢羨華津

聞先大夫入邑乘

先人有獨行精甚在鄉間登領金華誥新編銀管書

家聲陳紀魏文字蔡邕如企慕前賢輩督宗俎豆廬

春霖張爾成捕卿招同李書雲余佮廬王北山

三給諫摩訶菴看杏花

破嶺尋春遠招攜石竺間典高即暇日地僻况禪關

樹裏千聲鳥尊前一帶山登樓憑眺遠不負此官閒

其二

野曠春愈媚林煙綠一園遠公容散酒曾點未成衣
坐樹鶯聲老蒸田水氣肥閒雲如有意故故傷人飛

春雨

學源堂詩集 卷之四 五言律

辛

一春無不陰今日雨淋漓響入丁香碎涼生丙舍深
燕於水口落雲向石頭沉徒有窺園興翻成獨坐心

春夜雨

雨聲憐夜靜况是暮春時鳥濕戎戎動簷高滴滴遲
遠鐘疑斷續獨樹覺參差積水莫教涸明朝灌竹離

生日劉慶子來京

白頭老內兄來為祝予生杏雨寒三月梨花泛數釐
似憐今歲苦頻問幾時榮欲去畱忠告休貪著作名

外甥劉珠自嘉興來

滿身梅雨色攜李至吾甥問訊高堂意攜將遠宦情

文章今日賤宅相幾時成歸向而翁說渭陽白髮生

賦得長安一片月

玉署吟秋典金臺見月華星辰白映雪宮闕碧成霞
鬼上梧桐小霜明鴻雁斜五侯絃管雜今夜照誰家

秋夜聽雨

秋雨澹人心蕭蕭入夜沉林搖宿鳥靜池泛落花深
倚枕書環肘挑燈事滿心乾封七載後無那嘆滄霖

病中喜雨

雷電今年瑞湧沱此日懽莫愁深麥急只願洗兵寬
著竹香流葉傾荷翠寫盤病中兒作杖扶我看新鷗

學源堂詩集

卷之四 五言律

五

余岱嶼游江浙還

游興君纔倦歸來意若何人情誰最薄吏道料同苛
那處無征伐頻年幾笑歌行藏休再卜急去買巖阿

中秋後二日同潘楚吟藤仙弟過城北崇慶寺

秋水和尚淨室

醉月有餘興招攜訪梵林出郊容散步聽水得空音
雨後鳴鳩婦沙邊立水禽尋僧雖未遇亦覺豁塵心

其二

寺古無須問蒼蒼樹十圍應門一衲瘦傷井九華肥
出定茶煙細談深聚葉飛別來知坐久簷鵲報斜暉

病起廬外野望

不是秋容澹寥寥病客情水天青不了雲樹白相生
去鳥孤煙杳寒花小徑橫遺懷頗悵望物候變蟬聲

高阜白雲

不知青阜迴但覺白雲偏樹密頻開閣田高屢斷連
四時皆澹日一月幾晴天欲問英英起平山曲水邊

雙河碧水

兩泉村北合拍岸碧澄澄雨後魚藏荇宿前嬾弄冰
雲來如過鏡波起不容昏幾度臨流賦淩淩得未曾

遠邨樹色

小邨數里接晴閣望如通樹有幾股綠花惟一片紅
斷煙高下鳥斜雨去來風若得舟橫水居然圖畫中

靜夜聽濤

萬騎喧吾枕譙樓箭正催風從月上靜濤自樹中來
定帶星辰波莫將落葉推雲霓人悵望歡喜當聞雷

佛閣朝煙

一閣窗三面朝煙面面圍春寒不著樹地僻欲屯扉
白到河梁澹青來沙磧微可憐無五色謬作慶雲輝

早起野眺

爽絕登臨興朝煙淡不孤淺深村外樹來往水中晃

眼底無車馬，胷中得畫圖。棘人方枕曲，不敢號潛夫。

一老吟

有美城南叟，嶠然近百年。臨流結草屋，閉戶灌花田。
宛轉五禽戲，清幽一指禪。客來談往事，搔首望高天。

苦暑

曾不因人熱，今年想踏冰。神情儼病酒，氣味似親燈。
惟事桃笙暖，謠言火井升。正尋河朔避，有客索題綾。

蘆溝橋望潭柘山

十年空挂笏，望霽恨難攀。偶涉桑乾水，因看潭柘山。
雁迴十里外，雲起數峯間。佛子馴龍處，霞生盡日斑。

學源堂詩集

卷之四 五言律

音

贈趙州和尚

時為舊邸廷致

會傳天竺鉢，雲水意蓬蓬。錫杖停金馬，禪心老木魚。
幾行智永字，一卷道林書。佛法無須遣，人情已太虛。

雨後望家信

喜雨沉病減，懷鄉旅思增。業惟百畝稼，官是一條冰。
帝里霑如此，家園恐未曾。長鬚不肯至，塗說尚難憑。

辛酉春偶過天寧寺有感

寺與年華改，閒來感歎增。哈呀驚敗壁，覓覓見殘僧。
氣候如秋老，雲煙任鳥騰。莊嚴失浩劫，空法亦難憑。

春夜聽雨

愁心無可慰，晨夕望春霖。忽暗窗前月，微聞樹裏音。
簷花千點下，砌雪五更深。明日扶藜出，晴郊看碧岑。

燦兒白東安來省，余於天寧寺瀕行，書此付之。

衝暑離安次，慇懃定省來。衣猶前歲葛，僕是十齡孩。
夜話傷貧病，家園歎草萊。如斯即宦況，莫作北門哀。

移寓慈仁寺

五月三移寓，行勝總傷僧。蕭條非逆旅，閑寂亦迦陵。
梅雨桃花濕，薰風蘭蕙蒸。但能書麓穩，不忍更軒騰。

馬胎仙貽桃一筐

不作歲星偷，桃園枉夜遊。傾筐欣有饌，留核欲何投。

學源堂詩集

卷之四 五言律

事

赤玉寒生液，青霜暗送秋。報瓊憑展席，枯韻檢詩籌。

移寓

何事頻移寓，微居量俸錢。但容旋一馬，豈想落三鱣。
雪徑梅風掃，春堂燕羽穿。既能耽寂寞，不用賦歸田。

其二

遷舍似遷官，經營事事難。書厨無兩脚，香鴨柱雙翰。
兒女因知累，瓶罍動覺殘。高山吾有調，擬去閉門彈。

七夕

秋以夕為節，傷子違暮情。星辰明遠樹，風雨過高城。
巧向何神乞，涼於此夜生。天河容易度，只要鵲橋成。

壬戌重九

無地插花籬重陽負酒卮秋聲楓樹遠寒露草堂滋
何處堪高眺今年覺更衰常參疎筆研佳節強吟詩

聞煒煉雨兒入庠

椰子詎能文相攜賦采芹姓名三世繼詩禮幾時聞
宮草聯書帶池魚吐墨雲而翁辛苦地敢望爾超羣

杭仲選令崑山

從政亦何有多君具達才民情玩水火田賦困蒿萊
拔雄知難信懸魚料不猜崑湖明月滿琴靜好銜杯

送賈水方同年令婺源

學源堂詩集 卷之四 五言律 美

讀書收綠簪爲政傷黃山一簪薰風裏雙鳬葵水間
大儒無小試茂宰有餘閒處處文公跡君其次第攀

送丁筠雪貳順德

一旆盪薰風看君佐郡行柏人尋古跡棠樹接家聲
地近郵書易官閒詩典清丞哉知不負屈指入承明

王四表弟來京

難後來相見浩然恨未除人偏信市虎我自念池魚
奇事增天問衰年望隸書佛言多果報歸去莫教歎

慰瓶菊

宛宛瓶中菊輝輝強自妍澹人須爾對秋色欲誰憐

葉自迎寒露香應逼暮煙東籬金落早幸爾近青瑣

焚兒歸里有示

汝去方冬夜焚膏莫怠荒賀貧皆古道破悶有書香
歲歉剛殘客天寒緊報章近來鄉俗薄跬步學循牆

晤煒兒園歸里

送爾歸鄉土汎汎感路人一番爲父子千載竟灰塵
落葉寒丹旆濃霜濕縞巾別離當此際枯目斷秋旻

送魏昭士

何所見而去將無歎此間客情慚我淡文事樂君閑
夢向霜葭遠書來叢桂艱過庭如問我念昔淚潺湲

學源堂詩集 卷之四 五言律 三

王崑良少參再守寧紹道

慨爲蒼生出重臨謝傳山鐵船真可渡棠樹老曾攀
威望傳軍壘恩波到海蠻越人食德舊踴躍識君顏

桑雨嵐少參山東督學報最擢粵東廣肇道

萬里莫言遠八蠻正待恩文昌原執法岳牧亦分藩
珠翠晴看市蛟龍夜到門嶺梅十月發折可寄西園

蔣芳蓀補任督理浙江驛傳道

馮翊畱棠菱歌思二十年如何霖雨處偏向海江天
風景臨安勝詩才公琰賢佇聽浙越頌速不啻郵傳

五日

重午復重午燕京四十年青尊霜鬢客黃龍火橋天

稚穉何曾到菖蒲徒爾懸人爭酬令節吾獨惜玄蟬

送吳巽勳進士令陽曲

晉陽我舊遊足風流雲白山懸金花黃石繫舟

人猶動蟬蟬地不脫貌貌治劇君游刃行聽來莊謳

陽曲山名

許山濤太史假歸如臯

野水欲浮天閒君買去船書鈔中祕富鱸憶大江鮮

秋色明紅葉蒲帆裊翠煙揚州迤邐是畫錦記新篇

賦得秋月揚明輝

學源堂詩集

卷之四 五言律

三

萬景秋來澹皎然獨月輪星辰白浸水花木冷含津

光滿知潮大華生音鏡新瓊樓高幾丈須問折花人

趙雄麗主簿送親歸上黨

三年博望客見月放秋鵬去豈思尊萊行猶舞紵班

白雲依潞水紅葉照壺關給事需桓範春風願爾還

乙丑中秋

雨霽天光潤秋分月鬼盈此時誰不賞去日我偏驚

露下金波嫩風迴玉樹清瓊樓寒自迴或不似龍城

人日

五

七日晴和甚天猶肯愛人世情春雪薄宦况夏重真

少見偏多忙無才豈患貧縱然眠食好莫亦負吾身

連恕菴樞部出權分巡青州道

青州道

司馬含香入分麾出脩兵節懸滄海日雨潤貝丘城

世澤甘棠近溪泉醴水清知君能報政暮月有歌聲

題潛翁軒

高人愛幽處小築白雲隈野徑憑風掃空軒待月開

不嫌瓦鵲噪只許羣冠來太古如山靜長吟日幾迴

丙寅中秋寄快園步月

露白園林夜扶筇富野遊螢高星動樹花澹月明樓

朋輩衰年少壺觴興與稠此中無打格不忍賦悲秋

學源堂詩集

卷之四 五言律

三

徐子振武狀元分守寧海

奪錦朝丹陛分鎮向赤城中山宜似續太海佇澄清

虎帳天台對彤弓華頂明太平離耀德上將羅簪纓

次劉止一贈韻

止一號安丘相國弟曾官粵東參將

誰猶識介弟汗漫作遊人池草寒春夢江風罷釣綸

伏波曾未老原憲那為貧邂逅涕還笑千秋悟海塵

曝書

賴有青箱在其如白蠹侵傲人無富腹免俗亦狂心

芸老流香古籤黃閱日深百城富不得徒說孝標滌

乞竹王翁

小築剛容鄰牕前曠草枯峻嶒老丈在瀟灑此君無
陶令荒三徑淇園葉萬株簪簪如乞我他日看雲扶

中秋

十載中秋月無如此夜清碧雲高鳥去白露暮煙平
老話驚孫子閒情憶友生酒酣憑杖起霜鬢戴星明
重陽老友送菊

重陽空對酒老友送花來似解幽人意非夸隱士才
露寒蜂蝶少天濶雁鴻迴香發何妨晚留連盡一杯
劉木水由代州貳擢守遼陽州

五馬原侯秋三韓況帝鄉風能清代郡才可問南陽
學源堂詩集卷之四 五言律 本

病起

病起如歸客亭軒恍舊遊菊從何日老雪向此君浮
散步青藜壯閒看白蠹稠呼童理鉛槧書債未全酬

朔雁 丁卯九月

何處不開雁聲情此夕殊去天幾咫尺得露任歌呼
萬里看紅葉十行寫碧湖寒喧獨爾慣來往似征夫
賦得涼雨消炎燠

林深暑燠積一雨灑然開不擬冰壺映疑從雪嶠回
葛香秋滿袖塵淨鳥銜苔大笑祝融氏莫當列缺庭

雨中遣懷

此身閒亦好客膝畝宮寬涼雨濯香徑新荷挺碧漪
願同鳩婦拙不學腐儒酸世事波濤其衰翁壁上觀
矢後重葺舍間成

依舊難容駟徒來賀火書雀羅新徑密鳳字故人疎
儘可門題午無勞客駐車猶憐不近市草色似村墟
周茂卿書來兼寄六安茶

五年別後忽萬事歎遷流我尙老而健君其貧不憂
酒果常自拜茶吏正重修火賀門無雀書來慰渴喉
伏日劉星五招同劉千之黃子昂李仁濟雅集

學源堂詩集卷之四 五言律 本

郊園遠翠亭

避暑寧須遠招攜愛野園無人不皓首有興此芳標
花氣風分送鳥聲竹合喧敘談多感慨白眼看乾坤
七月朔登聚奎樓是日重修落成

久絕登高興茲來殊罕然西山青不了南畝綠無邊
天近憑誰問雲奇任爾旋築臺當日意莫漫負前賢
其二

阿閣欣重煥文翁化澤新宮墻存禮樂祥瑞像星辰
雞永環雙帶人家比萬鱗落成真可慶晴畫絕風塵

七月七日雨

見說新雪禱雨師不自寧其零滋萬寶此夕隱雙溪
黍稷戎戎紫葵蔬淞淞青酒材天與足皆醉獨難醒

聞蟬

氣候蟲先得新蟬愴然心繁聲催白髮落日清蒼林
鏡裏看勲業牀頭夢古今此身衰甚矣愁聽爾長吟

沈遠公移家德水

誰破門前雪休文賦別離十年勤北學一日愛南枝
觀海滄溟小攀雲日觀危錦囊如得句好奇老夫知

立春

春從何處立風色卯時歸一點青心柳七分綠萼梅

學源堂詩集卷之四

李

田家爲壽酒太史候寒灰珍重雙柑在黃鸝旦夕來

病後至快園

學步僮爲杖蹢躅到墨莊履痕十二級臺高丈二尺花信

廿三場桃已紅飄雪爲猶青家香繩床聊憩思輒欲

整詩龔

五日

一年幾令節香艷獨清憫安得老而健其如貧且愁
杜門懸虎艾錯夢到龍舟此日猶乾旱徒勞雲漢憂

青城孫入邑庠

乍觀床前拜阿孫賦采芹燕語吾有愧繩武爾應聞

寶一杖村叟公五色雲前多如尋多祀

默坐

默坐常終日難驅與病多佛云不可說子日知之何
長晝喧檐雀微風偃初莎靜中別有悟非是學維摩

久陰不雨

油然非一日霖霖幾曾沾誰敢作天問人爭向月占
葉乾蟬苦抱花瘦鳥空銜莫漫愁時物街頭米價添

對鏡

對鏡亞然笑阿誰此一翁分明如病柏猶苦學雕蟲
潘岳頭飛雪少陵耳問風文章與勲業只可付秦銅

學源堂詩集卷之四

五言

李

贈唐右章巡檢

我久樂郊廬聞君異績多詩茲堪遠靖領尉市城歌
廉吏屢封旂神功虎渡河萬民盡使在早晚上盤坡

九日無菊

草堂鴻雁去不見菊花開那堪無錢買何曾有雨催
野菴藏落葉寒露濕高臺得酒亦云快狂吟杯復杯

師琅友宰通山

鰥瑤家世濟君獨課讀實百里言辭宰三年即墨封
蟻梅夾路發竹馬到江逢楚澤雲霓望隨車雨定濃

郝純齋身史河東視巖峻過郡相贈

驚我門前雀亭軒枉牙冠詫看顏長改愁說野田乾
猗頓池生秋薰風亭臥類此中關大計賴爾是首官

皇華館偶題

勝地開郵亭荷風入座馨沿城一水碧當戶數峯青
花自名君子人誰應德星幽情難暢敘對此覺微惺

郊園茅屋成

東臯偶小築十畝綠中分屋狹難棲燕墻低不礙雲
桔槔鄰戶牖蝴蝶上衣裙預想田家樂秋來飯羹芹

五日

老人愉節序不獨興寥寥無術能焚慙多愁枉嘆臬

學源堂詩集卷之四 五言律

窗

榴紅花落落蒲綠影蕭蕭百口須珠粒束縛麥半焦

賦得密雲不雨

正切霓雲望霓霓忽簇天何人不禱爾終日但油然
離畢非今月乾封已去年將無造物者真欲滌山川

喜雨

今日纔霑足軸簾進一杯瀑簷真是瑞潤礎不須荷
撥刺魚相戲葢葢花漸開西時聊一望撥裊喜紛來

送邵子昆明府應詔赴闕

卓犖君爲宰循聲噪日邊社城推老宿虞芮棄開田
行塞人歌母發倉戶戴天省台虛左待知不作寒蟬

容問

莫訝余何瘦請看肥者誰話貧嫌客至索債得奴欺
帶緩秋衣改鞍輕老驥知總然能戰勝肚不合時宜

南發里中親友暨藤仙弟獎兒送至石橋店

暑氣屯高柳恰予事遠征親朋愁旅食子弟計歸程
嘶馬旗亭急飛鷲野甸橫石橋揮手處去住各含情

河間道中

高澗環瀛郡河間以此名樹烟濃海氣沙烏亂溪聲
一水燕齊界雙星箕尾明輪蹄何滾滾直北是神京

登泰山

學源堂詩集卷之四 五言律 奎

五嶽非吾志泰山偶一登何嘗天下小只是日低升
雲霧觀生氣碑銘慨代興無人吟梁父辜負此峻嶒

天妃閣

一牖關三水猶虞輓運藉君王方野食民力此金
隄樓閣懸危岸餘艘立淺溪俄傳赤羽至狹路行雲

述

露筋祠

水岸懸孤廟春秋醉女郎碑文難盡信遺事亦堪傷
泣月水魂渺迴風玉骨香祇今白鳥媿不復響祠傍

登瓜州大觀樓

豈有乾坤眼茲樓獨大觀山眼吳楚秀地坼海江

戰伐千年蹟風霜萬里翰金焦與北固直作檻前看

呂城

水店畱人姓築城紀呂蒙民餘三國後地衍大江東

紅葉霜纔染白橋月乍空雞豚賤于穀不問是年凶

虎丘

不斷有人遊將無是虎丘兩門隨岸開一水抱峰流

酒茗僧家市蕘銅賈客收書生無劔試空到此山頭

瓜洲阻風時大兵班師至京口

無風江亦險況復橫艤艫返棹尋瓜步鳴榔入荻叢

學源堂詩集卷之四 五言律

水光弓月上人影翠禽中莫漫悲滯滯爭如簑笠翁

其二

水關容鼓柁宛轉度雙橋魚雷傾殘市鷺塘浴早潮

綠窗人覩客紅樹鳥鳴宵悶與愁相積徧聞渡口囂

其三

遠岸浮江許雄城跨水洲眼烟長慶寺秋色大觀樓

司馬勞分刺將軍控上游海氛談往事指點數荒丘

其四

聞道江風急兵船坐潤州兩城纔咫尺三宿又淹畱

酒薄吟詩醉黃殘聽雁愁行踪渾莫定來往歎浮鷗

泊江口步月看金山寺

梵林宜見月尤喜見金山江影菱花鑄五日石光玉

帶環東坡寒青連碧島虛白動霜灣步屐滄波上疑

來天漢閒

惠泉

一勺石泉響千秋陸海聞薜烹經外史酒釀頌參軍

甘豈臣心似清將人鏡分若爲天下雨不讓泰山雲

不寐

客子多鄉夢愁心劇可憐叫雲驚浦雁破月聽江船

一枕三千里五更六十年非與咄咄無可奈何天

學源堂詩集卷之四 五言律

九日飲維揚許氏園

客況憐佳節招尋過辟疆行依石磴曲坐受竹籬香

濯雨芙蓉砌畱雲薜荔牆引杯懷暫放莫更憶柴桑

過丹陽

地已趨吳境入猶帶楚風舟車能並用魚稻不偏豐

草掩陳東墓河環季札宮文章與氣節今昔可還同

舟中雨望

秋雨澹人心孤舟倚櫂吟雲來山吐氣鳥集樹調音

不惜青帘濕獨憐紅葉沉望中空翠滴知是鶴林深

顧筆堆太學招飲池亭用杜少陵遊何將軍園

林韻

爲赴虎頭約頻過虹影橋高楓蔭僻徑淺水漾秋霄
門狹盤輿入賓遲折柬招寧帷貪看竹五里覺非遙

其二

過庭循曲檻步履漸幽清老石疑蹲虎新蟬學轉鶯
梅漿寒代茗蒲笋嫩堪羹列座斜臨水人從鏡裏行

其三

宛轉石梁築參差水柱支去尋烟外柳已到閣前池
日上荷全覆風來魚不知新秋暑未處爽氣快同披

其四

學源堂詩集卷之四 五言律 交

小閣騎山子沿山幾本花葉穿雲似鳥竹抱石如蛇
指顧亭原近紆迴路却除分明籬落隔不是別人家

其五

夕陽忽滿席亭畔小樓開不大三間屋曾容幾樹梅
雨宜花氣入晴喜月光來俗客應稀至請看石上苔

其六

堆雲傳綠野碎錦榜平泉別墅君家勝幽寺步力綿
拙鳩藏柳窠貪燕掠荷錢欲倩滄洲筆拂瀟瀟帽川

其七

客至宜忘返敢言荀令香避茗綠屢濕移簾爲

座已無人醒室猶有酒藏與僕莫促迫直待日頭蒼

其八

朔客高陽侶西園習氏池紅添子美面白倒季倫最
不使肺客酒誰能箇有兒夜遊如秉燭最老更追隨

其九

日涉方爲趣翳林奈晚雪不於金谷句真愧玉堂文
蟲語催花細茶烟入樹分此時晴正野涼月白紛紛

其十

一流人物在悲憫奈愁何天際奇寒迴席前白髮多
畱賓鶴欲舞歸路鳥爭飛浪遊金龜花黃多更難

學源堂詩集卷之四 五言律 交

冬之夜

我欲天不夜其如冬夜長家園隔遠夢江月幾道光
寺遠沉鐘鼓難寒報雨霜無須歌扣角當思蘇軾

吳江道中

冬至猶多雨江行況有風帆開霜嚴雲起蟻梅空
小市三千廟長橋五十虹無邊風雪舞都在太湖中

桐鄉道中

不是古桐鄉風流亦自良一村一水清數里數魚塘
浦雪迷君竹江鷗落女桑皂林有戰壘烟霧尚蒼茫

雪夜泊塘栖

倚棹吟無賴愁聞雪打簷樹烟十里暗漁火一星
水白酒難買夜行船不通西湖應皎皎好去看瑤叢

仙人粉

一種仙人粉凝霜似不灰石名柔白可為爐禹餘糧有類
子飯堪猜掘鼠窮泉水剝榆廢屋材民饑無可食三
咽有誰哀

題林天爰荆谿小隱圖卷

君寧隱者流何事住林丘王粲原非客邵平故是侯
樹烟來几上山色滿鳴頭我識為圖意最深且寄愁
太多詞人曾為琵琶
學源堂詩集卷之四 五言律 李

至西湖寓昭慶寺

古寺新客西冷正朔風山嵐消雪碧木葉染霜紅
遠景樓窗外寒烟水徑中貪逢僧話久鐘靜梵王宮

西湖雪

雪暗山增勢天低水有圍樹花衝鳥散漁艇入烟微
遠近寒光手縱橫柳絮屏不問游客至只是野僧歸

樓觀望寶樹塔

寶樹人同空閒窓我獨偏袖簾當一面揮翰對東巔
鳥語寒光裏鐸聲夕照邊只愁明月上白與水相連

玉泉寺

原缺

學源堂詩集卷之五

清苑郭茶快園著

七言律

丙申元夕尾 駕南苑 賜讌

爛熳傳聞九市燈恩叨翠幄賜紅綾大官霞醞香噴
苑元夕星橋花映水蓮炬五雲 天子氣薰山萬戶
太平徵侍臣既醉歡無極遙徹嵩呼拜耗甍

已亥冬十一月

上幸明陵側念崇禎帝 勅工部重修陵寢仍謹莊

烈皇帝恭頌曠典

學源堂詩集卷之五 七言律

宸遊天壽聽嵩呼駐輦明陵降典殊無論劇秦知漢
大有懷鑒夏與周符十年白草藏金盃一日黃流醉
鼎湖謚法昭垂宣史局歡聲傳咏動皇都

丙午元旦蚤朝

五年次午應中天鐘鼓參儀鳳闕聯獻瑞錦袍皆武
士呼嵩紳佩是朝鮮墀頭有日霜華濕殿角無風漏
點傳一聽鳴鞭齊鵠立 龍輦遙自兩宮旋

迎薰亭侍宴

力應林鐘賜橋辰六月九日唐賜百官橋詔開西苑飲儒紳池
頭鴛鴦圍瓊樹天上龍雲照玉津宗伯儀章先九列

班序亞三賓 宸遊輦路傳清警遙拱虹橋驛

一人

其二

鑾輿度處接銀塘高岍沉沉蔭柳廊鳳舸賜名懸

御筵南枕出水登天香新霞金榜移朝日宿雨瑤窗

翠簾豈是昆明掣橫海涉川舟楫待賢良

其三

禁池隈魚鳳擘麟兩仗開近水不知當暑

月無塵真是到瀛臺就筵虎拜凡三贊隔岍山呼定

幾迴欲答鳬鷺無賦筆萬年觴借水晶杯

學源堂詩集 卷之五 七言律 二

其四

太液波明影碧霞斗牛星岍泛仙槎百壺湛露聖人

酒十里香風君子花步驟過船吹菱粉鵲謁出水帶

菱芽銜杯四望歡無極身在瀛洲第一槎

其五

鼓枻乘流畫鷁聯巍峩金碧接東天雲烟浮動翠恩

密樹影參差睥睨偏蘋蓼花疑橋外轉鴛鴦亭在鏡

中懸二亭相對禁中傍池樓閣千重翠園裏芭蕉檻

外蓮

其六

帆影直當玉螭橋橋頭人捧侍中貂鳥迴白榆蜺龍
艦馬到紅門駐虎鑣鐘鼓半天瓊島寺亭臺四處海
光潮溯洄不覺來深港驚起蘆花翡翠漂

其七

迴橈容與赴安瀾醺酒平臨西澈看玉削遠山皆碧

落金輪古佛是栴檀西內 寺名 兔園 西內 園名過雨搖青竹龍

壑西內 地名因風下彩鸞十丈仙霞紅一縷光明殿裏玉

闌干西內 有大小光明殿

其八

涵碧亭高受夕曛侍臣醉飽賦橫汾船迴天漢疑春

學源堂詩集 卷之五 七言律 三

水樹出奇峰總夏雲進酒諸王朝北面彈絃天子

奏南薰周廬兩岍稱榮幸盛典長安喜共聞

其九

揚帆重向碧波凌不酌堯尊亦不能太白醉憐銀縷

鰲相如渴愛玉壺水避人水鳥看相習竟日荷風得

朱曾聖主恩深臣意洽沉勞中使勸頻仍是日中使宣勸

再

其十

曾侍先皇午日遊何當寵遇兩朝優白鵬繡襟花

香染綠蟻金尊雅興酬共載隆恩傳萬國太書崇

會史千秋對揚祈與民同樂豫識 宸衷念九州

宴歸馬山占

瑤池侍宴並鞍回醉拂薰風笑語開奪錦敢煩天
子問衣黃親見聖人來彈冠柳忻纓沾翠振袂河
洲珮映苔三館詞臣齊沐寵須知盛典為憐才

獻詩遇雨

蓬萊縹緲憶遊仙賦得灊洲雨露偏句擬卷阿鳴鳳
什吟同天漢躍龍篇捧函曉聽鐘聲濕出直陰看柳
陣眠歸去莫疑衣袂重甘霖坤夜帶甘泉

丙辰元旦雪

學源堂詩集

卷之五

七言律

四

今年滿擬迎天休元日蒼茫瑞雪浮上國琪花開凍
樹春城雲葉鏤烟樓須知太史占田曆可有將軍取
蔡州聖主憂勤停獻頌玉華應是兆豐秋

丙辰正月二十六日再拜宮允之 命感賦

苑開博望近金鑾二十一年再拜官白鶴門邊尋老

吏赤旄仗裏見文竿玉河水嫩沙堤柳柳郎牆高金

馬闌見說銅龍真福地曾經萬國聚衣冠

署西苑
理舊院

上特出金牋命書王右丞蚤朝詩一首揭為屏風

鳳錦鸞殘出建章詔分三館寫三唐花香日色王

摩詰青瑣搖臺緒遂良翰染雲鴻摹聖草墨研秋露

借天光一臺二妙千乾象奎宿今宵定有芒

青瑣句
出詩傳

甲子元日

上元甲子履端辰風日晴和運會新萬國咸率頒頒
曆一人有慶賀王春龍笙象管鈞天樂絲帳華樓
玉水津處處歌聲傳白雪衛樽何用酌堯民

元旦立春雪

乙丑

朝元節序應春官金闕瑞華曉未闌複道紅燈連南
簿掖門蒼霧擁朝冠水花五結天分候

秦雪葭管初
五花

吹律變寒左个青陽須紀瑞銅龍樂奏萬年歡
康熙二十五年閏四月二十五日同禮部尚書

學源堂詩集

卷之五

七言律

五

湯公斌滿洲掌詹尹公泰至

東宮惇本殿前恭候進講

皇太子諭云典學為道統攸關予自幼冲躬承

皇父諭教夙夜敦勸四書周易尚書誦讀已週且曾

聆受講解茲出閣開講以爾等學優行美簡

克講官予何敢不率循蒙卦之義佇爾啟導

懿典既重禮貌宜優可免爾等跪拜賜坐進

講昭予崇儒重道之意等辭不敢當及啟

奏

皇上云皇太子冲齡有此誠念爾等勿負其意況賜

坐進講古有此禮可勉從之臣等奏曰免拜
坐講古雖有典惟古人克當之臣等何人敢

膺斯禮

上曰爾等既懇辭著止行二拜禮仍賜坐進講恭紀
銅龍初啟侍中宣進講儒臣尺五天重道桂宮捐拜
席承恩南殿肆筵御爐香裊芝函帙寶翰霞流金
鳳牋仰識 聖功蒙養正勳華世德接心傳

瀛臺進講

博望移鑾傍九成瀛洲仙館接西清講筵近水荷風
入禁苑流雲石翠生樹裏烟嵐朝綵閣池邊沆瀣度
學源堂詩集 卷之五 七言律 六

霓旌百條奏罷紅橋散獨有宮詹最後行

春日侍直守晚

直廬清迥切奎章珥筆欣當畫漏長影對鳳池羞白
髮書繡虎觀勝青箱瀛臺御柳通佳氣瑤島天絲掛
夕陽恩遇兩朝叨 睿簡在公夙夜有輝光

暮春侍直西苑

晨趨西苑爽塵心淑景韶華滿禁林蓼蓼蘆抽千尺
碧嚶嚶鳥弄七絃琴日高彩鳳雲中閣霞擁青螺水
上岑徙倚畫橋須詔問瀛洲縹緲送仙音

夏初瀛臺侍直

瀛臺啟事傍雲霄玉祀金扉列珥貂兩仗旌旗環綠
水一行鷁鷺亘紅橋霞明綺樹朝光麗柳曳銀塘翠
色遙下直西清憑暑月九成真莫羨嵯峨

閣直對雨

倬直綸扉對玉闌禁城雨色坐中看掖門樹濕虬龍
翠太液波漂荇藻丹漠漠雲霞通上苑沉沉鳥雀靜
長安紅塵灑落秋光好只恐愁霖野老歎

九日恭侍 經筵

聯班深殿玉堦崇九日登高傍紫宮宿警暮秋天闕
外雲籠香案日光中談經繡襪皆儒服訪道瓊筵自
學源堂詩集 卷之五 七言律 七

聖功講罷承恩歌湛露醺然不羨菊花叢

丙寅元日太和門侍宴

殿陛森森奏鼓簧朝正輯玉萃冠裳雲龍黼座浮龍
袞風動瑤墀漾雀觴執戟熊羆爭向日盈祭橘柚凍
含霜歌颺醉飽鷄班喜白獸何須詡盛唐

春日過 南苑紅門

金殿瑤扉上苑開當年扈從幾回來雲霞百里瞻龍
氣松柏千尋長鶴胎前席夜明鑾閣月宣綸晴動海
門雷只今白髮經過處郁李濃桃喜正栽

翰林院啟館

踏踏仙署聽宣麻北面人宗擁絳紗
聖時有主
筍蓬萊無地不金華日懸雙闕朝光滿春到長安淑
氣除中祿正饒蝌蚪跡禁烟今夜散朱霞

詔試詞臣於翰林院

花磚日影憶當年珠玉揮毫事儼然禁柳春雲來
鳳闕堤沙草色接龍川昆吾御宿楊雄賦蘭圃華田
侯湛篇 聖主右文誰奪錦柏梁佳句自堪傳

詔遣田沛蒼少司農發漕米四百石賑淮揚水

荒

淮海鴻哀慘繪圖 九重軫念切予辜卿恩北闕三

學源堂詩集 卷之五 七言律

入

春雨續命南艘萬斛珠泊水何時酬大禹救荒今日
遣司徒江鄉沮洳多艱食引領將無望後蘇

和紀孟起中翰扈從 南苑

翠華迢遞幸蓬萊上苑薰風曙色開香染龍吟花發
後雲橫寶勒雁飛迴穿楊羽落蘆溝岬擊鼓聲轉碣
石隈珥筆仙班皆扈從甘泉獨有子雲才

賀劉伴阮比部蒙

御書松風水月四字並墨榻清慎勤三字之賜

建章宮裏侍宸書 御墨淋漓尺丈餘曾照紫烟

迴紫禁猷承翰寶出彤除香吹錦袂天街滿瑞暎堊

聖日影舒榮寵羨君齊宰輔定知蚤晚賜金魚

其二

日麗奎章宵旰勤天言還欲侍臣聞三當魏史官箴
語四字唐碑聖教文 帝愛雕龍人自俊恩頒臥虎
筆同芬慙予濫點灝洲署香案何時看五雲

御書范忠貞公墓碑墨寶跋

聖藻旌忠雲漢章跳龍臥虎燦緣緗圖書直比庖羲
古翰墨雙飛奎壁光太傅笏牙金檢動常山舌血玉
毫香芝函霞起干天象知是重華撼九閭

和王子言宮詹奉 詔觀湯泉八首

學源堂詩集 卷之五 七言律

九

千峯雲擁落平岡神濤濶淵大麓旁地氣吹春連黍
谷海濤浴日涌漁陽烟蒸虎略紅川滿聲散龍沙白
畫長漫說驪山饒勝蹟靈源夜夜起霞光

其二

莫言浣布火無池南海炎洲見此時春半不寒疑野
燒日斜猶熱豈朝烹客來乳窟尋盤浴人向蛟宮借
鏡窺底事振衣齊北望鼎湖龍氣悵紛披

其三

氣煖如蒸雲夢澤薰高直逼馬蘭邊沸來龍領珠生
饒流出螭頭玉帶烟石尉珊瑚泉底蹙滕王蛺蝶水

中錢溶溶十里春水釋勝觀廿霖綠滿川未投之以

錢翺翔詞下如黃蝶舞

其四 亭壁有前代宮人怨詩

暮泉重築棟甍高霧起烟霏日幾遭草長龍雛會駐輦壁題紈扇舊揮毫茅山石鼎烹鍾乳灑島雲窩煉玉膏久坐無須愁執熱會看王母獻水桃

其五

元僚踰濟鳳臺升按轡文園共謁陵帝詔臨淵原有意臣心比水詎無能雲霞深鎖蒼梧樹日月雙懸白鳳燈夜濯齊度露液罷悵然霜露滿懷增

學源堂詩集卷之五 七言律

其六

鸞旂鳳輦過宜春灑道前驅漣瀾頻新築板房環煖溜豫開蘭殿俯霽津皇家典禮勤脩葺天子游觀重守巡山水從來各有樂兩宮坤德邁宣仁

其七

溫泉觀止荷溫綸數里陵園望更真獻賦自多金鄰地勒銘端有石如珉茅茨儉德稱唐帝芹莠名章頌魯臣甘醴霽芝休紀瑞濯纓清水報丹宸

其八

碧潭無竹亦漪漪莫比觀潮杜牧嬉水火相生罔水

極坎離既濟玩爻辭夕陽遠樹天開處落緒紅
暮時感激白頭老唐事歸來敲鏡歎吟詩

賦得東風已綠瀟湘草 曾孫

蓬萊軒傲近朝陽日麗風和瑞草長遙借萬年枝色爭披三月雨前香葉似霞舒碧細細心如丹綴黃漫道王孫遊處滿春來獨喜禁城芳

張仲若學士總制宜雲

詔從綸閣簡儒卿總制宜雲錫鉞行萬里邊城新壁壘十年星嶽舊聲名絳旂懸火秦乾煖繡斧飛霜榆塞清會見華陽歸戰馬曲江大業待調羹

學源堂詩集卷之五 七言律

題上人以詩投賦荅

梅將姓字挂水銜誤我尼言紫布衫倚日塵情醒一棹近來世法妙三緘閒雲有意歸蒼岫倦鳥無心傷野帆獨有禪宗宜冷宦時時騎馬叩香巖

沈繹堂外轉大梁備兵副使

驂驪開道壯哉行酌酒紅亭別有情此日旌搖河兩岸當年臚唱殿三聲驪情匹馬尋桑落影筆晴窓賦柳城黃霸今來重泊穎高臺不久鳳皇鳴

贈許曼公 曼公明末會稽人

京國卅年萬里身芝荷未許點緇塵范滂有議寧云

黨原憲無衣豈厭貴眼底滄桑筆底畫壺中日月座
中春貨春應下誰能識不用深山學隱淪

胡蒼恒太守與同社諸子飲臨漪亭擲骰得六

么

傾觴臨水暑炎消呼酒投瓊一色嬌簇朵擬梅餽有
瓣排星似斗不全杓御筵何必誇緋賜樂府猶聞唱
綠腰寄語諸君休詫異珠還合浦等今朝

除夕有感

老大率于除夕見無多歡喜只多愁雙鯨橫海誰能
戮八駿乘風未可收水擬人情金是毋疊如宦況影

學源堂詩集

卷之五

七言律

廿一

成樓幾時剪築山南北拉飲陶然有舊聊

金方搢都門納寵旋里

年來折盡柳長條却載明珠買阿嬌試舞風前雲拂
袖徵歌樓上月恍簫青袍白馬先投舍油幕輕車緩
渡橋漫結鴟絃調小鳳河東只恐有聲驚

崔修菴外轉漢中道備兵副使總理平西餉務

稜稜緇斧照華雲太史乘輅漢水漬策重名落原上
客權依大將亦元勳襄城更著過秦論棧閣新傳論
蜀文漫道茲行邊微遠康泉讓水總歸君

寄張華年同館時假歸萊陽

喜從別後得雙魚伏枕慙無作報書博物如君真海
錯多愁似我自山樛經春葉裏空花鳥入夢朋情減
飯蔬遙計驛驢趨關日金廳歷歷桂華疎

王晉劉外轉河南督學道副使

漏網身縈斧光青劉向能傳校後經多士漸知館閣
體中天新聚壁奎星非因絳灌疎才子自是詩書重
考亭化俗文翁應有召黃麻佇觀到河汀

玄菴宗兄拜都諫

誰領鸞臺第一班阿兄昨夜拜恩還碧梧垣裏無前
席青瑣墀頭獨佩綸獻絃久聞歌鳳翥封題今落近
學源堂詩集

卷之五

七言律

廿一

龍顏疎狂顧我難為弟潦倒石渠金馬閒

陳雷門令永城

君行作令好風流千載同符陳太丘

永城即梁丘古太丘

隨新雨發隋堤柳向蚤春柔雙飛鳬鳥原仙史一路

絃歌乃壯猷績奏循良應有異桑麻栽滿礪山頭

申臯盟歸永年

莫歎比干封墓晚

以尊翁殉節上聞未蒙議卹

人寰近日選忠經

深耕谷口即高士借隱金門豈歲星吾道可有不可
論世情宜醉不宜醒緇塵滿面何時滌亟返漳濱問

字亭

過張永舒齋中手談得讀近咏

共抱憂心似杞人高齋且拂謝枏塵談深日影移欄
竹奕罷牀頭澆葛巾世法總多尊我拙詩才如許羨
君新奇情怪底壓騷賦聞道眉山有老洵太翁大銀
臺在堂

正月二日送石公家稼部司餉臨清

石公
善處

酌君卽以柏浮尊丹旆紅鸛滿目春夾道共驚行色
蚤乘郵獨喜日光新東南物力窮飛輓齊魯軍需望
指囷閒說清源形勝好龍眠筆意自重句

石輿瞻視嵯峨兩浙

金伏正堪河朔飲玉聰遙發路三千錢塘舊是鹽官

學源堂詩集卷之五 七言律

西

地石奮今同管子賢繡斧影寒吳越微畫船風靜海
江天壯遊南北如相憶有客常吟橘頌篇

謫晉臬幕留別同館

五年冷署傷蘭芬此日傾觴忍對君何物小臣偏負
國從來遷客重離羣身隨鴻雁驚秋蚤夢到瀛洲喜
夜分千里太原知未遠祇愁關塞隔燕雲

其二

誰道凌雲動漢宮芙蓉幕底賦秋風非關懶掃雙蛾
澹自是緣牽一葉紅松鶴閒情歸散吏鹽梅大業屬
羣公莫憐去國青衫敝天祿書鈔已滿篋

王望如司李福州

燕京萬里指闔天君到江南舟楫連幕裏芙蓉清郡
節部中橋袖散鹽烟粵平陸買帆三尺鯉徒昌黎文
一篇竹見厦門風浪息右軍王畧是家傳

留別范箕生

西出何常無故人天涯不及比鄰親青箱日乞中郎
秘白墮時酣北海醇獨鹿冰寒馬可渡木蘭柴靜雀
方馴知君甘向書巢老瓜望仙成誰與論

再別涵叔宗兄

時亦
左遷

迴憶壬辰蕭寺中墮篋無調不相同一時騰達人應
學源堂詩集卷之五 七言律

圭

羨此日凋零途詎窮劍可干星關地氣珠能還浦待
天工雙鵲並躡蘆洲去慘淡黃金臺畔風

中秋夜與范相野談警卜

今夕笙歌滿帝京愁懷渺渺向誰傾命如妾薄何須
卜病已狂多莫更生雲去欲留蕉弄影風來未到竹
傳聲披襟受月非無意難得水輪此夜明

抵里寄呈都門諸友

浣盡衣塵京洛緇布帆無恙報君知何緣去國人爭
問此日還家我所思殘菊猶堪供釀料丹楓正可寫
斯詩獨憐羸馬青衫客又逐霜風訪晉祠

憶都居

眼底柴桑景物疎因懷燕市舊蟬廬
蹄痕掃斷閒繡史蘭穗燒殘夜揭書
砌竹有筠畱僕慨金蕉無骨任鄰鋤
行吟浪向邊城去不擬靈均著卜居

將赴太原留別親友

繁霜不惜點鵝裘說茲行亦宦遊
雪壓關河人面冷塵飛飢佩客裝浮
古今何代無三黜貧病嗟余有四愁
蒼老鵲鴝猶弱羽太行雲影恨悠悠

名

冬夜飲金方箱齋與高季木手談季木與余同

學源堂詩集

卷之五

七言律

去

爭坐場車時未幾雙顴各細少年紅
一杯不醉霜天月百歲徒畱雪地鴻
萍跡已知莊夢幻塵心爲對謝枏空
相和前後皆非劣初讀文園賦更工

柏井驛

以下皆果

石磴哈呀瘦馬歸停驛古驛倚寒溪
經前无案供沙飯枕上霜風送野鷗
月白荒山千嶂迴雲青邊樹萬峰齊
非因放逐吟關塞不信人間有路迷

平定州

肩輿欲仄愁過嶺沙路微寬喜近城
古刹荒臺探石碣寒溪白石聽無聲
辭家漸減妻孥累歷國偏招感

慨情客賤幸無關尹問此身何用更逃名

金粟園

故藩園今改寺

錦石晚逾蒼問是分桐舊辟疆
絃管聲寒鳥語雜紅妝客散墨痕香
徑來看竹門無鎖不擬登山磴
霜清漢銅仙難再賦只將興廢叩空王

其二

金粟非無意欲借曇光壓世氛
猶喜亭空能受月獨憐松老不藏雲
脾懸漢鹿存荒跡柳沒隋隄送夕曛
悟得滄桑眼底是離騷變雅總堪焚

雪後再過金粟園擬登文殊臺未果

學源堂詩集

卷之五

七言律

去

騎鶴容易發狂歌況復名園踏雪過
授簡抽毫當日宦吟詩醉酒半生魔
雲屯古殿藏瑤島花覆層松挺玉螺
幾欲登臺舒望眼偶逢僧話又蹉跎

寄弟及示燦兒

宦情如此可誰堪不酒逢人面亦酣
市米餓居癡已溫烹夜洗木味仍甘
執經芸館勤先業舞彩萱門倚少男
乞得籠開陽放盃芙蓉幕底便抽簪

寄都中諸友

幕底停驂雪滿衣燕雲千里望中迷
孤臣自止霜林擇遊子常懷護背幃
一笑相看皆是德半生心事愧總

成非杞憂偏入羈人夢聞道東南羽檄飛

除夕

丙申在
平陽作

身經三十四除夕不獨蹉跎感歎增鸚鵡啁啾人自
喜桔槔俯仰我何能河汾霜滿停孤轡驛館風多護
短燈遙憶長安簪笏客雞鳴都爲蚤朝興

元旦

平陽
作

記得年時趨關東蚤朝宴賜建章宮菊秋去國如飄
葉雪月辭家任轉蓬關度冷泉冬草綠地鄰雷澤野
雲紅不知寒盡寧知歲驚見辛盤薦客中

元日得家報知弟蕞入邑庠季男薛鳳生

學源堂詩集

卷之五

七言律

六

泛柏浮椒照旅顏喜聞黃耳繫書還魯芹弟采初盈
羽薛鳳兒生代舞斑驛館花明雙燭穗客心酒洗大
刀環只今樂事天倫好擬鬻驛驢去買山

人日聞喜署中

獨有宦遊鶯物候栖栖況是左遷人七開蓂葉傳今
日百疊波濤嘆此身驛路風柔新樹色官橋鶯過曉
山春一杯強爲芳時引且拂蒼蒼短鬢塵

晉藩故宮

紫禁沉沉畫不關人來人去看花山如何玄鳥黃羊
跡都在金扉碧宇閒水滿龍池雲忽散霜空桂苑樹

難攀寒鴉亦識興亡感夜半飛鳴不肯開

賦得遷客西來還自鳴

不憐心同楚木方却憐性爲飲泉狂昔賢大抵皆遷
客此地何曾是遠荒買酒且澆周黨慕羶驪頻上呂
梁岡懷歸非愛東籬好旅夢時到北堂

剃髮者欲余脩眉鑷鬚笑止之

驚見秦銅彫素絲銷除且趁日遲遲九苞鳳羽誰脩
采百丈虬松豈附枝涉世總然成桎梏逢人安可變
鬚眉魏徵微斌嬀陳平笑將相生來有異姿

白髮問

學源堂詩集

卷之五

七言律

五

年來風濶少年場短髮欺人暗點霜貴賤總由天損
益升沉不向影商量偶然喜怒成渠水瞥見繁華過
眼橋饒有茯苓克藥髮絲緣底到潘郎

楊猶龍由山西觀察擢中州右方伯

握手殷勤憐我至攀轅無計爲君留詩成驛路鶯花
夢夢繞家園旌旆悠三晉地尊楊子宅兩河聲動李
膺舟玉津曲水尋常到有酒先澆賈傳丘

東丁醫

藥名

三十年來遠志違防風常是臥孤幃偶酣芍藥開時
酒蚤投茱萸插後衣離亂此身猶獨活沉淪何日便

當歸從容爲說平生病心似蜀葵知者稀

五日

誰把深杯醉綠蒲驛樓有客與全孤白雲千里迷關
樹花暮一官佈馬猿入眼山橋蒙細雨停車野館閑
飛颺年時侍從猶堪憶太液龍舟宛畫圖

再輯五侍御按秦回都

夾道山榴撲玉驄知君趨闕獻秦風歌聲請入西羌
管斧影光回五柞宮桓典威儀原馬上荀攸家世在
河東于今柏府推司直佇奏澄清第一功

河堤習射

學源堂詩集卷之五 七言律

手

底事能教硯礪平碧流沙岸射楊聲波明有月珮弧
滿草偃無風鐵羽橫藥矢韃弓仍盛世落鴈沒石豈
書生偶然寄興何工拙且遣斜陽過短城

西河朱滄起先生書來兼寄新刻詩卷

一紀懸車臥辟彊詩筒貝葉染龍香不爭官品如人
品自是家鄉勝帝鄉靈笈既能分枕秘騷經只合鎖
巾箱緘來書札皆奇字慙愧侯芭鬢已霜

中秋雨

秋雲漠漠樹陰陰細雨無聲澹客心風定花猶垂冷
露塵空鳥自散清音不禁見月生歸思豈爲窮途澤

越吟且拂石牀傾白墮池塘落葉看浮沉

九日登蒲縣文昌閣

山閣峻嶒頰翠蒼登臨況復是重陽眼前碧嶽千層
聳檻底清流一帶長寄興何須尋戲馬隨緣且自醉
黃房坐聽空外鴻聲切愧說孤踪尙異鄉

贈李震陽

時寓襄陵

兩人山處有三同蘭譜門牆桑梓通汾水西來君落
落霍山東去我忽忽行藏但可學彭澤得失都將譬
楚弓好向襄陵沾白墮秋林繫馬醉丹楓

萬泉柏林

學源堂詩集卷之五 七言律

三

千章古柏翠濤鳴白日如藏風雨聲兎欲擎雲幽幹
出蛇爭抱石怒根生登臨不礙乾坤眼浩劫長留日
月精偶爾躋攀別有慨唐碑漢碣沒荒荆

秋意

太行西望萬山重瀑嶺花巖鳥道通樹不留雲司馬
墓塋爭臥草虜祁宮風翻翠浪葡萄紫日射金九林
杜紅遙憶故園籬畔菊秋來應發舊時葳

其二

千山秋老野雲蒼澤畔行吟類楚狂鼓瑟尙須存我
調飄蓬一任轉他鄉筆能吐鳳知何濟劒卽如龍亦

可藏遷客自來多慘澹牡丹不入九騷章

其三

偶然回首憶金門雙展猶沾禁艸痕浪跡乍來聞喜
縣傷心渾似買愁村三巴已窘蕭何計百粵空傳陸
賈言觀象何年低太白遠標銅柱作雄藩

其四

寄我孤踪有驛亭皇華袞袞駐雲駟三千國盡承恩
日十二垣中散使星王謝自多賢子弟尹邢不是舊
娉婷條山萬點垂槐萼東望粉榆入夢青

其五

學源堂詩集卷之五 七言律

三

洋洋汾水不游魚尺素何由有寄書廣絕交餘誰更
廣除豪氣盡我重除林無蜂蝶隨松柏野有芎藭媚
驅驢用拙自憐何所似非同樵海即山漁

其六

揭來不聽景陽鐘邸報遙傳似秘封漢室有才唯絳
灌虞廷多福自夔龍江淹到處空懷筆丁固當年祇
夢松莫對蜃樓生艷羨且看秋月澹心胸

其七

愁吟坐見落銀河豈爲無魚浪作歌竹到荒園多幹
節水流窮處少風波但教有地容稽懶自會隨緣縱

白魔乍見秦銅涵瘦影緝人雙鬢已婆娑

其八

驛路秋風檣轉催冰簾分座爲掄才湖芹江芷無緣
采塞李邊桃豈更裁薄命只宜耽寂寞美莊總有易
蒿萊避人深鍵蓮花幕不逐浮名取世精有微分枝
鄉闕未赴

其九

不獨凋楓易感人葭黃露白宦遊身邊雲漠漠東紫
趙嶽樹蒼蒼西望秦悲氣賦聲誰達者紉蘭佩茝自
孤臣秋來何地偏佳勝野水芙蓉醉隱淪

僧貽菊

學源堂詩集卷之五 七言律

三

已拋三徑荒無菊却喜一枝贈有僧碧葉蕭蕭秋露
下金葩冉冉晚香凝餐英自是孤臣意佩蕊應知仙
客能獨有風流彭澤令東籬醉後強高登

嗅菊

晨興踽踽下荒除盆菊含英白露疎握手清如逢隱
士嗅香法不載方書徐徐乞得蜂王巧細細能爲鼻
祖舒此日東籬猶爛熳何時陶令賦歸興

已丑春過隰州時同里陳公因之作牧下榻殷
勤未幾冠起公殉難事平其子藹公尋骸不
得茲再過其地憶舊悽然

荒谷秋風捲濁流重來爲憶十年遊
張巡魂杳睢陽郡賈誼心傷汨水洲
晉野尙能傳姓氏燕山何處是松楸
大招吟罷傾杯酒蒼霧漫漫蒲子丘

雙塢寺 太原

繫馬雙槐落照殷愁人獨喜叩禪關
煙生佛洞一燈閃霜老秋林萬葉斑
月近疑懸松頂上雲來只在塢中間
偶憑紺閣頻西望十里銀濤蕩碧山

重過紅土寺

重過荒刹欲幽尋曲徑高崖秋氣深
石洞悠悠通淨域木魚隱隱老禪心
僧因供佛藏霜果寺爲分齋下

學源堂詩集 卷之五 七言律 五

野禽不是枝官客潦倒誰能騎馬訪雙林

盤蛇口

童山歷歷似盤蛇亂石枯楊驛路多
高寒人歸峰頂去寒天鳥散樹中過
千巖暝色三冬雪百里泉聲一

道河爲底青帘不肯挂當壚只恐見兵戈

權店

山峽石門枕亂流前年水溢半成湫
蓬垣木柵憑孤穴老孖殘獮見虎愁
人語杳從幽澗出樵歌都在大峰頭
何來瓦鉢煨黃葉有客停驂古驛樓

沁州

山盡烟嵐極目清城依沁水暮雲平
銅鞮日有淡秋色石鼓時聞過澗聲
亂後人家開小竇竭來官舍沒荒荆
驛樓壁疥埋蒼蘚隙處剛畱遷客名

虎亭驛

虎祁豈有晉時形千載猶聞字驛亭
瓦缶店頭堆五色木棉驢背響千鈴
地連樓迴煙光紫山與雲冥雨氣青
客意尙憐秋未老竹籬低處度流螢

大陽鎮

沁水東流歷萬山山形平處啟通閭
人經兵火三千戶地倚巖崖上下彎
樓閣暮煙連遠樹桑麻秋色接

學源堂詩集 卷之五 七言律 五

重關行來百里經雄鎮顧我愁人亦解顏

東陳萬公

偶來非爲賦閒居擬結陶籬傍小廬
風雨叩門皆老爰晨昏擁膝半方書
慙無北海芳尊滿遂與南州高士疎
百尺樓頭如可下呼童好爲摘園蔬

杜詩云元日至入日無有不陰時已憂瘴國則

維其常我里亦然吟以志異

入日直從元日陰雲流風起晝沉沉
冰花徧結枝頭玉雪氣渾銷勝裏金
誰道天心七日復堪憐時序百年使杜陵舊詠傳已蜀那更燕山有和音

開壁示諸子

選日殷勤置絳帷百年烟榻古香披願爲韋氏傳經地不作陶公責子詩座上春風寧計月簷前十暑好乘時紫囊戒佩原吾意白雲難歌卽爾師

律

元夕燈聯中有月愛笙歌靜不流之句足成一

元夕燈天翠似秋滿城春色望中收風憐花火吹常細月愛笙歌靜不流十里星橋人海沸幾羣寶馬地烟浮誰家貂錦驕年少我老惟餘詩興稠

寄宋顯思

學源堂詩集 卷之五 七言律

三

松垣玉署掖門東簪筆鳴珂君與同一日秋風吹落葉三年荒塞轉飄蓬馮唐命薄頭先白宋玉才多賦自工賴底途窮不肯泣讀騷痛飲月明中

東郊春望

平皋散轡欲行春十里晴郊極目頻白接孤雲新水氣青含細柳嫩鶯身山川秀麗連畿輔天地風光媚野人種菊盤松原自好離騷豈肯和靈均

雙陸

波羅聞是梵王畱玉局晶盤戰不休廿四點排垓下墨單雙數定帷中籌風流魚掾傳花注壯節梁公祝

翠裘散帙投壺清事少畫閣聊借寫離憂

涿鹿旅店壁上見李小有丁丑題句愴然念其

人之云亡也次元韻

磊落當年未易投嗟君白首賦仙游赤松有約因辭漢孤竹何嘗不諫周歸去青山能作主傳來白雪自難酬無須更聽山陽篴焰壁淒涼月一鉤

謁漢桓侯祠

古廟頻過障路氛廿年今始拜將軍當時世界雖如鼎向後人情不似君畫壁蒼茫長坂陣垂碑斑駁閱川勳喬松尙識英雄意遙接樓桑日暮雲

學源堂詩集 卷之五 七言律

三

春日飲郊園

辟疆門對野泉開偶爲尋幽冒雨來曲奏朱絃馴鳥下杯傳綠蟻懶雲迴陰陰灌木隨風舞莽莽雜花得露培日暮無須催去騎倚闌猶欲盡餘杯

春暮書懷次金遜菴韻

韶光荏苒又從新排闥疏泉灌短筠百尺方心如楚木三緘世法學金人碧桃紅藥香爭老錦軸青箱貴不貧五嶽有懷遲向子黯然非獨爲殘春

桑雨嵐舉第八子

酌酒於君唱鳳雛膝前才子夢蘭符命名止可同元

凱旋美何難壓顧厨鄉曲有田皆種玉門相無歲不
懸弧符家漫爾誇千里八駿軒昂宛畫圖雨嵐玉
田人

次王金粟見懷韻

渺渺君行吳越閒山峰海嶠共誰攀遊人五嶽囊應
滿遷客三年鬢已斑燕市有金皆駿骨雁門無雪亦
藍關豪情客氣消俱盡行解魚腸佐買山

三月雪

桐華欲放雪花渾萬里蒼茫氣正勾田曆卜晴違甲
子春秋紀異首庚辰遠嵐雲重青猶隱低柳鶯寒語
不真惱殺風流戴仲若雙柑斗酒去遙巡

學源堂詩集

卷之五 七言律

壬

清明

三月春寒雪絮飛清明無柳插柴扉輕雲滄霧朝烟
散白楹青尊野祭歸開圃趁晴邀社酒看姬忍冷試
羅衣撩人景物檐前好乳燕喃喃話翠微

王若朴過郡夜酌小齋談舊

夢蝶驚飛客刺傳蓬開纔泊子猷船孤裘綉襖來西
隴虎節朱轡向北燕各有憂心難語世相看短景不
吞年樵青急爲烹春韭傾竿燒蘭共問天

其二

皐比輟講散蓬瀛香案梧垣各有聲瑞草如君逢佚

折盡魚似我望仙成狂如方朔官應左涕盡長沙去
亦輕料得布緡曾誓墓茶肩端不負蒼生

龐木伯左遷江南藩司參軍

紅亭勸酒莫教寒落拓于今半左官水驛蕭蕭新雨
送石城渺渺大江看人情不獨他鄉薄仕宦無如散
吏安我亦行吟澤畔客離騷橫筆已刪殘

屬僕買易酒

只因髯耻減詩思百里提筐買一甌最喜蕭蕭寒木
味莫辜灼灼好花時臺邊豈有新棠樹井畔猶存舊
習池不必中山千日醉醉翁意只在銜卮

學源堂詩集

卷之五 七言律

壬

五月十二日雨

萬騎馳馳曉夢驚瀑簷知是雨盆傾沉沉積潏浮簾
影片片飛花靜鳥聲蚤市豆瓜筐篋散滿城樓閣霧
煙平空廚莫訝遲炊火雲暗鄰雞不肯鳴

高仙友光祿書屋落成

聞君新構墨莊成乘几藤輪事事清光祿池臺看窈
窕仙人樓閣聽簫笙月來蕩漾花牕影風過丁東竹
鳥聲諫草避人焚幾篋閒心應付橘中枰

東丁野鶴

花徑春來客履疎雀驚忽枉故人車全無世法猶中

散雅有才名劉校書握手暫傾燕市酒論文重荆碧
山魚不爭去後香三日懸魏園丁未剪蔬

雨中飲劉季霖郊園

天曠雲低萬木清園空雨急小塘平野簑歷歷煙中
散以鳥垂垂葉底鳴數里蒼茫述古道雙梅潦倒寄
幽情郊田近與灘流接喜見新泉處處生

李過廬分藩懷慶雪中過郡相晤

避日陰陰柳凍黃官橋有客度輕裝鳳池誰爲移仙
吏虎節今牧去野王四海風塵皆我輩一天雨雪況
他鄉楚材自是川舟用莫把離騷對酒觴

學源堂詩集卷之五 七言律

手

雪棠吟易水范氏女未嫁殉夫奇烈特著其家

海棠一株花忽變白賦以志之

天憐烈節出芳齡如錦棠花幻雪形睡雨何須嫌有
淚披風不止恨無聲急傳玉署濡彤管擬付香閨續
孝經易水歌寒千古事于今慷慨屬娉婷

里中雜感

稔知樗散合幽棲且向家園課黍藜殷浩豈因官畫
字茅容不爲客烹雞薄田賴得迎春雨破屋愁看臥
病妻莫訝詩篇月一指桑麻事事是新題

其二

家塾茅堂隔短垣人來坐聽讀書喧課兒紙筆須三
分畱受盤餐共一尊砌竹盆花宜靜對藤輪木榻足
清言休緣舊雨嗟今雨地僻何妨雀滿門

其三

向疑衰我爲途窮世事參觀更不同松檜垂垂惟晚
翠芙蓉宛宛自新紅相逢少壯皆生客歷數知交半
老翁郊園青蔥春夏好浮生莫放酒杯空

藤仙弟舉子

牆東夜遞小鬟聲爲報阿藤蘭夢成吾弟有兒吾子
弟若兄之父若翁兄堂前棗栗須添籠戶外蓬桑已

學源堂詩集卷之五 七言律

三

挂楹屬語園丁多種竹林高二阮好同行

王雨若已亥公車八月再會試

幾年折柳應南宮此日公車葉正紅盛世之才無泣
玉偉人有氣自長虹春官慈榜開秋月杏宴江花趁
菊叢籌得平蠻須蚤獻廟堂方遣射蛟弓

秋日飲賈葵署齋中看茉莉

高館風多暑氣微尊前香滿茉莉肥歌聲入樹驚栖
鳥露點當階濕葛衣醉後有懷仍落落談深無想不
非非莫嘆夜漏壺聲急迴首簷前星宿稀

劉季霖貽桂花二株

金英碧蒂發天香我友移來傍草堂近與叢筠分
氣幽同籬菊開寒芳月明影落人閒種秋老花催
士章誰道招搖山上好眼前雙樹足清光

曝書

舍南舍北散龍香玉軸牙籤市草堂鳥下翩翩窺字
古風吹細細動芸芳百年竹簡草家笥五色芝函米
芾航莫惜圖書顛倒在擬從天日借輝光

憶郊園月飲

攜柑憶過郡城東鳥語霞光總化工爲愛飛花衝短
鬢曾教孤月上疎桐百年踪跡誰能定一歲園林幾

學源堂詩集

卷之五

七言律

五

日紅莫惜杖頭容易盡重遊須及豔陽中

七夕

忽瞻高天一葉青爭傳此夕雨藏星河明鵲度荒難
信露冷蟾吟靜可聽花裏攤書香落落樓頭散錦影
婷婷常思世上還淳好不願人間乞巧靈

七月十五日郊外卽事

一片秋光十里風喜看蘆渚散魚置銀刀細細黏沙
白金井紛紛墜露紅蔓草荒樵多野哭提漿攜果半
村童茨梁問是誰家義遙指官屯遠樹中

陳祺公備兵固原

清爲聲
昌司李

昔年棠帶動素琴身縉重來涇水行鸚鵡鳴歌迎旂
舞葡萄湫澗人杯清三年粉署名司馬萬里蕭關遠
備兵冠玉有奇還六出封侯誰道不書生

睡起

閒齋秋爽靜塵襟竹簟涼生午夢沉不信檀蘿真彼
國須知莊蝶亦吾心玉簪憲外霞流彩金井枝頭鳥
弄音睡起開尊將進酒憐予小戶莫頻斟

玉簪花

習習寒香透碧紗近窗新放玉簪花仙人綰帶青雲
裏隱士白衣綠水家露冷自無蜂上下月明只見影

學源堂詩集

卷之五

七言律

五

橫斜空齋折向瑤觚插柴几盈盈散素霞

石公宗兄出守順德過郡相晤

揚州人
善書

春來夢向草塘通午喜蓬開駐畫熊九百里迎小稼
部二千石領右扶風名聯珠樹肩原白人比瓊花蕊
正紅石佛仙翁

順德
山名

都可繪爲子點染臥遊中

老少年

蓼蕪原不是花叢湛碧嬌霞霜後沖共道徐娘情未
澹須知彭祖色猶童淺深放艷驕寒菊高下縣丹闌
落楓翻笑衰殘人似柳遠從勾漏覓砂紅

驚聞

歷亂餘生厭鼓鼙驚聞橫海動征旗射江漢武原多
督督戰昆明舊有池不信蛟腥能陸舞試看犀甲下
舟師書生誰道難標柱驅鱷昌黎亦自奇

秋月

月色天高秋更清娟娟不礙有雲橫寒光澹入青山
影爽氣隨白露聲幽恨幾家調笛曲愁心一夜動
邊城狂來猶欲飛觴醉莫負銀河萬里明

池蓮已殘約客小飲

紅蕖不醉醉殘荷入眼蕭然秋思多兩岸疎籬門對
水一羣雛鴨掌浮波亭心杯竿游人望樹底絃絲醉

學源堂詩集

卷之五 七言律

詩

客歌四游只今獨樂少身閒且去訪烟蘿

過都中舊宅

去國曾甯滿徑蓬今來有感意匆匆雲鋪曉色椒園
壯葉掃春風雀跡空我反叩門投客刺僕猶隔戶訪
鄰翁須知無地非郵舍不獨樓臺幻海東

讀申危盟登岱吟即東寄

爲憶西征客轡收雙魚雪裏下并州西申危盟常思
白也飄然句不分盧生汗漫遊萬事于今皆海市一
生誰得到蓬丘場來已覺檀蘿夢有筆羞將和四愁

其二

獨有豪情老不收芒鞋雲水泰安州追攀名嶽當奇
賞會否閒心憶舊遊康樂詩才清木石休文病骨愛
林丘郎山我亦登臨徧那有浮雲蔽日愁

其三

東岱憑巒彩筆收點烟不似小齊州自來五嶽詩人
料況與三騶貴客遊嘯徹高天驚碧落歌流仙觀動
丹丘知君萬仞峰頭望又領滄波無限愁

其四

狂態因循未肯收三年無夢到神州君方梁甫吟風
龍我已墜關踏雪遊強酒自能開小戶逃禪常欲臥

學源堂詩集

卷之五 七言律

詩

高丘禪魔酒病都非累却爲家園漠漠愁

池蓮爛熳未及燕賞秋半花凋憮焉增感

怪底池頭鳥戲波畫船不唱采蓮歌一天白露垂荷
掌八月秋風散蕊飛謝世日殘粉冷勻西子面新房
短覆美人螺夕陽灑蕩寒楓影剩有憐香詩思多

其三

乍聽秋聲萬樹通秋來先散錦塘中半彎明月浮空
翠十里寒香送落紅畫舫橫時飛片片紫菱淺處起
叢叢江洪真是無才思不比殘霞比亂蓬

其三

賴有蘋英白似銀秋來冉冉照平津那禁此日思君子却向中央憶美人澹色倘能存野蓼繁霜知不到漁綸翻風的的無窮碧猶許荷衣製逐臣

其四

幾人臺閣照金蓮衝把瑣英羨錦川趁蝶隨蜂豈我意傾觴臨水亦無緣驚心桑海猶如此入眼榮枯自偶然行樂何須推物理風光曾不爲畱連

其五

平生豈有愛蓮癖黯澹何由發浩歎歲月不禁催卉老乾坤誰復識松寒霜前水色清于鏡雨後苔光冷

學源堂詩集

卷之五 七言律

美

欲丹預作明年遊賞約好乘爛熳醉河干

其六

爭傳十丈錦生香幾擬招朋對引觴短榻日教槐國據小杯都爲橋翁忙此時冒雨方尋勝彼美摧風已卸粧水畔茅亭幽曲處遊人屐跡嘆蒼涼

其七

娟娟猶見一池青金蕊瓊葩已亂零自是花神愁白帝豈關野色避玄冥殘香隱隱鉢中幻靡朵沉沉水底醒最喜波空魚意得悠然潑刺破浮萍

其八

漫誇霧縠蒂成雙玉露凝時錦帶降大幅霞綃誰碎剪千枝瓊燭忍輕撞真人何處猶乘蓋游女今朝不涉江蝶散東籬尋菊徑橋東惟有水淙淙

其九

瀟瀟冷雨點寒潭零落芙蓉不可探遂與蘆英貼水暗空餘珠實入秋甘澄波倒漾金莖影小葉虛流碧石嵐惱殺詩人無意緒捲筒未勸已沉酣

其十

畫橋西望鬱沉沉魚去鴈來葉不侵兩岸絃歌連夜靜幾行檉柳散堤陰碧雲時節紅雲少春色池塘秋色深豈爲花殘偏歎息寒光一片空人心

學源堂詩集

卷之五 七言律

毛

寄懷金冶公大參

送君船去是秋風秋日風來百慮叢多齒相隨猶遠宦何年有子可稱翁冷公尚新猷自許還珠浦舊署誰猶繫玉驄寄語他年尋我處柴桑村畔菊花中

寄懷張華平

片帆昨歲渡淞沱我馬君車相背過人到紫微秋正蚤吟成楚橋慨仍多賈生拓落才應爾平子栖遯意若何悟得鹿蕉翻一笑寶刀直欲換漁簑

題王氏節孝錄

天地幾何不朽事羨君妙子譽能并田家莫道無書
史大節由來是性情兩部孝經男與女五倫好事順
和貞世人不識王郎苦噴噴徒傳割股名

秋日邀丁野鶴陳蕩公飲快園

入座人稱第一流蕭森木末雨催秋南州高士青霞
氣東園才名白雪樓杯底月明珠在手席間楓落玉
搔頭只今倘惜徐家肺相對翻慙水上鷗

中秋感懷

輕羅漫爾怨西風助我詩情此夜中露滿長空橫去
雁星懸大野下寒楓酒酣猶可追狂態眼盡將無笑

學源堂詩集卷之五 七言律

王

老翁來夜何嘗無好月畫樓歌管不相同

其二

短髮何緣不似髭身經三十七中秋每懷棗栗童時
戲翻爲風塵宦況羞雲碧霞紅天未老樹空山瀾鳥
何愁百年除却衰和穉幾見明河月影流

其三

玩月前宵已半酣月明今夜飲猶甘鵲絲韻動燕城
曲蘋實香先楚水柑李白一生多記醉榮翁三樂首
爲男自矜我比楊雄勝舌轉如風可劇談史稱楊雄口吃不能

其四

月高莫更剔銀缸樹影參差蔭小窗客老偏能譚往
事歌殘都未合新腔簾隨風起聲如咽心與天空影
自雙此夕逢人多笑語繁愁聊借酒兵降

其五

笙歌如沸城樓鴉問是朱樓大姓家共道此時爲令
節如何一處有繁華滿堂羅綺知非賤幾卷詩書豈
自嗟牛渚高吟誰解聽水輪寂寂照蒹葭

其六

朝來爲底動歡聲犀甲新聞戮海鯨已有班生封定
學源堂詩集卷之五 七言律 王

遠不勞漢帝去昆明清光萬里同秋月歌舞千門徹
玉京猶願普天無白羽懶人清夢穩柴荆

其七

共把深杯漾月光偶緣世事轉神傷交情只覺雷陳
古時序安能春夏長鳥到上林爭覩曉蘭生幽谷獨
芬芳秋來日日都堪賞桂子殘時菊正香

其八

沈寥沆瀣欲沾衣草短蛩音聽亦稀天爲分秋今夜
永露知佳節上花微蕝蕞已遂張翰思樓飲誰言庚
亮非此夕自來多寂寞人家一半掩柴扉

蚤起

閒齋短榻秋陰陰
殘夢踟躕澹我心
數畝田乾麥不種
幾邨烟冷盜相侵
籬根促織響紅葉
屋上斑鳩落露沾
蚤起自來弄書卷
思之有觸作長吟

江南捷

萬里煙收海氣清
傳來露布動歡聲
鯨鱣斃染腥蛟血
組練花分水國營
天子自封開喜縣
將軍還築受降城
蚤孤誰是先登者
麟閣行看紀姓名

其二

塵飛一騎入彤墀
五里三千里恨遲
馮祭何須勞禁

學源堂詩集 卷之五 七言律

聖

旅凱音蚤已奏偏師近
臣色動絲綸下大捷聲
宣駕驚知不足我王誇
耀武東南從此臥征旗

其三

將印曾開鑄海防鯨鯢
誰放出中洋軍聲一戰
摧秋葉野哭千家痛水
秧不獨南邦宜築壘還
須東國亦焚狼狡焉出
沒隨風落急掃腥巢莫
待商

其四

賊踪渺渺寄狂瀾數萬
如蜂一飽難魚戲只教
常在谷歇候却肯自相
餐田橫爲穴青州島諸
葛功名赤壁壇長技倘
能爲我用獻囚蚤晚人
長安

賦得謫官尊酒定常開卽用爲韻

燕山落落有狂客才不謫
仙官可謫已歎一身寒
葉輕那堪滿目秋花白
風流誰上庾公樓寂莫
還同楊子宅千古英雄
何處藏青帝一幅斜陽
陌

其二

礙我萍蹤爲有官幾行
騷些豈重看人情閱盡
如全史世味嘗來卽大
丹唐邸已無雲出戶晉
宮惟見烏樓闌滿壺桑
落秋來好對影頽然亦
自歎

其三

餐英飲露自虛言寄興
還須白墮尊豈是才名
妨絳學源堂詩集 卷之五 七言律

聖

灌似因骨相老虞翻春
無錢笑榆郎樹日有酸
風梅子邨四十輩同登
玉署如今誰復待金門

其四

豈耐風塵蹀躞走自憐
無智窮蝌蚪半生拙計
是汙魚千古名文惟頌
酒上苑開殘紅藥闌左
官折盡青門柳書生悔
不學干將博得黃金大
如斗

其五

三年萬里盤山磴豈獨
蕭蕭馬可聽落日高峰
翠欲飛寒巖孤鳥青相
贈未能託命向長鏡却
爲徵名惜破甌此日情
懷誰最佳菊花香滿陶
家徑

其六

顧然七尺亦昂藏
愁來萬斛獨禁當
白日蒼煙埋古
徑淒風冷雨壓輕裝
欲從得道李苦縣
何必封侯張
子房君平有術吾不許
貴賤轉轍亦何常

其七

杯中之物亦雄哉
萬雉愁城立可開
誰遣一年秋又
暮自慙此地我頻來
雲垂不髮山容瘦
月落松腰猿
嘯哀無那樹聲還
可賦夜深顧影獨徘徊

過定州

三年五次度中山
都在霜風落葉間
潦盡田沙禹雁

學源堂詩集

卷之五

七言律

望

爪霜明塔影挂秋顏
共愁穀賤知時稔
不說官賢笑
俗頑獨有東坡雪浪石
道人來往尚躋攀

己亥九日蚤發阜城驛

良辰誰不擬高登
有客蕭然旅店興
寒雁一聲天欲
老霜風千里日初升
題糕紫禁憑誰問
醉酒黃花歎
未能游水年來凡幾度
愁顏翻對野航增

九日宿獲鹿

去年重九賦西征
今日西征九日晴
百里秋光連野
渡一鞭暝色落孤城
行蹤已伴山川老
時序還當天
地清欲買村醪酬令節
荒林何處是寒英

井陘道中

寒澗如雪抱山游
戰馬猶傳捷趙年
洞柿倒看紅欲
墜林楊斜出翠如拳
左車謀畫何難用
背水功名亦
偶然成敗莫雄仇
更論千秋陳谷幾回環

幽陰嶺懷古

荒營殘燭冷雲橫
人猶忍向血田耕
一時志得雄騎
奮千古心傷是狗烹
幸不與果常水族何期于趙作
山名漫吟鳥盡弓藏句
去國關懷一葉輕

過微水

紛紛石子靜溪流
山徑蕭條情自秋
短樹平沙羣落

學源堂詩集

卷之五

七言律

望

雁斜陽淺水一孤舟
寺深鐘送白雲出
林瘦風催黃
鳥秋聲裏人來真可
謂松煙楊葉滿清渠

聞關

雙峰欲合鎖關秋
色荒涼壁畫閉
塞上烏啼驚落
木城頭雲起層
嶺山自來邊成
數中外何獨用申任
往還漫爲脫安生
歎忠官時有見一孤

平定縣泊水

山刺松關翠自蒼
蒲團深處出雲場
野臥向烹茶
直樓倚欄驚掃葉
僧窗壁諱爲羅漢讀應門偏作牢
官稱年來我亦如雲水
稍自華愴學拜夷

過黑砂嶺

曉峨山脊逼秋旻客轡驅驅入雁羣
望裏滄溟飛白日坐中恒欲吐青雲
騷紆匹馬嘶寒急霜蚤行人買
醉歎幾度經過魂欲斷燕關晉壁嶺頭分

壽陽道中

孤城雲影萬山迴亂壑秋聲百里開
飛鳥半從松裏出行人都自嶺頭來
寒泉灑灑咽紅葉怪石稜稜落
紫苔擬到郊原登畫閣果然遠眺一傾杯

途中接王孝源方伯書促予赴晉

年來身漸穩雲蘿幕府敦趣意若何
名挂漆園終是

學源堂詩集

卷之五

七言律

四

吏夢迷槐國亦云魔漫勞魚素催
征轡豈敢煙潭戀釣簑自笑稽生
仍嫵慢只今雙鬢已婆娑

塗次接張爾成大參從青州兩寄晉中書

雙魚兩度出陘關驛路開緘淚欲
潛失馬余猶淹幕府同入誰復列
鸞班張堪身近瀛洲嶼郭泰家原
介予山爾我行藏何日定風塵都
減舊時顏

其二

開函辛苦話爲官時序霜飛萬物
寒我輩自然多硯礪人情今日更
波瀾但將佛子屢提誦都作莊生
蝶觀身到第途方有悟蜃樓莫怪
海雲殘

途中偶成

萬事波濤歷此心靜中感觸欲長吟
山樗每爲無材老水孤常因有累沉
八卦自宜終謹兌五行何以獨尊
金淵明真是高人侶愛惜腰肢返
故林

土橋

怪底不開秋樹聲土橋四望與山平
人家煙滿紅泥砌孤穴霜封紫葉
荆自獲目耕皆鳥道一坡一塢總
村名萍蹤幾度凌晨過惟見崖深
古木橫

王昭千司李移疾歸大城

馬鳴汾水應秋濤酒滿紅亭送李
曹才子何緣先去

學源堂詩集

卷之五

七言律

望

晉高人有志竟如陶五年苦節雙
蓬鬢千里清風一布袍翻爲送君
醒我夢閒心不用反離騷

其二

去年君向我言歸猶恐淹留素志
違今日我來君送去誰憐落莫故
人稀自將明月還滄海豈有霜風
到釣磯易水燕臺仍咫尺他時相
見總荷衣

僦居太原僧舍

不獨枯心老似禪行勝已傷法輪
懸常依佛地諸緣幻偶到香臺百
念捐月轉松陰終是影雲移山翠
自成煙寒花秋水蒼涼景遷客萍
蹤又一年

送王炤千同宗有六再過接待寺

重開荒剎唱驪歌平野無霜秋亦多松下草枯人繫
馬殿頭鐘動鳥移柯日寒却向沙邊落雲懶都從嶺
下過獨有陶潛新解組淹留我輩欲如何

駱駝

誰從荒國繫明駝背上千鈞一葉多豈止智能尋水
脈況兼口解避風波棧芻有豆纔如馬野水無梁徑
渡河聞道晉宮銅可鑄幾番荆棘沒兵戈

太安驛

兩山落處一亭縣白日青茅霜後天怪石此時猶最
學源堂詩集卷之五 七言律 吳

鼠破橋當口亦潺湲布帘三尺汾陽酒竹管一枝曲
沃煙忽聽柵頭鞭朴急乘郵橫索壓鞍錢

太安驛石

驛樓鐘鼓臥霜風怪石差幾相對雄多少征人從此
老去來塵世亦何窮玲瓏自愧峯巒巧班駁無如雨
雪攻豈似燕然高百丈銘勲千載古苔紅

不寐

愁極惟思通夢中三更倚枕聽霜風蕭蕭木下鳥啼
月寂寂天高雁度空身世百年思不盡悲歡萬態老
難工孤蹤我亦宦遊客荒寺殘缸半榻紅

太原城北野望

萬山如翹擁并州日落沙明汾水流地倚雄關無虎
豹雲連高嶽有松楸樓臺隱隱惟空寺草樹茫茫又
暮秋信美尙懷吾土念蒼涼滿目獨淹留

土窖

晉國茫茫古未凋人多穴處聚山腰非因煙起村何
在別有門通路不遙三月春歸愁燕子四時雲起散
松苗無須更訪桃花洞指點雲霞聽野樵

獨立

邊地秋深日暮天情行獨立意悠然人家樓閣雲中
學源堂詩集卷之五 七言律 吳

樹城闕池塘水際烟心與遠嵐千里動身隨宿鳥一
枝眠黃花此日應開遍辜負家園種秫田

萬扶滄憲副從太原擢廣東大參 江西人

叢桂高栖十五年偶來汾水借籌邊太原王氣雖非
舊尹鐸才名不讓先榆塞纔沾三月雨春風又散
羊天水心一片君懷抱橘柚行看洗瘴煙

其二

霓旌筏筏出陜關聰轡如雲不可扳龍節自將甘澗
去敝宮應放浦珠還人來梅嶺皆新部舟過潯江是
故山幕下何人不勸酒座中遷客獨愁顏

晚月

漏靜星疎小院秋溶溶澹月曉天流地浮淺水花如
行簾捲微雲影在鈎虛白到村雞唱蚤寒光入寺磬
聲幽那堪孤客懸窗坐不是思鄉亦白頭

同寓有奕者

彌我家園兄弟情松牆渺渺落碁聲思量此局機無
盡勝負何人靜不爭紅葉滿牀僧著子黃花照戶鳥
窺枰相逢誰是東山謝聊遣愁心莫更生

題寶賢亭

寶賢堂帖石版百方故晉藩所藏也鼎革以
學源堂詩集卷之五 七言律 哭

來淪毀過半太守宗有六嶽然念之蒐聚僅
存者覆之以亭仍曰寶賢

猶是王家翰墨型巋然却爲築新亭翠花近接西山
色寶氣晴連東井星三百年來堂遂燼二千石至眼
初青銀鈎鐵畫淒涼憤豈學銅仙淚不停

訪傳青主不得所在

聞君住向白雲閒空著蒼頭往復還我悵桃源遂渡
口人傳鶴影落深山孫登不語猶長嘯梅福無家豈
閉關料得癯形樵子識擬從幽谷漫追攀

自太原寄金冶公東粵書

萬里傳書意不遙江山渺渺夢魂銷使君才大應揮
霍遷客心安是寂寥海橘三冬枝尚綠關榆八月葉
爭飄行踪那可分南北獨向寒松問久要

胡生攜琴過訪

無那歸心學放鵬丁丁有客叩松關長衫佩帶青霞
裊短僕眉隨綠綺斑煮茗烟清竹塢散撥絃聲細水
汀還豈期蕭寂香臺畔青眼翻宜物外閒

悶

地僻禪關畫亦局蕭然無語下荒亭背聽老僕談鄉
井遙看雜僧補梵經入樹微茫霜影白倚城寂歷水
學源堂詩集卷之五 七言律 哭

望家信

來時屬僕蚤傳書翹首榆關雁影疎海微紅烽誰可
靜郊園黃菊幾時舒小人有母應愁我童子何知愁
憶渠蘭夢閨中同得兆牀頭璋瓦定何如

登玄通觀閣

太原

天曠雲低落木殘沙明清白野村寒一羣雁影浮岡
上千里霞光嶽樹端方信晉山皆北向果然汾水去
南寬遊人欲放乾坤眼都到玄通閣上看

己亥小春

風高昨夜秋纔盡日暖今朝應小春太造無心成物
候逢時多感是愁人江村橋柳寒光好京國衣裳賁
客新謫宦年年闕隴祭家園一望一沾巾

撥悶

人生難與靜爲緣靜裏愁生亦可憐四海向聞多戰
馬一身自比是風鳶蕭條寄跡分僧舍宛轉隨人乞
俸錢賴底猶能無佗僚滿壺桑落醉霜天

碧玉琴

誰剪崑山代嶂陽寒水三尺奏宮商碧天色淨連瑤
軫秋水波明動玉牀司馬何能裁楚璧下和悔不獻

學源堂詩集

卷之五

七言律

琴

師裏悠然雅韻含堅質豈許人間操鳳皇

東沈玄雪

故人憑底定窮通文字誰期抗考功往事悠悠如塞
馬此身落落尙飄蓬世閒管鮑原稀姓天上風雷總
化工一帙離騷付一炬不將瑣瑣問蒼翁

其二

淺人誰不爲君憐道氣如君意自堅莫造柳車喧送
鬼且持蓮鉢靜安禪古今豈有蠅汗壁因果行看雀
捕蟬

時玄雪

星史議打破屨提現半障毒蛇猛虎總冥然

旅況東宗有六太守

此心未暇爲貧愁半月蕭條貽僕差羊市無須新字
帖酒壚不受敝褸裘俸錢歲是空倉日衣袂時侵涸
水秋頻寄鄉書緣底事向平婚嫁未曾休

其二

誤信衙杯萬事輕翻憐戶小逼愁生時當仗爰方求
爰事到忘情反繫情鴻去雁來原雪月雲多霞少自
邊城古今誰復如張翰只爲尊鱸浪得名

其三

三年襖被轉西東都在霜臺落葉中黯黯城烏啼冷
月搖搖湖水凍酸風琴絃但有思歸引賦筆還同無
是公聞道風流孔太守酒尊不遣片時空

讀沈玄雪近稿

昨夜霞光怒燭天捫來一紙是君篇才人自昔無庸
福廉吏只今與姤緣絕世白珩惟楚得闕封玄嶽賴
詩傳

玄雪有遊

恒山集 它年尙許侯芭問擬去三山叩續編

東朱靈均 吳人善畫

怪君得得有兼才落拓誰教紫塞來妒女祠前風正
凜呂梁岡上鳥爭猜蘭烟橘霧香秋雨嶺枳關榆落
古苔南朔物華光景別卽令汗漫亦興哀

其二

江南十月小春天
蓴菜鱸魚享受偏
此日蒼涼畱雁塞
知君點染倦龍眠
牀調寶鼎羹猶在
劒臥豐城氣自騫
珍重步兵休下泪
扶筇試到晉宮前

獨酌

塵情擬破翠濤尊
一斗其如已醉髡
行已但憑天殿最
盟心且敘古寒溫
僧寮飢榻延霜影
湖畔鳴絲挑水魂
猶幸松關不近市
井州恰是買愁村

贈于驚遠山人

善莊與

識君顏色是前年
握手重看老共憐
宦海自應成瓠落
仙囊豈止悟牛眠
尋源杖底桃花渡
嗜古胷中秋

學源堂詩集

卷之五 七言律

奎

水篇好把秦銅雙
掛眼人心近亦有
山川

其二

聞道家原楚漢濱
瀟湘風味未曾湮
薜蘿有約因詩友
汗漫無遊爲老親
流水高山原自譜
桑田滄海向誰論
慚予不是謫仙侶
元子丹丘已結鄰

驚馬

長嘶不過九方臯
都道驕驪老極槽
懶脫連錢猶有戀
別街珠勒豈辭勞
一鳴遂斥風霜苦
千里還存聲價高
此去騰驤應自奮
儘教塵眼相皮毛

馬鬣

桃蹊今始受人知
脫却鹽車自試奇
莫笑書生輕赤汗
可憐冷宦解青絲
渥洼世喜來殊種
圖畫誰能不羈閑
道江潭方用武
乘風好去効驅馳

乞書朱靈均

荒塞河山眼不醒
胸中丘壑幾般形
乞將大斧披麻法
奪取三湘五嶽靈
宗炳遊情恣屋壁
王維詩句隱丹青
他年畫苑添新譜
認取朱家小印星

畱別沈玄雪

兄君何晚別何蚤
翻嘆飄蓬不自持
身世百年還一笑
文章千古更相期
楚珩到底白如雪
金粟前生自

學源堂詩集

卷之五 七言律

奎

是緇漫說江淹曾
有賦山河原未阻
心知

畱別朱靈均

作別於君獨黯然
淹留孤客雪霜天
葉舟泛壁仙翁少
塞馬衝關謫吏偏
我法何妨與世左
愛情且莫向人傳
并州那得蘇同業
寶字或堪佐酒錢

別成友端

所著有經書字考

素心何必計年交
傾蓋同人初九爻
纔喜聯牀看繡虎
轉憐孤轡度荒松
一鐙蝌蚪讐蒼頡
十指薔薇學孟郊
吾道干城只爾賴
鴻文豈有太玄嘲

賦得霧中看

天地如將變，泥茫陰陰萬里鬱。相望漲煙擁樹迷寒
鳥，結氣圍村沒古牆。匹馬恰從雲裏出，孤城宛在水
中央。征人不辨朝昏候，歷亂雞聲野雪荒。

途中書事

雪途荷鋤萬人譁，除道爭堙野潦注。社長鳴鐸催運
簣，衙官繫馬坐平沙。漫從陌上歌頻尾，擬向田間望
翠華。聞道相如能諫獵，六龍豈肯駕雲車。

蘆溝橋阻風

蘆溝晴日亦多風，況是陰陰雪積中。塞雁橫斜隨落
葉，岸沙宛轉逐飄蓬。浪吹雷動石梁吼，塵擁山移霜
學源堂詩集卷之五 七言律 霜

宿天寧寺

石門斜日解征鞍，僧舍蕭條半樹寒。虛閣鐘搖星月
動，長廊樹帶雪霜乾。荒荒旅夢愁相逼，寂寂孤燈忍
獨看。千里風塵欣暫息，來朝匹馬是長安。

石門口

山勢平懸儼石門，倚山紅寺受松喧。崖翻古雪陽橫
澗，沙捲腥風虎過村。旅客停鞭看禿樹，人家鑿穴對
朝墩。自憐謫宦經行慣，蒼蘚年年驗水痕。

天寧寺捨臺望西山

一官飽笑笑沉浮，望裏西山亦臥遊。此日倚闌蕭寺
裏，何年拄杖翠雲頭。晴川歷歷霜微白，古淀離離水
不流。安頓此身林麓好，結廬何必定丹丘。

寺寓寫況

愁人廿自半蕭岑，寄跡禪關到處深。頻演五禽却病
豎，不聞萬籟靜塵心。塔喧天半風中鐸，鳥語松閒月
下琴。漸喜此身堪混俗，逃名無用返山林。

秋日寺寓偶感

西風瑟瑟自宜人，物候偏于客裏真。砌草綠分深淺
色，渠花紅覆去來津。愛閒況復依蓮鉢，病猶能鹿
學源堂詩集卷之五 七言律 至

歲暮雜感

萬巾銀鹿當門莫，報客冥然懶與世相親。
除豪氣盡轉優游，厭說元龍百尺樓。莫讓傷人操月
旦，好將身自譜春秋。買山招鶴終非隱，閉戶鋤瓜亦
自侯。獨有詩篇猶好勝，不驚人處不曾休。

其二

霜疏雪殺日紛來，翠幄遙臨潞水隈。論文漫言臣已
老，獻詩方擬上之回。豹竿龍旆輝京兆，獸錦金貂動
上台。非是相如無諫獵，海天烽火照蓬萊。

其三

身開冬暖睡相宜老懶朝朝政戶遲砌下雪錢雷雀
跡硯頭水解費島絲年豐我欲聯村社俗薄人爭禮
訟師三十年前鄉里意于今回首是皇羲

其四

狂態何曾不掃除自憐言動與時疎陋猶到處能評
酒腐在逢人勸讀書葛山遊興頻年發秋水詩腸無
日虛裴馬漫矜豐沛好陶公清趣本柴車

其五

豈爲貧愁有慨聲年來世事總難平春秋不肯繩賢
者豆席都將讓後生偏向其公爭唾面頻嘲呂相竟
學源堂詩集卷之五 七言律 五
書名誰云王烈堪移俗梓影系陰獨繫情

其六

燕南景物日蕭條不獨寒林雪後凋色吏偶廉思往
事官兵無律笑前朝荒村晝掩人甘虎破屋煙沉鼠
狎貓設說甘棠畱易水于今風雨盡飄搖

其七

蓬闕却借雀羅封客刺頻傳始杖節野老新聞懲邸
報寒家拙僕賃村傭墨螺日爲塗鴉瘦酒蟻時因看
劬濃歲晚無多儲祭品豚蹄端可祀先農

其八

一歲暮如一日暮韶華忽忽獨愁多天心豈忍霜摧
木世事爭將雀逼羅花冷梅村雲自厚日流雪噉氣
仍和楚弓塞馬憑誰卜急倒芳尊與放歌

其九

凍雲羃羃暗虛亭巷語離奇不可聽其道綠林官解
列旋傳白豸市關停鵲巢豈獨鳩能占卜肆祇今龜
有霧幾本齊諧真與幻一年詫事已頻經

除夕

雪融霜淺散輕寒深夜無愁梢棹殘兒子喜分新祿
履廚人備整舊盤餐祭詩自我畱先典索光憑他笑
學源堂詩集卷之五 七言律 五
冷官羯鼓桃符皆免俗止須爆竹報平安

其二

千家寶勝闌華箋日落高齋獨安然一歲風光猶此
夕三更鐘鼓是明年門多雀巢宜頻掃人未龍鐘愛
蚤眠醉裏呼兒覓紙筆朝來好爲寫新篇

其三

燒柏浮椒歲事新風光冉冉倍怵人星明漢水元無
月雪盡江梅已露春磨蟻不停一夕意樵柯堪悟百
年身懶將世味爭濃澹戶小何妨喚酒頻

其四

記得童時檢曆行前朝癸亥不翻張杜陵尚識庭前
樹李白頻驚鏡裏霜萬事蕭條愁歲暮半生慷慨惜
年光城中怪底鞭春蚤已有東風過短牆

寄荅霍亮雅

秋風獵獵啟君函說著蹉跎爲我慙萬事總如鴉尾
秃一官誰信蕉頭甘近來酒戶猶如許老去詩情只
自耽閱歷最能生道念懶將身世向人談

清明日陳謫公以于詩簡中書謫爲需誤草從

事投詩見嘲步韻解之

清明三素筆中紛偶剪一枝爲單君指佞唐階原瑞
學源堂詩集卷之五十七言律

草唱鳳來殿是卿雲有傳槐里朱公節莫讓華亭陸
仲文御柳東風行特達韓柳奕奕可誰羣

金雀花

春葩誰爲字珍禽梧蕾千枝占上林有艷獨能存正
色無聲真可靜凡音非同啄木隨風轉不解尋巢受
雨侵說與關公應閣筆畫花畫鳥費沉吟

三至崇善寺

二年解纒倚僧寮老樹空庭愛寂寥又是霜天聽落
木那堪雪月下蒼鴉應迎欲吹驚還識馬至如歸嘶
不驕隱隱壁間題句在幾經風雨墨痕消

晉祠

山根怒迸一泉噴遶水環山遂結村石殿沉沉關雨
氣鐵人莽莽繡首痕青柳綠柳橋頭屋花鴨香英堰
下門試到祠中高閣望龍臺山畔野雲屯

裴晉公綠野堂

平阜十里簇雲根老樹清泉綠野門人襲風流衣帶
古代更兵火姓名存賜暇春雨煙三尺林吐清光月
一村歌有丘園天地穩當年劍客備乾坤

常開平王廟

廟貌前朝異姓王碧雲翠柏晚煙蒼楚建旂常掃長城
學源堂詩集卷之五十七言律

庭懸蕭先摧太將旌旆歷寒熱名猶可絕鍾山弓劍已
難藏雲臺麟閣都消盡不及井州一瓣香

郭有道祠

三千年後大儒祠瞻禮祇稱爲漢室慈不善學君成黨
禍豈輕應詔犯危時幾株老樹清風滿一片青琅玷
事垂欲向墓頭酹村酒荒煙無復蔡邕碑

司馬溫公墓

涿川荒壠宋名臣社稷文章繫一身名動蠻貊周召
虎書成通鑑齊郊麟僅存益法碑三字不盡衣冠祀
幾人數里林巒卽綠野二公隔代足相鄰

別太原僧舍

久假松關作墨莊偶然別去轉神傷一宵願學林宗
掃三日慙無文若香自有天花臨法座莫教風雨止
詩牆人生到處留鴻爪千古黃州說雪堂

除夕感懷 癸卯

淹留不解惜韶光四十年來滿鏡霜老我可憐頻此
夕困人猶苦是他鄉三更鐘鼓星河動千里雲霞子
舍長正朔小臣皆有慶雞聲未歇問衣裳

別崇善寺僧

枯心宛爾戒僧如愛向鵲林賦卜居簷鴟不驚緣客

學源堂詩集 卷之五 七言律

李

熟庭苔日厚與人疎以君寒衲能評酒而我微官好
讀書彷彿前賢猶有魏昌黎曾過大顛盧

別太原賢張瑞華

幾向壺天乞祕方此身諸病只餘狂世情安得無肝
火人事爭如有健忘藥裏垂垂憐杜甫雲巖渺渺羨
韓康別君恰是春風暖紅杏飄粉滿徑芳

王襄璞方伯博古圖珠燈

萬斛隋珠綴赤瑤華燈爛熳古圖翻半天龍氣懸周
鼎徹夜雷紋照漢尊對雪自教霞弄影搖風堪使玉
銷魂借光有客寧辭醉況復春風入座溫

其二

籠紗剪綵自尋常那得離離簇夜光碧瑤砂斑假法
物花流翠滴盡文章懸簷一覽張華志燒燭如燈光
芾航莫羨金蓮徹禁炬庾公有與客清狂

其三

東華燈市憶曾遊咸里笙歌競綵毬安得蛟人編礪
砢直將海蚌譜春秋月知好古窺朱戶雪爲分光近
畫樓誰道河汾臨野壑今宵春色宛瀛洲

其四

燈華影疊艷長春百尺竿頭圖畫新蛤破千胎飛合

學源堂詩集 卷之五 七言律 李

浦龍騰雙額關天津明珠從此非投暗古道于今直
照人他日休 君謂玉燭光明一化微由旬

其五

古色斑斑絳燭籠光連珠斗燦天中乍來鸚鵡疑品
箔細碾珊瑚似蕊宮金佛牟尼原爛熳漢皇汾鼎自
虛空喜將一炬懸三代青史何須廿一通

其六

銀河一夜失繁星爲有蛇銜山繡屏點綴還分君了
佩畫圖只欠古人路遙添火樹千枝紫近接霜筠一
帶青照乘虛傳連十二綏曾結得鼎彝形

其七

炎災數葉寶光搖春透水盞暖不消君向碧籠存古
意我從紅影認前朝摘將衣底排庭樹蹴起盤中象
斗杓不是夜晴明顆顆教人錯喚作屋橋

其八

大珠晶晶抱小珠能教醉眼不模糊何須火聚仙家
樹不羨雲林浣古圖主人咳唾璣錯錯賓朋歡笑歌
鳥鳥當前豪華有如此入載落魄非窮途

別曹秋岳夫子十稔偶于晉陽拜晤感而有賦

左官次第買歸航回首青門已十霜元老尚留龍馬

學源堂詩集卷之五 七言律 奎

塞逐臣敢負菱荷裳且將世事浮桑落況有文詞動

柏梁爲憶髫年環絳帳後何雙鬢已蒼蒼

晉祠水觀

誰鑿雲根吐玉泉分流南北各潺湲蒼陰高閣三株
樹綠淺平嘯萬頃煙坐水香祠神女貌懸崖幽洞鬼
工權夕陽欲下波光照燐火猶驚戰伐年

蒲州河平鐵牛

曾聞黃鵠鎮湖隄蒲坂何時鑄一犀質秉五行全是
骨身羅八卦長爲蹄火攻懶逐田單陣神運難隨諸
葛妻兒慣蛟騰目不瞬河干一任草萋萋

清源

何來山縣字清源一望泠泠水抱村近接晴嵐青上
下寒連霜樹白朝昏人家屋底愁生荻邑宰門前喜
浴鴛蓮雨去年收稻儉爲催春稅賣耕犍

九日風

空園危閣撼霜颺閉戶銜杯度菊朝冉冉名花愁黯
澹翻翻落葉上雲霄只因青女今年少遂使封姨此
日驕不忍登高頻徙倚寒林萬里總蕭蕭

雙垂楊

春風欲動舞絲絲雙傷朱樓色更宜日上碧絲交弄

學源堂詩集卷之五 七言律 奎

影鳥牽金索巧移枝王恭張緒分誰似眉黛蠻腰任

爾爲濯濯風流相對好歲寒還讓老松知

范觀公學士園中雙鶴

學士園中雙白鶴一般皎潔識同心覓魚但向池邊
立避露常從柳下尋獨有仙人憐好伴更無清士欺
孤音爲彈流水高山調相逐依牀聽莫禁

慈仁寺松

老山松古自尋常拔起金田沉帝鄉慣見遊人成
祖父不驚世代有淪桑枝橫梵宇誰曾識葉受塵烟
亦可傷莫謂蒼虬無晚翠年來天地足風霜

文官果

大千椰子翠子玕密葉繁花鳥不殘豈有蕉心抽綠
卷遂同虬鬚拜蒼官落霞影裏珠千綴曉色林中玉
一攢倘遇好文如漢武凌雲應作上林看

金銀藤

不信金銀亦有藤嬌分黃白影翩翩籬編花徑香三
里葉裏朝煙露一升莫是車名人亦誤總如夜氣識
還能五侯富貴園林好羞與文官果竝稱

王信初巡視茶馬

石榴月度石榴開雲擁三秦蜀繡班家有諫書傳手

學源堂詩集

卷之五

七言律

齒

澤國勞台使重天閑羌人酒貢葡萄熟苑園茶分駢
駢還況是彩毫壓光帝重揮天馬獻宸班

顧逢伯孝廉教授順德

太行東去古邢州有客青氍毹學宦遊綠柳春風君子
驛蒼烟白水孝廉舟十年未售長門賦一日行看洛
水流漫爲西湖勞憶念蓮紅郡堞好登樓

送翁詰初守龍安

國恩正渥尙書郎君獨一麾向楚方萬里龍門天自
遠十年雞舌氣猶香人行漢棧雲隨馬柳折燕關雨
對觴莫唱離歌增旅思張堪不久有徵章

魏善伯偕乃弟和公旋寧都

入洛機雲已倦遊檣開彩鷁潞河洲入山自合三珠
樹有筆同脩五鳳樓路滿金華江岸菊林飛玉露野
天秋翠微峰上如遙憶應笑長安客白頭

乙巳除夕

身世蒼茫未有涯每逢除夕惜年華滿天春色寒難
斂午夜鐘聲老更加撻券祇緣婚嫁事典衣不愧綰
紳家蕭條三百六十日贏得詩篇幾帙餘

鏡中美人影

娉婷宛宛坐菱花笑指晶宮是妾家艷質無人堪並

學源堂詩集

卷之五

七言律

室

美靚妝有影可雙誇芙蓉嫩玉籠秋水楊柳輕絲漾
月華幾度畫眉還自歌生憎學我阿誰媿

簾內美人影

一幅湘紋隱翠娥疑仙猜畫奈人何香風欲透數鬢
密笑語微聞銀藕撻偏是澹妝迷素竹只餘嬌暈靨
幃羅蘇州刺史腸空亂窺見丰容能幾多

月下美人影

冷夜水輪印美人步環寂寂髮螺真那姬夜待疑藏
尹虢國宵朝似引秦素壁袖翻驚活畫空亭花背惜
前身姮娥桂闕原無妬物色嬌容不厭頻

燈前美人影

庭張華燭繡幃開國色無雙影作陪
嬾嬾虛墮人上下盈盈暗逐客徘徊
歌流櫻口無須響舞共蠻腰莫待催
頻問芳名渾不應阿嬌夜夜與同來

花間美人影

如錦花叢如玉人花陰人影伴真真
紅梅著砌偏當額綠簾拖煙恰半身
欲轉藥欄遮不得偶藏喬架覓空頻
桃花人面難相映滿地風流趁月輪

池中美人影

影娥池上弄輕盈出洛臨湘儼舊生
嬌映睡蓮分嫩

學源堂詩集

卷之五

七言律

七

粉艷疑蝶女泛香萍檀郎愛見頻呼字
小玉驚看錯

問聲記得喬青有好句卿須憐我我憐卿

鍾簪芍藥

競發名花羣曲欄誇嬌比艷倩人看
尹邢相見攜紅袖秦虢來朝並寶鞍
蝶入嗅香心左右月中倩影誤雙單
從前錯喚將離草同舞薰風亦合歡

長春花

春葩秋葉各時芳獨爾嚴凝生意長
一歲兩逢梅比艷經年只與月爭香
山中枉作銅蓮漏殿上何須瑞萼蒼
聞道花開風有信將無忙殺探花郎

齊鐘銘明府招同郡諸公慈仁寺看海棠

十年不醉此花癡花遂婆娑我鬢蒼
脫帽放言仍故態銜杯忘分是同鄉
錦衣遶樹連春色紅雪飄人妬酒香
誰道看花休卜夜月明正好度霓裳

水仙花詩

一叢仙蕊凍纔生如許寒芳讓爾名
天地有霜能不老江山無色亦孤榮
香如蕙發湘君笑瓣擬梅開木部驚
聞道幽軒多種植品花應不吝清卿

其二

深黃淺白玉含津蓉弟梅兄共得春
不艷自然違雨露有姿終莫近風塵
水光渺渺來羣雀夜色淒淒立美人
我欲移來栽近圃凍青慈竹一時新

學源堂詩集

卷之五

七言律

七

其三

花高不許葉籠頭會向霜天自作秋
傍石可堪爲素爇漱泉恰好對清流
雲華影結宜春苑天雨香飛白玉樓
幾度江干頻悵望阿誰載上木蘭舟

其四

紫苞碧甲自然姿莫比細桃和露栽
無媚向人皆冷面含香如筆亦仙才
不爭春色憑花妒獨對寒江避烏猶
落莫總難看帶笑瑤枝畢竟是蓬萊

其五

亭亭疑是剪琅玕雪積平沙未覺寒萬里朔風添兩
翠一天霜氣助君酸約黃不學宮眉歛衣白終同野
服看何草更能經臘月憑他錯喚作春蘭

其六

幾枝香雪欲婆娑花氣冥冥散百和染筆畫家無舊
譜借名樂府有新歌何來粉蝶銜青條不是銀葵點
綠莎爛熳江頭當歲晚白雲一片接霜波

其七

正愁臘雪老江皋賴有名花映素袍欲渡春光先碧
學源堂詩集卷之五 七言律 亥

柳不侵寒色勝水桃垂垂似我頭俱白落蕊憑誰影
獨高自抱幽情如睡草豈同蘭芷入離騷

其八

泠泠何事色香殊冷落無人亦弄珠欲擬療愁金不
斲豈同捐念錦全輸仙名到草應如滴水色經霜幸
未枯只恐逢人多老眼霧中看去總模糊

其九

空香縹緲亦羅縠漫與仙流服食甘盡日低徊還自
笑一身澹漠可誰堪閒愁不作丁香結孤韻如同豆
蔻含獨有鄭交是知已相逢解佩楚江潭

其十

幾枝舊蕾欲排窗青女馮陵總不降葉有同心相抱
出花無寒炙自爲雙俗名到底呼金盞詞客還疑賦
石淙有美人兮波上去小喬昨夜嫁東江

其十一

無數春秋紅紫繁幾番遊賞倒芳尊那知落木空山
日猶有寒花漾水邨黃白自能驚世眼高低總不著
霜痕舊蕊還愛吾廬樹且待春光靜掩門

其十二

江南一卉亦移來生喜瑤華向雪開號國夫人青玉
學源堂詩集卷之五 七言律 亥

佩藐姑仙子綠雲堆春風有信香先探明月無痕影
不猜澹漠相看乘醉眼錯疑隋苑素絛裁

其十三

嫩玉如抽淺澹芳含馨不數小南強遠移海國人應
費近接侯家氣自香闌草還憐書帶腐問花空說杜
少王多情愛情紗籠護一任封姨入夜狂

其十四

苒苒宛宛上水枝說向蜂王總不知西嶽馮夷先得
藥南園山谷更裁詩叢金有氣三冬足削玉爲華六
出奇潒茗一杯書一卷蕭岑恰與爾相宜

其十五

蕩漾何勞花信風仙葩昨夜已成叢枝懸白蚌真編
貝葉擬青圭戲剪桐寒暈試看深淺外澹香只在有
無中肯將素質臨春谷羞殺楊妃一捻紅

其十六

自矜遶暮色猶青不與繁花關雨聲移向瑤盆憑點
綴閒臨金屋豈飄零香幽未許隨團扇鳥寂何須倚
護鈴空說花中十友最誰堪冒雪立江汀

其十七

一尺亭亭秀不禁種分仙圃是瑤林晚榮遮莫還留
學源堂詩集卷之五 七言律 主

本正色如何只在心宛宛虛隨孤月自菲菲愛住冷
雲深自從開放無人采翻笑梅花有客尋

其十八

右丞寄傲雪中蕉傲雪何期有阿嬌石葉幾枝果玉
燕驚黃一點落水綃任憑庾嶺梅先綻不學荆川菊
更飄抗得封姨十八過惜花御史漫招搖

其十九

攢水綴玉泣霜濃白帝無緣黑帝迷花史怕孤貞桂
子江妃偷出玉芙蓉寒葩笑草先枯夏幽翠憐藤亦
忍冬洞口驚看石有秀梅花多少落高峰

其二十

變九光景亦花如濃澹都隨霜露舒地老沒誇金粉
微林荒誰使碧烟疎雲邊損蕊惟溪友雪裏尋香見
夜漁冷落獨存仙客意鮮妍且莫羨芙蓉

題孫思遠小像

雙睛如電戟如鬚兀坐遽然有道儒藜杖暫停行藥
屐蒲團不演戲禽圖能將枕秘公天下爲訪壺公徧
海隅如此古心兼古貌無須論筆著潛夫

次李坦園相國山亭落成韻

退食從容每自公能將丘壑寫胸中補天有煉高窗
學源堂詩集卷之五 七言律 主

豎鞭海無心曲檻權十丈玲瓏延月入四時發黠借
雲叢臥游何必誇宗炳秀滴青來儼化工

其二

峰巒名勢共含蒼蒼老知多風雨經有畫有詩摩詰
筆或書或酒子雲亭徇伴客帶十洲趣位置人猜五
嶽形縹緲如遊緱嶺上一聲嘹唳恰仙翎

呂大呂督學秦中

聚星井宿使君來函谷峻嶒紫氣開趙魏名卿多上
黨古今博議讓東萊談經地近扶風帳載筆人登賦
柏臺三輔佇觀經濟出司農原是濟時才

沈雲中儀部督學福建

玉尺瑩瑩照海頭金聲牙繡過杭州文章新式尊宗
伯聲韻重編歷歷侯化雨自生書帶草春風先上戴
星樓七閩舊有文公化佇見薊山院更脩

李坦園相國元孫彌月

香滿華階春晝溫石麟前月降朱門中書韋氏原相
繼才子高陽又有元潭府笙簧將鳳曲綸屏霖雨長
桐孫男祥則百初吹管仙李由來奕葉繁

送李吉父司李止黨

君才只合上蓬瀛郡節分持潞乎城地近漳泉堪作

學源堂詩集

卷之五 七言律

主

雨衙多喬木好遷鶯士風尚有姚崇化人物今傳鮑
昱名屈指三年應奏績漢家循吏重寬平

劉導九出守嶺北道

十年指佞向彤庭劉向封章總六經執法覓移天北
極分藩遙去海南溟珠還合浦傳新事鐘徙潮州問
舊汀瘴雨鬱烟應若掃神羊到處有威靈

紀光甫分守青州道

龍節遙臨凝翠樓清風白露海天秋李膺按部無貪
吏杜密知人得俊流淄水月明三牖靜牛山雨滿蓀
家謳公來何暮非虛語蜀越聞君恩澤稠

光甫官蜀越

書邵弼齋先生傳後

簞瓢筆法太初詞邵子慶祖德詩家廟衣冠猶正
氣傳經俎豆有鄉祠公門大衍錢江祚吾道南爲浦
海師正史興朝方有作直臣應並日星垂

吳長文還江南

精堪與家書翰事

如君儘可住長安却向秋江買木蘭萬里龍沙藏
冊幾年風雨驗星盤家園夢迫裁歸賦朋友情多奈
冷官若到鄉閭酬父老爲言新政播恩寬

送丁景行同館以按察副使備兵潞河

猶聞遺愛動羣歌身繡新衣按路何官是外臺稱
學源堂詩集卷之五 七言律 主

副人曾中秘校書多五雲有闕群瞻見星次
第羅左輔只君爲領袖好將春兩作恩深

劉公愚方伯以太翁諡贈其子

示詩以貶之

公會撫州

平舒頻水鼓鐘傳靈隱鄉人壽之壽壽之壽開原北
斗文翁雅化在西川傳家自有秦三子著作長西疏
一編莫羨汾陽牀滿笏表冠子壽壽壽壽

石公宗兄歿十年其子

邱愴然有作

是歲移州大水

十年夢已冷池塘握甲孤兒意重傷年華可能留手

澤衣冠端不愧書香竹西有合空懸額邦水多田祗
望洋今日吾家傳舊德好懷代國與汾陽

送沈繹堂南還

歷盡艱虞意惘然歸與一棹潞河烟渺茫三月桃花
水迢遞千山雁字天同學多人誰意得左官近日倍
思偏相逢痛飲皆名士莫讀騷經橘嶺篇

送張禮存太史歸省兼寄乃翁 公選天部

五雲如應殿頭呼風致靈和柳不殊近代才名推二
陸大家文字重三蘇陛辭非爲思尊美庭立還知見
鯉趨舞罷綵衣煩寄訊藤花去後歎荒蕪

吏部署中
有古藤呼

學源堂詩集 卷之五 七言律

五

爲蘇

白鳥

瑤光五色幻神鴉鴝羽不羣遂足誇乍老自能欺
國稱祥何事誤元嘉一行影濯江心練幾葉翎添梅
嶺霞有意教人覓不得月明寂寂坐梨花

其二

前年西貢黃鸚鵡今歲江南獻白鳥小物尙能存正
色大鳥偏肯領神符三千里外塵飛騎五六月巾雪
滿微半聖主報聞真有意鳳皇今已在岡梧

黃鸚鵡

西方奇特黃鸚鵡表獻殷勤師武臣羽映龍墀形
色臂擎虎旅甲疑身佛分寶相歸中土天與金衣
聖人才子莫矜新賦好須憐萬里驛樓塵

別涵叔宗兄十四年來都聚晤未幾旋里書此

送之

別緒悠悠十四春相逢白髮倍情親有懷感慨頻
酒無數窮愁懶向人歲月荒涼心外事乾坤寥廓
客中身洛京莫道無黃耳雪滿梁園夢自真

劉公愚方伯之任江西

江表山川楚國風舊時恩澤已旁通福星今上珠
簾

學源堂詩集 卷之五 七言律

五

聞甘雨先飛鐵樹宮萬里包茅雖有貢十年杼軸已
多空君家世載樞垣筆肯使民歌大小東

送魏柏鄉相國予告歸里

滄沱春水濺隄沙宰相盤輿度柳衙初抵里時鶯轉
樹舊題詩處壁籠紗鄴侯自有銀青約謝傳何嫌絲
竹奢東閣平津看漸遠廣平空復賦梅花

其二

元臣解組出銅龍綸綍春溫主眷濃十漸十思養
啟沃三薰三沐念遭逢東山有地鋪碁局北闕他年
待鼎鐘祖帳青門車馬盛都人如覩漢疏容

其三

青滿燕郊柳陌春犀簪崔嵬去平津一朝引疾何慷慨
慨十載調羹亦苦辛舟過滹沱無駭浪風迴大陸有
清塵自來趙國能完壁豈為家鄉是柏人

寄題嚴封君嗜退菴

一丘一壑自從容何必羊裘江上翁與我周旋高士
意獨卿嗜退古人風溪添春水烟三尺徑發秋花露
一叢野服扶筇時遠眺廢興指點大江東

贈張羅浮給諫用羅浮夢中句為韻

十年霜雪老黃門表勸垂衣擁至尊給諫會請親政捋虎
學源堂詩集卷之五七言律 美

一身渾是膽補天五色更無痕雁寒荆渚孤臣跡月
滿梧垣國士恩諫草雖焚猶宛在漁陽父老補荒村
給諫有請停園田疏

其二

十年霜雪老黃門感慨臨岐對酒尊白髮思濃鄉菜
味青袍色帶殷蒲痕召還瑣闥真殊遇疏乞金雞亦
廣恩為擬布帆歸去處紫雲山畔訪梅村

張漢昭民部權關江寧

金陵雙署權江關奉使浮槎路水灣驛路邦溝花正
發行臺桃葉月應開官橋稅薄千樁集舶賈人勞萬

里還博物知君能搜勝華林舊蹟傷三山

清明郊望

東風拂拂送游絲寒食花飛物候移草色去年曾綠
處鶯聲初日欲升時一行裘馬香山路幾簇壺觴玉
水湄攬轡郊垌聊極目耶峰縹緲白雲垂

賜環入署

游戲人間老謫仙承恩重踏舊花甄沙龍隊向天池
偃雪燕飛從海嶠還院中有白燕堂蹟憶昔絳紗環玉筍喜
今紫禁照金蓮莫驚白髮纔新進曾侍 先皇御講

筵

學源堂詩集卷之五七言律

圭

辛亥清明

春來老懶日多眠寒食花明倍黯然朱邱啣泥原巧
燕青榆散英沉飛錢喬松蔭翠懷先壠御柳吟風憶
昔賢直上雲霄綠庠物關雞場裏放風鳶

辛亥初度

老境遯人入漸深蹉跎全失少年心邯鄲勲業無清
史岫嶮文章有綠沉差喜故人行馬貴可憐新癖讀
書淫知非已近霜堆鬢勾漏丹砂何處尋

荅會青藜便韻

讀書不解沐膏薇心折南豐覺昨非知我自知劉尹

勝見人如見謝安稀雲深五嶺巖壑水合雙江把
鈎磯入洛相逢多感慨翠微安穩好言歸

陳說巖侍讀移居日閑 命還官

德星移照玉河堤給報水街駁殿躋宜置此人 帝
左右何妨分住屏東西鳴珂入直三台近撤炬登樓
百尺齊鐵鶴祠前泉勿幕新居前知君投轄識金閨

送張幹臣學士歸廬陵以官事去

蕭然襍被澹秋曠去國之由天下聞 聖主何嘗有
忌諱忠言只不禁慙慙黃花露冷鄉心急紅樹霜高
驛路分回首知君猶極目龍成五色是韓雲時上幸盛京
學源堂詩集 卷之五 七言律 夫

其二

布帆如葉逐寒潭紫氣遙看五斗南語出忠肝無那
苦味回諫果自然甘頓江雷過常爲雨蘆岳雲歸總
是嵐預約賜環趨闕日千秋金鑑向君探

秋日登王大司空樓臺

蕭蕭不忍聽秋聲日暮憑高動遠情寥落紅林裏北
雁微茫白堦認西城雲中宮闕千門靜雨後山河萬
木清人到朝川懷自好只愁霜塞濕龍旌時上幸遼左

辛亥除夕

世人此夕意何如老我明朝半百初總計年華無好

況現存家業有殘書晉賢放達心原苦燕士悲歌氣
自舒四海只今皆落莫肯教霜鬢獨愁予

書肖泉宗兄扇頭

屈指遄離十六年相逢安得不潸然敘來老話驚孫
子想到人情信海田吾叟雅堪爲祭酒此官難道是
神仙共憐短髮霜華染何日姜家被共眠

題益詠堂

萊陽宋太僕公長元先生明天啟丙寅丁卯
間今清豐有遺愛清人德之建祠以祀歲時
伏臘無遠近操豚注醴鼓歌會饗垂五十年
學源堂詩集 卷之五 七言律 夫

不哀跡古甘棠勿拜無異也以故吏部李公
其紀顏其堂曰益詠往寇躪清邑燬公私廬
舍殆盡惟公與唐南霽雲明沈清霞三祠存
知爲功德節義所感公了觀察公易堂爲余
述其事寄題二律

頓丘之野祠堂存俎豆衣冠畫像尊百歲傳歌猶父
毋萬家食德至兒孫雲旗畫史黎陽樹烏易時風博
望屯遺老年時頻動色慰看公子駕朱轡

其二

曾經劫火儼重夢鼎峙青霞與霽雲澶澤民謠皆史

料丹崖家世有碑文春煙歲老萊公柏秋社時蒸田
父片聞道清風興百世後來誰肯不如君

初度王子

榮植尊尊滿眼前大兒拜舞小兒旋空勞七尺乾坤
裏可惜十年日月邊落落此心無富貴茫茫斯世有
愛煎憑他天上風雲巧豈肯隨人造鐵船

五十初度

一萬八千日幾何狂夫情態已蹉跎無才豈夢松生
腹有恨難聽豕渡河天下英雄金穴少世間奇事鐵
船多文章底是蕭森物那得桃花入楚歌

學源堂詩集卷之五

贈吳幅巖山人

知君有意入山深黃纒行須共一林龍給異書皆古
字烏傳仙訣是靈音眼穿地肺看盤背手卷天衣換
水襟莫遣桃花隨意出武陵只恐有人尋

賀子昂姊夫伯姊七十同壽

人生七十古來稀誰不歡吟老杜詩今日爲君進一
爵同庚在室慶齊康情真昆弟無夸語壽比岡陵作
祝辭我亦龍鍾雙鬢雪天倫樂事矜期頤

學源堂詩集卷之

學源堂詩集卷之六

情苑郭葵快圃著

七言律

申臬盟五十舉子乃弟隨叔太史徵詩

前年握手話心期猶道藍田種玉遲近與季隨同珥
筆爲言伯氏誕麟兒輝山白璧原生趙照乘明珠遠
勝隋生恐詩名歸小杜牀頭玉斧欲相貽

見盟有詩各

渡河

停驂驚過大河洲日白霜黃酸棗秋動地疑交風雨
至從天知帶斗星流雲隨鶴歸嵩岳沙擁龍見
學源堂詩集卷之六

汴州孤子宜房何處是千年壁馬聽悠悠

抵汴

河畔登車小隊迎蒼茫暝色度高城幕帷綠暗惟官
柳入署紅乾有野華賦雪何人今寂寞進花當日亦
崢嶸慚余千里徵賢至賡有臨流懷古情

聚奎樓遠眺

危樓矗矗歷天中千里黃河一望通烟樹日沉非宋
岳魚沙雨老是梁宮龜龍有跡文章古虎豹無關氣
象雄洛下汝南才是藪得人猶自說歐公

鹿鳴宴

王子河南

桂子香開聽鹿呦，天中瑞奏五雲浮。
人依少室多仙氣，地夾黃河自上游。
域樸化成歌湛露，壁奎星聚耿清秋。
驕驪滿道真如錦，稽古恩榮願共酬。

撤棘後得李九畹吏部書兼惠地黃薯積九畹

左遷以讀禮未補

論文曾酒憶青蓮，藤署詩名歷木天。
愧我未空騏驥野，愁君新廢蓼莪篇。
有煩采藥遙相問，安得同舟望若仙。
珍重加餐還自慰，佇聽宣室召才賢。

聚奎樓望文昌山閣

峻嶒雄爲疊雲根，閣闕孤清氣象尊。
霜雪羽衣疑放

學源堂詩集 卷之六 七言律 二

鶴風林蘿帶似懸，孫域中形勝分黃水。
天下文章映紫垣，點綴正須臺觀好。
自慚無筆壓西園。

登汴梁上方寺鐵塔

百丈琉璃古鐵顏，嵯峨直欲逼天關。
東來紫氣滄溟日，西下白雲嵩少山。
幾點霜林低雁陣，一條沙磧傍龍灣。
四十八佛何年置，猶帶腥蛟去後斑。

壬午汴梁經水患

雨後登汴梁明遠樓

雨過中天見蔚藍，憑高滿眼葉紅酣。
虹隨水落繁臺北，雁與雲歸汴渚南。
沙井金錢元祐字，蓬溝玉玦景靈函。
椒房棘苑成今古，獨有飛鴉依舊探。

衛輝望京樓

廢邸歸然獨一樓，潞王曾此望京雒。
不樹空華表鳥啼，月霜滿牆棘散秋銅雀。
已成漳水磧，玉魚那是漢時丘。
燕果螭篆渾休惜，勝說金仙有淚流。

九日金懷存方伯招同鄧龍江司農李毅可觀

察崔惕菴河憲孫潔初副使史省齋督學按

僉飲文昌山閣遇雨閣在廢藩邸後可望鐵

塔

客裏逢時菊正芳，插萸山閣謁文昌。
城隅鐵老鸚鵡林，塔樹庭銅埋駝路。
霜洞曲況教雲送黑臺，高不待雨。

學源堂詩集 卷之六 七言律 三

生涼諸君談笑忽停竿，爲惜繁華古大梁。

荅陳蒞宮大韻

榆才叨與鹿茸筵，警校慚無藜杖煙。
一片冰心秋水冷，三條絳燭露華鮮。
第高恐使劉蕡下，臺遠虛傳郭隗賢。
花苑洛陽原有種，春風桃李竹爭妍。

其二

繁臺咫尺靜歌聲，九月無霜落葉明。
好景長河星萬點，苦吟短鬢雪千莖。
雲來地肺連朝潤，秋在人心到處清。
蕭瑟悲涼今古似，張衡無筆賦東京。

其三

人才湖海氣盈襟入洛其如霜露臨少室仙源黃鶴
瘦太丘故里白雲深龍蛇變態看揮翰山水孤情聽
撫琴落莫于今風雅事拾遺秋興百年心

五世一堂詩贈孫鍾元徵君

爲愛淇園白畝鉤移家千里大河濱蘇門舊有孫登
宅洛下爭傳郭泰巾鳩杖遠躋五世祖班衣舞向百
年人草堂獻酒春暉滿桂樹生花秋月新徵君長孫
時舉於鄉

其二

河干車馬入文鄉一月春風三日香函席有懷牀下
拜征車不息驛亭忙太公臺畔瞻星聚君子村頭看
學源堂詩集卷之六 七言律 申

鳳翔賴得蘭孫如玉筍通家喜更說門牆

黑龍潭

神臯混漾翠蛟宮古木蕭蕭白日風烏帶雲來知地
敞雷從石起覺天空瑤壇夜燎聞仙樂碧闌春香見
化工疊枕攜壺成小憩楓臺莫問落花紅

李來吉令四會

曾羨甘棠映彩雲雕題鑒語頌神君雙兒又向蒼梧
野五稊應傳牛女分車度枕柳香細雨衙臨蒨翳吐
奇芬梅花嶺上人來往頻折一枝寄我聞

李曉生補任山東驛傳道

龍門潁水漢時聞今日仙舟誰並君持斧曾看彭蠡
月爲霖好借泰山雲青牛氣接滄溟近白雪樓高奎
壁分預識德流郵置速頌聲蚤晚達南薰

送宋荔裳觀察四川荔裳舊爲
浙江觀察

淑問曾流古越邦錦江春色勝錢江一川雲霧高低
壘十里芙蓉上下巒杜甫詩篇畱井絡文翁聲教到
邛騭星沉貫索知無事筆在梅花雞在窗

其二

時常折柳出春明祖道於君別有情過去風波真破
膽於今騷雅正尋盟賦傳楚國三秋盡舟到瞿塘萬
學源堂詩集卷之六 七言律 王

浪平總領蜀臺先後好膠萊原是一家聲宋與王先
爲蜀
中親

送杜子靜編脩乞假歸南宮展墓

燕郊無雪樹聲乾有客條風勝玉鞍大陸松高愁鹿
觸上林花發讓人會詩成社日應呼酒月滿春宵好
夢蘭子靜
下之人親更南亭如問訊爲言北郭老長安

其二

金聲繡襦出春明一客初言念祖情篋有賜書皆北
史人來勸酒半名卿帆開綠水桃花漲柳隔紅塵燕
子聲爲計禮成趨闕日華堂桂樹已嵒嶸

送張漢昭督學閩中

斗牛雙宿舊浮槎
天上文章覽獨餘
郎署大夫榮祿部
詞壇宗匠過仙霞
燃犀照海珠無淚
結鐵迎潮主有花
人道七閩才是藪
料難博物比君家

其二

與君題塔廿餘年
事事輸君先著鞭
萬里星轅橫玉尺
千秋彩筆號珠船
絳紗香引芙蓉露
水鏡明開橘柚烟
黃閣絲綸虛左席
還朝好帶八蠶綿

張正甫督學蜀中

鳩車戲坐憶同年
酒竿詩筒雅社偏
能讀父書多靜

學源堂詩集

卷之六

七言律

大

氣久居郎署尚蕭然
金閨我自淹三館
正尺君方照四川
賦客詞人淵藪在
重看井宿五星躔

郭介蕃督學滇南

介蕃學西典試竣旋拜是命

珠網曾收海外瓊
旋持玉尺按昆明
明文星自與五雲現
才子常爲萬里行人
度鐵橋多北望地
臨銅柱想南征夜
郎久識汾陽姓華
胄今來是墨卿

鄭澹菴督學楚中

晉人兵部

才名烏奕鄭當時
樞府含香選鷄鵠
自昔楚才當晉用于
今北學是南師
文峰赤壁增三賦
理窟黃陂拜二祠
欲爲詞壇生氣色
洲名鸚鵡一傾卮

程蕉鹿督學貴筑

戶部

誰能敷教大龍番
除是伊川夫子孫
周禮司徒原造士
漢家置郡已推恩
芙蓉銅鼓千年色
荔竹烏江萬里源
化得牂牁通六藝
論功馬援許同尊

蘇鶴洲督學粵西

知君性好奇山水
碧荔金芝到處香
漸解華言秦吉了
全無瘴氣馬欖榔
雄文自壓州官柳
佳士應如太史黃
西粵西湖名亦好
蘇隄從此比餘杭

憂旱

三冬無雪春無雨
赤地愁聞布穀聲
官府但知催夏學
源堂詩集卷之六
七言律

七

稅農家何事望秋成
密雲柱宇漁陽縣
易水空傳燕國城
罪已廟堂新有詔
賑飢誰敢飾虛名

喜雨

臺前韻

瀟瀟庭樹響深夜
疎爽無疑是雨聲
不惜東籬花盡老
願教南畝稼都成
一天碧露垂龍沼
十丈紅塵靜鳳城
自責無須勞聖主
商霖珍重賜臣名

時爰立未果

吳稽田再至京師

客裏君曾寄八行
具言愁病滯江鄉
一朝醴酒辭玉戊
千里胡琴負子昂
蕭寺鐘聲聽月落
燕臺雨色見松荒
相逢莫更詢身世
未老慚余鬢已霜

王夢航宮允備兵南頓

憶辭香案正翩翩一臥蘇門二十年秋水龍藏雷劔
氣夏峰鸞嘯太行烟天中人望高珠斗海內詩名讓
詞川偶爲蒼生重攬轡潯江試放米家船

其二

詞曹只合老西園賴有君行雪此言攜雨自能澆鐵
樹折梅還欲寄金門嶺南屏翰分甌粵江左歐曾見
弟昂去到滕王高閣望水天一色舊時痕

答李卓人同門

白雲一片楚江干羨說高人戀簪冠陶令柴桑誰送

學源堂詩集卷之六七言律

一

酒葛洪勾漏已成丹山中書札輕千里天上風雲幻
萬端意氣當年都不淺祇今霜鬢兩相看

癸丑歲暮雜感

年華容易換支于萬事蒼茫冰雪殘心老偏能感
慨官貧獨不畏艱難請纓人已羞王勃折屐誰將似
謝安羯鼓無聲爆竹靜金戈鐵馬正桓桓

其二

幾於除夕嘆吾衰老至今年不暇悲策擬長沙愁涕
少才非中壘著書遲車巾日捲疎前輩厨曆時刪瘦
小兒咄咄逼人緣直事尋常酒債一時追

其三

三尺匣中且莫鳴年來佳條總無聲慣看俯仰枯槁
巧羞說浮沉待藻榮宦況如樓憑蜃結人才似水賴
企生一杯聊勸飛光駐不遣閒心到世情

其四

雙丸只解跳東西不管人間物不齊蟬怕喧秋爭抱
葉絮貪逐水定沾泥眉山痛快賈生論蘆子憂皇杜
甫詩欲掃千人無筆橫何時太白與雲低

其五

好搯孤調自蹣跚流水高山閉戶彈每讀一編增一

學源堂詩集卷之六七言律

九

悔未聞三益發三歎可堪遺世琴書友不甚驚人文
字官如此心情居鬱鬱自無春夢到槐安

其六

荒園無力種君遷短草疎花趁日妍船客少來迴味
果鄉嚙不產耐彈綿繁華莫更爭鋪錦廉耻惟且仰
俸錢近日交游情近古雙魚絕少故人傳

其七

久識空華與劇場把持道氣壓疎狂竹固有節禁水
雪花自無聲任海棠八座威儀原嘯諾五陵裘馬即
文章西山山色年年翠多少遊人到上方

張玉甲大參備兵青州

龍節朱轡望大東洋洋千里間齊風雲門雨過松烟
紫蓬島霞生海日紅人到雪宮非晏子鳥傳白樹有
王公漢家使相多名業道是張堪歷孔融

六月六日喜雨

不徒憂旱旱堪憂六月簷花瀑水流天淨自然無野
馬田雷只合有耕牛樹聲浙瀝畏過午雲氣蒼茫乍
得秋好雨及時原盛世桑林不用費祈求

冬日過項眉山學士齋中聞諸郎讀書聲

老厭頻聽畫角聲過君廬舍耳雙清傳經太乙青藜
學源堂詩集卷之六 七言律 十

照鼓篋河東彩鳳鳴自識他年皆玉筍任教舉世有
金籬膝前愧我多豚犬不解濡毫賦兩京

甲寅十一月十六日聞范觀公閩中消息

不死知君志已違郎當況復虎狼園三更對雪思平
蔡萬里因風望采薇此際何時忘魏闕後如有夢到
萱閣無衣未許書生賦老爰闌干血並揮

探春花

雪月曾無花信通寒芳獨爾探春風冰虫結網籠瑤
樹雲丹飛香上玉叢自有機關傳泰谷況多消息問
南鴻柳條漏洩知還未只在梅花幾點中

歲暮雜感

感慨今年未有涯那堪歲暮旅愁加空堦疊雪看危
石老樹吟風聽夕鴉奏捷江湖書恁急傳聞關陝辛
爭譁奇謀將相應多在却使書生在歎嗟

其二

三冬氣暖似春秋月半嘉平水欲流頗愛爐紅添楮
拙更憐霜白遣兜鍪太平點綴人披錦塵世機關屢
結樓不是禦寒憑酒力筭中那得紫貂裘

其三

除却青瑣百事無偷兒暴客任狂呼三更剪燭霜疑
學源堂詩集卷之六 七言律 十一

月萬里傳書馬似見楚甲逍遙憑地利秦民竭蹶輓
軍儲眼傷鼻感何由解燕市人多半酒徒

其四

幽居愈喜有貧聲門巷蕭條犬不驚客至長談惟老
友書來亂纒半鄉情剪蔬小圃水三尺眺雪平臺酒
一觥咄咄未知緣底事人非廉藺虎相爭

元日試筆

元日晴和曉不寒景陽鐘動集千官六龍行處雲驅
蟄五鳳開時星照壇椒頌聲停鷄鷺序劍華光冷鷄
鵲冠提音疊疊來江表何用書生策治安

徐昌侯茂才歸華亭

送君歸去意悻悻，迢遞江關畫角聲。
豈是馬周無上策，只緣王粲有鄉情。
布衣可惜京塵黑，絲髮何妨塞雪明。
若買山居深更好，東南戎馬正縱橫。

范筠堅歸華亭

筠堅即樹
張長郎

知君家世有遺書，封禪不求意自如。
久客漸能識韞積，長歌豈是嘆無魚。
人南燕北各寒暖，髮白燈紅幾望舒。
四海只今多戰馬，歸今一倍愛吾廬。

乙卯三月二十六日大風

見星不見月多時，一目風靈萬象欺。
樹老虬龍爭亂

學源堂詩集

卷之六

七言律

五

吼花開雲錦苦，相披塵中車馬騶。
聲靜沙裏樓臺燕，子移獨有荒亭一丈石。
巋然不改亦何癡。

乙卯四月金悚存太常招同楊地一少司馬曹

顧菴學士沈鐸堂大司成張爾成銀臺項

山學士雅集分韻得先

關山湖海正烽烟，老友傾尊感慨偏。
日澹燕郊鷺卷舌，風驕榆塞樹飛錢。
令傳司馬猶行酒，卦叶同人莫問年。
不醉婆娑須底事，閒難誰肯更爭先。

劉山人遊中州憑寄張上若同館

輅車憶下午橋莊，痛飲醍醐月正霜。
白髮我猶歌嶺

从青山君已定行藏，溢河春雨雨麒麟。
浴行塢秋烟薜荔香，滿眼干戈憑問訊。
金臺客老意蒼茫。

乙卯午日感懷

無蒲無酒復無樞，有恨有悲兼有愁。
殺盡新河賊，蚤近得來少婦淚。
乾流霜飛四月白，齊魯懸舞千村赤。
蕭蕭幾道山陰來，露布又聞旗鼓發雲州。

李仲如以廕補奉天治中

仲如
能盡

贊皇公裔衛公才，九部八紘一掌該。
新領銀青周內史，遠臨鴨綠漢留臺。
日烘海嶠雲成閣，霞結山陰樹似梅。
屈指遷除應有詔，醫無間入畫圖來。

學源堂詩集

卷之六

七言律

五

憂旱

干戈滿眼漫無愁，五月田乾負麥秋。
考鼓撞鐘村打魃，衝沙蕩石陸行舟。
蘼蕪盡變夏枯草，布穀翻成喚雨鳩。
州縣吏才惟急稅，輟耕只恐賣健牛。

五月雷

山左
報時

奇事新聞五月霜，劇憐二麥失青黃。
板橋人跡寒鴉鳴，山寺鐘聲額枳桑。
只有將軍愁牧馬，料無御史喜添囊。
莫言魏俗能寧儉，葛屨齊東亦履將。

李昭華來得吳稽田書

聞結白茅捫虱菴，祇今世事可能談。
書來湖上雲霞

色人隱山中翡翠嵐誰許馬周爲上客須知王適是
奇男君何更說遷除事千日杯傾我正酣

魏離伯視瞻兩淮

與君攜手話淖沱二十年來我鬢皓唐有魏徵陳十
漸漢之郭泰老三河才名已歷西臺栢直指今巡東
海離間道揚州花滿樹鹽梅須爾作羹和

趙鐵源太史典試粵東

膠海才人趙倚樓棘闕星使日南游一帆萬里蠻烟
靜八月雙江梅嶺秋墨水江邊看鐵漢桂花香裏點
魚頭賢書露布知齊上幕府文章認馬周

學源堂詩集卷之六 七言律

古

史子脩日講官乞假歸省

子脩
能書

正藉直哉列講筵尊鱣忽憶蕩湖天衣中綠玉淮南
橘炬裏黃金殿左連五月薰風楊柳畔九河仙氣木
蘭船妙高道士多劉姓定許籠鷲換五千

寄淮鹽運使張應瑞

萊海歌聲淮海流甘棠新更愁瓜洲梅花閣裏香爲
解筵社湖邊藕是秋劉宴功高能轉運仲淹才大喜
防脩橋頭明月懷佳句夢到邗江勝槩樓

喜雨

不禱桑林不祭瓏自然甘霽夜寥寥一時日月空靈

氣千里河山得秀容北拱雲霞金齒苗西來青翠石
芙蓉臣慙不獨書窗靜可洗兵戈可勸農

夜大風雨

混茫一氣冷瀟瀟列缺砰雲半燒鐘鼓無聲地窟
吼樓臺欲動天河澆萬竹鱗甲午擎欽一界塵烟可
寂寥中夜衣冠聖人坐歷山有幾古耕樵

再送史子修

一帆綠雨潞河催香案人從天上來篋裏有書皆正
史席前得句自倦才行行鱸膾三江近處處芙蓉六
月開長蕩湖邊秋正好金蓮的皪儼蓬萊

學源堂詩集卷之六 七言律

圭

送霍玉調副將復鎮萊州

蓬島喧傳橫海雄築壇詔龍陽彤弓近聞天子
勤東顧重遣將軍守大風雲裏飛來金雀印海邊躍
出玉龍驄漢家指日圖麟閣還數嫖姚第一功

李吉父令潞城

上黨山川爾舊遊壺關重歷正高秋雨河紅葉浮沙
嘴百谷青雲罩馬頭潞子宮前新雨露衛公祠上占
風流相傳地是嬰兒國從此知將父母誼

楊華觀督學秦中

關西夫子漢儒宗新領文衡按古雍秦俗只今猶鐵

駟晉人當日擅雕龍
漸橋駐馬芙蓉色
函谷看雲虎豹容
聞道隄行授首好
將禮樂變烟烽

戈玉仲視嶠兩淮

秋風驄馬向瓊臺
桓典今同管仲才
廿四橋邊江月上
十三山外海門開
揚舲渡口紛如雪
駐節關頭動若雷
奏績知君調鼎鼐
揚州自古有鹽梅

九日登倦榭

樹烟水色老秋光
此日憑高意重傷
殘照西山雲羃歷
落霞北海氣微茫
上林絕少繁書雁
古陌何多染葉霜
一道塵飛連驛騎
將無露布奏荆襄

學源堂詩集

卷之六 七言律

六

昔奇快園百可亭壁土

園名奇快意何如
地以心偏賦索居
雨後剪畦分菊翠
霜前剝棗落瓊琚
午間鳥語因停筆
不覺花香爲檢書
坐臥醉醒皆自適
碧山莫待更焚魚

其二

亭子如何名百可
茶根敲得氣纔降
雲華不掩當頭月
山色全供背面窗
雪裏鴻空乙乙花
時蛺蝶白雙雙
古今有事誰能做
擊機中流誓大江

吳稽山歸嘉禾

看君濡筆賦歸飛
何所聞來何見歸
酒薄長安嫌市

夢回大滌憶山薇
晴秋最碍雲邊影
涼夜難忘天下衣
此去崔湖逢快事
如銀蕪菜透根肥

漳海蟄天階以庶常外補十八年矣來都一晤

匝旬旋返同館爲詩送之殊有感也

十八年來驚一晤
七千里去恰三秋
愁懷正欲從頭說
離恨難將攜手留
當日人情猶古道
近時宦況總虛舟
英雄氣短無他事
蟄遂如何不拜侯

其二

何所聞來何見歸
廿年光景訝全非
紫駟蹀躞金臺遠
白燕參差玉署飛
欲醉其如冰醖薄
懷甘畢竟鱖魚肥
君家漳海今安穩
蚤晚王師賦雪霏

學源堂詩集

卷之六 七言律

七

魚肥君家漳海今安穩
蚤晚王師賦雪霏

登遠榭望雪

絕無塵埃礙雙睛
迤邐參差一片明
大澤蒼茫吞海氣
孤雲聚散混山名
林中佛捨毫光接
水畔人家烟火輕
萬境何分高與下
雪天一望總平平

丙辰八日

雪消風靜一簾深
此日占人慰我心
或者官軍無殺掠
自然寇盜不侵尋
犀犛霍繡多平福
鐃響笳吹盡好音
縱使冰銜雙鬢白
殘編安穩好哦吟

壯靜菴樞部督學河南靜菴庚子典試京兆

視草十年漢石渠鴻文秋水漆園如眼曾冀北空燕
駿筆又河間點洛書嵩少雲來皆古鶴汴梁水過有
神魚知君到處流時雨桃李菁慈單驚車

送任海濱少司寇祭告南岳南海

禮循柴望藉名卿鶴繡犀輦萬里行七十二峰雲北
向十八百國海南平旌搖白鷺鯨鯢敏 詔過湟谿
橋仙榮山自三呼海自晏待君還奏慰 皇情

題江氏雙節冊

叔姊程姬姬在何守節二十
年教子成立徽州歙縣人

溯言家世有淵源節操雙傳德象坤自許大家無二
志更教小阮慰孤魂和熊毋共流霜日晝荻兒同落
學源堂詩集 卷之六 七言律 七

葉村一戶兩庭皆玉樹廿年辛苦佇旌門

王子言少詹祭告高陽顓頊宋金元明諸陵

青宮左輔拜王商 詔遣銜書祀古皇三月爲歌官
路柳百陵草散御臺香人從紫極星辰去地到黃河
甸服長聊可題詩聊可醉知君莫肯負春光

陳說巖詹事祭告暨巫閭鎮

星軺歷歷度榆關函捧金泥青冀開玉署詞人行古
塞桃花仙洞訪名山禮成柴望 王言重瑞奏雲封
宮相還豐鎬地多龍虎氣得來詞賦壓揚班

其二

彈冠青殿領王商 詔遣明禋歷海陽東望瀛洲煙
有翠北來華表霧多蒼臣將 帝命行原龍山學嵩
呼韻自長父老憑君詢盛事少微爲道有輝光

題顧見山畫

平生遊跡徧江關收拾烟嵐筆墨閒淦淦猶寒原上
樹戎戎欲濕雨前山雲根有路青溪斷茅屋無人白
日閒危磴嶺頭盤似蚓是誰穿鑿任躋攀

中秋後五日邀沈繹堂祭酒馮胎仙庶子高爾

豹進士雅集百可亭次爾豹韻

冷雨秋亭夜照釭愁心擬向翠濤降水輪有意來空
學源堂詩集 卷之六 七言律 五

谷鐵板何人唱大江五粒禿猶垂小徑九華高欲入
晴窗座中咳唾珠幾落國士驚看遂有雙

再和沈繹堂祭酒

清宵客話對明釭秋圃塵空雨氣降酒興勃如尋菊
序詩才清似落楓江雲華有意圍孤月山色無邊受
一窗戶大能容設法勸投瓊射覆數單雙

其二

揮塵傾壺共一釭雄談豈肯豎旗降感時工部心驚
鳥臥病文園渴飲江雨積梨花秋滿樹時梨樹燈殘
螢火夜窺窗非因咄咄書空慣頭白鬢髮影自雙

再和高爾豹拘體險韻詩

秋亭夜坐出撲釭予懷渺渺愁莫降辜負月明此燕
市比擬才人雨潘江冷露暗飛木垂珮濃雲忽斷天
關窗見說楚澤橫鐵甲南征鴻雁何雙雙

再和馮胎仙韻

自憐五畝似南淙謀婦新醅得一缸碧草梳風疑石
髮紅霞著樹儼天幢虎鬚酒政吾能捋龍鼎詩才君
可扛但醉無須頻問夜金吾不敢漫春撞

秋日邀任青巖正字高潛人張朝弼兩錄事集
百可亭次潛人韻

學源堂詩集 卷之六 七言律

辛

白露當庭雁影南容來不用月成三兩餘有草露金
翠樹密無山亦吐嵐近日閒雲紅似錦迴霜秋水碧
于藍蹉跎未覺年華暮何事林楓葉已酣

其二

園空夕照滿高槐杯勸飛光興更佳露著秋藤枝結
綬月臨風竹影橫釵讀騷飲酒真名士小築幽棲稱
老懷耶底升沈安足論雄心只擬頌平淮

題畫

草廬高結翠微中峰後峰前一路通衝破烟嵐飛瀑
市街迴棹莽長蘆叢鄰野水沉霜白歷歷荒原帶

鳥空寂寞無人行古道祇餘枯樹響秋風

其二

山前種竹竹緣山竹外編茅三兩間色映樓臺渾碧
落香流谿徑靜柴關坐來賓主知非俗望去林巒總
是閒安得買山如畫裏更無兵火挂愁顏

景元公令平湖

會令天長時
平湖有水患

花開濛濛比甘棠鳬去龍湫出帝鄉九月人行紅樹
裏一天露下白沙笏寒帷滿日堯年水入署勞心越
微航見說仙霞頻奏捷景星照處有平康

九日雨中登寄快園遠樹獨眺擬詰朝訪菊楓

學源堂詩集 卷之六 七言律

辛

臺

重陽多雨亦登臨無那園荒秋氣深五色龍雲勞朔
塞幸時邊外一斑豹霧老霜林誰家酒饗陶潛徑此日
風驚鮑照心豈爲虛名生倏佗城南菊滿欲招尋

何吳子令江陰

梅閣揚州水部才一行作令大江隈乘鳬客白燕雲
去騎竹童隨海月來宦蹟春中仍有浦風流任昉更
登臺新砌豈憚當盤錯合聽歌聲五袴開

重九前二日張爾成招同魏侍郎環溪法方伯

黃石飲齋中夜話久之次方伯韻

曲江書屋小籬黃泛蟻持螯共客嘗理學同尊周茂
叔風流獨羨米元章仙人露冷杯浮葉太白星高雁
帶霜擊碎唾壺中庾用澆愁莫管日頭蒼

重陽後一日集項眉山齋中看西山霽色

夜聽冷雨濯西山翠嶽朝來爽氣還偶對墨林書畫
裏遙分秋色蔚藍閒斜陽影動雲歸寺寒露聲隨雁
度關莫爲臥遊空柱笏尊前饒有菊花斑

送穹窿鐵竹施真人歸江南

真人能以
符療人病

高人何意入長安爲愛燕山六月寒竹杖一枝能躍
水琅書幾筆勝還丹偶看紅葉懷瓊樹遂叱白雲返
學源堂詩集卷之六 七言律 圭

碧湍莫向長房爭賦別相思縮地有何難

王印洲臬僉督理河南河道

印洲舊爲
江西督學

東山養望十年餘小試河渠太史書曾聽洪都歌有
斐肯教沐野嘆其魚乘驍權與冬官比繡牙衛分憲
使居指日錫圭應庾續負圖龍馬更何如

曹貞子絲水送春帆之句贈炙人口詞客多即

句爲賦者貞子來索言應之

浦色雲華碧一連客行三月蔚藍天波光蕩漾新山
黛鳬影招搖嫩柳烟人向畫橋看歷歷帆開春色去
涓涓桃花千尺情誰淺不及陳思贈客篇

贈苗叔明羽士

丹臺玉室是仙根親見崑崙降至尊眼底滄桑經海
圻篋中龍虎動天關研花自製凌雲賦叱石頻過化
鶴村愧說瀛洲吾作署何曾脉望得真源

張爾成齋中觀蠟梅

春光獨蚤曲江隈臘雪飛時見蠟梅驛口魂無人折
贈簷牙喜對酒爭開驚黃淺結千圍骨石葉寒抽幾
尺枚我老看花如霧裏詩成東閣讓君才

丙辰歲暮感懷

厝頭檢盡歲華移感慨年年重此時聲禱唾壺中底
學源堂詩集卷之六 七言律 圭

用填平筆囊欲誰知刑天豈可銜干戚逐電其能受
鼎羈開濟報難應有輩傾曾只合祭吾詩

其二

朱門何用掃春風自有人來擁簪同捫蝨徒煩王景
略雕蟲齊笑江文通譏評宋史因諫理塗抹韓文爲
送窮烟海蒼茫如宦海浮沉萬里羨鳬翁

其三

宦況悠悠廿五春鮒竿梅婦誚如嗔相公長史應疲
倦天子私人亦苦貧燕許文章祚祭大范韓勲伐受
降新夜來披霧窺乾象太白猶嫌匹角頻

其四

漫言閩越有雄關，驪仙霞一片山已許尉佗削帝。
誰教蘇武不生還，可憐擲笏背空裂何惜噴衣舌。
未刪怪事傳聞憑道路，小顏莊上寄書數。懷范忠貞公也

其五

江干十萬頓貔貅，羊祜三年保一州。下瀨伏波皆犬
將，深溝高壘是奇謀。紅烟息鼓琵琶洞，白日投醪鷓
鴒洲。無事指囷求魯肅，帑金月散曲江樓。

其六

拓弓控轡下瀟湘，不道瀟湘水渺茫。風雪骷髏連庚
學源堂詩集卷之六 七言律 雷

嶺雞豚壁壘到南昌，曹彬奏凱圖書籠馬援班師惹
黃囊。此事千年誰肯再，沈多紅粉泣離鄉。

其七

一旅曾聞破七盤，抽刀來飲血闌干。丈夫馬革韞轡
接大將，麟圖箭箠殘未得蠶叢穿鐵甲。何來花蕊壓
雕鞍，漢中扼要蜀秦楚莫信曹瞞雞肋看。

其八

仰屋持籌近百端，欲煩民力惜艱難。計然術好宜升
秀卜式人賢已授官，四姓小侯愁建旆。五陵公子慶
彈冠，三軍所過租應賜。猶恐瘡痍有沒乾。

其九

杜陵豪客似裴優，白日攬金洛市頭。未卽能與三
霧莫須定取百狐裘，賊曹有據屈隆準司敗無權治。
僕區破柱非勞京兆尹，青瑣千敬也難爾。

其十

滿觀桃花任意栽，秋風先散楚蘭臺。須知大野難空
駿，不信長江也限才。世法我彈門外瑟，故人誰寄龍
頭梅。紆朱拖紫無畝羨，剩有斑衣學老萊。

其十一

千麾萬隊壓西湖，細柳深深學亞夫。轉餉司徒兼置
學源堂詩集卷之六 七言律 雷

吏觀軍書佐盡分，符江東州郡珠還浦。海上旌旗虎
負嵎，裴度功成無退步。已將綠野辦儲須。總制李鄴圖被產募兵

其十二

一年自了一年緣，早咎弘羊大不然。火滿何山空煉
石，金藏雕水枉跑泉。凡塵自古無夫里，惟士於今有
祭田。焚草漫勞學叔子，峴山泪墮更誰憐。

初二日立春

二日立春春正初，雪融冰綻氣全舒。風中騎馬酬新
歲，午後關門理舊書。蓓蕾梅花知節序，翩翩燕子認

門閭老人意興無關涉酒琰茶鎡總自如

紀孟起樞部權關金陵

春風壁柳導霓竿司馬當關江界安
鐵鎖截流龍虎
郡簪纓交舞鷄冠冠兵連楚澤
檣帆集貨達關廼市
船寬權稅詰戎君並領好將商力壯三單

徐聲服守河間舊爲東脍令去郡甚邇

滹沱曾種碧桃花三十年來蔭萬家
太守今臨渤海
郡老人猶識潁川車高河古柳青迎旆
碣石春雲曉
入衙君去自隨三日雨舊時棠樹也穠華

哭范觀公

學源堂詩集 卷之六 七言律

王

驚傳閩賊殺忠臣老友心摧血日暝
一死於君原易
事五倫斯世有全人長虹夜結昏江
海劫火灰飛泣
鬼神聞道九重深震悼中朝誰不淚沾巾

其二

點淡闌天萬里雲英魂豈肯縱妖氛
鐵磨白馬江如
沸柴市黑風日乍曛白昔忠臣皆屬
累於今降將是
幾軍爭光日月惟私誅大節不生却憶君

其三

憶君綺齒對臨軒珥筆同登金馬門
驥驎不於生月
氣賦皇有意占平原讀書編絕名臣傳
取友車停君

子村玉署風流今尙在龍圖學士是忠魂

其四

憶君尊酒話心襟睥睨金貂半小兒
除却圖書無嗜
好帶來骨氣在鬚眉陽秋一部藏靈府
硯礪千尋豎
玉池烈士心情原素蓄成仁莫道是臨時

其五

憶君孺慕鯉趨庭直欲將身譜孝經
定省有時辭座
客瞻依常是戴殘星難爲肖子因堂構
每念前人顧
歸銘文正忠宣皆世德忠良相效有餘馨

其六

學源堂詩集 卷之六 七言律

王

憶君愛誦棘華篇荀氏大龍仲也賢
劉瓛夜猶束帶
語姜肱長不俱舍眠吹篴未忍爲孤調
刻鵠何常有
後憇如此家風誰不念傷心直作古人傳

其七

憶君黃閣掌絲綸十載叅知政事臣家
世屢承 天
子問謨猷時向宰公陳談來溫室曾無
樹吟到皇池
獨有春六丈風儀今往矣忍教碧血化青燐

其八

憶君玉署絳帷開北面人宗六館才四
座春風卓爾
立一輪水鏡斐然裁昌黎舊有泰山望
端木今爲梁

木末繁馬沙堤多後輩勸君聲淚震蓬萊

其九

憶君投劾出承明不作東山紙竹聲子美病憐瘵
晏東坡生弗識基杯爲添鶴口劇錢客幾賣魚腸佐
趙生貧且千家待舉火至今誰不哭齊嬰

程蕉鹿督學浙江

如君才抱古誰班江左夷吾伯仲閒三尺匣中藏寶
氣萬草湖上採春顏文章猶待晉俱論經濟無如此
日艱雪浪錢塘高望好好攜算酒到吳山

春日張永舒太學招同李相北學士王北山給

學源堂詩集卷之六 七言律

天

諫杜子靜宮允贛南澤比鄰難集遠國次韻

四首

正欲降愁都酒兵衝杯爲愛題圖名舌存未許談時
事心老纔知澹物情小鳥啼不高聞噪新花還向舊
枝生深魚易醺皆鄉味不羨張翰專菜羹

其二

亭虛儘好受春風花樹沿牆四面紅養氣頻澆捐念
草驚心不踏可憐蟲尊前笑傲成佳況海內文章有
數公今古青蓮多逸興夜酣桃李將無同

其三

誰道蓬蒿仲蔚居近來修築儼清虛扶藤上格虬形
轉種竹臨窗人影疎客語豪常驚落詩才老欲過
黃初基杯酒瑤琴牀外數卷縱橫引睡書

其四

老至慙余失壯心却從京國覓蕭岑除非病裏書纔
廢但到花前醉亦吟玉署有閒訪爰徧金吾不怕坐
更深傾壺莫話西南事羽檄時常過羽林

韓殊崖太史假歸畢姻

青門綠酒送歸頻獨爾韓侯意氣新折柳暫辭池上
客探花高門月伴人收應玉笋珊瑚網撤去金蓮牛

學源堂詩集

卷之六 七言律

辛

女津計抵桐城方六月芙蓉岡上唱絲綸

答吳岱觀

岱觀會爲
秦安令

何期君更訪燕臺松寺班荆笑語應百里不容龐統
醉七章無乃仲宣哀故人京洛晨星在詞客平津舊
雨來我結書巢堪退老素心可許共傾杯

紅碧桃

移來仙種似琅玕艷壓春光猩血攢結實可堪懸玉
斗排枝蚤已綴瓊盤朝霞映樹天分影絳雪飄英地
不寒何意昌黎閣裏名花直作美人看

張子大選館志喜

子大尊人上若壬
辰與余同館選

鳳雛翹羽鳳池濱家世登瀛歲在辰太乙夜逢名父
子延英畫接古君臣沙堤按轡三眠影玉水環牆六
館春獨有曲江風度好高吟白燕映前人

詠陳東海元戎

叱雷叱電湛羌秦騎繞龍沙露布真拜井耿恭心獨
烈抽刀來飲日猶曛天愁沙撓三更雪鬼哭風掀萬
馬塵莫向禪林傷往事皇家指日畫麒麟

其二

百戰雄聲賊膽寒撼軍真比撼山難蔡人原可吾人
視蜀計其如鬼計奸麟閣佇看龍虎像玉泉重視鵲
學源堂詩集卷之六 七言律 辛
鷄冠一門將相如元季報國西陲有范韓

其三

憤說羌人謠赤肩霜矛電掣掃黃池直看孱寇皆危
卵豈料降人有細兒綠草噴泉奇絕事黃沙撓雪異
常時雄心馬革伏波遂銅柱千年不朽垂

夏日同陳說巖詹事項眉山少詹馮胎仙庶子

雨後寄快園看蜀葵

官閒偶爲看花忙百可亭閒醉碧香雨後客衣無襪
藏尊前鳥語當笙簧園從快字宜休夏葵以蜀名尙
憶鄉時事佛云不可說書生經濟在林塘

題蔚州李翁傳後

山川葱鬱古弘州昔有高賢似太丘一部孝經身自
譜百年家訓筆能畱人於亂後思王烈里向塾中祠
薛收賴得慈孫述祖德關西大鳥在松楸

孫祀瞻學士六月歸省

正從玉几聽薰風望裏高山感狄公一表陳情金闕
下三時就道火雲中近舟雨色宮袍綠夾岬荷花殷
炬紅自是舞斑干氣象德星還聚太湖東

蘇次公少廷尉終養

誰是不遑將母人陳情獨爾乞閒身唾壺酒琖皆行
學源堂詩集卷之六 七言律 辛

李芒履荷裳是野臣久宦心情貧始見故園風味老
來親斑衣舞罷郎還舞樂事只今軼轍洵

吳長文歸白門

長文精堪
與丹青

七十三翁賦遠游幾年蕭槭帝城秋雙睛迤邐搜盤
背一管淋漓壓虎頭爲放白鷗增旅思欲看丹桂買
歸舟鍾山自有林深處莫遣桃花洞口流

立秋二日書百可亭壁

鳥歌花舞未全幽秋在人心易得秋微雨欲來涼北
牖夕陽無定下東樓翳翳結塞情何怯蟬螀成橋影
乍收獨有臥遊堪自遣倩誰畫壁滿滄洲

金長鎮守揚州

泠泠汝水芙蓉葉，重領邗州太守章。
望海金山先得姓，賦梅水部舊爲郎。
能車九月茱萸路，竹馬十城秔稻鄉。
到郡定臨蓉閣望，召伯堤是謝安塘。

送胡允大大叅守漢中

廿載重尋車笠盟，潏懷纔慰送君行。
驛驕引戀秦關遠，鸚鵡隨車蜀道平。
古壘尙存諸葛蹟，甘霖先到隗囂城。
脈泉一滴清如鏡，恰是雲峰夫子情。

客有和蘇長公金山寺迴文七律者，偶和其和

潮來海擁碧山傾，月落荒洲雪夜明。
橋口江鷗千點學，源堂詩集卷之六 七言律 隼

白塔心石佛一燈清，迢迢望水淮烟暗。
歷歷看帆湖色晴，遙指一林瓊觀古。
脩脩閣上覺身輕。

雨中過薛衛公給諫宅談往事

私泣海宇正昇平，況復秋霖入座清。
獨樂但聞冠蓋里，閒愁惟有洛陽生。
談深對燭流螢滿，感舊掀髯落葉輕。
經術淵源君共我，可憐白髮太縱橫。

題畫冊

空山蕭瑟響樵歌，有岸無舟石子河。
不惜芒屨踏小徑，欲尋栗里過荒坡。
峻嶒古壁皴紅蘚，詰屈寒松裊碧蘿。
獨坐日移看不厭，幾時來住此巖阿。

送顧見山出任陝西臬僉分巡洮岷道

雲間才子水曹郎，霽月征車去朔方。
憲與西臺分斧鉞，星從北斗見文章。
五原石峽秋烟紫，萬里金城水氣黃。
堪羨霓旌千騎擁，蕭關迢遞不遑涼。

其二

除豪氣盡餐塗霜，正欲從君臥石倉。
見說虎頭行紫塞，誰教龍首鎮青羌。
邊烽夜靜連榆谷，風雪天高度渭陽。
西隴無梅勞驛使，豈歌宛轉對離觴。

其三

匣中秋水正光茫，按部蘭皋氣自揚。
未是中朝疎賈誼，祇緣邊郡愛斯王。
標銅好傍莊浪堡，愁樹還尋蔽芾棠。
功比長城今古似，一官我已誤文章。

李源堂詩集卷之六 七言律 隼

其四

少年憶我到河湟，六月炎天愛鷓鴣。
吊古尋題賦不了，買愁命酒醉何妨。
英憐礪積千年雪，且喜人迎五色羊。
盛世酬勲知有待，佇看卿月照巖廊。

東穎上人

聽法從君三十年，相逢相對各悽然。
懸輪何處尋雙樹，叩筆終朝見八磚。
破衲尙無蜺斗累，貧官只有蠅頭緣。
蓮臺阿閣須人到，如許頭顱雪滿顛。

維揚劉峻度令曲陽治有聲境內奏瑞禾雙穗

之異

山縣無勞蒲作鞭調琴弄雀吏如僊君心洞酌恒河水民事深耕大陸烟綠雨車前看兩穗白雲村裏字雙健他年顧問卿三異依舊劉昆對偶然

曲陽雙穗

曲陽僊令漢劉寬終日懸蒲署宇與父老當階手有獻嘉禾蔽野穗無單傾筐丫丫青黃合解捆穰穰雨露溥君有佳祥民有慶漁陽岐麥可同觀

曲陽牛產雙犢

學源堂詩集 卷之六 七言律

雷

嘉禾紀瑞幾多時又報新聞是牧兒老特學生關造化野欄戲觥見雍熙雄雌可佩何須賣畝畝無荒不用疑黃霸內徵饒有兆恒山蚤晚風來儀

蠟兒入邑庠

平生宦況比鮑竿却爲兒曹羨鵬冠四海風聲多戰鼓一時鄉里尚文壇黃花白露開蠻序鴻雁秋風趁羽翰莫漫從人說萬里秀才天下任方難

步月 集字

皎鏡浮空桂魄涼詩翁酒社漫攜將莫須五馬驕殘夜但遣雙鳬趁古牆淺影微微疑雪濕孤音歷歷報

雞荒騷樓最惜聞鐘鼓且拂塵襟慰石梁

送白仲調進士歸金陵

驚看君去意昂然白羽紅烽路幾千家在三江龍虎地人歸八月雁鴻天休嗟知己無劉尹須信同心有呂虔升到金山應大嘯一聲吹斷海門烟

寄題李溉林觀靜樓

誰好樓居李謫仙滄桑溥岸歎沙田花開君子香三里竹隱高人醉七賢碧水蒼嵐皆超野海光岳色是齊烟此中觀靜原無事一卷一杯復一絃

秋暮宋子昭民部邀項肩山王子言學士趙鐵

學源堂詩集 卷之六 十言律

李

源太史謝方山舍人泛舟大通橋賦詩漫步

其韻

久擬凌波未放槎羨君招客潞河涯霜沉秋水明于鏡風展紅林爛若霞就岸添杯呼酒肆停橈舉網傲漁家懸知醉裏愁心在怕說城頭急暮笳

和王子言白髮詩

幾點霜華贈此翁鬢髮却不似飛蓬人情黑白分明甚爾意蒼茫長短同拚與細塵撲面黑借將綠酒土顏紅魏徵斌嬖陳平美千古英雄色是空

寫況答友人

時事真無一可愁聞聽消息雪盈頭神仙有宇不中
食衙舍無種豈怕偷虛與兒孫說聚果偶因詩賦見
羊求疎慵合並乾螢老却悔當年買劍縱

金臺夕照 集字

草閒荒阜自岑岑慨是昭王下士林落雁飛沙仍地
氣空山澗水見天心斜陽入樹青蒼變苦霧漫臺孤
兔侵霸蹟賢踪都可吊祇今人但說黃金

秋日同魏環溪侍郎富磐伯王子言陳說巖三

學士史子脩張孟敦趙鐵源李山公四太史

魏無偽太學集字賦得霜葉紅於二月花

學源堂詩集 卷之六 七言律

五

滿眼寒光潄却濃疎枝老葉錦衣封共愁青女欺花
日獨見黃山中酒容桃李秋華休紀異園林剪綵遂
無冬一般春色枝頭開不轉黃鸝響砌葦

蘆溝曉月 集字

濤翻星斗度桑乾促迫征人更漏殘野水沙明雞唱
蒼孤城煙澹月光寒馬行成壘高低影雁起蘆花遠
近灘繞過虹橋迤邐望五雲多處是長安

其二

古渡荒荒遠抱沙征人行處樹烟遮西山搖動雲浮
鏡北海熹微樹引霞楊柳風殘河兩畔虹橋雞唱市

千家不知車馬長安客幾度蘆溝見月斜

道目和尚折山中蠟梅見貽賦答之

知爾拈花笑幾時冷香遙贈兩三枝分將山色憑高
士剩有酸風護法師正色莫嫌峰嶺少寒芳猶喜雪
霜遲瑞瓶絕勝巡簷笑不作羅浮夢裏癡

剡門煙樹 集字

青霞碧靄鬱氤氲歷歷晴看古剡門萬里松杉連怪
石一天雲霧鎖荒屯盧龍盡處滄溟接白馬乾時黃
洛昏想見當年雄虎豹尙餘殘壘枕高原

西山霽雪 集字

學源堂詩集 卷之六 七言律

五

天將白練捲西山一夜東風放却還別透槎枒疑樹
禿削成竊窺覺雲頑金光幾點幾重寺翠靄一叢一
處灣爲惜舊遊驚復喜洗空題句碧峰閒

冬至日雪集同人看梅

生恐愁從此日添六花點澹覆重檐山光漠漠扶雲
迴野色蒼蒼逼樹嚴獨有盆梅寒自笑況多詞客醉
無嫌長吟滿酌真吾事莫爲經天太白占

趙潔菴侍御視饒兩浙

糴海猶勞解冠吳山越水跨驄鞍平原公子人如
壁烏府先生雪作肝五月霜風開鐵釜一天熱雨到

鹽官當年塵甌成諸處父老知能識范丹

侍御舊為淳安令

玉田江翠華祀鄉校

何處無人祀
馨宗馨香莫比翠華濃
燕山孤竹一鄉
善秦國甘棠百里封
歸去來兮門種柳
身將隱矣手盤松
行藏仕止真無愧
宜與前賢聽鼓鐘

讀林北海治河疏藁

淮南晉塾厘
宸心誰為乘橈拯陸沉
瓠子波中空
白壁滎陽堤上總
黃金河渠太史書
源委禹貢司空
辨古今畝有老臣識
此意忍將石盡祕山林

太倉周二為與
先大夫交久而善
子兒時常

學源堂詩集
卷之六
七言律
夫

從之遊四十年來音問疎絕恒厪於懷
廼者

其嗣子某來都相晤知二為已作古人
愴然

有感賦此貽之

髫年辟珥識人豪
隔代逢君羨鳳毛
家學難忘尉顧
譽故人重訂紀墓交
有懷往事頻傾筆
徒賦新知未
贈刀去矣何時還
入洛於今正愛鬱
輪袍

汴梁王烈女殉節詩

大梁風氣鬱沉沉
鐵石偏鍾烈女心
淚灑纈帷皆血
性魄歸鴛塚
豈孤禽堂前白髮
誰人慟地下
貞泉何處尋
志在殉夫渾不管芳名博得淚綸音

乙卯夏百可亭梁上產茵一莖狀類荷大如甌

長三寸許白莖黃蕊雲紋紫緞香隱隱襲人

衣久之質堅若木丙辰夏再產一莖丁巳夏

連產二莖客有見者曰芝也是為瑞余不謂

然夫芝瑞草也先人取之以字余而謂是是

乎客曰抱朴子云芝有石木草肉水菌百許

種木芝者生千歲松上狀似蓮葉名曰木威

非是而何余終不謂然賦詩紀之

築亭合受一林香神菌何期產畫梁宛宛玉荷分紫

纈戎戎雲蓋點黃霜襲馨自比交君子獻瑞還宜報

學源堂詩集
卷之六
七言律
夫

聖王漫說芝田西海在三年三觀木威芳

送冀公冶大司空兼寄申臬盟昆季

元臣去國下崇班
酒滿青門照客顏
三十年來天北

斗一千里外地東
山河渠書卷充行
李蘭玉兒郎共

聞關我老送君翻
自愧草堂何日舞
萊斑

其二

紅塵客滿御河東
快矣君披南面風
潭柘山看雲影

外桑乾水渡月明
中老臣豈忍希疏
傅聖主還須召

謝公二陸何如憑
問訊為言詩果到
窮工

市閣凌霄

須彌身現說經筵閣建前朝戰伐年舉手便捫七寶
闕到頭只讓九重天樹開色動鵲泉轉海上青浮日
觀懸真是登臨低萬象西來山色盡蒼然

奎樓應宿

城頭傑構勢崑崙奎壁遙連百雉雄縹緲任教雲在
下岩巖不許雁橫空水光南遶皆雞距山色西來是
葛公風景莫言非勝絕譙樓指點翠烟中

葛公山名

橫翠朝暉

勝蹟孤懸古泰州樓名橫翠意非浮晴連海日樓添
翠雨逼朝烟翠擁樓郡國銅壺還滴滴將軍絲管已
學源堂詩集卷之六七言律

宇

悠悠香風在苒來何處知是蓮花池上頭

蓮漪夏艷

炎天何處靜無埃偶到臨漪亭上來君子花香水鳥
過聖人酒泛畫船開因逢柳陰頻披拂爲折蓮房幾
溯洄安得樓臺夾兩岬蓬瀛真不羨東萊

郎山聳秀

西山積雪鬱沈沈翠壁峻嶒易水陽翠日松此
巖割雲石劒挺青鋌丈人宛在西屏立五老居然北
嶽長千古呼郎真不媿須彌空說大身王

雞水環清

汎泉瀉起玉川城萬斛明珠細細傾近水人家簪白
小傍河田幽種青精鯢鮪游泳澄堪數舴艋逍遙夜
可行聞說河清侯有兆居人何不請畏纓

東臯春雨

三月春郊雨濯花東門有水漚菅麻織織鶯綴黃金
柳的的茵生白玉沙望去不知天蟬蛸行來惟見地
雲霞落紅滿徑誰收拾吹入前村賣酒家

西剎秋濤

雨積秋原河伯驕拍天滾滾不容橋龍叅佛座波爭
立水奪僧門徑轉遙魚上岫來蛙鼓逐鵝投村去酒
學源堂詩集卷之六七言律

望

帘招保陽景物看如許暢是松關聽野潮

贈嘯堂和尚

順治己亥住持禁內

眼光穿破蜃樓臺老向深林養聖胎筆爲註經封碧
塚葉因臨帖掃紅堆軸簾自分無塵入而僅何知有
客來幾欲著衣還太息安陀會是尙方裁

趙繼退大參分守河北

王屋蒼生迷百泉使君特節去旬宣賈生當日原年
少汲黯於今許召還一道清風洪水曲三分古蹟鄴
臺邊紅烽白羽民勞止往矣寒帷問滏川

其二

不獸蒼生望謝安倚樓名久歷詞壇人如白壁非常
品地到黃河況大觀聚郡平沙白的礫竹園秋雨綠
琅玕詩成珠玉奚囊滿千里燕臺屬和難

王北山給諫擢京卿乞假歸在平

瑣掖新還是冷卿偶懷尊菜出燕京篋中但有遊山
句馬上猶餘諫獵情秋水黃花隨地艷高天白露向
人清知君抵里饒佳興定遣雙鳬訪岱瀛

雲社諸子應京兆試

正感羣英廢蓼莪賓興無那動離歌秋空鵬鶚摩天
起雨霽魚龍橫海過月闕生花皆桂子燕臺下酒有

學源堂詩集卷之六 七言律 聖

蘋婆鬱輪袍曲憑人唱夢就搏羊奈爾何

廣陵潘楚吟來游京師僦居僻地築屋如舫顏

曰停帆客競賦之積久成帙不揣續貂其同

諸虎

俊人栖止到來幽書屋居然米芾舟明月疑懸楊柳
嘶曉風似動蓼花洲烟塵匝地虛難泛波浪兼天穩
不流我欲停帆還倚徙乾坤何處不悲秋

秋初王濂夫明府過二瞻廬

郊坰地僻草廬寒仙令何期訪素冠冉冉雙鳬過雉
堞盈盈一水照旌干棘人不忍談風雅才子猶能策

治安最是夕陽催客去蘆花深處小兒看

毛翁移花六本於廬前

頻年老嘆霧中花況復樂樂未有涯雲度孤村幽
況蟬吟高樹野人家蓼莪廢後空秋水金粟移來正
月華莫道上林看不厭上林春色隔幾沙

題劉孝子墓

古攏孤垂瀉水邊白沙紅樹挂愁烟但知遺恨惟風
木那解傷心有斷絃百行已完君一事千秋不朽此
三年人來覽碣還興歎伯道無兒劇可憐

中秋潘楚吟孫衛公顧余於廬中同藤仙弟坐

學源堂詩集卷之六 七言律 四三

月

月是故鄉秋復清感懷霜露欲合情客來蘿薜青霞
繞酒對蟾蜍白髮明談往總傷今日事憐才翻憶故
人名地偏佳節無歌吹愛有蕭蕭樹裏聲

二瞻廬除夕感懷

尋常此夕動悲歌怪是燕人習氣多埋首素冠寧有
恨驚心黃鳥豈無叱數聞遠客來鷄絮忍見門生廢
蓼莪不擊唾壺甘老櫪年來作際意如何

其二

一寸赫蹏惜若金馬痕掃斷鍵深深任棠置水真多

事原憲歌商自好音野婦何心甘猛虎村童甚日見
馴禽從教優孟傷情後誰肯石頭載鬱林

其三

頌椒傳柏闢春城野外憂人萬慮清刻燭吟安剛七
字漏籌坐聽已三更僧來辭歲難話僮爲思家睡
不成防盜里人還擊柝通宵爆竹想昇平

其四

行藏出處竟誰如深悔童年誤讀書只有中庸能召
福更無論語可充閭典衣卒歲貧成例沽酒祠詩老
自譽屈指年華堪慰藉一門百口儼同居

學源堂詩集

卷之六 七言律

四

渡江

渾茫一氣轉驚濤人過中流態自安一點金山猶崑
崑風雨灣銀海任波瀾江迴洲渚開龍氣岸擁鏡鉉駐
虎官莫信天教限南北千尋鐵鎖不曾關

鎮江

城勢逶迤象斗杓南徐形勝峙金焦長河直灌春中
浦巨艦平過丁卯橋組練日騰龍虎氣雲霞夜逐海
江湖神仙逸鶴知何處剩有華陽字未消

北固山

峰巒崔嵬枕江干夕日霞蒸樹色團吳楚乾坤雲外

盡淮揚煙水望中寒蕭梁到此猶瞻顧道衍何人敢
倦看千古英雄餘戰壘梵林鐘鼓漸敲殘

金山寺

屹立波心儼石椁浮圖天半梵王家水飛鐵甕龍參
座雲接金陵女散花吞海寺亭有亭藏貝葉橫江無
鎖泛袈裟松關直與盤渦對不著豪情不放槎

泊京口

百里揚舲過潤州停帆恰對大江流金山寺近聞鐘
鼓鐵甕城高應斗牛地到海門雲自密水來天擊浪
全收三更坐聽濤聲急荻落風吹一片秋

學源堂詩集

卷之六 七言律

五

三义口登天中塔

攬結江山樓觀多登臨不似此嵯峨穿雲縹緲天中
影分水游潏人字河一疋練明揚子渡數叢煙動楚
山螺帆檣來往無昏曉誰暇停舟禮塔婆

重登大觀樓次壁間韻

叠岸危樓背漢開南徐北固見雲還九州地勢收平
楚萬里江流入斷山滿眼蕭蕭今甓社憑闌漠漠古
昭關竭來沮洳成萎草無限愁心懶更攀

射江干

江草江花霜後枯西風獵獵試離孤弦鳴水泊沉澁

甲羽沒沙田起雁奴命中敢言臣好武挽強誰道汝
爲儒上林賦就相如老且對金山傾一壺

中秋飲周子苓二丘堂

蓮岸盤與十里遙爲看秋月過三橋半塘水淺芙蓉
瘦蕭寺雲涼石竺嬌門對清流高士宅酒傾紅樹美
人蕉胥江旱後深纔尺莫怪遊人日寂寥

雨中過無錫望惠山

鐵鐵冷雨布帆輕翠岸蘋洲畫裏行霧隱半山惟嶺
直雲連孤嶼與江平十分秋色紅林寺一帶湖光綠
水城舟度梁谿遊興阻毘陵渺渺暮烟橫

學源堂詩集

卷之六 七言律

吳

贈程穆倚山人

甘載懷君老至逢薔薇不狂爲南豐縱談身世悲桑
海屈指知交歎雪鴻酒國有人堪獨往硯田無種與
時窮十旌早晚徵耆舊莫掩卽江半畝宮

贈查二瞻

豪情君惟慕田文花月揚州對客醺漢季文章鍾太
傅晉時翰墨右將軍仰眠陶徑無凡鳥鶴放林家見
懶雲載酒問奇屨常滿甕湖應不羨鴛羣

真州舟中別雪海話至夜分

如鳬小艇恰容燈慙說仙舟共李膺經濟有懷君不

見文章無用我何能夜深促膝星移樹潮長分襟水
沒菱千載相期憑底事名山莫遣盡藏僧

輓魏善伯

曾爲范忠貞公幕客

峨眉枯後翠微榮聲問瑤房滿四瀛君舌尙存原可
用彼庭難哭亦無成荆竿市儈非南越沸鼎才人竟
酈生泉路若還逢范叔遼東華表好同行

范謂忠貞公也

虎丘遇師左珣儀部得附家書

海湧峰高雁影低嚴舟峰下歎栖栖乍聞鄉語曾如
杵快覩情親耳欲提客況蕭疎霜後葉家音迢遞枕
中雞浪遊莫笑余垂蒙水色山光已滿攜

學源堂詩集

卷之六 七言律

吳

寄輓李與偕孝廉

博學精醫丙辰別時曾以親來葬於下向虛爲憂

抑塞磊落之奇才不老胡然赴夜臺易殺人應思董
奉請車誰弗惜顏回山中龍虎知難卜夢裏熊羆恐
未來哭爰頻年雙眼暗廣陵散絕更堪哀

詠南天燭

俗訛稱天竹井

絳雪纍纍凍不枯攢瓊簇錦儼朱稿朝霞影散千叢
紫返照煙凝萬粒珠翠樹分明巢鷺鷥竹林誰更闢
珊瑚紅衫絳絲臨風舞錯認春花百子圖

其二

錦樹離離火齊珠猜花疑實眼模糊料非青女催紅

葉莫是蒼松下赤烏雪裏石榴訝冷艷霜前盧橘遜
純朱多應夜譙金張醉亂脫冠纓掛木奴

平望舟中望湖村

天低樹迥凍雲鋪水共人家競一湖驚鴨戲波白聚
散松篁遶屋綠參殊全憑氣轉陰晴變不是煙連島
嶼孤何事邨頭都繫艇石梁有吏正催租

嘉禾道中

東吳名郡說嘉禾沃壤平疇掌上過不羨綠奴垂玉
顆惟勤紅女弄金梭舟無港折真長水湖有霞騰信
異螺怪底文章傳顧陸紫雲山上筆峰多

長水異螺見嘉興志

學源堂詩集

卷之六 七言律

聖

杭州

形勝東南霸國圖十分秀麗占西湖錢塘自可關
粵橋李何能抗楚吳潮起腥風來海嶼帆開冷月去
平蕪總饒山水文章樣只許當年小宋都

上天竺寺

巍哉臺殿倚空青古木陰森燭散星燕邸梅檀馱馬
去宋時霖雨呪龍靈異香一路菩提樹寶氣千年含
利瓶石上天花猶有跡遠公曾此坐談經

三四本湖志

飛來峰

珞駁峻嶒幽怪姿飛來應愛冷泉漸玲瓏洞壑愁將

摩伽窠松篁老不垂千尺凍蛟雲過角一羣狂象雪
皴肌似參佛座森森立莫敢奔騰過海湄

冷泉亭

霜天雪月冷泉亭樹不蕭條水不腥一部笙琴石澗
秦半池星宿碧雲停歲供古刹優曇鉢日洗奇峯虎
豹形此水此山真勝絕好將補入道元經

登寶樹山絕頂

高謁浮圖殿破雲快登法界望朝隴越江三折青爲
嶂吳嶺千章紫作氛烟裏鳬原人汎汎樹間蝶是鳥
紛紛武林勝槩峯頭盡圖畫慚非宗少文

學源堂詩集

卷之六 七言律

聖

書淨慈寺壁

西冷西去背南屏淨寺巉峨雪後青三百比丘清戒
律半千羅漢古儀型鶴巢松頂馴鐘鼓塔射湖灣鎮
怪精劫火前年聞更烈須誰醉後吐金星

六八本湖志

書昭慶寺殿壁

湖頭名利歷千年第一莊嚴兜率天投及我來星落
落將無佛去草芊芊綠沉臥雨樓鐘鼓黃葉翻風寺
井泉賴底雲光猶未寂南屏樹色送青烟

湖上喜遇查正望都諫

駕言江國獨驚羈湖上逢君慰寂寥題句杏園餘數

輩論心蕭寺快今朝飛光只解催雙鬢止水猶能利
六橋如此情懷那不醉黃柑三百一壺消

登吳山大觀臺

羣山鼓舞赴錢塘第一峯高吳越疆臺出樹間絕島
雀人來雲表振衣裳石巖浸水湖光碧夜岸連沙江
氣黃城市西南揮汗雨富春東去曉蒼蒼

查王望都諫招同孫岷瞻學士飲湖船談至夜

分步歸寺寓

山頭雪散水流烟素侶銜杯此放船談到解頤方覺
快飲留殘藩不爲仙陳湖得客開生面明月竄人長

學源堂詩集卷之六 七言律 辛

半邊捫虱自漸狂已甚佐君謀草與經筵

題錢塘梁承篤明府柳村漁樂圖

森森水際柳成村驪網漁郎艇繫門一幅青帘衝燕
子幾船白水煮河豚溪邊展席兒同臥林下傳杯醉
有言如此畫圖真樂國勞人那不憶家園

天寧寺觀塔燈

穿雲古塔迴峻嶒碧漢千枝夜散燈照徹諸天星宿
爛光流法界鬼神興苦提影動疑花放鴈雁聲高見
月升萬象銷沉鐘磬寂木魚隱隱響孤猿

對影口占

落落孤踪誰可羣閒庭顧影對朝暉自知狂直一生
二敢道英雄我與君綠線何勞繡公子丹青不用畫
將軍陶潛贈蒼空猶色安得沉香就爾熏

賦得日日典春衣

自慚官未拜龍圖安得金貂當酒壚檢筒尚存曾點
服賃錢頻付邵家奴連朝忍用絲爲累何日能將銅
點缺禱祀今年七夕雨不然南阮一禪無

萬柳園

蒼煙鬱鬱曳西風萬柳名園景物叢雨氣欲沉秋水
碧蟬聲不斷夕陽紅客來金谷園珠履酒散瑤池策

學源堂詩集卷之六 七言律 壬

玉聽潤色太平真相業風流莫更說康公

秋快

一葉桐飄暑不侵秋來萬事快人心天高日泰霓裳
曲雲淨時吹畫角音車馬人才喧紫陌桂珠民用賤
黃金漫言十載勤供億蚤晚燮燮烟次第沉

其二

田多螟螣尙年豐不用韓文更送窮羨賦官廉肯什
一省刑民訟到三公綠林客老崔苻靜白面郎饒閑
聞通四海只今誰最樂彈冠起舞素封翁

中秋

疎狂不解賦悲秋喜是秋分杜魄流匝地繁花落玉
露千霄喬木影瓊樓一杯對客河懸口萬事輸人雪
滿頭安頓此身何處好綸竿只合釣滄洲

其二

秋風歷歷動庭莎爲遣愁心一放歌
蟾蜍香皆桂子燕京下酒有蘋婆臣飢欲死東方朔我老猶能馬
伏波坐久無須頻問夜長吟直待落銀河

甲午卜居宜武坊西斜街者歷五年甲辰再至

項復三至屈指三十年矣感賦

鳳城西陌舞華閭有客頻來賦卜居非愛近天依杜

學源堂詩集卷之六 七言律 聖

曲自憐無地起蝸虛碧雲山色高窗盡玉水河聲小
院虛日日衙回門靜掩黃花紅葉滿庭除

蒔菊

空庭只有雀聲喧賴得黃花種滿盆金色照人看不
厭碧雲覆地望如翻家園此日開三徑旅舍何時倒
一尊今古遙憐陶靖節無錢對菊打銷魂

賦得無錢對菊花

看花豈忍負三秋買酒無錢菊亦愁北海尊空寒露
滿東籬人靜晚香浮官貧久已羞囊底客老都難解
杖頭只有金貂還可賁陶潛其奈未封侯

辛酉九日登慈仁寺毘盧閣

重陽無酒負黃花佛閣登臨眺望餘雲霧不時來古
苑金銀有氣落誰家蘆溝草白千聲雁潭杯霜紅九
月霞萬事蕭條吾遂老懶將身世問恒沙

張子來菴舉京兆志喜書以賀之

來菴居同巷

不知老至好論文四座同心愛有君郢曲宮商原白
雪秋風鵬鶚上青雲鹿茸滿飲情新暢雁塔高題事
更殷一巷兩門欣近在篝燈好共檢香芸

雪後坐庭軒

雪積庭除不覺寒晴軒徙倚老懷寬太平有詔蠲新

學源堂詩集卷之六 七言律 聖

聖

賦極樂無絲笑冷官嶺上蠟梅誰折贈簷頭瓦雀自
盤桓文章數卷閒遮眼一任長沙策治安

孫赤堽以修城樓工從謫所放還用陳心簡韻

破帽疲驢過錦州風霜絕徼飽經由蘇卿不老黃龍
塞韓垣真修五鳳樓海雁孤飛憐楚澤江天一望見
吳舟還家倘憶鵲鳴賦春草池塘夢裏愁

和陳心簡送孫赤堽自謫所西歸

遷客今纔返洛州肩山兄弟剝蘇山吳江近望三千
里燕市重看計三樓雪色夢離沙塞路春風人土木
蘭舟文章畢竟逢知已漫爲淒涼賦莫愁

三叠由字和高鏡庭稼部

長吟入塞古遼州回首龍沙盡所由窮海雀歸猶有
柱殘星入倚更無樓東來紫氣驚關吏南望滄波駕
葉舟屈指到家殘卷在繡帷寂寂亦堪愁赤崖

吳漢槎赦歸和高鏡庭韻

水天不比玉門關黑水白山旣脫閒遙聽金雞應墮
泪乍辭鐵馬定開顏一家羈旅瞻雲入萬里孤臣伴
雁還彩筆頌恩應有作詞源三峽倒潺湲

聞滇捷滇水北流

露布遙騰萬里喧玉師今始破羊藩點蒼花石銘堪

學源堂詩集卷之六 七言律

書

勒諸葛銅標字可翻馬踏滇池無逆水旗塞龍尾是
荒原三難 廣算應揅勝猶恐吳平慮轉煩

送金豹文塔

玉潤英英二十年外家攜贈祇詩篇今來容貌癯孤
雀歸去行裝冷一瓊使米如珠非可餽解衣無絮亦
難穿 熙時宦況應如此莫笑水清枉木天

送汪鍾如吏部假歸爲太夫稱觴

藤花署裏草陳情感動 天顏 詔汝行天部威儀
赫玉尺旧邊祖帳勸瑤觥得來桃實南陔獻歸去雲
滿護背賡壽母仙郎榮寵極西王青鳥定傳聲

題張崔洲小像崔洲蜀人官行人歷後流寓武清

畫圖省識儼仙郎衣佩疑含粉署香萬里峨嵋天際
月十年碣石海門霜頓來栗里貪看菊不讀騷經愛
引觴漫說少陵身作客帝鄉誰道是他鄉

除夕寫懷

通籍瀛洲三十年伐檀魏諷古人篇數名子美頻看
鏡書畫元章未放船滿目水花金馬署一身雪氣蠟
梅天不才如我何曾棄歲到春秋給俸錢

其二

少時擬奏治安書老際昇平惠轉疎六府孔脩堪嘯
學源堂詩集卷之六 七言律

書

諾萬方多助已贏餘人才凋歎金生水世法教林木
得魚幾欲買山尋鄭谷山中猛虎橫柴車

其三

歸與難賦且栖遲豈比鶴鶴借一枝有道賤貧原足
耻無才賴仰亦堪嗤翩翩裘馬皆生客衮衮台衡半
故知季孟之閒吾自待唾壺歌罷不勝悲

其四

行藏對影自譏評婚嫁何常誤向平船上竹竿妻自
誚腹蟠松樹夢誰驚匣中秋水當年意野裏霜華此
日情千古癡人惟狗監後來誰肯重虛聲

其五

嗟余求友不求聲屈猶如蘭歎死生卽謂孔德逢范
式誰教希烈殺真卿褒忠久下鑒坡詔討賊新傳柏
府名河岳日星吾友在久要豈忍負難盟

其六

潦倒從來任此官冰心一片不知寒那堪世眼窺天
小遂使人歌行路難徧地樓臺差冠準滿林雨雪傲
袁安會看蜂蝶春風舞莫遣梅花臘月殘

張敦復學士假歸皖城還葬

承恩畫錦亞卿歸繡幕天香驛路辭豈憶尊簋鄉味

學源堂詩集

卷之六

七言律

寒

美只愁龍虎地形連鶯花滿目帆千里雨露連江水
一圍自是君心懸魏闕風毛喜可佐垂衣

壬戌清明

節序如流老不禁鶯啼花發倍關心長安景物桃被
錦大塊文章柳帶金雲裏秋千公子蹴雨前蘭尾五
侯樹蕭條似我憑何遣唯有韓翃句可吟

六十初度

閱盡天干與地支蒼蒼蒲柳欲零將無才七尺空如
許有志千秋僅在茲蜃氣樓臺雙眼暗鏡花人物寸
心癡行藏用舍思過半且把豪情付酒卮

挽李野臣侍御

登朝少壯聚長安丰采稜稜羨冠會幾何時南北
隔那禁此日死生歎龍門世自思元禮柏府人猶慟
史丹一束生芻千古事岱雲東望汨沈瀾

韓燕翼分憲天津

折柳青門了不愁天津水北是神州魚龍千尺直沽
口日月雙丸望海樓地界燕齊連碣石憲爲文武類
韓侯舊時朋輩馮唐老賦得停雲佇晚秋

夏日偶作

誰道金門是貴游蕭然郎舍似深秋風城渺隔紅雲
學源堂詩集

卷之六

七言律

寒

遠鶴巡常開綠草剩只有書聲兒女恥更無酒茗主
賓酬小年長日嗟何事磨洗奈銅照白頭

除夕

官梅香發柏觴傳閱盡千支老白憐善狀數莖新白
髮甘心一片舊青瑣鳴霜到處催殘臘爆竹誰家費
浪錢莫學洛陽籌十策祇今死是太平年

癸亥正月初二日試筆

愧無綾刺可投人剩柏殘椒自在身劈紙鴟童封舊
稟濡毫題句趁清晨閒庭日靜風聲雪小屋香綈花
探春莫說冷官乏好況長年蕭散此初旬

穀日立春

經冬無雪劇愁人下歲欣當穀日春身老最宜逢律

煖年豐纔不碍官貧柳絲一點青初變黃莢八開綠

正新此日王維曾奏曲非才豈敢效西顰王維立春詩

袍曲於岐王

正月十六日喜雪

同雲欣觀上天浮不惜殘燧照雪毵田父厝應占歲

稔仙人覺豈爲寒愁瑤華色映朱樓艷梅蕊春從碧

海偷莫學袁安惟冷臥傾杯喜與六花酬

龍在淵令諸暨在淵後傳

學源堂詩集卷之六 七言律 五

何甘虛負宰官身特爲蒼生再結綸綸越山川千里

秀芋蘿兵燹萬家貧種花蚤種菩提樹馴雛先馴橫

游鱗車到縣中十日雨使君端的是龍人

雪鴻堂作

日晴庭敞露溽溽掃斷蹄痕是冷官青草入簾秋未

老黃花滿砌日初寒豹斑自向雲中變鴻爪須從雪

後看便落三鱗人不信朱門振古笑彈冠

歲暮偶作

閱盡今年憶去年依然我與我周旋移居近市門逾

靜束帶起朝座欲偏掃蹄痕憐李賀揮殘墨燐笑

張顛休嗟宦況如僧臘白髮青衫老木天

除夕和徐立齋總憲韻

東華廿載受紅塵似醉疑醒笑此身元會喜逢新甲

子微官羞說舊壬辰月偏小建寒催令燭到殘冬懶

對人柏酒椒盤都不問勞箋處處貼宜春

元旦和徐立齋韻

朝回靜假念吾生三十餘年誤飲名命裏文昌憐久

暗眼前春色愛初晴老妻獻節魚酒稚子分甘人

麥餽賀歲漫勞車馬駐三冬積雪與門平

泰中與安鎮總戎程君婦毋康太夫人甲申催

學源堂詩集卷之六 七言律 五

寇變投崖死程君行賊中訪毋屍至與安遇

總戎任君哀其志移師破賊日日子非凡人

貌它目亦當建旗鼓於此程君夜隨燐火尋

得毋屍出積石中面色如生旋賊賊渠首歸

而祭其毋後果爲與安總戎一烈一孝一奇

相術誠三絕云

繡閣驚說動妖氛慷慨投崖烈節芬炁火天猶憐孝

子虎頭人自識將軍身名不朽香青史手澤嘗存哭

白雲此日九原應一笑龍章鵲印正酬勲

送崔夏章少詹罷歸長垣即奇太翁成一同年

青宮少尹出春明十丈紅塵此日清不信文園真病渴爭如令伯省陳情蕭蕭送客桃花水督亢催入柳浪驚抵里過庭應有問爲言北郭二毛生

寄崔成一封君

新安人曾爲白水令後家長垣

羨君五柳遠風塵我欲從之共結隣鄴下淇原通衛水洛陽程邵總燕人著書幾擔休藏井醴黍千器好醉春見說天倫成樂事德星夜夜聚河濱

挽李坦園相國

太微何夕黯三台天柱蒼然此日摧兩代綸扉名父子千秋汗簡大人才薨龍贊帝方明弼箕尾乘星忽

學源堂詩集卷之六 七言律 李

去來誰不爲君雙袖濕高陽同里更銜哀

其二

視草鑿坡不見公計傳九陌淚成叢幾班玉節朱纓絕傾國金魚白馬同泣鳳悲麟人有恨停歌罷杳世無窮蔡邕下筆真非愧況復丁寧在未終 相國彌留時曾以行狀相屬

其三

官拜台衡尙典型年過花甲未頽齡龍蛇歲臘嗟非大松柏姿寒怪亦零人鑑難留明主悼川舟有濟太常銘玉皇香案知高在認取薇垣第幾星

其四

桂籍蘭交四十年紅塵紫氣倏然猶疑顏色屋梁月誰復歌彈山水絃簾仲湧沲鮑叔枉林宗寂寞洛陽船三公有劔無須掛只許門生誅共傳

其五

慟餘步履到平泉看竹無人意慘然木石今來猶綠野衣冠何處得青蓮池花泣雨雙蓮蕊林鳥啼風幾杜鵑華屋山丘吟罷返羊曇當日足經年

其六

呼君不起枉招魂握手三珠聲淚吞綽有父風雖可學源堂詩集卷之六 七言律 奎

念難忘友誼更何言滄浪逝矣哀王粲梁棟折今慟謝觀他日宸遊虛相里定書碑記付兒孫

其七

懷想芝眉總不真仰瞻遺像劇沾巾緇裳璀璨疑垂轍赤舄逍遙遂絕塵揖手如逢雲外客對圖猶憶座中春凌烟下淚何年事老友唏噓正愴神 相國小像嚴然如生

其八

忠愛纏綿遺表文金縢從此日含芬有思有漸懷名論誰倚誰昆動聖君仁義之言須後驗治安有策豈重聞西園禮罷行應撤粹德清忠念舊勲 朴德清忠司馬

溫公
神額

其九

哭君桑梓慨同聲
我洗瀾別有情
戴笠難忘盟綺
歲濡毫豈忍寫銘旌
泰山頽矣哀吾道
北海悽然痛老成
此淚何常輕一灑
畢門華表為誰傾
歿前一日承天門忽折

許生洲督學秦中

詞賦凌雲動漢宮
承恩彩筆點秦風
華山作架蓮花小
焦獲為池瀾水通
三輔人才多彥聖
五陵豪俠半英雄
只今文武車前拜
當代龍門是許公

學源堂詩集

卷之六 七言律

李

挽施愚山侍讀

逝矣先生大雅捐
鴻才駿業憶當年
詩名柱笏白雲
署文教持衡滄海邊
十載雲雷陶亮澤
一朝天與董狐權
斗閒星暗關吾道
不是同人亦泫然

其二

誰道天成白玉樓
訛傳地下有文脩
莫因彩筆干霄漢
遂使青萍沒斗牛
君自千年留簡冊
人從一代惜風流
大招楚些重難賦
崔馭只今到十洲

送霸昌道許孝超臬僉

綸章新領石扶風
開道驂驅紫塞雄
家有賜書曾錫

鉞幕多奇士
豈離蠡北門
鎖鑰推平仲
三輔蕃宣符長公
下里甘棠如可芟
願君來往駐花驄

送湯潛菴學士出撫江南

雙持斧鉞照秋晴
不比尋常仕客行
謝傅再來三府重
淮陰初拜一軍驚
東南物力愁箕斗
吳楚民風待甲庚
建節姑蘇佳麗地
江山奇險費題評

其二

寵命親承下玉墀
奪君豈止鳳皇池
獲麟尚缺春秋筆
補袞難忘山甫詩
水飲一杯江有岍
桐標百尺樹無枝
長安書記莫頻寄
不是征南杜預時
潛菴修史未告成遂

學源堂詩集

卷之六 七言律

奎

命
新

其三

老我西園已自甘
送君南國轉多慙
文章憎命兒童語
富貴逼人市井談
秋水江湖失駭浪
霜華吳越見晴嵐
相期別有千年在
握手離筵意欲酣

寄挽王涓濱參戎

武庫星芒雪夜昏
大招賦挽楚江魂
勲名虎踞將軍樹
閭閻雲高君子村
遺得六韜傳部曲
收來萬卷付兒孫
遼東崔化揚州崔
十丈麒麟臥海門

送譚公子南歸

聞君隨意過天津莫爲重遊感歎顏朋輩晨星還細
問文章杯酒聚虛論桃花水漲尋歸櫂杜宇聲喧別
故人計抵山中應發笑長安誰復憶離事

宋牧仲外擢通永道

十載含香賦帝京中朝誰不識才名簡書特下白雲
驛旁續分巡潞水城鳳閣梅花原手澤漁陽棠樹更
家聲尊翁曾開府漁陽莫將馮翊南陽比佇祝奉帷一道清

題趙玉峰銀臺園亭

授履塵高十丈紅到老亭樹老懷冲滄洲滿壁如真
境茅竹當窗汎曉風萬里家山雙鶴外一規卿月五

學源堂詩集 卷之六 七言律 寄

雲中辟疆只許王猷看滿筆題時花徑通

十月朔雨時 上東巡

冬朔幽燕雨不常風翻落葉響淋浪老苔石壁增寒
色殘菊柴籬散晚香到地絲絲白似霰著林浙浙冷
於霜 翠華屆處天霽既定是晴和應小陽

送范自牧赴遼陽州任

翩翩五馬牧辰韓父節 君恩此一官龍虎 帝鄉
行處望粉榆佳氣座中看海天橋關快乘影塞國風
雲華表寧飲水一杯應自矢元勳來地在河干

陳說幾少宗伯將移居以詩索醵泉酒次韻佩

之

爲愛家園泉水清秋來釀黍似銀傾才非李白杯空
把客得陳遵座始驚雅欲問奇移上若稔知論道作
承明聞君與對梅花發莫却白衣送酒情

十二月喜雪

頻年不祝六花飛此日欣看萬木肥白接雲峰從地
起光連海嶼與天圍庭無玉馬深三尺野有瑞華散
百扉似絮如梅莫漫咏乾坤一望總清輝

除日陳說幾總憲見貽黃柑羅酒且以詩索醵

泉家釀次韻答之

學源堂詩集 卷之六 七言律 奎

薄薄沾唇自懶酤黃公感歎舊時墟殿頭白獸明朝
龍堂上青尊此夕娛恩得雙柑供野榼分將五斗注
冰壺爲酬佳句吟難穩拈斷如銀幾寸鬚

除夕過李文勤公邸第

平時擾擾獻辛盤今夕飄飄總幃寒駟馬不來霜跡
少龍門猶在雪痕乾誰能沉默如王且安得糊塗似
呂端莫歎西州人雨泣庭槐鳥語亦含酸

除夕

除夜吟成歲歲殊祇今過眼更堪吁命宮武獸飛天
馬仕路人憐如意珠梅發南枝春獸蚤應是北塞月

偏孤拙毫授簡鄒枚事莫便悠悠老壯夫

正月九日賦得十分春色一分過

十分春色一分過天上飛光奈若何白髮不饒人未
貴青雲已讓路偏多金銀氣壓長安道梅柳香爭上
苑柯赴壑如蛇真可惜漫聽黃鳥唱時歌

田子崙少參督糧湖廣

曾懸玉尺大江東彩筆分題六代宮當寧知君健遠
畧參藩畚爾振雄風江城鼓士迎陶侃漢水軍儲伏
呂蒙黃雀樓中應有賦起予莫惜寄飛鴻

送邵戒三學士假歸武林

學源堂詩集卷之六 七言律 李

乍辭香案不從容言念佳城兆未封丹陛陳情披臘
雪黃門待詔聽晨鐘謝公人望還山重賀監詩懷
釣水濃去去莫矜初服遂西湖那許臥夔龍

其二

潞河水暖綠如鋪楊柳依依拂畫樓裏數編皆正
史牀頭一卷是歸圖家山漫買藏春塢仕路誰添如
意珠聞道玉津歌舞地當年曾此駐金吾

其三

石渠廿載共編摩才少慚予君患多十六願厨宗李
固半千羅漢首須陀詩壇何必偷春好宦海難都破

浪過用我用卿終是法不如歸去鳥曾歌

其四

瀕行投我綠琅玕不學歸田賦帶酸蓬海仙人原有
錄華陽宰相豈無冠帆開揚子曾纔濶雲起吳山眼
自寬酌酒送君還與約銀青詔到便攀鞍

嚴藕漁宮贊假歸無錫

瀟灑抽簪出鳳樓春風人上木蘭舟一編青史垂行
橐十載紅塵浣素裘去日鶯花憐滿日到時江岫漫
回頭長安老友無多在幾放白鷗向滯留

其三

學源堂詩集卷之六 七言律 李

尋常折柳贈歸人不似於君徒倚頻杯酒論文誰與
細圖書卷拙我徒真一軋清夢梁谿水五月香羹中
浦蓴生受此行堪如繁削戡定請遣蒲輪

答介菴宗弟

消息泱泱十五年喜憑阿季得瑤陵杜陵亂後頭應
白王粲歸來賦可傳萬里鐵橋驚險渡一庭玉樹嘆
奇緣愁心驅遣無它計熟讀南華秋水篇

雪鴻堂京邸之客舍也乙丑有修燕學梁上落

頭恐汚人衣欲驅而去之余不許喜其輾語
商量勝離離子刺刺不休也五月抱雛成白

如雪致足賞玩詩以紀之

習習空庭燕引雛
畫梁飛雪羽翰孤
月明戲水知何在
雲澹凌霄望欲無
舞上欄花迷粉蝶
歸來玉署映冰壺
王威老矣猶能賦
莫比茅山伴馬樞

廣陵潘楚吟客燕京最久
顏其齋曰停帆志不

遷也乙丑思歸卜於來春南下更而顏之曰

春水船作詩見意步韻二章

多君京國寄閒身
廿載東華不染塵
雀舫停畱燕市月
桃花開卸洛陽春
碎琴長笑非因老
擊筑高歌豈爲貧
司業酒錢曾未乞
紛紛車馬往來頻

學源堂詩集 卷之六 七言律

三

其二

高山流水壁空懸
種竹蒔花徧隙田
料得九衢無酒伴
何須一葉待仙船
檣帆擬趁開河日
齋額先更入洛年
我欲畱君畱不得
白頭詹事尙飢眠

王醇叔太史母朱孺人旌節

帝錫鸞書大節芬
烏衣名巷表宣文
塔前玉樹雙龍躍
筒裏金華五鳳紛
不負貞心懸曝日
爭傳懿典貴青雲
他年臺閣恩還渥
家服編欄拜太君

送劉觀允令蒙城

題塔才名一紀過
分符作宰志堪酬
地傳漆令原仙

客人到濠梁亦壯遊
展驥何難逢魯肅
割雞豈肯戲言游
與君相約重攜手
奏績來朝五鳳樓

乙丑除夕

鄰家爆竹景陽鐘
此夕情懷入耳濃
冒濫官名愁潦倒
消除詩債苦衰慵
門前積雪深三尺
天上浮雲蔽幾重
我豈不知恩未報
盈廷埋口似駝峯

贈于振甲中丞

東海高閒華胄綿
懸魚拔薤譽訇然
漁陽屢見岐雙穗
劉寵何曾受一錢
斧鉞霜明天子授
姓名雷動帝京傳
甘棠膏雨畿人慶
前後相如總大賢

學源堂詩集 卷之六 七言律

李

于清端公同名

閏夏同鏡庭高比部陸石年進士
楓臺看芍藥歸飲祖將軍水閣

聯鑣乘興訪花村
綠柳長廊受雀喧
白動孤雲新水氣
青連小草舊苔痕
羣葩爛熳堪驚眼
野墅幽清可倒樽
無數塵情欣覓解
歸將好景語諸孫

楊覺山都諫乞假歸維揚

高岡鳴鳳劇驚人
民病誰醫乃病身
豈抱寒蟬紅葉樹
且垂明月碧江綸
帆開梅雨金臺遠
花過雷塘玉蕊新
何處可堪楊子宅
南冷泉水愛儀真

高鏡庭比部出守叙州

辛陽才子姓名芬家世崢嶸相國勲挂笏十年食爽
氣分符萬里愛凌雲少陵遊跡瀘江徧諸葛遺蹤焚
道分近日夜郎知漢大佇君諭蜀奏雄文

其二

京華衡宇切相望賦別其如蜀道長匪路詩題憑古
蹟隔江風氣接蠻鄉無微可緩惟檀布有藥堪行是
麝香我老正須叩竹杖來朝好帶紫筠霜

廣陵賁氏女字曹氏子曹中場女守志不他適

曹子父母相繼歿女往執喪不食而死許太

學源堂詩集卷之六

七言律

史爲作傳余讀而嘉之書其後

廣陵靜女字瑤華恨不齊聲曹大家泉路亦絕何忍
斷畫堂白髮況堪嘆貞心一死纔無愧婦道三從未
有加越水娥祠夫子族爭如蝶塚杜鵑花

題張子大太史樸園

正擬君修五鳳高却懷三徑理蓬蒿平泉本石畱蒼
氣韋曲亭臺市綠濤藏得圖書皆手澤傾來杯華有
賢豪春星帶草籬編竹樸致居然杜與陶

其二

名園作記洛陽稠那似賢孫述祖謀一壑一丘摩詰

謝幾亭幾榭贊皇畱此君瀟灑淇園雨老丈岐嶒王
屋秋料得平泉容我看何時杖履去閒游

梁玉立大司馬以詩見送步韻答之

解組飄然下北門不才回首愧天閨年衰去國風波
定春暖還山花氣屯月冷五更酣一枕鶯啼三徑柳
雙樽太平擊壤狎田父此際愈知是主恩

燉兒之官華亭

歸兮夢始悟槐安子含勿勿捧檄歡見說傲裝先陸
淚況當分手劇含酸三千里路雲難望七十年人
已殘翹首隴頭來驛使好青願爾說食官

學源堂詩集卷之六

七言律

其二

家學君恩此一行丁寧不獨爲離情丈夫壯志蕭關
遠良吏盟心涇水清延譽上官驩漢詔保黎當日亦
秦聲東風正急西征轡高柳迎人草去程

題孫文正公祠

雄文峻節與名勲指柱顛波賴有君萬里銘山憑瀾
氣九重蔽日恨浮雲榆關壁壘沙場古虎隊弓絃史
冊芬組豆高河瞻仰在喬松慘鬱盡氤氲

公于丙子
年殉城爲
亂兵以引絃
約首而卒

李吉父侍御自淮安札寄新刻

忽往來書鴻寶篇多君高寄意儵然行藏爾我何相
似俯仰天人幸不愆細讀新章平硯礪緬懷清興舞
蹁躚竭來乾象三台炯只恐巖阿臥弗堅

張來菴選庶常

絳紗曾向里門開助我君稱博物才見說佛名標上
第旋聞仙館占翹材萬青學士清河族自忍家風易
水隈我去爾來輝映台花貌日影首重回

賈敏修選庶常

天中論秀憶當年五桂香開羨雨先不肯趨時如若
水獨能窮理嗜伊川醇儒豈止大人策才子還依口

學淵堂詩集卷之六 七言律 主

月邊官是條冰君自耐捧盈執玉問前賢

珍珠花

誰編蠟子上青柯如雪歲幾萬粒多曉對玉腮偏賦
媚宵臨蟾影更婆娑能分仙掌三升露不許梨園一
曲歌花自春分秋又半經年紅紫較如何

邵子昆明府宰敝邑廉幹著聲巡撫中丞于公

顏其堂曰真民父母賦以紀之

樊輿茂宰古燕苗三維銅章懶折腰不飲食泉明素
志常培勁草愛孤標一真只有扶溝陸衆母何須鄭
國僑願得行春隨樹茂他年蔽芾萬家謠

蚤起看家童理花竹

淮露濃醺滿徑苔芬芳那是出羣才假山樹老雲煙
住淺水風多荷競開金粟綠從南幹起玉簪香自北
窗回檐前惡竹且休剪曾傷牀頭芸檢來

蕭山人書來却寄

衣脫緇塵兩載過避人小築似巖阿種花有譜香爲
品拜石何心老著魔筆記捕蛇憐子厚客來說鬼慰
東坡於今已覺檀蘿夢回首風塵發浩歌

除夕感懷

老至垂垂蒲柳姿凋零況是歲寒時不才合作書中
學源堂詩集卷之六 七言律 主

蠹無用真同面上霜冷落生涯山一片蕭條情興滿
三厄耳聾眼暗渾佳事莫問人間大小兒

其二

海濶天空一草堂窮年嘿坐更何妨安排書卷爲精
壁督護花枝度雪霜此日人情徒咄咄向來世法總
蒼蒼平生眼界凡三變不屑區區問智囊

其三

求田問舍下林人許汜合教昭烈嘆十萬由旬身一
咫百千泡影世三塵平泉木石何勞念鄴架詩書
卽貧屈指百年七八過陶朱范蠡話誰真

其四

燕南趙北有吾廬
倦鳥飛還林樾疎
手粟未收榮自減
求羊不至座常虛
病須藥物憑書換
老愛花名脫譜鋤
莫道庸臣扶賜蚤
賢良近日也懸車

其五

山中風景近如何
列缺焚輪歲歲多
花有返條人不信
虎能識字語非訛
到頭未歇孫升木
滿腹猶貪鼠飲河
紀異標新毛穎亮
杜門謝客煉詩魔

其六

羅雀興嗟心事違
翟公畢竟未忘機
鮐魚上竹原難學
源堂詩集卷之六
七言律

書

穩腐草成螢計久輝
歸到家中添食指
夢回天上典朝衣
岳游有約還躊躇
聞道春來八駿飛

其七

自從小築貯乾芸
坐臥其間弄夕暉
攤案卷中尋古道
軸簾天上看奇雲
墨螺口爲鴛來瘦
香鴨時因客去熏
總計今年何事好
垂髫孫子漸能文

其八

勲業都拋鏡裏看
關心只有幾般難
山川龍虎誰能指
詩卷蟲魚甚日刊
可憾書淫醫不冑
堪嗟劬魄老猶寒
銜杯樂聖休相擬
鑑水曾聞賜釣竿

元日試筆

不與朝元已二年
布袍草屨遂初緣
兒孫遶膝分班拜
椒酒盈樽隔戶傳
進衆謁神行國禮
避人賀節省前愆
古稀屈指爭三歲
蚤可呼予是倦仙

師補齋出守江寧府

珥筆含香二十年
一麾五馬楚江天
傳家法物金蓮炬
按部威儀畫鷁船
漢史龔黃皆太守
晉時王謝是前賢
秣陵自古稱京兆
豈比詩常祿二千

答董靖之太學次韻

時在十中丞幕

僂說風期萬里親
天涯知己若爲鄰
紅蓮菜水仙人局
霽月光風君子身
未薦馬周懷韞玉
且隨宋璟脚行春
薔薇手披佳什慰
我何時得飲醇

學源堂詩集卷之六

七言律

書

局霽月光風君子身
未薦馬周懷韞玉
且隨宋璟脚行春
薔薇手披佳什慰
我何時得飲醇

贈宋潤南茂才

情醫

鄒魯岐黃總聖真
羨君世有受經人
仙成軀望三千字
術擅楞嚴十二因
渡蟾編橋先輩事
悲欣懶筆滿懷春
憐予古疾狂而直
捐念爲君護作臣

挽劉潛夫

齊年三五似晨星
嗟矣高陽謝典刑
花徑寄青來吊客
藜烟夜白見遺經
離龍集在文心苦
司馬公亡洛主零
翻爲慟君發深省
杯中有物莫教停

聞斯中金懷存中丞李長白方伯信

長沙痛哭似批鱗絳灌安能不目瞋 聖主從來無
忌諱書生到庠信杏詢陪京不比投荒塞絕徼今來
聚逐臣總是 君恩休咄咄武陵祠宇佇嶙峋

病起憂旱

藥鎬爲伍九旬零二豎潛消似錫齡百畝生涯愁播
穀一天旱氣怕飛螟春秋特筆書無麥雲漢憂心嗟
見星只恐今年同古事病餘安忍賦寧丁

書楊忠愍公集後

案頭一卷烈烟烝讀罷忠言感嘆增劇虎何妨身削

學源堂詩集

卷之六

七言律

五

樹批龍不怕鬼吹鐙二王可證青天障兩疏堪傳碧
血疑知與朱雲遊地下心傷請劍事難憑

題旌忠祠壁

當年人恨死先生不死先生安得名填海未平雷浩
氣補天無計想孤情千秋異夢黃鍾律一代忠魂青
史旌故里歸然祠尚在雙槐夜夜老蛟鳴

贈唐石章巡檢

縣尉

士元百里歎鸞棲況是分符僅一溪花徑不教麾夜
吠荒衙常聽馬飢嘶勸農陌上行靈雨講武林中放
野麋少府攝行恩更薄頌聲洋溢郡東西

聞故大司寇高公日涉園改爲酒肆怡然有作

園名日涉榜猶支蒼翠樓臺景物移門有車停非看
竹客來座滿盡街危花開酒氣迷蜂蝶池上歌聲散
鷺鷥漫爲平泉興太息柴桑千載說東籬

元日寫意

五更爆竹報晴和雲漢應知不更歌魯肅指困風旣
邈虞潭給哺力無多歲寒梢枯春爐滅杯滿屠蘇老
面醺聞道朝元停慶典蓬門賀客莫仍過

十六日邀朱荊巷泉副飲學源堂

歸來愁緒鬱千端獨寐無言對影歎此日與君一夕

學源堂詩集

卷之六

七言律

五

話誰人識我寸心歡黃金顏色牀頭盡白髮點名鏡
裏看所愧消埃全未答桑田十畝竟榮桓

東臯觀種麥

百畝生涯似漢陰不嫌抱瓮有機心懸車我自甘爲
圃把臂誰堪共入林睨曉一犂過綠水參差幾樹帶
黃金幽風句可編新調擬去田家社裏吟

寄題黎城李莊苑鄉祠

巖然祠宇壓山尖俎豆鄉人祀李謙千室豚蹄馨其
薦四時霜露像高瞻山東自有甘棠老天下無如萊
柏黜郁郁黎陽邑乘美紀三不朽獨公兼

白石櫺

無香有艷爛朱霞傳望攜歸是麗華誰剪水統遮絳
采更掛雪蕊換瓊葩玉蟾照徹渾三素粉蝶飛來直
一家料得花神甘淡漠千紅萬紫漫矜夸

艾葉

仙家次藥碧雲裁巧葉霏叢穰毒材漢制染絲頌綠
綬楚臣作佩紉水臺攬香五日門懸虎擣液三年曰
長苔法灸回陽如黍谷祇今斷水是真荄

菖蒲

石上露苗九節青薰兮風動葉流馨暗香只許椒房
學源堂詩集卷之六 七言律 壬午

見細汁猶傳雷氏經當獄舍金高五尺羅浮抽碧歷
千齡王嶽不識神仙貴強使低頭拜竹汀

題畫

萬峯突兀倚雲立一水瀾漫抱石流長短松杉分遠
近高低舟楫見沉浮鳬鷺野浦眠堪數樓閣晴天望
亦幽身在畫圖渾未識悠然迴想到林丘

學源堂詩集卷之七

清苑郭泰快園著

五言排律

秋祭國子監文廟 詔遣分獻恭紀二十韻

甲寅秋八月六日上丁辰釋菜循先典陳牲 遣近

臣燎烟明兩序沆瀣互三賓樹影虬龍接香風椒桂
勾几筵連俎豆榛栗與蘋蘩金鼎霽紋古陶祭火氣
新羽千猶舞舞祝敵自天鈞終禮越三獻分陪近百
人戟門懸綺井虎拜列樓茵辨色迎神蚤無言奏格
真台班監禮數國語唱絲綸訖事人猶肅崇文典自

學源堂詩集卷之七 五言排律 一

振展儀隆晉魏廟廟陋隋陳勢矣容臺屬飲哉玉署
儼始終觀穆穆小大盡彬彬曳履隨元宰拂衣解大
紳簡文看石鼓義帖傍朱楯門額皆雙字題名止舊
珉周咨憑老揀欬慨在成均觀聽同橋者寥寥不起
塵

辛酉秋七月廿有一日

上幸西苑召集大學士都院卿寺及翰林科道諸臣

頒賜緞幣有差仍令侍宴瀛臺恭紀六十韻

寶曆三先甲金天七月秋 鸞輿臨勝境僊仗警宸

遊矚色東陽啟涼風西苑慶梧桐垂輦道沆瀣拂旌

旂侍從傾三館趨陪列五侯宣綸駕序賜燕鳳凰
 洲濟濟盈金闕踰踰度御溝儀章家宰注班次太官
 鳩是日初定進止看魚貫歡娛聽鹿呦葉珠疑隔水
 疑碧許乘舟槎覺來天漢星知傍斗牛蘭橈開鵲首
 桂槳弄黃頭近岍攀躋便沿堤趺坐稠奏言升翠幄
 傳命過龍湫太府頒雲縵中涓散彩緋唱街心禮
 重捧幣御香浮襲滿天孫錦褕添晏子裘裝裳忻大
 賚赤芾犀貽羞九拜難稱謝千官喜對休莫教花庄
 散還待水邊麟映日銀塘夢吟風雀院楸嘉蓮紅頸
 狎密藻碧鱗游夕照霞籠樹平沙露浴鷗淵澄涵展
 學源堂詩集卷之七 五言排律 二
 蛤波靜走螭蚌異草惹題纖寒英杜若抽三千貝闕
 戶十二玉京樓瑤島瞻天闕蓬壺占海陬亭臺小李
 畫溪壑大癡勾霓曲隨絲管龍驤盡臂韞遊仙探紫
 府訪道上丹丘庶尹分曹萃元僚振佩留成章咸矢
 報製錦互爲謀簞簞喬林設曜瑜內侍搗瓊筵凡六
 級席次玉箸匝千籌卓午欣登席同寅快旅酬連雲
 開綺幕傍樹引綈幃王者香齊發仙人露競流入珍
 原海錯七寶自山璆水鼠和羹美瓊膏尙膳柔羣工
 歌既飽君子賦其觶一酌夔龍洽三巡綸綍優不
 令辭白墮直欲到青州讌飲裝華什思波湛露謳笑

言容飽牧揖讓任夷猶謠詩言虞橋能醒酒朱菱可
 潤喉雖然無佐史豈敢不知郵眺聽乘酣典憑臨豁
 醉昨西山來爽氣太液起晴漚玉蟬長橋迴廟置古
 寺幽松濤風謾謾石鱗水澆澆攬勝無餘景沾光有
 匹儔溫溫學衛武栩栩似莊周虎拜冠同類鳬起衣
 數振羽翔出頃掖醕酌上花駟燦爛衣裳箭呼噪卿
 相嚙步猶循紫禁心更戀黃收嘉惠先擔荷脆恩訖
 綴旒堯櫓原廣置湯幣川芻求桑扈行開燕華陽竹
 脫歌誦詩當獻賦天保韻悠悠
 壬辰七月
 學源堂詩集卷之七 五言排律 三
 上御太和殿命定南大將軍敬謹親王出師仍躬送
 於廣寧門外恭紀八韻御試
 皇猷勤遠略拜將遣桐封授鉞開三殿出車警六龍
 霓旌鑾輅烟屏甲露華濃廟算仁無敵王師勇克恭
 伏波專虎節下瀨掃狼烽銅鼓傳三捷彤弓錫九
 重銘勲江上石闕國日南賓一統鴻圖奠凌烟竹譜
 容
 丙辰元旦雪八韻和陳說巖宮詹
 卜稔惟元日同雲罩帝畿琪華聯御柳金鳳展天綵
 月自宜三白花爭出六奇駕行寒綵絲虎觀迴梁思

珠勒朝元響水壺獻歲厄吞理憐典屬花觀公總擊制留閣中擊

鴨想王師柏葉還傾酒芭蕉擬畫詩應門辭賀客臣

未拜丹墀是日免朝賀禮

學源堂詩集卷之七

學源堂詩集卷之八

清苑郭茶快園著

七言律

大閱恭紀十二韻

璿圖鳳曆匝支干月令清和春未闌 天子三驅觀
表貉元戎七校喜隨鑾悠悠旆轉長楊曉羃羃烟浮
細柳團南園鶯聲交畫角東津草色映珠鞍烏號月
滿雙鵬下赤電風馳大兕錢安不忘危秣給夷謀而
有勇駿驕冠金懸鵠繁人豐沛躬推牙璋族魏韓上
將星亾連上相千軍鎮吹動千官雲翻洛水簪纓曳
雪凌昆明鐵甲寒陣列入花司馬法網留一面 聖
人寬電震曲遠薰風殿賜醴杯傾莖露盤飲使聲勞
通絕域先教歌舞動長安

駐蹕瀛臺恭紀

龍池漱灑宛瀛洲紺闥瑤臺佳氣浮 聖主薰風歌
解愠 天家法駕展長秋雲扶赤輅臨西內日轉丹
闕到上頭論道正宜廣厦靜親賢日喜細旂幽賞傾
錦樹藏高塔雨歇琪華過御溝鳳梧穿荷千掌動虹
橋隔竹萬竿修水晶簾捲香輿入銀漢亭開花石裏
豈爲觀魚勤夙駕其如采芣對清流曹郎祝草園蒼

樹禁旅周廬控紫闥歸中從雲裏出侍臣多向水
邊留披香漢殿甘泉遠避暑齊宮渤海限莫燒我
皇宵旰萍蓬臺親切鳳皇樓

康熙二十五年閏四月二十四日

皇太子出閣講書同禮部尚書湯潛庵詹事府

滿洲詹事尹大來滿洲少詹舒一行進講論

語書經各一章於

主敬殿恭紀詩韻

元良懋建耀前星 詔啟承華命授經宿禁曉傳洗

馬導駕旌近指濯龍傳右文釋某尊皇古典樂容

學海堂詩集 卷之八 七言排律 二

拜大廷朱几迴臨鋪繡紫丹墀森列柏銀青重輝重

潤瞻天表希聖帝賢志磨齡積有芸香橫玉尺敷

無暑氣展琉璃屏魯論撰說臣資獻堯典廢殿帝德馨

微愷梅風薰廣內軸簾龍氣馥高冥尚書兼領俊山

傳崇政敦陳愧古窮四海共歌麟趾什萬年遐卜鳳

儀形榮依銀榜親圭璧燕飲銅屏賜醪醑衰白自慚

陪講席涓埃何以助滄溟

喜雨

靈雨瀟瀟萬象清雲流花舞鳳凰城濂濺乍覺人無

暑滂薄欣聞樹有聲雷動西山千寺寂風來南苑百

禽鳴玉泉渠滿浮蘭舸金水橋通浴杜衡無數媽紅

開齒首幾行嬌翠起鵲鵲濛濛墮時瑤甍濕漠漠郊

原麥浪平碣石蒼茫聯海蜃蜃瀟瀟洞帶春萍布懸

曲瀑三峰直碾破青烟萬畝耕舞驗商羊能化坎離

占畢月慶逢庚桑林術省勤三事寧社祈求變五行

自有膏腴堪獻賦何須珠玉漫言禎 天顏有喜臣

先識蚤晚商霖又賜名

王子雍大司馬招飲怡園

栖栖正悔別林泉今日欣同入剡川礪礪當門儼拱

揖菁蔥綠徑任俄延長闌垂垂香草小閣方塘倚

學源堂詩集 卷之八 七言排律 三

碧蓮高處皆山平處水望時疑隔到時連雲藏曲洞

晴猶濕樹隱迴廊影不偏臥石為梁如野渡臨池築

樹宛停舫此君自可來王獻老丈都堪拜水艸花笑

烏吟真窈窕松根石罅半游漫金梭纂纂游珠鉏玉

簾嚶嚶翠翠解解佩繫桓情自洽登樓眺聽興逾便

嵐光霽西山西山近寶氣龍巖北關懸前輩風流公等

在瀛洲禮讓憶當年

張幼南廷尉張振六水部同乞假歸省

丹陛陳情陟岵思青門祖道唱驪詞歸田賦豈如平

子送客情猶去釋之萬里白雲張掖郡三台紫氣賀

蘭陲延階芻聚宜綸綍紫戟珂鳴舞駿驤帳有天風
吹玉樹地多仙氣近瑤池鴈稱北斗麻姑酒笙補南
陔水部詩燕領當年來茹醬龍城此日春兜離承歡
畫錦天倫序須念鹽梅用汝爲

冬日遊吾道園四十韻

姑蘇城北隅有園太百畝山水亭榭竹木
草花敞麗幽芬爲吳郡鉅觀故某宦某氏之
所播也更三姓後籍爲官漸就荒圯過者慨

嘆會三韓仁淵祖公來蒞茲上以舊署泮池
不稱監司臨池地謀爲增廓念時總舉羣應

學源堂詩集 卷之八 七言排律 四

有勞騷議且寢一日駒從過斯園攬結之
慷慨興歎曰古今盛衰興廢之故不以人
哉便是園而猶然私也荒而殘殘而至於
零堊寒孰暇過而問焉者第是園而屬之公
已乃亦忽忽漠漠聽其荒殘凋落而至於堊
以塞焉乎可於是請之中丞慕公願捐已資
移而著於園之右偏木不斂斂有可理功
實易竣是舉也庸第臨池之稱耶巖谷不以
館孤兎山則弗童池塘不以涸龜蛙水則弗
涸闌楯不以繫駑駘廊廡則無拽且噓

不以供採掇則無萎且枯園存而公家之物
存吳郡之鉅觀亦不致荒殘凋落而堊以塞
也不其懿乎中丞公曰可公遂捐金輸地值
選材因址鳩工聚徒而從事焉不三月而告
成於獻一舉而三善備焉矣盛衰興廢之故
詎不以人哉已未冬公招余飲因得縱觀其
中致足快也園故無名姑妄字之曰吾道園
孔子曰吾得子游吾道南矣卽郡取義爾作
長律四十韻志厥畧

學源堂詩集 卷之八 七言排律 五

西臺新署壓平泉門徑蕭森別有十里勝遊太傅
墅六園如畫石丞川廣庭而面飛輦起曲檻行行丹
牋連客度虹梁來石磴鶴騰雪羽上松巖嶙峋補地
何須煉礪硯隨人不待鞭洞壑欲迷雲更出峰巒幾
絕棧相牽此中宜置幼與坐其下應教宗炳眠夢彼
高山足徙倚俯茲流水汎潺湲倒涌雲漢鋪星斗分
繞丹崖界泐邊一片板橋咽瀟瀟九秋霜葉擁涓涓
波紋翠潏風聲柔端響瑞琴石隙穿曰水曰山仁智
樂有堂有奧匠師賢丹梯傑閣凡三級朱楯迴廊宛
一聯最喜花臺無對待却驚水榭是虛懸綺疏影綠
王猷竹藻井班黃陸羽烟靜掩紗櫺堪結夏開憑紫

凡好安禪碧夢朱泥洵希觀古木奇葩詎偶然樹就
大夫秦代秩花名君子宋人憐合圍銀杏肯千尺連
理殊茶數百年企粟續紛香墜露玉蘭舊舊月爭妍
珊瑚綴雪搖天燭迷迭臨風候水仙不踏兔葵妨屐
齒乍看虎刺上牆肩啣啾刺有長林羽游泳還多小
招鮮雨後虬枝猶叫賜春來錦樹定啼鵲山腰水立
水簾直水面山浮島嶼偏燕語似憐魚圍圉鯉跳知
羨鳥翩翩洛陽空說金爲谷清海徒聞花作田此日
我添遊展蠟當時誰助買山錢文饒樹石兄孫事梁
孝賓朋文字緣勝地昔曾悲寂寞名區中復見喧闐

學源堂詩集

卷之八 七言排律

六

揭來樓上吹簫客肯向花間散錦纏桂柱未聞拾海
月絲衣漫學採湖蓮看陳蜀國銀絲贈酒瀉錢塘藥
玉船生怕絕縷樓隔水更愁擲果燭離筵迴波舞藉
金狨席裂石聲隨玉雁絃戚里笙歌雲漠漠疾家池
館草芊芊爲存綠野風流古不惜烏衣門巷遷星映
三台關氣象戶排千騎見威權南樓有興畱參佐北
海開尊授簡箋安得賦如滕閣歷使君雅望與同傳

學源堂詩集卷之九

清苑郭茶快園著

五言絕句

題畫

白瀑界青壁綠巖踣紉閣繫舟不見人知去尋丹壑

題畫送王印洲治河中州

有客訪嵩麓搖舟入石灘問君何利涉曲曲是安瀾

蘇小小墓

虎丘貞娘墓西湖蘇小墳山川怕古腐一撮麝蘭蒸

西湖孫公祠

學源堂詩集 卷之九 五言絕句

湖伯論勳舊東瀛勝東坡不曾畱一字黃金貴奈何

分屍槍

人恨莫須有種槍剖其幹天欲榜奸雄青蒼不肯爛

西湖月

明月涼於水澄湖明似月木月關寒光山川愁白髮

過溪

林通喜梅鶴蘇瞻愛桃柳婆娑此老僧風流惟釀酒

放鶴亭惜梅

橫斜三五枝春盡無花落莫怨隴頭兒缺脚道人嚼

喬小青墓

人傳蝴蝶塚明月立嬋娟湖水知卿恨不生並蒂蓮

江上獨步

江雲秋淡淡一鳥出芙蓉影落波尤裏霞流幾萬重

學源堂詩集

卷之九 五言絕句

二

學源堂詩集卷之十

清苑郭泰快園著

七言絕句

三日侍直

儼直西清第一班殿頭簾捲羽林閒北門百戲榮園
奏大駕辰牌幸景山

西苑雨望

上苑晴看麗景多雨中延佇更如何瀟湘五月黃梅
候十二樓臺映碧波

和王顓士宮贊

西苑侍直卽事二十首

學源堂詩集

卷之十

七言絕句

一

仙班入直踏青莎曉夜西清勝澗阿玉勒行吟松徑
緩上林得句錦囊多

紅橋宛轉綠楊閒玉藻魚鱗映日斑撒網碧波梁禁
弛傾筐銀鯽羽林還

清流激石響霜湍寂寂池旁啓事官見說御香天半
落龍樓誰敢舉頭看

彬彬鴛鴦照晴波金鑰纔開上相過一日萬幾憑玉
几曰吁常少口餘多

炎天宵旰不遑寧詔答公車散水汀敝項兩宮傳
上膳時鮮飛樂過圍亭

水殿迎薰六月寒
璫瑜千尺接雕欄
侍臣來往香風裏
不識緹幃有建蘭

秘書函子鳳綾裁
雨裏芸香日日開
進講義經天未
干水桃瓊李賜將來

瀛臺西望翠全收
崑岡何須是夢遊
登頓莫云勞
御趾司鑾蚤見擁龍輈

五色雲霞捧至尊
迢迢何啻九重閣
百僚步屨紅牆
駐只有嫖姚騎進門

浮瓜沉李正當時
冰盞真如金屈卮
涼趁濃陰龍爪
樹渴分甘露鳳皇池

學源堂詩集 卷之十七 言絕句

雲生太液金無暑
聖主猶占五日風
京兆禱寧新

奉 詔雨田知不計私公

雪嶠黃花暑不侵
前朝曾此紀登臨
六龍聞欲巡

邊微赫濯應傳黑水陰

時用兵烏喇

辰牌日影轉形埤
珥筆猶依凝碧池
左史記言文字

古煌煌渾是典謨詞

午餘蟬噪續聲長
歸步遲遲出建章
一帶荷風吹玉

佩千條翠色蔭丹牆

瑤壇仙樂響絃匏
十里鑾儀霧霧交
夏至宸遊典

禮重太平 天子祀南郊

甘雨滂沱道術神
平時一望浪如銀
桑林有驗 情慰不惜朱提賞洞真

龍旂日曉出延英
海澱驂驪鏡裏明
臥佛香山巖上界 皇風過處石林清

玉泉珠涌寶光浮
萬壑來青一檻收
信道月明塔有瑞 詔傳駐蹕到分秋

三珠聲譽溢皇州
不用將軍薦馬周
身是玉皇香案吏 含毫日日近宸旒

清影宜來照碧潭
水光采麗相含金
蓮散送鳴珂里 慰煞高人臥斗南

顧士尊人農山侍御在堂

學源堂詩集 卷之十七 言絕句

唐濟武前輩從山左寄示迎 駕詩

鑾輅南巡千里餘
山中彩筆動相如
導揚德美應歌

舞不比前人封禪書

送程周量守桂林

折楊柳復唱陽關
一出春明萬里山
將進酒時君盡

醉占來才子半青輪

六月炎天水漲秋
湖長河廣任悠悠
知君此去經三

楚買酒須澆鸚鵡洲

贈張醫

採得仙人九節蒲
化瓊化雪化珍珠
幾時太用天醫

現爲起瘡痕萬姓蘇

藏心亭

老蛟萊根躬學圃閒邀山色背開窗萊根山色渾閒
事多少雄心就裏降

遠樹

致身何地可青雲陡築危臺藐世氛萬里乾坤容在
眼紅霞碧落與秋曛

藤架

千蛟萬螭擁蒼霧鬣鼓鬚噴紅雪飛遮住斜陽無透
漏石牀涼簟打蒼圍

學源堂詩集 卷之十 七言絕句

四

孤松

不綴寒山不點溪蒼髯碧鬚忍孤棲渾身鱗甲濯春
雨拔起神鼉幾尺泥

老槐

絲烟不雨亦沉沉獨抱濃陰百歲心功奏檀蘿原幻
境何勞春夢此中尋

酒漑梅花

濁醪拚與醉寒芳不許花魂醒更狂天下才人如美
女何來獨點壽陽妝

梅苔

一派春從脚底生多君不惜翠濤傾前人詎說羅浮
夢那有寒花解世情

題畫

一枝獨耐六花寒況有青筠不肯乾却怪夜深來凍
羽高眠玉骨唾琅玕

書女史扇上

長日空庭伴紫薇多君乘興訪柴扉蒼頭報客咿
笑道是人來香滿衣

相逢握手不言愁祇道何緣滿鬢秋莫是無人爲下
幙霜華飛入讀書樓

學源堂詩集 卷之十 七言絕句

五

客去簾垂露滿苔花香鳥語轉疑猜柴關日暮不教
掩更待西山翠色來

雨後登遠樹望西山

尋常塵坌太欺人雲外芙蓉半不真爲賴雨師親灑
澹萬峰青翠眼中新

題畫冊

山邨茅屋野雲深樹裏秋烟曉不沉縱有高人如豹
隱濛濛誰向此中尋

蜀葵名一丈紅

不管春風與夏風粗枝大葉俯羣衆寄人籬下無多

地怪殺君猶一丈紅

歲暮感懷竹枝體

三冬無雪逼春寒雀滿蓬蒿稱此官酒債尋常猶好在梅花誰遣又開殘

三十六句百樣愁最無端緒杞人憂愁心不共年華

暮華負當時市荆綬

蠻溪瘴嶺偏干戈白羽紅燭兩載過持重自然操勝

算獨憐輪輓壓江波

霜風雪月唱涼州鐵馬金戈待展籌千古誤人羊叔

子學他緩帶典輕裘

學源堂詩集

卷之十 七言絕句

六

萬壽寺鐘

偏身文字滿頭霜臥雨眠風度夕陽安得樓懸千丈

簾一聲驚破海天荒

題畫

一帶山容浮翡翠數枝柳色舞瑯玕板橋野店青蘿

壁春水漁航白鷺灘

禿樹槎枒占小岡山深茅屋不嫌涼千竿萬个雲間

色瀑布飛聲過短牆

詠骰子

滿身星斗儼聯珠宛轉聲隨劉寄奴一日賜緋來御

苑洛陽驚殺舊狂徒

都人正月賣牡丹花

臘盡纔吹花信風花王瞥見雪中紅偷春勝比仙人術羞殺南州鐵樹宮

題石竹梅

疎蛟伸臂迸明珠冷玉流香月不枯錦石霜筠搖鳳尾笑人君子好同呼

聞雁

萬里龍沙一夜風掠雲歷歷寫寒空迴翔似訝瀟湘樹何事年年血點紅

學源堂詩集

卷之十

七言絕句

七

訪友不遇

棹雪非同訪戴情半林秋色鎖雙荆草堂深掩無人迹翠竹森森氣自清

遠榭望月

地偏塵遠月愈光白露無聲雁絕行望裏分明星斗近無端雲起又蒼茫

四時從軍樂

霓旌雪鎧出長安馬驟春風聽不寒一望周廬三十里平沙戲打獵聞寬

前年結夥關鳩車今日從軍我佩魚競策驂驅橫雁

陣綠楊深處有紅裙

聞吹簫簾閣秋風飄帳前頭月照弓昨自試刀邨落

裏驚驚血比杜鵑紅

南雪微微著樹輕不聞畫角更催征將軍有意驚殘

驚傳令圍爐唱渭城

題畫

翠深嵐遠寫秋晴沒擁柴車樹裏行漱澗湖光真可

泛石梁斜處小舟橫

山搖水影水浮山白石青松香靄閒正欲乘風訪鐵

鞋兩峰夾處見雲關

學源堂詩集

卷之十

七言絕句

八

題崔齡公齒冊

汲泉煮薺瓦壺甜爲趁晴光不掛簾一快漢書讀未

了奚童情更解牙籤

丙辰生日

心情澹澹鬢毛皤五十四年春色過身世只如風外

柳三眠三起在霧和

題醫生騎馬圖

宵中怕不止岐黃偶掛葫蘆燕市旁漫策驕驄應有

意長安人愛說腸驤

七夕

無雲今夕見天津河鼓星連太白真堪笑鄰姝慵乞
巧翻云天巧不過人

題萬柳居士堂

不種三槐種萬柳爲憐張緒風流祇今皎皎雲中

月不照長城照小樓

題畫冊

山容如睡梅花醒野客扶筇傲蚤寒一路酸風爭爾

笑人無何遜與誰看

和李湘北弔劉富川殉節詩

灘江鯀與碧雞通不信人妖雌化雄惱殺富川劉大

學源堂詩集

卷之十

七言絕句

九

尹口誅賊子杜鵑紅

半年綰綬泄雷封詫見蜚卿奮臂衝提起匣中秋水

看獨憐周處是孤蹤

只是巴川世寫降羞看紅粉流龍江昂藏七尺鬚削

在肯去花門拜羽幢

眼光如火血淋漓想見櫻鋒罵賊時不徇常山舌可

斷漫教唯水霸雙祠

月黑江衙鷄亂啼知君刻畫破淮西蒼梧到地無南

雪空使駕鵝臥竹溪

妖氛七里霧如靈錦繡前頭鬼帶鞍獨怪燃犀君有

術瓦金玉碎自安排

蜂屯蟻聚鼓蚊雷不怕昆明築墨灰一自忠臣口血

喋轟然舌劍剪渠魁

慨是儒臣復小臣偏生無服看波旬貌貅百隊君如

擁蚤使三狐化野獐

每君原不爲脩文持虎何妨蠶曰紛化作長虹高百

丈直衝閭闔撼秋旻

嘆血聲聲賊膽寒那期鐵漢戴儒冠惜乎未剖君心

看一樣玲瓏似比干

亂著紅巾踞桂山銀鄉冷氣逼巖關花孃脫劍江頭

學源堂詩集 卷之十七 七言絕句

洗怪殺忠臣血作斑

釜中魚戲任騰跳一縷忠魂恨未消怒上仙巖叱白

水富江三日不曾潮

多壘猶聞雁四郊鯨鯢何恃穩腥巢自從學化劉郎

血夜夜陰風剪絳旄

拚將隻手殪狂獍不顧高堂有二毛一首詩傳絕命

語何來字字帶牢騷

莫亦曾經長樂坡挺身赴難奈君何成仁取義千秋

事鼠輩偷生偷得麼

孺子軍中白晝譁奇人偏是卯金家轅門又弄漁陽

鼓脆骨書生剝虎牙

魯公雖死入仙鄉不昧家山近洛陽筆法有筋人盡

識題書會寄小顏莊

旌節天官例子成 詔書特許贈清卿 君恩優渥

關風教豈有忠臣復愛名

瀕氣飄飄目已瞑桐鄉俎豆一燈清他年父老傳君

事血染衣衫萬古馨

乍聞烈節按吳鉤楚些千章淚不收化霍何時到華

表瓊花開處是揚州

半載妖狐鬧桂林中聞一股氣森森遙知定是君魂

學源堂詩集 卷之十七 七言絕句

結翹首 王師雪忿心

悲聲何事匝湘潭不得簾鉤掛到三好去墓頭磨片

石大書殉節古奇男

一死能教萬代瞻知君大節意無忤姓名真可買絲

繡正氣歌中擬續添

龍驤虎旅破窮巖平把漁豨一斧剗屈指奴顏皆見

錄幾人盡節似彭咸

望柳

楊和春翠起還眠張緒風流祇自憐種樹書中榆歷

柳莫因飛絮不飛錢

嘲松

翠鼠蒼烟五粒株飽經霜雪未曾枯人閒桃李花如錦猶自驕稱古大夫

嘲茉莉

牽藤吐蕊儼丁香不識人閒有玉霜博得雲鬟分細蕊賣名終是小南強

嘲蕉

碧縠裁雲颺曉風綠天十丈俯羣蒙饒君萬卷心抽盡不及楊妃一捻紅

嘲梅

學源堂詩集

卷之十七言絕句

七

萬花開盡爾纔開多少詩人雪裏來天上春風應有數幾曾吹到白雲堆

嘲槐

團圓如蓋翠如烟孤立牆隅近百年春色人爭呼覓目何曾望見月華圓

嘲迎春花

一本瑤藤一串金爲迎青帝許招尋不知春到誰家去沐雨梳風伴石林

嘲蓮

鮮衣翠蓋總虛妍歷落湖心水浸天曾傷真人原可

貴獨名君子欲誰憐

嘲新草

拙主挺笏綠叢叢得意王孫散玉驄說向松筠應一笑四時那盡是春風

嘲水仙

澹寒如水浪如仙可有香爭相府蓮蓉弟梅兄空占斷白雲封住冷江邊

嘲香櫟

色奪黃金大準升含香耐可受霜凌喬林最愛人扳援佛手柑來便不與

學源堂詩集

卷之十七言絕句

七

嘲蘭

黃金碧玉總非真況復幽棲不近人可惜暗香剛一步如何吹得到天津

嘲蜀葵

繽紛朱紫爛千章不學傾心向日忙爭道蜀花似蜀錦海棠一樣恨無香

嘲雪

辜負花空六出奇半天搖曳任寒颼謝家女子輕狂甚此作春風柳絮吹

雪解嘲

輕於柳絮白紛紛一任輕狂繡闥云試問蔡州鵝鴨
陣是誰擁護李將軍

德州渡河

轉轉蒼林舟子招盈盈一水不容橋橋鴨啼罷城烏
噪似說江南客路遙

黃河舟中作

驚濤駭浪去無邊一里揚帆數里旋何不泰山移置
此臥看黃水寫之玄

夜度揚州關

湖風海月送孤舟一幅蒲帆夜不畱人到江干車馬

學源堂詩集卷之十七言絕句

十四

駐却從夢裏過揚州

過儀真閨家荒園

繫艇敲門苔徑荒園丁睡起應聲忙自從亂後石梁
斷那復人來問辟疆

瓊花觀

梅閣零園歎劫灰蕃釐古觀剩高臺江都幸後逃樓
起無種瓊花爲底閒

文選樓

六朝煙雨逐江流蘊蘊蕭梁太子樓信道立言堪不
朽歸然魯殿與千秋

述樓遺址

幾樹冬青十丈丘居人指點說述樓夜深水鶴啼空
寺疑是逍遙月底遊

隋堤

有堤有柳有春風可是當年碧霧縈錦纜牙橋何處
泊夕陽猶向晚林紅

玉鈎斜

淮水堤邊噪暮鴉珠襦零落玉鈎斜癡兒不醒揚州
夢鈎弋還思向漢家

廿四橋

學源堂詩集卷之十七言絕句

幸

山光水色碧濛濛月上橋來四望通一曲玉簫風送
遠只愁吹到九華宮

董仲舒故宅

今改鹽運司

天人三策漢名儒遺宅蕪城未盡蕪自置官衙功利
盛靈旂幾度到江都

范文正公祠

功德能先天下憂千年俎豆饗刊溝祠前銀杏高凌
漢不許飛蝗到上頭

文正公請賑淮揚蝗災

騎鶴樓

富貴神仙那可并繁華畢竟說蕪城于今人盡腰纏

去騎鶴將無上玉京

梅花嶺

廣陵城外草離離，獨有高原綠雨滋。
最好江湖連別浦，白寒香想到放梅時。

釣臺

傳說隋煬築此臺，山巔大石自飛來。
須知結綺章華殿，都是天教世主開。

文游臺

臺在文人幾更游，坡公千載迥風流。
夕陽一片芙蓉色，三十六湖總是秋。

學源堂詩集卷之十七言絕句

末

甓社湖廣湖餘項今半涸

天光水色白悠悠，露薄帆檣六月秋。
萬頃明珠湖澄似鏡，菱花一半照眠鷗。

康山園廣陵故姚永言太史別業也康侍郎對

山寓居最久因各今歸新安鹽商

阜可山今山可園關西才子姓名存，平泉木石非無主。
問是文饒幾世孫。

望家信

徙倚寒江鄉思多，蕭蕭木下洞庭波。
帶人無數南征雁，都未經從易水過。

雪中舟望

水氣淩山山氣積，寒林彌望總凝愁。
武林舟子真高興，都說西湖月色柔。

范維恭運副招飲湖上晚歸

晴嵐歷歷水泠泠，十里天然翡翠屏。
爲訪孤山歸棹晚，滿船烟靄一湖星。

湖心亭 祝范觀公遺筆勾畱處三字愴然題壁

勾畱畢竟未勾畱，君與香山一樣愁。
白馬橫江應有恨，故人不忍泣西州。

題湖心亭

學源堂詩集卷之十七言絕句

末

百幅畫圖明鏡上，四時烟雨翠屏開。
游人解道湖光好，船到湖心却望山。

讀范觀公七賢祠壁間十截句敬步其韻人琴

之感情見乎詞

不見當年桃李栽，橋頭延佇首空迴。
閒雲自在孤山上，黃鶴那從碧海來。

西湖日日是澄波，偶爲風來亂影娥。
波上美人何處去，瀟瀟冷雨打霜荷。

留連客眼爲湖山，葉葉輕舸不肯灣。
一讀君詩人便醉，紛紛行到斷橋還。

蔚藍一色水中天
放鶴亭空散客筵
南園甘棠猶勿剪
斷橋誰復採湖蓮

水轉山環路欲遙
爲探芳躋拾青堤
賢人今古誰能限
不分名山七小栖

遊人至止共躊躇
學士風流此一湖
偏是湯陰祠對岸
寒松古栢盡啼烏

不橋東泛六橋西
水自安瀾雲自齊
獨有孤山光景別
遶東鶴去萬峯低

橋如裙帶瘦腰圍
只爲湖荒水氣肥
岸上一聲烟霧起
鷓鴣鷓鴣與雲飛

平源堂詩集卷之十七言絕句
太

山寺荒涼書掩扉
孤山游舫日維磯
林逋故宅梅開後
齊唱陽春白雪歸

眼中湖負意中湖
荷掌招搖冷露珠
誰是功成身退者
一帆風送洞庭鳬

題靈隱寺殿壁

山上有松皆偃蹇
樹間無石不玲瓏
莊嚴佛土非人力
雨散天花龍送風

題岳武穆祠

莫恨黃龍志未伸
麒麟塚勝畫麒麟
翻憐決計東窵者
十二金牌換餓人

雪中過放鶴亭擬登孤山謁七賢祠訪何舍

擬向前賢燕瓣香
雪深磴滑困雙芒
山中聞有張天雨
遙聽琴聲過竹塢

再至湖心亭

遊湖人不肯隆冬
我恰冬遊興更濃
領畧湖山真面目
斷雲殘雪歲寒松

放生池竹枝詞

轉昂有客自矜夸
不信佛家信法家
寶勒雕弓金彈子
放生池上打棲鴉

平源堂詩集卷之十七言絕句
尤

題小像

莫能自狀倩丹青
畢竟丹青寫是形
我有靈根方二寸
時時漫漶與蒼冥

題扇上墨石榴

磊落真如赤水珠
千房一色碧珊瑚
須知嘉樹秋多實
玉潤星懸滿畫圖

題徐立齋總憲小像卷

披襟露頂任從容
倚檻臨流對古松
丘壑置君畫不得
巖廊今正待夔龍

癸亥除夕

春風暖過蠟梅酸白髮猶新歲已錢明日椒盤燕火
醉酬予辛苦住長安

癸亥除夕哭煒兒

年年此夕拜庭除阿七昂昂千里駒光景非殊猶宛
在空留小字向誰呼

記得年時壓歲錢雁行分給不爭先今來一二三俄
五手把青蚨淚點穿

偶感

牢落升沉已自慙那莽白首對何哉於今悟得逢場
戲愛聽人歌快活三

學源堂詩集卷之十七言絕句

辛

苦暑

不衫不履臘冬烘雪嶺冰山徧祝融怪底唐宗勤政
日翠華遙幸九成宮

送湯潛菴學士出撫下江

蕭然襖被儼書生不負君恩此一行計抵姑蘇秋
正老一輪霜月海天清

寄題李晉陽萬柳林

熊郊萬柳說康公今古風流信可同樹裏樓臺秋更
好蟬聲不斷夕陽紅

鵲噪

靈鵲何緣噪瓦溝好音真个破春愁思量無喜堪相
報定是今宵拜醉侯

夏夜坐

樹擁書齋夜更幽清燈深坐寂無愁却憐聽北琅玕
竹一縷風來響似秋

種竹遇雨

爲憐簞籠送清芬闢地一弓位置君不道天公解人
意騎龍忙遣李將軍

種竹移石

拙竿無意釣淇水鞭石何心駕海虹頗愛此君獨滿
學源堂詩集卷之十七言絕句

圭

酒還憐老丈欠玲瓏

題漁家樂圖

逐江不正闌柴扉簑屨茅簷網曬磯杯酌拋綫舫一
枕此翁應是賣魚歸

丁卯除夕

水蔬柏酒愛鄉風畫燭熒熒小院通萬事銷除惟病
在蒼蒼何不受衰翁

戊辰元旦有感

滄溟一望曙光新野服猶然虎拜頻豈是江湖心魏
感恩今日得閒身

中秋臥病

今宵月好萬家歡獨我呻吟臥枕單聞道
出塞龍沙無乃露華寒

十六日登前韻

流光冉冉任悲歡感歎昨宵月影單鴻雁不來霜未
降木樨香老曉風寒

霜降移盆菊

隱逸何妨青女侵西風搖落恐難禁移來好傍梅花
帳競吐寒香澹我心

人日有感

學源堂詩集

卷之十

七言絕句

三

田家七日競占人寒暖陰晴休咎分造化無心誰得
測巧雲現罷現奇雲

春病

老病相尋亦偶然劇愁伏枕艷陽天鶯啼花發無新
句冷落詩編已巳年

生日

滿壺春酒勸何頻道我懸弧是此辰六十七年忝庶
事祇今天地一閒人

閏三月

九十春光枕上過花香鳥語竟如何東皇憐我餘詩

思留著黃鸝弄錦梭

題逸服小像

香案親曾侍玉皇歸山採藥試丹方人閒不識瀛洲
客道是尋仙張子房

人日有感

庚午

去年此日喜晴明無麥無禾旱魃生今日又晴難握
粟願天反覆似人情

正月九日紀異

莫羨春開纔九葉渚溟卓午涌蟾蜍霧臺誰是司天
者莫與重輪一樣書

學源堂詩集

卷之十

七言絕句

三

正月廿九日喜雪

絕無滕六到人間野馬奔騰不見山乍觀玉塵埋錦
石幾章雲漢擬全刪

鵲巢書屋樹

霜禽何事羽翮脩擇木高栖愛寂寥莫爲避風編小
戶銀河待爾作天橋

春塘觀魚

錦鱗碧水樂津津不似春塘樂更新我固非魚子非
我莊生真是箇中人

有歎

簾櫳纔露禁柳青鷄行獻頌舞形庭請公萬卷據其
腹只少東坡喜雨亭

題茶梅畫幅

寒香不怕五更風冷艷偏於雪後紅
畫手並圖應有意緋袍紫綬百年翁

結豆棚

削竹編麻引豆藤花如蝶紫葉翩翩偶來坐臥清陰
滿悔煞從前戀斗升

聾快

生恨喁喁兒女聲忽談忽止總無情何須細訊貽姍

學源堂詩集卷之十七 言絕句

聾

笑只當蒼蠅傷曉鳴

三月十五日上河社會病未往觀

去下爛熳醉蘭舟擬道今春一暢遊咫尺家園空悵

望沁沁莫更羨丹丘

題仇十洲畫猿

將軍有臂不封侯越女相逢劍術優
悟得拳緣無是處花巖倒挂弄清流

贈雲間張陶菴處士

華亭孤雀羨翩翩警露鳴秋六十年山水東南皆利

劫高飛來問帝京篇

故人冠蓋滿神州都爲周穆下榻留
擊筑傾觴燕市裏黃金臺畔不曾遊

題吳門袁重其負母看花圖卷

臥雪門庭水竹叢砌花灼灼拂薰風
九旬阿母呼鳩杖欲看堂前一丈紅

龍鍾老母杖難扶肩駕兒郎當步趨
畫苑祇今添一幅袁閨負母看花圖

學源堂詩集卷之十七 言絕句

主

百鵲聲 有引

粵聞板橋柳色有懷廿載春風人而桃花怨
下數行紅雨別離生死悼歎悲歌情猶繫于
一笑樓頭念詎寒乎三生石上予也命薄如
妾官老非郎遜雅興于香山敢云櫻開樊素
慙風流于瓊海何能舫載朝雲聊樂編衣非
馳翠袖迺歌翻詞苑未學李氏之姬而雪涕
茗園差做党家之婢嗟自容歲恒無病而捧
心痛拉今秋遂含愁以沒齒唯篴飛玉燕怨
彼商飈行非陸銀瓶傷茲白水月冷乎桐陰

學源堂詩集 卷之十七 言絕句

小院香沉于燭影空屏移賈生之哭而哭落
花借宋子之悲以悲埋玉自無賦洛筆難傳
羅襪凌波豈是比紅辭懶寫朱衫放豔松滋
磨泪兔頰抽心腸斷移王兵不待聲杳峽外
血流蜀帝鳥何須月上枝頭百首寧繁一言
可蔽

邊城一夜落霜楓黃耳書來蕙幃空天若有情惱玉
碎寒林都帶杜鵑紅

曾操玉杆鳳城東搗盡玄霜驚信通調得紫簫剛八
拍誰教還閉藥珠宮

依依唱和遍春風繡筆何曾賦惱公不道珠沉秋夜
雨空留想像碧紗中

柔心不解妬花容楊柳櫻桃一色濃愛伴偶然忘鳳
去隔窗猶喚比肩峰

金屋簾開小裏鬆篆烟籠著語喁喁于今依舊爐香
在寂寂瑤篴冷月封

呈巧錦衾吹翡翠闌華角枕刺芙蓉怪卿似有前知
慧說到征衣便懶縫

客懷黯黯對瓊釭豈爲含情愁未降水冷芙蓉無蒂
并秋深蛺蝶不飛雙

學源堂詩集 卷之十七 言絕句

曾共幽軒酌玉缸相憐笑語出眉窓一從軒底無人
到風雨頻驚花下屨

禮佛清齋蓮性降盟心學隱鹿門龐梅檀燼後瑤璃
暗塵滿龕前小繡幢

半落征人返轡遲却教無處寄相思知卿萬斛閒愁
恨都在迷留欲語時

檀槽面面挂朱絲銀甲憑誰度柳枝我欲重翻古樂
府白頭吟是斷腸詞

小苑溶溶月影移因風常聽喚琴姬夜來風到琴臺
上著樹披花總是悲

臨行脉脉泣沾衣頻道今春願盡時
晚淒涼只見舊牀幃

旅館蕭條夢亦稀
夢著淚頻揮愁顏縞帶香肌
渺攜手仙娥入翠微

空歌一曲鳳凰飛
別鶴離鸞調已違
憫殺文園增病渴傷心幾欲碎金徽

半生小草欲歛歛不道今年怪事餘
七月家園花發後霜風未動損紅葉

浪向邊城賦卜居
秋風下里獨愁予
無端彈得腸絃急錦瑟聲離小雁疎

學源堂詩集 卷之十 七言絕句

掃雪烹茶雅事虛
紅牙檀板待何如
大招擬仗文章力只恐傷情是蠹魚

侘傺常憐楚大夫
每將賈誼慰窮塗
從今儼去朝堂室忍把芳名當鬼呼

不著絕交踪已孤
雷陳猶喜締其姝
一朝聞問風流盡也入山陽笛裏無

九月風前挿紫萸
蕭蕭冷雨灑平蕪
如何一滴猿腸血頓使楊林萬樹枯

懊悔征車小似鷺
榆關一望不曾攜
芳魂應繞佳城樹風雨枝枝總向西

英雄漫道氣如霓
事到傷情眼自低
偶對荒山絮未了冷紅泪已成溪

飄飄化蝶草烟齊
黃土一杯掩翠龜
想到封那不痛烘然驚起暮鴉啼

酸風午夜透蕭蕭
渺渺仙踪不可懷
已見山陰桃葉落石軍忍復渡秦淮

秦樓鳳杳有樓階
知爾何將付女儻
悄檢雕奩裝已暗殘香隱隱畫眉睂

爲底慇懃雅興乖
經春未試踏青鞵
那期霜近林巖惡一夜驚飛玉燕釵

學源堂詩集 卷之十 七言絕句

梧桐牆角笑聲低
道是高堂問寢回
看遍翠裙和紫袖畫屏獨少一人來

冷落晶晶玉鏡臺
張郎空說畫眉才
香魂儼肯逐蝴蝶認取紗幮榆葉梅

瀟瀟池塘落葉堆
蛩聲寂寂粉牆隈
簾櫳隙處疑嘲影屬付香鬟莫浪開

形管無能貶所親
羞稱鸞閣舊詞臣
買絲擬作嬌娃像猶恐旁人繡不真

小閣沉沉曉日溼
啾啾何事鳥聲頻
畫檐聽得鸚鵡說不見當時教語人

蛟鮪帳冷三星沒雲母屏空十月春竊藥胡然歸上
界散花或者前身

蕭岑遷客滯河汾鄉夢時時入雁羣豈有風流似坡
老也教一樣哭朝雲

問天不用楚騷文我與蒼翁仔細分世上總無長命
縷單風偏喜役紅裙

自許豪情歌代哭乍聽薤露淚紛紛兩行賓客齊回
首五歲孩兒去拜墳

拚將彩筆賦招魂知道魂歸朝也昏若與西施爲伴
侶料應同在苧蘿村

學源堂詩集卷之十 七言絕句

舊時客路返家園不出蘭房笑到門此日歸來羣婢
在盈盈含泪強開言

歸來點點自焦煩幾欲狂悲聲又吞急索遺囊搜括
看青雲如縷沐香溫

沉眠寂寂惘惘千知怨狂夫戀一官若識蘭摧卽此
日三台只當蜚樓看

龍文寶鼎焚沉檀祝爾英英魂莫殘不必遶東鶴可
化夢姻還擬結槐安

記得當時夢兆蘭珠擎繡褥不勝歡于今健已如黃
犢却倚旁人問煖寒

偶向寒燈學鼓鵲驚聞以問涕淚潸潸雲根到底啼痕
在解作石牀片片斑

聞卿病在淺深閒支枕吁吁戒小鬟詩語主人莫痛
哭他年好認玉簫環

黃姑河鼓會何怪霧鵲橋成子夜還從此翻將牛女
淚一年猶得渡銀灣

香風未散絳幃前零亂黃金舊寶釵刺有夜光歌舞
盡彩雲不化化秋烟

說到臨危劇可憐強呼小媚問秋天青曉還客歸期
近願得如絲一刻延

學源堂詩集卷之十 七言絕句

病裏愁生鬱悶偏愛聽一曲望江天歌兒有語真如
識偏是銀箏斷小絃

樓上何人弄鳳簫愁心一夜轉難消二十四番都堪
奏只有鶯聲吹不調

甕開野圃剔靈苗豈有長林花木妖咄咄園丁何所
詫金風夜剪美人蕉

淩波遙度百花橋環珮幽香雲外飄隨著雙成朝桂
闌姮娥也解盜紅綃

習成絕水控神蛟不怕鯨宮與鱷巢遮得漢家張博
望欲從西海取鸞膠

堪傷埋玉向楓郊辜負鶯啼豈苑梢記得年時春雨
後纖纖搽水護花苞

空有珊瑚枕上郎娉婷何處濯雲髻非同龍女離淪
海柳毅難將大樹敲

幾爲招魂損月毫八叉才豈是詩豪總饒賦洛陳思
筆不及倦囊纔命膏

新塚茸茸對遠阜灰飛白蜨奠香醪短碑無用題家
氏千古班姬只姓曹

記得邊風七月高殷勤爲我寄青袍慘慘不見縫裳
手什襲牀頭雪燕刀

學漁堂詩集卷之一 七言絕句

澄澄蓮沼靜無波人去還疑照影娥慚愧麗詞非李
密畫堂那更雪兒歌

一盞熒熒照玉荷梵經高唄薦湘娥料應未犯幽冥
戒莫是樓頭乞巧多

飄飄漫爾惜裙羅自有慈航渡愛河地下若逢樊素
問定誇一樣嫁詩魔

愛向高樓看晚霞樓前多種幾叢花雲中縹緲如閒
眺應指薔薇是妾家

曾記冰盞浸茗芽坐隨明月弄琵琶近來寂寞青苔
路愁見簾空蒜影斜

落拓年來酒興賒自矜不用買丹砂因傷人面桃花
句一夜西風兩鬢華

生死重逢事可嗟無雙仙客詎還誇憐卿非死茅山
樂空說人間古押衙

病餘醒醉總如狂夢見扶搖謁吳蒼伏倒玉霄揮不
起聲聲只乞返魂香

睡起沉沉對薜牆不知何事可思量小姬生恐增新
痛拉著堦前看海棠

宛轉思來越渺茫竟拋金屋去何方八年縱使恩猶
淺不念牀頭小鳳郎

學漁堂詩集卷之一 七言絕句

不羨人間紫鳳章悠悠竟返白雲鄉仙家誰道無聊
族西母瑤池也姓王

漫言一七可回生苓朮膏殘小藥鎔爲慨神醫無董
奉滿林紅杏挂虛名

年年秋課錦章成雅有迴文壓蕙卿却被天孫收拾
去流黃夜夜鬧鸞鷗

泠泠白露玉堦橫落葉飛花掃不平屬語莫除傍
草爲憐羅襪舊經行

步兵狂下哭鄰州莊子歌含盆鼓情我比二公都不
可悲歌哽咽總無聲

銜悲詎爲惜娉婷歷亂牕前女孝經感悼那堪秋夜裏疎簾冷雨一燈青

百尺天絲垂素綆何能井底起銀瓶自教泉下埋金盃一葉秋雲暗小星

年來諛墓筆殊靈猶少豐碑一片銘不是江郎才思盡幾回和墨泥冷冷

曩日焚芻卜玉靈喜占歸妹玩義經曰歸那識成岐路不向朱樓向紫冥

鷄流橋畔水澄澄照見征人白鬢增垂老更逢腸斷事愁顏不挂有誰能

學源堂詩集 卷之一 七言絕句

深夜無端自寢興寸心時共鳥飛騰含酸怕到東窗望雨打黃英落幾層

戲馬高臺獨懶登蒼涼非但晚雲凝空天萬里橫孤雁也爲呼羣哀不勝

爲添舞袖剪文綾小婢低言小婢磨東院于今除一分春衣少買翠雲綰

一官落落自堪羞不管閨中悔覓侯縱使五湖依舊在他年范蠡是虛舟

莫矜情種是風流情至常教烏白頭頭白鳥聲淒已甚可能喚起斷魂不

少年繫馬上青樓幾爲妖姬淚不收豈似寸腸今日斷方知前是假溫柔

尋常宋玉已悲秋悲到今秋賦更稠暗憶翠圍聽笑語忍從荒隴看松楸

夜窓清冷月華侵寒鳥枝頭語不禁鳥語分明說著我溫香博得夢中尋

非有釵行十二金何來慘淡惜三琴拈毫擬和藤蕪句獨有桃華不可吟

生怪兒童不解事戲拈金彈打文禽人間生死苦難道鴛鴦沒有心

學源堂詩集 卷之一 七言絕句

隔戶悠悠聽暮砧寒衣擣罷散空

嘆忘淪阿姊臥病余

平時知爾禮優甚誰遣黃梁一夢酬佛法前

報他生定使化奇男

偶開寶曆痛何堪痛爾芳齡恰廿三但識割蓮心

苦不曾食蔗到頭甘

估船買得合歡柑栽向瑤盆細細參堪怪有情如草

木一葩已卸蒂猶含

臘梅落蕾落風檐常待佳人素手拈莫是花神封繡

戶近來夜月只垂簾

常夕日沒西崦我自憐卿卿自恬翻徧從前女史
紅顏鶴髮幾人兼

子雙瞳秋水沾虛家不但喜丁添烟樓誰道真難
但定使酬卿胎教鼠

書吳紫燕雙棲慣認得粧臺螺鈿匣春日重過如有
詫翻翻無定語喃喃

羅虬百首語巉巖有恨無情遂可及我比羅虬才更
短卿卿名豈是紅衫

亭懸小像翠珠銜香篆常熏繡鳳衫真作一尊仙子
奉幾時青鳥又臨凡

學源堂詩集 卷之二 七言絕句 七

桂華影落蟾蜍明楓葉霞殘蟋蟀響月到林梢鳥競
飛恍如人在虛亭上

願天放却卿魂來旋到旋行旋與語四至其喧我非
癡賺得魂來不教去

且悲且泣歌枝頭宛有百鵲集啼痕化作芙蓉
城生得香輿輦卿入

學源堂文集十八卷 直隸總督
採進本

國朝郭棻撰棻字快圃清苑人順治壬辰進士官至
翰林院侍讀學士其文頗為華贍惟醇應之作太
多未免失於刪汰棻曾修畿輔志及保定府志今
集內所載星野沿革等說皆志中之文蓋用鄂州
小集載新安志序之例也



ZW 21101000574648